

一五·一六四四 佛說梵網經直解一〇卷(四至一〇)

姚秦三藏法師鳩摩羅什奉詔譯  
明廣陵傅戒後學沙門寂光直解

(勞四—勞十)

卷四(勞四) . . . . . 一 卷五(勞五) . . . . . 三九

卷六(勞六) . . . . . 七六 卷七(勞七) . . . . . 一〇三

卷八(勞八) . . . . . 一二七 卷九(勞九) . . . . . 一五三

卷一〇(勞十) . . . . . 一八七 跋並頌(勞十) . . . . . 二二二

一五·一六四五 毘尼止持會集二〇卷(一至二〇)

清金陵寶華山弘律沙門讀體集

(謙一—謙十、謹一—謹十)

第 159 册

此土著述(究)

序(謙一) . . . . . 二一六 卷一(謙一) . . . . . 二二三

卷二(謙二) . . . . . 二四一 卷三(謙三) . . . . . 二七〇

卷四(謙四) . . . . . 二九六 卷五(謙五) . . . . . 三一五

卷六(謙六) . . . . . 三三六 卷七(謙七) . . . . . 三六四

卷八(謙八) . . . . . 三九四 卷九(謙九) . . . . . 四一四

卷一〇(謙十) . . . . . 四三三 卷一一(謙一) . . . . . 四五三

卷一二(謹二) . . . . . 四七四 卷一三(謹三) . . . . . 四九三

卷一四(謹四) . . . . . 五一一 卷一五(謹五) . . . . . 五三〇

卷一六(謹六) . . . . . 五四七 卷一七(謹七) . . . . . 五六三

卷一八(謹八) ..... 五八九 卷一九(謹九) ..... 六一三  
 卷二〇(謹十) ..... 六四〇

一五·二六四六 曇無德部四分律刪補隨機羯磨二〇卷(一至四)

唐京兆崇義寺沙門道宣撰集 清金陵華山後學 比丘讀體續釋 ..... 六六七

(勅一—勅四)

敘(勅一) ..... 六六八 凡例(勅一) ..... 六七〇  
 卷一(勅一) ..... 六八一 卷二(勅二) ..... 六八四  
 卷三(勅三) ..... 七〇六 卷四(勅四) ..... 七三四



清刻龍藏佛說法變相圖

佛說梵網經直解卷第四

勞四

姚秦三藏法師鳩摩羅什奉

詔譯

明廣陵傅戒後學沙門寂光

直解

菩薩心地品之上

○四達心位

若佛子達照者忍順一切實性性性無縛無解無礙法達義達辭達教化達三世因果衆生根行如如不合不散無實用無用無名用用用一切空空空照達空名為通達一切法空空空如如相不可得

此釋達心迴向義也別經名為至一切處迴向謂以大願力入諸佛土供養一切佛故若佛子達照者標定忍順一切實性至教化達一節正明達照體用中道觀智迴向之義達即通達照即明照謂通達事理

照了無礙二義合言故云達照此即能證之智忍順一切實性者此即所證之理忍即忍可忍證也順即隨順無違也以是忍證法界之理順隨法界之性故能了達一切諸法之性皆即法界真實之性故云忍順一切實性性無縛無解三句承上既觀一切法性皆法界性即此一切法性之性本自如如本來無縛本來無解無縛即無生死無解即無涅槃經云一切衆生皆即涅槃本來自滅不復更滅以是情與無情一體無差本來清淨故云性性無縛無解無礙法達等者申明達照之義上明觀照諸法體性無差此明觀照諸法相用不異無礙二字貫下法達義達辭達教化達四種無礙智也法達者即法無礙智謂得

此智即能通達世出世間一切諸法名字差別分別演說無滯礙故義達者即義無礙智謂得此智即能了知一切諸法差別名字義趣妙理隨順宣揚無滯礙故辭達者即辭無礙智謂得此智能於諸法名字義理隨順一切衆生種種根性殊方異語為其演說能令衆生各各得解辨說通達一切法性無滯礙故教化達者即樂說無礙智謂得此智即能隨順一切衆生種種根性所樂聞法而為說之通達圓融無滯礙故三世等者詳釋上義言三世因果者即釋上法達義謂此佛子於諸法中了達過現未來善惡之因即感過現未來苦樂之果是以三世因果相續無窮一一了故衆生根行者釋上辭達教化達二義謂諸



衆生根行有貪嗔癡等業繫苦衆生有戒  
定慧等解脫樂衆生而諸衆生有利根鈍  
根者有非鈍非利者有善性惡性者有非  
善非惡者種種根性種子差別而起種種  
現行差別菩薩觀根逗教一一通達方便  
說故如如不合不散此三句者總釋上三  
種義謂卽了達三世因果衆生根行世出  
世間生滅塗淨一切諸法皆如如相本無  
三世因果本無衆生根行本來平等不合  
不散無生無滅不合卽無生也不散卽無  
滅也故名如如不合不散無實用等者展  
轉釋明無合無散之義謂旣了達無合無  
散卽一切法當體本空何有實用是故無  
實用也無用無名用用一切空者蓋謂  
實以名顯名得其用其名其用依實而立

既無實體則無實用既無實用則無有名  
名實二用皆是假立各無自性各無自相  
一切皆空本自如如何有其名何有其用  
所以用用一切空也空空照達空者謂以  
所照諸法既無實體無有實名則此能照  
觀智亦無照無達也名為通達一切法空  
者以是空空照達空故是故名為通達一  
切法空經云若人通達無我法者如來說  
名真是菩薩此也空空如如相不可得此  
二句者總結無相照達迴向之義空空卽  
法界理如如卽法界智以是如理如智之  
道離諸名字言說心緣等相故云空空如  
如相不可得  
○五直心位  
若佛子直者直照取緣神我入無生智無明

神我空空空中空理心在在無而不壞  
道種子無漏中道一觀而教化一切十方衆  
生轉一切衆生皆薩婆若空直直性直行於  
空三界生者結縛而不受

此釋直心迴向義也別經名無盡功德藏  
迴向菩薩恒以常住大法授與前人故若  
佛子直者標定直照至無漏中道一觀一  
節正明直心體用中道觀智迴向之義所  
言直者謂正直照物而無私曲之義菩薩  
證入中道法界理智而起觀照直照諸法  
自他體性一切平等無委曲相是為直者  
之直照也取緣神我入無生智此二句者  
釋上直照之義取緣神我即第六識分別  
之我以能取能緣故名取緣六識名神我  
者以二乘人不知有七八識依六根門頭

六識三毒建立染淨根本所以名此六識  
為神我也以阿賴耶人所難測故耳言入  
無生智者謂此十向菩薩以法界智觀察  
無明煩惱體性本空將登地時已離分別  
我法二執故云入無生智無明神我空者  
即第七識身俱生所執自內之我身此緣無明  
熏習所起微細難知至七地後方捨諸外  
道執此第八藏識謂之自性冥諦二十五  
諦以此藏識為冥初諦故此識非諸凡夫  
所知亦非二乘智慧所覺謂依菩薩從初  
正信發心觀察若證法身得少分知乃至  
菩薩地盡不能盡知唯佛窮了是以二賢  
菩薩起真觀解深觀藏識緣起雖未頓破  
無明亦了緣起體空故云無明神我空空  
中空者此釋無明體本空義謂此般若真

空實相體中即無明空相尚不可得寧有無明相耶故云空中空也空空理心等者此釋照體不空之義謂上無明之空即空有也空中之空即空無也是空猶被有無可壞而此空空理心在有時不滯有不被有壞在無時不沉無不被無壞故云在有在無而不壞道種子道種子者乃即菩提道性金剛種子以此中道體性為成佛真種子常無變故無漏中道一觀至結縛而不受一節申明直心體用之功結顯中道觀智之益所言不壞道種子者謂以無漏中道平等一觀即以一觀圓照所以在有轉有在無轉無而能教化一切十方執有執無衆生離有無相皆轉一切衆生俱入薩婆若海平等大空無餘涅槃正直之道

所以不被物壞而能壞物人不能轉而能轉人是菩薩皆以直性直行自成成人入薩婆若也於空等者釋直性直行義菩薩示現受生往來三界應緣而來應緣而去皆以直性而行直行不與法縛不求法脫不厭生死不受涅槃無所罣礙猶若虛空所謂不如三界見於三界故云於空三界生者結縛而不受也

○六不退心位

若佛子不退心者不入一切凡夫地不起新長養諸見亦復不起集因相似我人入三界業亦行空而不住退解脫於第一中道一合行故不行退本際無二故而不念退空生觀智如如相續乘乘心入不二常空生心一道一淨為不退一道一照

此釋不退心迴向義也別經名入一切平

勞四

六

等善根迴向謂行無漏善善而不二故若佛子不退心者標定不入一切凡夫地至亦行空一節正明不退心體用中道觀智迴向之義不退心者謂不入一切凡夫地故一切凡夫總舉三界衆生菩薩照破三界見思煩惱等惑將隣聖地故此不入既以不入一切凡夫地故則不起新長養外道諸見不但不起長養亦復不起集因所謂因窮而果喪也雖然示生三界實非業繫似有我人而三界業亦行空矣此上總明不退向下別明不退其義有三一位不退二行不退三念不退不住退解脫者即別明位不退不住之義謂此菩薩實位不同聲聞之位住著解脫涅槃故云不住

解脫問何名不退答此菩薩於第一義諦

中道理中一合行故得位不退也不行退

者即別明行不退之義謂菩薩行不同四

諦還滅之行有住有退此達根本菩提真

如實際智理一如無二之行故得行不退

勞四

七

也而不念退者即別明念不退之義謂此

菩薩之念不同念空無相無作有念無念

分別取捨此以空生觀智照了諸法皆如

如相是故無念而念念而無念以無念境

是名念不退也相續乘乘心入不二此二

句者承上謂乃不但行念不退且亦不住

以能相續乘乘心入不二言相續乘乘者

謂以行念不退毫無間斷故云相續乘乘

言心入不二者謂境智如如故常空生心

者釋上相續乘乘我空之義一道一淨等

者釋上心入不二法空之義一道即中觀  
一淨即空觀是以空而不空能為不退一  
道一照也一道即中觀一照即假觀是以  
二邊不住中道不立直趨無餘不二大涅  
槃果海所謂應無所住而生其心如是在  
持如是行門如是念心是名佛子不退心  
回向之義也

○七大乘心位

若佛子獨大乘心者解解一空故一切行心  
名一乘乘一空智智乘行乘乘智心心任載  
任用任載任一切衆生度三界河結縛河生  
滅河行者坐乘任用載用智乘趣入佛海故  
一切衆生未得空智任用不名為大乘但名  
乘得度苦海

此釋獨大乘心迴向之義也別經名等隨

順一切衆生迴向謂觀一切善惡無二相  
故若佛子等二句標定解解一空故至智  
乘行乘一節正明獨大乘心體用中道觀  
智迴向之義所云獨大乘心者謂獨大無  
外也大即當體立名就義為稱乘乃運載  
為功廣博為義揀非勞四聲聞辟支佛乘亦非  
住行位乘乃迴向終心中道大乘也解解  
一空等者正釋獨大乘心之義上解即是  
能解法界之廣大智下解乃即所解法界  
廣大之理以智契理二俱平等了無能所  
故云解解一空故一切行心名一乘者謂  
即以此法界理智而起法界行心是故一  
切之行即法界行一切之心即法界心故  
云一切行心名一乘也乘一空智等者此  
釋智行雙運之義謂乘一乘之空智故而

顯乘一乘之空理也以一乘空理故而起  
一乘空行緣一乘空行故而運一乘空理  
若非乘一乘之空智斷然不能破衆生堅  
固之迷非乘一乘之空行則亦不能成衆  
生真實之德是故智起惑亡行興道成以  
是智行雙乘廣化衆生到涅槃城無諸難  
事如鳥二翼一舉萬里亦如目足相資直  
抵中堂故云乘一空智智乘行乘也乘智  
心心至趨入佛海故一節申明獨大乘義  
乘智心心任載任用此二句者承上緣乘  
勞四  
大乘空智故能堪可心心大乘任載任用  
而任意運爲也云任載者謂任一切衆生  
度三界河并結縛河生滅河也一切衆生  
總舉凡聖權小而言言度三界河者度即  
度脫三界即欲界色界無色界河者漂流

沒溺之義以諸凡夫沒溺愛河不得出離  
今令乘此大乘得出三界不致沒溺故也  
結縛河者此度外道見使執縛以諸外道  
有種種邪見執縛是故不得出離生死苦  
海今令乘此大乘得解脫故生滅河者此  
度二乘生滅知見以二乘人生滅知見未  
亡而使乘此大乘超變易生死故上明任  
載之義向下明任用義其任用者謂此行  
者坐乘大乘任用任意縱橫自在無礙以  
是能載能用皆以一空智乘而趨入佛海  
故佛海即妙覺果海也一切衆生等者結  
顯獨大乘心之義揀別小乘不得至此何  
者謂以一切衆生未得一空智乘任載任  
用不得名爲大乘但名爲乘得度苦海安  
住化城自善而已所以菩薩不與權小人

同故名獨大乘心也

○八無相心位

若佛子無相心者妄想解脫般若波羅蜜無二一切結業三世法如如一諦而行於無生空自知得成佛一切佛是我等師一切賢聖是我同學皆同無生空故名無相心

此釋無相心迴向之義也別經名真如相迴向謂心得自在等三世佛常照有無故若佛子等二句標定妄想解脫至如如一諦一節此正明無相心體用中道觀智迴向之義無相心者謂無妄想及與解脫分別之心妄想是生死法解脫是涅槃法生死即此岸道涅槃即彼岸道以諸凡夫妄想恒居生死此岸二乘已得解脫住着涅槃彼岸菩薩以般若大智慧照了生死及

與涅槃於此無相般若波羅蜜中實無二法故云照般若波羅蜜無二既了妄想解脫無二法故則一切結業法二世因果等法皆即如如一諦無二理也而行於無生空至皆同無生空故一節此申明無相心觀照迴向之義謂上既了妄想解脫皆如如一諦是以不住生死此岸亦即不住涅槃彼岸以不住故而能常行於無生空以行無生空故自知決定信得當來成佛亦知一切諸佛是已成佛道者是我等本源師一切三賢十聖是未成佛道者是我等同學友何以故皆同無生空故所云皆同無生空者謂諸一切賢聖所修以修此無生空一切諸佛所證以證此無生空故云皆同無生空故所以結顯名為無相心也

佛藏經云釋迦如來因地從過去遠劫時而以四事供養無量無邊一切諸佛及佛弟子無空過者而此諸佛皆不記我汝於來世當得作佛何以故以我有所得故乃至最後供養普明如來方始與我授記汝於來世當得作佛號釋迦牟尼何以故以我無所得故無所得者即常行於無生空無生空者即無相心也

○九慧心位

若佛子如如慧者無量法界無集無受生生煩惱而不縛一切法門一切賢所行道一切聖所觀法所有亦如是一切佛教化方便法我皆集在心中外道一切論邪定功用幻化魔說佛說皆分別入二諦處非一非二非有陰界入是慧光明光明照性入一切法

此釋慧心迴向之義也別經名無縛無着解脫相迴向謂以般若照三世諸法是一合相故若佛子等二句標定無量法界至所有亦如是一節正明如如慧心體用中道觀智迴向之義所言如如慧者即真如之理慧謂此菩薩將親見真如之道真如相現前其智慧心中明了十界依正等法互攝圓融自在無礙所謂真得所如十方無礙所以得此如如慧者能於無量十法界中現身益物雖現身益物而無集因亦無受果無有生死無有煩惱如空谷以答響實無身心受彼生死故云無量法界無集無受生也生生煩惱而不縛者此二句義謂不止六凡法所不能縛即四聖界一切修證法門皆亦無着無縛言一切法門



者乃即一切三賢所修行菩提道一切十  
 聖所觀證真如法謂此所有賢聖法門悉  
 皆如是不着不縛故云所有亦如是也一  
 切佛教化方便法至非有陰界入一節申  
 明如如慧心觀照之義既凡所有一切法  
 門無着無縛故即能於一切諸佛教化開  
 導方便法門菩薩亦皆集在如如慧心之  
 中融通無礙豈但諸佛法門融通無二即  
 入外道一切辯論一切邪定功用一切種  
 種幻化若魔說若佛說若魔見若佛見我  
 能融通如如慧心歷歷明明皆以分別入  
 二諦處二諦即真諦俗諦也於此二諦究  
 竟無惑非一非二云何非一謂魔說非佛  
 說佛說非魔說魔說者邪見也佛說者正  
 見也故非一也云何非二魔說實非魔說

佛說實非佛說是故魔說佛說實無二法  
 魔見佛見實無二體故非二也非有陰界  
 等者謂魔與佛既是非二何有陰界入耶  
 所以觀五陰非五陰觀十八界非十八界  
 觀十二入非十二入故也是慧光明三句  
 結成如如慧心體用觀智迴向之義承上  
 問既是諸法一切皆非是何境界答乃即  
 如如智慧光明即此光明照法界性入一  
 切法於本法界無二別故如是智慧如是  
 觀照是名佛子如如慧心之迴向也

○十不壞心位

若佛子不壞心者入聖地智近解脫位得道  
 正門明菩提心伏忍順空八魔不壞眾聖摩  
 頂諸佛勸發入摩頂三昧放身光光照十方  
 佛土入佛威神出沒自在動大千界與平等

地心無二無別而非中觀知道以三昧力故  
光中見佛無量國土現為說法爾時即得頂  
三昧證虛空平等地總持法門聖行滿足心  
心行空空空慧中道無相照故一切相滅得  
金剛三昧門入一切行門入虛空平等地如  
佛華經中廣說

此釋不壞心迴向之義也別經名入法界  
無量回向謂覺一切法中道無相故若佛  
子等二句標定入聖地智至下而非中觀  
知道一節此正明不壞心體用觀智迴向  
之義所言不壞心者其義有六故得不壞  
入聖地智近解脫位得道正門明菩提心  
伏忍順空八魔不壞有此六義故名不壞  
心也言入聖地智者謂住行向之三十心  
名賢地上菩薩名聖今茲十向終心所得

智慧即登初地智慧故云入聖地智近解  
脫位者近者隣也三賢至此相隣初地將  
解脫分別二障故云近解脫位得道正門  
者道即諸佛達道此道不偏不邪曰正門  
者通也以初歡喜菩薩得正修行門路若  
到此門一超直入如來覺地所謂歡喜菩  
薩覺通如來盡佛境界今即十向終心將  
登初地故云得道正門明菩提心者明即  
了明菩提心者華言覺道亦云道心具大  
道心以成衆生明了此心故云明菩提心  
智度論云菩提心有五種一者十信菩薩  
名為發菩提心謂此菩薩於無量生死中  
為求阿耨多羅三藐三菩提故而乃發此  
大心故名發菩提心二者住行向諸菩薩  
名為伏菩提心謂此菩薩折諸煩惱降伏

其心行諸波羅蜜行利益衆生故名伏菩  
提心三者初地至七地諸菩薩名為明菩  
提心謂此菩薩觀三世法總相別相分別  
籌量得見諸法本末實相清淨明了與般  
若波羅蜜相應故名明菩提心四者八地  
九地十地三位菩薩名出到菩提心謂此  
菩薩於般若波羅蜜中得方便力亦不着  
於般若波羅蜜故能滅一切煩惱障故得  
見一切十方諸佛體性真得無生法忍出  
離三界到薩婆若海故名出到菩提心五  
者等妙二地菩薩名為證無上菩提心謂  
此菩薩坐於道場斷諸煩惱成就阿耨多  
羅三藐三菩提故是名證無上菩提心此  
五種中之第三也謂此十向終心將登聖  
地明真見道究竟明了故曰明菩提心伏

忍順空者忍有五忍三賢菩薩名伏忍位  
初地二地三地名信忍位四地五地六地  
名順忍位七地八地九地名無生忍十地  
等妙名寂滅忍此三賢位行滿居伏忍道  
極頂將登聖地一切異相無明現行不起  
亦能隨順於無生空故云伏忍順空八魔  
不壞者八魔一色魔二受魔三想魔四行  
魔五識魔六煩惱魔七死魔八天魔也五  
陰魔者亦名五蘊魔陰為蓋覆蘊猶積聚  
以集五蘊生滅使修行人不能超脫名五  
陰魔煩惱魔者即三界中見思煩惱一切  
妄惑若修行人為此妄惑惱亂心神不能  
成就阿耨菩提名煩惱魔言死魔者即身  
四大分散天喪殞沒若修行人為此天喪  
不能續延慧命名為死魔言天魔者乃即

欲界第六他化自在天魔若修行人勤修  
勝善欲超三界生死而此天魔爲作障礙  
發起種種擾亂之事令修行人不能成就  
世出世善樂因樂果故名天魔天魔一種  
是爲外魔前七種是內魔梵語魔羅華言  
奪命又云殺者謂奪智慧之命而殺世出  
世間一切善根故云魔也言不壞者緣是  
菩薩入聖地智近解脫位得道正門明菩  
提心伏忍順空達妄想即真如了無明即  
佛性是故八魔不能壞也以是魔無能壞  
故感眾聖摩頂安慰其心諸佛勸發增進  
其行華嚴十迴向品中云十方諸佛各以  
右手摩金剛幢菩薩之頂加被爲說法主  
即此摩頂之義是故得入摩頂三昧即放  
身光而此身光光照十方國土即能入佛

勞四

十六

威神形儀如佛於十方國土中若出若沒  
或隱或顯自在無礙以是神變一時震動  
大千世界即與虛空平等地心無二無別  
而非中觀知道者謂此菩薩雖然如是神  
變而尚非歡喜地實證第一義諦中觀智  
道現百佛身百佛世界一一徧知無礙者  
也以三昧力至入虛空平等地一節申明  
加被之義承上所云既非初地中觀知道  
是何力也謂此菩薩雖非中觀知道而以  
諸佛三昧定水加被力故亦能於自身光  
中得見十方諸佛在無量國土中現爲眾  
生說諸妙法以是見佛得聞法故爾時即  
得證入頂三昧而能實證虛空平等初歡  
喜地總持門也總持門者謂總一切法持  
無量義瓔珞經云地名持即持一切百萬

勞四

十七

阿僧祇功德智慧故所以證此地者一切  
 如來聖行功德悉皆圓滿具足以是聖行  
 悉滿足故而心心行空也言心心行空者  
 即住行向之三心心心分別我法二執  
 之行至此悉空故云心心行空空空慧中  
 道者空空是即所證人空法空三空之理  
 慧者即是能證二空之智以是如理如智  
 不即不離不一不二名空空慧中道所謂  
 二諦融通三昧印也無相照故等者釋空  
 空慧中道之義謂以無相中道之智而照  
 無相中道之理無理不顯無相不滅是故  
 一切異生性障等相滅盡無餘所謂虛空  
 平等之地性德真如之理圓滿成就含攝  
 周徧其量無外十界差別之相了不可得  
 所以無相照故而一切相滅也以是障礙

滅故即得金剛三昧正受法門一時現前  
 繇現前故能入十地一切行門一時具足  
 是名證入虛空平等地也此是略說如佛  
 華經廣說其義

○四釋十地義 三初總標問詞 二別解  
 文義 三結讚法門

○初總標問詞

盧舍那佛言千佛諦聽汝先問地者有何義  
 此能說報佛召告當機化佛誠聽牒前問  
 詞解說十地菩薩理智觀行修證次第之  
 法義也

○一別解文義 十初體性平等地 二初明  
 斷證義 二正釋其義

○初明斷證義

華嚴疏云十地菩薩斷十種障證十真如

勞四

十八

真如體性實無差別乃隨勝德假立十種  
 雖初地中已達一切而所證如猶未圓滿  
 令圓滿故後後建立又初地中雖離分別  
 我法二執但能遠離六識粗惑猶有七識  
 微細俱生我法二執尚未空盡第六分別  
 二執自初信發心時修生空觀至七信位  
 已斷分別我執而隨入法空觀歷三賢位  
 至初地時分別法執亦即斷矣第七俱生  
 二執自初地位恒住雙空觀中至第七地  
 後心方捨藏識乃至八地初心即得無功  
 用行是則俱生我執現行永伏俱生法執  
 間起至等覺後心位金剛喻定現在前時  
 一剎那間生相無明異熟種子方始斷盡  
 而無餘也其云十地斷十種障證十真如  
 者何如初地斷一種異生性障此障乃從

凡夫分別我執現行所起故名異生性障  
 並斷二種愚執一執着我法愚二惡趣雜  
 染愚謂此三法能障初地斷此愚障方登  
 初地此地菩薩自從賢位初證理性始獲  
 法味證二空理今二空觀現前便能永斷  
 愚障既斷能益自他生大歡喜名歡喜地  
 其所證者名曰徧行真如以能徧行染淨  
 法故菩薩位寄轉輪聖王廣修慈悲等法  
 而化導眾生故華嚴經云歡喜菩薩於十  
 波羅蜜中檀波羅蜜最勝餘非不修但能  
 隨力隨分下九度義做此

○二正釋其義

若佛子菩提薩埵入平等慧體性地真實法  
 化一切行華光滿足四天果乘用任化無方  
 理化神通十力十號十八不共法住佛淨土

無量大願辯才無畏一切論一切行我皆得入

若佛子者標名菩提薩埵顯德入平等地舉德位也每一地有三心初加行心以勇悍力奮迅不怯深證真如而趣入故中無間心以猛利行承事諸佛十方化導無間歇故後解脫心以無住行圓滿菩提歸無所得而解脫故自若佛子三句標名德位以明勝進心義菩提薩埵華言覺有情言有覺可求有生可度故入平等慧體性地者入即證入平等即法身理謂即證入真如平等不增不減法身理故此是心佛眾生三無差別之理慧乃佛慧謂即證入諸佛平等之慧以故凡所作為其慧平等故云入平等慧體性地別經名歡喜地菩薩

智同佛智理齊佛理徹見大道盡佛境界而得法喜登於初地故名爲歡喜地真實法化等者標所證之法也真者無妄實者不虛法謂教法化謂攝化言即轉此所證真實平等大法開化衆生而轉衆生成正覺故一切行華光滿足者行即六度四攝一切萬行華即因華光即智光菩薩至此一切皆得悉滿足故四天果乘用者四天即須彌山四洲謂歡喜地菩薩多作轉輪聖王掌護正法能大惠施周給孤露以法化世能令一切恒修善行諸所作業皆不離於念佛念法念僧統領閻浮提王七寶具足一日一夜游四天下故云四天果乘用任化無方者任意教化但隨機感無有方所故云任化無方理化神通者如理而

等四

二十

化是何等人說何等法皆與實相不相違背以神通力折伏驕慢使令信受所謂應折伏者而折伏之應攝受者而攝受之或慈或威咸令衆生離苦得樂故云理化神通十力等者謂不但得四天果德以行教化而且更得如來十種智力十種聖號十八不共等法恒常住佛淨土以能隨類現化淨土有四合爲三土此地菩薩乃住第二受用土中之他受用土也菩薩住此淨土廣發無邊弘誓大願以四無礙辯才說諸法門而無怖畏怖畏總有五種別有無量一切皆無故云無畏一切論者即是四明五明一切諸論一切行者即十地等妙諸大菩薩一切之聖行也我皆得入者此句總結上文如是種種法門此地菩薩無

不通達故云我皆得入

生出佛家坐佛性地一切障礙凡夫因果畢竟不受大樂歡喜從一佛土入無量佛土從一切入無量劫不可說法爲可說法反照見一切法逆順見一切法常入二諦而在第一義中以一智知十地次第第一一事示衆生而常心中道以一智知一切佛土殊品及佛所說法而身心不變以一智知十二因緣十惡種性而常住善道以一切智見有無二相以一智知入十禪支行三十七道而現一切色身六道以一切智知十方色色分分了起入受色報而心心無縛

此釋住無間心之義謂上緣得聖智入聖位證聖理成聖行是故生出佛家坐佛性地也言生出佛家者謂在佛家而生出也



如摩耶夫人凡有諸佛出世則為其母羅  
睺羅則為子故云生出佛家坐佛性地者  
謂此菩薩所證真如境界與諸佛同平等  
無差所謂諸佛法身入我性我性同共如  
來合如世尊降生時一手指天一手指地  
目顧四方周行七步曰天上天下唯吾獨  
尊世出世間此法最勝故云坐佛性地一  
切障礙凡夫因果畢竟不受此三句者正  
明斷障之義既云生出佛家坐佛性地是  
則一切異生性障凡夫有漏因果俱已解  
脫故云畢竟不受大樂歡喜者既永離一  
切障礙即得出世間心未會有法是故大  
樂歡喜所謂分別二障極喜無也從一佛  
土入無量佛土者此明身土圓融無礙之  
義菩薩既已離障得樂故能現百佛身百

佛之土乃至百千億佛身百千億佛土於  
是一處出生十方齊現是以身不礙土土  
不礙身塵塵混入剎剎圓融故從一劫入  
無量劫者此明時劫圓融無礙之義謂既  
能現身現土是故能以短時而為長時長  
時復為短時如世尊一坐之中過六十小  
劫復以六十小劫如彈指頃乃至於一剎  
那際三時轉大法輪者是也不可說法為  
可說法者此明說法圓融無礙之義以是  
真如之法本無言說本無名相但隨眾生  
機宜巧設方便而於無名相法以名相說  
無語言法以語言說故反照見一切法者  
謂此菩薩證佛平等大慧以反照見從凡  
夫時反妄皈真以始覺智而滅一切染法  
生一切淨法故逆順見一切法者即以平

卷四

三

等佛慧見本源自性清淨心因無明不覺一念妄動逆真如理順無明流而滅一切淨法生一切染法故常入二諦而在第一義中者謂雖常照真諦而不沉空照俗而不帶有二諦圓融了無二相而恒在第一義中不即不離故以一智至心心無縛一節廣明住無間心智體照用之義既上入剎入劫說法智照而恒在第一義中即以第一義諦中道理智而起六種妙智發明世出世間至善開示衆生令入佛地永離苦趣故六種妙智者何一者以此一智能入初地了知十地中次第斷障證真事雖然位僅初地而十地中智理業已圓該故能以十地法門指示衆生而常心中道也二者以此一智了知一切諸佛國土殊

品染淨不一及知一切諸佛爲諸染淨國土衆生說諸染淨法門即如娑婆世界佛爲娑婆衆生說極樂世界佛爲極樂衆生說雖一一了知而身心未曾變動故三者以一智了知無明老死十二因緣生滅始終亦知一切衆生三業六根十惡種性差別現行而常住於善道四者以一切智了見外道執常之有相執斷之無相雖分內外而於真如性體本無差別皆與實相不相違背同一法性不見有無二相故五者以此一智知入四禪天十禪支之觀行及權小助菩提三十七品之道法而現一切色身隨類現形入於六道使未種善根者令種已種善根者令其增長皆使入禪修道故六者以一切智了知十方世界依報

正報內色外色分分幻化了滅生起入受色報緣起差別開示衆生而心心之際了無着縛故

光光照一切是故無生信忍空慧常現在前從一地二地乃至佛界其中間一切法門一時而行故略出平等地功德海藏行願如海一滴毛頭許事

此結當地功德以明解脫心也光光照一切者如是六種智光其光普照一切世出世間所有染淨諸法當體皆如如相是故勞四無生信忍無生空慧常現在前以是常在前故而得解脫繇解脫故從此一地二地乃至十地入佛境界於其中間一切聖行法門一時而能盡行故略出等者顯上所說未能盡言蓋此平等地功德其海藏行

願如海甚深無量無邊難可具說此所言者如大海之一滴毛頭許事至極至微故云略出耳

○二體性善慧地二初明斷證義 二正

解文義

○初明斷證義

此地菩薩斷一種邪行障此障即所知障中俱生一分法執誤犯三業所起故名之也並斷二種愚執一者微細誤犯愚二者種種業趣愚此之三法能障二地斷此愚障方登二地菩薩今得增上尸羅波羅蜜多性戒具足遠離誤犯愚障既斷故名離垢地以所證真如名最勝真如此真如性具無邊德於一切法最爲殊勝故菩薩位寄切利天王假修十善等法化導衆生於

十波羅蜜中尸羅波羅蜜最勝

○二正解文義

若佛子菩提薩埵善慧體性地清淨明達一切善根所謂慈悲喜捨慧一切功德本從觀入大空慧方便道智中見諸衆生無非苦諦皆有識心三惡道刀杖一切苦惱緣中生識名爲苦諦三苦相者如者如身初覺從刀杖身色陰二緣中生覺爲行苦緣次意地覺緣身覺所緣得刀杖及身瘡腫等法故覺苦苦緣重故苦苦次受行覺二心緣向身色陰壞瘡中生苦覺故名爲壞苦緣是以三覺次第生三心故爲苦苦苦

若佛子三句標顯名德位以明加行心之義善慧體性地者善者能也慧者明也謂此菩薩善修清淨法身平等大慧名善慧

地別經名離垢地因中持戒梵行清白體離垢染名離垢地清淨明達即善慧離垢義正明所證所得體用清淨即所證法身理明達即能證菩提智一切善根乃智用也所謂等下出善根也何等善根所謂慈悲喜捨慧也慈者與衆生樂悲者能拔其苦喜者慶悅自他捨者自他解脫慧者鑒機說法一切功德本者如是五觀一切諸佛菩薩六度四攝三身四智無量恒沙稱性功德皆以四無量心慧五觀法門而爲根本故云一切功德本也從觀入大空慧者申明慈等五觀之義大空慧者是佛所證甚深無相大空般若智體圓照法界心佛衆生三無差別無苦無樂無生無滅一切衆生迷而不覺是故菩薩興慈運悲拔

苦與樂從此觀入大空慧體依體所起方便道智用中觀見三界二十五有四生六道十二類生迷本大空慧體認妄緣心起識分別造貪嗔癡殺盜婬等輕重善惡業輪墮在六道輪迴三有此等衆生未出三界火宅六道俱苦故云無非苦諦推其苦諦因緣皆由六識造業六識受報故云皆有識心六道之中三善且置就三惡道而言地獄餓鬼畜生舉受刀杖二境以例一切極苦逼惱緣中生識以識未空故名苦

苦四

三七

諦其苦無量總三苦攝行苦苦壞苦如是三苦相者互爲因緣由過去業感現五蘊有漏色身五陰遷流四相不停名爲行苦更加六塵苦境觸心苦受相應難堪難忍是名苦苦一期壽終四大將散難割難

捨是名壞苦三苦展轉無有間斷非大智慧人不能了知此三苦相虛妄不實初發明行苦相如者指定之詞謂如身根初覺云何初覺從外刀杖境緣內具有情身根色陰於是根境二緣相觸其中觸令生覺此覺未別苦樂只有隨念而無計度但名爲行苦緣所以前五識心爲第六明了門第六識心爲前五分別依前五識若不炤境第六即無所緣第六若不續念前五唯是現量八識俱得解脫是故前五根塵識三總爲行苦緣也次意地覺者此明苦苦緣義謂第六識覺前五識所緣五塵影子一剎那間流入意地送入第八含藏頓起現行復緣前五身覺所緣得刀杖境加身及身受刀杖瘡腫等法故復覺其苦苦緣

苦中又苦故云重故苦苦次受行覺二心者此明壞苦緣義行覺二心一覺身受刀杖行苦覺心二覺刀杖加身之瘡腫等法苦苦覺心此又緣向身瘡色陰將欲壞時從壞瘡中生苦覺故是名為壞苦緣是以三覺次第生三心故為苦苦苦三覺三心一行苦覺生苦覺心二苦苦覺生覺瘡腫覺心三壞苦覺即生壞苦心三心心皆苦故為苦苦若有靈根衆生了知三覺三苦妄身妄心如幻如化即不起惑造業當下永絕輪迴雖諸苦故而即轉成自覺覺他覺行圓滿即與諸佛菩薩無二無別上之三苦以明菩薩觀智悲心下之三苦乃明菩薩現身益物之義

一切有心衆生見是三苦起無量苦惱因緣

故我於是中入教化道三昧現一切色身於六道中十種辯才說諸法門謂苦識苦緣刀杖緣具苦識行身瘡腫發壞內外觸中或具不具具二緣中生識識作識受觸識名為苦識行二緣故心心緣色心觸觸惱受煩毒時為苦苦心緣識初在根覺緣名為苦覺心作心受觸識覺觸未受煩毒時是名行苦逼逐生覺如斲石火於身心念念生滅身散壞轉變化識入壞緣緣集散心苦心惱受念後緣染着心心不捨是為壞苦三界一切苦諦

此釋住無間心以顯悲心觀行益物之義一切有心衆生即指四生六道十二類生揀非無情所謂但有心者皆當作佛此等衆生皆緣不能了達此苦幻妄非實見是三苦反起無量苦惱因緣造諸惡業以致

勞四

業八

勞四

業八

生生死死死生生如旋火輪無有休息  
故此菩薩於諸衆生無量苦惱緣中與慈  
運悲起同事攝入教化道三昧示現一切  
色身於六道中以十種妙辯才說諸苦集  
滅道四諦法門先示以苦諦相欲令一切  
衆生始知是苦厭苦求樂斷集修道証滅  
諦也何等爲苦諦相耶謂苦識苦緣乃至  
瘡腫發壞等相也苦識即前五識爲第六  
受苦門戶故云苦識苦緣即內五根身緣  
以身爲衆苦本故云苦緣刀杖緣者即外  
境緣以境有牽心業用故云刀杖緣具字  
貫上貫下貫上苦識根境貫下瘡腫發壞  
等言具苦識行者即行苦緣身瘡腫者即  
苦苦緣發壞二字即壞苦緣此總明三苦  
相此三苦相必具內外觸中內即根識外

即境識內外衆緣和合觸中而成此苦故  
云內外觸中所謂眼識九緣生耳識唯從  
八鼻舌身三七後三五三四若加等無間  
從頭各增一以有爲法仗因托緣缺則不  
生即是此義是故或衆緣具而成此苦衆  
緣不具則此不成初明具二緣中生識雖  
緣即根境二此二和中前生五識此識雖  
生性非恒一有間斷故不造不受此苦唯  
是第六識造業還是六識受報故云識作  
識受向下展轉辨明造與不造問何故前  
五不造答前五觸識觸令而生故云觸識  
此識無籌度心只名爲苦識行祇具根境  
二緣故不造不受也與上行苦緣照應心  
心緣色等者由六識心此心緣上色陰瘡  
腫等法緣一觸一心觸心惱此已深受煩

勞四

三十一

毒時二苦交煎故爲苦苦與上重故苦苦  
照應心緣識者此釋造受緣起謂六識心  
緣五識心初在五根覺緣刀杖加身一念  
未起分別故只名爲苦識由六識心不了  
目前虛幻妄境反被境風鼓蕩起心取着  
造作業苦心自領受故云心作心受言觸  
識覺觸者此言前五觸識唯覺觸境未曾  
深受煩苦毒時不造不受是只名爲行苦  
一種故云觸識覺觸逼逐生覺者此以法  
喻合明釋上心作心受言造業者爲第六  
心緣前五識緣現逆順影子一剎那間流  
入意地逼逐生覺心受煩毒譬如斷石中  
火旋斷旋出於身心中遷流不停念念生  
滅故云逼逐生覺已上明前五不造惟第  
六也身散壞者謂命盡時四大各離身色

散壞轉變遷化故令阿賴耶識隨業牽引  
入於壞緣所謂因緣和合虛妄有生因緣  
別離虛妄名滅生從順習死從變流臨命  
終時未捨煖觸心苦心惱惟受最後一念  
染緣深染深着心心念念不能捨離是爲  
壞苦與上壞苦緣照應如此三苦爲衆苦  
本三界衆生俱未解脫故云三界一切苦  
諦此說苦諦法門向下明集道滅三諦法  
門也

復觀無明集無量心作一切業相續相連集  
因集因名爲集諦正見解脫空空智道心心  
名以智道道諦盡有果報盡有因清淨一照  
體性妙智寂滅一諦慧品具足名根一切慧  
性起空入觀是初善根

此推苦諦之因令其知苦斷集修道證滅



離苦得樂之義言復觀者返推其因言此等苦從何而有謂依無明幻妄所起故有此苦其無明者即不明也以是真如不守自性一念妄動生起三細不了前境增長六麤故曰無明因有無明遂集無量種種妄想攀緣之心造作一切諸惡業緣招引苦果相續相連過去之因感現在果現在之因招未來果如是集因集因以集三界因果名為集諦言正見解脫者此說道諦法門也謂上既知諸苦緣依無明集諦招感所生必破無明斷集諦因方得解脫欲斷集因須修道品即以正知正見識得自己本元心地看破妄身妄心遠離邪念了達緣生空幻不起惑不造業則不感果而得解脫故云正見解脫解脫則空以是空

空妙智修諸道品念念心心入於智道是名以修智道名為道諦盡有果報等者此說滅諦法門也承上緣修道諦方能盡有果報盡有因也因果不忘為有以欲色界及無色界見思等惑流轉三界不能出離一切諸苦故名為有而以正知正見修行勞四聖道不起貪瞋癡慢疑不起身邊諸邪見是以三界二十五有見惑思惑塵沙等惑苦果苦因悉皆空寂以空寂故清淨一照體性妙智體本清淨性離諸垢以此妙智照達一切因果皆空證空空寂滅之理名為寂滅一諦以上四諦文竟下文總結悲觀以顯慧為根本之義慧品具足名根者謂即大空慧品具足慈悲喜捨六度四攝無量功德方便行門皆依大空慧品為其

根本故云慧品具足名根一切慧性起空入觀者此二句義謂上既即慈悲喜捨一切慧性皆依大空慧中起空入觀現身六道爲諸苦惱衆生說示四諦法門使諸衆生知苦斷集修道證滅是名初善根也

第二觀捨一切貪着行一切平等空捨無緣而觀諸法空際一相我觀一切十方地土皆吾昔身所用故土四大海水是吾故水一切劫火是吾昔身故所用火一切風輪是吾故所用氣我今入此地中法身滿足捨吾故身勞四畢竟不受四大分段不淨故身是爲捨品具足三三

此釋捨觀法門也蓋我爲汝所說四諦法門是我昔日知迷而捨故得解脫寂滅可證是故今以勸汝而亦隨修證也言所捨

者是何物耶是捨無始已來爲凡夫時妄想所起一切種種貪愛執著諸惡行法以昔有貪愛故爲說修行解脫法門以貪愛與解脫俱屬對待不平等故今已一切捨去則一切法悉皆平等以平等故能捨所捨二緣性空故云捨無緣也緣是而觀染淨諸法空際一相平等理中無相可得所以我觀一切十方地土皆吾昔身所用故土四大海水是吾昔身所用故水一切劫火是吾昔身所用故火一切風輪是吾昔身所用故氣我今入此離垢地中法身滿足捨吾故身也言法身滿足者即此離垢地位所證最勝真如法性之身三德圓滿三身具足故云法身滿足捨吾故身等者即此位中所斷邪行障也以斷障證真故

所以畢竟不受四大分段不淨雜染故身  
故云捨吾故身以不受故是為捨品具足  
此是第二觀捨善根義也

第三次觀於所化一切衆生與人天樂十地  
樂離十惡畏樂得妙華三昧樂乃至佛樂如  
是觀者慈品具足

此釋慈觀之義第三次觀等者蓋謂諸佛  
菩薩說法利生必隨機宜而與之樂故次  
觀於所化一切衆生種種根性如求人天  
樂者則與三皈勢四五戒十善三善令其得生人天

道果受勝妙樂如求菩薩乘者則與六度  
四攝法等令其得證十地之樂離十惡畏  
樂者往昔以造三業不淨必墮三塗怖畏  
之中反此十惡令修十善得生人大受十  
善樂故云離十惡畏樂得妙華三昧樂者

發菩薩心修菩薩道萬行因華三昧正定  
乘此智定證十地果故得妙華三昧之樂  
乃至令得佛果無餘涅槃究竟之樂如是  
觀者是為慈品具足已上五段經文迭明  
住無間心觀行之義向下一節總結以顯  
解脫心義

菩薩爾時住是地中無癡無貪無瞋入平等  
一諦智一切行本遊佛一切世界現化無量  
法身如一切衆生天華品說

菩薩當爾之時住是第二地中慧品具足  
故無癡相捨品具足故無貪相慈悲喜品  
具足故無瞋相以無貪瞋癡故所以證入  
平等大空慧品一諦聖智是以平等一諦  
理智為一切萬行根本以是智行雙運而  
能游佛一切世界承事諸佛亦能現化無

量法身攝受衆生也此處文義於大部中

如一切衆生天華品廣說詳明

○三體性光明地 二初明斷證義 二正

釋文義

○初明斷證義

此地菩薩斷一種闇鈍障此即所知障中  
俱生法執一分闇鈍所起以聞思修總持  
妙慧令不現前故名之也並斷二種愚執  
一者欲貪愚二者隨羅尼愚此之三法能  
障三地斷此愚障方登三地今此菩薩以  
聞持隨羅尼三慧現前便能永斷愚障既  
斷故名發光地所證真如名勝流真如謂  
此真如令所流教法極為最勝故菩薩寄  
位夜摩天王假修十善等法化導衆生於  
十波羅蜜中忍波羅蜜最勝

○二正釋文義

若佛子菩提薩埵光明體性地以三昧解了  
智知三世一切佛法門十二法品名味句重  
誦記別直語偈不請說律戒譬喻佛界昔事  
方正未會有談說是法體性名一切義別是  
名味句中說一切有為法分分受生初入識  
胎四大增長色心名六住於根中起實覺未  
別苦樂名觸識又覺苦樂識名三受連連覺  
着受無窮以欲我見戒取善惡有識初名生  
識終名死是十品現在苦因緣果觀是行相  
中道我久已離故無自體性

若佛子三句標顯名德位以明加行心之  
義光明體性地者謂此菩薩成就勝定大  
法總持能發無邊智慧光明故云體性光  
明地別經名發光地謂以因中修習一切

卷四

三六

法界忍行之力果地開發大智慧光故名  
為發光地以三昧解了智至分分受生一  
節正明光明體性地以顯所證所得體用  
觀照之義言以三昧解了智者三昧即那  
伽定之別名也謂從此勝定發起大智慧  
光能解了知三世十方一切諸佛化導法  
門此地菩薩一一通達故名解了智也十  
二法品等者釋上一切佛法門義十二數  
也法軌則也品類從也名即名身味即文  
身句即句身謂佛所說一切諸佛權實法  
門總三藏十二部半滿法品必有文以載  
義繇義以成文文義相成而為經典其中  
名字義味音韻言句是中若事若理若因  
若果若權若實若顯若密以此十二部經  
盡其義也何名十二一曰重梵語祇夜華

言應頌亦名重頌以是長行文義不盡欲  
被後來之機重宣義故二曰誦即修多羅  
華言契經上契諸佛之理下契衆生之機  
只有長行而無其偈如彌陀經心經等是  
三曰記別梵語和伽羅華言授記如來授  
記諸大菩薩聲聞弟子來世作佛劫國莊  
嚴等是四曰直語偈梵語伽陀華言諷誦  
亦名孤起不應長行直說偈句如金光明  
空品等是五曰不請說梵語優陀那華言  
自說無有人問如來以他心智觀衆生機  
而自宣說如佛頂經說五陰魔又彌陀經  
俱不待請自告弟子而說者是六曰律戒  
律戒多屬因緣梵語尼陀羅華言因緣如  
經中有人問故說是事如律中有持犯得  
失之事并制戒緣起事凡是如來所說一

切根本緣起善惡因緣果報等是七口譬  
喻托言訓曉爲譬以淺况深爲喻如來爲  
鈍根者所設所謂諸有智者要以譬喻而  
得開解者是八曰佛界梵語闍羅伽華言  
本生謂如來說諸佛菩薩本因地中受生  
之事亦說自己本因地中受生之事如涅槃  
云比丘當知我於過去作獐作鹿作熊  
乃至作金輪王等是九曰昔事梵語伊帝  
目多加華言本事如來說諸菩薩弟子因  
地爲求菩提道法所行苦行之事謂如採  
菓汲水拾薪設食布髮掩泥身爲牀座爇  
燈求偈割肉捨身乃至爲金輪王捨頭千  
顆等是十曰方正梵語毘佛略華言大方  
廣大即體大方即相大廣即用大謂諸如  
來所說大乘方等經典其意猶如虛空廣

博包含無所不攝十一曰未曾有梵語阿  
浮達磨華言未曾有亦名希有謂佛初生  
之時目顧四方周行七步足跡所踏皆有  
蓮華放大光明徧照十方而發是言我是  
度一切生老病死苦者大地震動天雨衆  
華樹出音聲作天鼓樂如是希有之事凡  
昔未聞見者皆名希有十二曰談說梵語  
優波提舍華言論議謂諸經中凡有問答  
辯論諸法義者皆名論議如法華經智積  
菩薩乃與文殊師利論說妙法等是已上  
廣明十二部經名相向下總出十二部經  
之義是法等者釋承上義謂是十二法品  
體性等同一味實無差別因衆生心有無  
量心是以法門亦有無量所謂我無一切  
心何用一切法因有一切心故有一切法

因有一切法故立一切名因有一切名故立一切義因立一切義發明一切法故云是法體性名一切義別也是名味句等者謂是十二法品名味句中差別無非發明一切衆生迷理成事迷智成識一切生滅有爲諸法分分受生捨生之義欲令衆生知真本有識妄元無也初入識胎等者釋明分分受生義所言分分受生者謂初入識胎時乃是受生托質之始即行緣識分義此緣過去煩惱之感覆於本心不了法

勞四

无

長色心者即識緣名色分義名即是心以心但有其名無形質故色即形質即內外色地水火風四大和合漸漸增長而成身形一七名疑滑二七名脆三七名爲軟肉四七名堅肉五七名爲形位生諸根形手足故名四大增長色心名六住者即名色緣六入分義謂從名色已後至六七日名髮毛爪齒位至七七日名爲具根形位謂以六根開張有入六塵之用乃妄心依止處故名六住於根中起實覺未別苦樂名觸識者即六入緣觸分義此即出胎已後乃至三四歲時六根對於六塵雖起覺知而未能別苦樂故名實覺因根境識三法和合相觸生覺故名觸識又覺苦樂識名三受者即觸緣受分義謂從五六歲至十

二三歲時因六塵境觸對六根即能領受如對苦境時即覺是苦是名苦受對樂境時即知是樂名為樂受如苦樂不對時即覺不苦不樂是名平平之受雖云了別六塵粗境然未能起貪滯之心只名為受故曰又覺苦樂識名三受也此上五支是現在果連連覺著受無窮者即受緣愛分義謂從十四五歲至十八九歲時連連起心貪著媿欲等境故云連連覺著受無窮以欲我見戒取者即愛緣取分義謂從二十歲後繇有諸欲助發愛性種種取捨執我執人深生貪取及信邪師而起邪見持邪見戒望取生天其中所該五鈍五利十使煩惱故名以欲我見戒取善惡有者即取緣有分義謂因六識馳求諸境起造善惡

引滿二業積集三有之因牽引阿賴耶識又受當生三有果報故名善惡有也此愛取有三支是現在因識初名生者即有緣生分義謂既現在所造善惡業因必受來世善惡業果故使賴耶隨善惡業六道受生此識最先投胎故云識初名生識終名死者即生緣老死分義謂從來世受生已後五蘊身相續已還壞一期壽命盡矣此識最後而捨故云識終名死此生死二法雖曰來世之果乃約現在之因而言實談三世生滅去來受生捨生之義所謂去後來先作主公也是十品現在苦因緣果者此句總結上文謂以無明與行是過去二支因繇過去因感現在果今只所言現在因果不言過去二因者何以果該因佛欲

勞四

四十一

勞四

四十一



現前諸人即識現前苦果苦因無使再造有漏苦因永滅當來苦果故也觀是行相中道我已久離者謂一切衆生雖有生滅去來不知如來藏中求於去來迷悟生死實不可得所以菩薩智慧觀察已證入法界中道理中無有生死無有去來故云我已久離無自體性

入光明神通總持辯才心心行空而十方佛土中現劫化轉化百劫千劫國土中養神通禮敬佛前諮受法言復現六道身一音中說無量法品而衆生各自分分得聞心所欲之法苦空無常無我一諦之音國土不同身心別化

此釋住無間心也所言現在十品苦因緣果我已久離故者今得證入光明體性地

中具足遊戲神通陀羅尼總持門無礙辯才大智慧門雖得如是境界而心心行空是以能於十方佛國土中現身現劫現化展轉變化促住則百劫住延則千劫住於國土中長養神通禮敬佛前諮受法言復能現六道身假同事法攝化衆生以一音中說無量法門品而隨衆生各自分分得聞心所欲法苦空無常無我一諦之音所謂圓音一演異類等解此也其苦等者此即身受心法四念處行苦者衆苦也即觀受是苦義衆生顛倒以苦爲樂故令衆生觀受是苦得寂滅樂也空者即觀身是空義謂內身外身皆攬父母不淨精血集聚四大而成其身從頭至足悉皆不淨衆生顛倒執之爲淨心生貪着故令衆生觀身

勞四

望三

是空證清淨法身也無常者即觀心無常  
 義心即第六識心謂此心性流動念念生  
 滅皆悉無常衆生顛倒計以為心故令衆  
 生觀心無常證常住真心也無我者即觀  
 法無我義謂一切法若善若惡衆生顛倒  
 妄認一切諸法有我故令衆生觀法無我  
 證無生我也故云苦空無常無我一諦之  
 音者謂苦空等雖云四法實從一諦音中  
 演出惟此一諦無二無三因衆生國土依  
 正不同故此菩薩示現身心亦隨機差別  
 而攝化之故云身心別化所謂佛身充滿  
 於法界普現一切羣生前隨緣赴感靡不  
 周而恒處此菩提座正合此意  
 是妙華光明地中畧開一毛頭許如法品解  
 觀法門千三昧品說

此總結當地功德說不能盡以明解脫心  
 也是妙華等者謂是妙華光明地中所有  
 功德行願如海藏等不可言說此中但畧  
 開一二如毛頭許相似若廣說者於大部  
 內如法品中解觀法門千三昧品二文所  
 說

勞四

聖

佛說梵網經直解卷第四

事義

二十五諦 一真性二智大三我心四五唯  
 大即地水火風空也六五知根即眼耳鼻  
 舌身也七五作業根即手足口大遺小遺  
 也八心平等根即意根也九 **三淨土** 一常  
 神我主諦合有二十五法 寂光  
 土亦名法性土此即法身如來所依理土  
 通為諸土體故△二實報莊嚴土此即報  
 身如來所受用土有二一者自受用土即  
 以所修自利行滿從初成佛盡未來際變  
 為純淨佛土眾寶莊嚴者是二者他受用  
 土即是所修化他行滿乃隨十地菩薩所  
 宜居處或大或小或勝或劣變成淨土者  
 是△三變化土亦名凡聖同居土即是應

身如來變化之上謂佛以不思議神力隨諸衆生善惡之業變現淨穢之土方便設化五怖畏一不活畏謂初學菩薩雖行不能過活而生怖畏此即登地菩薩因深果勝於所受用不假營為自然周足但為利益衆生而布施故無不活畏△二惡名畏初學菩薩雖欲與諸衆生同事而攝化之然入諸酒肆等恒懼謗不能安行自如而生怖畏登地菩薩為度有情以大悲心隨類受生饒益一切處天宮不為樂入地獄不為苦煙房酒肆去住無礙故無惡名畏△三怖死畏初學菩薩雖欲用廣大心內外俱施然有時以財施而於身命顧惜不能自捨而生怖畏登地菩薩成就法身慧命了無生死壽夭延萬劫不為長促一念不為短但為度脫有情隨機示現長短壽命之相心無罣礙故無怖死畏△四惡道畏初學菩薩懼生惡道於不善法分別對治令其不生常生怖畏登地菩薩或修禪觀之行或起利生之心雖有思惟離諸散亂隨願度生平等無礙故無惡道畏△五大衆威德畏初學菩薩或於王庭裁判之處或於善詳法義人前申宗敵論唯恐有失而生怖畏登地菩薩具足一切悲智雙運或現神通或說妙法或入禪定或行苦行所作業行一切真實百萬四明人天縱任無礙故無大衆威德畏

**五明論** 一聲明聲即聲教明即明了謂世間文章算數建立之法皆悉明了

通達故二因明因即萬法生起之因謂世間種種言論及圖畫印璽地水火風萬法之因皆悉明了通達故三鑿方明即鑿治之方法也謂世間種種病患或癩癩毒四大不調鬼神咒咀寒熱諸病皆悉曉了其因通達對治故四工巧明即工業巧即巧妙謂世間文詞讚咏乃至營造城邑農田商賈種種音樂卜算天文地理一切工業巧妙皆悉明了通達故五內明內即佛法內教也謂以持戒治破戒禪定治散亂智慧治愚痴乃至種種染淨邪正生死涅槃對治之法皆悉明了通達故言四明者除內二十五有地獄餓鬼畜生為八有並欲界四王初利夜摩兜率化樂他化六天為十四加色界四禪為十八及摩醯首羅大梵王天與無想天並五那含天為二十一合無色界四空天共成二十五有

**見惑** 分別曰見謂意識對法塵非理籌度起諸邪見如外道計斷計常乃至有無等見名見惑惑者迷惑也謂諸衆生於一切法不了自性本空妄生執著惑於正道流轉生死也此見惑開為八十八使以五利五鈍十惑成於三界中以三四諦攝三苦下具有十惑成於三十三集三滅下除身見邊見戒取各具餘七惑成四十二合前八惑成二十四合前九十六又於上二界四諦下各除八十八也

**思惑** 眼耳鼻舌身此八塵止有八十八也

意六根對於色聲香味觸法六塵貪愛染  
 著迷而不覺是名思惑依法數中唯取五  
 鈍使中貪嗔痴慢四惑於三界九地中唯貪  
 界一於此九地全有上二界八地除瞋唯貪  
 痴慢於此九地全有上二界八地除瞋唯貪  
 品九成八十一地分九塵沙惑即四  
 十二品無明分劑頭數又以理事論理惑  
 即見思能障真諦之理故事成即塵沙能  
 障化導覆俗真諦之理故事成即塵沙能  
 節之法故

佛說梵網經直解卷第五

勞五

姚秦三藏法師鳩摩羅什奉

詔譯

明廣陵傳戒後學沙門寂光

直解

菩薩心地品之上

○四體性爾燄地二初明斷證義二正

釋文義

○初明斷證義

此地菩薩斷一種微細煩惱現行障此即所知障中俱生一分微細無明之惑現起故名之也又斷二種愚執一者等至愛愚二者法愛愚斷此愚障方登燄慧地謂此菩薩初入證智善修三十七品菩提分法能起燄慧智火燒一切根本煩惱及隨煩惱之薪便能永斷愚障既斷智火最勝故名燄慧地所證真如名無攝受真如謂此

真如無我執等所依取故菩薩位寄兜率天王假修三乘等法化導衆生於十波羅蜜中精進波羅蜜最勝

○二止釋文義

若佛子菩提薩埵體性地中爾真燄俗不斷不常即生即住即滅一世一時一有種異異現異故因緣中道非一非二非善非惡非凡非佛故佛界凡界一是名為世諦其智道觀無一無二玄道定品所謂說佛心行初覺定因信覺思覺靜覺上覺念覺慧覺觀覺猗覺樂覺捨覺是品品方便道心心入定果若佛子三句標顯名德位以明加行心義菩薩因中修習無邊菩提分法大精進力故果地中雙照平等名體性爾燄地別經名燄慧地謂為燄自在故爾真燄俗等者

正明爾燄地中體用觀照法門謂此地中  
燄慧增勝為燄自在故能率爾照真了真  
照俗了俗照真了真故不斷照俗了俗故  
不常所謂般若無相二諦常然以其不斷  
不常故即生即住即滅以即生即住即滅  
故一世一時一有也一世者三相平等故  
一時者劫量平等故一有者諸法平等故  
種異異現異故者謂真性平等元無差別  
所以有差別者蓋即能熏種子之異種子  
既異則所熏起現行亦異故也然種異現  
異但隨因緣和合而有因緣別離而無而  
本真如自性不屬因緣有無變易是因緣  
不遷不變之體名為中道以是中道非一  
非二云何非一真如不變隨緣故非一也  
云何非二隨緣不變真如故非二也瓔珞

經云二諦常爾故非一聖智照空故非二  
既真諦俗諦非一非二即善惡凡聖等果  
一切皆非故佛界凡界一一皆名為世諦  
何故佛界亦名為世諦謂對俗言真對惡  
言善對凡言聖俱屬對待故耳其智道觀  
無一無二者菩薩以智道觀之非一非二  
千臂經云菩薩如是觀照寂滅中道第一  
義諦之理本來無一無二是也上明智慧  
照用相義下明定品寂滅相義玄道定品  
所謂說佛心行者既云無一無二云何又  
有菩提道法賢聖差別蓋以玄妙道法一  
切定品無非說佛因地心行佛心行者即  
菩提妙心中所起智行此乃三世諸佛一  
切菩薩本因地中發起始覺悟本妙覺最  
初入道一步下手工夫初覺本定為因一

切凡夫俱迷此定無智慧覺諸佛菩薩今  
悟此定始覺有本故名初覺定因緣初一  
覺覺得自性本定實與三世諸佛等無差  
別一信永信永無退轉故次之曰信覺信  
者論云於實德能深忍樂欲心淨為性對  
治不信樂善為業如水清珠能清濁水所  
以信乃入道根本是故十覺支中信覺為  
第一雖然所信本定若不思惟修行終成  
空信故次之曰思覺思者即令心造作為  
性於善品等役心為業謂取境正因等相  
驅役自心令造諸善然雖善思若無定力  
所持恐屬亂思故次之以靜覺靜即定也  
於所觀境專注不散為性智依為業然此  
定力印持以靜覺中若無精進之力恐墮  
無記故次之以上覺上覺者即精勤心於

善惡品修斷事中勇悍為性對治懈怠滿  
善為業然精勤不懈更當念茲在茲而不  
忘失故次之以念覺念者於曾習境令心  
明記為性定依為業然雖念心不忘必加  
慧心照境分明不惑故次之以慧覺慧者  
於所觀境揀擇為性斷疑為業然雖慧心  
了境無惑屬粗必須更加微細觀察故次  
之以觀覺觀者照察於所觀境諦審為性  
入理為業緣觀覺入理而身心輕安故次  
之以猗覺猗者即輕安也於所觀境遠離  
粗重調暢身心堪任為性對治昏沉轉依  
為業又曰離重名輕調暢名安以是輕安  
調適能令身心悅樂故次之以樂覺樂者  
即悅喜也以所證理不生顛倒為性正智  
如如為業以是悅樂不倒而得解脫故次

之以捨覺捨者即行蘊中捨謂精進等諸  
根令心平等正直無功用住為性對治掉  
舉靜住為業此十覺支合言七覺合者以  
念覺合思覺以觀覺合慧覺以猗覺合靜  
覺此雖品品不同皆助修道法中前方便  
道能令行人心心念念證入定果也

是人住定中皎皎見法行空若起念定入生  
心定生愛順道法化生名法樂忍住忍證忍  
寂滅忍故諸佛於入光光華三昧中現無量  
佛以手摩頂一音說法百千起發而不出定  
住定味樂定著定貪定一劫千劫中住定見  
佛蓮華坐說百法門是人供養聽法一劫住  
定時諸佛光中摩頂發起定品出相進相去  
向相故不沒不退不墮不住頂三昧法上樂  
忍永盡無餘

卷五

五

此廣明證入定果之義是人住定中者是  
人即當位人此人因修道品得住定中繇  
住定故即從定中發起智慧光皎皎照  
見諸法行相蕩然一空所謂無礙清淨慧  
皆依禪定生也若起念定入生心者謂若  
起念之時無非從定入中發生一念清淨  
慧照之心故云定入生心定生愛順者繇  
定發生慧照心故得覺法樂自在三昧於  
是定中貪愛逸順故云定生愛順道法化  
生等者謂修菩提道法故名道法化生於  
此道法忍可於心樂可於身故名法樂忍  
菩薩於此忍中安住不動深證不轉以是  
定愛及與法愛二愛難除此地雖證寂滅  
而于八地等無生寂滅二忍未獲是故諸  
佛大悲心念無緣慈力於入光光三昧中



現無量佛各以右手摩頂安慰而加被之  
一音說法百千方便勸發而是菩薩亦不  
出定何故以住定味定樂定着定貪定故  
也初住名住住已有滋名味定得味安然  
名樂定執樂為實名著定著而固守名貪  
定於是乎根利者住定一劫障深者千劫  
中住定即定為行定中發光光中見佛在  
寶蓮華上坐為諸衆生說心地等百法明  
門是菩薩人與諸供養聽受妙法信念長  
遠一劫住定廣修福慧日深日厚得與諸  
佛心相體性入出無難時感諸佛復於光  
光華三昧中以手摩頂二番加勸方始發  
起利生定品於光光華三昧者以二光破  
二障以福花滅罪花以三昧安心摩頂安  
身於是身心安隱爾時菩薩受摩頂職得

大解脫即時發起定品現身益物故有出  
相進相去向相也出即起定進即入定去  
即應現向即方所謂東方入定西方起  
南方入定北方起童子身中入正定童女  
身中從定起乃至眼入耳出等是也故於  
此定知出而不沒知進而不退知去而不  
墮知向而不住所以不住頂三昧即法上  
樂忍亦復不住如是定愛及與法愛二障  
俱離故曰永盡無餘

即入一切佛土中修行無量功德品行行皆

勞五

光明入善權方便教化一切衆生六能使得見

佛體性常樂我淨

此釋住無間心義也承上繇不住定愛即  
能現身入一切佛國土中承事十方諸佛  
勇猛精進更加修行無量無邊一切功德

法品行行皆大光明行光明者即智行雙  
運也以不住法愛故即入種種善根方便  
教化一切衆生能使一切得見諸佛體性  
不止得見而已亦令證此如來真常真樂  
真我真淨之四德也

是人生住是地中行化法門漸漸深妙勞五空華

觀智入體性中道一切法門品滿足猶如金

剛上日月道品已明斯義

此結當地功德智慧不可思議以明解脫  
心之義也是人生住等者言此菩薩既生

是地亦住是中於此地中所證度生一切

行化法門從此而去漸漸深妙難可測量

菩薩所證空華觀智入諸佛體性中道一

合而行所以一切諸佛法門品皆得圓滿

具足也此處畧說大部內喻如金剛上日

月道品中已更廣明斯義

○五體性慧照地 二初明斷證義 二正

釋文義

○初明斷證義

此地斷一種下乘涅槃障此即所知障中

俱生一分厭生死苦趣涅槃樂依彼所起

故名之也並斷二種愚執一純作意背生

死愚二純作意向涅槃惡此之二法能障

五地斷此愚障方登難勝地菩薩今修菩

提分法二智圓通真俗無礙能合難合無

差別道便能永斷愚障既斷故名難勝地

所證真如名類無差別真如謂此真如於

生死及涅槃其類平等無差別故菩薩位

寄化樂天王假修三乘等法化導衆生於

十波羅蜜中禪波羅蜜最勝

○二正釋文義

若佛子菩提薩埵慧照體性地法有十種力  
生品起一切功德行以一慧方便知善惡二  
業別行處力品善作惡作業智力品一切欲  
求願六道生生果欲力品六道性分別不同  
性力品一切善惡根一一不同根力品邪定  
正定不定是名定力品一切因果乘是因乘  
是果至果處乘因道是道力品五眼知一切  
法見一切受生故天眼力品百劫事一一知  
宿世力品於一切生煩惱滅一切受無明滅  
解脫力品是十力品智知自修因果亦知一  
切衆生因果分別

若佛子三句標顯名德位以明加行心之  
義慧照體性地者謂此菩薩因中修習不  
可言說深禪大定之力故果地中乃得諸

勞五

八

諦相應之慧圓照法界故云慧照體性地  
別經名難勝地是以二諦難合合此難合  
令其相應故名難勝地法有十種力生品  
者乃明所證之法謂此地中所證真如大  
法有十種力生品能起一切衆生世出世

間無量功德行品皆以一慧方便所起上  
明所證十力之體向下釋明十力之用一  
知善惡二業別行處力品者謂此智力善  
能了知一切衆生作善作惡因緣果報差  
別處也所言差別處者謂作善業不得善  
報反招惡報及作惡業不得惡報反招善  
報問何修善者反招惡報答即如印經造  
像齋僧建會是修善也其中非是真實建  
立三寶乃是假公濟私誣因昧果故修善  
得不善報也所謂天堂未就地獄先成即

勞五

九

此云何作惡反招善報如除惡人惡獸破壞外道和合乃至殺一闍提是作惡也其中非是實為惱害衆生乃是殺一救多除害與善正是菩薩大悲所為如此作惡是故無惡報也所謂慈心殺人越多生者即

此如是差別行處一一為衆生說故云別行處力品也二知善作惡作業智力品者謂此智力能了知一切衆生三世所作善惡諸業諸受因果或受長壽報時而為短壽或受短壽報時而為長壽或富而貧或貧而富何也此業果報總在積因損因積德損德以轉變之所謂因德延壽損德而促壽也又般若云是人先世所造惡業餘業未盡命終應墮惡道以今持經功德先世罪業即為消滅不但不墮惡道當得菩

提此乃出世法力廣大因故所以不可不修世出世善因也如是定與不定一一為衆生說故云業智力品三知一切衆生欲求願六道生生果欲力品者謂此智力能了知一切衆生心中所欲所求所願一切欲者即樂欲也謂或常欲供養三寶天地君王父母師長親近善友常報恩德或常欲念財色名食睡等一切求者即乞求也謂或樂求好師好友或求名聞利養或求功名富貴乃至求生好子孫等一切願者即願要也謂或願生西方成佛度生或願生天人乃至願生地獄餓鬼畜生是名一切願求願六道生生果如是差別一一為衆生說故云欲力品也四知六道性分別不同性力品者謂此智力善能了知一

切衆生性分不同或利或鈍得果大小上中下別一生二生三四五生當得菩提如是一一爲衆生說故云性力品也五知一切善惡根一一不同根力品者謂此智力能善了知一切衆生根界差別云何差別第五謂善種子起善現行不善種子即起不善現行此善惡根有輕有重輕者易受教化重者難受教化易受化者如善來諸比丘袈裟着身鬚髮自落等也難受化者如城東老母等如是根界差別一一爲衆生說故云根力品也六知邪定正定不定是名定力品者謂此智力善能了知一切外道邪定小乘偏定菩薩正定凡夫不定一一通達爲衆生說故云是名定力品也七知一切因果乘是因乘是果至果處乘因道十一

第五

十一

是道力品者言此智品了知六道乘有漏因至有漏果乘無漏因至無漏果以至果處而乘因道一一了達爲衆生說是名道力品八五眼知一切法見一切受生故天眼力品者其眼有五謂天眼通非礙肉眼闍非通法眼惟觀俗慧眼只緣空佛眼如千日照異體還同此舉天眼而言謂證知天眼徹見現前一切世間根塵染淨差別等法並見一切衆生以隨善惡業緣受報好醜生時死時一一示諸衆生故云天眼力品九知百劫事一一知宿世力品者言此智力了知一切衆生種種宿命百千萬億劫前死此生彼姓族名字苦樂壽命如實爲衆生說故云宿世力品十知於一切生煩惱滅一切受無明滅解脫力品者言

此智力了知於一切生煩惱因滅一切受  
無明果滅煩惱無明一切習氣因果滅盡  
如實為衆生說故云解脫力品如是十力  
品智知自身修因果亦知一切衆生所修  
因果分別明了無差錯故此十種智前五  
了知衆生生滅因緣後五了知衆生還滅  
因緣

而身心口別用以淨國土為惡國土以惡國  
土為妙樂國土能轉善作惡轉惡作善色為  
非色非色為色以男為女以女為男以六道  
為非六道非六道為六道乃至地水火風非  
地水火風是人爾時以大方便力從一切衆  
生而見不可思議下地所不能知覺舉足下  
足事

此釋住無間心也以顯此地體用不可思

議不但所得十力智品而已其身心口更  
有差別妙用不可測也而身心口別用等  
者以身能現通心能繫念口能說法此即  
三輪妙用之力故云而身心口別用以是  
三輪妙用力故能以常寂光淨土示為五  
趣雜居地即能以五趣雜居土為極樂國  
土以是國土本無差別但隨衆生一一變  
現故云以淨國土為惡國土以惡國土為  
淨妙國土法華三變淨土是也能轉善作  
惡者如無厭足王是能轉惡作善者如度  
額屠兒是色為非色非色為色者如放光  
散花東涌西沒西涌東沒種種神變等是  
以男為女者如舍利弗被天女一指轉為  
女人相者是以女為男者如法華龍女倏  
轉為男於無垢世界成佛者是以六道為

非六道非六道為六道者六道即凡非六道即聖即如面然大士等是乃至地水火風非地水火風者其中是一句應云非地水火風為地水火風如以十八神變身為水火擔負乾草入中不燒等是已上善惡等性一一皆不可得若有定性則不能轉如是種種自在神用皆是菩薩大方便智力用所作任從一切衆生見之而皆使頓入不可思議也不但下凡衆生見而不可思議即前下地諸菩薩等皆所不能知覺菩薩舉足下足之事所謂初地不知二地事也

是人大明智漸漸進分分智光光無量無量不可說不可說法門現在前行

此結當地功德不可思議以明解脫心也

承上而言下地所不能知者何也謂此菩薩大明慧智漸漸深遠上進以能分分證入諸佛一切種智所證智光之光無量無量及一切不可說不可說種種法門如是一時一一現在前行是豈凡小心識所能思量言議者哉

○六體性華光地 二初明斷證義 二正釋文義

○初明斷證義

此地斷一種粗相現行障此即所知障中俱生一分執有染淨粗相現行所起故名之也並斷二種愚執一者現觀察行流轉愚二者相多現行愚此之三法能障現前地斷此愚障方登現前地今知一切法無有染淨住無相作意令真如圓滿便能永

斷愚障既斷般若現前故名現前地所證  
真如名無染淨真如謂此真如體性無染  
淨故菩薩位寄自在天王假修三乘等法  
化導衆生於十波羅蜜中般若波羅蜜最

勝

○二正釋文義

勞五

十乃

若佛子菩提薩埵體性華光地能於一切世  
界中十神通明智品以示一切衆生種種變  
化以天眼明智知三世國土中微塵等一切  
色分分成六道衆生身一一身微塵細色成  
大色分分知以天耳智知十方三世六道衆  
生苦樂音聲非非音非非聲一切法聲以天  
身智知一切色色非色非男非女形於一念  
中徧十方三世國土劫量大小國土中微塵  
身以天他心智知三世衆生心中所行十方

六道中一切衆生心心所念苦樂善惡等事  
以天人智知十方三世國土中一切衆生宿  
世苦樂受命一一知命續百劫

若佛子三句標顯名德位以明加行心之  
義體性華光地者謂此菩薩因中修習無  
量智慧故果地中得證諸佛般若波羅蜜  
多大智行華一時開敷故云體性華光地  
別經名現前地謂本一切功德智慧俱得  
現前故名現前地能於一切世界中至百  
千大願品具足一節此釋住無間心也菩  
薩住是地中能於十方一切世界之中而  
運十種神通大明智品以示一切衆生種  
種變化一切難可測量也何名十種明智  
品一以天眼明智者即天眼通謂此智品  
能了知十方三世國土中色微塵等分地

勞五

十五



水火風一切四大幻色分分聚成六道衆生身相而其一分段身中毛孔等色分際皆知是幾微塵細色而成一身形體大色如此分分色相一一了知而不錯故二以天耳智者即天耳通謂得此智能聞知十方三世六道衆生身心遍悅受苦受樂所出音聲非非受苦樂音非非受苦樂聲乃至一切江河湖海水流風動鐘鈴鑼鼓種種諸法音聲一一知故三以天身智者即色身通謂得此智能覺知一切色色非色言色色者即諸衆生依報國土境色正報身體根色如是根境諸内外色是名色色言非色者即佛所住真如法性土色及佛光明徧照清淨法性身色故云非色非男非女形者謂色既非色故男女等相一

切皆非如是一切色色非色等形於一念中徧知及知十方三世國土劫量大小延促長短及國土中微塵等身四以天心智者即天心通謂得此智能了知過現未來三世衆生心中所行及十方六道中一切衆生心心所念若念苦樂善惡等事五以天人智者即宿命通謂得此智即能了知十方三世國土之中一切衆生宿世善惡業因感現前苦樂受命果報能一一知其受命長短相續百劫等事一一明了爲衆生說已上五智以知世諦緣起無有染相可得向下五智以知真諦解脫緣滅亦無淨相可得

以天解脫智知十方三世衆生解脫斷除一切煩惱若多若少從一地乃至十地滅滅皆

盡以天定心智知十方三世國土中眾生心  
 定不定非定非不定起定方法有所攝受三  
 昧百三昧以天覺智知一切眾生已成佛未  
 成佛乃至六道一切人心心亦知十方佛心  
 中所說之法以天念智知百劫千劫大小劫  
 中一切眾生受命命久近以天願智知一切  
 眾生賢聖十地三十心中一一行願若求若  
 樂若法非法一切求十願百十大願品具足  
 此釋後五品智也以下所言眾生皆指賢  
 聖與上不同六以天解脫智者即滅盡通  
 謂得此智了知十方三世眾生解脫隨其  
 智量斷除一切煩惱若多若少其從一地  
 乃至十地次第斷證以除一分無明惑障  
 得證一分真如妙理終極金剛究竟滅滅  
 皆盡無餘如是種種解脫一一知故七以

勞五

十七

天定心智者即神境通謂得此智了知十  
 方三世國土中眾生其心定與不定非定  
 非不定者及諸起定方法有所攝受三昧  
 及百三昧一切禪定等法一一知故八以  
 天覺智即言音通此智了知一切眾生已  
 成佛者未成佛者乃至六道一切人之心  
 心所念如法華云知諸眾生種相體性念  
 何事思何事修何事等不但知諸眾生心  
 心所念亦知十方諸佛心中隨為眾生根  
 行所說九以天念智即未來通此智了知  
 百劫千劫大小劫中一切眾生受命命之  
 久近劫量差別而此時劫本無延促但隨  
 眾生煩惱輕重厚薄不一是故劫量亦有  
 長短大小不等一切眾生受命亦有久近  
 增減不一如是命劫一一徧知所謂一念

勞五

十七

普觀無量劫也十以天願智即無作通此  
智了知一切賢聖衆生一一所修行門一  
一所發大願若求苦樂其求苦者即如藥  
王燒身燃臂不輕所受杖木打擲阿難五  
濁誓願先入等是其求樂者如常提希願  
生樂土法藏比丘誓願衆生成生安養等  
是其求法者即以權實顯密正教等法其  
非法者即爲天魔外道邪教等法乃至願  
爲閻羅天子制諸罪人皆名非法者是一  
切求者總結上求下化無所不求十願如  
普賢願王與十無盡句乃至諸佛無量無  
邊百千大願品此地菩薩一一具足而悉  
知之

是人住地中十神通明中現無量身心口別  
用說地功德百千萬劫不可窮盡而爾所釋

等五

十八

迦畧開神通明品如觀十二因緣品中說

勞五

十八

此結當位智德以明解脫心也是人住地  
中者結本體性華光地名十神通明中等  
三句結上十種智品三輪差別妙用德也  
說地功德三句總結當地功德甚深無量  
無窮無盡不可說不可說百千萬億劫數  
說不能盡之義而爾所釋迦牟尼如來但  
以畧開此地神通明智品耳此處所說在  
大部內如觀十二因緣品中所說無有差  
別

○七體性滿足地 二 初明斷證義 二 正  
釋文義

○初明斷證義

此地菩薩斷一種細相現行障此即所知  
障中俱生一分執有生滅細相現行所起

故名之也並斷二種愚執一者細相現行  
愚二者純作意求無相愚緣有此之三法  
能障遠行地斷此愚障方登第七地今遠  
三界近法王位行過二乘善修無相到無  
相邊功用至極望前過遠故名遠行地便  
能永斷愚障既斷所證真如名法無差別  
勞五  
真如謂此真如能了種種教法皆同真如  
不無相故菩薩位寄初禪天王假修三乘  
等法化導衆生於十波羅蜜中方便波羅  
蜜最勝

○二正釋文義

若佛子菩提薩埵滿足體性地入是法中十  
八聖人智品下地所不共所謂身無漏過口  
無語罪念無失念離八法一切法中捨常在  
三昧是入地六品具足復從是智生六足智

三界結習畢竟不受故欲具足一切功德一  
切法門所求滿故進心足一切法事一切劫  
事一切衆生事以一心中一時知故念心足  
是二諦相六道衆生一切法故智慧足知十  
法趣人乃至一切佛無結無習故解脫足見  
一切衆生知他人自我弟子無漏無諸煩惱  
習故以智知他身六通足是人入六滿足明  
智中便起智身隨六道衆生心行口辯說無  
量法門品示一切衆生故隨一切衆生心行  
常入三昧而十方大地動虛空化華故能令  
衆生心行以大明智具足見過去一切劫中  
佛出世亦是示一切衆生心以無著智見現  
在十方一切國土中一切佛一切衆生心心  
所行以神通道智見未來中一切劫一切佛  
出世一切衆生從是佛受道聽法故

若佛子三句標顯名德位以明加行心也  
滿足體性地者因中修方便度故果地中  
證得如來一切智行圓滿具足故名滿足  
體性地別經名遠行地此菩薩出三界河  
過二乘地到涅槃城近法王位故名遠行  
地勞五入是法中等者標所證之法也謂入滿  
足體性法中已是如來十八聖人智品不  
與二乘權小所共不但於此共即下地  
諸菩薩亦所不及故云十八不共何名十  
八聖智一身無漏過者亦名身無失謂此  
菩薩從無始來常以諸戒修其身心一切  
煩惱等障淨盡無餘以是身業清淨得大  
神通故云身無漏過也二口無語罪者亦  
名口無失謂此菩薩從無量劫常以五語  
隨諸衆生方便爲說種種妙法令得道果

是以口業清淨故云口無語罪也三念無  
失念者亦名意無失謂此菩薩從無始來  
常修諸禪心無所着意無放逸但隨衆生  
機宜方便攝化是以意業清淨故云念無  
失念也四離八法者亦名無異想心謂此  
菩薩從因地來但於衆生方便教化已離  
凡夫及以二乘執有有相執無無相執常  
常見執斷斷見以是心無八種顛倒故云  
離八法也五一切法中捨者亦名無不知  
捨心謂此菩薩從無始來以大般若照察  
世出世間一切染淨諸法當體全空了不  
可得以是心無貪着故云一切法中捨也  
六常在三昧者亦名無不定心謂此菩薩  
從無始來常恒不離甚深大定但隨衆生  
隱顯攝化故云常在三昧也是入地六品

者結前六品智也復從是智等者起後六品智也謂繇具足六品智體復從是智生六滿足智用何名六智一欲具足者亦名欲無減謂此菩薩示生三界攝化衆生於三界結習煩惱畢竟不受故云欲具足也二進心足者亦名精進無減謂此菩薩於諸如來一切智慧諸功德藏一切化導方便法門所求圓滿具足故云進心足也三念心足者亦名念無減謂此菩薩能了達世出世間一切安立法事一切劫量長短大小延促等事一切衆生因緣果報受命長短苦樂等事一切衆生心念等事以一心中心一時了知故云念心足也四智慧足者亦名智慧無減謂此菩薩能了達真俗二諦有無二相六道衆生一切心念因果

等法一一爲衆生說故云智慧足也五解脫足者亦名解脫無減謂此菩薩能知十發趣人乃至一切諸佛斷除一切煩惱無明結習滅盡無餘故云解脫足也六六通足者亦名解脫知見無減謂此菩薩具足天眼天耳他心漏盡神境如意之六通故所以徹見一切賢聖六道衆生並能了知一切他人自我所化弟子無漏無諸煩惱習故繇是以智知他身相及自身相故云六神足也是人等下結前六足智也便起勝五智身等者起後六智也是菩薩人不止已入六滿足明智中而已復更具足六種智三用何爲六智一便起智身隨六道衆生心行者亦名身業隨智慧行謂此菩薩方便運起智身隨智而轉普爲六道衆生現神

變相調伏衆生種種心行令其各得見相  
解悟證入道果故云便起身等二口辯說  
無量法門品示一切衆生故隨一切衆生  
心行者亦名口業隨智慧行謂此菩薩能  
以清淨微妙語業隨智而轉隨順一切衆  
生心行善巧開導令得解悟證入道果故  
云口辯說等三隨一切衆生心行常入三  
昧者亦名意業隨智慧行謂此菩薩以清  
淨意業隨智而轉隨一切衆生心行常入  
三昧觀根逗教而為說法除滅衆生無明  
癡暗是以三輪業用定慧圓明是故十方  
大地六返震動虛空之中天雨四華能令  
衆生開悟心行故云隨一切衆生心行等  
四以大明智具足見過去一切劫中佛出  
世亦是示一切衆生心者亦名過去無礙

勞五

三三

智謂此菩薩以大明智了見過去世時一  
切無量無邊說不可說劫中所有一切諸  
佛出世為一切衆生說法是諸衆生從是  
諸佛受道聽法悉能徧知以此開示現前  
一切衆生心行令各各悟入故五以無著  
智見現在十方一切國土中一切佛一切  
衆生心心所行者亦名現在無礙智謂此  
菩薩以無著智見現在世十方所有一切  
國土之中一切諸佛出世為一切衆生說  
種種法是諸衆生從佛聽法悉能受持心  
心所行亦示一切現前衆生令得開悟故  
六以神通道智見未來中一切劫一切佛  
出世一切衆生從是佛受道聽法者亦名  
未來無礙智謂此菩薩以神通道智照見  
未來世中一切劫等所有一切諸佛出世

為一切衆生說種種法是諸衆生從是諸佛聽法受教亦示現前衆生令得心開以悟入故

住是十八聖人中心心三昧觀三界微塵等色是我故身一切衆生是我父母而今入地中一切功德一切神光一切佛所行法乃至八地九地中一切法門品我皆已入故於一切佛國土中示現作佛成道轉法輪示入滅度轉化他方過去來今一切國土中

此明解脫心也住是十八聖人中者結前心心三昧者起後此菩薩住是十八聖人智中常以心心不離三昧正定於三昧中復觀三界微塵等色是我昔日為凡夫時所受故身復觀一切十方衆生悉皆是我無量劫中稟受色身父母經云脫骨如須

勞五彌山所飲母乳如四大海水也如是脫骨之多飲乳之廣實非一生二生父母非百生千生父母乃至百千萬億不可說劫父母繇我累劫修行報答父母饒益衆生是故而今入是滿足體性地中具足慈悲喜捨六度萬行一切功德聚身此身能現化佛為三資糧四加行諸菩薩說四諦等法故此地具足一切神通智慧光聚是名智光聚身此身能現報佛為大菩薩說一乘法是地圓滿一切諸佛所修所證理果法身此身能為諸佛衆生依正之體三身至此圓滿具足故云滿足體性地而今入是地中一切功德一切神光一切佛所行法乃至八地九地中一切法門品我皆已得證入也於一切國土等者申明所證三身



之義繇得分證三身能於一切國土中示現受生出家苦行成道作佛大轉法輪以度衆生於此應緣一期事畢乃復示現入於滅度又轉教化他方過去來今恒在一切國土之中種種示現不可思議

○八體性佛吼地勞五二初明斷證義至五二正

釋文義

○初明斷證義

此地菩薩斷一種加行障此即所知障中俱生一分令無相觀不任運起故名之也

並斷二種愚執一者無相作功用愚二者於相不自在愚此之三法能障八地斷此愚障方登不動地謂此菩薩今入無功用道得無分別智照任運相續報行純熟居無相觀不為諸法煩惱所動便能永斷愚

障既斷故名不動地所證真如名不增不減真如謂此真如住無相觀不隨染淨所增減故菩薩寄位二禪天王作小千世界主以一乘法化導衆生於十波羅蜜中願波羅蜜最勝

○二正釋文義

若佛子菩提薩埵佛吼體性地入法王位三昧其智如佛佛吼三昧故十品大明空門常現在前華光音入心三昧其空慧者謂內空慧門外空慧門有為空慧門無為空慧門性空慧門無始空慧門第一義空慧門空空慧門空空復空空慧門空空復空空慧門如是十空門下地各所不知虛空平等地不可說不可說神通道智以一念智知一切法分分別異而入無量佛國土中一一佛前諮受法轉

法度與一切衆生而以法藥施一切衆生為  
大法師為大導師破壞四魔法身具足化化  
入佛界

若佛子三句標顯名德位以明勝進心也

佛吼體性地者此菩薩說法無畏如大師

吼等無差別故名佛吼體性地第五別經名不

動地此菩薩與佛心菩提心涅槃心悉皆

不起故云不動地入法王位三昧等者此

顯所證法門也入即證入菩薩證入無上

自覺聖智法王大樂三昧正受寶位於諸

法中如法自在若出若沒心常在定故云

法王位三昧其智如佛者上入法王三昧

即所證無上涅槃乃法身之理聚其智如

佛是能證無上菩提乃報身之智聚佛吼

三昧者即法報不分三身圓現起後得智

說法利生乃功德聚之化身也十品大明  
空門常現在前者此菩薩得證如來三身  
圓明四智全彰十品大明空慧智門常現  
在前而不即不離也華光音入心三昧者  
中明佛吼之義華即行華成人之德光即  
智光破人之障音即法音開人之迷入心  
即以行智法音轉入衆生心中而成正覺  
故云華光音入心三昧其空慧者牒定所  
言十品大明空慧常現在前之義何謂十  
品一者內空慧門謂內空五蘊之根識界  
第五  
衆主迷此慧門妄認四緣假合為自身相  
妄認六塵緣影為自心相為生死結根門  
為妄想煩惱門菩薩恒以智慧直照五蘊  
身心當體全空皆如幻夢故得證入內空  
慧門也二者外空慧門謂外空山河國土

色等六塵諸法諸凡夫人不知皆是識心  
變現妄想取捨被境遷流為名相門為塵  
勞門菩薩恆以智慧照破六塵諸法皆無  
自性故得證入外空慧門也三者有為空  
慧門謂即總空世諦諸有為法內之根識  
外之世界皆屬有為衆生不知幻化不實  
執我我所不得解脫為生死流轉門菩薩  
恆以智慧照破內外諸法緣生如幻都無  
自性故得證入有為空慧門也四者無為  
空慧門即空真諦諸無為法二乘之人不  
知即色即空即有即無而其色空有無皆  
屬對待為狹劣門菩薩以深智慧照了無  
為之法亦皆是空故得證入無為空慧門  
也五者性空慧門總有為無為二性皆空  
謂即凡夫滯有如來說為不有二乘沉空

如來說為不空以是不有而有是為妙有  
不空而空是為真空為隨順門菩薩以是  
甚深般若智照法界圓融事理一切無礙  
二性空寂平等平等故得證入性空慧門  
也六者無始空慧門謂即無始無明住地  
煩惱本無有根以是無明不覺瞥然現起  
初發心諸菩薩皆不能了為起滅門菩薩  
以大智慧光照一切諸法起無始相滅無  
終相起滅之際無法可得故得證入無始  
空慧門也七者第一義空慧門即中道理  
外五  
名第一義諦因對第二義假立名言為勝  
義門菩薩以是如理智照勝義諦門悉同  
真性無相可得不居二邊不存中道故得  
證入第一義空慧門也八者空空慧門謂  
即空上第一義空之空為重空門菩薩即

以空空智照此空亦復不存故得證入空  
空慧門也九者空空復空慧門謂即空上  
空第一義空之空爲重空重空門菩薩以  
是空空復空智照此空空亦復空故得證  
入空空復空慧門也十者空空復空空慧  
門謂即空上空空復空之空是名爲究竟  
一切空空復空空門此空亦復當空以是  
無空之空空無所空是則無所得空故得  
證入空空復空空慧門也如是十空慧門  
惟此八地所證下地諸菩薩等各所不知  
也言虛空平等地者此舉位分以顯德也  
蓋言下地各所不能知者謂此菩薩得證  
虛空平等地理智不但十空而已更有不  
可說不可說神通智門而下地諸菩薩  
猶不能知也神謂神妙難則通謂變通無

礙道即道理難窮智即智慧無量所謂佛  
真法身猶如虛空應物現形如水中月種  
種神通智皆悉平等故能以一念智悉  
皆了知一切染淨諸法分分別異隨根施  
攝而復能入無量佛國土中承事諸佛一  
一佛前諮受聽法勇猛精進復轉不退法  
輪度與一切衆生而以法藥施及一切衆  
生是故爲大法師爲大導師破壞四魔四  
魔既破法身具足以法身具足故而能展  
轉化化入於佛界  
是諸佛數是諸九地十地數中長養法身百  
千陀羅尼門百千三昧門百千金剛門百千  
神通門百千解脫門如是百千虛空平等門  
中而大自在一念一時行劫說非劫非劫說  
劫非道說道道說非道非六道衆生說六道

衆生六道衆生說非六道衆生非佛說佛佛說非佛而入出諸佛體性三昧中反照順照逆照前照後照因照果照空照有照第一中道義諦照是智惟八地所證下地所不及不動不到不入不生不滅

此明住無間心也是諸佛數等者謂此菩薩即是諸佛之數即是九地十地數中長養法身即得百千陀羅尼總持門百千三昧正定門百千金剛不壞門百千神通變化門百千解脫方便門如是百千種種法門於虛空平等門中得大自在云何自在於一念一時皆能行故也仁王般若云不動菩薩二禪王得變易身常在能於百萬微塵刹隨其形類化衆生悉知三世無量劫於第一義常不動是也劫說非劫等

勞五

三十

者申明自在之義言劫說非劫非劫說劫者梵語劫波羅此云時分言劫有大小長短時分不同如諸天有拂石劫地獄有芥城劫人間有轉輪劫菩薩修行究竟經過三大阿僧祇劫斷盡無明之時方得成佛是名爲劫如是等劫本非實有名爲非劫故云劫說非劫非劫說劫也非道說道道說非道者造諸惡邪見等業故云非道修十善菩提道法故云道也對非道而言正道因正道而言非道求其正道及與非道了不可得故曰非道說道道說非道也六道即凡非六道即聖因凡說聖因聖說凡如是究竟凡聖之相實不可得故曰非六道衆生說六道衆生六道衆生說非六道衆生也魔外即佛佛即魔外魔界佛界求

其異體亦不可得故曰非佛說佛佛說非佛也如是體性虛空地平等境界無有延促無有善惡無有聖凡無魔無佛一時俱是一時俱非逆行順行逆說順說無非方便無非佛事所謂或是或非人不識逆行分五順行天莫測也而入出諸佛體性三昧中者謂此菩薩若入若出或隱或現皆不離諸佛體性三昧中得大自在也以下十種智照發明出入諸佛體性三昧中不思議境界之義反照順照逆照者謂反照本來時云何順無明流逆真如理起一切染法復云何順真如理逆無明流起一切淨法故云反照等也前照後照因照果照者謂前照無始無明不覺之苦因後照生生死死業繫之苦果又前照始覺清淨之樂因

後照本覺究竟之樂果故云前照等也空照有照第一中道義諦照者謂空照照真離一切相有照照俗即一切法是以照真非真照俗非俗二邊不住中道不立離即俱非故云第一中道義諦照也如是十種智照惟是八地所證其在下地菩薩各所不及何故謂此菩薩所證真如不動不到以離動到相故不出入以離出入相故不生不滅以離生滅相故於此智定照與照者同時寂滅也

是地法門品無量無量不可說不可說今以略開地中百千分一毛頭許事羅漢品中已明

此總結顯所證一切功德以明解脫心也是地法門等者謂此菩薩所證一切法門

無量無量不可說不可說法品無有限量  
非言說所及者今略開地中功德百千萬  
億分中如一毛頭許事而已此處略說大  
部內羅漢品中已明斯義

○九體性華嚴地二初明斷證義二正

釋文義分五  
三

○初明斷證義

此地菩薩斷一種不欲行障此即所知障  
中俱生法執一分利樂有情事中不欲動  
行所起故名之也並斷二種愚執一者陀  
羅尼愚二者辯才自在愚此之三法能障  
九地斷此愚障方登善慧地謂此菩薩今  
得十種無礙智現前于諸智中最為殊  
勝緣此智用無礙便能永斷愚障既斷能  
轉清淨大法之輪是以善用其慧故名善

慧地所證真如名智自在真如謂此真如  
智用自在以四無礙智所依止故菩薩寄  
位三禪天王作中千世界主以一乘法化  
導衆生於十波羅蜜中力波羅蜜最勝

○二正釋文義

若佛子菩提薩埵佛華嚴體性地以佛威儀  
如來三昧自在王王定出入無時於十方三  
千世界百億日月百億四天下一時成佛轉  
法輪乃至滅度一切佛事以一心中一時示  
現一切衆生一切色身八十種好三十二相  
自在樂虛空同無量大悲光明相好莊嚴非  
天非人非六道一切法外而常行六道現無  
量身無量口無量意說無量法門而能轉魔  
界入佛界佛界入魔界復轉一切見入佛見  
佛見入一切見佛性入衆生性衆生性入佛

性其地光光照慧慧照明燄明燄無畏無量十力十八不共法解脫涅槃無為一道清淨

若佛子三句標名德位以明勝進心也佛華嚴體性地者謂此菩薩所證境界與佛莊嚴等無差別華即行華嚴即佛果所謂修萬行因華莊嚴一乘佛果故別經名善慧地此菩薩善入諸佛種類善用諸佛平等大慧故名善慧地以佛威儀等者正明華嚴體性善慧之用此菩薩形儀如佛無二無別有威可畏降伏諸魔制諸外道此以折門化導衆生有儀可觀開化天人導引羣生此以攝門化導衆生以佛威儀是於動中化利衆生如來三昧自在王定是於靜中化利衆生如者即本覺義來者即

始覺義以始本不二故又言來無所從去無所至無來無去故名如來自在王者以王即自在義王定出入無時者申明自在體用之義以顯法身能現報身境界此菩薩若動若靜若來若去若坐若臥四威儀中皆以如來三昧自在王定出入無時所謂默時說說時默大施門開無壅塞也于十方三千等者以顯報化二身不離法身境界良以法身遍一切處猶若虛空應物現形如水中月以是法身無形無相能現於色故於十方三千世界百億日月百億四天下中一時示現成佛一時示現轉正法輪一時示現度脫衆生乃至一時示現入於涅槃一切種種佛事皆以一念心中一時示現於一切衆生前不先不後所現



一切法身皆具八十種好三十二相自在  
大樂與虛空同具足無量大悲無量光明  
無量相好無量莊嚴非天非人亦非六道  
是何境界即一切法二諦界外不墮數量  
以是非天現天非人現人乃至非六道身

勞五

手四

而能常行六道但隨衆生所見所聞種種  
不同隨機示現無量身無量口無量意說  
無量法門品以是三輪妙用而能即轉魔  
界入於佛界或轉佛界入於魔界或轉一  
切諸見而入佛見或轉佛見入一切見轉  
衆生性而入佛性復轉佛性入衆生性如  
是種種轉變無有二相且又不止此等境  
界其地智光光照照慧照互察諸法而  
無窮盡光光照者即光與光相照以智能  
照境故慧照者即慧與慧相照以慧能

勞五

手五

了境故明燄明燄即智慧威猛相以破所  
知無迹象故無畏是智慧無障礙無量即  
智慧無間斷以此光不屬情境是本智慧  
光明所聚故云無畏無量也十力等者此  
推廣所言也謂此菩薩不但只得光明而

已更得具足如來十力十八不共等法及  
證解脫涅槃無爲一道清淨之理所謂智  
光照無量方便無窮盡也

而一切衆生作父母兄弟爲其說法盡一  
切劫得道果又現一切國土身爲一切衆生  
相視如父如母天魔外道相視如父如母  
此明住無間心也以顯菩薩大慈大悲大  
誓大願力故而以十方四生六道一切衆  
生作父母報思想作弟兄扶持想種種方  
便爲其說法盡一切劫必使俱得道果始

滿菩薩度生本願此即卑劣行門之遠因緣攝受中下衆生機宜故又現一切國土身相爲令一切衆生各各相視如父如母又令天魔外道相視如父如母此即尊勝行門之近因緣攝受上根衆生機宜故

住是地中從生死際起至金剛際以一念心中現如是事而能轉入無量衆生界如是無量畧說如海一滴

此明解脫心義以結當地功德不可思議也言住是地中者此舉人顯德也此菩薩住是地中從無明不覺生死輪際起至究竟本覺金剛輪際止於其中間所有凡聖迷悟染淨修斷因果一切差別法門而以一念心中如彈指頃示現如是等事而能轉入無量諸衆生界使解脫故如是無量

無邊不可稱說功德之相畧而說之如大海水毛頭一滴相似

○十體性入佛界地 二初明斷證義 二正釋文義

○初明斷證義

此地菩薩斷一種未得自在障此即所知障中俱生法執一分法味自在所起能障大法智雲及所起事業不現在前故名之也並斷二種愚執一者現大神通愚二者微細秘密愚此之 等五三法能障十地斷此愚

三六

障方登法雲地菩薩法身圓滿性智清淨空有兩忘極證中道之理便能斷盡愚障既斷故智慧雲彌滿法界雨大法雨充足一切枯槁衆生故名法雲地所證真如名業自在真如一切業惑悉得解脫與真如

理得相應故菩薩寄位四禪天王作大千  
世界主演一乘法教化衆生於十波羅蜜  
中智波羅蜜最勝餘諸波羅蜜一切功德  
至此俱得圓滿具足

○二正釋文義二初明所證德 二結讚

法門

勞五

卷五

○初明所證德

若佛子菩提薩埵入佛界體性地其大慧空  
空復空空復空如虛空性平等智有如來性  
十功德品具足空同一相體性無爲神虛體  
一法同法性故名如來應順四諦二諦盡生  
死輪際法養法身無二是名應供徧覆一切  
世界中一切事正智聖解脫智知一切法有  
無一切衆生根故是正徧知明明修行佛果  
時足故是明行足善逝三世佛法法同先佛

法佛去時善善來時善善是名善善是人行  
是上德入世間中教化衆生使衆生解脫一  
切結縛故名世間解脫是人一切法上入佛  
威神形儀如佛大士行處爲世間解脫調順  
一切衆生名爲丈夫於天人中教化一切衆  
生諮受法言故是天人師妙本無二佛性立  
覺常常大滿一切衆生禮拜故尊敬故是佛  
世尊一切世人諮受奉教故是佛地是地中  
一切聖人之所入處故名佛界地  
若佛子三句標顯名德位以明勝進心也  
入佛界體性地者此菩薩所證一切理智  
行願諸功德藏即與十方諸佛所證境界  
等無差別故名入佛界體性地別經名法  
雲地菩薩現無邊身雲說無邊法雨故名  
法雲地其大慧空等者申明入佛境界以

顯住無間心也其大慧空者即上空空復空空慧門其空既空空亦復空如是之空如虛空性等徧法界此即大圓無垢理聚圓極乃即法身境界法身無相十方平等故云其大慧空空亦復空空亦復空即如勞五虛空性也平等智有如來性者此即平等性智智聚圓明乃即報身境界以是報身而證法身故云有如來性十功德品具足者此即成所作智而功德聚圓成乃即化身境界而此化身以修諸波羅蜜而成故云十功德品具足空同一相等者釋上十功德品以明菩薩三身圓顯十號齊彰不即不離之義何名十功德品一者如來空同一相體性無為此二句者顯本法身以本法身如來無所從來亦無所去猶若虛

空無有色相迭相見故以是體性本自無為離於施作故云空同一相體性無為是也神虛體一法同法性此二句者顯報身佛與應身佛以報化佛神妙不測虛徹靈通應週沙界其體無殊而所現身即是法身是以心佛衆生平等平等所云神虛體一法同法性故名如來二者應供謂即應順四諦二諦供也四諦有四四諦一聲聞人乃應生滅四諦二緣覺人即應無作四諦三菩薩人以應無生四諦四如來者以勞五應無量四諦二諦即是真諦俗諦以如來五住究盡二死永亡萬行圓成福慧具足圓應四諦二諦之供乃至盡生死輪真如實際即以四諦二諦之法滋養法身無有二相普現法界饒益衆生是名應供號也

三者正徧知其義有二一者徧知即以能證正智及本所證一切聖解脫智周徧普覆一切界中了知一切染淨諸法若有若無一切聖凡根性差別緣起之事無明了是名徧知二者正知謂即了知一切諸法皆如實相無二法故是名正知二義合言是名正徧知也四者明行足明即三修行即萬行謂從因地發心以智慧覺明明修行萬行因華智慧光明至佛果時福慧二嚴圓滿具足所以稱兩足尊故云明行足也五者善逝謂善往返三界示現受生出家入山修行成道轉法以化衆生示現涅槃此乃三世諸佛道法佛佛道同古佛儀式法同先佛法也佛去時善善應緣而來示成正覺而來實無所從去來吉祥是

名善善也六者世間解謂是地人能行諸佛善善上德以是現身入世間中廣設教乘開化衆生使諸衆生解脫結習業繫等縛名世間解脫也七者無上士謂是聖人能於一切法入佛威神形儀如佛是以大士行處一切世中解脫無能過者名無上士也八者調御丈夫調謂調理如能醫者善調一切衆病御謂駕御如善御者善治象馬世尊乃是三界醫王四生慈父善能除諸衆生身心二病使諸衆生離苦得樂善調善御而恒順之名調御丈夫也九者天人師謂於天上人間四衆八部衆中教化一切衆生能使一一諮受法言深解獲益名天人師也十者佛世尊謂妙本無二者即性覺妙明本覺明妙以是性妙本

覺無二無相佛性玄覺充滿法界不即不離不隨不變常常大滿其中妙本無二即本法身佛性玄覺即是應身常常大滿乃即報身亦名自覺覺他覺行圓滿三身圓具三覺果滿乃名曰佛能使一切眾生禮拜故尊敬故乃名世尊二義合言故名佛世尊也上明十號之義下明入佛界地之義入者趨入也謂以一切世人諮受奉教一心皈命以有歸覺路故是為佛地言此佛地能增長一切眾生法身慧命菩提稼苗故名佛地是物地中一切聖人之所入處故名佛地二義合言故首言入佛界地仁王般若經云十方世界一切如來皆依此門而得成佛若言越此得成佛者是為諸魔所說非是佛說故云一切聖人之所

入處也

○二結讚法門 二初本土主伴讚 二他

方主伴讚

○初本土主伴讚 二初本土佛與記 二

本土伴讚歎

○初本土佛與記

爾時坐寶蓮華上一切與授記歡喜法身手

摩其頂

此明究竟圓滿證入妙覺果海以顯解脫

心也言爾時坐寶蓮華上盧舍那佛及千

華上千釋迦佛千百億釋迦佛乃至一切

諸佛皆與此法雲地菩薩授記即當成佛

劫國莊嚴等事歡喜踴躍同以法身清淨

光明網相光手而摩其頂勸轉法輪也

○二本土伴讚歎

同見同學菩薩異口同音讚歎無二

同見同一見解謂即同見真如法身實相  
理也同學同一師學謂同學菩薩道同授  
灌頂職也以是同學菩薩皆悉異口同音  
讚歎無二也

○二他方主伴讚 二初請轉法輪 二讚  
勝功德

○初請轉法輪

又有百千億世界中一切佛一切菩薩一時  
雲集請轉不可說法輪虛空藏化導法門

上言授記此言佛及菩薩同時請轉法輪  
者正欲廣傳流通此道使天上人間化化  
不絕也華嚴十地品云此地菩薩以自願  
力起大悲雲現種種身周旋往返於一念  
頃普遍十方百億那繇他世界微塵國土

演說大法請轉法輪與此義互相發明

○二讚勝功德

是他有不可說奇妙法門品奇妙三明三昧  
門陀羅尼門非下地凡夫心識所知唯佛佛  
無量身口心意可盡其源如光音天品中說  
十無畏與佛道同

此總結顯當地功德微妙難窮奇特殊勝  
也謂不但具足虛空藏化導法門而已更

有不可心思言議奇妙廣大法門品奇妙

三明智慧門奇妙三昧定力門奇妙陀羅

勞五

聖二

尼總持門此諸法門非下地菩薩及凡夫

心識所能知之唯佛與佛現無量身口心

意乃可盡說其源所謂惟證乃知難可測

也法華云唯佛與佛乃能究盡諸法實相

義同此處文義如大部中光音天品所說

十無畏與佛道同而無差別也心地法門  
 乃十方如來及大菩薩自住三摩地中受  
 用境界凡我博地凡夫依文解義於教海  
 中究其心源是則名為因戒生定因定發  
 慧如法修行同證如來三摩地中無二相  
 矣

佛說梵網經直解卷第五

事義

**轉善作惡** 華嚴經無厭足王隱菩薩相現  
 嚴刑酷法折伏剛強暴惡眾生可治者治  
 可憐者攝其罪惡決其諍訟撫其孤弱  
 皆令永斷殺盜邪淫此 **轉惡作善** 涅槃經  
 則名為轉善作惡也 **轉惡作善** 波羅奈  
 國有屠兒名曰廣額日以殺羊為事舍利  
 弗往化之即回心受戒放下屠刀自言我  
 是千佛中 **以男為女** 文殊往問舍利弗隨  
 一數也 **以男為女** 文殊往問舍利弗隨  
 之後有男女妙入不思議境界舍利弗謂  
 言汝何不轉女身天女曰我從十二年來  
 求女人相了不可得當何所轉即時天女  
 以神通力變舍利弗令如天女天女自化身

如舍利弗而問言何不轉女身舍利弗以  
 天女相而答言我今不知何轉而變為女  
 也 **以女為男** 法華經龍女獻寶珠世尊納  
 也 **正覺願生樂土** 佛世有王名頻婆娑羅其  
 也 **願世進父禁母** 王夫人名韋提希其子阿  
 以求救拔果感如來為說十六觀經今彼  
 發願往 **誓願度生** 彌陀國中為法藏比丘  
 生樂土 **廣發四十八願** 願我來  
 世我國中無有地獄餓鬼畜畜以至蟻飛  
 蠕動之類不得是願終不作佛如是願願  
 度生同歸 **願為閻羅天子** 梁皇懺云昔昆  
 陀始王共戰兵力不如田發誓願願我後  
 生為地獄主治此罪人十八大臣亦如是  
 願後果如之閻羅天子耶見沙圖 **八十種**  
 主是十八大臣即十八獄王是也 **八十種**  
**隨形好** 一無見頂相二鼻高孔不現三眉  
 如初月四耳輪輻相垂成五身堅  
 實如那羅延六骨際如鈎鎖七身一時四  
 如象王八行時足去地四寸印文現九爪  
 如赤銅色十膝骨堅著圓好十一身清潔  
 十二身柔軟十三身不曲十四指長纖圓  
 十五指文覆藏十六脉深不現十七蹠不  
 現十八身潤澤十九身自持不遠進二十  
 身滿足廿一容儀備足廿二容儀滿足廿  
 三住處安無能動者廿四威儀一切廿五  
 一切樂觀廿六西不長廿七正容白不  
 撓色廿八西具滿足廿九唇如頻婆果色



三十言深者遠三十一勝深圓好三十二  
 毛右旋三十三手足滿三十四手足如意  
 三十五手文明直三十六手文長三十七  
 手丈不斷三十八一切惡心眾生見者和  
 悅三十九面廣姝好四十隨眾生意和悅  
 與語四十一毛孔出香氣四十二口出無  
 上香四十三威儀如獅子四十四進止如  
 象王四十五行法如鸞王四十六頭如摩  
 陀那果四十七一切聲分具足四十八四  
 牙白利四十九舌色赤五十舌薄廣五十  
 一毛紅色五十二毛軟淨五十三廣長眼  
 五十四孔門相具五十五手足赤白如蓮  
 花色五十六臍不出五十七腹不現五十  
 八細腹五十九身不傾動六十手持重六  
 十一其身大六十二身長六十三手足軟  
 滑六十四四邊光各一丈六十五光焰身  
 而行六十六等視眾生六十七不輕眾生  
 六十八隨眾生音聲不增不減六十九說  
 法不著七十隨眾生語言說法七十一發  
 音報眾聲七十二次第有因緣說法七十  
 三一切眾生不能盡觀相七十四觀無厭  
 足七十五髮長好七十六髮不亂七十七  
 髮旋好七十八髮色青珠七十九  
 三十二  
 面淨如滿月八十手足有德相  
 相所謂足下平滿因持戒故△千輻輪相  
 相因修施故△足跟臍相不欺眾生故△  
 指纖長相護正法故△指網縵相不壞他  
 眾故△手足軟相施妙好服故△七處滿  
 相施淨飲食故△鹿王臍相喜聞佛法故  
 △馬陰藏相覆載他過故△身如師王相  
 四十四

廣修善法故△缺骨平滿相善化眾生故  
 △臂肘臍相放護怖畏故△手摩膝相見  
 善樂助故△清淨身相常修十善故△食  
 至疾現相常施病藥故△師子頰相莊嚴  
 善法故△四十齒相心語平等故△齒密  
 相和合諍訟故△齒齋相施珍寶故△四  
 牙白相三業清淨故△廣長舌相護口過  
 故△味中上味相成就功德故△梵音相  
 常軟語故△紺色目相修慈心故△牛王  
 睫相至心求道故△白毫光相讚他功德  
 故△頂肉髻相敬父母師故△身軟柔相  
 樂說法故△身金光相施敷具故△孔毛  
 生相離說世事故△身毛上麤相受師友  
 教故△髮色金精相不惡加生故△得身  
 如尼拘陀相常作佛像故△

三

三

佛說梵網經直解卷第六

勞六

姚秦三藏法師鳩摩羅什奉

詔譯

明廣陵傳戒後學沙門寂光

直解

菩薩心地品之下

○二明心地戒三初結顯法門 二付授

勸轉 三受已轉化

○初結顯法門 二初結說心地 二顯說

心地

○初結說心地

爾時盧舍那佛為此大衆畧開百千恒河沙

不可說法門中心地如毛頭許

此舉能說顯所說之法也爾時二字承上

所說三十心十地已竟時也盧舍那佛即

能說報佛也修因感報故名爲報然此報

身有自有他自報即理智如如身他報即

相好無盡身是此報身名爲盧舍那佛華

嚴經中所說毘盧遮那佛即盧舍那佛梵

語云盧舍那華言淨滿淨者五住究盡二

死永亡以諸患淨盡故滿者三覺果滿萬

行因圓以福慧具足故一切聲聞辟支佛

等所不能知唯佛與佛乃能究盡諸法實

相此也故華嚴中阿僧祇品心王菩薩問

佛云何名阿僧祇乃至不可說不可說佛

即爲說算數無窮無盡無量法門積成十

種大數而破諸算量今于不可說法門中

心地畧說開示如毛頭許法也

○二顯說心地 二初引他證已 二引已

證信

○初引他證已

是過去一切佛已說未來佛當說現在佛今

說三世菩薩已學當學今學

是過去下此引果人同證同說以勸信也  
三世等者此引因人同修同學以勸受也  
言上所說心地法門雖如毛頭至微至細  
少許之法其力極大三世諸佛所證證此  
所說說此三世菩薩所修修此所學學此  
故大經云如有大經卷量等三千界在於  
一塵內若有聰慧人破塵出經卷利益一  
切人是故諸佛菩薩皆在一微塵許心地  
法門之中作大佛事故法華云過去諸佛  
出現世間皆以一大事因緣故出現於世  
開示悟入佛之知見使一切眾生悟佛知  
見入佛知見道故未來諸佛出現世間亦  
以一大事因緣故出現於世開示悟入佛  
之知見使一切眾生悟佛知見入佛知見

第六

二

道故現在諸佛出現世間亦以一大事因  
緣故出現於世開示悟入佛之知見使一  
切眾生悟佛知見入佛知見道故佛之知  
見即心地法門也所以過去一切佛已說  
未來一切佛當說現在一切佛今說三世

一切菩薩已過去者已學已修當未來者  
當學當修今現在者今學今修佛佛祖祖  
無不以此心地法門光明金剛寶戒以心  
印心燈燈相續而無盡也

○二以已證信

第六

三

我已百劫修行是心地號吾為盧舍那

我已百劫修行是心地者此即舉因以明  
果也號吾為盧舍那者此即舉果以明因  
也承上云一切諸佛三世菩薩所證所說  
所修所學既不異不虛者我今所修所學

所證所說豈復虛乎故云我已百劫修等  
可見證果本非他因惟在此心地耳

○二付授勸轉二初總勸轉化二別勸  
轉化

○初總勸轉化

汝諸佛子轉我所說與一切衆生開心地道  
此乃舍那慈尊告勉于佛轉法化生之義  
承上我已百劫修行是心地者可謂因深  
號吾爲盧舍那者是爲果極以是因深果  
極第一之道我今授汝汝當轉我爲汝所  
說心地法門說與一切衆生而爲一切衆  
生開心地道以諸衆生各具足此心地  
道與佛無二故下文云是一切佛本源一  
切菩薩本源佛性種子一切衆生皆有佛  
性乃至當當常有因故當當常住法身也

云開心地道者此心地本來無垢無染無  
遮無障虛廓靈妙清淨自在何言開耶所  
謂開者對封而言以諸衆生皆爲識情所  
障迷背不覺非因智者指點開示終無得  
見諸佛體性猶如瞽者若非金鏡撥轉瞳  
神終無得見森羅萬象所謂千年暗室仗  
燈能破歷劫煩惱得智始除也

○二別勸轉化二初授勸轉化二勸授  
有序

○初授勸轉化

時蓮華臺藏世界赫赫天光師子座上盧舍  
那佛放光告千華上佛持我心地法門品  
而去復轉爲千百億釋迦及一切衆生  
時蓮華下舉依報也赫赫天光等下舉正  
報也舍那放光顯能告勝光告等者顯所

告勝也持我等者正明所告之詞師子座者師子乃獸中王若哮吼時百獸聞之悉皆腦裂以表世尊無上法王所坐之座即無畏座所說之法即無畏法天魔外道若見若聞皆失心喪膽也言放光光告者此

勞六

有二義一者即佛放光而於光中召告如楞嚴云爾時世尊頂放百寶無畏光明光中出生千葉寶蓮有佛化身結跏趺坐宣說神咒即此光中召告之義二者即所放光光亦能告謂不但正報身善能說法乃至依報蓮花光明亦悉能說法也所謂依報正報常宣妙法寶網雲臺水流風動皆演法音之義持我心地等者謂欲千佛轉相傳與一切衆生而千釋迦付授勸轉已畢復轉爲千百億釋迦付授勸轉而與一

勞六

五

切衆生開心地道故云復轉爲千百億釋迦及一切衆生也

○二勸授有序

次第說我上心地法門品汝等受持讀誦一心而行

次第等者明非頓說汝等受下明漸中有頓也意謂心地法門位有四十諸衆生性根有大小利鈍不等生住異滅四十二品無明亦有輕重不一必須次第說我上心地法門品其次第者初說十住真空妙理次說十行實相妙行次說十向中道一諦次說十地所證真如此圓融中而說行布非若儻侗真如之所談也汝等受下是舍那佛囑授千佛千百億釋迦佛令轉囑授一切衆生故也領納曰受固守曰持對本

曰讀離本曰誦言一心者有五小乘教中假四諦理而說一心故得悟解始教約第八識心了一切緣生之法法法皆空各無自性而受異熟之果終教所言一切恒沙性淨功德具於如來藏心頓教即於一念不生之心無染無淨頓顯理性圓教主伴圓融法法無礙一即一切一切即一卷舒自在總談萬有此五總即不出發起究竟之心亦名一行三昧所謂攝心一處即是諸佛道場散亂片時乃即眾生境界受持讀誦一心而行是行布中說圓融法非若分別名相之類也

○三受已轉化二  
初受已謝師 二各旋本界

○初受已謝師

勞六

六

爾時千華上佛千百億釋迦從蓮華藏世界赫赫師子座起各各辭退舉身放不可思議光光皆化無量佛一時以無量青黃赤白花供養盧舍那佛受持上所說心地法門品竟

言爾時者即盧舍那勸授轉化時也舍那付授已畢時當機諸佛領旨各旋本迹世界說法利生應緣去也舉身等者表顯心地戒光出生無量無邊智慧佛凡此本佛迹佛迹迹之佛皆從心地戒光流出此光非可心思言議故云不可思議也光光等者即千釋迦及千百億釋迦所放不思議光復于光光中皆化無量不思議佛是以心地法門戒光無盡而即出生諸佛亦無盡故一時等者以行果同道故花表因行非

花無果非因萬行則無果佛世間花果從  
土地中生出世花果從心地中生故以妙  
花莊嚴妙果青花以表十住赤花以表十  
行黃花以表十向白花以表十地千臂經  
中乃廣明之故以心地因花還以供養心  
地果佛所謂諸供養中法供養最是也受  
持等者從供養中作一結語以起下文故  
云受持心地法門品竟

○二各旋本界二初入定歸本 二出定  
說法

○初入定歸本

各各從此蓮華藏世界而沒沒已入體性虛  
空華光三昧還本源世界闔浮提菩提樹下  
各各等者顯從本依世界而隱初隱為沒  
終隱謂沒已入體性下正明所隱迹處即

入本體法性三昧定也體性虛空華光三  
昧者此即法身本定之別號也言此法身  
常住本定體性在聖不增處凡不減是知  
心佛與諸衆生三無差別平等平等所謂  
諸佛心內衆生時時成道衆生心內諸佛  
念念證真衆生迷而不覺不自受用諸佛  
悟此出沒隱顯自在無礙猶如虛空其體  
本非色相而以色相顯發法身體性本非  
來往無形無相而以行花智光任運莊嚴  
用不離體照不離寂照寂平等理行無二  
故曰體性虛空華光三昧問此定與上舍  
那如來所現虛空體性本源成佛常住法  
身三昧定光有何差別答彼定乃為發明  
因地之心修果地覺故云成佛常住法身  
三昧此定即為發明果地之覺現身益物

故曰虛空華光三昧二定名異而體同也  
 還本源世界者千釋迦佛千百億釋迦佛  
 各各從彼本土放光示眾各各接生疑之  
 眾俱往本師盧舍那佛所聽戒法令受戒  
 竟故又各還應跡所依本源世界見隱顯  
 不離當處故云還本源世界也勞六閻浮提者  
 即娑婆世界四洲之中南瞻部洲也菩提  
 華言覺道亦名道樹凡一切諸佛皆在此  
 樹下示成無上覺道故也

○二出定說法二初明橫說法二明豎

說法

○初明橫說法二初出定相示二正說

法門

○初出定相示

從體性虛空華光三昧出已

上既有入此必有出初現名出現畢名為  
 出已問諸佛法身充滿十方普現一切色  
 身三昧何有入定出定相耶答畧有三義  
 一者觀實相義本離名字言說等相所謂  
 諸法寂滅相不可以言宣除佛方便說故  
 有此出入相二者觀說法時有當說時不  
 當說時之別所謂欲識佛性義當觀時節  
 因緣故有此出入相三者觀眾生根以何  
 等根說何等法所謂隨機演教應病與藥  
 故有此出入相經云先說無量義經後入  
 無量義定乃至出定揚德使彼根機純熟勞六  
 深心仰慕然後與說正合此義

○二正說法門三初次第所說二圓頓

所說三例結所說

○初次第所說



方坐金剛千光王座及妙光堂說十世界法  
門海復從座起至帝釋宮說十住復從座起  
至忉天中說十行復從座起至第四天中說  
十迴向復從座起至化樂天說十禪定復從  
座起至他化天說十地復至一禪中說十金  
剛復至二禪中說十忍復至三禪中說十願  
此釋出定說法示迹之義方坐金剛等者  
此是初會說十信法門也方者正也金剛  
取至堅至利義千光取至明至照義王者  
至尊無對之義以顯此座乃是千佛所傳  
無動無壞無晦無蒙無有比對大寶華王  
座也初地菩薩功德積感承本願力寄位  
人乘作金轉輪王位修十善業以化衆生  
行檀度法而嚴妙果統攝四洲一切國土  
故佛始成正覺初轉法輪而於此處說十

信法門也言十世界法門海者此即華藏  
莊嚴十世界海一真如心乃是十方三世  
一切諸佛自覺聖智受用境界諸佛乘此  
法門倒駕慈航一切菩薩皆修此門以至  
究竟果海一切衆生以迷此心流轉十方  
生死無盡故云十世界法門海又顯十方  
世界無盡諸佛無盡衆生無盡諸佛法門  
亦復無盡故也海喻深廣汪洋無所不藏  
無有窮盡之相此十世界法門海義甚深  
說不能盡大意欲令衆生即入圓信以起  
卷六  
圓解乃得圓證之義若廣明者當閱華嚴  
十世界品毘盧遮那如來名號如來現相  
諸品一一發明此義復從座起至帝釋宮  
等者此第二處次第所說十住法門之義  
問舍那唯說三十心十地法門何故先說

十信次說十住答以舍那佛對千佛說故  
頓說心地品以十住中具談十信非信無  
以有住故上所云堅信忍中十發趣心向  
果今明次第是故先說十信後說十住使  
已發大心衆生得入圓十信位方得圓十  
住也帝釋宮者即忉利天所住內庭也梵  
語釋提桓因華譯云能天主梵語忉利華  
言云三十三此天居須彌頂繇單修上品  
十善得生其中帝釋二字華梵合舉即離  
垢地菩薩修行功行多作忉利天王寄位  
天乘是故世尊次於此天說十住門爲令  
已入十信菩薩天王得入圓十住法門也  
至談天中等者此第三處所說十行法門  
義也談天即夜摩天華言時分謂時時快  
樂觀蓮花開合乃分晝夜此天依空而居

卷六

十一

繇修上品十善兼坐未到定禪得生其中  
即發光菩薩修行功行多作夜摩天王寄  
位天乘是故世尊次於此處說十行法爲  
令已入十住菩薩天王得入圓十行法門  
也至第四天等者此第四處所說十迴向  
法門四天即兜率陀天華言知足謂於五  
欲知足是故此天依空而居所修同前即  
談慧地菩薩初斷俱生身見觀於道品同  
於初果預流位也是故世尊次於此處而  
說十迴向門使令已入十行菩薩天王得  
入圓十迴向法門也至化樂天等者此第  
五處所說十禪定法門言化樂者謂此自  
化五欲而娛樂故此天依空而居所修同  
前即難勝地菩薩修行功行多作化樂天  
王寄位阿羅漢乘觀四諦行既終同於四

果無學位也是故世尊次於此處而說十  
禪定門爲令已入十迴向位諸大菩薩天  
王得圓知諸佛禪定圓入諸佛刹土圓證  
法身境界也言禪定者梵語禪那此云寂  
靜此是諸佛自覺聖智境界故云禪定別  
經所云三賢行滿修四加行方登十地此  
也至他化自在等者此第六處所說十地  
法門他化自在天者此有二種一者正修  
上品十善兼坐未到定禪假此得成自然  
受樂二者偏修十善假他所化以成已樂  
即魔王天此二天王依空而居謂現前地  
菩薩修行功成多作自在天王統攝欲界  
寄緣覺乘謂此菩薩於修十二因緣觀行  
同於緣覺是故世尊次於此處而說十地  
爲令已入十禪菩薩天王得圓證十地法

勞六

十二

門也已上所在四王忉利夜摩兜率化樂  
他化六天之中所說十信十住十行十向  
十禪十地門者正爲初地乃至六地菩薩  
寄位人乘天乘聲聞乘緣覺乘同彼凡夫  
天人三乘二乘斷惑是故世尊亦即在此  
六欲天中說十信三賢十禪十地令彼諸  
凡夫天人聲聞緣覺迴向大乘而證十地  
也下說十金剛十忍十願者以七地八地  
九地菩薩寄位一乘修菩薩行爲令已登  
七地諸菩薩等發起自在任運現身說法  
是故世尊在於初禪二禪三禪說十金剛  
十忍十願爲令永斷俱生二執生相無明  
得入如來妙覺果海復至一禪等者此第  
七處說十金剛法門初禪天王即離生喜  
樂地此天已離下界欲惡忻上妙定故云

離生喜樂即遠行地菩薩修行功行多作  
初禪天王寄菩薩乘以自證法攝化衆生  
是故世尊次於此處說十金剛爲令已登  
七地菩薩天王得證金剛觀智入妙覺果  
海也復至二禪等者此第八處說十忍法

勞六

十三

門二禪即定生喜樂地此天已離初禪之  
喜攝心在定淡然凝靜而生勝定故云定  
生喜樂即不動地菩薩修行功德多作二  
禪天王主小千界寄一乘位說自證門教  
化衆生是故世尊次於此處說十忍法令  
彼已得真無生忍菩薩天王修行十忍法  
門入妙覺果海也復至三禪等者此第九  
處說十願法門三禪即離喜妙樂地此天  
已離初禪二禪喜踴之動泯然入定而得  
勝妙之樂故云離喜妙樂地也即善慧地

菩薩修行功德多作三禪天王主中千界  
寄一乘位以自法門爲諸衆生演說開示  
是故世尊次於此天說普賢十願法門令  
彼已證第九善慧菩薩天王更得十大願  
力得入如來妙覺果海也

○二頓圓所說

復至四禪中摩醯首羅天王宮說我本源蓮  
華藏世界盧舍那佛所說心地法門品

已上九處乃圓融中說行布此之一處是  
行布中說圓融也四禪即捨念清淨地此  
天即捨二禪之喜三禪之樂心無憎愛一  
念平等清淨無雜住於此禪空明寂靜萬  
象皆現故云捨念清淨即法雲菩薩修行  
功德多作四禪天王主大千界而位寄一  
佛乘於諸聲聞緣覺菩薩天王說自證法

門是故世尊次於此處頓說心地四十行位法門品令彼圓證十地菩薩入妙覺果海也

○三例結所說

其餘千百億釋迦亦復如是無二無別如賢

劫品中說

勞六

十四

此例釋迹迹佛說法之義謂千釋迦所說如是其餘千百億釋迦佛出定之後示轉法輪亦皆初從妙光堂中終至首羅宮中十處說法次第敷演漸說頓說與千釋迦所說亦復如是無二無別自爾時盧舍那至此所說乃是略言其義廣如賢劫品中已說也

○二明豎說法 二初天上說道 二人間說戒

○初天上說道 四初示相成道 二成道說法 三說經絲致 四往返多遍

○初示相說道

爾時釋迦牟尼佛從初現蓮華藏世界東方來入天宮中說魔受化經已下生南閻浮提迦夷羅國母名摩耶父字白淨吾名悉達七歲出家三十成道號吾為釋迦牟尼佛

已上明千釋迦及千百億釋迦皆於十方世界說心地法門品此下明一釋迦於一世界之中所說心地法門品也爾時等者

勞六

十五

示降生來源義爾時釋迦世尊自從初現華藏世界東方而來入此兜率天王宮中先在此天伏魔說魔受化經已次觀下界衆生有業覆障難解脫者有根純熟易解脫者故即從天王宮隱勝現劣下生南閻

浮提迦夷羅國淨梵王家爲太子也迦夷羅國此云赤澤或迦毘羅此云黃色黃即處中最爲安隱又古有黃色仙在此修道又古諸佛出現世間皆於此處示生有此多義故名黃色爾時如來將欲降神先現五瑞所謂從兜率天降皇宮者第一相也母名摩耶等者示生身父母之名德梵語摩耶此云大幻以大幻術幻出諸佛故凡十方諸佛示現受生皆其母也父字白淨者是此方譯語梵語鬱頭檀也世尊將欲受生之時觀淨梵王性行仁賢摩耶夫人五百世時曾爲菩薩之母應當往彼托胎所謂示入母胎住胎第二第三相也吾名悉達者示出生之名德也梵語悉達此云頓吉以太子初生時寶藏悉空空而復滿

故名頓吉亦名一切義成即於世出世間一切諸法實相義成故於時太子從摩耶右脇出立蓮花上一手指天一手指地目顧四方周行七步曰天上天下唯吾獨尊世出世間此法第一所謂示現出胎誕生第四相也七歲出家者示離塵俗返妄歸真之義世尊初爲太子具大智慧成就捨心觀生老病死苦厭世五欲捨金輪位如棄涕唾心思出家往白父王父王不許故於二月七日身放光明普照四天王宮乃至淨居天宮諸天見已到太子所禮足白言菩薩無量劫來所修行滿今正成熟即於午夜逾城出家苦行林中剃除鬚髮所謂示現逾城出家苦行林中第五相也所言三十成道號吾爲釋迦牟尼佛者道即

道果世尊功行滿足道成德備三身圓現  
四魔潛消所證圓果德號亦以顯然燈佛  
授記不虛故號吾爲釋迦牟尼佛所謂示  
現而覩明星成道降魔第六相也此經言  
七歲出家三十成道諸說不一或云騰寫  
之訛或云八千返中之一或表圓教七信  
已上無退或七歲表七覺支三十表念處  
正勤神足根力八正道具三十七品助道  
法凡諸佛出世說法度生皆依此故今則  
不然七歲出家猶言出家七歲謂初出家  
時先學不用處定不久得證知非究竟次  
學非非想定不久得證知其亦非究竟次  
復遊行諸國凡經一年次更苦行六年至  
三十乃成正覺此按毘尼部中所釋也

○二成道說法

卷六

十七

於寂滅道場坐金剛華光王座乃至摩醯首  
羅天王宮其中次第十住處所說

於寂滅道場者此示成道轉法輪相約事  
而言即是真阿練若正修行處約理而言  
即是所證菩提涅槃無爲無相清淨寂滅  
之理所謂圓滿菩提歸無所得是故諸佛  
於無所得寂滅理中成等正覺於無所得  
寂滅理中坐大道場轉大法輪故云於寂  
滅道場也坐金剛下明轉法處既成道已  
當轉法輪度諸衆生爾時世尊即自思惟  
我得智慧無能信受若我住世於世無益  
不如入於涅槃爾時梵天而白佛言世尊  
今日法海已滿法幢已立潤濟開導今正  
是時云何欲捨一切衆生入於涅槃而不  
說法是時如來受梵天王請已雖知根鈍

且稱本懷是故雙垂兩相一處於鹿野苑  
 為憍陳如五比丘等轉四諦輪說小乘種  
 種教法一處於菩提場演大華嚴并普光  
 明殿中同說此經此佛與上千佛所說皆  
 從初坐金剛千光王座終至首羅天宮其  
 中次第所說住處共有十也蓋上多佛所  
 說一佛所說頓說漸說及諸住處皆亦無  
 二無別華嚴七處九會所說此經十處十  
 會所說二經大同小異所謂示現成道轉  
 大法輪第七相也何無第八以未涅槃故  
 也

○二說經緣致

時佛觀諸大梵天王網羅幢因為說無量世  
 界猶如網孔一一世界各各不同別異無量  
 佛教門亦復如是

卷六

十八

此釋心地戒品緣起之義及此梵網得名  
 處也時者即於此梵天中說此心地法門  
 之時爾時世尊在大梵天宮中觀彼網羅  
 幢因為喻為說無量世界眾生心行依正  
 差別猶如網孔一一世界各各不同別異  
 無量故佛教門隨機施設亦復如是此義  
 俱已解見題中今不繁釋

○四往返多遍

吾今來此世界八千返為此娑婆世界坐金  
 剛華光王座乃至摩醯首羅天王宮為是中  
 一切大眾略開心地法門竟

此是如來大慈悲心廣大誓願重來人間  
 至八千返所謂佛慈無盡眾生無盡此雖  
 來八千返若較華嚴經中如來出現名號  
 品中看來其名其號其法其時又非可以



數目窮盡可歎我等癡迷至今還作衆生  
深負我佛大慈弘恩豈不慚愧爲此娑婆  
世界等者申明來此八千返義也坐金剛  
華光王座者金剛之座三世諸佛坐此成  
道無少變壞故乃至等者謂此說法道場  
共有十處超其中八故云乃至爲是等者  
明佛說法本懷之義謂我來此八千返者  
無非只爲此界人天一切大衆也略開二  
字明說未廣竟者言在天上說心地法門  
已畢也

○二人間說戒 二初聖凡本源 二總結  
戒相

○初聖凡本源 三初差別說戒 二頌前  
起後 三正結戒品  
○初差別說戒

復從天王宮下至閻浮提菩提樹下爲此地  
上一切衆生凡夫癡暗之人說我本盧舍那  
佛心地中初發心中常所誦一戒光明金剛  
寶戒是一切佛本源一切菩薩本源佛性種  
子一切衆生皆有佛性一切意識色心是情  
是心皆入佛性戒中當當常有因故當當常  
住法身如是十波羅提木叉出於世界是法  
戒是三世一切衆生頂戴受持吾今當爲此  
大衆重說十無盡藏戒品是一切衆生戒本  
源自性清淨

前文自地上天觀梵網孔爲因詳說三十  
心十地中修斷法門品竟今從天上復下  
人間而詳舉心地中十重四十八輕戒行  
故云復從天王宮等爲此地上等者正明  
下至閻浮提義一切衆生總舉閻浮界內

諸衆生也凡夫癡暗人者未出三界俱名凡夫以凡夫煩惱覆心慧目不開故名癡暗之人如是之人必依何法而使障破慧開入聖超凡若非戒法攝心終於煩惱生死海中永無出離故爲此衆復下天宮說

勞六

二十

我本師盧舍那佛心地因中初發心中常所誦一戒此戒何名乃光明金剛寶戒也言說我盧舍那佛者舉法有所師也常所誦一戒者出戒本體此戒體華嚴所言一真法界大總相法門體如圓覺云神通大光明藏如楞嚴云即是常住真心性淨明體法華所云一乘實相佛知佛見在此名爲光明金剛寶戒言光明金剛寶戒者此出戒相名德也光明即智慧也金剛即堅利也寶戒即具足衆善之法財也欲破煩

惱黑暗非大智慧光明不能欲碎根本無明非金剛堅利智不能欲以莊嚴法身果相非衆善寶戒法不能蓋此一戒是諸佛與衆生平等具足無二體性諸佛衆生本無增減是故以此一戒爲一切佛果海本源爲一切諸菩薩因地本源不獨諸佛菩薩以此戒爲本源此一戒者是即一切衆生本有佛性種子既皆有佛性何不成佛道所以不得成佛道者蓋用一切意識色心迷背佛性戒體故也意者思量曰意屬

勞六

十一

第七末那識名染污意亦即轉呼爲染淨依也識者分別曰識以計名相起惑造業即前六種轉識色者所緣曰色即五根六塵也心者集起名心即第八識名阿賴耶統收前七種識謂此心識以攝世出世間

染淨諸法有三藏義能藏所藏我愛執藏  
此識體性乃佛性種子本無遷改在衆生  
分中言名爲佛性在非衆生分中名爲法  
性今在因故名爲佛性若能具大智慧悟  
此體性即本是情是心皆入佛性戒中既  
云皆入佛性戒中應當發本有常具正因  
心也既發此正因心則當依此正因修行  
不墮邪因既不墮邪因當來決定證得常  
住清淨法身不生不滅之果而不爲幻身  
所染故云當當常有因故當當常住法身  
也如是十波羅提木义等者出戒用也夫  
觀衆生皆有戒因以成戒果是則諸佛所  
悟凡夫所迷盡此一戒如是諸佛不忍見  
衆生於本有勝因勝果迷而不悟是故若  
不假此多種戒品一一攝持何以得令六

根返妄歸真所以又將此一戒方便開而  
爲十如是十波羅提木义出於世界教誨  
諸人此十戒法諸佛本此軌則成佛若人  
依此戒用體會修行必定成佛即是衆生  
成佛法則之戒故云是法戒也如起信云  
一者體大真如平等不增減故即此一戒  
是二者相大謂如來藏具足無量性功德  
故即此光明金剛寶戒是三者用大能生  
世出世間善因果故即此十波羅提木义  
是梵語波羅提木义此云保解脫謂持此  
卷六  
戒者保護三業六根得大解脫也三世一  
切等者舉人勸受持也言此十戒既爲法  
則成佛大用是則三世一切衆生應當頂  
禮佩戴時時尊尚不可輕褻領受執持刺  
刺體會不可忽忌故云頂戴受持吾今當

爲等者結顯戒法雖則無盡不離本體之義言爲此大衆者卽爲此現受戒四衆八部之大衆也重說等者謂此戒體是一因諸衆生心念無盡故此戒法亦無有盡是故以此一戒演而爲十十戒復開爲四十八乃至三千八萬無窮無盡一切戒品無不攝歸於此十波羅提木叉故云吾今當爲此大衆重說十無盡藏戒品也是一切衆生戒本源自性清淨此二句的指戒體原本一味平等以衆生心念無盡是故諸佛所說戒品亦無有盡惟恐衆生執此戒相不達戒性所以復言此無盡諸戒者卽是一切衆生本源自性清淨戒體本無戒可持亦本無戒可說今此說者受者皆方便也

卷六

三十三

○二頌前起後

我今盧舍那方坐蓮華臺周匝千華上復現  
千釋迦一華百億國一國一釋迦各坐菩提  
樹一時成佛道如是千百億盧舍那本身十  
百億釋迦各接微塵衆俱來至我所聽我誦  
佛戒甘露門卽開是時千百億還至本道場  
各坐菩提樹誦我本師戒十重四十八戒如  
明日月亦如瓔珞珠微塵菩薩衆繇是成正  
覺是盧舍那誦我亦如是誦汝新學菩薩頂  
戴受持戒受持是戒已轉授諸衆生諦聽我  
正誦佛法中戒藏波羅提木叉大衆心諦信  
汝是當成佛我是已成佛常作如是信戒品  
已具足一切有心者皆應攝佛戒衆生受佛  
戒卽入諸佛位位同大覺已真是諸佛子大  
衆皆恭敬至心聽我誦

此段總頌上下開說心地戒法結前起後讚歎勸受奉行大略也我今盧舍那者此明本迹之佛聖人說法皆以無我破一切我今言我者非同凡夫我相之我亦非外道神我之我乃至亦非權乘假我之我是乃無我中我八自在我無生我也今者當說時也盧舍那佛即正報身毘盧遮那即正法身然佛法身乃有一身二身三身十身等別此佛圓攝一切故云我今盧舍那也方坐蓮華臺者此明本迹依報國土方者正也坐者安也以正心地法戒安住其身及安一切衆生身故蓮華總有二義一處泥恒淨二出水香潔喻顯心地戒體在凡夫中本無垢相在聖人中本無淨相所謂處生死流驪珠獨耀於滄海踞涅槃岸

桂輪孤朗於碧天也又蓮有開合義以表如來開權顯實會權歸實謂開一乘心地戒法之實演說十重四十八輕之權復會歸本源自性清淨心地戒體之實又表舍那一體化爲千釋迦佛復現千百億釋迦佛而此千釋迦佛千百億釋迦佛皆攝歸於盧舍那佛之本體也又因果齊彰義即因該果海果徹因源故臺者即高顯也以表舍那心地戒體無有及者無有逾者所謂一切衆律中戒經爲上最也又臺居中勞六以中攝十方故即表舍那如來爲千佛主心地妙戒爲衆戒本也周而千華上者明應迹依報土顯本迹依報周徧融通之義復現千釋迦者明應跡正報身顯本迹正報周徧融通之義謂千華上每一華中復

有一化佛身而坐其上即顯從一光明金剛寶戒中演出十波羅提木叉之妙戒也一華百億國者明迹迹依報土顯迹佛依報周徧圓融之義謂千華朵各有百億葉瓣每一葉瓣爲一佛國土每一國土中有

劣六

十五

一化佛爲衆說法以表四十八輕乃至無量戒品亦皆從十戒中演出各坐菩提樹一時成佛道者申明應化同時體用不二表心地戒品數雖多同一梵行體也已上八句顯明從體起用如是千百億下顯明攝用歸體言千百億釋迦以千釋迦爲本千釋迦佛又以盧舍那佛爲本故也已上三節總頌大部前九品文正爲開說心地戒法緣起之義千臂經中說心地戒品前先取此義後說三賢十地法門文義錯綜

以今上卷文中亦有從本起迹攝迹歸本之義此似以後例前而爲發起之端向下正頌此品起發緣也千百億釋迦等五句此頌上卷自爾時釋迦佛身放慧光所照鼓動天人生疑立主集衆請問光相釋迦接衆至舍那所聽受心地戒藏一大段經文義問今只言千百億釋迦至舍那所不言千釋迦者何也既千百億釋迦皆各接微塵衆至舍那所聽受戒者則千釋迦亦各接微塵衆來聽受戒不待言矣問所言各接微塵衆是何處衆答是千釋迦千百億釋迦於應迹本源世界垂手接引不可說不可說生疑作念大根衆生至本師所聽受心地戒法正明小根機者未堪與也俱來至我所者謂能接佛所接衆生俱至

華藏故云俱來聽我誦佛戒者謂聽舍那所誦諸佛大戒以顯此心地大戒是諸佛共證也甘露門即開者讚戒德也謂此戒法如世甘露若得飲者便獲清涼不老不死若人能受淨戒當下即出三界生死熱惱喻甘露門開也是時千百億下四句頌勞六上干釋迦佛與千百億釋迦領眾至舍那所聽受戒竟復即各還本源世界示現受生出家成道上升天宮十處說法化天已畢又復從天王宮下至閻浮界說本盧舍那佛初發心中常所誦一戒乃至本源自性清淨一段經文是時千百億者即舍那佛為千釋迦傳授心地戒法授受時也還至本道場者謂千釋迦及千百億釋迦聽戒已畢復還本道場中說法利生以顯諸

佛出定入定去來坐立皆不離本體故言坐菩提樹者顯諸佛成道轉法同一本覺無二道也誦我本師戒者顯戒授有師不忌根本心故已上頌前向下頌後十重四十八者出戒相也戒如明日月亦如瓔珞珠者讚戒功德謂若人能受持此戒能滅愚癡暗障即如日月能破昏暗又持戒人清淨六根於一切法常得解脫亦如日月朗照十方於空往來自在無礙又持戒者滅除罪垢即如杲日能消霜雪又持戒者勞六能滅身心熱惱即如明月能清涼故亦如瓔珞珠者謂持戒人因戒生定因定發慧一切功德智慧法身悉繇戒度而成就故如瓔珞珠莊嚴身相圓滿好故微塵菩薩眾繇是成正覺者顯持戒者利益真實而

不虛故言微塵衆顯持戒者獲益衆多如是無量無邊微塵衆繇持十重四十八輕戒而得成佛以見眞佛果者必當受持此戒也是盧舍那誦我亦如是誦者承上謂此諸戒繇我本師自誦我亦隨誦非自不誦教人誦也汝新學菩薩等四句勸自受以授人也上言微塵諸菩薩衆既繇茲戒而得成佛汝等新學菩薩應當一心頂戴受持是戒以受持是戒已更當轉授諸衆生也自利利人故稱菩薩摩訶薩也若不轉授衆生濫同聲聞人矣諦聽我正誦等三句此誠聽也諦者審也聽者領也我正誦者揀非外道二乘所誦偏邪戒也外道妄計前世從雞狗中來即持雞犬等戒獨立噉穢而行苦行望生天上名曰邪戒即

是邪誦二乘持誦寂滅空戒名爲偏戒即是偏誦今誦大乘實相心地妙戒故名正誦此法既正若非審諦而聽終不得入一乘實相心地妙戒是故須當審諦聽也佛法中戒藏者佛所說法藏有三此三藏中戒藏也戒藏即毘尼梵語毘尼華言性善謂性本自善故亦云善住能令佛法久住世故亦云善壽謂毘尼住世則佛法住世毘尼若滅則佛法速滅毘尼乃佛法中壽命故云佛法中戒藏也波羅提木叉者即戒果義持戒爲因解脫是果是故若人能持淨戒保衛得大解脫也大眾心諦信下四句勸諦信也謂聽而弗信則空聽無益故須當諦信茲戒爲成佛正因能如是奉持當來決定成佛無疑且我是已成佛繇



我信持如是心地戒品已得福慧具足又我是已成佛尚常作如是信况汝未成佛乎是故勸汝應諦信也一切有心等者六句此勸受也謂既信當受信而不受非真信也言一切有心者揀非木石無心也謂勞六凡有心者皆當作佛豈小因果故云一切有心者皆應攝佛戒也問上云是情是心皆入佛性戒中此云一切有心者皆應攝佛戒二義何別答上是從外而進故云皆入佛性戒中此是依內而納故云皆應攝佛戒又上是返妄歸真義故云皆入今是合覺背塵故名攝也言眾生受佛戒即入諸佛位者正明皆應攝佛戒義蓋心外無佛心地外無佛地今則眾生既受諸佛心地法戒豈不即入諸佛位耶位同大覺勞六

勞六

三九

已真是諸佛子者舉位讚獎勸進之義問上既云即入諸佛位此又云位同大覺已即當是佛何以僅名佛子答戒位雖同大覺而非實證大覺道果之位以因行未圓必經三大阿僧祇劫廣修六度一切萬行承事十方諸佛盡行諸佛道法行願滿足始紹佛位如灌頂王子必紹王位時為儲君祇稱王子今受佛戒以修佛行故名佛子真是諸佛子者佛子有三一外佛子謂諸凡夫未曾入道未曾紹隆佛種故名外子二庶佛子謂二乘人但稟小乘教法生於法身不從如來大法中生名為庶子三真佛子謂大乘菩薩稟受如來大乘戒法生於法身故稱真是諸佛子言大眾皆恭敬至心聽我誦者結勸誠聽之義大眾即

闔浮地上稟受佛戒國王王子百官宰相  
 及比丘比丘尼優婆塞優婆夷乃至天龍  
 八部聖凡同會清淨之眾也皆恭敬者恭  
 就身言即身業虔誠敬就心言即意業虔  
 誠外肅內虔內外精誠言語道斷心行處  
 滅此攝口業虔誠所謂制心一處無事不  
 辦也此有二義一者謂舍那所傳心地戒  
 法我尚自誦如對舍那佛面如聞舍那佛  
 語况汝新學可不至心聽誦耶二者汝緣  
 受持佛戒即入諸佛寶位是汝出世大事  
 因緣可不至心聽誦叮嚀付囑詞旨切矣

佛說梵網經直解卷第六

事義

十種大數 一者阿僧祇梵語阿僧祇華言  
 無量謂從阿僧祇阿僧祇為一阿僧祇△二者  
 至千千萬萬俱胝等為一阿僧祇△二者  
 無量謂從阿僧祇阿僧祇為一阿僧祇轉

阿僧祇轉阿僧祇轉為一無量△三者無  
 邊謂從一無量無邊△四者無等謂從無邊無  
 量轉為一無邊轉無邊轉為一無等  
 △五者不可數謂從無等無等為一不可  
 轉無等轉無等轉為一不可數△六者不  
 可稱謂從不可數不可數為一不可稱△七者  
 不可思議謂從不可稱不可稱為一不可思  
 轉不可思議轉不可思議轉為一不可思  
 者不可量謂從不可思不可思為一不可  
 思轉不可思議轉不可思議轉為一不可  
 九者不可說謂從不可量不可量為一不  
 可量轉不可說謂從不可說不可說為一不  
 △十者不可說不可說轉不可說謂從不可  
 說為一不可說不可說轉不可說謂從不可  
 一不可說不可說轉不可說謂從不可  
 此是不可說不可說轉不可說謂從不可  
 若經梵語三昧華言調直定又云正定也  
 行三昧者惟專一行修習正定也謂修行  
 之人應處空閑捨諸亂意繫心實理想念  
 一佛專稱名字隨佛方所端身正向能於  
 一佛念念相續而不解怠於一念中  
 即能得見十方諸佛獲大辯才也 十禪  
 定 一普光明三昧謂身土重重相入周徧  
 廣無礙故△二妙光明三昧謂自他身  
 心境界無礙故△三次第佛國土三昧謂  
 以如幻智應物動寂依根本智恒無往來  
 現延促故△四清淨身心行三昧謂過阿  
 僧祇世界於諸佛所散花供養勤求法故

△五知過去莊嚴藏三昧謂知過去諸佛  
 出現劫剎度生壽命之次第故△六智光  
 明藏三昧謂未來劫中說佛已說法及未  
 說法皆悉知故△七了知一切世界佛莊  
 嚴三昧謂能徧入十方世界見一切佛化  
 莊嚴故△八一切衆生差別身三昧謂人  
 身入夜叉身出乃至剎那入三世起故△  
 九法界自在三昧謂目身毛孔入三昧而  
 作諸佛事得法界自在故△十無礙輪  
 昧謂任無礙三業徧入佛土成衆生智轉  
 淨法輪 十金剛華嚴經云△一者覺了  
 佛種故 十金剛諸法金剛心謂菩薩大  
 願誓欲了知無量無邊不可窮盡一切法  
 故△二者化度衆生金剛心謂菩薩以無  
 上涅槃度脫無量無邊衆生出諸趣故△  
 三者莊嚴世界菩薩金剛心謂十方世界  
 無量無邊當以諸佛國土最上莊嚴之具  
 而莊嚴故△四者善根迴向金剛心謂菩  
 薩以種種善根皆悉迴向無上佛果菩提  
 普及法界衆生故△五者奉事大師金剛

心謂菩薩以善根功德供養無量無邊諸  
 佛悉周徧故△六者實證諸佛金剛心謂  
 菩薩於諸法實相之理非實非虛非有非  
 無悉皆真實而證知故△七者廣行忍辱  
 金剛心謂菩薩或被衆生訶罵楚撻或截  
 手足或剝耳鼻或挑其目或毀其頭如是  
 一切皆能忍受無嗔恨故△八者長時修  
 行金剛心謂未來世劫無量無邊不可窮  
 劫我當道彼劫中行菩薩道教化衆生永  
 無疲倦故△九者自行滿足金剛心謂菩

薩建立妙行以清淨心為本能滿一切功  
 德善根具足無上菩提道故△十者令他  
 願滿金剛心謂菩薩自行即滿慈悲之心  
 轉更增上謂求解脫者說於涅槃為求佛  
 法者說於大乘之法 十忍 華嚴經云△一  
 悉皆令其心願滿故 忍即能曉了忍可忍證無驚怖故△二  
 深教即能曉了忍可忍證無驚怖故△二  
 順忍謂於理事忍能隨順諦審此法忍可  
 忍證而無違故△三無生忍謂了達諸法  
 本來無生亦無有滅諦審此法忍可忍證  
 而妄念不起故△四如幻忍謂了達諸法  
 皆從因緣和合而生如幻如化性本空寂  
 諦審此法忍可忍證而無著故△五如夢  
 忍謂了知一切境界悉如陽燄無有真實  
 諦審此法忍可忍證而無執故△六如夢  
 忍謂了諸妄心皆如夢境諦審此法忍可  
 忍證而不執故△七如響忍謂了一切世  
 間語言音聲皆由因緣和合而成猶如谷  
 響無有真實諦審此法忍可忍證而不著  
 故△八如影忍謂了達色身由五蘊積集  
 而成本無實體諦審此法忍可忍證而無  
 著故△九如化忍謂了達世間諸法無而  
 忽有有即還無體非真實諦審此法忍可  
 忍證而無著故△十如空忍謂了達世出  
 世間種種諸法悉如虛空無有礙 十身  
 相諦審此法忍可忍證而無著故 十身  
 化三合顯是為一身開法報為二身法報  
 化為三身兼隨應為四身法身如虛空徧  
 周滿法界無有障礙諸佛衆生平等具足  
 唯一無二是為圓身報身如日光徧普昭

法界不與二乘等共然報身有二種一自  
報身謂如來因地中修習無量福慧所起  
無邊真實功德恒自受用廣大法樂故二  
他報身緣如來平等智示現微妙清淨功  
德之身居純淨土為住十地諸菩薩眾現  
神通力轉正法輪令彼受用大乘法樂故  
應身如日影遍謂如來身如日之影現於  
水中各隨人去如東行者見日東去如西  
行者見日西去謂諸如來不捨眾生如影  
隨形現同喜攝故言五身者一者小教丈

六金身謂以如來示現出家成道初於鹿  
野苑中轉四諦生滅法專化二乘而一乘  
人但見丈六金身故二者始教千百億化  
身謂如來次說大乘廣說實相而於千百  
億世界中示現種種色身正化菩薩兼化  
二乘以是眾生所見各不同故三者終  
教丈六即是真身謂如來次說大乘終極  
理趣會一切法咸歸實相二乘開提悉得  
成佛機緣既熟所見如來丈六金身即是  
真常不遷之身故四者顯教大乘丈六即

是法身謂以如來不從漸次唯談圓頓妙  
理空有兩忘色心無礙大乘菩薩了切  
法無非法身故五者圓教具足十身謂如  
來稱性宣揚圓融法界如理如智法界  
融塵塵無礙統諸教差別身全法界平  
等體一切菩提頓智等身無不具足

卷六

五十二

佛說梵網經直解卷第七

勞七

姚秦三藏法師鳩摩羅什奉

詔譯

明廣陵傳戒後學沙門寂光

直解

菩薩心地品之下

○三正結戒品 二初標叙結受 二說戒

相貌

勞七

○初標叙結受 二初經家叙說 二佛自

叙說

○初經家叙說

爾時釋迦牟尼佛初坐菩提樹下成無上覺

初結菩薩波羅提木叉孝順父母師僧三寶

孝順至道之法孝名為戒亦名制止佛即口

放無量光明是時百萬億大衆諸菩薩十八

梵天六欲天子十六大國王合掌至心聽佛

誦一切諸佛大乘戒

此總標顯結制心地戒法緣起也言爾時

者即從天上復下人間示現出家成道時

也釋迦牟尼佛者示生娑婆之佛號也初

坐菩提樹下者即示始坐道場之處成無

上覺者即正徧知覺是如來示現所證菩

提涅槃二轉依號一切聲聞緣覺諸菩薩

等無有等者無有逾者故云成無上覺初

結菩薩波羅提木叉者示初轉法輪之急

務也如來出世本懷原為令諸衆生離苦

得樂同佛菩提等無差別奈衆生不知其

若是故世尊思惟畢竟以何法門能令衆

生離苦故演波羅提木叉保衛三業六根

得大解脫衆生離苦佛願滿足故先結戒

戒有大小乘分大乘戒藏被菩薩乘小乘

戒藏被聲聞乘聲聞戒狹未稱究竟不言

戒藏被聲聞乘聲聞戒狹未稱究竟不言

即成佛道菩薩戒廣普被一切衆生受戒即入佛位離一切苦得究竟樂又聲聞戒常隨佛衆隨事而制菩薩修行六度化利衆生不常隨佛波羅提木叉戒乃即六度萬行元首故世尊最初成道始轉法輪即先頓教結此菩薩戒藏也孝順父母師僧三寶顯菩薩戒行萬行因中最勝因也何者父母即生身父母以此世身緣本父母懷胎乳哺移乾就濕種種辛勤撫育而成師即本師和尚乃法身父母以我法身緣師誨戒之力而生又即師有三師七師皆有教誨之恩僧有同學同見同行皆有成人之德三寶即佛法僧乃慧命父母也以我慧命賴三寶熏修之力而得如是諦思父母師僧三寶俱有深恩重德實難酬報

當發孝心而順事之即此戒中便是孝順如不孝者禽獸之不如也故云孝順父母師僧三寶孝順至道之法此句承上謂波羅提木叉其義廣大無量無邊此孝順一法何以能盡佛戒之義曰此孝順深因乃趣無上佛果至道之法非同世間孝道祇得人天小果而已蘭盆疏云稽首三界主大孝釋迦尊累劫報親恩積因成正覺茲緣報親深因而成佛道極果不孝當致至極苦果所謂五刑之屬三千而罪莫大於不孝也勞七是故世出世間善惡果報皆在孝與不孝儒典讚孝曰至德要道又謂聖人之德無以加於孝也故曰至道之法孝名爲戒亦名制止此二句者明波羅提木叉之名義也上以波羅提木叉爲戒今只言

孝順曰至道之法而不言戒品何耶蓋孝順所在自然梵行具足因得戒名如法苑云戒即是孝衆生皆吾父母是故不殺不盜即守戒也皆吾父母即行孝也又下經云以常行放生業觀一切男子是我父一切女人是我母我生生無不從之受生故六道衆生皆是我父母而殺而食者即殺我父母有生無殺即孝即戒也故此經首尾貫徹十重四十八輕戒中皆云孝順心恭敬心慈悲心而恭敬心慈悲心者悉從孝順心中流出故云孝名爲戒亦名制止者此句再舉孝道名位正以盡戒義制者法制止者禁止以諸戒心修一切善即得阿耨菩提無善不修便是孝順心中之法制也以諸戒品滅一切惡便是孝順心中

之禁止也故云制止所謂諸惡莫作衆善奉行自淨其心是諸佛戒此一法三聚足三身圓以是離一切苦得究竟樂此吾佛世尊始結波羅提木义正義也括而言之如來出世所說三藏十二部教所詮者戒定慧所修者六度行所證者無上道是以始成無上正覺初結菩薩波羅提木义戒終至涅槃會上云汝等諸比丘當尊重珍敬波羅提木义是汝大師如佛在世無有異也波羅提木义戒也是汝大師孝也是故始終所說一以孝名爲戒亦名制止總括收盡而已佛即口放無量光明者標心地戒法瑞應也此經放光共有六處一者釋迦身放慧光即果明因故二者玄王身放金剛白雲色光即因顯果故三者舍那

身故虛空光明因果不二故四者舍那付授放光光中召告即明佛佛受持皆此行故五者佛佛放光光化佛現花供佛以明必修本因方得果故今第六者口放無量光明說諸菩薩心地戒品正明佛佛親口宣傳畢竟要依心地戒光為修行勝因勞七然後得證心地戒光之勝果也是時百萬億大衆者總標戒光所攝人天凡聖有緣衆也諸菩薩者內凡外凡地上諸菩薩也十八梵天即色界中初禪二天二禪三天三禪三天四禪九天共十八位六欲天子即欲界中四王忉利夜摩兜率化樂他化之六天也十六大國王者西域大國共有十六既大國主兼受戒法其餘國王聽受戒法亦可知矣合掌至心二句明聽受戒

勞七

五

法虔恭意合掌即身業誠至心即意業誠攝心諦聽言不亂發即口業誠以是三業虔誠於此心地戒光豁然通達

○二佛自叙說

佛告諸菩薩言我今半月半月自誦諸佛法戒汝等一切發心菩薩亦誦乃至十發趣十長養十金剛十地諸菩薩亦誦是故戒光從口出有緣非無因故光光非青黃赤白黑非色非心非有非無非因果法是諸佛之本源行菩薩道之根本是大衆諸佛子之根本是故大衆諸佛子應受持應讀誦應善學諸佛子諦聽若受佛戒者國王王子百官宰相比丘比丘尼十八梵天六欲天子庶民黃門婬男婬女奴婢八部鬼神金剛神畜生乃至變化人但解法師語盡受得戒皆名第一清淨



者

此段正明世尊結戒誦持之緣因也佛告諸菩薩言至十地諸菩薩亦誦數句乃以已勵人也謂我是已成佛今尚半月半月自誦諸佛法戒況汝等初發心菩薩乎半月半月者每月二次誦戒以十六日至三十日爲黑半月月初一日至十五日爲白半月若逢月小即二十九日爲黑半月誦者謂誦十重四十八輕戒然此戒乃一切諸佛菩薩修證菩提涅槃之根本正因此是釋迦如來半月半月立誦諸佛所傳心地戒法萬古弘規誰敢違也言一切發心菩薩者此即圓談十信乃是發大乘心諸菩薩也既初發心亦當如我誦也謂不但汝等初發心者當誦即入理證真十住十行

六

六

十向十地位諸菩薩此諸菩薩戒心既固戒行已圓如是菩薩亦如是誦其初心誦戒尤可知也是故戒光等者此舉勝緣明勝因也謂從舍那自誦而即千佛隨誦以千佛自誦故乃至新學舊學菩薩亦如是誦是故戒光之緣親從諸佛口中流出既言光從口出是有緣矣既有是緣必有其因以致此緣故云有緣非無因故光光等者破執情也恐凡外小乘聞有緣有因遂生執著不達自家本有戒光向外馳求故云此光非屬青黃赤白黑之色塵法非屬四大幻色之妄身法非屬六塵緣影之妄心法非屬外道爲有爲無之斷常邪見法非屬二乘修證因果等戲論法此心地戒光者乃超情塵離有無見絕修證心不可

思議是一切佛所證無上菩提無餘涅槃  
本源之法是行菩薩道者之根本法既此  
戒光是一切根本法是故大衆諸佛子等  
應當受持應當讀誦應當善學善學者謂  
當於此心地戒光必能受持通達其義受  
而無受無受而受善用之也諸佛子諦聽  
者誠聽辭也謂此心地戒光實相大法若  
不息慮忘言默聽玄會則亦不能與之相  
應是故勸諦聽也若受佛戒等者舉能受  
之人也謂若國王王子百官宰相比丘比  
丘尼十八梵天六欲天子庶民黃門婬男  
婬女奴婢八部鬼神畜生乃至變化人如  
是等衆皆來受佛戒也國王等解見前言  
八部者即天龍夜叉乾闥婆阿修羅迦樓  
羅緊那羅摩睺羅伽之八部鬼神也金剛

神者即護法大力士畜生即六畜等變化  
人者是即天龍鬼神禽畜等類有大神通  
力者故能化人形也言但解等者此明戒  
師不得揀擇義也形雖有別性本無殊無  
論貴賤人鬼但能解得法師說戒法語即  
不得揀擇一一盡得與他傳授菩薩心地  
戒法而去莫作分別而留難也皆名第一  
清淨者者字牒定謂諸衆生於諸佛淨戒  
未受之先背覺合塵染汚梵行故不清淨  
今受戒時一切懺悔洗滌淨器返身歸真  
梵行具足非同聲聞次第清淨故云皆名  
第一清淨者

○二說戒相貌 二初總說戒相 二別說

戒相

○初總說戒相

佛告諸佛子言有十重波羅提木义若受菩薩戒不誦此戒者非菩薩非佛種子我亦如是誦一切菩薩已學一切菩薩當學一切菩薩今學我已略說菩薩波羅提木义相貌應當學敬心奉持

此承上言既受佛戒爲成佛因地心當誦佛戒明佛戒行爲成佛果也佛告諸佛子者呼告能受人也有十重波羅提木义者明所受戒本法也若受菩薩戒不誦此戒者二句牒明違法之人非菩薩非佛種子二句斷定違法之過謂波羅提木义是菩薩本業今既不誦即棄本業本尚不得云何利益衆生而名菩薩故云非菩薩也此光明金剛寶戒是成佛之真種真種既失即佛果皆失矣故云非佛種子何以故以

不肯誦佛戒不明戒性故也我亦如是誦者舉自果人以勸因人誦也一切菩薩等者舉同因人以勸誦也謂我乃果人尚如是誦况因人乎且過去一切菩薩已誦未來當誦現在今誦三世一切菩薩同修因

人是已成熟菩薩亦如是誦况汝等新學而不誦乎是故勸汝亦當誦也我已略說菩薩波羅提木义相貌者謂聲聞戒執身以隨限量而菩薩戒持心離限量故今於無限量中表舉一二故云我已略說言相貌者謂波羅提木义戒體本無形相不妨有持戒者得持戒之相貌而毀戒者獲毀戒之相貌所謂心持咒印顧盼雄毅等是也應當學者勸習學也謂上既知戒有持毀相貌應當時時勤學不可怠也敬心奉

持者謂欲勤此戒當要尊重刻行持切  
勿忘失成佛種子故云敬心奉持

○二別說戒相<sup>二</sup> 初說重戒相<sup>二</sup> 二說輕  
戒相

○初說重戒相<sup>二</sup> 初別說十重<sup>二</sup> 二總結  
十重

○初別說十重<sup>+</sup>  
○第一殺戒

佛言佛子若自殺教人殺方便殺讚歎殺見  
作隨喜乃至咒殺殺因殺緣殺法殺業乃至  
一切有命者不得故殺是菩薩應起常住慈  
悲心孝順心方便救護一切衆生而返恣心  
快意殺生者是菩薩波羅夷罪

此釋第一殺戒相也聲聞四棄姪戒爲首  
聲聞志出三界無望成佛唯斷續生故以

姪戒居首菩薩化利衆生以慈爲本是故  
一切衆生皆知貪生畏死若斷彼命便失  
本慈且令生啣苦怨恨不思累生酬報無  
己是以殺戒在先故楞嚴經云佛告阿難  
又諸世界六道衆生其心不殺則不隨其  
生死相續汝修三昧本出塵勞殺心不除  
塵不可出縱有多智禪定現前如不斷殺  
必落神道故戒之也佛言佛子下正明殺  
事乃至一切下以輕沉重例明不當殺也  
是菩薩下正明佛子戒所當持而反恣心  
下舉不持之過是菩薩下結不持之罪也  
佛言佛子者呼其人而告之言爲佛子受  
持佛戒當依戒修不可輕違佛制以下做  
此言自殺者是自已行殺乃身心所造殺  
業也教人殺者雖不自己行殺而使他行

殺者乃心口所造殺業也或不自殺亦不  
教殺假以巧設方便令其致死是名方便  
殺乃意地所造殺業也讚歎殺者謂以竦  
踴語令彼殺者快意而行亦屬心口所造  
見作隨喜者謂見他行殺雖亦不教不讚  
然其心念隨而喜之此屬意業乃至咒殺  
者謂殺法甚多不悉繁舉故超略之以西  
域有惡咒咒之令死亦屬心口所造以上  
所殺之相或只有殺因若殺緣不至則不  
成殺或因緣會合而前起殺念不復相續  
亦不成殺必因緣法三事成就方成殺業  
也言殺因者謂諸衆生從無始來具有貪  
等種子十惡業因初心菩薩見思等惑諸  
煩惱障未空殺等習氣不怠忽起一念現  
行故名殺因殺緣者謂所殺人畜等宿世

勞七

十一

怨家聚會為緣殺法者謂刀杖網惡咒方  
便等斷彼命根為法緣是三種和合任運  
成殺為業以致當來互相殺害也菩薩紹  
隆佛種上弘下化求解脫道必以慈心為  
六度本是故殺戒為第一事又不但人與  
大身衆生而不得殺乃至一切凡有命者  
如草如木但有生長義者俱不得無故而  
加折損况生靈耶問菩薩覓親普度是殺  
皆遮但戒故殺似非等慈答一切遮者為  
出家菩薩言也如國王宰官殺一救多與  
善滅惡正權乘菩薩大慈悲心故有遮有  
開但戒不得無故為名為利以私心成殺  
也是菩薩等者正明佛子所修之道而勸  
其當行也慈悲心者是菩薩根本心乃於  
此心應當常恒安住而莫忘失故云是菩

薩應起常住慈悲心常住二字貫下孝順心也以慈悲心愛眾生如赤子恒與之樂而拔其苦以孝順心敬眾生如父母不敢違忤而常恒奉事之方便救護一切眾生者此方便救護四字乃是慈悲心孝順心中救護眾生善巧學處使一切眾生安樂永離刀砧等苦而返恣心快意殺生者者字斷定非爲之詞謂修菩薩行者若見眾生有苦如不能救護者尚缺慈悲已乖本行况復恣縱其心快逞其意以殺眾生者乎其殘害已甚正所謂斷大慈悲心故當結罪是菩薩波羅夷波羅夷者華言極惡亦云棄罪謂犯此罪永棄佛海之外不得入於清淨象中共同說戒羯磨一切僧事皆無有分故云棄罪當隔惡道故云極惡

云是菩薩波羅夷罪者表其分位當然是自失其分位故曰是菩薩波羅夷罪也自從上若自殺下至不得故殺一節此即攝律儀戒謂無惡不止也從是菩薩下至救護一切眾生一節此即攝善法戒謂無善不修也既斷一切惡自不令其至於苦地既修一切善自然令其得至樂處是爲饒益眾生戒所謂無生不度也緣滅一切惡而惑盡障除以諸惡盡淨故名爲斷德因斷成功當來果上證法身佛緣修一切善勞七而智顯慧開以諸善集聚故名爲智德因智成功當來果上證報身佛以斷惡修善饒益眾生故名爲恩德以思成功當來果上證應身佛如是三德身相總在三業六根斷惡修善而得成就是名菩薩波羅提

木义反此即波羅夷餘皆倣此

○第二盜戒

若佛子自盜教人盜方便盜咒盜盜因盜緣盜法盜業乃至鬼神有主物劫賊物一切財物一針一草不得故盜而菩薩應生佛性孝

第七

十三

順心慈悲心常助一切人生福生樂而反更

盜人財物者是菩薩波羅夷罪

此釋第二盜戒相也盜者謂不與者不得故取若強取者皆名偷盜所謂偷心不除塵不可出縱有多智禪定現前如不斷偷必落邪道故應戒也若佛子下至一針一草不得故盜一節此名攝律儀戒而菩薩下至生福生樂一節名攝善法戒以上斷惡修善即饒益有情戒也言自盜者謂親手竊取人之財物名為自盜令人行竊名

教他盜假設方便善巧而取使彼自然而與名方便盜念誦邪咒以幻術力令彼財物自然而來是名咒盜盜因者謂無始熏習賊貪種子為因或暫起盜念也盜緣者謂金銀等寶現前助成盜心為緣盜法者即設巧計盜人財物為法盜業者謂因緣法三事俱備任運成盜以致當來為畜為奴世世償還苦報不但人民財物不得行盜乃至鬼神之物亦是有主如祠廟中供具等物亦不得盜也劫賊物者謂劫盜所得之物也一切財物下以輕例重明決不得盜也謂毋論貴賤輕重一切財物而不得強取即若至微至賤一針一草皆不得不與而取若取即犯盜戒故曰不得故盜而菩薩下勸其當行也而為菩薩者應觀

一切衆生皆有佛性亦如父母是故當生  
 孝順心供養如佛如父如母若盜彼物即  
 名盜佛物也應生慈悲心者即菩薩本行  
 心此心能與其樂能拔其苦當觀衆生如  
 子如女不以忍心令其饑凍故云應生佛  
 性慈悲心也常助一切等者承上既是恒  
 具孝順慈悲之心是故應當常助一切人  
 生彼身中之福生彼心中之樂可也而反  
 更盜人財物者有是理乎是故結成不應  
 之過是菩薩波羅夷罪

○第三婬戒

若佛子自婬教人婬乃至一切女人不得故  
 婬因緣緣法婬業乃至畜生女諸天鬼  
 神女及非道行婬而菩薩應生孝順心救度  
 一切衆生淨法與人而反更起一切人婬不

第七

十四

擇畜生乃至母女姊妹六親行婬無慈悲心  
 者是菩薩波羅夷罪

此釋第三婬戒相也婬者謂與男女身心  
 流逸污淨行故此即三界四生六道衆生  
 輪迴生死根本法也婬根不斷永無得出  
 生死輪迴所謂婬心不除塵不可出縱有  
 多智禪定現前如不斷婬必落魔道故當  
 戒也自婬者謂自身與男女作纏縛故教  
 他婬者亦即使彼不解脫故乃至一切女  
 人不得故婬者婬類甚多指一例餘示所  
 戒也婬因等者謂成婬事单根不就獨境  
 不成必具因緣法三故成婬也言婬因者  
 無始貪婬習氣為因緣緣者男女合會助  
 成為緣緣法者撫摩憐愛情術為法以是  
 因緣法三和合任運成婬為業而感六道

第七

十五



輪迴不得解脫苦果等報也乃至畜下以異例常謂不但人女不得生染乃至畜生之女諸天鬼神之女亦皆不得媪也非道行媪者謂於妻妾正媪中犯其非道之處或非其時也於出家者一切全斷在家之

人惟制外媪及與非道非時媪也已上所戒斷一切惡向下所勸修一切善其中斷修即思及衆生也而菩薩應生孝順心者牒定爲菩薩者不同無智慧人應當觀察一切男子即是我父一切女人即是我母不敢犯之故云應生孝順心也救度一切衆生淨法與人者此是人已兩利謂以己清淨之法而并與所不犯之人令斷愛欲根本救度一切衆生脫離三界纏縛方是菩薩慈悲教導淨法與人若不能生如

是教益之心已非菩薩而反更起一切人媪不擇畜生乃至母女姊妹六親行媪而使一切衆生入愛見坑無慈悲心者是菩薩波羅夷罪

#### ○第四妄語戒

若佛子自妄語教人妄語方便妄語妄語因妄語緣妄語法妄語業乃至不見言見見言不見身心妄語而菩薩常生正語亦生一切衆生正語正見而反更起一切衆生邪語邪見邪業者是菩薩波羅夷罪

此釋第四妄語戒也言妄語者即虛誑不實也乃即未得言得未證言證自非聖人而言我是聖人非實得上人法而言我得上人法欺誑愚夫亦是自欺若究其情是乃希求名聞貪圖利養此罪不善故戒之

也自妄語者即自己說我是聖人我已悟了道我是第幾祖故云自妄語教他妄語者或命弟子或使朋友互相傳言亦如我說故云教他妄語方便妄語者以巧語言合彼機宜自然而信故云方便妄語妄語

第七

十六

因者謂無始誑貪種子虛妄習氣爲因妄語緣者謂有可欺之人現前助成爲緣妄語法者欲惑人心取信必有架言之法則也妄語業者以因緣法三事和合任運成妄爲業以致將來拔舌犁耕等苦果報也所謂大妄語成墮無間獄者此也乃至不見言下以輕明重言妄語者不但重者不得故犯乃至最輕者如不見言見見言不見皆不得也不見言見者謂本不曾見他作惡以順人意而言見故見言不見者謂

第七

十七

實見他人行善以嫉妬心而言未見其善也身心妄語者謂上不見言見等已出於口口本屬身口不自言因心而發故云身心妄語已上所戒即攝律儀戒向下勸其當修即攝善法戒既言出真實即攝衆生戒也而菩薩常生下正明饒益衆生語也謂菩薩者凡所出言常生正語正見亦生一切衆生正見可也言正語者即語不偏邪故正見即見不顛倒故謂語正者而見自正繇是自己說誠實語方能取信於是故亦使一切衆生而得正語正見皈依佛教爲正人也若爲菩薩自無正語正見已非菩薩智行况反更起一切衆生邪語邪見造邪業者其罪何辭是故菩薩得波羅夷罪惟除救人急難方便權巧凡有益

者不但無過更有功德

○第五酤酒戒

若佛子自酤酒教人酤酒酤酒因酤酒緣酤酒法酤酒業一切酒不得酤是酒起罪因緣而菩薩應生一切衆生明達之慧而反更生一切衆生顛倒之心者是菩薩波羅夷罪

此釋第五酤酒戒也言酤酒者謂釀酒賣人也以酒與人所害者廣能使飲者多起非心敗國亡家喪身失命種種過惡無所不至皆因飲酒故戒之也自酤酒者謂自貪利而貨賣也教人酤酒者其義有二一謂教人造作貿易之語二謂以本與他瓜分其利酤酒因者無始貪利之心爲因酤酒緣者米麥工人等具助成爲緣酤酒法者謂醞釀麴蘗等爲法酤酒業者以上三

勞七

十八

事和合營運成酤爲業致受當來癡熱無知果報等苦也一切酒不得酤者謂不但米麥等酒不可造乃至甘蔗葡萄楊梅棗子等物一切俱不可造所以然者以一切酒皆起一切罪業因緣故也四分律云酒有三十六失始於不孝父母不敬三寶終於落水凍死熱亡又智度論云酒有三十五失始於現生虛乏終於來世愚癡真乃世間狂藥烈於砒鴆古有優婆塞以一飲酒諸戒俱破故云起罪因緣已上所戒斷一切惡下明佛子所行之正行即修一切善其中斷惡修善即饒益衆生戒也而爲菩薩行者應生一切衆生明達之慧可也明達即智慧照了義菩薩應依般若以大智慧光明自覺覺他曲盡方便開化衆生

必致發生各各本有大智慧明於諸事理  
了然通達如或不能猶失菩薩方便之行  
况反以酒酤賣與人發生一切衆生顛倒  
之心耶故結過云是菩薩波羅夷罪

○第六說四衆過戒

勞七

十九

若佛子口自說出家在家菩薩比丘比丘尼  
罪過教人說罪過罪過因罪過緣罪過法罪  
過業而菩薩聞外道惡人及二乘惡人說佛  
法中非法非律常生慈心教化是惡人輩令  
生大乘善信而菩薩反更自說佛法中罪過  
者是菩薩波羅夷罪

此釋第六說四衆過戒也說者謂快心談  
說總有二種一者正理立量二者非理論  
量此是非理論量也說四衆過者謂妄議  
出家二衆在家二衆過失既爲菩薩於同

行友無過不可謗訕設彼有過當以慈悲  
善言勸諭令彼知過必改懺悔爲門胡得  
向外人說自辱法門使聖道不行此罪非  
細故戒之也口自說者謂謗出自口也出  
家在家四衆乃是發大乘心稟受大乘戒  
者故云菩薩比丘比丘尼者別開出家二  
衆乃是內祕外現受聲聞戒人也教人說  
罪過者其義有二一者已有私忿令人宣  
說彼過以快自心二者他人之忿即令彼  
所忿者說之乃就中取事也言罪過者罪  
謂重垢輕垢等罪過謂七逆十惡等過以  
過定罪故云罪過如是緇白四衆俱是住  
持三寶弘通佛法之人爲佛子者不得口  
自宣說彼之罪過亦不得教他人說彼罪  
過應善護口其福無量罪過因者無始以

來惡口習氣爲因罪過緣者謂彼少有形迹可以藉口爲緣罪過法者粧點罪過巧說方便欲人取信爲法罪過業者三事和合巧運成說爲業致使當來受截舌地獄苦果等報也已上所戒即斷一切惡而菩薩下即修一切善斷惡修善即攝衆生戒也聞外道惡人者謂外道顛倒惡見斷佛慧命使諸衆生墮坑落塹故名惡人二乘亦名惡人者以不能續佛慧命故名惡人也說佛法中非法非律者謂外道小乘不達大乘逆行順行境界見其所爲說言非法非律爲菩薩者聞此惡說應當生慈愍心教化是惡人輩使外道改惡從善反邪歸正令二乘捨小知見發起大乘善信可也如或不能如是開化尚缺慈悲豈有

反更自說佛法中罪過者耶故結過云是菩薩波羅夷罪

○第七自讚毀他戒

若佛子口自讚毀他亦教人自讚毀他毀他因毀他緣毀他法毀他業而菩薩應代一切衆生受加毀辱惡事自向己好事與他人若自揚己德隱他人好事令他人受毀者是菩薩波羅夷罪

此釋第七自讚毀他戒也口自讚毀他者謂讚自己能行六度欲人恭敬供養而常

勞七

三三

毀訾他人令彼道法不能流通致使喪名失利此非佛子所爲故戒之也口自讚毀他者謂自口讚自己之長而毀他人之短亦教人自讚毀他者謂教他人亦讚我有德而毀他無德也毀他因者謂無始來貪

嫉習氣常懷自讚毀他之心爲因毀他緣者謂欲毀人境現前爲緣毀他法者謂毀人善德令取信于人爲法毀他業者以此三事和合作運成毀爲業以致當來受苦果報也已上所戒即斷一切惡而菩薩應代下勸其當行即修一切善也既爲菩薩倘見他人有過尚應自代一切衆生受加毀辱以惡事自向已好事與他人以如是心行如是行如來方名此人爲真實菩薩若自揚已有德隱覆他人好事而反令人受毀辱者此非佛子心行故結過云是菩薩波羅夷罪

○第八慳惜加毀戒

若佛子自慳教人慳慳因慳緣慳法慳業而菩薩見一切貧窮人來乞者隨前人所須一

切給與而菩薩以惡心瞋心乃至不施一錢一針一草有求法者不爲說一句一偈一微塵許法而反更罵辱者是菩薩波羅夷罪

此釋第八慳惜加毀戒也謂慳吝財法見求不與反加打罵也慳惜屬貪分加毀屬瞋分貪瞋二法繇無智慧即癡分攝性貪隨賊鬼加毀墮地獄愚癡隨畜生三毒不善故戒之也自慳謂即自己慳惜財法不惠人也教他慳者使他慳惜以遮自己慳貪心也慳因者以無始來常懷慳惜之心爲因慳緣者見求財法之人不相契合遮護爲緣慳法者以巧設種種遮護不施爲法三事和合作意成慳爲業致受當來餓鬼果報等苦也已上所戒即斷一切惡而菩薩下勸其所行即脩一切善也言爲菩

薩者若見一切貧窮之人無論遠近親怨來乞求者應當平等隨其前人一切所須悉給與之勿吝惜也貧窮人者有二種人

一身貧窮謂乞衣即與之衣乞食即與之食如乞安身之所即施安身所也二心貧

窮謂乞法即與法如大乘根即以大乘法施如小乘根即以小乘法施隨其所須一切不恪如是之施是名菩薩慈悲道行而為菩薩若以惡心故自私自利以瞋心故獸人乞求不但不肯多施乃至一錢一針

一草總不施與又或有求法者不為說一句一偈一微塵許法如是之心尚失菩薩慈悲之道墮慳吝罪何況反更加辱罵乎是菩薩波羅夷罪律云見乞不施有二不犯一者如乞財作惡乃害人害生命不施

第七

十三

不犯二者如乞法已還歸外道助外道法不說不犯即加訶責亦俱不犯

○第九瞋心不受悔戒

若佛子自瞋教人瞋瞋因瞋緣瞋法瞋業而菩薩應生一切眾生中善根無諍之事常生慈悲心孝順心而反更於一切眾生中乃至於非眾生中以惡口罵辱加以手打及以刀杖意猶不息前人求悔善言懺謝猶瞋不解者是菩薩波羅夷罪

此釋第九瞋心不受悔戒也瞋者謂含毒在心發於面目身心不寧之相前人偶爾相觸轉向求悔而不受其懺謝即上違佛教下乖接引中失本心以是根本煩惱有六後第六之惡見乃斷眾生慧命比慢疑二尤重前三中之瞋心即捨眾生悲仰比

貪疑二尤重所謂一念瞋心起八萬障門  
開障善提心障善提願乃至一切障礙無  
過於瞋故戒之也若佛子下明瞋事也言  
自瞋者自己之恨發爲瞋怒致他瞋者有  
三義一者借他瞋彼以雪己恨二者教他  
瞋彼於中取利三者是他人之所恨使其  
兩相瞋害於中取樂令二家不得解脫故  
也瞋因者謂無始來含恨習氣爲因瞋緣  
者所瞋人境現前爲緣瞋法者謂即心起  
計較令彼受辱爲法瞋業者以此三事和  
合造作成瞋爲業致受當來三塗果報等  
苦也經云不斷瞋心縱有福德多智禪定  
感修羅報如無福德智定之人即感虎狼  
蛇蠍等報以上所戒即斷一切惡而菩薩  
下即修一切善也而修菩薩行者應生一

切衆生心地之中平等善根無所諍鬪之  
事常生一種慈悲之心視諸衆生如子女  
等應撫育之以是不忍瞋也又當常生一  
種孝順之心亦觀衆生如父母等應奉事  
之以故不敢瞋也若具如是心者是真佛  
子平等觀門如或不能已非佛子平等方  
便何況反更於一切衆生中乃至於非衆  
生中以惡口罵辱加以手打及以刀杖意  
猶不息者即非衆生者即佛乃至聖賢或  
及變化人也以惡口罵辱者即口業不善  
勞七  
也加以手打即身業不善也意猶不息即  
意業不善也以是三業齊犯罪爲自作或  
所瞋之前人來求悔過又以善言懺謝下  
氣解瞋猶然揚眉怒目瞋恨不解即非菩  
薩心行故當結過是菩薩波羅夷罪如不



犯者類無厭足王等具此三毒乃真菩薩行也

○第十謗三寶戒

若佛子自謗三寶教人謗三寶謗因謗緣謗法謗業而菩薩見外道及以惡人一言謗佛

勞七

三五

音聲如三百鉞刺心况口自謗不生信心孝順心而反更助惡人邪見人謗者是菩薩波羅夷罪

此釋第十謗三寶戒也謗者謂於理不明無有實見妄加非議也三寶乃是一切衆生良祐福田謗則自失菩薩善芽亦失彼衆生善芽其過非小故戒之也自謗三寶者謂自己未具正見未解深法或見外道典籍或聞外道人言或順有勢位人意即自口語亦隨而非議也教他謗者謂使他

人謗訕欲同黨也謗因者謂無始來好邪論議習氣爲因謗緣者遇有空隙湊合其語爲緣謗法者謂以巧詞僞辯俾愚癡邪見取信爲法謗業者即此三事和合造作成謗爲業致使當來三惡道中不見三寶不聞三寶受惡苦果也已上所戒即斷一切惡而菩薩下勸其所行即修一切善也而爲菩薩道者若見外道及以惡人以一惡言謗佛音聲一入其耳即如三百鉞鎗攢刺心中其痛難忍等無有異所以者何以斷一切衆生佛種故一言如此何況多言耳聞如此何況自口而出謗言佛爲天人大師開我迷雲導出三界當生信敬而不生信敬心佛爲大慈悲父能拔我苦而與我樂正當孝順而不生孝順心如此已

非佛子而反更助惡人邪見之人謗毀三寶以滋快議此如獅子身中蟲自食獅子肉者是菩薩波羅夷罪

○二總結十重

善學諸仁者是菩薩十波羅提木义應當學

勞七

三六

於中不應一一犯如微塵許何況具足犯十戒若有犯者不得現身發菩提心亦失國王位轉輪王位亦失比丘比丘尼位亦失十發趣十長養十金剛十地佛性常住妙果一切皆失墮三惡道中二劫三劫不聞父母三寶名字以是不應一一犯汝等一切諸菩薩今學當學已學如是十戒應當學敬心奉持八萬威儀品當廣明

此段總結十戒得失之相奉勸堅持此戒法也善學下舉人讚德也是菩薩下舉法

以明戒法當持不應毀也若有犯下明毀戒之過失汝等下勸生生學持不可忘也八萬下引廣以明畧言善學諸仁者是佛讚美詞也謂於此戒善能受持其人具足慈悲孝順之德故稱善學仁者既稱仁者於此十波羅提木义清淨戒品應當勤學而於其中自不應一一犯如微塵許以微塵許尚不得犯何況具足犯十戒乎此決言不可犯也若有犯下假設斷定犯戒得失之相謂於十重戒中微塵不犯是能發菩提心可保固國王位轉輪聖王寶位比丘比丘尼位亦可保許進入三十三心十地因位可許希冀佛性常住妙覺果位如或不然設若少有違犯是即不得現身發菩提心所以者何菩提心者即是清淨光明

勞七

三七

金剛寶戒妙覺心也今既背覺合塵染汚  
梵行即失此心故云不得現身發菩提心  
此心乃是福慧二種根本今根本已失即  
佛花果從何而生故國王位轉輪王位亦  
失比丘比丘尼位亦失以國王位金輪王  
位是為世間最勝福位比丘僧位比丘尼  
位為出世間賢聖慧位今既世出世間福  
慧之位已失則十發趣十長養十金剛十  
地因位亦失也因位既失而於妙覺果位  
豈可得乎是以佛性常住妙覺果位亦皆  
失也戒如大地萬善從生今無其地則佛  
聖種無可安處佛種未植佛芽何生故云  
一切皆失問既福慧因果一切寶位皆失  
未審此人復居何地答墮三惡道中極苦  
處也言二劫三劫者示極苦處長遠時分

也不聞父母三寶名字者此示地獄三途  
罪障深重不似人間受生福報與得受佛  
法處是故父母三寶名字皆不聞也以是  
當知不應一一犯此戒也向下結勸當持  
不當毀義若毀戒者失大利益得大苦趣  
以知十重戒中不應犯如微塵許法是故  
汝等一切三世菩薩於是十戒應當敬心  
奉持乃至終身不可忘也此處畧說若廣  
明者具大部八萬威儀品中已上十重戒  
中隨犯一戒即依本罪治之若犯七逆極  
重罪者報屬無間若犯餘輕罪者攝後四  
十八戒如是罪品但在人人念頭起處入  
重入輕故耳噫毫釐繫念三塗業因可不  
慎歟

佛說梵網經直解卷第七

事義

酒有三十六失

四分律云飲酒犯三十六

師友△不敬三寶△不信經法△誣人惡事  
 門△許露人罪△惡口傷人△生病之根△  
 △傳言兩舌△惡名流布△人所憎嫌△排  
 闢諍之本△怨黷天地△廢忘事業△破散  
 家財△恒無慚愧△不知羞恥△無故捶  
 打奴僕△橫殺衆生△姦淫他妻△偷人  
 財物△踈遠善人△狎近惡友△常懷恚  
 怒△日夜憂愁△牽東引西△持南著北  
 △倒溝卧路△墮車墜馬△逢河落水△  
 持燈失火△寒天凍成△三十五失  
 門△鬪諍之本△裸露無恥△醜名惡露  
 人所不敬△無復智慧△所應得不得已  
 得物失散△伏匿之事△盡向人說△種種  
 事業廢不成辦△醉為愁本△以多失故醒  
 乃慚愧△身力轉少△色身敗壞△不知  
 敬父△不知敬母△不敬師長△不敬婆  
 羅門△不敬伯叔△一切尊長△不尊敬佛  
 △不敬法△不敬僧△結黨惡人△疎遠  
 賢人△作破戒人△恒無慙愧△不守六  
 情△縱色放逸△人所憎惡△不喜見之△  
 貴重親識△共所擯棄△行不善法△棄捨  
 善法△明人智者△所不用信△遠離涅槃  
 △狂癡因果△身壞命終墮三惡道  
 △若得為人所生之處常愚癡暗鈍諸戒

勞七

二九

俱喪 昔有優婆塞治田因渴誤飲於酒不  
 覺醉忽隣家有鷄求其舍即殺而  
 食之隣女往索又強與娖後理官  
 復妄言不取只此一飲五戒俱喪

佛說梵網經直解卷第八

勞八

姚秦三藏法師鳩摩羅什奉

詔譯

明廣陵傳戒後學沙門寂光

直解

菩薩心地品之下

○二說輕戒相二初結前起後一二別釋

文義

○初結前起後

佛告諸菩薩言已說十波羅提木义竟四十八輕今當說

此乃吾佛世尊召告現前在會三賢十聖

等諸菩薩言也已說下結前十重已說竟也四十八輕起後輕戒今當說也

○二別釋文義四十八

○第一不敬師友戒

若佛子欲受國王位時受轉輪王位時百官

受位時應先受菩薩戒一切鬼神救護王身百官之身諸佛歡喜既得戒已生孝順心恭敬心見上座和尚阿闍黎大德同學同見同行者應起承迎禮拜問訊而菩薩反生憍心慢心癡心瞋心不起承迎禮拜一一不如法供養以自賣身國城男女七寶百物而供給之若不爾者犯輕垢罪

此釋第一不敬師友戒也師以開導友以切磋世出世間法器全賴師友所當敬重倘存憍慢一生福慧消滅故戒之也若佛子下舉人以明其位應先受下乃明福慧二位基本既得戒下明受戒者染法獲益當酬恩也而菩薩下明背恩忘本者以結罪也國王乃各邦之仁君輪王有四金銀銅鐵四轉輪王統攝四三二一天下主也

百官是文武大臣也如是聖君賢臣欲受王位官位之時必應先受菩薩戒何也謂受菩薩戒人必以慈悲利濟孝順為懷如為君者受菩薩戒即為仁德聖君為臣者受菩薩戒即為忠良賢臣感一切鬼神救

勞八

二

護王身永保其位救護百官之身高進其爵不但鬼神救護而已亦感十方諸佛歡喜護念何者護法金湯全賴之也金光明云若國王受菩薩戒廣行十善法教化眾生者身心快樂永無三災遠離八難國界安寧人民樂唱云云所以先受菩薩慧戒後受王臣福位獲鬼神救護諸佛歡喜如此利益若非師友教誡何緣能得是故應當知恩報德生孝順心敬重戒師如敬父母不敢少違生恭敬心而敬善友如敬兄

長不敢有慢若具如是心者方名念戒入道人也見上座下正明孝順恭敬之義上座以對中下而言謂已上無人故毘婆沙論云上座有三一者生年上座即尊長者舊是二者世俗上座乃即知法大財大位大族大力大眷屬是三者法性上座即阿羅漢果位是也和尚唐言力生即受戒木師也阿闍黎者唐言軌範師也即羯磨教授依止尊證諸師是也言大德者謂此諸師居臘長德勝故亦貫下義同學同一師

勞八

三

所學出世道故同見同一見解中道理故同行同一清白梵行門故如是師友若來毋論遠近應起承迎致敬禮拜復應問訊起居此謂孝順恭敬心也為菩薩者應當起孝順心而反起瞋嫉心應當起恭敬心

而反起褻越心憍心亢已名位憍倨自尊  
故名憍心慢心藐視前人慢彼有德故名  
慢心癡心見賢不親見聖不敬而無智慧  
故名癡心瞋心恨彼師友嚴訓故名瞋心  
有此四種之心故見師友來而不迎至而  
不禮亦不問訊起居也憍心等四屬意業  
也不起承迎禮拜屬身業也亦不問訊起  
居屬口業也以是三業不善乃至飲食衣  
服卧具湯藥等物一一皆不如法供養也  
以自賣下緊承如法說來言既為佛子應  
當重法輕身命財求出世道內而已身外  
而國城親切男女貴重七寶以及衆多百  
物一切可賣應如此供養也言賣身者如  
常啼賣心肝而學般若如世尊因地中為  
半偈捨全身乃至身然千燈此亡身為法

樣子畧引一二乃為有名位者報恩之盛  
節也不如是承迎禮拜供養諸師友者是  
菩薩犯輕垢罪此罪比前十重僅減一等  
非輕細之謂也

### ○第二飲酒戒

若佛子故飲酒而酒生過失無量若自身手  
過酒器與人飲酒者五百世無手何況自飲  
亦不得教一切人飲及一切衆生飲酒况自  
飲酒一切酒不得飲若故自飲教人飲者犯  
輕垢罪

此釋第二飲酒戒也言飲酒者非造酒也  
造酒賣者所害甚廣而飲酒者惟害己身  
故微分重輕耳律云飲酒之人墮燒煮地  
獄中五五百世初五百世在鹹糟地獄中  
二五百世在沸屎地獄中三五百世在曲

蛆地獄中四五百世在蠅蚋地獄中五  
百世墮在癡熱無知地獄中業報如此故  
戒之也故飲酒者律中開有重患醫師言  
瘥以酒引藥權用不犯無故而飲或借病  
而飲者是為故飲而酒生過失無量者辯  
明不得飲酒之義意謂酒乃米汁何故不  
得飲耶以飲酒者迷心亂性無量過失從  
飲酒故而生是以不得飲也不但自飲酒  
者得無量過失也且若自身手過酒器與  
他人飲酒者亦招感五百世中無手足報  
何況無故自飲自飲尚且不得豈得教人  
飲耶是故不得教一切人飲酒及教一切  
衆生飲酒教尚不得何況自飲是故凡一  
切酒不得飲也言一切酒者酒有各種楊  
梅棗子甘蔗葡萄等酒但能醉人并有酒

卷八

五

氣酒味一切皆不得飲也已上明戒向下  
結罪若故自飲教人飲者是菩薩犯輕垢  
罪

○第三食肉戒

若佛子故食肉一切肉不得食夫食肉者斷  
大慈悲佛性種子一切衆生見而捨去是故  
一切菩薩不得食一切衆生肉食肉得無量  
罪若故食者犯輕垢罪

此釋第三食肉戒也一切衆生皆有靈覺  
之性俱有貪生畏死之心皆有恩愛情識  
之念與我不異所謂血氣之屬必有知尸  
有知者必同體奈何有一類人邪見覆心  
爲已口腹食彼衆生身肉強言只要明得  
大事因緣食肉無礙若大事已明則迥脫  
舌根味塵得言食肉無礙若其未明豈食



肉無礙耶子乃哂之曰如果大事已明食肉無礙則於鎔銅熱鐵亦當無礙能吞鎔銅熱鐵者自可食肉矣如宋濟顛募裝佛金盡以其貲食酒食肉向後從口吐金得裝佛相是真無礙誌公食鴿一日從口盡吐活鴿齊飛而去是真無礙若此未能則所謂明大事者何獨親於肉而喜近於口踈於鎔銅熱鐵而畏近於身也又豈得復云無礙耶楞嚴經云羊死爲人人死爲羊汝負我命我還汝債以是互相食噉不已故戒之也言若佛子故食肉者故字對權設而言昔佛在世時年逢饑饉草菜不生佛神力故以五指端化五淨肉實非生血一時權現安有實是衆生身肉名爲佛子而故食乎是故一切衆生身肉不得食也

夫食肉者斷大慈悲佛性種子斷大慈悲佛性種子者其義有二一者是斷菩薩大慈悲心佛性種子所以者何菩薩發菩提心願爲令諸衆生離苦得樂是爲成佛等一因行今無慈心食衆生肉是斷自己成佛因種因種既斷無上佛果安可希冀二者是斷衆生佛性種子謂諸衆生從無始來輪迴六道雖然改頭換面而彼貪生畏死之性即我所發慈悲佛性今欲食彼身肉令生恐怖見而捨去失彼受化緣因是斷大慈悲佛性種子也行願品云一切衆生而爲樹根諸佛菩薩而爲花果以大悲水澆益衆生則能成就諸佛菩薩智慧花果今佛樹根既失則佛花果又從何處生耶一切衆生見而捨去者殺氣相迎毒於

戎狄如鷓鴣去海翁機鷓搖羅漢影也是故一切菩薩不得食一切衆生身肉若故食者得無量罪楞伽經云有無量因緣故不應食肉爲一切衆生從本以來常爲六親故不淨氣分所生長故衆生聞香悉生恐怖如梅陀羅及譚婆等狗見驚吠故令修行者慈悲不生故臭穢不淨無善名稱故令諸咒術不成就故諸天所棄故令口氣臭故夜多惡夢故乃至空閑林中虎狼聞香是故不應食衆生肉若故食者犯輕垢罪

○第四食五辛戒

若佛子不得食五辛大蒜荖葱蔥蘭蔥興渠是五種一切食中不得食若故食者犯輕垢罪

此釋第四食五辛戒也五辛者即五葷非五腥也言五辛者一大蒜亦名葫即葫蔥是二荖葱即他經云葷蔥乃葷菜是三蔥蔥即蔥是四蘭蔥即小蒜五興渠即蔥蔞所言不得食者以是五種熟食發姪生嗽增恚更有五不應食一生過二天遠三鬼近四福消五魔集西域記云家有食辛之人驅令出郭是故不獨單食不可大凡一切食中相雜佐用亦不得食若謂無所殺害而故食五辛者犯輕垢罪

○第五不教悔罪戒八戒五戒

若佛子見一切衆生犯八戒五戒十戒毀禁七逆八難一切犯戒罪應教懺悔而菩薩不教懺悔同住同僧利養而共布薩同一衆住說戒而不舉其罪不教悔過者犯輕垢罪

此釋第五不教懺罪戒也教即教誡悔即  
悔過罪即罪咎謂為菩薩師者凡見人設  
有過須教令懺不教則得罪所以者何昔  
迦葉佛世時有一比丘多作三師多度弟  
子而不教誡其弟子者因不持戒八墮龍

卷八

中龍法受罪七日一受時對火燒肉盡骨  
在尋後還復則復燒之不能堪苦龍具五  
通自思何罪所致觀知因本師不教多作  
非法遂恨其師欲加毒害後時有五百賈  
客入海採寶其師在內龍便出水捉船眾  
人大怖詰問龍故何以捉船龍曰今此船  
內比丘是我本師因不教誡於我今受苦  
痛故爾捉之汝等若將比丘下水便故其  
船眾入見事不止欲捉比丘而比丘便自  
投水身亡佛言以此驗之凡度弟子不可

不教誡也若佛子下舉人以明犯相見一  
切眾生者總指在家出家大小七眾乃受  
持戒法之人犯謂干犯也八戒五戒即優  
婆塞優婆夷二眾之戒相也八戒但受一  
日一夜不同五戒終身守持十戒有二一

沙彌沙彌尼十戒二菩薩十重戒毀者破  
壞也禁者止滅也如來所制比丘二百五  
十戒比丘尼三百四十八戒名為禁戒如  
若受而不持持而不誦違背聖言越其所  
制故云毀禁七逆者弑父殺母殺和尚弑  
阿闍黎破羯磨轉法輪僧惡心出佛身血  
弑阿羅漢是也佛在世時出佛身血佛滅  
度後賣佛菩薩形像及賣佛經律名為出  
佛身血弑比丘僧即名弑阿羅漢八難即  
下胃難遊行之八難也菩薩見此一切犯

卷八

九

戒之人當生慈悲心教其懺前愆尤悔後莫作是爲自利利人如不教懺悔者已得不教悔罪何況同住一處同僧利養而又同共布薩同一清淨和合僧衆安住其中而說佛戒竟不舉其犯戒罪過使其懺悔如是不教彼悔過者是菩薩師犯輕垢罪

○第六不供給請法戒

若佛子見大乘法師大乘同學同見同行來入僧坊舍宅城邑若百里千里來者即起迎來送去禮拜供養日日三時供養日食三兩金百味飲食牀座醫藥供事法師一切所須盡給與之常請法師三時說法日日三時禮拜不生瞋心患惱之心爲法滅身請法不懈若不爾者犯輕垢罪

此釋第六不供給請法戒也修菩薩行者

凡見大乘法師應備香花諸供養具如供諸佛等無有異請轉法輪使其道法流通慧命不絕若不供給請說法者是菩薩人則墮慳貪我慢焦芽敗種等流有失大利故戒之也若佛子下標明可供之師友也言大乘法師者揀非小乘獨善乃是具大信解發大道心趨大道果智慧雙運自利利人之師故名大乘法師大乘同學下此舉友人亦大乘也同學謂同一師稟受大乘心地戒學同見同一見解究竟實相心地戒見同行同一菩薩心地戒法清白梵行若見如是師友行無緣慈來入僧坊舍宅城邑等處無論遠近若乃百里千里來者爲主菩薩應起致敬來即迎來去即送去其中禮拜供養之事俱必一一如法周

旋勿生懈怠如供養者應當日日三時不  
乏言三時者即初中後三時也何等供養  
每日所食用三兩金以作百味飲食供養  
又不止此更敷牀座而為安止廣備醫藥  
而為調理將此四事以供法師凡此法師  
一切所須盡給與之當盡心如禮供養不  
應吝惜以上修福是滿極波羅蜜常請等  
下乃即修慧是般若波羅蜜也常請等者  
承上所言日日三時恭敬禮拜供養之者  
非為求人天小果福報而已正為常請法  
師日日三時演說妙法以續一切眾生慧  
命故也此表能供請者口業虔誠義也日  
日三時禮拜者申請法威儀以表身業虔  
誠義也言不生瞋心者釋請法開示中不  
瞋師友規嚴訓尊高言不生患惱之心

勞八

十一

者釋供養中不患我供養繁費此之二心  
總表意業虔誠義也為法滅下總申上義  
以勸為菩薩者應當如是為法滅身其義  
有二一果真為法者尚不惜此身命何況  
資具而不供養二果真為求解脫道當捨  
不堅固身易金剛不壞身捨不真實世命  
易法身智慧命如佛因中為求大法身為  
牀座布髮掩泥半偈然燈種種苦行皆是  
為法滅身榜樣修菩薩行者亦應如是請  
法而勿懈怠可也若不爾者少有怠墮此  
句斷定若不如是供養心者犯輕垢罪

○第七懈怠不聽法戒

若佛子一切處有講法毘尼經律大宅舍中  
講法處是新學菩薩應持經律卷至法師所  
聽受諮問若山林樹下僧地房中一切說法

處悉至聽受若不至彼聽受者犯輕垢罪

此釋第七懈怠不聽法戒也此戒承前所言不但師來我所乃供養聽法但有說法處應當至彼聽受不可懈怠而不聽也懈怠即八大隨之一絲此懈怠即生放逸放逸即失念失念則多散亂散亂即不正知不正知則生愚癡造諸惡業所以始絲懈怠不聽終則無惡不造是故凡有講法之處宜應往彼聽受如不往聽即是慢法以慢法故福慧消滅罪惡增長所謂若非法味滋神終無解脫故戒之也言爲佛子必上求下化爲本因心廣學多聞爲勝方便若非廣學多聞豈堪住持三寶是故凡有一切講法處應往聽受言毘尼經律者正明滅惡生善之法實也梵語毘尼此云調

伏謂調三業治伏六根滅一切惡生一切善也亦云善壽謂此毘尼住世即佛法住世毘尼若滅佛法即滅故也又以經中攝律律中攝經又經詮性相理律止性業遮業二義俱含故云毘尼經律大宅舍中等者別明講法處也佛在世時諸比丘等常受王臣諸大檀越請在家中安居說法是爲大宅舍中講法處也是新學下誠應聽也謂凡所有一切講法毘尼經律處凡新學菩薩戒者應手持經律卷至法師所至

第八

十一

心聽受如不解義須一一諮詢請問而決疑也若山林等者以遠况近言不但在居士家而常隨聽即若在山林下僧地房中乃至一切說法遠處悉應至彼而聽受也昔者童子南詢百郡衲僧徧歷千山乃至

投子三登洞山九上皆為大事不憚劬勞  
安得不往聽法律開有病年老足力難行  
或所說者是常所聞或自具大智慧具大  
辯才或修深禪大定或知彼所說者是外  
道法此不往聽俱為不犯十三除此即於四十  
里內若不至彼聽受法者是新學菩薩犯  
輕垢罪

○第八背大向小戒

若佛子心背大乘常住經律言非佛說而受  
持二乘聲聞外道惡見一切禁戒邪見經律  
者犯輕垢罪

此釋第八背大向小戒也上謂凡一切處  
悉至聽受惟恐心背中道大乘之理而向  
偏小邪外之道此道乃是斷佛種性障苦  
提道因緣故戒之也若佛子下明背大義

言非佛下明向小義所言心背大乘常住  
經律等者謂佛所說大乘道法其中所詮  
不生不滅常住實相心地法身體相之戒  
乃是諸佛所師菩薩之母故云常住經律  
於此心懷狐疑反言非佛所說而受持二  
乘聲聞權小之法反受外道惡見一切禁  
戒邪見經律故云向小以是背大向小之  
故犯輕垢罪昔天親菩薩造五百論讚小  
斥大後遇無著悔悟已過欲自截舌無著  
菩薩教令以舌還讚大乘天親受教剋心  
向大弘傳廣演卒成聖果改過不吝是為  
菩薩

○第九不看病戒

若佛子見一切疾病人常應供養如佛無異  
八福田中看病福田第一福田若父母師僧

弟子病諸根不具百種痛苦惱皆供養令差而菩薩以瞋恨心不看乃至僧房中城邑曠野山林道路中見病不救濟者犯輕垢罪

此釋第九不看病戒也眾生五蘊身命皆屬四緣六塵妄想假合難免生老病死等

贊

患如來三界醫王四生慈父恒以大慈悲

十四

心善調眾生身心病惱既為菩薩若見一切疾病之人不興大慈大悲心念緣念苦眾生者即是自失成佛根本故戒之也言見一切疾病人者上自父母師長下至子女徒眾中至兄弟六親外至冤家母論一切常應供養也問不作救濟而言供養者何答具此供養心念自然看病心田得恒久也言如佛無異者申明供養義謂佛以眾生身為身以眾生病為病故凡見諸病

人當視如佛也昔巖老躬處癘坊吮洗無忌寬公輿歸病者僧俗不分可謂供養如佛又供養如佛者蓋以八福田中看病福田為第一也八福田者一諸佛二聖人三父四母五和尚六阿闍黎七眾僧八病人此人者中惟病為患能救苦患之因自受安樂之果故看病者為第一福田也若父母師僧及弟子病者槩及上下俱以平等心看言諸根不具者即六根殘缺也百種痛苦惱者即風寒暑濕四百病舉畧以該廣也如是殘苦皆應慈悲供養令瘥豈有為菩薩者瞋恨不看之理言瞋恨不看者或若父母師長平時督誨或為弟子平時忤慢或病中時煩瑣求等遂有瞋恨在心而不肯看乃至等者此即從踈况親不

贊

十五



但父母師長弟子等病而不看也乃至僧地房中城邑曠野山林道路之中一切病人應當盡心救濟何況父母師僧弟子等病而不看乎五百問云如行路時若見病人不往瞻視不作方便付囑所在而捨去者得罪是故若見病人不救濟而去者犯輕垢罪

○第十畜殺具戒

若佛子不得畜一切刀杖弓箭鋒斧鬪戰之具及惡羅網殺生之器一切不得畜而菩薩乃至殺父母尚不加報況殺一切衆生不得畜殺衆生具若故畜者犯輕垢罪

此釋第十畜殺具戒也殺具有二種一鬪戰具二取殺諸物具皆是害命傷慈殺心易起故戒之也爲佛弟子應行佛行應畜

截魔斬愛大智慧刀勇猛杖大勢弓精進箭忍辱甲定力斧及張大法羅網以羅三界衆生拔出愛河如是具者可也又德山護生棒石鞏救死弓者正當畜也而不應畜一切刀杖弓箭鋒斧鬪戰兇殺之具不  
但此具不得畜也及惡羅網殺生器者以皆兇物易動殺機非佛子所宜有是故一切不得畜也而菩薩下申明不得畜義謂既爲菩薩雖或弑我父母尚不得加報此乃極言殺具決不可畜如寧有盜臣意又或不報此仇衆生承其攝受回心向化遂以得度正爲菩薩偶現之大權也此見必當殺者尚有不殺之時况無故而殺一切同生同命無仇無罪之衆生乎菩薩若故畜此鬪害衆生具者犯輕垢罪

如是十戒應當學敬心奉持

如是一句總結前十戒也應當二句總勸修學此戒應當頂戴敬心奉持勿忘失也

○第十一國使戒

佛言佛子不得為利養惡心故通國使命軍陣合會與師相伐殺無量衆生而菩薩尚不得入軍中往來况故作國賊若故作者犯輕垢罪

此釋第十一國使戒也上言不應畜殺生具此言不得軍中往來總為初心菩薩防難故耳言國使者謂於兩敵國中作其命使人也言為佛子應作佛使傳佛心印與智慧師帥勇猛將殺煩惱賊當與諸魔共戰如鄧隱峯飛錫解關又陳尊者擲鞋解圍若果如此能為衆生却冤敵止鬪諍息

卷八

十七

兵戈弘聖道正是菩薩應世大慈悲心所行若為利名兩國作使賊害衆生故戒之也佛言佛子不得作者正明勸功受賞非為傳法化導故言惡心者揀非善心解關即是主於興兵以殺人故通國等者釋明為利養意通者傳事致彼此也言使命者謂作報戰日期及約結與國也軍陣等者軍約萬二千人為軍師旅成列為陣合者合其戰也會者會其兵也興師相伐等者申明惡心之意興者舉也師者衆也二千五百人為師彼此征討名相伐也殺無量衆生者謂此兩國相爭殺戮多故為菩薩尚不得入軍中往來豈容作國使耶所言不得者正乃以迹况心謂此凶殺事處非佛弟子所宜身親何況故為利養身作國

賊殺害衆生是故不得作也若故作者犯輕垢罪問作而不殺何犯答雖非自手殺人皆緣我與舉而殺故獲罪也

### 第十二販賣戒

若佛子故販賣良人奴婢六畜市易棺材板木盛死之具尚不應自作况教人作若故自作教人作者犯輕垢罪

此釋第十二販賣戒也販賣非佛子職業也言既爲佛子當以慈悲而爲生涯孝順乃爲德業應觀一切衆生如己父母子女等親豈得無慈悲心販賣人畜使他分離受苦故戒之也若佛子下釋販賣之事也以賤爲貴曰販出物得財曰賣良人好人家子女也六畜即牛馬猪羊鷄犬也棺材板木盛死具也如販賣者亦是不仁之心

卷八

六

其於慈悲心念有大乖損所以不得賣也尚不應等者防轉計也倘云自家不得教人市賣者或亦無妨不知自作乖乎一已教人作損及他人所以若故自作教人作者犯輕垢罪

### 第十三謗毀戒

若佛子以惡心故無事謗他良人善人法師僧國王貴人言犯七逆十重父母兄弟六親中應生孝順心慈悲心而返更加於逆害墮不如意處者犯輕垢罪

此釋第十三謗毀戒也無根訕說曰謗壞人名德曰毀其謗毀人罪過獲報不善故戒之也若佛子者標定其人以惡心故明謗根也謂謗雖出於口乃意地使然所以或忌或貪或瞋皆名惡心也無事謗下正

見惡心既彼無事即使耳有妄聞以口妄言悉名爲謗故名無事良人等者此明不當謗宜當敬重之人也良人即溫良人善人即善柔人法師即依教法自師爲人之師也師有三師七師僧者五德六和之僧

贊

十九

國王貴人即是有名有位之人如是聖主賢臣好師好友不惟世人之所敬仰亦乃三寶藉以金湯而反無事作是謗言說犯七逆十重且夫師僧國王有父母義良人善人有兄弟義貴人有六親義如在上者應生孝順之心如在下者應生慈悲之心孝順慈悲必當成彼名德且亦自成現生名德及致當來受用無盡彼此一一如意而反逆情害意使彼壞名敗德墮不如意處者是故結過犯輕垢罪

○第十四放火焚燒戒

若佛子以惡心故放火燒山林曠野四月乃至九月放火若燒他人家屋宅城邑僧房田木及鬼神官物一切有主物不得故燒若故燒者犯輕垢罪

此釋第十四放火焚燒戒也放火因緣不一罪同歸於損人害物故戒之也以惡心故等者正明放火念頭或屬忌瞋或逞情見不興仁慈愍物之心故名惡心放火者以燒山林曠野故名大火以大火故多傷蟲類所以四月乃至九月不得故燒唯言此時不得燒者謂夏秋月間多諸蟲類故不得燒內開九月後或可燒者佛制臘月放火必率衆持呪遶山告報令蟲遠避然後縱火若不告報恐損蟲類故也若燒

他人等者以近况遠謂因放火以防惡獸不意延及城邑雖不損命尚不可爲何况損命是以屋宅城邑僧房田木鬼神官物凡一切有主物無論物命有損無損皆不得燒若故燒者犯輕垢罪

○第十五僻教戒

若佛子自佛弟子及外道惡人六親一切善知識應一一教受持大乘經律教解義理使發菩提心十發趣心十長養心十金剛心於三十心中一一解其次第法用而菩薩以惡心瞋心橫教二乘聲聞經律外道邪見論等犯輕垢罪

此釋第十五僻教戒也僻者偏也謂不以大乘圓頓正法教人失彼大乘根性其過非細故戒之也自佛弟子是三寶內衆也

勞八

二十

及外道惡人者乃是心遊道外之邪見人此輩能令衆生入斷常坑故名惡人也六親即父母兄弟子女也一切善知識者是相知相識中有大乘根性之好友也如是若內若外一切親友應當一一皆以大乘經律教彼受持不但教之受持而已更令解其義趣甚深道理不但令彼知解而已又使從所教中發菩提心從菩提心中趣十發趣心起行修行入十長養心迴向十金剛心於此三十心中一一解其先後次第贊觀行法用如先修十信心以信決定於理無違次修十住真解信解成就於摩訶衍堪任不退故又次修十種妙行迴向中道以信解行三賢位滿萬行周圓即登十地證佛道果故名次第法用如是教誡是

名菩薩正教利己利人同歸至道是爲菩薩若以惡心嫉妬藐視他人不以大乘道法期許或以瞋心懷恨或以教之未從而生棄捨或以橫教二乘聲聞經律一切外道邪見論等婉轉率意不用條理是以不當教小而教以小不當教邪而教以邪所謂良材匪匠美器惡用遺悞學人斷佛慧命如是橫教實非大乘心行因斯結過犯輕垢罪

○第十六爲利倒說戒

若佛子應好心先學大乘威儀經律廣開解義味見後新學菩薩有從百里千里來求大乘經律應如法爲說一切苦行若燒身燒臂燒指若不燒身臂指供養諸佛非出家菩薩乃至餓虎狼獅子一切餓鬼悉應捨身肉手

足而供養之然後一一次第爲說正法使心開意解而菩薩爲利養故爲名聞故應答不答倒說經律文字無前無後謗三寶說者犯輕垢罪

此釋第十六爲利倒說戒也爲利說法如來不聽何況倒說佛藏經云佛言我則不聽爲利說法我聽清淨持戒比丘高座說法是故凡對新學菩薩說法時必先堅其志願然後盡其宗旨此乃前後次第如法盡教之說如或不然則爲倒說謗說爲利贊養說得罪非細故戒之也言好心者謂以大乘正教清淨法行自利利人爲心故名爲好心也先學等者明先自利堪利人也大乘威儀經律揀非小乘毘尼教法乃是

大乘菩薩戒藏嚴範身心之法故於此法

應先學也先學者行也廣開者解也行解  
雙備堪爲後昆師範此乃好心自利見後  
新學等者明利他也言我既爲先學當知  
後昆若遠若近百里千里爲求大乘經律  
而來我應如法先爲其人說大乘菩薩一  
切苦行其苦行者或若燒身燒臂燒指供  
養諸佛即如喜見菩薩然身藥王菩薩然  
臂乃至世尊然燈求偈悉皆可證若不燒  
身臂指以供養諸佛者即爲墮業者相凡  
夫身相未空人我宛然非出家菩薩解脫  
道行且不但燒身等供養諸佛所應力爲  
乃至見餓虎狼獅子一切餓鬼悉應捨此  
身肉手足而供養之何況供養諸佛又存  
我身相乎以此勘驗求法者心切與不切  
必其能依教受乃可傳道然後一一次第

九八

三三

爲說大乘正法甚深理趣使彼心開而無  
所拘意解而無所縛如是爲說是名正說  
是名好心次第而說乃不負先學初心而  
菩薩若爲利養故爲名聞故或於名利無  
所得故於彼所求應答不答設或答之當  
順理說而反倒說經律文字或教以大乘  
而又不說苦行是爲無前又倒說經律文  
字而令義無所歸是爲無後如是說者上  
違佛慈下失悲仰中覆好心是即與佛共  
諍與法共諍與僧共諍此即名爲謗三寶  
說者犯輕垢罪

○第十七恃勢乞求戒

若佛子自爲飲食錢財利養名譽故親近國  
王王子大臣百官恃作形勢乞索打拍牽挽  
橫取錢財一切求利名爲惡求多求教他人

求都無慈愍心無孝順心者犯輕垢罪

此釋第十七恃勢乞求戒也自爲等者有二義一者揀非爲衆故云自爲飲食錢財利養也二者揀非爲求護法故云自爲名譽也親近等者謂於國王王子大臣百官以爲親厚恃作形勢仗彼有力之勢以形無力之人所須財帛亦得容易或若乞索不得則行打拍捶撻打拍不得則乃牽引挽轉以相橫逼取人錢財如是一切所求俱名不善是爲惡法求是爲多貪求不但自己不得若教他求亦都無慈愍心都無孝順心也都無慈愍心者謂爲菩薩者當一心觀衆生如己兄弟六親眷屬一一使其衣食饒足安隱無畏而反以勢乞求以名利歸己缺少卑微歸人故云都無慈愍

劣人

三十四

心也都無孝順心者應觀衆生如己父母一切師長應奉侍供養之而反以勢乞求使其窮苦怨恨不已故云都無孝順心也者字斷定無慈缺孝犯輕垢罪

○第十八無解作師戒

若佛子應學十二部經誦戒日日六時持菩薩戒解其義理佛性之性而菩薩不解一句一偈及戒律因緣詐言能解者即爲自欺誑亦欺誑他人一一不解一切法不知而爲他人作師授戒者犯輕垢罪

此釋第十八無解作師戒也謂凡能作師者必自有智慧處世無礙方堪爲人師範豈有以己昏昏而能使人昭昭者乎如庸醫不識病原不諳方脉妄醫人病亦如盲人引路俱有墮溺之患故戒之也既爲佛



子上弘下化必須先藉般若學解內具慧  
心外識機緣如是師者如來方許爲後昆  
模範也習學般若有三一者文字般若即  
十二部經是二者觀照般若即持菩薩戒  
是三者實相般若即解佛性之性是也此  
數句中攝盡如來所說大藏教義以諸聖  
師判門有四一教二理三行四果此中十  
二部經即教持菩薩戒即行佛性之性即  
理所以依實相理而建文字之教由文字  
教而起觀照行門因觀照行而入實相理  
果是故若非明了文字般若聖教云何能  
得觀照行解相應若非大乘行解相應何  
以得入實相理果是故初學般若菩薩必  
當先學十二部經而起解慧解慧雖起若  
無行資徒成狂解如拾他券於已何有是

故應當誦戒以固定慧基本而其所誦之  
戒勿誦小乘必須日日六時持誦菩薩大  
戒修行菩薩行也言日日六時者恐持戒  
人少有怠墮即失菩提心也言解其義理  
佛性之性者謂受戒人雖然持誦大乘戒  
律若不明戒歸旨亦不能究竟無上佛果  
故當解其義理解其義者即解佛性之性  
言佛性者即覺性也即是一切衆生本覺  
自性此性在聖不增處凡不減在聖不淨  
居凡不垢明得此性本無垢淨增減即終  
日看經無經可看終日持戒無戒可持終  
日參禪究心無心可究如是看經如是持  
戒如是參禪其人方可爲人天師範也而  
菩薩以下釋明無解不堪爲師範也言不  
解一句一偈者即不知十二部經中之義

及戒因緣者是不知持菩薩心地戒中之義既已經義不通戒義不明性理不徹如是則自利未能應生慚愧况乃無知詐言能解豈不即是以已詐已者乎既自欺自誑復欺誑他人可謂冒昧無耻者也一一不解此即結上不解佛性二句一切法不知者結上不知十二部經二句以是不解不知妄為他人作師授戒者犯輕垢罪

○第十九兩舌戒

若佛子以惡心故見持戒比丘手捉香爐行菩薩行而鬪搆兩頭謗欺賢人無惡不造者犯輕垢罪

此釋第十九兩舌戒也言兩舌者謂向彼說此向此說彼翻覆兩頭於中起事所以如來因地說誠實言乃感廣長舌相此之

第八

二十六

兩舌不善必招將來拔舌等報故戒之也以惡心故有二一者嫉忌心故見持戒者或與已異二者障礙心故或見他人稱讚供養故見持戒比丘鬪搆兩頭使彼此不安也持戒比丘揀非名字沙門乃是有德有行賢聖僧寶手捉香爐行菩薩行者正明賢聖僧也香爐乃十八種法器中一其義有二一者以衣信根深入法界信為首故二者以表淨行圓五分身皆繇行故言行菩薩行者揀非小乘之行既是行菩薩行即與已行合同而為菩薩者正當成人之美共轉法化可也豈得鬪搆兩頭於中取樂或復取利是乃自家壞法門也鬪者交與惡也搆者引是非也兩頭即兩邊語以此鬪彼以彼鬪此搆使兩家成惡故也

第八

二十七

言謗欺賢人者正出兩頭語義謂比丘本皆賢聖乃以妬忌之心而起無根之謗反說無惡不造以使彼此不安如是毀謗賢人犯輕垢罪

○第二十不行放救戒

若佛子以慈心故行放生業應作是念一切男子是我父一切女人是我母我生生無不從之受生故六道衆生皆是我父母而殺而食者即殺我父母亦殺我故身一切地水是我先身一切火風是我本體故常行放生業生生受生若見世人殺畜生時應方便救護解其苦難常教化講說菩薩戒救度衆生若父母兄弟死亡之日應請法師講菩薩戒經律福資亡者得見諸佛生人天上若不爾者犯輕垢罪

此釋第二十不行放救戒也放者釋放救者護救不行放救則失菩薩慈悲心行故戒之也以慈心故者謂修菩薩萬行以慈心爲根本所以恒用此心與衆生樂欲與其樂先拔其苦以離苦故方能受樂是故常行放生而爲業也應作是念等者承上所云既行放生爲業應當作觀堅其放生念頭作何等念應觀一切男子即是我父一切女人即是我母何以知然以我生生無不從之而受生故既生生從之受生一切男子女人豈不是我多生多劫之父母乎若推而廣之即六道衆生皆是我之父母今若殺而食者非即殺我多劫多生之父母乎言殺我故身者上即從疎至親此即從親至切而切不過已身亦是殺我故

第八

三六

身益以見放救之心當急急耳亦乃可見我與衆生同此一身無差別也一切地水是我前身者釋上殺我故身義謂昔投胎之始先以父母赤白二種水土和合凝結爲一以是妄識而生妄見觀見父母情愛不已即投其中故云先身一切火風是我本體者火即煖風即息以是識息煖三而爲其體若非識息煖三連持赤白而此色身即時敗壞所以云本體也既是先身本體猶是切於父母所以作念常行放生爲業不但此生行放生業即生生受生若見世人殺畜生時皆應方便善巧救護解其苦難或假財寶或以好言種種轉彼行殺者意以解受殺者之苦也常教等者上明以財方便救度衆生此明以法方便救度

衆生財之方便有限止救現前一生之苦法之方便無窮能救生者死者生生世世永脫輪迴多生之苦故也若父母下正明救度死後衆生苦也氣絕魂逝曰死于世無干曰亡謂於父母兄弟死亡日時果爲孝子賢弟應請大戒法師講菩薩戒經律以此福資亡者得見諸佛生人天上云何知之以大乘毘尼法有生善滅惡之功德罪獲福之德以此資亡使彼障開慧發得見諸佛罪滅福生脫三惡趣得生天上人間故也如是救護衆生是名菩薩報諸佛恩若不爾者犯輕垢罪

如是十戒應當學敬心奉持如滅罪品中廣明一一戒相

此總結勸之大畧也如是下結法也應當

下勸修也如滅下引廣也謂諸佛子如是  
十戒應當於此一一修學敬心奉持刻  
珍重勿使忘失懈怠始為善戒法門中真  
子也以上十重二十輕戒乃出家菩薩全  
遮在家菩薩有開有遮凡為師者當深研  
之以下二十八輕亦復如是

### 佛說梵網經直解卷第八

#### 事義

#### 為半偈捨全身

昔等處於雪山修道天帝釋往試之化為夜叉曰說半偈云諸行無常是生滅法菩薩求說後之半偈夜叉曰我腹饑虛何暇為說菩薩曰願為說我則捨身供養即敷座請說夜叉曰生滅滅已寂滅為樂菩薩聞已即以此偈遺書於山石樹木之間空樹捨身身夜叉以手接之復其本形作禮而去  
**然千燈** 報恩經云如來往昔為轉輪王好以五百象載上好飲食衣服七寶之具薄花一切眾生在內使誤取毒井之水作食餓民食者毒發皆死王乃除毒填井念財施無益法施無窮緣是擊鼓宣令四方求法

三十八

時有婆羅門知解佛法而謂曰不違供養當為汝說王曰希何供耶答曰大王若能身到千層樓以膏油然燈供養慈闍王遂捨諸國上城邑妻子臣妾命游地羅剎劫然燈婆羅門為說半偈云夫生無死此滅為樂王大歡喜時天帝釋現身謂曰汝身然燈為求生天耶魔王耶梵王耶王曰我求無上阿耨菩提我願不虛身死平復後已歡喜皆發阿耨多羅三藐三菩提心

#### 身為牀座

法華經提婆達多品佛於多劫時有阿私仙來白王言我有大藥名妙法蓮華若不違我當為宣說王問仙言歡喜踴躍即隨仙人供給所須采果汲水拾薪殺食乃至以身而為牀座於時奉事經於千歲為於法故精勤 **布髮掩泥** 昔如來因給侍令無所乏也 **布髮掩泥** 中行菩薩行值燈光佛於泥塗布髮掩泥以乘佛足次即記曰汝於來世當得作佛號釋迦牟尼

#### 常啼賣心肝

常啼即薩陀波菴菩薩為供養入城聲價諸魔隱蔽令眾不聞有長者女獨聞其聲召曰願隨所須以助供養是菩薩得近善知識開解妙 **鷗去海翁** 法得證甚深般若波羅蜜門 **鷗去海翁** 機列于云海之上人好鷗者每旦之海上吾聞鷗鳥皆從汝遊可取來與吾 **鷗搖羅** 玩之明日之海上鷗鳥舞而下

漢影昔有鴿為鷹所逐避於舍利弗之  
 鉢羅漢尚有毅之習氣也**旃陀羅**梵語旃陀  
 未乾如使之大慈悲也**譚婆**梵語  
 者四姓之中唯此為惡行則搖**譚婆**梵語  
 於為號人聞聲者即遠避之**譚婆**梵語  
 此云食狗肉人每於童子南詢財童子履  
 路行狗見而嗔吠之童子南詢財童子履  
 轉南行經歷一百一十城奉五衲僧徧歷  
 十三善如識各獲三昧解脫門衲僧徧歷  
 千山唐文隨法真禪師有僧問初火洞然  
 隨他去也答云隨他山其僧疑之尋師於  
 叩過歷千山至於萬里古所謂一句隨他  
 語千山走投子三登洞山九上雪峰在禪  
 衲僧是也投子三登洞山九上雪峰在禪  
 不明三登投子三登洞山九上雪峰在禪  
 子九上洞山巖老唐智巖於石頭城置焉  
 穢無不曲盡永徹中終于寬公唐智寬住  
 病所顏色不變異香經旬寬公唐智寬住  
 病人不計道俗及路遠近無人治者即與  
 來房中躬自經理有患癰膜不能出口為  
 吮之遂飛錫止鬪淮西禪師詰五莖路  
 獲登可飛錫止鬪淮西禪師詰五莖路  
 命官軍與賊交鋒未決勝負師乃擡錫空  
 中飛身而過兩軍將士仰視空中關心頓  
 息擲鞋解圍睦州陳尊宿時過賊兵圍城  
 命懸城上賊兵見之共相告曰大草鞋一雙  
 比有至人居焉乃相兵而去

佛說梵網經直解卷第九

勞九

姚秦三藏法師鳩摩羅什奉

詔譯

明廣陵傳戒後學沙門寂光

直解

菩薩心地品之下

○第二十一瞋打報仇戒

勞九

佛言佛子不得以瞋報瞋以打報打若殺父母兄弟六親不得加報若國主為他人殺者亦不得加報殺生報生不順孝道尚不畜奴婢打拍罵辱日日起三業口罪無量況故作七逆之罪而出家菩薩無慈心報仇乃至六親中故作報者犯輕垢罪

此釋瞋打報仇戒也比戒絲上以慈心故行放生業而來以彼文中觀一切男子是我父一切女人是我母即今瞋打我者亦皆是我父母既作是觀寧有其子以瞋打

報父母者乎且瞋乃根本煩惱中最重之一此法增恚為性長惡為業于慈愍中乖菩提道而修菩薩行者發弘誓願以度眾生故當以慈心為本若乃起一嗔心則違本願即捨眾生而失本慈故戒之也佛言佛子者標名以勸不得以嗔報嗔以打報打正欲菩薩心空境寂人我雙忘不得懷不仁心以瞋打報仇也若殺父母等者以重況輕之意謂不但彼嗔打已身不得懷報即若殺我父母兄弟六親之親亦不得加報又國主設為他人殺者即亦不得加報夫以不共戴天之仇義當反報而諸佛皆戒不得加報是為何義蓋為菩薩化導眾生斷除煩惱結縛出離三界輪迴令其求絕生死得大解脫何得殺一生而報一

生使諸衆生生世世互殺不已上云一切男子女人是我父母今若殺生報生是殺多生父母以報今生父母豈孝順之道耶是故殺生報生不順孝道也又不特此且修道人尚不得畜奴婢打拍罵辱日日

勞九

二

所起打拍身業罵辱口業嗔怒意業此三業中口業罪過尚得無量何況故作殺父母以報父母不順孝道之七逆罪耶是故不得嗔打報仇也而出家下辯明不得報仇意所言不得報者唯謂出家菩薩正當寬親平等人我兩忘何得懷報似俗人之怨害相尋者乎問設我不報豈不縱彼行殺耶答我念既不加報人亦不起害心故此兩得解脫若在家菩薩有位行權或報可也而出家菩薩無有慈心爲已嗔打報

仇乃至爲六親中故爾報仇者犯輕垢罪

○第二十二 憍慢不請法戒

若佛子初始出家未有所解而自恃聰明有智或恃高貴年宿或恃大姓高門大解大富饒財七寶以此憍慢而不諮受先學法師經律其法師者或小姓年少卑門貧窮下賤諸根不具而實有德一切經律盡解而新學菩薩不得觀法師種姓而不來諮受法師第一義諦者犯輕垢罪

勞九

三

此釋憍慢不請法戒也憍者謂於已盛事深生染著醉傲爲性能障不憍染依爲業蓋憍醉者生長一切襟染法故此貪分攝謂不憍者即無貪也即二十隨煩惱中之一慢者謂恃已於他高舉爲性能障不慢生苦爲業蓋爲慢於有德心不謙下繇此



生死輪轉無窮受諸苦故卽六根本煩惱中之一此二煩惱能障諸修行人一切功德不得成就故戒之也若佛子下標明憍慢根本言此佛子自初發心出家離塵脱俗之時始而見識未廣學力未深於第一義諦無我法中甚深理趣毫未有所得解而自恃聰明有智不知此等聰明乃世諦中能所知見非出世法中正知見也或恃名位高貴或恃身當年宿或恃其家大姓高門與夫學問大解資產大富饒財七寶如是所有皆世俗中所最尚者俱非出世尊重之道而初出家佛子以恃此憍慢故而不虛心諮問領受先學法師所說經律所謂既飲毒藥真藥現前則不能下此也此上皆能恃憍慢之心其法師下明所恃

憍慢之境其法師者或小姓年少者對上自恃大姓年宿或卑門貧窮下賤者對上自恃高門高貴大富或諸根不具者對上自恃聰明有智而實有下正明不得以迹取人所謂依德不依人也如是法師雖然對世間法一一不如而於出世品位實爲有德又彼學識廣大一切經律盡能通解堪爲後昆模範而諸新學菩薩不得觀法師種姓優劣妄生憍慢應當未聞求聞未解請解如以出處自相高下恃慢於心而竟不來諮受法師所演第一義諦者犯輕垢罪

○第二十三憍慢僻說戒

若佛子佛滅度後欲以好心受菩薩戒時於佛菩薩形像前自誓受戒當七日佛前懺悔

得見好相便得戒若不得好相時應二七三七乃至一年要得好相得好相已便得佛菩薩形像前受戒若不得好相雖佛像前受戒不得戒若現前先受菩薩戒法師前受戒時不須要見好相何以故是法師師相授故勞九不須好相是以法師前受戒即得戒以生至重心故便得戒若千里內無能授戒師得佛菩薩形像前自誓授戒而要見好相若法師自倚解經律大乘學戒與國王太子百官以爲善友而新學菩薩來問若經義律義輕心惡心慢心不一一好答問者犯輕垢罪

此釋憍慢僻說戒也憍慢之義解前僻者即偏見也以見不正必墮外道邪魔故戒之也詳此文勢其義有二一若佛子下至便得戒一節明弟子心無憍慢僻受師長

勞九

五

心無憍慢僻說之義二若法師下至不一一好答問者一節正明師恃憍慢僻說弟子無憍慢僻受之義受戒法儀有三一者佛在世時親從佛前而授受者得上品戒二者佛滅度後於先受菩薩戒法師前如法受者得中品戒三者若千里內無能授戒法師於佛菩薩形像前自立誓願而稟受佛戒者必定要見好相若見好相得下品戒所言佛滅度者揀佛在世以佛爲師今乃佛滅度後即以戒法爲師以戒師爲佛也欲以好心等者此正明無憍慢僻受之義於佛菩薩形像前者正謂佛不在世現前無師欲以好心秉受菩薩戒時只得於佛菩薩形像之前而自立諸誓願受戒願云我某甲等發十四種大願復立十三

種誓發誓願已更當七日佛前懇懃懺悔一切罪障罪障消滅得見好相即便自知已得戒矣設若一七日中不得好相者應當二七三七乃至一年之久而必要得好相若果得好相已便許此人向佛菩薩形像位前自誓受戒方証得戒勝緣若不得好相雖佛像前受戒不名得戒徒有受戒之名而無其實一生虛妄體是白衣若是佛滅度後現前有先受菩薩戒法師者當即於是師前精誠求戒不須要見好相所以者何以是說者受者二俱現前則非遙受代受及於像前求受故也言先受者揀非新戒無德臘者可能師也而曰菩薩戒法師者則是智行雙運之師此師堪爲師範如是師前秉受戒時是故不須要見好

相所以者何此有二義一者法師得戒本從師師相授而來此具戒師即是過去諸佛住世一般是以法師前受戒時即得具戒故也二者求戒弟子於本說戒師前生至重心觀戒師爲諸佛是故從是師前受戒即便得戒所以自無憍慢僻受師無憍慢僻說一一皆如法也然師前求受甚易像前求受甚難何故不從師而從像前受也若千里之內無能授戒師者始得於佛菩薩形像座前自誓受戒若於像前求戒必定要見好相方成得戒之信若是千里之內有能授戒師而不從是師前秉受必於像前而受戒者此人不但不不得戒而且反招憍慢僻受罪也若法師者內自倚恃能解經律秉受大乘學戒外又倚恃所交

國王太子百官以爲善好之友而見新學菩薩遠來請問經義律義時乃以所交自恃倚者而生輕心藐視惡心嫉妬慢心忽略不一一好答來求問法之人是法師得憍慢僻說之過犯輕垢罪

○第二十四不習學佛戒

第九

七

若佛子有佛經律大乘法正見正性正法身而不能勤學修習而捨七寶反學邪見二乘外道俗典阿毘曇雜論一切書記是斷佛性障道因緣非行菩薩道者若故作者犯輕垢罪

此釋不習學佛戒也謂諸佛經律藏乃是超生死越苦海之寶筏若無此筏永無得出三界愛河茲有佛法而不習學自甘沉溺故戒之也言有佛經律者既爲佛子有

佛可歸是吾本師有法可崇是吾本法既是本師本法應當時時親近而習學也經即修多羅律即毘奈耶經律所云大乘法者謂佛所說經律有菩薩藏有聲聞藏此是菩薩藏故云大乘法也既本大乘法藏則所詮理趣乃是正知正見正性正法身也不偏不邪曰正絲是正知正見明了不生不滅不遷不變正因佛性爲因地心卽證本有不生不滅不遷不變正法身果夫有佛可皈有法可崇不能一意皈崇勤敏習學捨諸佛覺道七種最上至極之寶反學邪見二乘外道俗典及阿毘曇雜論一切書記是斷佛性障道因緣非行菩薩道者既非菩薩之道豈當學耶邪見等者解見上文言俗典者四韋陀典外道書也阿

毘曇者此云無畏又名曰分別慧禰論卽凡論有論無小乘外道等論一切書記乃詩詞歌賦醫卜陰陽術數等也是斷佛性等者出所習之過也承上如是邪見二乘等人俱不當親而反親之外道俗典等教俱不當習而反習之自迷迷人所謂二乘枯寂焦菩提芽外道斷常剗正覺種是斷佛性也又此邪見等法內惑正解知見外亂正修行門實障菩提道因緣惡法非行菩薩大乘之正法也若故背其當學而習不當學者犯輕垢罪問治世語言資生業等皆順正法何故於俗典等學而犯罪答以新學者智弱識強恐棄本逐末故若地上大菩薩爲利生故習學無礙

○第二十五不善知衆戒

勞九

若佛子佛滅度後爲說法主爲僧房主爲教化主坐禪主行來主應生慈心善和鬪諍善守三寶物莫無度用如自己有而反亂衆鬪諍恣心用三寶物者犯輕垢罪

此釋不善知衆戒也謂佛弟子乃是住持

三寶弘通法人應知己識人設或亂衆鬪

諍乃至三寶財物不善守護卽非佛子故

戒之也言佛滅度後者舉末世而言也佛

在世時佛爲一切大衆主中之主諸弟子

中自無恣亂今佛滅度後則諸弟子各爲

勞九

九

其主故云佛滅後也言爲說法主者於佛

所說三藏教法善能主持使其流通不致

斷絕爲僧房主者謂善主持上中下座僧

衆安居捷度等事有調理故教化主者謂

能主持方便化導因緣次第等事不使錯

謬故坐禪王者謂能主持修禪定中魔境現前等事方便制伏故行來主者謂善主持遠近賓客迎送禮節等事不致踈慢故既爲如是衆中之主應生慈心善和鬪諍善守三寶財物莫無度用也言應生慈心者訓勉之詞謂生慈心能與一切衆生安樂故善和鬪諍者謂諍事如未起時卽令不起已起卽令息滅故善守三寶物者謂於三寶常住財物不使交互侵損漏失故莫無度用正明善守義所言三寶財物使用有節其義有三一者係佛物元卽佛事中用法物法事中用僧物僧事中用當用則用不可無度放意而用二者此是三寶財物應善守護莫作自己所有任意而用二者謂守三寶物者卽如守護自己法財

莫使惑業侵毀破壞故云莫無度用如是慈心和衆善守方是佛子行門若乃不能善和而反亂衆鬪諍應善守護而反恣心雜用三寶物者犯輕垢罪

○第二十六獨受利養戒

若佛子先在僧坊中住若見客菩薩比丘來入僧坊舍宅城邑若國王宅舍中乃至夏坐安居處及大會中先住僧應迎來送去飲食供養房舍卧具繩牀木牀事事給與若無物應賣自身及男女身應割自身肉賣供給所需悉以與之若有檀越來請衆僧客僧有利養分僧坊主應次第差客僧受請而先住僧獨受請而不差客僧者僧坊主得無量罪畜生無異非沙門非釋種姓犯輕垢罪

此釋獨受利養戒也僧具六和之德謂戒

和同修見和同解身和同居言和無諍意  
和無嗔利和同均若內一和有虧六和全  
費故戒之也言先在僧坊中住者自然是  
主既已爲主必盡主道若見客菩薩比丘  
來入僧坊住處或入居士宅舍住處或入  
城邑住處或入國王舍宅之中乃至夏坐  
安居之處及大會中如是住處凡先住僧  
所盡主道當異尋常見來則盡迎來之禮  
臨去則盡送往之禮終始如一不可失節  
其中供養如以飲食房舍卧具繩牀木牀  
凡諸物類事事給與不得吝惜一物俱如  
法供養何也始爲尊重法門克盡爲主之  
道問設若我自無物云何供養答若果爲  
求菩薩道者應賣自身及賣男女身而爲  
供養且又不獨賣身而已應割自身肉賣

供給所須悉以與之如是推之何況所有  
身外之物而反慳吝不供給耶若有檀越  
下申明不得獨受請義既言主人無物尚  
自賣身割肉而爲供養豈有檀越請齋而  
不次第差客僧受請者無是理也是故若  
有檀越來請衆僧齋者客僧俱當有利養  
分而僧坊主應當一一次第差客僧受請  
方具沙門六和之德若先住僧獨自受請  
不讓客僧受請僧坊主得無量罪五百問  
云衆僧食已分盡食他分一飽者犯波羅  
夷不飽犯墮得無量罪準例可知如是比  
丘下不合人情便非人類與畜生無異中  
不合僧禮全無六和故非沙門上不合佛  
心不知重道則非釋迦種姓應當同受而  
反獨入已者犯輕垢罪

○第二十七受別請戒

若佛子一切不得受別請利養入已而此利養屬十方僧而別受請即取十方僧物入已八福田中諸佛聖人一一師僧父母病人物自己用故犯輕垢罪

此釋受別請戒也此戒承前為佛弟子不但不得獨受利養而已乃更一切不得受人別請利養入已若別受請利養而不分與眾者亦非沙門非佛種子故戒之一切不得受別請利養入已者謂凡道俗一切諸檀越等請僧齋者應與眾同受請不得私受人請應眾中同利養故而此利下釋上不得受別請義問別請供物應受入已何故不得答謂此利養屬十方僧一切有分而若別受請者即取十方僧物私入

一已是故不得受別請也八福等者釋上義謂不但不得私取十方僧物入已乃至八福田中一切財物亦不得私用入已若取私用亦是取十方僧公物入已故也八福田者一諸佛二聖人三和尚四闍黎五眾僧六父七母八病人也言諸佛者即果人也言聖人者即因人也一一師者即本和尚闍黎尊証之十師也僧者即大眾也父母即生身二親也病人者但凡一切親怨眷屬之中有苦患人也已上自諸佛菩薩乃至父母七位名為敬田病人一種名為悲田此八總皆植福修慧良勝田也此一切物若公用即獲福私用即得罪今別受請即取八福田中物直為自己用故而不給與眾者犯輕垢罪



○第二十八別請僧戒

若佛子有出家菩薩在家菩薩及一切檀越  
請僧福田求願之時應入僧坊問知事人今  
欲請僧求願知事報言次第請者即得十方  
賢聖僧而世人別請五百羅漢菩薩僧不如  
僧次一凡夫僧若別請僧者是外道法七佛  
無別請法不順孝道若故別請僧者犯輕垢  
非

此釋別請僧戒也此戒亦從上受別請而  
來謂受請者既不別受則請僧者亦不應  
別請也般若經云不住相布施其福德等  
於虛空住相布施則獲福有限故戒之也  
若佛子下標明求願種福之人出家菩薩  
剃髮染衣受大戒人在家菩薩是受六重  
二十八輕之優婆塞戒人也及一切檀越

者承上謂不止此二種菩薩并凡作福一  
切檀越梵語檀那此云好施以好行檀波  
羅蜜法是則超越世間貪恪之士故得美  
稱也如是正信檀眾請僧福田求願之時  
或有發願度生或有祈禱常情或為聽聞  
道法或願生天生人乃至願生西方如來  
所求所願必當於三寶中求三寶即一切  
眾生植福良田也三寶住世全賴眾僧是  
故請僧福田求願之時應入僧坊問知事  
人曰我某甲今欲請僧求願彼知事人應  
當報言汝欲請僧合遵次第請儀所以者  
何以聖凡難辨不可擇故所以次第請者  
即得十方賢聖僧也若以分別心必請五  
百羅漢菩薩聖僧如是揀名別請不如隨  
於眾僧中次第所請一凡夫僧功德所以

者何以有住相心故若是別請僧者且是  
外道之法我佛法中無揀擇心以不著相  
求故又即上推七佛以來亦無別請之法

七佛者毘婆尸佛尸棄佛毘舍浮佛此三  
如來是過去莊嚴劫中已成正覺者拘留  
孫佛拘那含牟尼佛迦葉佛釋迦牟尼佛  
此四如來是現在賢劫中今成正覺者以  
是七佛作證不應別請僧明矣蓋別請求  
願者即是不行孝道何者謂上違七佛教  
誡之道中乖菩薩平等之心下失眾生利  
益之德所以若故別請僧者結過犯輕垢  
罪

○第二十九邪命自活戒

若佛子以惡心故為利養販賣男女色自手  
作食自磨自舂占相男女解夢吉凶是男是

第九

十四

女咒術工巧調鷹方法和合百種毒藥千種  
毒藥蛇毒生金銀毒蠱毒都無慈愍心無孝  
順心若故作者犯輕垢罪

此釋邪命自活戒也邪命揀非正命自活  
揀非為人既為佛子菩薩比丘當以乞法  
乞食而為生活乞法謂乞實相一乘之法  
珍重守護以證法身乞食謂乞檀越一餐  
以為德業利己者不墮非佛子故利人以  
續彼善根故若以邪命邪求不但釋子不  
得作為亦非清淨信士所宜故戒之也以  
惡心故者揀非善心為道故為利養者亦  
非為求救濟眾生苦故邪命事別開無量  
總則八種法一者販賣男女色此事離他  
骨肉玷人門風不顧羞恥道俗共制二者

第九

十五

自手作食自磨自舂佛制比丘食法尚以淨人授受方食豈聽沙門作生活計既失威儀亦長貪心此事惟制出家三者占相男女占則斷人禍福相則判人窮通亦非沙門所爲四者解夢吉凶解人夢中所見夢事斷其吉凶也五者是男是女此卽安定六甲所生是男是女六者咒術工巧咒爲諸咒咒以驅神遣將攝人魂魄術爲幻術種種幻事以幻惑人工爲精工巧爲巧匠皆世人所作已上俱非釋子所宜爲也七者調鷹方法調謂善調鷹犬能使疾便以取物命道俗共戒八者和合百種毒藥千種毒藥毒藥有百千種畧出一二一者和合蛇毒害人并害生命故二者和合生金銀毒謂生金生銀性最毒以此毒人害

物和合諸蟲蠱毒毒人及毒生靈故戒之道俗共制違而作者都無慈愍心都無一順心也都無慈愍心者全無一念視人如子女故都無孝順心者全無一念視人如父母故如是邪命爲利而故作者犯輕垢罪

○第三十不敬好時戒

若佛子以惡心故自身謗三寶詐現親附口便說空行在有中爲白衣通致男女交會姪色作諸縛著於六齋日年三長齋月作殺生劫盜破齋犯戒者犯輕垢罪

勞九

十六

此釋不敬好時戒也言不敬好時者謂於天王巡狩年月日期不修福慧無敬畏心有失大利故戒之也若佛子下至親附四句明不敬好時之心口便說空至犯戒者

一節詳不敬好時之事言以惡心故者揀非修出世善心故自身謗三寶者揀非但以口謗三寶故謂心若不正則身自不端身不端則百事皆不實故詐現親附者釋不實義謂本非與人親厚而現親厚之相以圖依附口便說空者見其心詐行在有中者見其身謗為白衣等者申明自身謗三寶行在有中之義為白衣者乃為世諦中人經理也通致男女者通謂通達致謂致意以女意達於男以男意達於女凡私通婚嫁之事作諸縛著全不解脫今舉一事以戒餘耳於六齋日等者此句正明不敬好時戒也月六齋日年三齋月俱是鬼神得力善月日也亦乃天神巡狩人間考較善惡之期於此月日持戒作福福勝餘

時月六齋者初八二十三乃是毘沙門天王分鎮南洲之日十四二十九如月小二十八乃是天王太子十五與三十乃天王自身也年三長齋月者每年正五九此三月者名三善月是帝釋天巡狩之月此天殿中有大寶鏡從年正月則照南瞻部洲二月則照西牛賀洲三月則照北俱盧洲四月則照東勝神洲五月復照南瞻部洲如是三番照察人間善惡凡人舉心動念自然鏡中顯現分明是故為佛弟子於此月日宜當勸人齋戒放生作諸福德而反於此時中反作殺生劫盜破齋犯戒損人功德滅人法財自害害人結過犯輕垢罪如是十戒應當學敬心奉持制戒品中廣明如是一句總結前十戒之文應當下二句

以勸修行時時刻刻心心念念修學此戒不可忘失意也制戒品一句引大部中別品廣明此義

○第三十一不行救贖戒

佛言佛子佛滅度後於惡世中若見外道一切惡人劫賊賣佛菩薩父母形像及賣經律販賣比丘比丘尼亦賣發心菩薩道人或爲官使與一切人作奴婢者而菩薩見是事已應生慈悲心方便救護處處教化取物贖佛菩薩形像及比丘比丘尼一切經律若不贖者犯輕垢罪

此釋不行救贖戒也救卽救護贖卽取贖菩薩護持三寶有理有事以理持事以事持理互相顯發若見三寶破壞不急救贖三寶從此斷滅人間慧命福田亦無地矣

勞九

十六

故戒之也佛言佛子下舉時分也意謂佛在世時無此等事佛滅度後於惡世中或有此事耳惡世卽五濁惡世時也於此時中多諸外道惡人言外道者不達自心多執異見外于正道故名外道斷佛慧命故名惡人如是之人常與佛法共諍與僧共諍劫三寶財盜賣佛菩薩像或賣父母形容且佛爲大慈父菩薩爲大悲母能與衆生樂能拔衆生苦皈敬供養得福無量豈可賣乎賣則破滅佛寶獲罪無量也及賣經律者經以開心見性而證真常律制三業六根清淨解脫豈可賣乎賣則破滅法寶販賣比丘比丘尼者謂比丘僧尼是人間福田住世僧寶賣則破滅僧寶于三寶中罪皆無量亦賣發心菩薩道人者此廣

兼道俗四衆謂凡發大乘心修大乘行者俱是有道之士故稱道人如是比丘道人等或被劫擄盜去賣爲官使與一切人作奴婢者菩薩見有如是苦難事已應生拔苦與樂之心假諸善巧設多種方便門急勞九急救護處處教化檀越取彼財物贖佛菩薩形像如法供養俾見相皈依獲福滅罪及贖比丘比丘尼令離苦難安隱修道并贖一切經律使法輪常轉用開迷途是名佛子住持三寶行菩薩道倘見此事不救贖而坐視者犯輕垢罪

○第三十二損害衆生戒

若佛子不得畜刀杖弓箭販賣輕秤小斗因官形勢取人財物害心繫縛破壞成功長養猫狸猪狗若故養者犯輕垢罪

此釋損害衆生戒也爲菩薩者當以慈悲喜捨爲根本心六度萬行爲方便門若害物傷慈非是大士心行故戒之也若佛子下總標損害衆生事言不得畜刀杖弓箭者謂此惡器損害衆生身命惡心易起是故不得畜也不得二字貫下不得販賣輕秤小斗明瞞暗騙損害衆生交易不得因官形勢取人財物倚威挾勢非善法求損害衆生名利不得所求不遂復假官威害心繫縛損彼衆生形體不得求財不遂勒彼變賣兒女產業破壞成功骨肉不得長養猫狸猪狗捕鼠害物爲利販賣以恩結仇已上諸戒不得有作向下結過若故養者犯輕垢罪問文中所言不得畜費害心長養有多種事結文只言若故養者犯罪

何也答養尚不得豈許畜賣故一戒一切戒也

○第三十三邪業覺觀戒

若佛子以惡心故觀一切男女等鬪軍陣兵將劫賊等鬪亦不得聽吹貝鼓角琴瑟箏笛

勞九

二十

箏篥歌叫妓樂之聲不得擣菰圍棋波羅塞戲彈棋六博拍毬擲石投壺牽道八道行城爪鏡著草楊枝鉢盂鬪髀而作卜筮不得作盜賊使命一一不得作若故作者犯輕垢罪

此釋邪業覺觀戒也邪業揀非正業覺即

覺照觀即觀察覺體本無邪正全在照察若被物轉即名邪業覺觀若能轉物即名正業覺觀此恐初心菩薩心念不純觀照不熟故戒之也若佛子下總標邪業覺觀根本之義言以惡心故者揀非屬行道中

隱顯攝化遊戲善念明是逐情流轉故名惡心觀一切男女等鬪者正明邪業覺觀之事相也觀即能觀之心一切等者即所觀之境也此有二事一者謂即一切男女戲舞之事一者或乃因念相諍鬪毆之事

故云一切男女等鬪軍陣兵將等鬪者即

兩國敵殺以各鬪封蔭故劫賊等鬪者此即盜賊劫掠鬪殺之事以上鬪事不一俱

係眼觀使心流逸此戒眼觀即是戒心切

勿被爭鬪境所轉欲令眼根得其清淨心

勞九

主

亦清淨所謂一根清淨而多根清淨也是故應效諸大菩薩常與五陰等魔共戰可也亦不得聽吹等者承上不但眼家不得邪觀耳家亦不得邪聽是則清淨耳根不被物奪即旋轉聞機故貝即螺貝南蠻國

人吹以節樂鼓即杖鼓斫木爲匡以革蒙  
兩面可擊者也角即犀角羌胡吹之以驚  
中國之馬琴即雅琴古制五絃今制七絃  
瑟者有五十絃庖犧所作虞舜改爲二十  
五絃箏十三絃蒙恬所作笛有七孔以竹  
爲之篳篥者有二十四絃師延所作已上  
皆是樂器之類歌叫妓樂之聲者即人樂  
之聲也雖則人樂有異一入耳根使心流  
蕩亦不得聽也不得擣蒲等者亦令身根  
清淨擣蒲即賭博是圍棋即奕碁是波羅  
塞戲即象碁是彈碁即漢時粧奩戲六博  
即雙陸是拍毬即蹴圓是擲石即今投壺  
古以石投今以矢投牽道即走馬賣械之  
類行城即城堞上行走或牽道八道行城  
碁是雖則事有各別皆賭博之類也爪鏡

用藥塗指上咒之則有光明如鏡炤人斷  
人吉凶著草出文王墓百莖一叢上有青  
雲覆蓋下有靈龜伏氣長大截取以筮斷  
人休咎楊枝即樟柳神附人耳邊報人禍  
福者是鉢盂即今炤水盃是以水注盂用  
以刀咒攪之令定以斷人是非故髑髏取  
新屍首咒之自靈能說人禍福故而作卜  
筮者此總收上幾種而言不得作盜賊使  
命者意謂設遇盜賊擄去乃至畢命必不  
可爲彼作使命也一一不得作者此句總  
結是佛叮嚀勸誡之言謂上諸邪事業俱  
非佛子所爲故一一不得作若故作者犯  
輕垢罪經中音樂博筮之具多同此方故  
引釋之

○第三十四斲念小乘戒



若佛子護持禁戒行住坐臥日夜六時讀誦是戒猶如金剛如帶持浮囊欲渡大海如草繫比丘常生大乘善信自知我是未成之佛諸佛是已成之佛發菩提心心念念不去心若起一念二乘外道心者犯輕垢罪

此釋慚念小乘戒也慚卽頃刻也念卽作意也言小乘戒揀非大乘昔舍利弗行菩薩行遇婆羅門乞眼舍利弗言眼在我身有用爾用何爲婆羅門言汝修菩薩行者隨乞卽與莫管有用無用時舍利弗卽取眼與彼得在手以鼻嗅之曰腥臊臭物用他作麼唾踏而去舍利弗言菩薩行難只一念中捨戒退墮聲聞二十小劫故戒之也若佛子下此總標明行菩薩行時分言護持禁戒者護卽防護使魔無能侵故持

卷九

三十三

謂堅持使心無有退故禁卽約束五根不動戒卽止滅意地不起所謂精進持淨戒猶如護明珠也行住坐卧卽四儀處日夜六時晝六夜六之十二時也於此時分護持佛戒不被境風耗蕩是則戒堅得定定澄發慧三學具足三身圓滿也讀誦是戒申明護持方便言護持是戒者云何護持卽當熟讀是戒對本尋文知戒輕重開遮誦以離本究心明其指歸保持是戒猶如金剛以金剛智能碎一切妄想顛倒嚴護戒品亦如帶持浮囊得渡苦海浮囊渡海器也昔有商人持囊渡海海中羅刹從乞浮囊其人不與乃乞一半亦不聽許至乞一絲亦不從願何故命在囊故浮囊若破則於海岸終不能到以喻持戒之人欲渡

生死苦海設遇愛染羅刹假求一願亦終不從何故命在戒故戒若有破則溺生灰苦海永無出期是故護戒若此如草繫比丘者此喻持戒悲心不傷物故昔有比丘被賊所抄恐追趕至故將比丘以草繫縛比丘奉佛禁戒不拔生草不敢動移時遇王過得以釋脫此小乘法何以引喻大乘意謂小乘無望成佛尚於此戒如是堅持况大乘人兼利自他豈可於是戒中而生放逸是故菩薩持戒亦當如此常生大乘善信者正謂小乘之人不信自心是佛茲者大乘新學雖生是信恐遇二境則退故勉於此大乘常生善信恒無間斷應信自心是佛自心作佛以決定信信得我是因中一尊未成之佛但未即得果地莊嚴以

第九

五

我行願未圓惑障未空故也諸佛是已成之佛者意謂諸佛已得三身圓滿萬德具足五住究竟二死永亡是故我能如是修因必然如是證果若少有意情即失當來莊嚴之果佛也上護持禁戒者行也常生善信者信也自知我是未成之佛諸佛是已成者解也發菩提心者此心乃是信解行中本覺智體信解行三雖具若證佛果必於所發大乘菩提正心念茲在茲永無忘失以是念念不去于心乃是菩薩純熟戒行佛果可期若於所信所解所行所發之中但起一念二乘外道心者犯輕垢罪問只此一念何云犯罪答雖云暨念佛種有傷失菩提心即為魔業豈不致退墮二十小劫乎故此得罪

○第三十五不發願戒

若佛子常應發一切願孝順父母師僧願得好師同學善知識常教我大乘經律十發趣十長養十金剛十地使我開解如法修行堅持佛戒寧捨身命念念不去心若一切菩薩不發是願者犯輕垢罪

佛九

三

此釋不發願戒也承上護戒發心已起大乘信解又必發願勤求師友發明理趣於理不明猶恐錯念濫同小乘外道故戒之也若佛子下總標明發諸大願也言常應者謂發願不難惟恐不恒所以常應發願以是大願無盡一切皆發衆生無盡而煩惱障業障報障一切無盡故菩薩之願心亦無有盡故云常應發一切願也孝順父母師僧等者此別開願心也願雖無量十

願總攝一願孝順父母二願求好師三願求同學四願求大法五願求十發趣六願求十長養七願求十金剛八願求十地九願求開解佛乘十願堅持佛戒也一願孝順父母問曰父母有生育之恩師僧有教誨之德自然不敢忤違何假發願孝順謂小乘戒中比丘爲道若父母不能繩線比丘乞食與半雖孝不大今於大乘戒中以觀一切衆生如已父母若不發願孝順恐同小乘見解其心不普不恒故當發願如此二願得好師者謂師有大乘小乘正見邪見有解無行有行無解之別今所求者願求正知正見解行具足之師問上云發願孝順師僧此又揀擇願得好師者何也上在供養承事邊說此在求道邊說故當

願求好師非同我慢之心也三願同學善知識者雖逢聖師指點更須賢朋資輔卽如臨濟激發於首座昌黎發悟於三平所以求師爲最訪友第一是故求同學者必真善知識也四願常教我大乘經律者擇

勞九

五六

非小乘法也承上求師擇友爲欲常常教我大乘經律使我頓圓佛慧故也所以圓覺五性差別乃在遇師遇教是故願求大乘法也五願修十發趣者卽十住位以發真源修空觀理故六願修十長養者卽十行位長養善提脩假觀行故七願脩十金剛者卽十向位智慧雙運修中道觀故八願修十地者卽十聖位以圓修三觀圓證三身故九願使我開解者謂上教以大乘經律非但只教熟讀而已更欲於大乘經

律中所詮三賢十聖修證菩提道法一切行門使我一一開解得以如法修行而速證佛果也十願堅持佛戒者謂雖求大乘智慧雙運若不堅持佛戒聖賢道果一切皆失所謂若犯如微塵許現身不得發菩提心乃至佛性常住妙果一切皆失云云是故發願堅持佛戒設遇惡緣寧捨身命念念不敢捨去堅持佛戒之心如是發願如是持戒是真佛子決定成佛而無疑也若一切菩薩不發是願者犯輕垢罪

勞九

三三

○第三十六不發誓戒

若佛子發十大願已持佛禁戒作是願言寧以此身投熾然猛火大坑刀山終不毀犯三世諸佛經律與一切女人作不淨行復作是願寧以熱鐵羅網千重周而纏身終不以此

破戒之身受於信心檀越一切衣服復作是願寧以此口吞熱鐵丸及大流猛火經百千劫終不以此破戒之口食於信心檀越百味飲食復作是願寧以此身卧大猛火羅網熱鐵地上終不以此破戒之身受於信心檀越百種床座復作是願寧以此身受三百鉞刺身經一劫二劫終不以此破戒之身受於信心檀越百味醫藥復作是願寧以此身投熱鐵鑊經百千劫終不以此破戒之身受於信心檀越千種房舍屋宅園林田地復作是願寧以鐵鎚打碎此身從頭至足令如微塵終不以此破戒之身受於信心檀越恭敬禮拜復作是願寧以百千熱鐵刀鉞挑其兩目終不以此破戒之心視他好色復作是願寧以百千鐵錐刺耳根經一劫二劫終不以此

破戒之心聽好音聲復作是願寧以百千刃刀割去其鼻終不以此破戒之心貪嗅諸香復作是願寧以百千刃刀割斷其舌終不以此破戒之心食人百味淨食復作是願寧以利斧斬斫其身終不以此破戒之心貪著好觸復作是願願一切衆生成佛菩薩若不發是願者犯輕垢罪

此釋不發誓戒也前為發願此乃發誓以先願後誓者猶馬雖有轡勒更加鞭策期其必至欲期大果若無決定大誓願力恐遇順境不能打過則所願必虛故戒之也發十大願已者牒前持佛禁戒起後言堅持佛戒者上云寧捨身命念念不去于心我發願已更立誓以堅之也立誓總有四段一者不作非梵行誓二者不虛受供養

誓三者不染汚六根誓四者本為化衆生  
 誓初明不作非梵行者設若吾人欲念起  
 時誓曰寧將此身投熾然猛火中受焦爛  
 苦墮大坑墜受陷墜苦入刀山上受割截  
 苦如是諸極苦處寧當現世一生忍受不  
 以為患終決不敢毀犯三世諸佛所說清  
 淨決定禁戒經律與一切女人作不淨行  
 也二明不虛受供養誓此誓復開六種一  
 者不虛受衣服誓復作誓願如遇寒時寧  
 以熱鐵羅網千重周巾纏身皮焦肉潰不  
 以為苦而終不敢以此破戒之身受於信  
 心檀越一切衣服二者不虛受飲食誓復  
 作誓願如遇饑時寧以此口吞熱鐵丸渴  
 時及飲大流猛火以受焦腸爛肺之苦終  
 不以此破戒之口食於信心檀越百味飲

卷九

三九

食三者不虛受卧具誓復作誓願如身體  
 疲倦時寧以此身臥大猛火羅網熱鐵地  
 上以受肉盡骨焦之苦終不以此破戒之  
 身受於信心檀越百種床座四者不虛受  
 醫藥誓復作誓願如患病時寧以此身受  
 三百鉞刺身縱經一劫二劫鉞刺之苦終  
 不以此破戒之身受於信心檀越百味醫  
 藥五者不虛受田舍誓復作誓願如居止  
 時寧以此身投熱鐵鑊經百千劫誓當忍  
 受終不以此破戒之身受於信心檀越千  
 種房舍屋宅園林田地六者不虛受禮拜  
 誓復作誓願如自尊自重時寧以鐵鎚打  
 碎此身從頭至足令如微塵終不以此破  
 戒之身受於信心檀越恭敬禮拜三者不  
 染汚六根誓此誓復開五種初淨眼根之

誓復作誓願如眼對色之時寧以熱鐵刀  
鉞挑其兩目壞此肉眼終不以此破戒之  
心視他好色以壞清淨法眼問清淨眼根  
豈能壞乎所言壞者非是爛壞之壞是令  
清淨眼根不得通徹無碍故耳二者淨耳

根誓復作誓願如耳對音聲時寧以百千  
鐵錐劓刺耳根縱經一劫二劫如是至常  
至極之苦寧當忍受終不以此破戒之心  
聽好音聲以壞清淨法耳三者淨鼻根誓  
復作誓願如鼻對諸香時寧以百千刃刀  
割去其鼻亦可忍受終不以此破戒之心  
貪嗅諸香以壞清淨鼻根四者淨舌根誓  
復作誓願如舌取飲食時寧以百千刃刀  
割斷其舌亦當受之終不以此破戒之心  
食人百味飲食以壞清淨舌根五者淨身

根誓復作誓願如身對好觸時寧以利斧  
斬斫其身當忍受之終不以此破戒之心  
貪著好觸以壞清淨法身已上三科十二  
誓願是自利行下一誓願乃利他行四者  
本為化衆生誓復作願云我今發願立誓  
非獨自為一已清淨解脫而已本為普化  
法界一切衆生悉皆成佛故也如是立誓  
發願是名菩薩若不發此四科十三種誓  
願者犯輕垢罪

○第三十七冒難遊行戒

第九

三十

若佛子常應二時頭陀冬夏坐禪結夏安居  
常用楊枝澡豆三衣餅鉢坐具錫杖香爐漉  
水囊手巾刀子火燧鑷子繩牀經律佛像菩  
薩形像而菩薩行頭陀時及遊方時行來百  
里千里此十八種物常隨其身頭陀者從正

月十五日至三月十五日八月十五日至十月十五日  
是二時中十八種物常隨其身如鳥二翼若布薩日新學菩薩半月半月布薩誦十重四十八輕若誦戒時於諸佛菩薩形像前誦一人布薩即一人誦若二及三人至

勞九

三

百千人亦一人誦誦者高座聽者下座各各披九條七條五條袈裟結夏安居一一如法若頭陀時莫入難處若國難惡王土地高下草木深邃獅子虎狼水火風劫賊道路毒蛇一切難處悉不得入若頭陀行道乃至夏坐安居是諸難處亦不得入若故入者犯輕垢罪

此釋冒難遊行戒也前言發誓度生雖慈悲廣大恐初心菩薩道力未充不能一切無礙凡遇難處不可輕遊故戒之也若佛

子下標明菩薩遊行時也常應二時者每年春秋二時也是時溫和氣象萬物方長成熟時分堪當遊行是故常應此時化眾生也頭陀者此云抖擻抖去客塵煩惱以求無上道法故冬夏坐禪結夏安居者謂冬時隆寒夏時酷暑當習靜坐禪離昏散心清寒暑患是故結冬休夏而精勤佛道也常用楊枝等者釋安居事謂凡結冬休夏之時須常用楊枝等十八種物為法器也楊枝常用有五種利益一固齒二明目三清心四消風五除垢是故凡受食後宜用楊枝如或不用五百問云犯墮罪澡豆即皂角凡出廁畢以淨身手便可禮佛持咒誦經三衣即五衣七衣大衣也其大衣中亦有上中下三品三三共九品俱以蔽



形除貪超俗服故鉢者梵語鉢多羅此云  
應量器大者斗五中者七升小者隨量比  
丘食法以一鉢資身斷邪命邪求故餅卽  
軍持以注法水滋益衆生滌除塵垢故卧  
具梵語尼師壇此云敷具亦名隨足衣敷  
之坐禪以建五分法身如塔之有基故錫  
杖梵語隙棄羅此云錫杖亦名智杖亦名  
德杖表樹法幢顯聖人智故香爐表信斷  
法界疑入佛道故澆水囊者用密絹成澆  
水護生顯慈心故手巾拭面便浴以潔垢  
故刀子古以戒刀降魔今用剃除鬚髮以  
斷愛根別俗相故火燧卽取火以資明破  
暗表有慧故鑷子古頭陀跣足行恐刺傷  
足用以拔之表盡煩惱諸毒刺故繩牀用  
繩串成表脫貢高不生放逸故亦不受地

勞九

五

濕故言經律者經以開心見性成佛果故  
律乃嚴護身口意令解脫故佛菩薩形像  
者佛是本師良導菩薩乃同學善友所謂  
生我者父母成我者師友何敢時刻忘之  
又佛是果人菩薩是因人未成佛者觀已  
成佛我必如是證觀未成佛我必如是修  
正爲安居行道榜樣所以當供其妙像也  
而菩薩行頭陀等者釋上常應二時頭陀  
遊行事母暫離也謂不但冬夏安居用之  
卽菩薩行頭陀時及遊方時無論行來百  
里千里若遠若近此十八種物亦常隨身  
皆不可離也已上總明安居遊行常用法  
器事竟向下申釋遊行時分及常用法器  
之義言二時頭陀者在於何時謂從正月  
十五日及三月十五日及春分之時從八

勞九

五

月十五日至十月十五日。是秋分之時。是二時中。此十八種物。常隨其身。何也。如鳥之二翼翼。若有失。則鳥難飛騰。法器若缺。則僧難遊行。所以常隨身也。若布薩日等者。此明遊行懺悔之法。梵語布薩。此云作法辦事。亦云我對說。又名相向說罪。以有過失。相向對佛像前說悔罪過也。新學菩薩等者。揀非久修性地位也。新學智劣。識強於戒品中。勉力堅持。若不謹束身心。恐墮放逸。故半月半月作布薩法。從此十重四十八輕之戒。相諦審有犯。無犯各為懺悔也。於諸佛菩薩形像前誦者。佛在世時對佛親誦。佛滅度後。得于像前為作證明。而誦非敢自專。此十八種物中。所以有經律及佛菩薩形像故也。一人布薩下等者。

明誦戒儀式。若誦戒時一人布薩。卽一人誦。若二及三人至百千人布薩。亦是一人誦。戒不可普誦。以致淆訛。其誦戒儀。誦者高座聽者下坐。而此誦者聽者各各披九條七條五條袈裟。毋得著俗服。以乖僧體。此之布薩法儀。不但頭陀行道時為然。凡結夏安居時。一如此法。則不可違也。已上總明安居遊行法事。竟下明一切難處。不可安居遊行也。先明頭陀遊行時。莫入難處。何等難處。謂若國難。別本云惡國。界以此國中廣行殺法及饑饉等時。難非宜遊行。故不可往也。言惡王者。謂國中主不信三寶。不修福慧。是為惡王。土地高下。高則坑下。則濕。遊行險隘之難。草木深邃。多諸惡獸。出入往返。驚怖之難。水火風災。俱

不可往恐有漂焚鼓拆驚恐之難劫賊道路處所恐有遺悞罔害之難道路貫下毒蛇橫道處所恐有途路螫害之難有如是難皆不得往也一切難處等者謂不止此難處而已凡一切難處悉不得入也若頭

第九

三十四

陀行道等者莫入難處不但頭陀遊行難處不可得入乃至夏坐安居是諸難處亦不得入此總誠安居遊行之當慎也若乃自恃有德無妨諸怖違佛言教強入險處遊行者犯輕垢罪

○第三十八乖尊卑次序戒

若佛子應如法次第坐先受戒者在前坐後受戒者在後坐不問老少比丘比丘尼貴人國王王子乃至黃門奴婢皆應先受戒者在前坐後受戒者次第而坐莫如外道癡人若

第九

十五

老若少無前無後坐無次第如兵奴之法我佛法中先者先坐後者後坐而菩薩一一不如法次第坐者犯輕垢罪

此釋乖尊卑次序戒也此戒緣上布薩誦戒而來謂誦戒者高座聽者下坐以下聽

衆亦有高下次序以凡一切坐衆不可紊亂有乖佛制故戒之也若佛子下此總標明坐序法也先受下別釋也謂若佛子坐法應如法次第坐言如法者謂依佛訓而坐也謂先受戒者應在前坐後受戒者應在後坐不問老少生年但依受戒次第而坐如比丘比丘一類比丘尼比丘尼一類貴人貴人一類國王國王一類王子王子一類乃至黃門奴婢各自一類而分先後非是無問僧俗貴賤而混然論先後次序

坐也若是不但不順世法且亦不通佛法以佛法中卽百歲比丘尼禮三歲沙彌足百歲三歲乃是受戒三年百年非世諦生年也以百年者戒長臘深三年戒晚臘淺若一槩而論受戒先後應三歲沙彌禮百歲尼足何百歲尼而禮三歲足乎是知論戒各自爲一類以序先後且又以比丘爲宗主也莫如外道等者外道無有智慧無論若老若少無前無後坐無次第乃如兵奴之法一般而我佛正法中必以先者先坐後者後坐是名行菩薩道建立法門謙恭遜讓之義也而菩薩下結成違戒得罪所言爲菩薩者若不一一如法次第坐者犯輕垢罪此罪若不犯者如普照三昧云阿闍世王請文殊齋文殊尊讓迦葉前行

曰大迦葉久爲沙門世間所有羅漢皆從仁後仁當前行迦葉答云計於法律不以年歲爲尊法律所載智慧爲尊神智聖達乃爲可尊博聞辯才乃爲可尊諸根明徹乃爲可尊文殊乃前行也問據此豈不乖尊卑次第耶答闍王之請意在文殊不在迦葉如天帝釋請華嚴師置座五百應真之上卽其類也文殊始讓迦葉不敢違古佛之恒規迦葉終遜文殊所以順請主之本意此二大士正破我慢貢高之弊

第九

三六

○第三十九不修福慧戒

若佛子常應教化一切衆生建立僧房山林園田立作佛塔冬夏安居坐禪處所一切行道處皆應立之而菩薩應爲一切衆生講說大乘經律若疾病國難賊難父母兄弟和尚

阿闍黎亡滅之日及三七日四五七日乃至  
七七日亦應講大乘經律一切齋會求福行  
來治生大火大水焚漂黑風所吹船舫江河  
大海羅刹之難亦讀誦講說此經律乃至一  
切罪報三惡八難七逆杻械枷鎖繫縛其身  
多淫多瞋多愚癡多疾病皆應講此經律而  
新學菩薩若不爾者犯輕垢罪

此釋不修福慧戒也此戒要令一切衆生  
植福植慧以成佛故若無福慧二種莊嚴  
則佛果菩提安可希冀故戒之也若佛子  
下標顯常心廣大心也謂能教者應常教  
化一切衆生建立三寶而亦常自修福修  
慧也建立等下正明勸修福慧之事建立  
僧房山林園田二句卽是興隆僧寶以修  
福也立作佛塔者卽興隆佛寶以修福也

冬夏坐禪至皆應立之者卽興隆法寶以  
修福也天台疏中修福總有七事一建僧  
坊以爲衆僧棲息修道處故二治山林便  
衆經行兼以足材薪故三治園圃園以種  
植果蔬供佛僧故四治田地田以插谷地  
以種粟而備久遠資糧使得僧衆安心以  
辦道故五建佛塔莊佛相好嚴淨國界遠  
近瞻依增福慧故六治安居坐禪處所以  
爲息定有所歸止易得定故七治一切所  
行道處皆應立者如行準提咒者應爲立  
準提堂乃至觀音勢至文殊普賢藥師彌  
陀等行隨一切行人所行一切行門皆應  
爲立一切處所令彼道人處處得以安隱  
而行道故上爲修福若乃非理募化自附  
營修以公濟私誤因昧果所謂天堂未就

地獄先成如是修福不如避罪若果真爲  
興隆三寶因果分明纖毫無差復能無我  
人相了達三輪體空如是修福是爲真行  
菩薩道者上修福德以滿自他檀波羅蜜  
下修慧德以圓自他般若波羅蜜故其慧

卷六

三

有聲聞慧有菩薩慧菩薩智慧應爲一切  
衆生講說大乘經律以大乘經律者乃有  
滅惡生善之功除罪獲福之益是故令修  
大乘之智慧也若疾病下正明令修菩薩  
智慧之德相也若疾病時應講此經律者  
以得除滅一切諸苦令安樂故若國有難  
而講此經律者以得滅除刀兵饑饉令諸  
國土得豐泰故若遇賊難而講此經律者  
以得解脫一切劫殺得無擾故若父母兄  
弟和尚阿闍黎亡滅之日及三七日四五

七日乃至七七亦應講此大乘經律者  
以得解脫一切幽冥之苦得見佛聞妙法  
故若是一切齋會求福亦應誦此經律者  
以得圓滿一切衆生所有心願令成就故  
行來治生講誦此經律者以具足一切如  
意法財周濟世間無乏少故若爲大火所  
燒而誦此經律者以能使解脫一切熱惱  
令清涼故若爲大水所漂而誦此經律者  
以能令超脫一切愛河到彼岸故若遇黑  
風所吹船舫而誦此經律者以得解脫一  
卷九  
切無明穩駕法船度衆生故若遇江河大  
海羅刹之難而誦此經律者以能令害心  
頓歇鬼氣潛消俱解脫故不但此也乃至  
一切罪報三惡八難七逆杻械枷鎖繫縛  
其身若講此經律者謂此經律爲大赦書

俱令身心速解脫故多淫多嗔多愚癡多

疾病如是等報皆應講此經律者謂此經

律具足一切戒定慧樂能滅一切貪嗔癡

若能除身心病患令證五分法身故也如

是若依修福修慧方各自利利他而諸新

學菩薩若不如是修福慧者犯輕垢罪

如是九戒應當學故心奉持梵壇品當說

如是一句總結前九戒也應當一句結勸

自利應當學也敬心一句結勸奉持當流

通也梵壇一句乃引大部別品廣明其義

顯此處所說者尚為畧也

### 佛說梵網經直解卷第九

#### 事義

#### 十四種大願

一者常能念佛親近善知識  
二者常能捨離諸惡知識  
三者常能讀  
論大乘經律問甚深義如法修學五者常

能於無上菩提而生信心六者若見眾生  
有苦惱時常能救護七者常能隨力供養  
三寶八者常能奉順父母敬事師長不取  
違忤九者常能捨諸懈怠勤求佛道十者  
於五塵上諸煩惱生時能制伏其心十一  
者眾無邊誓願度十二者煩惱無盡誓  
願斷十三者法門無量誓願成六重戒一殺  
學十四者佛道無上誓願成六重戒一殺  
偷盜三虛說四邪淫五  
宣說四眾過罪六酤酒二十八輕一不能  
母師長二耽樂飲酒三惡心不能瞻視病  
苦四有乞者不能多少分與遺空還五見  
四眾不能承迎禮拜問訊六見四眾毀所  
受戒心生憍慢七月六齋日不受八戒供  
三寶八四里中有講法處不能往聽九  
受招提僧卧具床坐十疑水有蟲故便飲  
之十一險難之處無伴獨行十二獨宿尼  
寺十三為於財命打罵奴婢僮僕外人十  
四以殮食施四眾十五畜貓狸十六畜養  
象馬牛羊駝驢一切禽獸十七不儲畜僧  
伽黎衣鉢錫杖十八若須田作不求淨水  
及陸種處十九初說價已捨賤趨貴斗秤  
量物不令平用二十於非處非時行欲二  
十一隱瞞官稅二十二犯國制二十三得  
新穀果蔬菜茹不先供奉三寶先自受二  
十四僧若不聽說法讚歎輕自作二十五  
道路若在比丘沙彌前行二十六僧中付  
食若偏為師選擇美好過分與二十七養  
瞻視為作方便付囑者不能五性一凡夫性  
謂於事理

二障未得斷滅名未成佛二小乘性謂諸  
 衆生永捨貪欲先除事障未斷理障但能  
 悟入聲聞緣覺未能顯住菩薩境界三菩  
 薩性謂諸末世一切衆生欲泛如來大圓  
 覺海先當發願勤斷二障一障已伏即能  
 悟入菩薩境界若事理障已永斷滅即入  
 如來微妙圓覺滿足善提及大涅槃四不  
 定性謂諸衆生皆證圓覺逢善知識依彼  
 所作因地法行爾時修習便有頓漸若遇  
 如來無上菩提正修行路根無大小皆成  
 佛果五外道性謂諸衆生雖求善友遇邪  
 見者未得正悟是則名為外道種種性邪  
 過謬非衆生咎是五濁一劫濁約四濁立  
 名圓覺五性差別五濁此假名四濁增劇  
 聚在此時二煩惱濁五鈍使爲體三災爲  
 相故三衆生濁謂見慢果報立此假名惡  
 名穢稱爲相故四見濁連持心爲體諸見  
 轉增爲相故五命濁連持心爲體諸見  
 減壽爲相故五命濁連持心爲體諸見  
 相故臨濟發悟藥會中時睦州爲首座  
 乃問臨濟上座在此多少時曰二年州曰  
 曾參問否曰不曾問不知個甚麼州曰  
 何不問如何是佛法的的大意明日藥上  
 堂師依教而問三度被打後辭去恭大愚  
 於言下大悟愚昌黎發悟韓文公問大顛  
 今嗣黃蘗焉昌黎發悟韓文公問大顛  
 禁佛法有要處乞師一語師良久公問措  
 時三平爲侍者乃敲禪床三下師曰作麼  
 平曰先以定動後以智拔公乃曰和尚  
 門風高峻弟子於侍者邊得箇入處  
 王



佛說梵網經直解卷第十

勞十

姚素三藏法師鳩摩羅什奉

詔譯

明廣陵傳戒後學沙門寂光

直解

菩薩心地品之下

○第四十揀擇授戒戒

勞十

佛言佛子與人授戒時不得揀擇一切國王  
王子大臣百官比丘比丘尼信男信女姪男  
姪女十八梵天六欲天子無根二根黃門奴  
婢一切鬼神盡得受戒應教身所著袈裟皆  
使壞色與道相應皆染使青黃赤黑紫色一  
切染衣乃至卧具盡以壞色身所著衣一切  
染色若一切國土中國人所著衣服比丘皆  
應與其俗服有異若欲受戒時應問言現身  
不作七逆罪耶菩薩法師不得與七逆人現  
身受戒七逆者出佛身血殺父殺母殺和尚

殺阿闍黎破羯磨轉法輪僧殺聖人若具七  
逆即現身不得戒餘一切人盡得受戒出家  
人法不向國王禮拜不向父母禮拜六親不  
敬鬼神不禮但解法師語有百里千里來求  
法者而菩薩法師以惡心嗔心而不即與授  
一切衆生戒者犯輕垢罪

此釋揀擇授戒戒也謂佛戒法平等一切  
皆應得受若分貴賤高下應受不授不應  
受而授者先已得罪豈可為師故戒之也  
佛言佛子者呼名而告既為佛子必當上  
弘下化為授戒師凡與人授戒時應當平  
等施與不得揀擇也不揀有二一授戒法  
不揀二授衣法不揀先明不揀授戒無論  
一切國王王子大臣百官比丘比丘尼信  
男信女姪男姪女十八梵天六欲天子無

根二根黃門奴婢一切鬼神盡得受戒不應揀也何以故謂但凡有心者皆當作佛豈不盡得受戒是故不應擇也應教身下次明授衣亦不揀也言應教身所著袈裟等者上與授戒是令心體如法此與授衣

第十

二

乃令身相亦如法也謂但凡受戒者若心體如法身相不如法者不能令人深起敬信若是身相如法心體不清淨者諸天神明未必歡喜必也內具戒心外具法服表裏如一即獲天龍恭敬戒神護持所以凡授衣者亦不揀也袈裟解前言皆使壞色者謂離外染心故與道相應者謂於內受道法正相應故皆染使下申明壞色也謂皆一一染之而似青黃赤黑紫色故也彌沙塞云思入玄妙究暢幽密應著青色摩

訶僧祇律云勤學眾經宣說真義應著黃色曇無德云通達理味開導利益應著赤色薩婆多云博通敏達導以法化應著黑色迦葉遺云精勤勇猛快攝眾生應著木蘭色也此五部中皆用五種壞色非正五

色言應著木蘭者如木蘭葉之背似紫而非紫故又律部中所言青色之下有非青等二字可證五色非五正色一切染衣等者謂不但袈裟者皆以染壞但凡一切染衣乃至卧具盡皆以壞色也已上二種應

第十

三

不揀竟向下應揀亦有二法先明衣中有揀謂凡比丘身所著衣一切皆以染色雖云不揀平等與之內有不當同者應別之也何者如若一切國土之中國人所著衣服為比丘者皆當與其俗服有異故不同

耳次明戒中有揀謂若欲受戒時戒師應于求受戒者問言汝今現身不作七逆罪耶問定有無無則應與授戒有則不應與授何故謂七逆罪障深重故是以菩薩法師不得與七逆人現身授戒何名七逆一出佛身血二殺父三殺母四殺和尚五殺阿闍黎六破羯磨轉法輪僧七殺聖人若具此七逆者即現身不得戒所以應揀餘一切人盡得受戒所以不得揀也出家人法等者此明僧俗受戒禮義之不同也優婆塞戒經云若優婆塞優婆夷等欲受二皈五戒之法必先稟禮君親眷屬家廟祖先然後方可求受戒法若出家人受戒之法不同優婆塞等受戒之法謂始出家之時先曾稟禮君親過已故出家後以道自

重不務世禮所以不向國王禮拜不向父母禮拜六親不敬離愛念故鬼神不禮離諂媚故如是一切放下但只解得法師說戒之語便得受菩薩戒故也有百里下正明惡心揀擇之義上云但能解法師語盡得與他授戒設若百里千里以至誠心而來法師座前求授戒者而為菩薩法師即當以慈悲心平等與之授戒是名菩薩設若反以惡心嫉妬瞋心惱恨而不即與授一切衆生戒者犯輕垢罪

○第四十一為利作師戒

若佛子教化人起信心時菩薩與他人作教誡法師者見欲受戒人應教請二師和尚阿闍黎二師應問言汝有七遮罪否若現身有七遮罪者師不應與授戒若無七遮者得與

授戒若有犯十重戒者教懺悔在佛菩薩形  
像前日夜六時誦十重四十八輕戒苦到禮  
三世千佛得見好相者若一七日二三七日  
乃至一年要見好相者佛來摩頂見光  
華種種異相便得滅罪若無好相雖懺無益  
是人現身亦不得戒而得增長受戒益若犯  
四十八輕戒者對首懺悔罪便得滅不同七  
遮而教誡師於是法中一一好解若不解大  
乘經律若輕若重是非之相不解第一義諦  
習種性長養性性種性不可壞性道種性正  
覺性其中多少觀行出入十禪支一切行法  
一一不得此法中意而菩薩為利養為名聞  
故惡求多求貪利弟子而詐現解一切經律  
為供養故是自欺詐亦欺詐他人故與人授  
戒者犯輕垢罪

第十

五

此釋為利作師戒也此戒承前所云不犯  
七逆罪者盡與受戒如受戒後設有犯戒  
其為師者云何教令懺悔設於懺悔之法  
不解而為利作師者得何等罪故戒之也  
若佛子下舉能教顯所教有根性義菩薩  
與他人下明教誡師不得自尊以授戒時  
必同二師授也二師應問言下審明無遮  
難者方堪與授戒也若有犯下明受戒後  
懺悔之法若不解下明不解者不堪為師  
而菩薩下明無解作師之罪也教化人起  
信心時者謂此菩薩善為人作教誡法師  
教人發起大乘信心授戒之時不得專自  
一己為人授戒應教受戒之人請和尚闍  
黎二師二師應問受戒者言汝有七遮罪  
否否者問定有無之詞若現身有七遮罪

者師不應與授戒若無七遮者得與授戒是故二師應先審問遮難遮難若無方許授戒若有犯下此是世尊大慈大悲之心爲後末世一種癡迷衆生恐遇逆順境緣不能排遣犯此十重戒者開此一種懺悔法門方便濟拔若不勤求懺悔必陷三塗永無出期是故若有犯此十重戒者應教急急懺悔其懺悔法應教在佛菩薩形像前日夜六時以至誠心誦此十重四十八輕戒相所知犯戒深生慚愧觀罪性空慙懃悔過苦到稱禮三世千佛言苦到者如苦到來時節如救頭然之急相也是故禮拜稱揚過去未來現在三千諸佛萬德洪名如是禮拜哀求得見好相罪便得滅若無好相立一七日二三日乃至一年必

竟要見好相言好相者或坐禪中或禮拜中或睡卧中或經行中或見佛來摩頂或見光見華見種種異相以此證知便得滅罪許可復戒若無此好相罪不得滅如悔心未切雖懺無益是人現身亦不能得復戒但得增長未來受戒益耳犯十重罪必要好相若犯四十八輕戒者對首懺悔罪便得滅准地持經第四卷方便處品羯磨文云菩薩一切所犯突吉羅攝當向大小乘人有力解語能受懺者如法懺悔如比丘犯突吉羅罪懺悔法說以其不同七遮十重戒故而教誡下正爲作教誡師者勉之於是懺悔法中一一好解不可忽畧也言好解者乃善解也謂於大乘經律輕重開遮是非之相一一明徹不得以輕作重

以重作輕應當懺者教令懺悔應復戒者  
卽與復戒毋得以是爲非以非爲是有悞  
人也若乃不解大乘經律於中若輕若重  
是罪非罪之相不解第一義諦實相之理  
不解習種性長養性種性不可壞性道  
種性正覺性於是三賢十聖法門其中多  
少觀行出入乃至十禪支一切行法一一  
不得此法中意是卽不堪爲人師範應生  
慚愧也習種性等已解上卷文中言其中  
多少觀行者如十住中空觀多假觀少十  
行位中假觀多空觀少十向位中中道觀  
多空假觀少十地菩薩位中自初地後至  
六地前無相觀少有相觀多五地已後七  
地已前有相觀少無相觀多至七地後純  
無相觀故云多少觀行言出入者卽三昧

中出定入定之方便法十禪支者解前卽  
四禪中所修觀法一切行法結上觀行法  
門一一不得此法中意總結上文而言謂  
此大乘一切修斷觀行法門甚深微妙若  
是一一不得此法中意自利尚難况利人  
乎如盲人引路彼此俱有陷墜之患可不  
慎哉而菩薩爲利養等者謂自無所解但  
貪利名故而強爲人師也矯飾威儀廣陳  
因果取信愚夫於中獲利如斯求名爲利  
俱非是善故名惡求多求也貪利弟子等  
者因師貪利名於前弟子亦效行之於後  
互相讚嘆誑妄欺人本自不解一切經律  
而詐現能解一切經律究其所以實爲求  
供養故如是之人是名自欺自詐亦欺詐  
他人是故與人作師授戒者犯輕垢罪

○第四十二為惡人說戒戒

若佛子不得為利養故於未受菩薩戒者前若外道惡人前說此千佛大戒邪見人前亦不得說除國王餘一切不得說是惡人輩不受佛戒名為畜生生不見三寶如木石無心名為外道邪見人輩木頭無異而菩薩於是惡人前說七佛教戒者犯輕垢罪

此釋為惡人說戒戒也惡人有多種但不受菩薩戒及不信敬三寶毀謗戒者俱名惡人倘與彼前稱說而反增彼毀謗罪過故戒之也言不得為利養故者前云不解經律不得為利妄說是戒此言能解法者即亦不得貪利而濫說也渴而與飲則水之味甘暗而思明則燈之用大也是以未受大戒人前及外道惡人前皆不得說此

第十

千佛大戒不但未受大戒人前及外道惡人前不可說即邪見人前亦不可說也邪見人者乃隨外道唱和易生反復人也除國王者謂諸國王乃域中之主故如來滅度之時以佛法僧付屬國王宰臣掌護俾令三寶得以住世又大國王即人中天願人改過遷善自不宣人長短故凡所行佛事不宜隱諱况興滅亦係焉是故唯除國王餘一切人不得說也言餘不得說者是惡人輩貪嗔障心姪殺覆體而好宣人長短過失於是佛性戒中有耳不聞有鼻不嗅有舌不餐有身不觸有心不知雖在人類名為人中畜生縱三寶在前彼若罔見以是生主不見三寶且畜生中尚有報障輕者或時一聞佛言即得解脫如龍聽法

第十

九

而卽悟道蟒聞懺法而卽生天今人不受佛戒尚不如畜生乎然而形雖若人實同木石無心况木石之爲物亦有感應道交之時生公說法頑石點頭今人不受佛戒頑石之不若矣如是之人名爲外道名爲邪見人輩雖曰有情實與木頭無異木頭本無知覺焉知有佛戒耶所以不得向彼說也而此菩薩若乃爲利養故於是惡人之前說此七佛教誡法者是爲裨販之流是故結過犯輕垢罪言七佛教誡今舉七佛以該三千謂此戒者乃是三千諸佛共護故不可褻說也

○第四十三無慚受施戒

若佛子信心出家受佛正戒故起心毀犯聖戒者不得受一切檀越供養亦不得國王地

上行不得飲國王水五千大鬼常遮其前鬼言大賊入房舍城邑宅中鬼復常掃其脚跡一切世人皆罵言佛法中賊一切衆生眼不欲見犯戒之人畜生無異木頭無異若故毀正戒者犯輕垢罪

此釋無慚受施戒也慚愧之水能滌罪垢若無慚愧則其罪垢日日深厚以是帶罪受供真可憐愍故戒之也若佛子下總明先後二心初明先心謂此佛子初發信心出家而受佛正戒者是名好心爲道堪爲福田應當受供養故下明後心上言好心受戒堪當受供若乃故變所信之心反起不信之心而毀犯聖戒者卽失福田不堪受供問前云正戒後云聖戒何也正謂此戒離偏邪故聖謂此戒諸佛共證說故故



毀此戒卽不得受一切信心檀越供養不  
但不得受供而已卽亦不得於國王地上  
行不得飲國王水所以者何以是水土皆  
屬國王惟有道行者可以飲履無戒德者  
於四事中俱爲無分故佛藏云佛言我聽  
持戒比丘而受供養破戒比丘我則不聽  
受一飲水又俱舍云犯根本戒於大衆食  
及僧住處佛不許此噉一段食踐一脚跟  
之地卽此義也五千大鬼等者謂持戒者  
天龍八部諸戒神王恒相衛護毀戒之輩  
五千大鬼常遮其前善惡分感理應然也  
鬼言大賊者世間劫盜於佛法中尚有所  
畏敬今此破戒之人不敬佛法不畏因果  
凡受檀越所施皆爲竊用內無慚愧外無  
怕怖非賊之大者乎如是之賊凡入房舍

城邑宅中勞十護戒鬼神不惟呵罵大賊而已  
復常掃其腳跡何者蓋以如來行處皆有  
足輪人天供養增益福慧今此破戒比丘  
遊行腳跡有穢清淨伽藍是故鬼復常掃  
其腳跡也一切世人皆罵言者兼未發心  
童稚之流謂不但鬼神嗔責卽一切世間  
人見破戒者咸皆罵言此破戒比丘者乃  
是佛法中賊佛藏經云破戒比丘竊入我  
法此人著衣食飯皆是盜得又佛所言我  
滅度後持戒比丘能令佛法久住破戒比  
丘能令佛法速滅是知破戒者乃佛法中  
賊也又五糜獨世人罵言而已凡若一切  
有眼衆生皆不欲見何故謂是犯戒之人  
乃非人類與畜生無識者無異與木頭無  
知者無異故如是觀之諸佛聖戒不可毀

犯明矣若故毀佛正戒無慚受施者犯輕垢罪

○第四十四不供養經典戒

若佛子常應一心受持讀誦大乘經律剝皮為紙刺血為墨以髓為水析骨為筆書寫佛戒木皮穀紙絹素竹帛亦應悉書持常以七寶無價香華一切雜寶為箱囊盛經律卷若不如法供養者犯輕垢罪

此釋不供養經典戒也承上言毀戒者人鬼俱呵持戒者天龍悉護如是皆絲受戒功德之力是故應當供養流通戒法不然使佛慧命不復相續即為背恩又為自棄故戒之也若佛子下舉能信之心所信之法言常應一心者即是一念無間之心向何法上用心惟有受持讀誦大乘經律甚

勞十

十二

一九六

龍藏

深微妙法也剝皮為下乃明尊重供養流通之義流通佛法法師有六種一受持二讀誦三書寫四禮拜五講演六供養此中有五以供養中具禮拜也又流通佛法有事有理以事雖多不出二種一捨身命二捨財寶捨身命者即剝皮為紙刺血為墨以髓為水析骨為筆如是捨不堅固世間身命書寫佛戒流通常住法寶智慧身命二捨財寶者有二一捨輕財即以木皮穀紙絹素竹帛亦應悉書持故二捨重財常以七寶無價香花一切雜寶為箱為囊盛經律卷以捨此不堅固之世寶財流通常住出世之法寶財如是供養是名佛子一心受持行菩薩道弘護三寶之功德也若不如法供養惜其世財而捨法身慧命財

者犯輕垢罪

○第四十五不化衆生戒

若佛子常起大悲心若入一切城邑舍宅見一切衆生應唱言汝等衆生盡應受三皈十戒若見牛馬猪羊一切畜生應心念口言汝是畜生發菩提心而菩薩入一切處山林川野皆使一切衆生發菩提心是菩薩若不教化衆生者犯輕垢罪

此釋不化衆生戒也此戒繇前捨身命財流通戒法若不廣化衆生受持佛戒仍是法教之不普耳故戒之也若佛子下標明行菩薩道本因心也常起大悲心者菩薩以度盡衆生爲願故見衆生在世苦不能離如切膚痛故發拔苦之大悲心所以恒常起也若入一切等者正明大悲心行所

入之處謂諸衆生無盡世界無盡故菩薩大悲心亦無有盡是以凡入一切城邑舍宅之處見諸衆生應當唱言汝等衆生各各具有佛戒之性繇汝無始至於今生背覺合塵而以五戒不持人天路絕今當覺知前念起惡捨此惡心盡應受持三皈十戒能止後念令其不起此之三皈十戒乃是一切衆生所歸覺路成佛之正因心所謂衆生受佛戒卽入諸佛位也菩薩戒本經云若人聞三寶名則不墮三惡道何況至心皈依三寶又戒壇云皈依佛者永離地獄皈依法者永離餓鬼皈依僧者永離傍生所以三寶爲大舟航爲大慈父能保衆生不墮苦處出生死之苦海到菩提之覺岸者也十戒卽菩薩十無盡波羅提木

義戒非沙彌之十戒若見牛馬等者推廣以明度生之普上言入城見生乃指人類而言此下見生即指畜類而言設見牛馬豬羊一切畜生云何教化應當心中作念口中發言汝是畜生亦具有知覺者即是戒性本覺之心因爾眾生迷此本覺真心而為無明之妄心也只今返妄便可皈真是故教令發菩提始覺心翻破無明之不見心求離畜生道苦毋使再迷此心可也而菩薩入一切等者言不但城邑舍宅人類畜生二種眾生當施教化乃至一切所至山林川野凡見一切禽獸眾生亦皆是使發菩提心也如是方便如是教化名為菩薩大悲之心若不如是教化諸眾生者犯輕垢罪

第十

十四

○第四十六說法不如法戒

若佛子常行教化起大悲心入檀越貴人家一切眾中不得立為白衣說法應在白衣眾前高座上坐法師比丘不得地立為四眾白衣說法若說法時法師高座香花供養四眾聽者下座如孝順父母敬順師教如事火婆羅門其說法者若不如法說犯輕垢罪

此釋說法不如法戒也上文所云若入城邑曠野凡見一切眾生皆普教化使發菩提之心然此不過一兩言句以故隨便為

第十

十五

說若為人眾分析說法之時又即不可輕褻而說褻則得罪故戒之也若佛子下標明菩薩本行心也言常行教化者謂諸菩薩行門無量無非以教化眾生為事又則所貴惟在恆心故言常行教化所謂無間

歌也又起心度生者有二此所起者即大悲心此心乃即一切衆生離苦得樂之最勝心故起此悲心也入檀越下正明所用悲心之處檀越即好施之美稱貴人家者即是國王太子宰官爲人中尊故云貴人家也一切衆中即該四衆八部等衆不得立爲白衣說法云何而說應在白衣衆前高座上坐而說此乃尊人以尊法也是故法師比丘不得地立而爲四衆白衣說法四衆即比丘等白衣乃未受戒人等若爲說法之時爲法師者理宜高座而坐座前當以香花供養以展請法至誠法師乃可代佛應機而說法也四衆聽者各分其類次第下坐以受法者當如是也上明說法如法下明聽法如法如孝順父母等者謂

聽法者敬師如孝順父母不敢少怠慢故如是說者聽者人已兩利功德不可思議其說法師若不如法高座香花供養而爲說者犯輕垢罪

○第四十七非法制限戒

若佛子皆以信心受戒者若國王太子百官四部弟子自恃高貴破滅佛法戒律明作制法制我四部弟子不聽出家行道亦復不聽造立形像佛塔經律立統制衆安籍記僧菩薩比丘地立白衣高座廣行非法如兵奴事主而菩薩應受一切人供養而反爲官走使非法非律若國王百官好心受佛戒者莫作是破三寶之罪而故作破法者犯輕垢罪

此釋非法制限戒也上言必應高座上坐如法爲說惟恐聽受法者自恃尊位必不

如法從聽反起傲慢惡心而作破法罪業  
故戒之也若佛子下標明道俗尊卑一切  
佛子皆以信心受持佛戒同立護法之心  
爲佛四衆弟子非局外之人也若國王下  
別開非法制限之人四部弟子乃即在家  
出家四衆問其中亦有無位云何能破法  
耶謂假他人威勢亦作破法事耳故統論  
之自恃高貴破滅佛法戒律者有三義或  
者身雖受戒高心未除見僧高座上坐輒  
生我慢故起破法之心或見師友說過舉  
罪不肯降心受誨而欲掩恥故起破法之  
心或初本是信心身在法中後來見有壞  
法不肖之流遂於三寶不生信敬故起破  
法之心故云自恃高貴破滅佛法戒律明  
作制等四句申明破法之事明謂彰明作

謂作用制謂制限法謂法度以此法度曉  
諭該管制我四部弟子云何而制不聽出  
家行道言不聽出家者不許新增即破僧  
寶亦復不聽造立形像佛塔者即破佛寶  
不聽貫下不聽造印經律即破法寶如是  
皆明破滅三寶之事故云明作制法等也  
立統制衆二句申明制限之事既已不許  
新增出家於舊出家僧人又乃別立統屬  
禁止於衆安其簿籍記僧名字以令照世  
應役與民無異故云立統制衆安籍記僧  
也制限如此尚何敬重三寶之有哉寶積  
第四卷云爲子出家父母障止即其父母  
乃感七世貧婆之報况壞佛法之報應乎  
菩薩等下申明非法之法謂此菩薩比丘  
乃修道人爲僧寶如來佛法流通於世

衆生慧命不致斷絕全賴是人宜當尊重  
敬以高座而反令之地立白衣未受戒人  
求解脫道敬事三寶當宜地立而反高座  
廣行非法使諸菩薩比丘如兵奴之事主  
而菩薩下勸明不可破義然而爲菩薩者  
應受一切天人供養乃名福田之身而反  
爲官家之走使如此非法而制非律而限  
豈是靈山付囑而來者哉亦非初以信心  
受佛戒者之所爲也若國王百官等既是  
初以好心受佛戒者原爲求出離道即當  
體佛深慈莫以高貴自恃作是破滅三寶  
之罪又藏經云國王長者從體事三寶中  
來豈可昧其來因而不爲善反爲惡乎是  
乃自失將來福慧之因反招惡業之果若  
故作破法者犯輕垢罪

○第四十八破法戒

若佛子以好心出家而爲名聞利養於國王  
百官前說佛戒者橫與比丘比丘尼菩薩戒  
弟子作繫縛事如獄囚法兵奴之法如獅子  
身中蟲自食獅子肉非餘外蟲如是佛子自  
破佛法非外道天魔能破若受佛戒者應護  
佛戒如念一子如事父母不可毀破而菩薩  
聞外道惡人以惡言謗佛戒之聲如三百鉞  
刺心千刀萬杖打拍其身等無有異寧自入  
地獄經於百劫而不聞一惡言破佛戒之聲  
况自破佛戒教人破法因緣亦無孝順之心  
若故作者犯輕垢罪

此釋破法戒也上爲在家菩薩破佛法戒  
此乃出家菩薩自破法戒以破法罪不善  
故戒之也若佛子下標明出家之因心也

以好心出家者謂出家之因緣有種種不同或因恐怖或因逼迫或因氣惱或爲名聞或爲利養或爲生死言好心者正明爲生死發心出家者也而爲名下此明道心之不恒也謂始發心出家原爲生死後來或與貪名好利者同事漸相染習故亦轉卷十成爲名爲利人也別本所云不以好心出家亦可何也爲名聞利養故也佛藏經云佛告舍利弗昔迦葉佛預記我言釋迦牟尼佛法中多受供養故法當疾滅舍利弗我法實以多受供養故法當疾滅是故貪名好利而出家者俱非好心而反破滅佛法故耳於國王下此申明爲名利之事言爲名利故者揀非爲求護法故也是言爲成名利若乃不與國王太子百官交友則

名不弘其利不大故與國王太子百官交友便於彼前說佛戒者其義有三一者尊貴之人素所崇敬故在彼前而說佛戒令彼信受增長善根得以護法注念三寶故二者尊貴之人威力自在仗彼威力壓已同行橫與比丘比丘尼及菩薩戒弟子作繫縛事如獄囚法令不出離如兵奴法使聽其命以辱同類故三者因自不能守戒見持戒者反加毀謗故於尊貴人前說佛戒者所言佛戒乃本無持無犯以持犯者但束身耳是橫與比丘比丘尼及菩薩戒弟子作繫縛事安居等事卽如獄囚之法以是自纏自縛不得解脫事上座等亦似兵奴之法自拘自束不敢放逸以是謗言使彼隨而和之以令佛戒不致流通衆生



慧命不致相續已上三者前之一法是好  
心出家者後之二法是不以好心出家  
此之三解隨人識取如獅子下引喻以明  
破法之相如是破佛戒者即如獅子身中  
之蟲自食獅子之肉非餘外蟲能也獅子  
乃獸中王何蟲敢近食獅子肉惟是獅子  
自身中蟲方能食獅子肉非餘外蟲敢食  
也如是等者合上之喻言如是佛子者乃  
法內相關人應護佛法今反自破佛法非  
是外道天魔不相關切之人而能破之豈  
非自殘自毀者哉故云如是佛子自破佛  
法也若以初來好心受戒論之凡受佛大  
戒者應護佛戒如念一子佛戒即汝當身  
一件要緊大事譬如一子若失則終身無  
倚戒法若破佛果三身終無所獲是故保

勞十

二十

戒護戒如念一子又若護佛戒者當如奉  
事父母佛為慈父而受戒諸佛子同氣連  
枝念其共受之戒為此身所從出之父母  
也所謂諸佛阿耨多羅三藐三菩提法皆  
從此經出也是乃尊親之至愛惜之深不  
可毀破細而推之而菩薩聞外道惡人以  
惡言謗佛戒之聲如三百鉞刺心痛不可  
忍亦如千刀萬杖打拍其身痛難可受聞  
謗之痛與傷身心之痛等無有異又非止  
此一生而已寧當自入地獄經於百劫千  
劫長遠之時受如是苦不以為患而不忍  
聞一惡人言破佛戒之聲也夫聽他人之  
謗聲尚不忍聞如此况自家破佛戒而又  
忍心教有勢力之人廣作破法罪業因緣  
反橫加刑於諸佛子者乎夫此全不念同

勞十

三十

條共本之源毫無一念忤順之心是以佛子滅佛子者豈是實為生死好心出家而來受佛戒者之所為耶若故作破法者犯輕垢罪

如是九戒應當學敬心奉持

如是二字總結上九戒法應當一句以勸修學敬心一句以勸奉持此戒勿忘失也以上五番總結乃隨別釋小科而結之也向下總結四十八輕收上五番總勸修學而奉持也

○二總結戒相

諸佛子是四十八輕戒汝等受持過去諸菩薩已誦未來諸菩薩當誦現在諸菩薩今誦諸佛子一句結告其人是四十八一句舉法勸受持也過去下等數句引同行者以

勸誦也謂四十八輕戒非我獨勸汝等新學持誦乃是過去諸菩薩已誦未來諸菩薩當誦則汝等現在諸菩薩今誦已上正宗分文義竟

○三明流通分 三 初流通本戒 二總結

本品 三總讚流通

○初流通本戒

諸佛子聽十重四十八輕戒三世諸佛已誦當誦今誦我今亦是誦汝等一切大眾若國王王子百官比丘比丘尼信男信女受持

分十

三

菩薩戒者應受持讀誦解說書寫佛性常住戒卷流通三世一切衆生化化不絕得見千佛佛佛授手世世不墮惡道八難常生人道天中我今在此樹下略開七佛法戒汝等大衆當一心學波羅提木叉歡喜奉行如無相

天王品勸學中一一廣明三千學士時坐聽者聞佛自誦心心頂戴喜躍受持

此乃釋結流通本戒也諸佛子下誠聽本受戒法三世諸下引證以勸誦也言諸佛子汝等聽我所說十重四十八輕戒法實三世諸佛相傳而誦過去諸佛已誦未來諸佛當誦現在諸佛今誦我今亦隨諸佛如是而誦是故汝等一切大眾若國王王子之仁君文武百官之良臣此皆居塵不染尊重佛法之佛弟子比丘比丘尼乃是出家受法弟子信男信女乃即在家淨信弟子既皆受持菩薩戒者悉應受持讀誦解說書寫此本佛性常住戒卷流通三世一切衆生展轉流布化化不絕爲急務也得見千佛等者正明流通戒法之益所言

卷十

三

展轉流布化化不絕者是何利益蓋謂得見千佛佛授受以佛佛授受故乃得生生世世不墮惡道八難苦處此上滅罪之益向下獲福之益問既不墮諸難處當生何處答常生在人道天中乘願力而修道也我今等者此下舉法結勸謂我釋迦如來今在此道樹下示現成道示轉法輪初結波羅提木叉十重四十八輕戒者乃是略開過去七佛所說一切衆生修因證果心地法戒汝等大眾應當一心學此十重波羅提木叉戒以是勸汝歡喜奉行勿自怠耳此是略言如大部內之無相天王品勸學文中則一一廣明也三千學士即在會諸菩薩總該天龍八部道俗貴賤而言時坐聽者聞佛自誦十重四十八輕戒法

悉皆心心頂戴其言喜躍受持不敢忘失  
佛性種子也

○二總結本品

爾時釋迦牟尼佛說上華蓮臺藏世界盧舍  
那佛心地法門品中十無盡戒法品竟千百  
億釋迦亦如是說從摩醯首羅天王宮至此  
道樹下住處說法品爲一切菩薩不可說大  
衆受持讀誦解說其義亦如是千百億世界  
蓮華藏世界微塵世界一切佛心藏地藏戒  
藏無量行願藏因果佛性常住藏如是一切  
佛說無量一切法藏竟千百億世界中一切  
衆生受持歡喜奉行若廣開心地相相如佛  
華光王七行品中說

此總結顯一佛多佛本佛迹佛所說心地  
戒法以勸流通大畧之義爾時釋迦至法

品竟一節乃結此界一佛所說法也言爾  
時者卽上囑付大衆聽受心地戒法之好  
時也釋迦牟尼佛者乃我娑婆教主化身  
如來說上蓮華臺藏世界盧舍那佛所傳  
心地法門品中十無盡戒法品如是行布  
圓融一一事理已說究竟而千百億釋迦  
亦悉如此娑婆教主所說不異皆從摩醯  
首羅天王宮中至此菩提樹下及諸住處  
所說法品亦無有異而爲一切菩薩不可  
說之大衆如是大衆各各受持讀誦書寫  
解說其義亦如娑婆大衆受持不二不但  
此也如千百億世界中佛乃至微塵世界  
中佛是一切世界內本佛迹佛及迹迹佛  
此之一切諸佛所說之三十心心藏十地  
地藏十重四十八輕光明金剛寶戒戒藏

三賢十聖所起無量一切妙行行藏所發無量無邊百千大願願藏百劫修行勝因因藏成等正覺佛果藏一切衆生本覺佛性之常住藏如是心地戒行願因果七種爲別佛性一種是總常住二字卽是讚詞讚此佛性雖隨緣立名而性無遷改如在心言名爲不生不滅清淨本心在地名爲真如平等理地在戒名爲光明金剛寶戒在行名爲普賢萬行在願名爲諸大願王在因名爲本源自性深因在果名爲究竟無上菩提涅槃妙果故言佛性常住俱言藏者謂此八種廣博包含圓融徧攝具足一切無有窮盡如是上言一切諸佛所說此心地等無量一切法藏究竟而千百億世界之中一切衆生受持歡喜一一奉

卷十

三五

行亦如此界衆生等無有異如是本佛迹佛迹迹之佛說法度生大略如此若乃廣開心地相相之義則又在大部之中如佛華光王七行品中詳其所說重言相相依一心地相廣開無量相也

○三總讚流通<sup>三</sup> 初讚持戒益 二勸觀戒體

○三勸護回向

○初讚持戒益

明人忍慧強能持如是法未成佛道間安獲五種利一者十方佛愍念常守護二者命終時正見心歡喜三者生生處爲諸菩薩友四者功德聚戒度悉成就五者今後世性戒福慧滿此是諸佛子智者善思量此乃讚獎持戒利益之義言明人者乃卽

超越愚夫之類者也。忍慧二字，即顯明人能護持戒之體用也。謂此明人能具忍慧二強之德，以有忍強力，故則不被物轉也。有慧強力，故則能轉於物也。如是之人，能持心地戒法，此人決定當來成佛無疑。且未成佛道間，先已安然自獲五種殊勝利益。何名五益？一者佛護益，謂持戒人現前即感十方諸佛俯加愍念，常為守護，使其進道無魔，得以紹隆佛種。故二者善終益，此人緣持佛戒，臨命終時，乃得正見心生，歡喜遠離顛倒夢想，無惡境現前。故三者好侶益，此人生生世世在在處處同行同住，為諸菩薩道友，以無惡黨混同。故四者德備益，此人無量功德品聚，緣持十重四十八輕光明金剛戒度，悉能成就無一法

第十

十六

不足，故五者道成益。此人從今向後，自性戒體福慧圓滿，得名稱兩足尊。故前四種益，是因後一種益。是果此五種利，是持戒諸佛子所得明智之人，當於此實相心地戒法思量體會而修行也。

○二勸觀戒體

計我著相者，不能信是法滅壽取證者，亦非下種處。欲長菩提苗，光明照世間，應當淨觀。察諸法真實相，不生亦不滅，不常復不斷，不一亦不異，不來亦不去。如是一心中方便勤

第十

十七

莊嚴菩薩所應作，應當次第學於學於無學，勿生分別想。是名第一道，亦名摩訶衍。一切戲論惡悉從是處滅。諸佛薩婆若悉由是處出。

此乃觀察實相戒體之義，承上既是智者

當於此戒體性善爲思量勿使錯亂而修所以者何若計我之外道著相之凡夫如是等人俱爲根塵所縛不能信是無受而受無持而持清淨之戒法也何故以著我取相者不能善思量故不但凡外不能縱使耽空守寂滅壽取證聲聞二乘之人亦非是下菩提種處所謂焦芽敗種之流也然佛戒平等豈偏絕彼柰彼等人不善思量故皆無分設凡夫外道欲長此菩提心苗使智慧光明能照察世間者應當於此心地戒中發起無礙清淨之慧靜觀靜察諸法之中真而無妄實相之理卽本吾人圓滿清淨戒體此法不屬緣生亦復不屬緣滅以是一切諸法緣會而生此之真而無妄實相戒體本來無動一切諸法緣盡

而滅此之真而無妄實相戒體本來無倒故云不生亦不滅不同凡夫之生滅也此戒體性不但不屬凡夫生滅亦卽不屬外道斷常以本刹那無住而不屬常萬古恒如而不屬斷故云不常復不斷也又不但不屬凡夫生滅外道斷常等法卽二乘修證等法總不相關所謂類殊難合而本不同一體難分而本不異迎之莫知所至而本不來追之莫知所從而本不去故云不一亦不異不來亦不去也如是之法既不屬生滅斷常一異去來是何法耶惟在此一心中當方便勤莊嚴一心卽毘盧法界寂滅心所謂寂滅者名爲一心以先悟此心爲本因地復依此心而起方便道勤修種種行門以此莊嚴無上菩提如是慧解

勞十

天

如是妙行實非凡外小乘思量所能作者  
乃是發大乘心受大乘戒之諸菩薩所應  
作也雖然名大非是一口說了就是必須  
次第如法善學始得相應云何次第學也  
即於研真斷惑之有學處真窮惑盡之無  
學處於此勿生分別有無想相以不生分  
別處是名不落二乘之第一道亦名摩訶  
衍之大乘法也第一道即上一心摩訶衍  
即上方便所以修如是道則此凡外小乘  
一切戲論惡法悉從是大道處而滅盡無  
餘諸佛智慧神通三昧薩婆若之妙果悉  
繇是處而得顯出無少欠也此之不可思  
議心地戒法豈非善思觀察而能獲滅罪  
生善之益哉

○三勸護回向

第十

三九

是故諸佛子宜發大勇猛於諸佛淨戒護持  
如明珠過去諸菩薩已於是中學未來者當  
學現在者今學此是佛行處聖主所稱歎我  
已隨順說福德無量聚回以施衆生共向一  
切智願聞是法者疾得成佛道

所謂一切惡從此滅一切善從此生實非  
小根小莖一朝一夕可能到者是故受戒  
諸佛子當發大勇猛心於諸佛淨戒必護  
持如明珠不令一毫損染方是佛子持心  
地中光明金剛寶戒也過去下引證結勸  
回向流通之義謂我勸汝等於此戒法勇  
猛護持者非無證據也此大戒經乃過去  
諸菩薩既證果者已於是中學而未來證  
果者當於是中學此現在證果者今於是  
中學實三世諸佛本因地中所經行處亦



即我本師聖主舍那常所稱揚而讚歎也  
 我亦下舉自證以勸謂我釋迦如來已隨  
 諸佛所說稱揚讚歎况汝等新學倍當勇  
 猛護持也回以下四句總結說心地戒本  
 意蓋我與諸佛如是所說心地戒中廣大  
 無量無邊福德之聚為隨順實相因此以  
 施眾生俾各各皆以此戒為因地心不同  
 凡夫不類二乘共向一切諸佛種智又願  
 凡聞是心地戒法者不待來世方證無上  
 菩提當下疾得圓成佛果也上云眾生受  
 佛戒即入諸佛位豈虛言哉則所現千釋  
 迦千百億釋迦先所化無量無邊微塵  
 釋迦於此會歸自心舍那之本佛千世界  
 千百億世界微塵世界於此會歸自體華  
 藏之本境所說或重或輕無量無邊戒法

於此會歸自性尸羅之法門所度若僧若  
 俗若貴若賤無量無邊一切眾生於此會  
 歸自性有情之眾生如是心地妙戒甚深  
 法門不可思議不可思議普願法界一切  
 有情世世生生同發金剛不壞之心常隨  
 諸佛修學共證無上菩提妙果可也直解  
 義唯備自觀若大智者應閱雲棲大師戒  
 疏發隱

佛說梵網經直解卷第十

事義

十無盡句

勞十  
 所謂眾生不可盡我願不可盡  
 世界不可盡我願不可盡虛空  
 不可盡我願不可盡我願不可盡我願不  
 可盡涅槃不可盡我願不可盡佛出世不  
 可盡我願不可盡諸佛智慧不可盡我願  
 不可盡心緣不可盡我願不可盡起智不  
 可盡我願不可盡世間道法道種智慧  
 道種不可盡我願不可盡若十種可盡我  
 願乃可盡是則又  
 為十無盡願也

梵網經直解跋並頌

潤 自戊辰歲求戒楚沔廣長社得讀和尚

所註梵網經略疏遂歷寒暑日夜繼之僅於菩薩心地品分知上卷所詮智理觀行修證階級下卷所詮輕重開遮止持作犯

圓頓之門於現前微名言之岐於當下允

券十

卷三

矣和尚天性江漢濯來粉飾文章不添隻字直就本文掀翻佛意因以直解名焉然而楚沔剋略疏維揚剋直解精神何所致耶今年庚辰閏正月來復加覃思研覈精微壽棗華山遠流佛化此其四無量心再三爲人故若是矣吁攝授一切衆生但解法師語盡受得戒卽入諸佛位者其爲梵網圓頓歟直令上中下機一值此經卽真佛位於自心者其爲直解詳明歟而今後

微壽棗華山遠流佛化此其四無量心再三爲人故若是矣吁攝授一切衆生但解法師語盡受得戒卽入諸佛位者其爲梵網圓頓歟直令上中下機一值此經卽真佛位於自心者其爲直解詳明歟而今後讀之者不必言和尚報身之今說卽舍那報身之重說但惟信現前仁者之今學卽過去菩薩之再學則與千百億釋迦同一鼻孔出氣矣夫其摩醯首羅天王宮是誰指之而入哉潤不能效藥王神光之爲而

不禁篤信申吐數語不稱跋不稱頌聊誌廣長法乳源遠而流長云爾頌曰如來心藏及戒藏因果佛性常住藏我今字字從師授慈悲喜捨四無量流通天上與人間觀察諸法真實相百億諸佛一毛端時時

常把光明放善哉直解絕支離入梵網門  
爲最上普願人人如我心二利福德盡回  
向四恩三有證菩提蓮華端坐無虛誑昔  
崇禎庚辰歲二月十九日楚峽州律弟子  
戒潤和南拜題





毘尼止持會集

清金陵寶華山弘律沙門讀體集



清刻龍藏佛說法變相圖

序

謙一

夫毘尼是正法之壽命者蓋由戒淨僧真性  
 遮之業而無染覆道弘德備權實之教而克  
 闡揚自行利他越苦海而登彼岸紹先啓後  
 續慧命以振立猷故曰毘尼住則正法住也  
 不然則五邪罔禁八穢殉身虧僧寶之尊稱  
 失福田之淨德上無模楷下闕規繩縱能聚  
 衆匡徒悉屬附法魔外欲令正法久住豈可  
 得乎體艱繫荒隈學漸往哲謬承先囑力樹  
 戒幢因念律海汪洋學人難討爰搜諸部之  
 精要詳明止持之大成雖未盡源庶幾便覽  
 所冀同志諸賢須遵七聚嚴護以防非當欽  
 四依知足而進道則五濁世戒香芬馥於大  
 地六和衆法雨霑澤於人間所謂毘尼住世  
 則正法住世不亦然乎

時

順治己丑年前安居日滇南鷄足苾芻讀體  
識於寶華山之觀西軒

毘尼止持會集

凡例

一律分眾部起自異執哲人弘範理合融  
收按舍利弗問經中舍利弗言如來正  
法云何少時分散如是既失本味云何

奉持少時者謂佛滅  
度三四百年中佛言摩訶僧祇其

味純正其餘部中如被添甘露諸天飲  
之但飲甘露棄於水去人間飲之雨露  
俱進或時消疾或時結病其讀誦者亦  
復如是多智慧人能取能捨諸愚癡人

不能分別文是知諸部之分出乎異見

取捨之法識自聖言故茲集雖以曇無

德部為宗然於他部互有發明者悉採

用之此亦南山律祖集大成之式也問

既云摩訶僧祇其味純正何不宗之反

宗四分豈非飲添水之甘露耶答茲藏

中四十卷之僧祇者上古諸師皆判為

略本故所不宗蓋文少義闕而又不合

二百五十戒數故也今宗曇無德四分

律者蓋是南山聖師之所宗故自唐以

降皆弘通故二百五十戒相悉具足故

捷度有歸無紊亂故余今宗之復何疑

焉

律制嚴詳譯文重沓初機簡閱不無浩

繁之歎今為便覽故節要文然於義理

并無增損<sup>錄一</sup>

一戒因事制有緣方興故於條下先出犯緣須知栴檀林中曾無散木靈山會上豈有凡夫斯皆大權示現密護僧倫請佛制戒助揚法化如閱讀者當生欽信慎勿眇視以取慢尤故善見毘婆沙律云若長老聞此不淨行慎勿驚怪何以故如來憐愍我輩為結戒故說此惡言若不說者云何得知波羅夷偷蘭遮突吉羅若法師為人講聽者慎勿露齒笑若有笑者驅出何以故佛憐愍眾生金口所說汝等應生慚愧心聽何以笑

一諸部翻譯音雖不同義實無別由其五天各異語有重輕今皆倣古所述或註文下或贅卷末以省檢討

一五篇戒相各有根本等流性罪遮罪並所起煩惱性謂本性是罪遮謂因制方犯又性罪惟染心中作若遮罪通染不染惟薩婆多論明其本流獨善見律判其性遮據律攝中出煩惱今於每戒下有無咸依藏錄一無私增若唯義推例亦可曉

一每戒之下約有八科一制戒緣起二依律釋文三結罪重輕四兼制餘眾五應機隨開六會採諸部七經論引證八附事便考然此八科有無不定臨文自見至於戒條正文書皆頂格餘者俱下一字若用本部但標律云或第幾分等字若用他部則別標名以識之便於稽考

藏函



一律有止作二持止持惟顯開遮之法作持方攝誦戒之規有依佛陀耶舍所譯說戒別本而成集者斯乃用別集廣止作不分今此集專覈止持一門故但明二百五十戒相所以卷首不錄布薩偈文和白等法至於作持說戒篇中自當錄附釋之庶無糅於止作也

一經通餘說律唯佛制等覺已下猶非所堪況諸小聖輒敢措詞良以如來行果極圓窮盡衆生輕重業性是故毘尼唯佛制立自餘下位但可依承不同經論許容他說故余欽此無敢穿鑿釋義出事皆如律藏成文重治輕開咸遵金口所說

綱要

一經教利生普被諸有或在天上龍宮或居祇園鷲嶺或在王臣舍宅或於曠野林泉惟觀根器應緣化導凡從聽者曾無遮揀律則不爾若於他處有犯必在僧中結戒縱尼有漏制亦憑僧一則今諸比丘慚愧欽遵謹護無作次則遮障外人恐生譏嫌不敬僧倫是故毘尼乃佛內制獨大僧持猶如國王秘藏匪許外臣所知若白衣沙彌設先覽者後欲登壇不聽進具由犯賊住是名重難所以戒因緣經序云天竺持律不都通視唯諸十二法人堅明之士乃開緘滕而共相授耶舍見囑見誨諄諄人可使由之不可使知其言至切乃自是也文通來義學兼講僧律不揀白衣沙彌槩容

謙一

五

坐聽雖云法施實為犯法欺侮嚴制罪將焉逃所冀凡為師承及居上座若睹白衣沙彌翻閱律部並此集者當慈語教誡使勿披覽此則自他俱利法道可昌

一戒德難思功逾衆行初因極果以為元基淨邦樂報以為根本險途示迷此為良導苦海得濟此為舟航由是賢聖所修諸佛所證乃至人天暫樂惡道永離無越乎戒故我釋迦世尊始自鹿苑終於鶴樹五時所演一大藏教多讚戒法不特一佛推重毘尼即十方三世一切如來出現利生說法皆然若離戒修行冀超三界猶無足欲行無翅欲飛無船欲渡詎可得也

一戒有三種果因互成論得不同據用則共謂第一波羅提木义戒即律儀戒第二禪戒即定共戒定是靜攝入定之時自然三業調善諸惡不起第三無漏戒即道共戒道是能通發真以後自無毀犯如初果耕地蟲離四寸是道共力此二戒法既是心上勝用力能發戒道定與律儀並起故稱為共今毘尼藏正詮律儀亦攝定道由持淨戒禪定智慧功德發生則律儀為因定道為果由禪無漏力性業遮業悉得清淨則木义為果定道為緣故律中令諸比丘增心增慧薩婆多論云此波羅提木义戒若佛出世則有佛不出世則無禪無漏戒一切時有波羅提木义戒從教而得禪無漏

謙一

八

戒不從教得又波羅提木义戒但佛弟子有禪戒外道俱有夫能維持佛法有七衆在世間三乘道果相續不斷盡以波羅提木义而為根本禪無漏戒不爾是故於三戒中最高為殊勝

一持律者須知輕重開遮決斷疑悔始令正法久住不斷故第四分云有五法名為持律一知犯二知不犯三知輕四知重五廣誦二部戒又五法四如前五廣誦毘尼又五法四如前五謂住毘尼而不動又五法四如前五諍事起善能滅除又善見律云律師有三法一本毘尼藏謂為律師者必本於毘尼諷誦通利句義辯習文字不忘然後可以教授於人所以稱之為律師也二堅持不雜謂

為律師者當懷慚愧堅持法律於毘尼藏所有文句義疏悉皆通達若有問者次第而答不相雜亂所以稱之為律師也三受持不忘謂為律師者於毘尼藏所傳之師須知次第授受之由若佛授謙一優波離如是次第師師相承乃至於今其名字或能盡知或知一二而不忘失所以稱為律師也

一比丘戒相雖曰小乘然學大乘者未有不遵故南海寄歸云大乘小乘律檢不殊齊制五篇通修四諦若禮菩薩讀大乘經名之為大不行斯事號之為小所云大乘無過二種一則中觀二乃瑜伽中觀則俗有真空體虛如幻瑜伽則外無內有事皆唯識斯並咸遵聖教孰是

孰非同契湮槃何真何偽意在斷煩惑  
濟衆生豈欲廣致紛紜重增冗結依行  
則俱昇彼岸棄違則並溺生津西國雙  
行理無乖競又云浮囊不洩乃是菩薩  
本心勿輕小愆還成最後之唱理合大  
小雙修方順慈尊之訓防小罪觀大空  
攝物澄心何過之有或恐自迷誤衆准  
教聊陳一隅空法信是非虛律典何因  
見慢

一今所集卷專為初學若為師者切莫樂  
簡厭繁謹閱斯帙為盈須覽全藏博究  
二持庶可高樹戒幢大振法鐸苟未徹  
諸急欲師人多乖聖制律有大呵

毘尼止持會集卷第一

清金陵寶華山弘律沙門讀體集

將明斯律依賢首宗畧開七門一教起因緣二藏乘所攝三教義通局四辨定宗趣五教所被機六總釋題目七別解戒相所言門者收攝謙一無壅名之為門俾依門入解通達無滯凡所釋義則有所宗歸也

初教起因緣者有通有別所言通者謂如來惟為一大事因緣出現於世則一代時教總其大意惟欲眾生開示悟入佛之知見今此律者欲令眾生以波羅提木叉戒入佛知見故故謂之通

別則專就此律復有十義為教起所因一攝取於僧二令僧歡喜三令僧安樂四未信者令信五已信者令增長六難調者令

調順七慚愧者得安樂八斷現在有漏九斷未來有漏十正法得久住一攝取於僧者謂於世人眾姓之內若有篤信男女等入正法中深生敬信樂為必芻以成僧眾令取僧寶果故

二令僧歡喜者律攝云為僧伽極善謂既入善說法

律之中而知僧尊堅固道志暢悅持戒蕩滌凡情能令善法極增勝故

三令僧安樂者謂依禁戒清淨活命三慧自淑五邪不干以七法財還信施債德業

漸增不為施所墮故謙一

四未信者令信者謂持禁戒性遮清淨四儀整肅譏誚不興令未信者知歸佛道使邪見輩正信發生故

五已信者令增長者謂嚴淨律儀梵行可

軌如教化利慈威可欽能令久淹佛法者  
景仰歸從愈增淨信故

六難調者令調順者律攝云為折伏惡人謂有一類

名字比丘及一類雖具信心煩惱業習強

者今以輕重律儀諫治調伏令知非自責

隨順眾僧故

七慚愧者得安樂者謂清淨律儀調難調

者令知足慚愧樂持戒僧一界六和身心

無擾得適悅進道故

八斷現在有漏者謂諸惡發業皆由潤生

今以淨戒防止功用能遠現行乾枯業種

不起煩惱斷除苦因故

九斷未來有漏者謂依淨戒定慧發生心

無染污永斷漏種不受後有得證僧寶果

故

十令正法久住者謂令清淨僧寶種性相

續不息如法宣說廣利人天展轉相教正

法得以久住故以上別中十義皆准律攝

釋者是為此教結制之因 薩婆多云如

來以此十義結戒者順此十利功德得此

十利功德若持一戒將來得一戒果報兼

得十利果報如是一切戒當分別而非一

切通得此十利功德也初明教起因緣竟

二藏乘所攝者已知此戒有如是因未審

藏乘之中各何屬攝兼一先明藏攝次明乘攝

先明藏攝者有二一三藏二二藏且初三

藏者

一修多羅或云修妬路亦名素咀纜此翻

契經契者契理契機經者以貫攝為義貫

謂貫穿所應知義攝謂攝持所化之機故

此教於三學中所詮定學 二毘奈耶此  
翻調伏謂調練三業治伏過非亦名鼻奈  
耶鼻翻去奈耶翻真去若干非而就真故  
曰真也降伏此心息此心忍不起故曰真  
也降伏戒也息定也忍智也亦名毘尼翻  
滅又云調御使心行調善也此教於三學  
中所詮戒學 三阿毘達磨舊云阿毘曇  
訛也阿毘是對義達磨法義合言對法謂  
能對者是妙慧通漏無漏所對者是法通  
世出世法此慧對向涅槃法復能對觀了  
四諦法法之所對故名對法此教於三學  
中所詮慧學梵語比吒此云藏即包含攝  
持之義非藏無以積錢財非藏無以蘊文  
義故上三典皆名曰藏今此戒者正屬毘  
奈耶藏非如他經分攝故

謙一

十一

二藏者一菩薩藏二聲聞藏不列緣覺者  
攝歸聲聞故今此戒者正屬聲聞藏亦分  
攝菩薩藏蓋聲聞人未發大心容可不學  
菩薩戒而菩薩人未有不學聲聞戒故  
次明乘攝者乘有五乘一人二天三聲聞  
四緣覺五菩薩乘者運載為義通教理行  
果謂依教解理依理起行依行證果行果  
正運教理助運五皆名乘由力有大小載  
有遠近故分為五 一人乘者涅槃經云  
多思慮故名雜心論云意寂靜故名入  
謂受三皈五戒修下品十善運載衆生越  
於三途生於人道其猶小艇繞過溪澗  
二天乘者俱舍論云光潔自在神用名天  
謂受持三皈五戒修中品十善非定相應  
運載衆生越於四洲生欲界天與四禪定

相應生色界天與四空定相應生無色界天猶如小船越於江河 三聲聞乘者聲謂佛音聲聞謂耳根發識聽聞佛聲四諦之法故名聲聞 四緣覺乘者以慧覺了十二因緣之法亦名獨覺謂出無佛世雖不稟至教自悟無生故名獨覺修四諦十二因緣法門皆能運載衆生越於三界到有餘涅槃成阿羅漢及辟支佛皆如大船越大江河 五菩薩乘者梵語具云菩提薩埵菩提覺義薩埵有情義合言覺有情以悲智為本修六度法門運載衆生越於三界三乘之境至無上菩提大般涅槃之彼岸如乘大舶越於大海今此戒者正攝聲聞乘非餘乘所攝二明藏乘所攝竟三教義通局者已知藏乘所攝如是未審教

義當復云何其中分二初約教局論次推義通論

初約教局論者世尊一大時教有稱性隨機權實開會方便演說義各淺深今依賢首所判不出五教 一小教此教以隨機故但說人空不說法空縱說法空亦不明了但依六識三毒建立染淨根本唯論聲聞乘故名為小教 二始教由第二時但明於空未盡大乘法理故名之為始第三時定說三乘不言定性聲聞無性闡提成佛故亦名分教於中廣說法相少說法性所說法性亦是相數是大乘之初門故曰始教 三終教言定性聲聞無性闡提悉當成佛方盡大乘至極之說名之為終以稱實理亦名為實於中少說法相多說法



性雖說法相亦會歸性是大乘終極名為終教 四頓教此教明一念不生即名為佛不依地位漸次而說名之為頓於中不說法相唯明真性一切所有唯是妄想一切法界唯是絕言名為頓教 五圓教此教所說唯是無盡法界性海圓融剎塵無礙即華嚴所談名為圓教今此戒相正為衆生癡所覆故遂起貪瞋邪見十使縈纏汨沒四流昇沉九地是以六識三毒為染根本故如來愍此為制毘尼令治伏三毒防護七支修生空觀斷分別俱生二種我執超越三界證阿羅漢果是為六識反染而為淨根本義屬小教正阿含攝非餘四教故曰局也

次推義通論者謂此戒相雖曰小教若以

義推則通乎圓故法華玄義云開羅者毘尼學即大乘學式义式义即大乘第一義光非青黃赤白三歸五戒十善二百五十皆是摩訶衍豈有羅戒隔於妙戒戒既即妙人亦復然汝實我子即此義也 蓋圓人受法無法不圓一色一香無非中道低頭合掌悉是道場孰曰戒相而非圓頓且如來化緣事畢仍遺教云汝諸比丘於我滅後當尊重珍敬波羅提木义如闇遇明貧人得寶當知此戒則是汝等大師若我住世無異此也斯乃開顯之後顧命之言必局小教豈其然乎三明教義通局竟四辯定宗趣者已知教義通局如斯未審宗趣當何所取宗者言之所尚曰宗趣者宗之所歸曰趣亦有總別

總則此毘尼教以反染成淨止作為宗以盡諸有漏解脫為趣按薩婆多論云比丘二百五十戒一切衆生上各得七戒以義分別有二十一戒如一衆生上起身口七惡凡起此惡以三因緣一以貪故起二以

謙一

十四

瞋故起三以癡故起此三惡三七二十一惡反惡心得戒一衆生上得二十一戒色一切衆生亦復如有五種子中破一粒麥損一粒粟斷一根果摘一枝葉隨所斷所破各得一罪隨得罪處反罪得戒得爾所戒本受戒時不殺一切草木一切草木上盡得戒色如不掘地一微塵上得一戒色三千大千世界下至金剛地際一一微塵上得一戒色如是二百五十戒中若衆生非衆生類上得戒多少以義而推可以

類解文若非遵制防止則不能增定慧淨諸有漏若非如律作辦則不能反惡業而成淨戒故漏盡解脫即獲果證是故反染止作漏盡解脫正是今教中所崇所尊所主之宗趣也

謙

十五

別則互舉若舉法為宗令得人為趣謂律藏所詮雖意皆明了須待比丘信敬躬行以辯深義是其所趣若舉人為宗令知法為趣謂具信登壇雖名為僧寶須當精窮五篇徹究二持知其所歸四辯定宗趣竟五教所被機者宗趣既辯已知所歸未審此教所被何機是故再明教所被機教乃聖人被下之言機是依教修行之士教分有五准前所明機別有三謂上中下而於

者謂開化指示權實性相善惡因果化導之機通在家出家今此毘尼非彼化教唯是制教制約行業制善令行制惡令斷示持犯相明諸學處所被之機不通在家獨制僧徒正被中下之機亦可兼於上者故今分三一正被二隨被三漸被 一正被者毘尼總收二部一制比丘僧二制比丘尼僧比丘僧始自須提那子以降具足二百五十禁章比丘尼僧緣從憍曇彌八敬以來三百四十八戒漸備其僧部中攝尼而尼部中攝僧間有同制別學同制同學蓋由僧尼性習各殊故佛於正被中復異也 二隨被者式叉摩那沙彌沙彌尼此三雖曰小衆居必依隨二僧食隨僧分法隨僧學是故二僧戒內於後俱隨有制但

令知惡莫作是制當遵若犯輕重條章通云一突吉羅仍有擯懺故悞不同名之小三衆隨律威儀所謂兼制今故為隨被也 三漸被者漸謂漸次若有上根稟戒機非中下本為志求佛果不似耽樂寂滅由遵聖制楷定律規不躡僧寶以故先秉息慈次入僧數然後方圓菩薩三聚淨戒是知聲聞身戒即菩薩心戒之基菩薩心戒即聲聞身戒之本未有身戒不淨而欲心戒清淨者也所以圓通會上波離尊者云

謙

去

我以執身身得自在次第執心心得通達然後身心一切通達得證圓通故今以上根次第稟戒而攝漸被中也五明教所被機竟

六總釋題目者前五義門已知今當釋題

就中分四初出律藏源流二明五部所弘  
三釋四分戒本四釋止持會集也

初出律藏源流者審夫娑羅唱滅之後豐  
德結集之初五百漏盡比丘僧同於畢鉢  
羅窟內大迦葉白僧問法優波羅依制讀

宣誦如來言詞滿八十因而號曰八十誦  
律原無眾部之殊其分張眾部者蓋自惡  
王滅法之後復有善王重興佛教羣黨互  
爭故分二部從二部中復分十八久後流  
傳惟餘五部此則八十誦律是為鼻祖二  
部為支分十八五部是其派衍也按舍利  
弗問經云云何世尊為諸比丘所說戒律  
或開或遮後世比丘比丘尼等云何奉持  
佛言如我言者是名隨時在此時中應行  
此語在彼時中應行彼語我尋泥洹大迦

謙一

二七

葉等當為分別為比丘比丘尼等大作依  
正如我無異此懸記迦葉五百結集也又云後有孔雀  
輸柯王孫名弗沙蜜多羅滅我法教害我  
僧徒彌勒菩薩以神通力接我經律上兜  
率天得蟲行神捧山壓王及四兵眾王種  
四兵一時滅盡後有王出性甚良善彌勒  
菩薩化作三百童子下於人間以求佛道  
從五百羅漢諮受法教羅漢上天接取經  
律還於人間國土男女復共出家比丘比  
丘尼還復滋繁時諸比丘好於名聞極力  
諍論抄治我律開張增廣互相是非求王  
判決王集二部行黑白籌此乃息諍之法若要舊  
者可取黑籌若要新者可取白籌時取黑  
者多白者少王以皆是佛說好樂不同不  
得共處學舊者多從以為名為摩訶僧祇

也學新者少而是上座從上座為名為他

俾羅也此懸記律分二部也又文殊問經云世尊入

涅槃後未來弟子云何諸部分別云何根

本部佛言未來我弟子有二十部能令諸

法住二十部者並得四果三藏平等無下

中上譬如海水味無有異如人有二十子

真實如來所說文殊師利根本二部從大

乘出從般若波羅蜜出初二部者一摩訶

僧祇此言大眾老少同會共集律部也二體毘履此言老宿人同會共

出律部也我入涅槃後一百歲此二部

當起從摩訶僧祇出七部於此百歲內出

一部名執一語言所執與僧祇同故云一也於百歲內

從執一語言部復出一部名出世間語言

稱讚辭也於百歲內從出世間語言出一部名

高拘梨柯是出律主也於百歲內從高拘梨柯

謙一

十八

出一部名多聞出律主有多聞智也於百歲內從多

聞出一部名只底舸此山名出律主居之於百歲內

從只底舸出一部名東山亦律主居也於百歲

內從東山出一部名北山亦律主居也此謂從

摩訶僧祇部出於七部及本僧祇是為八

部於百歲內從體毘履部出十一部於百

歲內出一部名一切語言律主執三世有言也此即五部

於百歲內從一切語言出

一部名雪山亦律主居也於百歲內從雪山出

一部名犢子律主姓也此即五部中之婆蹉富羅部於百歲

內從犢子出一部名法勝律主名也於百歲內

從法勝出一部名賢律主名也於百歲內從賢

部出一部名一切所貴律主為通人所重也於百歲

內從一切所貴出一部名苾芻律主居也於百

歲內從苾芻山出一部名大不可棄律主初生母棄

之於井父追尋之維墜不死故云不可於棄又名能射此即五部中之彌沙塞部

百歲內從大不可棄出一部名法護律主名也

此即五部中之於百歲內從法護出一部名之曇無德部

迦葉比律主姓也此即五部中之迦葉維部於百歲內從迦

葉比出一部名修妬路句律主執修妬路義也此謂

體毘履部出十一部及體毘履成十二部

佛說此祇夜摩訶僧祇部分別出有七體

毘履十一是謂二十部十八及本二悉從

大乘出無是亦無非我說未來起此上經文乃懸

記從二部中復分十八部也獨中言無是亦無非者惟華嚴會立記云謂以隨情

執故無是四諦等更無異說故無非或但各自言是豈名實是故云無是各互非他

豈名實非故云無非又既皆從大乘出何有是非或可依之修行無不獲益故云無

是非無又南海寄歸傳云諸部流派生起

不同西國相承大綱唯四一聖大眾部分

出七部二聖上座部分出三部三聖根本

說一切有部分出四部四聖正量部分出

四部亦是從本分其間雖分出沒部別名

字事非一致此不繁述 又俱舍論云過

去迦葉佛時佛父訖栗枳王夢見一衣豎

而且廣有十八人各執少分四向爭挽衣

猶不破因問彼佛佛言此表當來釋迦如

來弟子分佛正法成十八部雖有異執而

真法尚在依之修行皆得解脫文是知部

雖多分義皆可取若欲細覈各所宗執當

閱十八部論部執異論異部宗輪論此三

北藏傳字亟

二明五部所弘者諸部流分雖有十八其

可入行不過五部按翻譯名義集云世尊

成道三十八年赴王舍城國王食訖令羅

云洗鉢失手撒鉢以為五片諸比丘白佛

佛言鉢破五片表我滅後毘尼分為五部

也又舍利弗問經佛言部分如是眾多久

後流傳唯餘五部各舉所長名其服色摩

訶僧祇部勤學眾經宣講真義以處本居

中應着黃衣今律四十卷是其支分也曇無屈多迦即曇

德無通達理味開導利益表法殊勝應着赤

色衣薩婆多部此云一博通敏達以導法切有

化應着皂衣說一切有部皆此部攝迦

葉維部此云重空觀精勤勇猛攝護眾生應着

木蘭衣律止有解脫戒本一卷或云彌沙全部未至或云未曾翻譯

塞部此云不着有無觀禪思入微究暢幽密應着

青衣有五分律三十卷據此經文即此五部若准

他經凡列五部皆無摩訶僧祇部却有婆

蹉富羅部此云犢子上古有仙染犢生子自後種姓皆名犢子其彼部律

未至如賢首疏云總別六部僧祇是總五部

疏一

是別此摩訶僧祇部行解虛通不生偏執

徧順五見以通故故知摩訶僧祇是總五

部是別通則六部也今此方唯存四部缺

迦葉維及犢子部其餘善見毘尼母薩婆

多論摩得勒伽優波離問經等俱是諸部

支屬皆可覽也然斯五部既佛預記無勞

致疑有所是非譬如一燈出百千燈雖燈

隨物異而光照無殊至於破闇除冥功用

則一是故五天諸國隨宗一律各競進業

皆獲道果東夏傳來四部俱行精持戒軌

咸躋聖域自非聖化通立何以使之然乎

故別舉五部明其所弘也

三釋四分戒本者已知部彙固多行唯五

部未審今者所弘何部故次明之中復分

四一出宗主二釋四分三釋律義四出譯

謙一

時

一出宗主者此四分宗主名曇無德此翻法藏又云法密由師舍容正法如藏之密故又云法護護者防護即密藏義也師乃采菽氏之裔體毘履之支

二釋四分者此律全部有六十卷分為四大分自首卷至二十一卷止名第一分其中所明比丘二百五十戒法自二十二卷至三十六卷止名第二分前之九卷乃明比丘尼三百四十八戒法後六卷明受戒犍度說戒犍度梵語犍度此翻法聚以相類之法聚而歸一也自三十七卷至四十九卷止名第三分其中所明安居自恣皮革衣藥迦絺那衣拘睺彌瞻波呵責人覆藏遮破僧滅諍比丘尼法法共十六犍度

自五十卷至六十卷終名第四分其中所明房舍雜法五百結集七百結集調部毘尼毘尼增一共六犍度今於四分之中單明第一分比丘戒法也

三釋律義者一大制教通名毘尼五部所

出通名曰律梵語毘尼此翻滅然滅有三

義一滅業非謂不殺盜等故律中二滅煩

惱煩惱是發業之本故律云調伏貪三得

滅果故經云戒淨有智南山云毘尼翻調

伏及滅者是從功用為名非正譯也正翻

云律律者法也從教為名斷割重輕開遮

持犯非法不定俗有九流法流居一故世

律法皆約刑科道與俗違刑名乃異至於

處斷必依常法故翻毘尼為律也

四出譯時者此四分律乃姚秦時北天竺



罽賓國佛陀耶舍尊者共竺佛念所譯緣  
 佛陀耶舍先於本國誦四分律不賈梵本  
 而來秦司隸校尉姚爽欲請尊者譯出姚  
 主以其無梵本難可證信眾僧多有不同  
 故未許之羅什法師勸曰耶舍甚有記功  
 數聞誦習未曾脫誤於是姚主即以藥方  
 一卷民籍一卷並可四十紙許令其誦之  
 一日便集僧執文覆之乃至銖兩人數年  
 記不謬一字是時眾咸信伏由是耶舍口  
 誦梵音佛念筆受成文即以弘始十二年  
 譯出為四十五卷又云四十四卷今分為  
 六十卷若支法領所譯者止有三十卷然  
 今已失矣據唐圓照律師傳則弘始五年  
 壬寅歲耶舍譯出成四十五卷至十一年  
 歲次戊申支法領又從西國將梵本來於

謙一

三三

長安中寺重警校殆十四年辛亥譯畢成

六十二卷

四釋止持會集者宣祖云持戒之心要唯

二轍止持則戒本最為標首作持則羯磨

結其大科後進前修妙宗斯法故今統閱

諸部撮畧正文會集止持用益將來共扶

頽幢以樹正法也六總釋題目竟

毘尼止持會集卷第一

音義

序

**匏繫** 上音庖 馱屬益 匏味苦 馱味甘也 言  
 而不食大約今人用匏 匏荒隈 下音威 屋內  
 繫皆取無用之義也 荒隈 曰隈 屋外曰  
 隈 荒隈者謂之 玄猷 下音由 五邪 一詐 現異  
 居於荒山也 玄猷 道也 五邪 相謂諸比  
 丘違佛正教於世俗人前詐現奇特之相  
 今其心生敬仰而求利養 二自說功德  
 謂諸比丘以辯口利詞抑人揚己自逞功  
 能今所見者心生敬信而求利養 三占

相吉凶謂諸比丘攻學異術卜命相形講  
 談吉凶而求利養 四高聲現威謂諸比  
 丘大語高聲詐現威儀令人畏敬而求利  
 養 五說所得利以動人心謂諸比丘於  
 彼得利於此稱說於此得利於彼稱說今  
 人動心而求利養如是五種令人邪命  
**八穢** 一置買田宅謂比丘當依眾居止勤  
 以圖自足是為不淨 二種植根栽比丘  
 當勤修道業於世間資生之事不生貪著  
 若不為眾私自種植田園內妨行業是為  
 不淨 三貯聚穀粟謂比丘當乞食資身  
 清淨活命若不為眾私自貯聚粟米參  
 是為不淨 四畜養奴婢謂比丘當閉居  
 靜處修攝其心行安樂行若不為眾畜養  
 奴婢驅使作務是為不淨 五畜養羣畜  
 謂比丘當持禁戒慈心不殺若畜牛馬等  
 尊生之類以汚梵行是為不淨 六藏積  
 金銀錢寶謂比丘當以清雅為高安貧樂  
 道身無長物若貪積世間所重金銀資財  
 等物資生求利計算出納有乖道行是為  
 不淨 七藏積象牙刻鏤等物謂比丘當  
 奉佛戒志尚儉素於諸玩好心不貪戀布  
 衣草座常懷知足若貪世間稀有的飾之  
 物是為不淨 八藏積銅鐵金銀或以自煮  
 費謂比丘於眾居止當與眾同餐或乞食  
 自活勵精梵行成就道業若藏積金  
 獲以自煮費背眾而食是為不淨 **殉** 音  
 隨 **福田淨德** 勇猛心脫離凡俗習佛菩提  
 也

而能懷佩妙道為世福田是為初淨德也  
 二毀其形好謂出家之人剃除鬚髮毀  
 壞相好去世俗之塵衣著如來之法服具  
 佛威儀為世福田是為第二淨德也 三  
 永割親愛謂投佛出家割絕父母親愛之  
 情一心精勤修道以報父母生成之德兼  
 能為世福田是為第三淨德也 四委棄  
 軀命謂出家之人能委棄身命無所顧惜  
 惟務一心求證佛道兼能為世福田是為  
 第四淨德也 五志求大乘謂出家之人  
 常懷濟物之心專志勤求大乘之法度脫  
 一切有情為世福田是為第五淨德也  
**模楷** 模木生於周公塚上其葉春青夏赤  
 子塚上其餘枝疎而不屈以質得其直  
 也此二字取義若正與直可為法則 **芻**  
 芻此香草也出於雪山具有五德以喻此  
 意業之蠶也 二引蔓旁布以喻比丘傳  
 法度人延綿不絕也 三馨香遠聞以喻  
 比丘戒德芬馥為眾所聞也 四能療疼  
 痛以喻比丘能斷煩惱毒害之痛也 五  
 不背日光以喻比丘正見  
**凡例** 思惟常向佛日而不背也  
**經通餘說** 大智論云一佛說謂如來金口  
 菩薩承佛神力加被所說三仙說謂佛會  
 中諸大仙人從佛入道誓弘佛化宣揚正

法四諸天說謂帝釋每於善法堂上為利天人演說般若五化人說謂三乘聖人隨機現化如羅睺羅化作金輪王而度城東老母先讚福果因緣後說大乘妙法

**等覺已下** 今願勸菩薩是也下地望之難與佛等然有極細一品無明未盡故措猶稱菩薩言下者指下位九地三賢指去聲也

綱要

據一

三五

十二法人

即頭陀十二行也又名杜多此翻抖擻亦翻修治亦翻澆汰十

二法者一住阿蘭若處二常乞食三次第乞食四受一食法五節量食六中後不飲

果漿蜜漿七著糞掃衣八但三衣九塚間住十樹下止十一露地坐十二但坐不卧

**緘膝** 謂束篋之緘膝也 **人可使由之不可使知** 此出論語今借用之謂初受戒人

藏知其所以從結戒之由蓋六羣比丘等皆是大權示現曲為末世而示犯緣誠恐愚者不遠認為實 **義學** 演教之師深入險途

事反生放縱 **義學** 義海故稱義學 **險途** 險者險阻途者途路 **鹿苑** 鹿苑去波羅奈

此翁三途惡道也 **鹿苑** 園十餘里是如來昔與提婆達多俱為鹿王住處各統羣鹿五百餘時國王吹逆原澤菩薩鹿王前

詣王曰大王校獵中原縱燎飛矢凡我徒屬命在茲晨不日應與無所克膳欲次差日輸一鹿王有割鮮之膳我廷旦夕之命王善其言而回駕西羣之鹿更次輸命提

姿羣中有懷孕鹿次當就死白其主曰身雖應死于未次也鹿王怒曰誰不保命雖鹿歎曰吾主不仁死無日矣乃告急菩薩

鹿王曰悲哉慈母之心思及未形吾今代汝遠至王門國王問由鹿具答情王聞

歎曰我人身鹿也汝鹿身人也是悉放諸鹿不復輸命即以其林 **鶴樹** 亦云鶴林

為諸鹿藪因而號曰鹿苑 **鶴樹** 如來出世說法利生化緣事訖於娑羅雙樹間二月十五日入涅槃雙樹皆悉變白猶如鶴色

故名 **波羅提木** 此翻別解脫律擲云別如說修行於下下等九品諸惑漸次斷除永不退故於諸煩惱而得解脫名別解脫

又見修煩惱其類各多於別別品而能捨離名別解脫由惑漂沒三界有情為此先

因勤求別解脫又云隨順解脫此據乎立名隨順有為無為二種果故又云保鮮脫謂戒淨有智慧如一則 **中觀** 二乃 **瑜伽**

來保任必證涅槃故 **一則中觀** 二乃 **瑜伽** 中觀即龍樹宗世稱法性宗論師即薩法宗世稱法相宗以瑜伽師地論為宗故名

如此翻 **穴結** 凡者雜也 **結** 浮囊不洩 浮囊不洩 浮囊不洩 浮囊不洩

相應也 **穴結** 者不詳也 **結** 浮囊不洩 浮囊不洩 浮囊不洩 浮囊不洩

器也昔有商人持囊渡海海中羅刹從乞浮囊其人與乃乞一半亦不聽許至乞

一絲亦不從願何故命在憂故浮囊若破  
則於海岸終不能到以喻持戒之人欲渡  
生死苦海設遇受染羅刹假求一願亦終  
不從何故命在成故戒若有破則溺生死  
苦海永無出期 **勿輕小愆還成最後之唱**  
是故獲戒若此 **聊陳一隅** 謂物有四隅舉  
如來涅槃令諸比丘以戒為師依戒而住  
故云最後之唱若輕細過放蕩無拘是違  
遺教非佛弟子 **摩夷** 是云摩得勤如此謂  
反云勿輕也 **摩夷** 是云摩得勤如此謂  
也 **摩夷** 是云摩得勤如此謂

卷一

**僧寶果** 即漏盡阿 **三慧自淑** 淑者善也和  
慧者一聞慧由從善知誠處得聞經律論  
以因聞故能生無漏聖慧 二思慧由能  
思惟經律論及從善知識所問法義皆能  
生於無漏聖慧 三修慧謂統已聞法思

惟義趣即常隨順修習因 **七法財** 財者謂  
此修習能生無漏聖慧 一切眾生行此七法資  
種出世法財也若一信財謂信能決定  
受持正法以為佛道之糧 二進財謂未  
能見真諦理而一心精進求出世道以為  
成佛之資 三戒財謂戒為解脫之本能  
止防身口意之惡非以為成佛之資 四  
慚愧財慚者慚天愧者愧人謂既能慚  
則不造諸惡業以為成佛之資 五聞財  
謂一

二十六

關為三慧之首聞必能思思必能修若能  
聞佛聲教則開發妙解如說而行以為成  
佛之資 六捨財捨即捨施謂若能運平  
等心無憎愛想身命資財隨求給施無所  
吝惜以為成佛之資 七定慧財定慧即  
止觀也定則攝心不散止諸妄念慧則照  
了諸法破諸邪見 **不為施所墮** 昆尼母云  
以為成佛之資 三實事及不持戒 **有漏** 昆婆沙論  
誦經營三實事及不持戒 **有漏** 昆婆沙論  
受人信施則為施所墮 **有漏** 昆婆沙論

業能令後生續生是名有漏漏者是留任  
義謂今有情留住欲界色界無色界故  
運樂經云有漏法有二種一因二果有  
漏果者是則名苦有漏因者是名為集  
庭上聲小船也二百斛 **十使**  
以上曰艇其船小而長 **十使**  
一貪使七使使三癡使四慢使五疑使六  
身見使七邊見使八邪見使九見取使十  
成取使此十皆名使使邪見使九見取使十  
役行者心流轉三界生死也 **四流** 一見  
三界見惑謂意根對於法塵起分別見也  
二欲流即欲界思惑謂五根貪愛五塵故  
名為思惑即貪瞋慢也三有流因果不亡  
為有即色無色界思惑貪慢是也四無明  
流無所明了故曰無明即三界思惑中之  
癡惑也此四皆名流者謂眾生由三惑之  
所流轉漂泊三界而不 **九地** 一五趣雜居  
能返於涅槃彼岸也 **九地** 一五趣雜居  
樂地三定生喜樂地四喜妙樂地五捨  
念清淨地六空無邊處地七識無邊處地

八無所有處地 **生空** 亦曰人空即我空也  
 九非非想處地 **生空** 謂凡夫妄計五蘊是  
 我強立主宰引生煩惱造種種業佛為破  
 此計故說五蘊無我二乘悟之入無我理  
 是名 **二我執** 中強立主宰妄執為我與身  
 俱生是名俱生我執 二分我執謂於  
 計我法中分別我能行善行惡等事而起  
 執者是名 **式義** 此翻 **躡** 燕入聲踰跨也  
 分別我執 **式義** 云學 **躡** 儒云學不躡等 **鼻**  
 祖 人之懷胎鼻先受形然後諸根漸具故  
 為諸部之始祖 **荷** 音成舊草不艾 **五通** 一  
 故曰鼻祖也 **荷** 新草又生曰 **荷** 五通足  
 不履地觸身能飛行履空如地 二知人  
 心命謂能知他人之心行善行惡生善處  
 惡處 三回眼千里謂天下象生之類若  
 好若醜城郭屋舍山巖樹木回眼之時無  
 有遠近皆悉能見 四呼名即至謂於天  
 下男女及象馬巨細等聲無不能聞若有  
 呼其名者或遠或近隨即到而五石壁  
 無礙謂於天下周旋往來山河石壁無所  
 障 **齋** 音後 **九流** 一儒流祖述堯舜憲章  
 奏 **齋** 謂也 **九流** 文武宗師仲尼者也本  
 出司徒也 二道流絕禮樂去仁義獨任清  
 虛者也本出史官 三陰陽流敬順昊天  
 曆象日月本出羲和之官 四法流信任  
 賞罰以輔禮制者也本出理官 五名流  
 名任不同禮亦異數出於禮官 六墨流  
 推兼愛之意出清廟之官 七縱橫流言

其當制宜受命而不受詞者也出於行人  
 之官 八雜流兼儒墨合名法出於議官  
 九農流播百穀勸耕 **關** 會要  
 桑者也出於農稷之官 **關** 也  
**附譯人傳畧**  
 佛陀耶舍師罽賓國人婆羅門種也年十  
 三出家嘗與其師遠行曠野逢虎其師欲  
 走避師曰此虎已飽必不侵人俄而虎去  
 前行果有噉嚼餘蹟其師密異之年十五  
 日誦經二三萬言有羅漢重其聰明恒乞  
 食供之嗣從舅氏習五明諸論世間法術  
 靡不綜閑後受沙勒國太子供養待遇隆  
 厚乃辭去東適龜茲尋羅什蓋什曾在沙  
 勒國受學於師而師甚重之也時師被符  
 堅執羈虜姑臧遣信要師師為國人留欲  
 行不克因命弟子取淨水咒藥洗足乘夜  
 而發走數百里始旦問弟子何所覺耶曰

惟聞疾風耳國人追不及方至姑臧而羅  
 什又入長安長安乃秦主姚興也興聞師  
 名即盛禮聘之師不受笑曰明旨既降便  
 應載馳然檀越待士既厚脫如羅什見處  
 則不敢聞命蓋興嘗媵妾逼什故也使還

覆興歎其幾慎重信敦喻師方允至長安

日興自出候延於逍遙園中遂與羅什出

十住經并四分律長阿舍等經也師儀容

端雅而髭赤色尤善毘婆沙時人號赤髭

毘婆沙既為什之師亦稱大毘婆沙後還

外國不知所終 媵音胤送女從嫁也凡送皆曰媵

竺佛念師涼州人弱年出家志業清堅外

和内朗有過敏之鑒少好游方備貫風俗

華梵音義莫不兼通故義學之譽雖闕洽

聞之聲甚著符氏建元年入長安與僧伽

跋陀曇摩難提等翻譯諸經三九斷疑字音  
 義自世高支謙以後莫踰也故在姚苻二  
 代為譯人之宗關中名德咸嘉推焉後復  
 自出菩薩瓔珞十住斷結及曜胎中陰等  
 經始就治定意多未盡遂爾邁疾卒于長  
 安

毘尼止持會集卷第二

謙二

清金陵寶華山弘律沙門讀體集

七別解戒相者蓋前五門是推演教義第六門是分別題目教義題目既已朗然則當正解戒相凡諸沙彌受持十戒以為具

謙二

一

戒之基本已登壇近圓時重在白四羯磨感發戒體次乃為說戒相保護其體故今將釋戒相明持先出無作戒體無作者天台大師云戒體者不起而已起則性無作假色磐公釋云謂此戒體不起則已起則全性而性修交成必有無作假色無作一發任運止惡任運行善一作之後不俟再作故云無作文言無作假色者十一色法各有假實就法處所攝色中唯定果色名為實色表無表色並名假色善惡二戒各

有表及無表表即名作無表即名無作今且釋善戒互跪翹勤名為身表三說乞戒名為語表眾僧和合同集戒場亦名身表白四羯磨亦名語表由此作法受得清淨戒體成比丘性為意家所緣任運恒得止行二善故云一作之後不俟再作名為無作假色也此無作戒體從第三羯磨畢時便得於一切男女邊得不婬色於一切情非情邊得不盜色於一切有情邊得不殺色於一切有情邊得不欺誑色乃至於一切地得不掘色於一切草木得不壞色於一切酒得不飲色如是二百五十戒法一一各周法界故出家功德經明一日一夜持戒功德不可窮盡正由此妙善戒法徧以法界為所緣故是則無作戒體是法處

色是無漏色有漏五蘊色身為依無漏五蘊戒身為依有漏色身從父精母血和合而生是色處假色無漏戒身從三師七證羯磨而得是法處假色所以和尚名為力生正從能生戒身以得名耳得此戒身便同僧寶能使天龍尊奉神鬼欽承邇來授受體則迷而莫知相則晦而罔諳欲企道基堅固梵行精瑩何可得焉故今先出戒體而令授受不虛保護清淨也

次正解戒相准律分八初波羅夷法二僧伽婆尸沙法三不定法四尼薩耆波逸提法五波逸提法六波羅提提舍尼法七衆學戒法八滅諍法

初波羅夷法共有四條僧祇律云波羅夷者義當極惡謂更無事重於此者總以三

義釋之一退沒由犯此戒道果無分故二不共住非但失道果而已不得於說戒羯磨二種僧中住故三墮落捨此身已墮阿鼻地獄故

律云犯波羅夷者譬如有人截其頭終不能還活斷多羅樹心終不復更生長如針

鼻缺不堪復用如大石破為二分終不可

還合多羅此云岸形直而且高葉可書經此樹若斷其心即便枯死永不發生

根本律云波羅市迦者是極重罪極可厭

惡嫌棄不可愛若苾芻亦纔犯時即非沙

讀二

三

門非釋迦子失苾芻性乖涅槃性墮落崩

倒被他所勝不可救濟如截多羅樹頭更

不復生不能鬱茂增長廣大故名波羅市

迦

律攝云波羅市迦者是極惡義是他勝義



纒犯之時被梵行者所欺勝出家近園為  
除煩惱今破禁戒反被降伏又能害善品  
使消滅故又復能生惡趣之罪故名波羅  
市迦又被非法軍而來降法王之子受敗  
於他既失所尊故名他勝近園者謂淫  
樂受比丘戒則

能親近淫樂  
故名近園

薩婆多論云波羅夷者名墮不如意處如  
二人共鬪一勝一負犯此戒者不聽懺悔  
畢竟永墮負處又如焦穀種雖種良田勤  
加澆灌不生苗實犯戒亦爾雖勤加精進  
終不能生道果苗實故

佛說犯罪輕重經云犯波羅夷罪如他化

自在天壽十六千歲墮泥犁中按論云人  
問一千六

百年為彼  
天一晝夜於人間數九十二萬一千六百

萬年此年數必譯  
快音義中辨此泥犁即熾熱地獄謂

獄卒置罪人鐵城中火然焦爛燒炙衆生  
故此但名其有間若謗三寶五逆等罪壽  
一大劫墮八無間獄也

### 第一姪戒

姪者污穢交邁鄙陋不堪之事名非梵行  
亦名不淨行准善見云此是性罪不受佛  
戒世間法爾有罪以犯佛戒則重犯國禁  
則輕輕者國制強奸者斬和奸者笞姪男  
者杖重者佛制不論男女等一有樂欲心  
行姪則墮三塗窮劫極苦非同世刑不可

### 言喻

若比丘共比丘同戒若不還戒戒羸不自悔  
犯不淨行乃至共畜生是比丘波羅夷不共  
住

緣起蓋心隨境轉戒依事制若境幻心空

則情忘理顯所以戒結五篇皆由有漏生起而大聖乘時制為學處故善見律云未有漏者如來結戒衆生生誹謗想云何瞿曇沙門如諸聲聞弟子悉是貴姓或是王位捨於財物宮殿妻子眷屬不惜身命皆是知足無所希求云何瞿曇反以波羅提木叉繫之是瞿曇未善別世人故言如此若結戒者世人亦不生敬重之心譬如醫師未善治病見人始欲生癰未大成就輒為破之破已血出受大苦痛以藥塗之瘡即還復醫謂曰我為汝治病當與我直病人答曰此癡醫師若是我病可為我治我本無病強為破肉令血流出生大苦痛反責我直詎非誑耶聲聞弟子亦復如是若先結戒而生誹謗我自無罪強為結戒是

卷二

五

故如來不先結戒若有漏者是時如來當為諸弟子結戒文以是義故每戒之下先出緣起又制戒之後復有緣起而加制者亦有緣起而開制者故五篇之內有一制數制之不同今此婬戒有三制律云佛在毘舍離時迦蘭陀村須提那子持信堅固出家為道時世穀貴乞食難得須提那子將諸比丘詣迦蘭陀村乞食母聞子歸往勸捨道還家再三不允乃令與婦安子使種不斷便捉婦臂將至園中三行不淨時須提那子行不淨已常懷愁憂同學問知其故具白世尊世尊集諸比丘以無數方便訶責言汝所為非非威儀非沙門非淨行非隨順行所不應為汝須提那云何於此清淨法中乃至愛盡涅槃與故二行不

淨耶告諸比丘寧以男根著毒蛇口中不持著女根中何以故不以此緣墮於惡道若犯女人身壞命終墮三惡道何以故我無數方便說斷欲法斷於欲想滅欲念除散欲熱越度愛結我說欲如火如把草炬亦如樹果又如假借猶如枯骨亦如段肉如夢所見如履鋒刃如新瓦器盛水著於日中如毒蛇頭如轉輪刀如在尖標如利戟刺甚可穢惡佛訶責已與諸比丘結戒集十句義一攝取於僧二令僧歡喜三令僧安樂四令未信者信五已信者令增長六難調者令調順七慚愧者得安樂八斷現在有漏九斷未來有漏十正法久住若說戒者當如是說若比丘犯不淨行行姪欲法是比丘波羅夷不共住此是創制也

兼二

六

如是結戒已時有跋闍子比丘愁憂不樂淨行即還家共故二行不淨行諸比丘白佛佛集僧訶責云汝癡人犯波羅夷不共住若有餘比丘不樂淨行聽捨戒還家若欲復出家於佛法中修淨行應度令出家受大戒由此更結不還戒戒羸不悔之語此是第二制也後復有一乞食比丘依林中住與雌獼猴共行不淨按行比丘見已白佛如上集僧訶責乃更結共畜生之文此是第三制也 准僧祇律云佛成道五年冬分第五半月十二日中食後因須提那子制此姪戒按西域分三際從十二月十六日至四月十五日為春際從四月十六日至八月十五日為夏際從八月十六日至十二月十五日為冬際一際四月每四月有八箇半月今准此方正當十月二十七日也律攝云由癡故因姪煩惱及姪事故制斯學處

兼二

六

然以一切煩惱皆依無明不覺故生無明  
 即癡也所以一一戒中佛莫不訶云汝癡  
 人所為非而癡實是犯戒之根源也 又  
 結戒必要集僧者准薩婆多論有五義一  
 佛現不自專輒二佛不集眾籌量輕重而  
 後結戒但共眾和合令罪者心伏三如國  
 王持國雖得自在凡有國事與諸忠臣議  
 之國得入住佛法王亦爾雖於法自在為  
 持佛法故凡有法事集眾共知法得入住  
 四以為肅現在當來弟子凡是僧事不問  
 有力無力要問眾詳宜不得專獨五諸佛  
 法爾不獨一佛 又集僧已佛知而故問  
 知時而問知而故問者一以佛常法二以  
 佛無事不知欲令前人伏罪順自言治法  
 三以為安眾生成佛無事不知無事不見

若不問前人自以知見說罪過則眾常  
 懷怖懼不能自安非是集眾安眾法四  
 若以逆察人心非大人聖主儀體知時而  
 問者要在比丘眾中問沙彌白衣前不問  
 一以今是結戒時 又云一切善法不言  
 結何以但言結戒然戒是萬善之本但結  
 戒即結一切善法也

**釋義**文分三節若比丘是泛指受持具戒

之人下皆准此共比丘下正明所犯之事是比

丘下結成所犯之罪按智度論云比丘義

初得戒即言比丘以三羯磨發善律儀破  
 惡律儀故言破惡若通就行解戒防形非  
 定除心亂慧悟想虛能破見思之惑二佈  
 魔義既能破惡魔羅念言此人非但出我  
 界域或有傳燈化我眷屬空我宮殿故生  
 驚怖通而言之三處亦怖三乞士義乞是  
 乞求之名士是清雅之稱出家之人內修  
 清雅之德必須遠離四邪淨命日居福利  
 眾求資身以成清雅之德  
**律明八種比丘**

謂名字比丘 謂世間人有立名字喚為比丘或此比丘種族非出家法

衆相似比丘 謂有人剃除鬚髮不受佛戒也 八比丘數故名曰 自稱比丘 謂自剃鬚髮

相似非法衆也 倍中自稱言我是比丘此名賊住 善來比丘 此謂有具信白衣來詣佛所欲求出家

又犯重比丘不共僧住仍稱比丘 佛觀根性成熟堪可度者便喚言善來

比丘 此謂於我法中快自娛樂可倚梵行得蓋 苦源佛語未竟鬚髮自落衣鉢具足如百

臘比丘威儀厚序得具足 乞求比丘 謂不

戒如陳如等諸大弟子是 著割截衣比丘 謂衣價

食盡形乞食資身 丘得已便割截而著壞衣價直針線刺納

毀其細腰用樹皮壞其本色便是故衣能

著是衣者名著 破結使比丘 為結使謂能

割截衣比丘也 結縛衆生驅使流轉三界故若人出家或

滿二十或不滿二十能破斷此煩惱證阿

羅漢即名 受大戒白四羯磨如法成就得

處所比丘 謂有善男子希求具戒於三師

磨於所作如法成就究竟圓滿成比丘性

故名受大戒白四羯磨如法成就得處所

比丘 是中比丘若受大戒白四羯磨如法

成就得處所住比丘法中是謂比丘義 謂

結戒本為白四羯磨受大戒比丘故其善

來破結有自然之戒永離破禁過患煩惱

已盡梵行已立前之三種但名相同是非

法衆故不在禁限也於後諸戒凡云若比

丘義皆 共比丘者如餘比丘受大戒白四

准此 羯磨如法成就得處所住比丘法中是為

共比丘義云何名為同戒我為諸弟子結

戒已寧死不犯是中共餘比丘一戒 戒體

同戒 戒相 俱等 是名同戒 根本律云

團具已經百歲所應學事與新受者等無

有異若新受團具所應學事與百歲受團

具者事亦不殊所謂尸羅學處持化教 云

儀威皆相似而得故云共戒同戒也 九

何還戒還戒者捨戒也如律云若比丘不

樂修梵行欲得還家厭比丘法常懷慚愧

貪樂在家貪樂優婆塞或念沙門外道外

道弟子非沙彌非釋子等法便作如是語

我捨佛捨法捨比丘僧捨和尚阿闍黎捨

同和尚同阿闍黎

同和尚者謂彼此丘或同已之和尚或同一師

受戒或同戒臘也

捨諸梵行捨律捨學事

受居家法我作淨人我作優婆塞我作沙

彌我作外道我作外道弟子我非沙門非

釋種子若復作如是語我止不須佛佛於

我何益離於佛所如是乃至學事亦如是

若復作餘語毀佛法僧乃至學事便讚歎

家業乃至非沙門非釋子以如是語了了

說者是名捨戒若不作了了語者是名

不還戒 若顛狂捨戒心亂捨戒痛惱捨

戒戲笑捨戒皆不名捨戒若顛狂心亂痛

惱癡聾人前捨戒中國人邊地人前捨戒

邊地人中國人前捨戒若天龍鬼神睡眠

人死人無知人前捨戒若自不語若語前

人不解如是等皆不名捨戒 戒羸者律

云若比丘愁憂不樂梵行欲得還家厭比

丘法意在家乃至樂欲作非沙門非釋子

法便作是言我念父母兄弟姊妹婦兒村

落城邑田園浴池我欲捨佛法僧乃至學

事我欲受持家業乃至非沙門非釋子法

是謂戒羸 不自悔者

謂於如來戒法無力能持內懷愁憂而不悔說是為不自悔 若作如是思惟我欲捨戒便

捨戒是謂戒羸而捨戒 不淨行者是姪

欲法 律攝云行謂聖道淨謂涅槃由八正行方能證會作不淨行正違彼故

下至畜生者可行姪處是也 薩婆多論云與女人交會

受欲具足與畜生女交會樂欲情薄是故言下至畜生三惡道是五道之邊下故言下至畜生 云何名波羅夷譬如斷人頭不可復

起比丘亦復如是犯此法者不復成比丘

故名波羅夷 廣釋惟前 云何名不共住有二共

住同一羯磨同一說戒不得於是二事中

住故名不共住

結罪是中犯者若於人婦非人婦畜生婦若於人女非人女畜生女若於人二形非人二形畜生二形三處作不淨行大便道小便道及口中

若於人黃門非人黃門畜生黃門若於人男非人男畜生男二處行不淨行大便道及口中如是比丘有姪欲心初入盡波羅夷方便而不入盡偷蘭遮

若如上所堪行姪境有隔有隔無隔無隔有隔無隔無隔有隔謂以物覆而入盡波羅夷

若比丘姪意向人睡眠婦女若死形未壞多未壞大便道小便道及口若初入皆得波羅夷如是非人婦乃至畜生男亦如是若為怨家強捉比丘或自謂今已或他謂他

兼二

十一

來姪行不淨行於初入入已出三時中隨

有一時生受樂心即得波羅夷受樂者如

渴得飲不受樂者如好淨人以種種死屍繫其頸上

若骨間若死屍半壞若地孔若搏泥孔若

君持口中行不淨行皆偷蘭遮君持此云瓶

若道作道想道作道疑道作非道想皆波

羅夷 若非道道想非道疑皆偷蘭遮非

者謂除三道其餘服下服間軍持泥團地空等是也

若比丘教比丘行不淨行若作教者偷蘭

遮若不作教者突吉羅 若准義犯此戒

要具四緣方成本罪一有姪欲心二全情

境三入道四受樂若不具如律有開

偷蘭遮者准善見律云偷蘭名大遮言障

善道後墮惡道體是鄙穢從不善體以立

名者由能成初二兩篇之罪故也 明了

論解偷蘭為麤遮即為過麤有二種一是重罪方便二能斷善根所言過者不依佛立戒而行故言過也然中復分從生獨頭

十誦律云從初篇生重應一切僧中悔若初篇生輕二篇生重應界外四比丘眾

中悔若僧殘生輕一比丘前悔今且就從生而論其獨頭三品並懺悔法詳明於作

持中 經云犯偷蘭遮如兜率陀天壽四千歲墮泥犁中人間四百廿五於人間數五

萬七千六百萬年此泥犁即嗥叫地獄謂

獄卒捉罪人擲鐵鑊中嗥叫大叫故此偷

蘭遮若開聚則別列第三如歸篇則總攝

前二

**兼制**比丘尼波羅夷此是同制式叉摩那

沙彌沙彌尼突吉羅滅擯小三衆犯姪殺

卷二

十二

者雖無波羅夷之罪名則滅損已是棄義不得與餘清淨沙彌同事同學不得如餘清淨沙彌與諸比丘得共二宿三宿雖云突吉羅罪實不通懺悔 若比丘尼教比丘行不淨行若作教者偷蘭遮若不作教者突吉羅若式叉摩那沙彌沙彌尼教比丘作與不作教者盡突吉羅

**隨開**不犯者若睡眠無所覺知不受樂一切無有姪意及最初未制戒癡狂心亂痛

惱所纏善見律云見火而捉如金無異見

亂痛惱所纏又十誦律云有五相名狂

人親里死盡故狂或狂狂狂狂狂狂狂狂

報敵狂有五種因緣令心散亂為非人

所打故心散亂或狂狂狂狂狂狂狂狂

食心精氣散亂或狂狂狂狂狂狂狂狂

或先世業報故心散亂或狂狂狂狂狂狂狂狂

或風發故病壞心或狂狂狂狂狂狂狂狂

或發病壞心或狂狂狂狂狂狂狂狂

或發病壞心或狂狂狂狂狂狂狂狂

或發病壞心或狂狂狂狂狂狂狂狂

或發病壞心或狂狂狂狂狂狂狂狂

或發病壞心或狂狂狂狂狂狂狂狂



會採僧祇律云若向五眾及白衣言我捨

佛法僧捨共住等皆名捨戒 又云若言

捨過去未來佛捨過未經論捨過未曾捨

多比丘皆不名捨戒得偷蘭遮罪 若言

捨過去未來法捨此經論是名捨戒 又

嫌二

外道亦各言有佛法若實欲捨佛法假言

捨外道佛捨外道法不名捨戒得偷蘭遮

罪 若言捨過未多比丘捨一比丘越毘

尼罪若言捨過未一比丘越毘尼心悔

若言捨阿闍黎不名捨戒得偷蘭遮罪

律本

言捨阿闍黎亦成捨者以原受戒時十僧

不滿不得戒故若欲還戒但捨十中一人

皆可此中唯言捨和尚方成捨者以本得

戒時依和尚而生戒身是從根本所生處

捨也須知和尚在前當依僧祇若和尚遠

處異方應依本部法雖兩殊開遮隨時

若作是念我不如捨佛法僧作外道彼心

念口言未決定向他人說是名戒贏若說

戒贏事者語語偷蘭遮罪復作是心念口

言我捨佛者勝乃至我習本俗人者勝是

名說戒贏事語語偷蘭遮罪

五分律云若言我當行外道儀法語語偷

蘭遮若言我當行白衣儀法突吉羅是不

名捨戒若口言我捨戒是名捨戒

薩婆多論云受戒時須三師七僧捨戒於

一人前便捨者謂求增上法故則須多緣

多力捨戒如從高墜下故不須多也又受

戒如得財寶捨戒如失財寶譬如入海採

寶無數方便然後得之及其失時賊盜水

火須臾散滅捨戒亦爾

又僧祇律云若比丘行姪若買得若僱得

若恩義得知識得調戲得試弄得未更事

得如是一切得而姪者波羅夷 比丘以

染污心欲看女人得越毘尼心悔若眼見  
 若聞聲犯越毘尼罪相觸得偷蘭遮罪乃  
 至入如胡麻波羅夷 若身大雖入不觸  
 其邊者得偷蘭遮罪 若女人身裂為二  
 分就二分行姪者偷蘭遮罪繫縛令合行  
謀二  
 姪者波羅夷 若欲心隨女人後行步步  
 越毘尼罪欲心與女人隔壁語語越毘  
 尼罪  
 又五分律云若比丘行姪外方便內出不  
 淨內方便外出不淨波羅夷

薩婆多論云方便偷蘭遮有輕有重輕偷  
 蘭者欲作重姪 謂所起姪類  
猶猛勝也 若起還坐輕  
 偷蘭 發足趣女未捉已還及捉已失精  
 乃至鳴抱皆輕偷蘭 男形垂入女形已  
 來未失精亦輕偷蘭若失精得重偷蘭

若男形觸女形及半珠已還不問失精不  
 失盡重偷蘭 生女死女非處行姪腋下  
 股間得重偷蘭 生女死女若壞墮蟲食  
 於中行姪俱得重偷蘭 若非人畜生男  
 及黃門欲作姪偷蘭輕重亦爾

此戒大乘同制大乘雖許懺悔如梵網須  
 見好相或復得遇佛菩薩等為說深法頓  
 發大心如淨業障經維摩詰經然必具大  
 慚愧生大厭離絕不覆藏篤切悔過者乃  
 可承當此事則與此中比丘學悔原相似  
謀二

也若無恐怖心決斷心雖是大乘豈容輒  
 通懺悔若夫見機得作止謂在家菩薩非  
 謂比丘菩薩戒本具有明文請詳觀之  
 引證首楞嚴經云若諸世間六道衆生其  
 心不姪則不隨其生死相續姪心不除塵

不可出縱有多智禪定現前如不斷姪必落魔道上品魔王中品魔民下品魔女梵網經云寧以此身投熾然猛火大坑刀山終不毀犯三世諸佛經律與一切女人作不淨行 又云故起心毀犯聖戒者不得受一切檀越供養亦不得國王地上行不得飲國王水五千大鬼常遮其前鬼言大賊入房舍城邑宅中鬼復常掃其腳跡一切世人皆罵言佛法中賊一切衆生眼不欲見犯戒之人畜生無異木頭無異薩婆多論云寧以身分內毒蛇口中毒有三事害人有見而害人有觸而害人有吞嚙害人女人亦爾有三種害人善法若見女人心發欲想滅人善法若觸女人犯僧殘罪滅人善法若共交會犯波羅夷滅人

善法若為毒蛇所害害此一身若為女人所害害無數身二者毒蛇所害害報得無記身女人所害善法身三者毒蛇所害害五識身女人所害害六識身四者毒蛇所害故得與行籌說戒得在十四人數一切羯磨女人所害不與僧同此事五者毒蛇所害得生天上人中值遇賢聖女人所害入三惡道六者毒蛇所害故得沙門四果女人所害正使八正道水滿於世間猶如大海於此無益七者毒蛇所害人則慈念而救護之女人所害衆共棄捨無心喜樂天龍善神一切遠離諸賢聖人之所訶責以如是因緣故寧以身分內毒蛇口中終不以此觸彼女人

附考律云若比丘比丘尼若犯波羅夷已

都無覆藏心當如法懺悔與學戒羯磨奪  
 三十五事盡形行之若衆僧說戒羯磨時  
 來與不來無犯若更犯重應滅擯毘尼  
 母論云此比丘從今羯磨已名為清淨持  
 戒者但此一身不得超生離死證於四果  
 亦不得無漏功德然障不入地獄耳

此與  
學悔  
羯磨必須稱量觀  
機於作持中詳明

第二盜戒

盜者偷竊有主財物奪人外命最不端之  
 媿事此是性罪縱不受佛戒世間法爾有  
 罪第違國禁則輕國制劫盜者流配竊盜  
 者發配犯佛戒則重報墮三塗苦畢仍償  
 若比丘若在村落若閑靜處不與盜心取隨  
 不與取法若為王王大臣所捉若殺若縛若  
 驅出國汝是賊汝癡汝無所知是比丘波羅

律一

十七

夷不共住

**緣起**佛遊羅閱城耆闍崛山中時城中有  
 陶師子比丘字檀尼迦在靜處止一草屋  
 彼入村乞食後有取薪人破屋持歸乃和  
 泥作全成瓦屋取柴薪牛屎燒之屋成色  
 赤如火佛制不得作全成瓦屋作者突吉  
 羅救諸比丘往詣打破檀尼迦乃誑摩竭  
 國守材人取瓶沙王所留要材持去大臣  
 白王王念不應以少材而斷出家人命但  
 訶責放去彼諸臣不伏居士譏嫌有少欲  
 比丘白佛世尊集僧以無數方便訶責已  
 知而故問迦樓比丘王法盜幾許應死迦  
 樓答云五錢應死世尊為諸比丘隨王法  
 盜五錢應死集十句義結戒 僧祇律云  
 佛成道六年冬分第二半月十日食後為

瓦師子達贖迦訓此戒連贖迦即標尼迦

域冬分第二半月十日准律攝云此由

癡故因畜積事畜積煩惱制斯學處

**釋義**文分二節若在村落下正明所犯之

事是比丘下結成所犯之罪律云比丘義

如上村落者有四種村一者周市垣牆二

者柵籬三者籬牆不周四者四周屋

謂人所聚居閒靜處者村外靜地是

地也僧祇律云空地者垣牆院外除聚

落外盡一箭道有慚愧人所便利處是

名聚落所行處所行處即界也不與者物主不捨盜者以

偷盜心取隨不與取法者若五錢若直五

錢王舍城國法盜五錢已即入死罪佛依

此法總制瞻部洲內現有佛法處限五

錢得重罪若國不用錢准直五錢物成罪

羅什法師翻譯十誦錢直十六小銅錢此是

根本律云五磨灑者一磨灑有八十貝

十箇貝齒五磨灑有四百貝齒貝齒一名

貝子木草云生東海池澤亦產海涯大貝

如酒盃出日南國小貝乃貝齒也背紫黑

腹潔白近似魚齒小兒常帶壓驚俗呼為

壓驚螺又呼珠買螺以上古珍之為寶貨

故凡屬貨者字皆從貝至泰乃泰貝行錢

今雲南猶作錢用而呼為海巴以一百二

十八箇海巴作銀一分一千二百八十箇

作銀一錢如是則四百箇王者得自在不

貝齒作銀三分一釐二毫大臣者種

屬人以法攝護眾生安樂故種大臣輔佐於王捉者

謂捉殺者謂以刀

命縛者謂桎械驅出國者謂擯出賊者謂

善及無記心持癡無所知者癡乃根本煩

惡念貪竊他物由惡癡無智故能造一切惡

業一切犯緣皆依癡故起 是比丘波羅夷不共住如上 此不與取律有多種今畧之不出七法若自手取若看取若遣使取有主有主想取非暫用取非同意取若重物盜心取舉離本處 處者若地處謂

地中伏藏未發出七寶金銀真珠瑠璃璧  
 玉碑礪碼磁生像金銀及衣服等物若復  
 餘地中所須之物有主 若地上處謂七  
 寶乃至衣服等不埋若復有餘地上所須  
 之物有主 若乘處謂象乘及馬車步四

課二

十九

種若復有餘乘如是等乘上若有七寶乃  
 至衣服等若復有餘所須之物有主盜取  
 若取乘從道至道從路從道至非道路至非路  
 從非道至道從坑中至岸上從岸上至坑  
 中 若擔處謂頭擔肩擔背擔若抱若復  
 餘擔此諸擔上有七寶乃至衣服等所須  
 之物有主盜取若復取擔同上取乘若  
 虛空處謂若風吹毳若劫貝乃至麻絲等  
 輕物及諸鳥若復有餘所須之物有主  
 若土處謂樹上牆籬上及衣架繩牀褥枕

地敷上有金銀七寶乃至衣被等若復有  
 餘所須之物有主 若村處四種村如上  
 若村中有金銀七寶乃至衣被等及餘所  
 須之物有主盜取若以機關攻擊破村若  
 作水澆或依親厚強力或以言辭辯說誑  
 惑得物 若阿蘭若處謂村外有主空地  
 彼處有金銀七寶乃至衣被等及餘有所  
 須之物有主盜取若以方便壞他空地若  
 作水澆或依親厚強力或以言辭辯說誑  
 惑得物 若田處謂稻田麥田甘蔗田若  
 復有餘田彼田中有金銀七寶乃至衣被  
 等及餘所須之物有主盜取若以方便壞  
 他田若以水澆或依親厚強力或以言辭  
 辯說誑惑得物 若處所謂家處所若市  
 肆處所若果園菜園及池若庭前舍後若

復有餘處彼有金銀七寶乃至衣被等並  
餘所須之物有主盜取若壞他處所若依  
親厚強力或以言辭辯說誑惑得物 若  
船處謂一切小大等船船上有金銀七寶  
乃至衣被等及餘所須之物有主盜取若  
將船從此岸至彼岸若逆流若順流若沉  
著水中若移岸上 若水處謂藏金銀七  
寶及諸衣被等沉著水中若魚鼈乃至蓮  
華及餘水中所須之物有主 若不輸稅  
謂比丘無輸稅法若白衣應輸稅物比丘  
以盜心為他過物若擲過關外若以言辭  
辯說誑惑若以咒術過 若他寄物謂比  
丘受他寄持信物去作盜心取若頭上移  
著肩上有上移著頭上左右肩有上如移  
著若袍中 若水處謂一切大小甕及餘

練二

三

種種水器若眾香水若藥水 楊枝者若  
一若兩若眾多若一把一束一抱一擔若  
盜心取 若園處謂一切草木叢林華果  
無足眾生者蛇魚及餘無足眾生 若  
二足眾生謂人非人鳥及餘二足眾生  
若四足眾生謂象馬牛駝鹿羊及餘四  
足眾生 若多足眾生謂蜂蜈蚣若餘多  
足眾生 若同財謂同事業所得財物當  
共 若共要謂共他作要教言某時去某  
時來若穿牆取物若道路劫取若燒從彼  
得財物來共 若伺候謂我當往觀彼村  
若城邑若船度若山谷若人所居處於彼  
所得物一切共 若守護謂從外得財來  
我當守護若所得物一切共 若看道謂  
我當看道若有王者軍來若賊軍來若長

練二

三

者軍來當相告語若有所得財物一切共  
 根本律云物有四種不同一體重價重謂  
 末尼真珠吠瑠璃珂貝璧玉珊瑚金銀碼  
 碯味磔赤珠等是二體輕價重謂繒絲綵  
 羅及爵金香等是三體重價輕謂鐵錫等  
 是四體輕價輕謂毛  
 麻木絲劫貝絮等是

**結罪**是中犯者如上等處所有一切物凡

屬有主他所守護者若以盜心取五錢取  
 直五錢離本處波羅夷方便欲舉而不舉

偷蘭遮 方便即種  
種盜法也

方便求過五錢得過五錢波羅夷 過五錢  
謂五錢

以上或六七八九不足十錢若足十錢得  
二波羅夷乃至得二三四五十錢一一准

錢得若干波羅夷  
窮劫難出地獄矣方便求過五錢得五錢

波羅夷 方便求過五錢得減五錢偷蘭

遮 方便求過五錢不得偷蘭遮

方便求五錢得過五錢波羅夷 方便求

五錢得五錢波羅夷 方便求五錢得減

五錢偷蘭遮 方便求五錢不得偷蘭遮

方便求減五錢得過五錢波羅夷 求減

五錢得五錢波羅夷 求減五錢得減五

錢偷蘭遮 求減五錢不得突吉羅

教人方便求過五錢得過五錢二俱波羅

夷 所教之人  
是比丘也教人求過五錢得五錢二俱

波羅夷 教人方便求過五錢得減五錢

二俱偷蘭遮 教人求過五錢不得二俱

偷蘭遮

若教人求五錢得過五錢得五錢得減五

錢不得二俱得罪如上

教人方便求減五錢得五錢得過五錢教

者偷蘭遮取者波羅夷 教人求減五錢

得減五錢二俱偷蘭遮 教人求減五錢

不得二俱突吉羅



教人方便求五錢若過五錢受教者取異

物若異處取物取者波羅夷教者偷蘭遮

若方便教人求五錢若過五錢受教者謂

使取物無盜心而取得五錢若過五錢教

者波羅夷受使者無犯 若教人取物受

教者謂教盜取若取得直五錢若過五錢

受教者波羅夷教者無犯

若有主物作有主想不與取五錢五錢以

上波羅夷減五錢偷蘭遮 有主疑五錢

過五錢偷蘭遮減五錢突吉羅 若無主

作有主想若無主疑取五錢減五錢犯並

同上

第四分云衆多比丘遣一人取他物得五

錢若五錢以上共分雖各得減五錢盡波

羅夷 以所起盜心時各各本為方便求五錢取他物離本處時已滿五錢故同

犯於彼處得直五錢物到此處直減五錢

波羅夷 於彼處直減五錢到此處直過

五錢偷蘭遮 知前人以盜心使我取物

先可之後悔不往突吉羅 欲盜他衣錯

取已衣偷蘭遮 此處是同居住 他盜取物而奪取

彼盜者波羅夷 前後取滿五錢者波羅

夷 取物雖有前後由盜心相續故犯本罪 此戒具足五緣方

成本罪一有主物二有主想三直五錢四

盜心取五離本處若一不具律制開輕

**兼制**比丘尼波羅夷 此同制同學戒 式叉摩那沙

彌沙彌尼突吉羅減擯是為犯

**隨開**不犯者與想已有想糞掃想親厚想

及最初未制戒癡狂心亂痛惱所纏 已想者善

見律云謂於他物中生自己想 糞掃想者第三分云有十種糞掃衣牛疥衣鼠齒

衣火燒衣月水衣產婦衣神廟中衣若鳥卸風吹雜處者得取冢間衣求願衣受王

職衣往還衣是謂十種糞掃衣 觀厚想者第三分云有七法是親友利益慈愍故一難與能與二難作能作三難忍能忍四容事相告五不相發露六遺告不捨七貧賤不

又如第四分云畢陵伽婆蹉檀越有二小兒黠了不畏人尊者至時便抱脚婉轉戲後為賊偷去父母向尊者涕泣尊者還寺以天眼見二小兒在賊船中即以神足持還父母諸比丘嫌責白佛佛問云汝以何心取答言以慈心取無有盜意佛言無犯

會採僧祇律云若比丘在道行為賊所劫或賊少比丘多或賊藏物已更往餘處是比丘若未作失想此為存有復得之念還奪還取無罪若已作失想還奪還取便為賊復劫賊此中亦應計錢得罪又或賊順道去漸近聚落持物將分比丘還從乞得無罪比丘雖已作失想而賊為施主

事同新得故 若以勢力恐怖令還無罪若告聚落主方便慰喻令還無罪此皆以慈心而言護法名及告村長令還為憐愍若知令彼或殺或縛則偷人免墮惡趣故 不應告 若摩摩帝此云寺主 塿無物眾僧有佛恩供養佛者便為供養眾僧即持眾僧物修治塿者此摩摩帝得波羅夷 若塿有物眾僧無物便作是念供養僧者佛亦在中便持塿物供養眾僧摩摩帝用者得波羅夷 若塿無物僧有物者得如法貸用但分明疏記言某時貸用某時得當還若僧無物塿有物亦如是若交代時應僧中讀疏分明付授若不讀疏越毘尼罪 若有二比丘共財物應分一比丘盜心獨取除自分他分滿五錢波羅夷若同意取

無罪 若共作制限得物共分既得物便

言各任其相祿是中半分滿者波羅夷謂相

相應祿謂福祿意謂在隨各人相應之福

若汝得者汝自取若我得者我自取如是則有違本約而

為貪盜故犯重置物施主家作是語者偷

蘭遮若知有施主作是語者越毘尼罪

二糞掃衣比丘相約亦如是 若僧物有

損應與有益應與云何損者若有賊詣寺

索種種飲食若不與或能燒劫寺內雖不

應與畏作損事故隨多少與云何益者若

治眾僧房舍工匠及料理僧物事者應與

前食後食及塗身油非時漿等若王及諸

大勢力者應與飲食 有比丘失衣鉢若

未作捨想後知處應從彼索前云未作失

還得是從賊劫若已作捨想後知處從索

越毘尼罪若先作念言後若知處當從索

取得無罪

根本律云起盜心與方便得惡作罪即突

觸彼物穿吐羅底即偷舉離處滿五錢波

羅市迦不滿竊罪亦即偷若是畜生遺物

觸彼物惡作罪舉離處滿五錢竊罪不滿

惡作罪 必芻得地遺物應可持付知僧

事人即維其知僧事人得此物已於數日

中應可再三以物白眾本主索者可即將

還若無認者入四方僧隨眾受用若異此

者得越毘尼罪

律攝云盜事畧有五種一對面強取二竊

盜取三調弄取四因寄取五與已更奪取

此之五種咸是盜取 若是人物旁生所

偷人想取之亦得本罪若旁生想得突吉

羅 若遭旱時決彼堤水將入已田令他

不執至實成就准價得罪又或時遭滂泄  
 水下流損他苗亦計直成罪 獵師逐鹿  
 走入寺中隨傷不傷不還無罪若鹿被箭  
 入便死者應還獵師不應留礙 若他田  
 地及園店等意為僧伽意謂衆僧非理言  
 競官斷與時彼心未捨得宰吐羅心若捨  
 時即得本罪官不斷與得宰吐羅若就王  
 斷斷得便重由斷事中王為上故若餘斷  
 官待他心息方犯 若與賊同心示彼舍  
 處後時受彼分隨得招罪此與教人取不  
 他取則物一離本處罪已在我今示賊彼  
 舍處則賊劫時未必與是故須從受分時  
 結罪然雖不受分事非比丘 若後生悔向  
 彼物家報遣防護勿令失脫設彼賊偷皆  
 方便罪後雖受分亦宰吐羅 若與賊同  
 行欲為盜事中路而退但得惡作由怖為

二

二十六

伴無心共彼雖偷得必芻非犯 若比丘  
 持物至稅處實是已財決心迴與父母兄  
 弟等告掌稅者此非我物不與汝稅或乘  
 空去或口含或衣裏或避路並得羸罪本  
 為他持物過稅犯重由利歸已此中決心  
 迴施無利可歸是以結輕須知事一心異  
 別若為父母及三寶事持過稅處應為稅  
 官種種說法稱讚三寶說父母恩彼不取  
 稅直者無犯若猶索直者應與 若三寶  
 財持過稅所應取一分酬彼稅直後當均  
 分勿令偏少 若夫實不言芻芻妄說從  
 彼妻索隨得物時犯罪輕重 有施物來  
 知非已分言我合得者宰吐羅罪若受其  
 分准數成犯居物有現前十方及安不請食  
 輒去食者得惡作罪 本師有緣須向餘  
 處為受利者非犯謂和尚有緣他出弟子

謙三

三七

須告他知勿不屬言報取他分 若為他將物擬濟病人聞

彼身亡物還本主若及命在後方死者此

成亡物 若掌庫人自為賊意盜取他物

施與必芻施想受者無犯此但受者無罪然掌庫人自得

盜若賊盜他物為恐怖故持施必芻不應

受若作還彼主心受之無犯 若知是賊

首領者隨意應受既受得已刀割染壞方

便畜持本主來索者應還 若盜故廢錢

貝及破關假偽者皆准當時價直成犯

若興方便欲盜他財觸著之後便從主乞

彼與時得前羸罪 若初為貸借後欲不

還決絕之時便得本罪 若偷弊服內有

貴衣後檢見時准物得罪 若鼠盜已物

見時應取若是鼠物則不應收鼠若持來

便成施主為彼物想應為受之 若營事

人為眾舉貸若其身死以眾物償他舉物

時他指餘人也報諸者宿必芻明書券契方可

與也 若必芻被他盜時不應倉卒輒為

捨意後見應取 若見賊來應現喚相恐

喝令去捉得賊者不應付官先為說法從

乞其物若不肯與當酬半價或復全還已

成衣鉢卒難得故 凡受事人閉寺門時

有其五別謂上下轉鳴鎖并副鎖門關及

扃不閉賊偷准事酬直若關一者應還一

分乃至若總不著即應全償 若施主本

心造立房寺於此寺住者與其供養必芻

輒將餘食計直全還 若為病人欲覓藥

者應問病人何處求藥如所教處覓之根

本目得迦云凡主人見客來至先應問彼

是汝伴否若索衣鉢與否若言莫與而將

與者應酬彼價若言與者失不須酬凡客  
必芻至他房內應問主人若有人來索衣  
鉢者可與否若言莫與而與者計直酬價  
若言與者失不須酬

五分律云若比丘非同意人輒作同意取

其衣食突吉羅

十誦律云若水中浮物來比丘以偷奪心

選擇時偷蘭遮若捉留住後水到前或沉

著水底或舉離水直五錢以上波羅夷

若盜佛舍利偷蘭遮此是逆罪若尊敬清

淨心取無罪 盜經卷隨計直犯 盜塔

寺精舍中供養具若有守護隨計直犯

取西拘耶尼人物隨計彼物價犯弗于逮

亦爾取罽單越物無犯 檀越請僧食次

未至自言我應去波逸提得食時隨計直

錄二

三九

犯此為請僧而強去食者由不禁貪故犯破鳥巢取鳥巢皆

突吉羅 憐愍心解放他人畜生突吉羅

奪神像物偷蘭遮 一切捕獵物以快

心壞偷蘭遮憐愍壞突吉羅

善見律云若受人寄物物主還取答言我

不受汝寄突吉羅令物主狐疑偷蘭遮此

妄語應得波逸提為是物主言我不得此

物波羅夷主作失物心若偷人取物比丘

以偷心奪取物離偷人身分若此人健又

奪物去比丘雖不得物亦波羅夷以決定

得偷心離本處故 若檀越施眾僧果樹

或擬衣服或擬湯藥眾僧不得分食若以

果樹為四事布施比丘以盜心過分食隨

直多少結罪 若為作房舍施眾僧迴食

得偷蘭遮應還直 若為衣施應作衣若

饑儉時衆僧作白羯磨為飲食難衆僧三衣已足今且迴以食用令衆僧得安樂若衆僧和合用食無罪 若以衣施作房舍若以房舍施作飲食亦如是和白食用無罪 又寺中房舍多無人修治敗壞應留好者餘粗敗壞得賣為食用為護住處 薩婆多論云若自取欲盜五錢已上或欲盜一錢乃至四錢從始發足步步輕偷蘭乃至選檢取三錢已還得輕偷蘭四錢成重偷蘭 若遣使取他物當教時得輕偷蘭 若教取金乃取銀此比丘不得波羅夷以異教故得重偷蘭以先方便故 若受使人不隨教從此至彼受使比丘步步輕偷蘭教他比丘無罪 若盜僧物五錢已上得重偷蘭四錢以下得輕偷蘭而報

罪甚深若曳不離僧地得輕偷蘭 若舍屬一主物不異主若不離地未出家界步步輕偷蘭遮 取非人五錢已上重偷蘭遮若四錢以下輕偷蘭遮非人者天與畜生盡名非人

此戒大乘同制三賢以捨心為首六度以檀度為先其為菩薩者於己身命財尚行捨施以濟衆生豈可反盜他物而為已有若有犯此懺悔如上

**引證**首楞嚴經云世界六道衆生其心不

緣二

于

偷則不隨其生死相續偷心不除塵不可出縱有多智禪定現前如不斷偷必落邪道上品精靈中品妖魅下品邪人

**附考**善見律云婆帝利王時供養大塿有比丘從南方來彼有七肘黃衣置在肩上

入寺作禮是時王與大眾入寺驅逐諸人  
諸人衆多併疊一邊大眾鬪亂遂失衣不  
見而出比丘作捨心已後有比丘來見此  
衣作盜心取取已而生悔心我非沙門失  
我戒也時有律師名周羅須摩那善解律  
相最為第一<sup>謙</sup>一彼往至所師知此罪可救向  
罪比丘言汝能得物主來不我當安置汝  
罪答言云何能得律師言可次第寺寺而  
問彼受教已遂逢物主將至律師所問言  
此汝衣不答言是問何處失彼依事答問  
汝捨心不答已作捨心又問罪比丘汝何  
處取答某時某處律師言汝若無盜心取  
便無罪汝惡心作取得突吉羅罪語物主  
言汝已捨心以衣與此比丘答言善師又  
曰如是名為觀時觀處時者取時此衣有

時輕有時重若取輕即以輕時價直得罪  
若取重即以重時價直得罪又曰此語難  
解我今取人為證於海中間有一比丘得  
椰子殼端正具足得已刻如螺盤無異令  
人心戀比丘常以飲水以椰子盤置海中  
寺時有一比丘往海中寺而見椰殼盤以  
盜心取已復往支帝耶山用盤食粥盤主  
見已而問咄長老從何處得此盤也此非  
汝物是我許汝偷取也即捉到僧前衆中  
有一論師名瞿檀多極知方便問此比丘  
於何處取椰子盤答云海中間取又問云  
彼價直幾答言彼土噉此椰子餘殼棄破  
或然作薪都無價直問物主言作此椰子  
盤堪幾直答云削治作器堪一摩娑迦論  
師言若如是者不滿五摩娑迦不犯重罪



然雖不滿五分但直一錢者應作突吉截  
悔所以判斷盜戒時先應問明物之本處  
復問盜物之時然  
後定罪方得宜也

### 昆尼止持會集卷第二

#### 音義

#### 阿鼻地獄

阿鼻此云無間觀佛三昧經云  
阿言無鼻言救成論明五無間  
一趣果無間捨身生報故二受苦無間中  
無樂故三時無間定一劫故四命無間中  
不絕故五形無間如阿鼻縱廣八萬由旬  
一人多入皆徧滿故此五無間乃造五百  
業者報之婆沙論云此地獄有大有小大  
論繼那乃有其一獄然此地獄會同與五大  
獄有八一活二黑繩三合會同與五大  
獄喚六熱七大地熱八阿鼻獄如是大八地  
獄各有十六小地獄為眷屬八寒水八交  
火八炎火者一炭坑二沸屎三燒甘四紐  
林五刀道六鐵刺七鹹河八銅板入寒水  
者一小多有孔二無孔三阿鼻聲寒顛聲  
四阿婆婆息寒聲五眼膜亦患寒聲六滙  
波羅外逼作青蓮華色七波頭摩紅蓮華  
色八摩訶煩惱即百八煩惱也昏煩之法  
波頭摩訶煩惱即百八煩惱也昏煩之法  
耳鼻舌身意六根對色聲香味觸法六塵  
各有好惡平三種起苦受樂受不苦不樂  
受復成十八煩惱共成三十六種總成百  
去未來現在三世各有三十六種總成百

八煩他化自在天 謂假他所化以成已樂  
惱也 天按論云人間一千六百年為一天  
晝夜則人間五十七萬六千歲則談人  
一年若此則天壽十億六千萬歲則談人  
間九百二十一日壽十億六千萬歲則談人  
獄也 秦言無利故云無有喜樂無三魔一煩  
氣味無歡無利故云無有喜樂無三魔一煩  
亂心中一切妄念也修行之人為此妄惑惱  
蘊魔亦稱其中 二天魔此魔即欲界第  
六天攝也若人勤修勝善欲超越三界生  
死而此天魔為作障礙發起種種擾亂之  
事令行人不得成就出世善報是名天魔  
人為此死魔謂四大分散天喪頑強也行  
率天 故此天依空而居按論云人間四百  
年為此天一年 若此天壽四千歲則談人  
方為此天一年 若此天壽四千歲則談人

間五百七十億 故二地邪此云舊第二或云  
六百萬年矣 故二地邪此云舊第二或云  
本二謂捨俗出家無復妻名以其本如夢  
在俗時妻次故因名之為故二也 如夢  
所見 凡所有相皆釋子增一阿舍經云佛  
出家者無復本姓但言沙門釋子所以然  
者生由我生成由法成其猶四大河皆從  
阿耨達池出此方東晉安法師受業佛圖  
澄乃謂師莫遠佛宜道稱釋氏後斯經來

二六七

惡合聖意而道安法師乃印手菩薩一轉  
 也復有四句分別一釋子非沙門乃三  
 種也二是沙門非釋子婆羅門也三是沙  
 門是釋子比丘也四非沙門非釋子二賤  
 姓也  
**惡律儀** 謂法所不應作名曰惡律儀有  
 或以自食而常宰殺或因取利販賣而常  
 宰殺 二養雞謂回嗜其肉味以克口體  
 常自畜養意圖烹殺 三養猪謂或因自  
 欲克於口腹或因販賣求利以資其生而  
 畜養之 四捕鳥謂以殺心故網捕禽鳥  
 或食或賣傷害生命 五捕魚謂以殺心  
 故而用網罟取捕諸魚或食或賣傷害物  
 命 六獵師謂以殺心獵捕一切禽獸或  
 食或賣傷害物命 七作賊謂見一切物  
 常懷劫盜之心不思物各有主妄行攘竊  
 賊害於人 八魁贖乃為官操刀行刑之  
 人謂人本司罪彼雖犯法理因當死然習  
 為操刀之業以害其生實為惡行 九守  
 獄謂為獄吏守其牢獄以枉械枷鎖非理  
 凌虐罪囚無慈善心 十兇龍謂習諸邪  
 法兇術咒於龍蛇以為戲樂 十一屠犬  
 謂殺犬以資利養 十二伺獵謂作獵  
 主伺捕禽獸以利其生而自積罪業 **黃**  
**門** 梵語般吒阿是臺譯為閻人以無男根  
 故律有五種黃門謂生黃門形殘黃門  
 如黃門變黃門半黃門僧祇律云是不  
 能男有於六種一生謂從生不能男二捺  
 破謂妻妾生兒共相妬嫉小特捺破三到  
 却謂若王若大臣取人割却男根以備門

聞四因他謂因前入觸故身根生起五  
 謂因見他人行姪然後身根生起六半  
 謂牛月男牛月不聞音同陶師陶師乃  
 能男是謂六根 閻 陶師 陶師 陶師  
 家經音義云按西域地早濕檀尼迦或  
 不得為空但累坏器露地燒檀尼迦  
 迦或云但尼迦或云遠處或云陀尼  
 善見律云禮尼迦是名此比丘是及  
 子善能和泥作屋窗牖戶高悉是泥作  
 戶扇是木取柴薪牛屎及草以赤土汚塗  
 外燒之熱已赤色如火打之鳴矣 **摩竭國**  
 狀如鈴聲風吹窗牖猶如樂音 **摩竭國**  
 亦云摩竭提或云摩竭陀或云摩加陀此  
 翻善勝或有譯云摩者不也竭提至也  
 謀兵勇鄰敵不能侵至也又有云摩逾也  
 竭提聰慧之言聰慧之人適其國內又有  
 云摩者大也竭提體也謂五印度中此國  
 最大統攝諸國故名大體又云摩者無也  
 竭提善也言此國法不行刑戮其有犯死  
 罪者送至寒林耳又有釋云此言無惱又  
 言不善皆謂劫初已來無刑害故至瓦沙  
 王截指為刑後自醫指痛復息此邪佛當  
 生其地故吉兆預彰所 **瓶沙王** 此翻模實  
 以充置不害之名也 **瓶沙王** 身模充實  
 故又翻形牢亦云影堅影謂形影亦云影  
 勝又名頰婆娑羅此云顏色端正皆取本  
 分強壯妹好為義其形長大 **居士** 楊嚴云  
 性行雄猛常自躬為征戰 **居士** 愛談名  
 言清淨自居什師曰外國白衣多財富樂  
 者名為居士普門疏云以多積財貨居業

豈盛謂之居士耶康 **迦樓** 或作迦留或作  
 成曰透藝處士也 **迦樓** 迦羅迦羅泰言  
 黑此比丘是瓶沙王為大臣善知 **甕** 翁去  
 世法故佛問之然後隨國法結戒 **甕** 聲汲  
 水 **市肆** 古今注云肆陳也店置也肆所以  
 餅也肆亦列也謂 **長者** 謂年耆德艾事長  
 列其貨賄於市也 **長者** 於人又厚德自居  
 曰長者有十德一姓貴二位高三大富四  
 威猛五智深六年耆七行淨八禮備九上  
 歎 **十旁生** 禪二 梵語帝利耶瞿榆泥伽此云旁  
 下 **十旁生** 行此道衆生多覆身行 **畢陵**  
 云其形旁故其行亦旁又云因行不 **畢陵**  
 正受果報旁負天而行故云旁行 **畢陵**  
**伽婆蹉** 此云餘習每於恒河欲過即呼龍  
 已水復合之如是頻頻渡河常呼龍王為  
 小婢龍以所輕往白世尊佛教尊者與龍  
 求後勿輕呼至於正求悔時仍呼龍云  
 小婢我與求悔佛語龍云此非輕爾彼八  
 十億劫常為尊上今以餘習未盡故如是  
 實非為有意輕汝龍王聞佛所說由是無  
 瞋 **點** 了 能明了事 **天眼** 能見六道衆生死  
 及見一切世間內種種形色 **罕** 孫入  
 無有障礙故名天眼通非礙 **罕** 聲

樣三

三五

### 毘尼止持會集卷第三

謙三

#### 清金陵寶華山弘律沙門讀體集

#### 第三殺戒

殺者喪已本慈斷他命根最惡不良之事  
此是性罪縱未受佛戒世間法爾有罪國

制殺人會須償命若犯佛戒必墮三塗苦

嬰長劫非山非海中脫之不受報

若比丘故自手斷人命持刀與人歎譽死快

勸死咄男子用此惡活為寧死不生作如是

心思惟種種方便歎譽死快勸死是比丘波

羅夷不共住

**緣起**佛遊毘舍離獼猴江邊講堂中說不

淨觀歎不淨觀歎思惟不淨觀不淨觀亦名九想觀

此九種不淨觀法想念純無心不分散若  
得三昧成就自然貪欲除滅業消滅得  
證道果此之九想雖是假想作觀然用之  
能成大事譬如大海中死屍溺人附之即

得渡也 一胖脹想謂修行之人心想死  
屍見其胖脹如草盛風異於本相是為胖  
脹想 二青瘀想既觀胖脹已復觀死屍  
風吹日曝皮肉黃赤赤黑青腫是為青瘀  
想 三壞想既觀青瘀已復觀死屍風日  
所變皮肉裂壞六分破碎五臟腐敗臭穢  
流溢是為壞想 四血塗漫想既觀壞已  
復觀死屍從頭至足遍身膿血流溢污穢  
塗漫是為血塗漫想 五膿爛想既觀塗  
漫已復觀死屍身上九孔蟲膿流出皮肉  
壞爛狼藉在地臭氣轉增是為膿爛想  
六蟲噉想既觀膿爛已復觀死屍蟲蛆  
食鳥獸嚼噉既觀膿爛已復觀死屍為  
散想既觀噉噉已復觀死屍為禽獸所食  
分裂破散筋斷骨離頭足交橫是為散想  
八骨想既觀散已復觀死屍形骸暴露  
皮肉已盡但見白骨狼藉如貝如珂是為  
骨想 九燒想既觀骨已復觀死屍為火  
所燒爆裂烟臭白骨俱然新 比丘聞已習  
盡火滅同於灰土是為燒想 比丘聞已習

不淨觀厭患身命求刀欲自殺時有比丘

字勿力伽難提是沙門種出家言沙門種是姓手

執利刀入婆藪園有一比丘語言大德斷

我命來我以衣鉢與汝即受僱斷其命詣

江洗刀尋生悔恨時有天魔立水勸讚善

哉善男子汝今獲大功德度不度者時勿力伽難提悔心即滅復入園中殺諸比丘至六十人園中死屍狼藉居士驚怪譏嫌時佛觀眾減少知而故問阿難具白上事佛乃集眾告諸比丘有阿那般那三昧寂

然快樂諸不善法即能滅之永使不生

阿

般那此翻遣來遣去即十六特勝法門也法界次第初門云一知息入二知息出三知息長短四知息徧身五除諸身行並屬身念處觀六受喜七受樂八受諸心行此三屬受念處觀九心作喜十心作攝十一心作解脫此三屬心念處觀十二觀無常十三觀出散十四觀離欲十五觀滅十六觀棄捨此五并屬法念處觀又知入知出正依隨息為門得盡細住及欲界定則知長短入未到地則知徧身得初禪則除身行受喜受樂受諸心行得二禪則心作喜作攝得三禪則心作解脫得四禪則觀無常得空處則觀出散得識處則觀離欲得無所有時則能觀滅得非有想非無想時則觀棄捨此與根本四禪四定一往雖同觀行有別行人若於地地修觀照了則地地之中顛倒不起心不染著隨其因緣會處即於是地發真無漏證三乘果

說

是三昧已與諸比丘集十句義結戒凡為殺者並由癡故於事不忍內懷瞋恨斷他命根制斯學處

僧祇律云佛成道六年冬分第三半月九日食前為勿力伽難提制此戒

准此方正當九月二

十四日也

善見律云如來以天眼觀往昔有五百獵師共入阿蘭若處殺諸羣鹿以此為業墮三惡道受諸苦惱經久得出昔有微福得生人間出家為道宿殃未盡於半月中更

謀三

三

相殺害諸佛所不能救於此五百人中有四果聖眾生死有際有餘凡人輪轉無際是故為說不淨觀欲得生天上本不教死但不可以神力救護是故為說不淨觀已半月入於靜室唯聽一人送食勿使諸人

作如是言佛是一切智而不能斷諸弟子相殺以世尊入定無人得往說如此事耳薩婆多毘婆沙云佛一切智何故教諸比丘令得如是衰惱若不知者不名一切智答曰佛一切等教爾時不但六十人受不淨觀佛教法無有偏但受得利有多有少佛深知衆生根業始終必以此法因緣後得大利六十比丘迦葉佛所受不淨觀法不能專修多犯惡行命終入地獄中今佛出世罪畢得生人間墮下賤家出家入道以本緣故應受此法既命終已得生天上於天下來從佛聽法得獲道迹以是因緣佛無偏也

**釋義**文分二節故自手斷人命下正明所犯之事是比丘下結成所犯之罪律云人

者初識至後識而斷其命此識即第八阿賴耶識名曰識識能持一切善惡種子故喻如云此識最初於母腹托胎之時如磁石吸鐵是名初識乃至命將終時冷觸漸起准有此識能執持身此識若捨四大分散是名命終識所謂去後來先作主也是名後識又一切衆生皆以受煖識三色心相連不斷名為命根今使彼色心不相續名為命斷

薩婆多論云人中有三皈五戒波羅提木又戒故又沙門四果多在人中得佛與辟波羅夷餘道不得又則故字應貫下歎勸此正是作業之心顯非誤錯也吐殺者者是警策令知男子者是呼召之言

若自殺謂若以手若瓦石刀杖及餘物而自殺謙三若教殺謂殺時自看殺前人擲水四火中若山上推著谷底若使惡獸斃或使蛇螫及餘種種教殺若遣使殺謂比丘遣使斷某甲命隨語往斷若往來使者比丘遣使斷某甲命隨語往欲殺未得殺便還即承前教復往殺若重使殺謂比

丘遣使汝去斷某甲命續復遣使乃至四  
 五彼使即往殺 若展轉遣使殺謂比丘  
 遣使汝斷某甲命彼使復轉遣使若百若  
 千往斷其命 若求男子殺謂是中誰知  
 有如是人能用刀有方便久習學不恐怖  
 不退能斷某甲命彼使即往斷其命 若  
 教求男子殺亦如上教人求 若求持刀  
 人殺謂自求誰勇健能持刀斷某甲命彼  
 即往殺 若教求持刀人殺亦如上教人  
 求 若身現相謂身作相殺令墮水火中  
 從山上墮谷底令象踰殺令惡獸毒蛇噉  
 螫彼因此現身故自殺 若口說 即正制  
中歎譽  
死快勸  
死也 或作是說汝所作惡無仁慈懷毒  
 意不作眾善行汝不作救護汝生便受罪  
 多不如死 此以作惡業  
多而歎勸死 若復作如是語汝

謙三

五

不作惡暴有仁慈不懷毒意汝已作眾善  
 行汝已作功德汝已作救護汝生便受眾  
 苦若死當生天因此言故便自殺 此以作  
善業多  
而歎  
勸死 身口現相者亦如是 若遣書殺謂  
 執書言汝所作善惡如是廣說如上 遣  
 使書殺者亦如上說 若坑陷謂審知彼  
 所行道必從是來往當於道中鑿深坑著  
 火若刀若毒蛇若尖杙若以毒塗刺令墮  
 坑中死 若倚發謂知彼人必當倚發彼  
 處若樹若牆若柵於彼外若著火若刀若  
 杙若毒蛇若毒塗刺機發使墮中死 若  
 與藥謂知彼人病與非藥或雜毒或過限  
 與種種藥使死 若安殺具謂先知彼人  
 本來厭患身命惡賤此身即持刀毒若繩  
 及餘死具置之於前若彼用一一物自殺

即正制中  
持刀與人

**結罪**是中犯者若作如是自殺乃至安殺

具及餘方便殺人死者一切波羅夷 方

便不死一切偷蘭遮

若天龍八部鬼神及與畜生中有智解人

語者若復有能變形者方便求殺死者盡

偷蘭遮 方便不死盡突吉羅

畜生不能變形若殺波逸提 方便不死

突吉羅實人人想殺波羅夷人疑殺偷蘭

遮 非人非人想非人人想非人疑皆偷

蘭遮

第四分云若衆多比丘遣一人斷他命一

切波羅夷 若比丘咒藥咒華鬘咒熏香

衣服咒死盡波羅夷 方便墮他胎波羅

夷母死兒活無犯但得偷蘭遮

三

六

所起殺心  
不因其母

本在其兒兒活得  
偷蘭遮母死無犯此戒具足四緣方成本

罪一是人二是人想三有殺害心四令命

斷如緣闕一律制有開

**兼制**比丘尼波羅夷此同制  
同學戒式又摩那沙

彌沙彌尼突吉羅滅擯是為犯

**隨開**不犯者若擲刀杖瓦石誤著彼身死

若營事作房誤墮墜石材木椽柱殺人若

重病人扶起若扶卧浴時服藥時從涼處

至熱處熱處至涼處出入房向廁往返一

切無惡心而死及最初未制戒癡狂心亂

痛惱所纏是為不犯

**會採**僧祇律云用刀治愛處偷蘭遮愛處  
者難

殺道各  
四指若比丘在道經行有先怨嫌人

來問道便作念我今得是人便當示指令

死使無一活便指示惡道若王難若師子



虎狼毒螫等惡道指示時得越毘尼罪若受苦痛時得偷蘭遮罪若死波羅夷

五分律云入母胎後四十九日名為似人

過此盡名為人若似人若人殺者盡波羅

夷似人者謂托母胎初得二根始處緣時父母精合自識處中得身命二根過七

七日六根具足成人形相故曰似人若作書令彼殺字字偷

蘭遮書至彼彼因是死波羅夷 若作相

似語教人殺彼因此死波羅夷 凡發殺

心時突吉羅作方便時偷蘭遮死者波羅

夷 有二比丘相瞋後共道行於路相打

一人遂死佛言無殺心不犯重瞋打比丘

波逸提從今不聽相瞋未悔者共道行犯

者突吉羅 欲殺彼而悞殺此偷蘭遮

十誦律云若為人作坑桁菴羅等人因是

死波羅夷若不即死後因是死亦波羅夷

後不因死偷蘭遮 若為非人作非人死

者偷蘭遮人死畜生死皆突吉羅此因殺心結罪

初舉念不在人畜故若為畜生作畜生死者波逸提

人非人死皆突吉羅此突吉羅罪此從殺心作坑而非非因人

非人而得也若不定一事作諸有來者皆令

死人死波羅夷非人死偷蘭遮畜生死波

逸提都無死一偷蘭遮二突吉羅 自斷

陰偷蘭遮自斷指突吉羅 殺化人偷蘭

遮 殺心打人不死偷蘭遮 看病久生

厭心置令死偷蘭遮 令趣得藥食便服

死者偷蘭遮 破未熟癰瘡死者偷蘭遮

破熟癰無罪

摩得勒伽云欲殺凡人誤殺羅漢欲殺羅

漢誤殺凡人欲殺父誤殺母欲殺母誤殺

父皆偷蘭遮不得逆重殺盜二戒論心成罪不論事重今於

所欲殺者事猶未遂故結方便然若先作所誤殺者實無殺心故不得重罪若先作殺母方便已而自後死母先死重逆自先死後母死偷蘭遮父羅漢亦如是

律攝云若方便遣殺他人後起悔心不欲

其死前人雖死但得宰吐羅八或於寒夜

露地令凍人女人男作有命想因茲致死

他勝罪 看病比丘情生勞倦或作惡念

望彼資財或出忿言任汝死去我不能看

因致死者得麤罪現有宜食與不宜者看

病之人亦得麤罪 見他苾芻病將欲死

自己衣鉢更不修治彼若身亡所有衣資

我當合得此乃旃荼羅意得越法罪 若

口疾行刀刺者宰吐羅罪無醫可求刺之

無犯 若患痔之人不應割截應將藥咒

方便蠲除 若見有情或被水漂或時渴

逼不手接不與水見其欲死有餘方便堪得相濟而不救者或雖不願死作捨受心彼若終並得麤罪 苾芻自打生支佛言理應打此翻更打餘無智比丘是得惡作罪

薩婆多論云若教一人殺彼人而受使者

更使異人如是展轉乃至十人最後人殺

時盡得波羅夷 若比丘善知星曆陰陽

龜易解國興衰軍馬形勢若以比丘語故

征統異國有所殺害兼得財寶皆得殺盜

二波羅夷九 若以刀杖欲殺故或杖打刀

刺不尋手死十日應死後更異人打即尋

杖死打死比丘得波羅夷先打比丘得重

偷蘭遮

善見律云若比丘有殺心掘地作坑令某

甲墮中死初掘出地得突吉羅罪若墮坑

受苦得偷蘭遮罪若死得波羅夷罪若餘

人墮死者比丘無罪以作坑時唯在某甲

墮中皆攝若為一切作坑人墮死波羅夷

誤傷故聞若父母墮死波羅夷逆罪 若坑深有人

擔食糧落坑中不即死後取食盡必定死

無有出期初落坑作坑者已得波羅夷

若作坑本擬殺人人不來而自誤墮坑死

初作坑時得突吉羅罪 若供養時有怨

家比丘在眾中坐為闇所蔽而不知來作

是言此某甲賊何不殺之毒蛇何不螫之

人何不毒藥之我意極樂彼人死作如是

咒悉得突吉羅罪 若知來坐去已作如

是咒亦得突吉羅罪

此戒大乘同制菩薩四弘度生為首大乘

木又殺戒居先應起常住慈悲心方便利  
濟非若聲聞自利是以尤當更嚴犯懺如  
上

**引證**首楞嚴經云又諸世界六道眾生其

心不殺則不隨其生死相續殺心不除塵

不可出縱有多智禪定現前如不斷殺必

落神道上品之人為大力鬼中品則為飛

行夜叉

善見律云比丘病極困諸比丘見彼病重

以慈悲心而唱言長老長老持戒具足因

畏死故而受今苦長老若死可必定生天

病比丘聞語而念言諸比丘皆讚我持戒

具足死必生天而不食取死讚者得波羅

夷是故有智慧比丘往看病人慎勿讚死

正可說言長老持戒具足莫戀著住處及

諸衣物知識但存念三寶及念身不淨三界中慎莫懈怠隨壽命長短若此病比丘因語而死如是因說法死無罪或說苦空無常不淨觀人聞此而自取死不犯

#### 第四妄語戒

妄語者斯乃大妄未證謂證未得謂得心行不真欺貪利養修行分中最不善事此是性業設使不受佛戒詐偽謀財世間法爾有罪但犯佛戒妄言證聖墮三惡道

若比丘實無所知自稱言我得上人法我已入聖智勝法我知是我見是彼於異時若問若不問欲自清淨故作是說我實不知不見言知言見虛誑妄語除增上慢是比丘波羅夷不共住

**緣起**此戒有二制時佛遊廣嚴城獼猴江

十一

邊重閣講堂時世穀貴人民饑餓乞食難得世尊告諸比丘汝等有同和尚同師隨親厚知識各共於此毘舍離左右隨所宜安居我亦當於此處安居何以故飲食難得念眾疲苦時諸比丘如佛教命各散隨宜有婆裘河邊僧伽藍中安居者向諸居士自說我得上人法並讚歎彼某甲比丘亦得上人法而諸居士信其言說即以飲食供養不為飲食所苦安居既竟往見世尊佛慰問已具以上事白佛佛言汝等癡人有實尚不應向人說况復無實而向人說世尊告諸比丘世有二賊一者實非淨行自稱淨行二者為口腹故不真實非已有在大眾中故作妄說自稱言得上人法是中第二是最上大賊何以故以盜受人

飲食故以無數方便訶責已與諸比丘集  
 十句義結戒此初制也此由癡故因求利  
 養事及求利養煩惱制斯學處 爾時有  
 一增上慢比丘語人言我得道彼於異時  
 精進不懈勤求方便證最上勝法聞佛結  
 戒已自疑有犯語諸比丘白佛佛言除增  
 上慢者不犯是第二制僧祇律云佛成道  
 六年冬分第四半月十三日食後制戒此方  
 正當十月  
 十二日也

**釋義**文分四節實無所知下正明所犯之  
 事彼於異時下是欲清淨發露之詞除增  
 上慢是無罪開條是比丘下結成所犯之  
 罪律云不知不見者實無所知自稱者自  
 稱說有戒施聞智慧辯才人法者人陰五  
 人入六人界十八上人法者諸法能出要十二

成就自言念在身自言正憶念自言持戒  
 自言有欲自言不放逸自言精進自言得  
 定自言得正受自言有道自言修自言有  
 慧自言見自言得果 自言念在身者有  
 念能令人出離狎習親附此法修習增廣  
 如調伏乘守護觀察善得平等已得決定  
 無復艱難而得自在 自言正憶念者有  
 念能令人出離等如上說是為自言正憶  
 念 自言持戒自言有欲自言不放逸自  
 言精進亦如上說 自言得定得正受者  
 有覺有觀三昧無覺有觀三昧無覺無觀  
 三昧空無相無作三昧狎習親附思惟此  
 定正受餘如上說 自言有道者從一支  
 道乃至十一支道狎習親附思惟此道餘  
 如上說 自言修者修戒定慧解脫狎習

親附餘如上說 自言有智者法智比智  
等智他心智狎習親附思惟此智餘如上

說 自言見者見苦集滅道若復作如是  
言天眼清淨觀諸衆生生者死者善趣惡  
趣知有好醜貴賤隨衆生業報如實知之

狎習等如上說 兼三 自言得者得須陀洹斯

陀舍阿那含向狎習親附餘如上說 自  
言果者須陀洹乃至阿羅漢果狎習等如

上說故云我已入聖智勝法我知是我見  
是也彼於異時若問若不問等者 律攝云

言但令犯戒設不自說已得本罪餘人於  
彼但可生疑未得即作不共住事是故須  
有異時等言若問者被他清淨有智比丘  
而來檢問汝言得上人法已入聖智勝法  
已知見者汝以何法得從誰得於何處得  
得時爲云何如是檢問方答云我實不知  
不見而言知見是虛誑妄語若不  
問自生慚愧欲求清淨亦如是說 除增上  
慢者 由其原無虛誑之心是故不攝妄語  
罪彼因在阿練若修習止觀暫得成

就降伏煩惱自謂永斷後遊人間不攝諸  
根煩惱更起大生慚愧勤求方便精進不  
怠證阿羅漢果斯時  
稀有如是增上慢者

**結罪**是中犯者若比丘如是虛而不實不  
知不見向人說言我得上人法前人知者  
波羅夷 說而不知者偷蘭遮

若遣手印若遣使若書若作知相他若知  
者盡波羅夷若不知者盡偷蘭遮

若自在靜處作不靜想若不靜處作靜想  
口自說我得上人法偷蘭遮

向天龍神鬼及能變形有智畜生說得上  
人法偷蘭遮說而不知者突吉羅 畜生

不能變形者向說得上人法突吉羅

若人實得道向不同意大比丘說得上人  
法突吉羅 若爲人說根力覺意解脫三

昧正受我得是波羅夷

人作人想說本罪人疑人非人想非人人  
想非人疑盡偷蘭遮 此戒具足六緣方  
成本罪一實無所知二所說是上人法三  
有故妄語心四所對是人五是人想六前  
人領解若緣不具律制有開

**兼制**比丘尼波羅夷此同制 十四式又摩那沙

彌沙彌尼突吉羅滅擯是為犯

**隨開**不犯者向同意比丘說上人法若向  
人說根力覺意解脫三昧正受不自稱言  
我得若戲笑說或疾疾說屏處獨說夢中  
說欲說此錯說彼及最初未制戒癡狂心  
亂痛惱所纏是為不犯

**會採**僧祇律云若說義不說味得偷蘭遮  
謂自稱說我不稱羅漢 若說味不說義  
得越毘尼罪謂稱說羅漢不自稱說我

若說義說味得波羅夷謂自稱說我是阿  
羅漢 若不說義不說味得越毘尼罪謂  
作阿羅漢相或合眼以手指語前人言汝  
愚癡人不知其尊譬如優曇鉢華時一出  
而不知貴

五分律云有八種得波羅夷罪一者先作  
是念我當虛妄說過人法通人也二者當

說時作是念我今虛妄說過人法三者  
作是念我已虛妄說過人法四者異見  
說得過人法異即不見也五者異想說得過人

法六者異忍說得過人法異忍即未證也七者異

樂說得過人法異樂謂未得真法樂言得八者不隨問

答說得過人法即自說也皆得波羅夷 又云

寧敢燒石吞燂銅不以虛妄食人信施世  
間有五大賊一者作百人千人主破城聚

落害人取物二者有惡比丘將諸比丘遊行人間邪命說法三者有惡比丘於佛所說法自稱是我所造四者有惡比丘不修梵行自言我修梵行五者有惡比丘為利養故空無過人法自稱我得此第五賊名

為一切世間天人魔梵沙門婆羅門中之最大賊 又云為利養故種種讚歎他戒定慧解脫解脫知見成就而密以自美偷蘭遮 為利養故坐起行立言語安庠以此現得道相欲令人知偷蘭遮

十誦律云有人問比丘言汝是阿羅漢不若默然者偷蘭遮應言我非阿羅漢 薩婆多毘婆沙云自言持戒清淨媯欲不起若不實者偷蘭遮 無所誦習而言我有誦習悉偷蘭遮

誦習者非經律論師自  
言經律論師非坐禪住

阿蘭若  
自言是 摩得勤伽云若言我不墮三塗偷蘭遮 言我已離結使煩惱波羅夷 向聾人瘖人聾瘖人入定人說偷蘭遮 若問得果不答言得而示以手中果偷蘭遮

律攝云苾芻顯勝法在已云有苾芻得如是等勝妙之事然不自言是我者並率吐羅罪

善見律云我欲入聚落乞食著衣持鉢現聖利相乃至食竟悉突吉羅罪若得利養

若不得利養悉突吉羅罪 謙三 若有阿練若

比丘立制坐此樹下此處經行者得阿羅漢我等應以香華供養有惡比丘欲得此供養往坐行者犯波羅夷 若有白衣作寺入我寺者是阿羅漢有惡比丘入此寺



者犯波羅夷 若衆僧立制於夏三月中  
莫語莫眠莫受檀越供養如是非法制不  
從不犯

此戒大乘同制菩薩以直心是道場不妄  
不誑真語實語若有利益善巧攝生方便  
有開設因利養有犯懺悔如上

**引證**根本律云芭蕉若結子竹箠生其實  
如騾懷妊時斯皆還自害利養及名譽愚  
人所愛樂能壞衆善法如劔斬人頭

首楞嚴經云如是世界六道衆生雖則身  
心無殺盜淫三行已圓若大妄語即三摩  
提不得清淨成愛見魔失如來種所謂未  
得謂得未證言證或求世間尊勝第一謂  
前人言我今已得須陀洹果乃至羅漢道  
辟支佛乘十地地前諸位菩薩求彼禮懺

卷三

十七

貪其供養是一顛迦銷滅佛種如人以刀  
斷多羅木永殞善根無復知見沈三苦海  
不成三昧

涅槃經云一切衆生雖有佛性要因持戒  
然後乃見因見佛性得成阿耨多羅三藐  
三菩提若有說言佛說一切衆生悉有佛  
性煩惱覆故不知不見是故應當勤修方  
便斷壞煩惱作是說者當知不犯四重若  
有說言我已成就阿耨多羅三藐三菩提  
何以故以有佛性故有佛性者必定成阿  
耨多羅三藐三菩提以是因緣我今已得  
成就菩提當知是人犯波羅夷何以故雖  
有佛性以未修習諸善方便是故未見以  
未見故不能得成菩提

第四分云死人有五不好一不淨二臭三

有恐畏四令人恐畏惡鬼得便五惡獸非人所住處犯戒人亦如是一身口意業不淨二惡聲流布三諸善比丘畏避四諸善比丘見之生惡心言我云何乃見如是惡人五與不善人共住 又破戒有五過失

一自害二為智者所訶三惡名流布四臨終時生悔五死墮惡道 復有五事一先所未得物不能得二既得不護三隨所在眾中有愧恥四無數由旬內人稱說其惡五死墮惡道 有五法名為大賊長壽作大罪不被繫縛何等五若住無定處有好伴若多刀杖若大富多財寶有捉者賂之若有大人親友或依止王及大臣有捉者護之若於遠處作賊而還破戒比丘亦有五法多作眾罪不速為他所舉若住無定

處有伴黨若多聞能憶持初中下言悉善有文有義具說淨行而不能善心思惟深入正見若能得四事供養有舉者賂之若有大人為親厚或上座及次座有舉者護之若在空中野中住來至大家求覓利養是為五法同彼大賊

善見律云一切作諸惡法無人不知初作者護身神見次知他心天人知如此之人天神俱見是故大叫喚展轉相承傳至梵天置無色界餘者悉聞優婆塞五戒相經

三

六

云佛告比丘吾有二身生身戒身若善男子為吾生身起七寶塿至於梵天若人虧之其罪尚有可悔虧吾戒身其罪無量

附考律攝云何故初三他勝先姪後殺逆次而說不如餘處殺盜姪妄而為次第比

依犯緣前後而說又依由前引生後故由  
不淨行便行偷盜既行盜已遂殺怨家殺  
已問時便作妄語又復煩惱最強盛者在  
前而制此四他勝其相云何謂無厭離不  
忍不證然無厭離最強盛者立為初二一  
於媼欲二於資財不忍故行殺不證故妄  
語

薩婆多毘婆沙云初破一戒已毀破受道  
器名波羅夷後更殺人得突吉羅實罪雖  
重無波羅夷名以更無道器可破故

波羅夷  
法克

二僧伽婆尸沙法 共有十三條十誦律云  
僧伽婆尸沙者是罪屬僧僧中有殘因眾  
僧前悔過得滅是名僧伽婆尸沙  
根本律云僧伽者若犯此罪應依僧伽而

行其法及依僧伽而得出罪伐尸沙者是  
餘殘義若於四事隨犯其一無有餘殘不  
得共住此十三法有餘殘可治故名僧殘  
毘尼母云僧殘者如人為他所斫殘有咽  
喉名之為殘如二人共入陣間一為他所

害命絕二為他所害命根少在不斷若得  
好醫良藥可得除瘡若無者不可瘡也犯  
僧殘者亦復如有少可懺悔之理若得  
清淨大眾為如法說懺悔除罪之法此罪  
可除若無清淨大眾不可除滅是名僧殘  
經云犯僧伽婆尸沙如化樂天壽八千歲  
墮泥犁中人間八百年  
為天一晝夜於人間數二十三  
萬零四百萬年此泥犁即大叫喚地獄謂  
獄卒置罪人鐵鑊中號咷大叫故  
第一故弄失精戒

若比丘故弄陰失精除夢中僧伽婆尸沙

**緣起**此戒有二制時佛遊舍衛城迦留陀

夷欲熾盛顏色憔悴身體損瘦隨念憶

想弄失不淨諸根悅豫顏色光澤親友比

丘問知其故具白世尊世尊以此因緣集

僧訶責迦留云何於我清淨法中出家作

穢汚行汝愚人舒手受人信施復以此手

弄陰出精與諸比丘集十句義結戒一攝

取於僧乃至第十令正法久住此是初制

也時佛結戒已有一比丘亂意睡眠於夢

中失精有憶念覺已疑犯因是白佛佛言

亂意睡眠有五過失一惡夢二諸天不護

三心不入法四不思惟明相五於夢中失

精善意睡眠有五功德反上可知故有除

夢中無犯第二結戒也由癡無智故依姪

事及姪煩惱制斯學處乃初篇姪根本種

類

**釋義**文分三節故弄等正明所犯之事除

夢中是開條僧伽等結成所犯之罪律云

故弄者實心故作精者有七種青色者轉

輪聖王精黃色者輪王太子精赤色者犯

女色多精白色者負重人精黑色者輪王

第一大臣精酪色者須陀洹人精酪漿色

者斯陀舍人精若為樂故出精為自試故

出為福德故出自試者試探已精七種之

弄出謙三為祭祀故出為生天故出為布施故

出爾時一婆羅門居閑靜處誦持外道咒

術彼經所記若故墮精者命終生天彼

欲求天道常弄陰失精時有一婆羅門出

家為道者聞如是說即更弄失佛知故割

有此系祀生天為種子故為自憍恣故為

顏色和悅故出精善見云精離本處本處

者以腰為處又云不然

率體有精唯除髮爪及燥乃無精若精離本處至道不至道及出乃至飽一繩即犯除夢中者善見律云惟除夢中者佛結戒制身業不制意業是以夢中無罪僧祇律云夢者虛妄不實若夢真實於我法中修梵行者無有解脫以一切夢皆不真實是故諸修行者於我法中得盡苦際

**結罪**是中犯者若為樂故為自試故乃至為自憍恣故為顏色和悅故如是一切方便弄失者盡僧殘 不失者盡偷蘭遮 若比丘教比丘方便弄失者偷蘭遮 不失突吉羅 若教餘人弄失不失一切突吉羅

第四分云若女人捉比丘前彼動身失不淨僧殘不動身失不淨突吉羅捉後亦如是捉足禮亦如是 若以男根逆水順水或水灑或逆風順風或口嚔或空中想身動失不淨皆僧殘 此戒具四緣方成本

罪 一於九種發心中必有其一二要不

作道想三於六種境隨用其一故弄四於

七種精中隨失一種若四闕一律有開條

**兼制**比丘尼波逸提式又摩那沙彌沙彌

尼突吉羅薩婆多論云比丘尼犯波逸提者一為令二眾有差別故又女人煩惱深重難拘難制若與制重則罪惱

衆生又女人要在私屏多緣多力苦乃出精不同男子隨事能出故所同制不同學也

若比丘尼教比丘失者偷蘭遮 不失突

吉羅是為犯

**隨開**不犯者夢中失覺已恐汚身汚衣牀

褥若以弊物盛棄若以手捺棄若欲想出

不淨若見好色不觸失不淨若行時自觸

兩胫若衣觸若大便時若冷水煖水洗浴

若浴室中揩摩若大啼哭用力時一切不

作失不淨想及最初未制戒等是為不犯

會採僧祇律云若於諸煖處煖具身觸若  
向火向日欲令出者僧殘 若道中行姪  
心自起而失不淨者是應責心行時故作  
方便令出者僧殘如行住坐卧亦如是  
若三在空閑處住見有禽獸交會見已欲

心起失不淨者是應責心若復為受樂故

更方便逐看欲令出者僧殘 若見男

女裸形欲心起失不淨者是應責心若為

樂故逐看令出者僧殘

根本律云若苾芻量生支作心受樂因而

泄精者得窶吐羅底 若不泄者得惡作

罪 寧以手執可畏黑蛇不以染心捉生

支 若以染心觀視生支得惡作罪

五分律云眠時出不淨覺時發心身動偷

蘭遮 眠時身動覺時發出不淨突吉羅

兼三

三

散亂心眠突吉羅 憶行姪事突吉羅

律攝云覺為方便夢中流泄或復翻此作

心受樂或前興方便後乃息心或作方便

其精欲動即便攝念皆得麤罪

此戒大乘同制梵網經云寧以利斧斬斫

其身終不以此破戒之心貪著好觸菩薩

戒本經云起五蓋心不開覺者是名為犯

衆多犯是犯染汚起也

**引證**大涅槃經云應於姪欲生臭穢想乃

至不生一念淨想若夢行姪寤應生悔

善見律云亂意睡眠者以不定意故若白

日眠先念某時某時當起如修多羅中說

佛告諸比丘若汝洗浴竟欲眠當作是念

我髮未燥當起若如是眠善若夜亦應知

時月至某處當起若無月星至某處當起

當念佛為初此謂六念法今但言佛餘五攝中 十善法中

一一法中隨心所念然後眠

**附考**根本律云非離欲人有五因緣令生支起謂大小便通或風所動或為嗚徵加蟲所齧或由染污心若離欲人但有其四無後應知

第二女身相觸戒

若比丘婬欲意與女人身相觸若捉手若捉髮若觸一身分者僧伽婆尸沙

**緣起**佛在舍衛國迦留陀夷因聞佛制戒

不弄陰墮精便伺婦女至房捫摸嗚口其樂者笑彼所作其不樂者瞋恚罵詈諸比丘白佛佛乃結戒由癡覆故因婬煩惱制斯學處乃初篇婬根本種類

**釋義**文分二節婬欲意下明所犯之事若

觸一一分下結成所犯之罪律云婬欲

意者愛染污心根本律云有是染心而非有或俱無云何是染非纏謂有染心非極染心現在前時云何是纏非染謂心緣外境有所繫著未起染心云何染纏供有謂有染心極染心貪求前境心有繫著云何染纏俱無謂除前相故 女人者堪行欲境身者

從髮至足身相觸者摩身前後若牽近於前若推却於後若從下至上逆摩若從上至下順摩若坐捉舉於上若立捉今下坐若捉前後及捉乳捉髀若摩捺前後及乳髀等

**結罪**是中犯者若比丘與女人身相觸欲

心染着受觸樂一觸一僧殘隨觸多少皆僧殘 女作女想以身相觸欲心染着不受樂動身 若染着受樂不動身皆偷蘭

遮此皆無衣漏相觸也 若女作女想以身觸彼衣具

欲心染着受樂 若染着不受樂皆偷蘭

遮 若以身觸女衣具欲心染着動身不

受樂若欲染不動身受樂皆偷蘭遮 此比丘無

衣隔女有衣隔也

若女作女想以身衣觸彼身衣欲心染着

受觸樂若不受樂 若不受樂動身若受

樂不動身 若不受樂不動身但有欲心

染着一切突吉羅 此比丘與女皆有衣隔也

若女作女想女人捫摸比丘身身相觸欲

意染着受觸樂乃至捉捺一一皆僧殘

若女作女想女人以身衣具觸比丘身欲

心染着受樂不受樂動身不動身等得罪

一一如上

若天龍鬼神女及畜生女能變形者身相

觸偷蘭遮 畜生不能變形者身相觸突

吉羅若男子身相觸突吉羅 若二形身

相觸偷蘭遮

若女人作禮捉足覺觸樂不動身突吉羅

西域凡鴛信男女若禮佛及僧皆以雙手捉摩其足以表至敬東土此禮少行若

比丘有欲心觸衣鉢尼師壇鉞筒草秸乃

至自觸身一切突吉羅若女人女人想僧

殘 人女疑 人女非人女想 非人女

作人女想 非人女生疑皆偷蘭遮

第四分云若作女想與男身相觸作男想

與女人身相觸皆偷蘭遮 此女餘女想

餘女此女想身相觸皆僧殘 隨女人所

倚處比丘以欲心動之皆偷蘭遮 此戒

具五緣方成本罪一起欲心染着二是人

中婦女三人婦女想四須觸摩受樂五必

二俱無衣若緣少一罪結方便



**兼制比丘尼波羅夷**此是同制別學比丘尼本戒攝八波羅夷

之第五戒也式叉摩那沙彌沙彌尼突吉羅

**隨開**不犯者若有所取與相觸若相解時

相觸及最初未制戒等是為不犯

**會採僧祇律**云若女人急捉比丘者比丘

正念住若心有異合麤厚衣捉者偷蘭遮

若輒薄衣被合捉者僧殘 若比丘入

城時若王出若大會日多人出入比丘當

住伺人小稀然後乃入若隨多人男女共

入者非威儀乃至有欲心觸僧殘 若比

丘乞食時有端正女人持食與比丘比丘

見女人起欲想者應放鉢著地令餘人受

若女人持食與比丘若女人一手過食

一手承鉢底者非威儀若有欲心乃至觸

僧殘 若比丘狹道巷中與女人相逢比

丘應住待女人過若競行者非威儀若有

欲心乃至觸僧殘 若女人落水求救者

作地想捉出不犯若竹木繩牽出不犯若

言知汝雖苦當任宿命者無犯

十誦律云女人為水所漂應救雖姪心起

但捉一處莫故到岸不應更觸更觸得罪

若繡畫女木女故觸突吉羅僧祇制嚴

譏嫌今臨未運宜當違奉十誦雖開由其

慈悲濟物果能憐愍可以依行事一心殊

自量善見律云女人打比丘比丘以欲心喜受

突吉羅 若有力女人捉比丘若眾多女

人共捉不受樂無犯此是梵行難也

律攝云若母來抱若女坐懷中若於迳路

口觸女唇皆無犯 五種旁生可憑渡河

象馬特牛水牛犛牛若特牛旁生不應憑

渡

此戒大乘同制如上

**引證**戒因緣經云阿難為摩鄧伽咒所惑

不犯謂邪咒所迷心無欲染

阿舍經云時佛在人間遊行見火聚熾然

告諸比丘若使有人捉彼火捫摸鳴之即

燒其皮肉筋骨消盡若復有人捉四姓之

女捫摸鳴之此二事何者為善諸比丘言

捉彼等女鳴之是事為善若捉火即燒爛

皮骨消盡得大苦痛不可堪耐佛言寧捉

火鳴乃至筋骨消盡何以故不以此因緣

墮三惡道若非沙門自言沙門乃至覆處

作罪內空腐爛外現完淨不消信施墮三

惡道長夜受苦是故當持淨戒受人信施

一切所須能令施主得大果報所為出家

作沙門亦得成就

**附考**僧祇律云若比丘坐時女人來禮足

若起欲心當正身住應語言小遠住禮若

女人篤信卒來接足者應自嚙舌令痛不

令覺女人細滑又云若女人索水者不應

自捉罐澆女手應以器盛與若無器令淨

人與若無淨人應持罐著牀几上令其自

取

毘尼止持會集卷第三

音義

獼猴江梵語麼迦吒此云獼猴賀運獸此在毘舍離宮城外約五六里巷羅女園

婆側是昔獼猴羣集為佛穿作此池也

裘河或云婆裘沫河或云跋求河又云跋求摩河正梵音名跋窣末底此翻勝

慧勿力伽難提應云窣利伽羅此云鹿難提亦云喜總言之名鹿喜

如沙門形剃頭留少許周羅髮著壞色衣

一以覆身一以置肩入寺依止比丘拾  
 取殘食以自活命因此諸比丘儻彼行殺  
 螻音釋也 躡音踏也 杖音亦操也 杖決其  
 傷而倚發依者依也謂行音街屋 涼強去  
 元於道以龜易龜謂灼龜易謂卜易 拈茶  
 拈鳥獸也 羅此翻者乃百城最鄙賤之流不與四  
 羅姓同居者彼黨類共住凡入城邑手持  
 竹杖挂以赤幟 狎音洽親近也 辯才  
 而別其鄙賤也 狎音洽親近也 辯才  
 辯才亦名四無礙智由其智慧明了通達  
 無滯故一義無礙辯才謂了知一切諸法  
 義理故二義無礙辯才謂通達諸法名  
 字分別無滯故三辭無礙辯才謂於諸  
 法名字義理隨順一切衆生殊方異語為  
 其演說能令各各得解辨說無滯故四  
 樂說無礙辯才謂隨順一切衆生根  
 性所樂聞法而為說之圓融無滯故五陰  
 陰者蓋覆義又名五蘊蘊者積聚義謂積  
 聚有為蓋覆真性故衆生由此五法積聚  
 成身復因此身積聚有為煩惱等法能受  
 無量生死一色陰名即質礙之義眼耳等  
 六根和合積聚故名爲色 二受陰受即  
 領納之義謂六識與六塵相應而成六想  
 積聚故名受陰 三想陰想即思想之義  
 謂六識與六塵相應而成六想和合積聚  
 故名想陰 四行陰行即遷流造作之義  
 謂因六識思想諸塵造作善惡諸行和合

積聚故名行陰 五識陰識即了別之義  
 謂以眼耳等六種之識於諸塵境上照了  
 分別和合積陰六入鼻舌身意六根爲眼耳  
 等六識所依能入色聲香 十八界分爲衆  
 生心色俱迷故開色爲十一界謂五根六  
 塵開心爲七界謂眼等六識及意根皆屬  
 於心故開 得定 三解脫門也 有覺有觀三  
 昧 謂初心在禪曰覺細心分別禪味曰觀  
 以空無相無作相應心入於初禪則一  
 切覺觀皆悉正直故 無覺有觀三昧 謂以  
 名有覺有觀三昧 無覺有觀三昧 謂以  
 相無作相應心將入二禪之時覺知之心  
 已亡分別禪味之念猶在一切定觀皆悉  
 正直故名無覺無觀三昧 謂以空無相  
 覺有觀三昧 無覺無觀三昧 謂以空無相  
 入於二禪之念俱亡故名無覺無觀三昧  
 別禪味之念俱亡故名無覺無觀三昧  
 無相無作 即三解脫門也 謂觀一切法皆  
 所若能如是通達則於諸法而得自在故  
 名空解脫門 既知一切法空故觀男女一  
 異等相實不可得若能如是通達諸法無  
 相即得自在故名無相解脫門 若一切法  
 無相則於三界無所願求若無願求則不  
 造作生死之業即無果報之苦而得自在  
 故名無作解脫門 正受 離邪倒想領納所  
 亦名無願解脫門 正受 離邪倒想領納所

不受諸受**法智**法智者知現在法名是名法  
 名為正受**法智**法智現在法謂五陰等名別  
 自**比智**比智者知餘殘法名曰比智餘謂  
 相**比智**過去未來諸法次現在法後知故  
 名**比智**所以者何先**等智**等智者亦名世  
 現知已然後比知**等智**俗智知諸有情  
 修行差別及知諸**他心智**他心智者知  
 名字等異故名**等智****他心智**諸眾生心  
 所法無所滯礙**苦集滅道**乃四諦法界  
 故名他**心智**次第云此四通

言論者諱以書實為義此四諦法正為聲  
 聞人說欲從聞生解故必須藉教顯理入  
 明教理不虛故云書實若由因感果則應  
 先因而後果今悉先果而後因者教門引  
 物為便故皆先果而後因前二諦是世間  
 之法今知若以斷集故先果而後因後二  
 諦是出世間之法使為滅以修道故亦先  
 果而後因也若諸者若以痛惱為義一  
 切有為心行常為無常患累之所逼惱故  
 名為苦大論云無量眾生有三種身苦老  
 病死三種心苦貪瞋癡三種後世苦地獄  
 餓鬼畜生總而言之有三苦八苦等皆三  
 界生死之患諦審生死實是苦者故名苦  
 諦也三苦經苦若壞若行若八苦可知  
 集諦者集以招聚為義若心與結業相應  
 未來定能招聚生死之苦故名苦集審一  
 切煩惱惑業於未來實能招集三界生死  
 苦果故名集諦也盡結業者亦名滅諦滅  
 即寂滅滅以滅無為義結業既盡則無生  
 死之患累故名滅以諸煩惱結使滅故

三界業亦滅若三界業煩惱滅者即是滅  
 諦有餘涅槃因滅故果滅捨此報身時後  
 世苦果永不相續名入無餘涅槃諦審涅  
 槃實為寂滅故名滅諦也道諦者道以  
 能通為義正道及助道是二相扶能至涅  
 槃故名為道諦審此二道相扶實能通至  
 涅槃不虛故名道諦也正道者實觀三十  
 七品三解脫門緣理慧行名為正道助道  
 者得解脫中種種諸對治**手印**古人多作  
 法及諸禪定是名助道**手印**印於指環

上亦如今人繫綳章於扇柄上取其便用  
 故也按根本雜事佛聽比丘畜印以為記  
 驗但不聽著指環及寶莊飾許用鑰石赤  
 銅白銅牙角五種物作又印有二種一是  
 大衆二是私物若大衆印可刻轉法輪像  
 兩邊安鹿伏跪而住其下應書元本造寺  
 施主名字若私印刻作骨鎖像或作觸膝  
 形欲令見時生厭離故凡律中言手印指  
 印皆**顛迦**此翻極惡又名畢竟以畢  
 准此**顛迦**竟無涅槃性即無性闍提**芭蕉**  
 結子四句三芭蕉生華狀如蓮瓣中有甘露  
 竹葦開華結子則竹林隨散露不自生皆  
 譬共馬交遊而生驟若懷妊必傷其母  
**化樂天**謂自化五塵之欲而娛樂故此天  
 此天一晝夜則人間二十八萬八千年為  
 為此天一年若此天壽八千歲則當人間  
 二百三十億零**迦留陀夷**亦名烏陀夷此  
 四百萬年矣

黑由其面黑眼赤故乃婆羅門種與佛同  
 日而生本是大臣因世尊出家成道父  
 王思見遂命黑光往迎既至佛所佛為說  
 法喚善來比丘鬚髮自落成比丘性而情  
 多欲後於舍衛國有婆羅門女通行非法  
 而尊者不從其事彼懷願忿自破身形反  
 誣尊者以告其父父集五百婆羅門眾共  
 曳尊者然尊者力大乃至不能移足時佛  
 觀知此是最後救誠烏陀夷事佛哀其力  
 時眾共打幾死將曳王所王雖審知事虛  
 猶三反訶責尊者極生慚愧遂至舍利弗  
 所頂禮具陳上事舍利弗與其說法教誡  
 發勇猛心結惑皆除證羅漢果既得果已  
 念報佛恩而行教化佛言我聲聞弟子中  
 教化有情令得聖果者迦留陀夷而為第  
 一如是尊者於舍衛國教化十八億家令  
 得聖果後為暴惡女兒婦通賊斷尊者命  
 將屍棄糞聚中此是尊者先所作業果熟  
 當酬佛於十五日布薩不見尊者而知其  
 死佛與大眾圍繞夜至城門放光明徧  
 滿城邑其門自開王及夫人臣民婦女驚  
 覺奔馳隨佛往至糞聚處所出尊者屍香  
 湯洗浴乘於寶輦至一勝處香木焚之收  
 取舍利於四衢道側建塔供養為人天福  
 田今所廣引者俾知尊者**轉輪聖王**金轉  
 為建法門以現犯緣也**轉輪聖王**金轉  
 成就七寶具足四德王四天下七寶者一  
 金輪寶二白象寶三紺馬寶四神珠寶五  
 玉女寶六典財寶七主兵寶四德者一長  
 壽不夭二身強無患三容顏端正四寶藏

盈滿以十善法勤化外道咒術外道者學  
 衆生統攝四大部洲外道其種別有經  
 自妄情不返內覺稱為外道或在家或出  
 書世世相承以道學為業或在或出家  
 多恃己道術我慢人**勝**胫胃脫也**當念佛**  
 也類分九十六種**勝**胫胃脫也**當念佛**  
 為初此謂六念也一念佛慈悲導師二念  
 戒清淨身心五念施濟普濟**捫摸**捫音  
 貧窮六念天常受安樂**捫摸**捫音  
 莫按捫也謂**髀**音彼股**草**結音甲與稽  
 以兩手捫摸**髀**音彼股**草**結音甲與稽  
 其皮以**摩**葉入聲持**特**牛之牛也**犛**音離  
 為犛牛黑曰犛牛**特**音字即**摩**鄧伽亦云  
 曰犛牛黑曰犛牛**特**音字即**摩**鄧伽亦云  
 黑色出西南徼外**特**音字即**摩**鄧伽亦云  
 加此云本性乃大幻術淫女也嘗以咒術  
 迷惑阿難幸如來神咒往獲惡咒始滅復  
 預楞嚴獲

毘尼止持會集卷第四

謙四

清金陵寶華山弘律沙門讀體集

第三麤惡語戒

若比丘姪欲意與女人麤惡姪欲語隨所說  
麤惡姪欲語僧伽婆尸沙

**緣起**迦留陀夷聞佛制戒不得弄失不得

觸摩復伺女人至房說麤惡語其樂者笑  
彼所說不樂者瞋罵愁惱諸比丘以此因  
緣白佛佛訶責已為僧結戒此是性罪由  
癡障故依姪煩惱制斯學處乃初篇姪根  
本種類

**釋義**文分二節姪欲意下正明所犯之事

隨所說下結成所犯之罪律云姪欲意如  
上女人者於善惡言能領解麤惡者非梵  
行根本律云鄙惡語有二一是波羅市迦  
因起一是僧殘因起有自性鄙故有因

起鄙故自性謂本性姪習深厚  
強勝因起謂新熏外緣強勝 姪欲語者

稱說彼二道好惡若自求若教求若問若

答若解若說若教若罵若自求者言與我

二道作如是如是事 若教求者謂天神

祐助我共汝作如是如是事 若問者謂

汝二道何似云何與夫主及外人共事

若答者謂汝二道如是汝與夫主外人共

通如是若解若說亦如是 若教者謂我

教汝如是治二道令夫主及外人愛敬

若罵者言汝破壞腐爛燒焦墮落共畜作

如是事若復作餘語罵

**結罪**是中犯者若比丘與女人一反作麤

惡語一僧殘 隨麤惡語多少說而了了

者一一僧殘 說不了了者一一偷蘭遮

若與指印書遣使作相令彼女人知者僧

殘 不知者偷蘭遮 除此大小便道說

餘處好惡偷蘭遮

向天龍鬼神女畜生女能變形者及黃門

二形說麤惡語彼知者偷蘭遮 不知者

突吉羅 向不能變形畜生女及男子說

突吉羅若姪譙四欲意麤惡語麤惡語想僧殘

麤惡語生疑 非麤惡語麤惡語想

非麤惡語疑皆偷蘭遮

人女人女想僧殘 人女疑 人女非人

女想 非人女人女想 非人女疑皆偷

蘭遮

第四分云女作男想男作女想麤惡語偷

蘭遮 此女作餘女想餘女作此女想僧

殘 性好麤惡語非欲心突吉羅 此武

具六緣方成本罪一有姪欲心二須是人

婦女三人婦女想四所說麤惡語五必麤

惡語想六說聽了了若緣不具罪結方便

兼制比丘尼偷蘭遮同制不式又摩那沙

彌沙彌尼突吉羅是為犯

隨開不犯者若為女人說九漏不淨觀若

說毘尼言次及此乃至夢中語若錯說及

最初未制戒等是為不犯

會採十誦律云若女人在比丘前反問言

汝於三瘡門中不如是作耶乃至百語比

丘隨順其心多少語出隨一一語僧殘三

善見律云若比丘以欲心方便欲樂此事

假說旁事若女人解此語突吉羅

此戒大乘同制准上可知

第四歎身索欲戒

若比丘姪欲意於女人前自歎身言大妹我

修梵行持戒精進修集善法可持是姪欲法  
供養我如是供養第一最僧伽婆尸沙

**緣起**亦起自前人因佛結上三戒已復行  
歎身索欲故結此戒由癡無正智因姪煩  
惱制斯學處乃初篇姪根本種類

**釋義**文分二節姪欲意下正明所犯之事  
僧伽等結成所犯之罪律云姪欲意如上  
女人如上自歎身者歎身端正好顏色我  
是刹帝利長者居士婆羅門種大妹乃稱  
呼之詞以  
女弟後  
生曰妹梵行者勤修離穢濁持戒者不  
不穿漏無染污精進修習善法者樂閑靜  
處時到乞食糞掃衣作餘食法不食一坐  
食一搏食塚間坐露坐樹下坐常坐墮坐  
持三衣唄匿多聞能說法坐禪

**結罪**是中犯者若比丘作如自歎譽已

供養我來不說姪欲者偷蘭遮 若說姪  
欲隨自歎身多少了了者一一僧殘 不  
了了者皆偷蘭遮

若手印若書信若遣使若現知相令彼知  
者僧殘 不知者偷蘭遮 除二道更爲  
索餘處供養偷蘭遮

向天龍鬼神女畜生女能變形者自歎譽  
身說而了了者偷蘭遮 不了了者突吉  
羅 向不能變形畜生女自歎譽突吉羅

向男子歎突吉羅 人女人女想僧殘

人女疑諫四 人女非人女想 非人女人

女想 非人女疑皆偷蘭遮 此戒具五

緣方成本罪一有姪欲心二是人婦女三  
人婦女想四必說姪第一最五說聽了了  
緣若闕一罪制方便



**兼制**比丘尼偷蘭遮同制不式叉摩那沙

彌沙彌尼突吉羅是為犯

隨開不犯者若比丘語女人言此處妙尊

最上此處指如來清淨法門而言此比丘精進持戒修

善法汝等應以身口意業慈供養若為說

毘尼時言說相似者若夢中語若錯說及

最初未制戒等是為不犯

此戒大乘同制如上

**引證**已上四戒皆由尊者迦留陀夷發起

因緣准薩婆多論中問云若欲心多者何

不作大事破戒答云此人根熟應得漏盡

故又應度此舍衛城中具足千家大作利

益正少一人是故不作大事迦留陀夷功

德智慧當得漏盡莫見小因緣故自失敬

信也

謙四

五

律攝云苾芻修行之時有二種煩惱或容

生起由忘正念便憶曾經遠境起染愛心

造眾過失復由現前近境起染愛心而犯

眾罪了知起犯緣已即於此事生對治心

令其除滅若染緣強勝不能除遣應就尊

宿及開三藏有德行者請受教誡作意蠲

除若仍不息當勤晝夜讀誦聞思簡擇深

義於三寶所至誠供養師長等處忘自劬

勞盡心供給或遊方時或復減食或住屍

林獨居阿蘭若修不淨觀等或為四念住

或作無常死想冀令煩惱除滅若仍不除

應生慚愧作如是念我所為非戒不清淨

而復受他信心重施四事供養又復諸佛

及有天眼同梵行者并諸善神悉觀見我

為此不應造眾罪業當自剋責如救頭然

於清淨境說除其罪勿致後悔若作如前對治行時性多煩惱未能殄息應審自觀察或應捨戒而為白衣勿令有罪受他信施因受用時更造眾多罪惡之業定感當來苦異熟果如經廣說應善修持

第五媒嫁戒

若比丘往來彼此媒嫁持男意語女持女意語男若為成婦事若為私通乃至須臾頃僧伽婆尸沙

**緣起**佛在王舍城靈鷲山中時迦羅比丘

本是王大臣善知俗法作是媒嫁時諸男女婚娶適意者供養讚歎不適意者怨詈譏毀時諸比丘白佛如來為僧結戒此是遮罪由癡覆故因鄙惡事及鄙業煩惱制斯學處乃初篇姪根本種類

**釋義**文分二節往來彼此下正明所犯之事若為成婦事等下結成所犯之罪律云

往來者使所應可和合者是媒者謀也嫁者送女歸夫

日媒持男意語女持女意語男正顯往來媒說通知其事女人有二十

種護若母所保護謂保守愛護也若父所保護

若父母所保護 或兄所保護 或姊所保護

若兄姊所保護 若自護謂身得自在

若法護謂修行梵行若有女人受持居家五支

學處戒行冰霜以法守護是名法護若姓護謂不與卑下姓

若為宗親所保護 若自樂為他作婢

若與衣為價作婢 若與財作婢乃至

一錢為價 若同共作業為婢 若未成

夫婦水所漂者水中救得為婢 若不取

輸稅為婢 若放去婢謂買得及家生

若客作婢僱錢使作如家使人 若他護

婢受他華鬢為要 若邊方得婢謂抄劫

得是為二十種男有二十種亦如是母護

男母護女遣比丘為使語彼言汝為我作

婦謂終身為婦也若與我私通揀非終身婦也若須臾間

一日夜共有三十須臾若一念頃僧祇律云二十念為一瞬二十瞬名

一彈指乃言時之極少也

**結罪**是中犯者若比丘自受語自往語彼

受彼語還報 自受語自往語彼遣使持

報語還 自受語遣使語彼自持報語還

自受語共遣使語彼遣使持報語還

若比丘自受語自作書持往彼自持報書

還 自受語自作書持至彼遣使持報書

還 自受語遣使持書至彼自持報書還

自受語遣使持書至彼遣使持報書還

若比丘自受書持至彼自持報書還 自

受書持至彼遣使持報書還 自受書遣

使持至彼自持報書還 自受書遣使持

書至彼遣使持報書還如是隨媒嫁多少

說而了了還報者一一皆僧殘 說不了

了者一一偷蘭遮

若比丘受語往彼語不還報 不受語往

彼說還報皆偷蘭遮

若比丘受語不往彼說不還報 不受語

往彼說不還報皆突吉羅

若媒嫁天龍鬼神女畜生能變形者及黃

門二根說而了了者偷蘭遮 說而不了

了突吉羅 若不能變形畜生媒嫁突吉

羅 媒嫁男突吉羅 其中媒嫁黃門二根及男者咸攝私通事

若往來媒嫁作媒嫁想僧殘 媒嫁疑

媒嫁作不媒想 不媒嫁作媒嫁想 不

媒嫁疑皆偷蘭遮

若人女人女想媒嫁者僧殘 人女疑

人女非人女想 非人女人女想 非人

女疑皆偷蘭遮

若比丘持他書往不看者突吉羅 若為

白衣作餘使突吉羅 此戒具六緣方成

本罪一必受他媒嫁囑二必自作媒嫁想

三須是人婦女四作人婦女想五為通說

得可六必還報了了若闕一緣本罪不成

**兼制**比丘尼僧殘同制同學式又摩那沙彌沙

彌尼突吉羅是為不犯

**隨開**不犯者若男女先已通而後離別還

和合若為父母病若繫閉在獄若為信心

優婆塞病及繫閉在獄若為三寶為病比

丘等看書持往并最初未制戒等是為不

犯

**會採**僧祇律云若男子有眾多婦有念者

有不念者比丘語言當等視務令均平答

言當如師教比丘爾時得偷蘭遮 若夫

婦鬪諍比丘便勸喻和合得偷蘭遮 若

彼夫婦不和或於佛事僧事有關為佛事

故勸令和合無罪 若有婦女還家勸早

還夫舍得偷蘭遮 有人多畜馬而無好

種生者倩比丘某家有生馬為我求之比

丘為求得偷蘭遮 有二比丘一有女者

語其女言此是汝婿謙四一有兒者語其兒言九

此是汝婦作是語時俱得僧殘罪

十誦律云若夫婦相瞋夫未唱非我婦和

合者偷蘭遮 已唱非我婦和合者僧殘

若受語解意旨僧殘 受意旨不受語

偷蘭遮 但受語不解意者無犯 若媒事已成比丘後來佐助偷蘭遮

根本律云門師苾芻至施主家作如是語此女長成何不出適此男既大何不娶妻

若言此女何不往夫家此男何不向婦舍皆惡作罪

律攝云以三處定成媒嫁罪一主定以男意語女以女意語男二事定謂於男女婦

及私通事三時定乃至須臾頃 凡為媒處人有尊有卑尊謂家長取言為定翻此

成卑若受言往問及以還報二處皆尊即犯本罪 若將卑語報彼尊人得惡作罪

有其三事雖不報言亦成返報一期處二定時三現相若見我在某處住時則知事合是謂期處若某時見我則表事成是

謂定時若見我持鉢或著新衣則知事合是謂現相作斯三事他解之時便成還報

若指腹媒嫁若生男女若俱男俱女若半擇迦謂半月變形也宰吐羅 若告云彼家有

女何不求之意為媒合便得麤罪 但有片言與媒事相應皆惡作罪 若弟子語

師我欲為他作媒事師聞此語默而許者得宰吐羅師昧律制不善誨徒故招斯罪若明毘尼則即訶止是為良導

戒因緣經云解放畜生合其牝牡僧殘本律媒嫁畜生但須嚼比丘未知有不故結突吉羅僧祇為求生馬雖明示其處而

淫機尚遠事非目親故結偷蘭遮若解放令合則眼視非法心生隨喜不無欲染故犯本罪推遠及近制意存焉

此戒大乘同制梵網經云菩薩應救度一切眾生淨法與人而返助人行姪是無慈心也

第六私房過量戒

若比丘自求作屋無主自為已當應量作是中量者長佛十二磔手內廣七磔手當將比丘指授處所彼比丘當指示處所無難處無妨處若比丘有難處妨處自求作屋無主自為已不將比丘指授處所若過量作者僧伽婆尸沙

**緣起**佛在王舍城靈鷲山中聽諸比丘作私房舍時有曠野國比丘聞佛聽許即私作大房功力繁多常行求索居士厭避復有一比丘欲起房舍自斫樹樹神作念欲打比丘恐違道理乃徃白佛佛讚慰之示別所棲時大迦葉至曠野城居士遙見各自避去迦葉問知其故具陳白佛佛集僧而為結戒由依住處事諍恨住處鄙業煩

諫四

十一

惱制斯學處乃初篇盜根本種類

**釋義**文分二節自求作屋下明其正制若比丘有難處妨處下結顯違犯律云自求者彼處處乞索無主者彼無有若一若兩若眾多施主自為已者自求索自為作也

當應量作者是中量長佛十二磔手廣七

磔手

磔手者張指一跨也長者縱量乃房之深處廣者橫量乃房之寬處佛身長丈六一磔手惟今小尺一尺六寸則深有一丈九尺二寸寬有一丈一尺二寸若

太大則煩勞太小則過狹令離二過故制此量也難處者有虎狼師子惡獸下至蟻子若不為此諸蟲獸所

惱應修治平地若有石樹荆棘當使人掘出若有陷溝坑陂池處當使人填滿若畏水淹漬當豫設隄防若地為人所認當共斷無使他有語是名難處妨處者不通草車迴轉是防處

僧祇律云非妨處者四邊各容十二枕梯枕間各一

拳肘令作事者周而來往塗治覆苦以二尺為一拳肘 彼作屋比丘

看無難無妨已到僧中具儀三乞爾時眾

僧當觀察此比丘為可信不可信若可信

即當聽使作若不可信一切僧應到彼處

看若眾僧不去遣僧中可信者往看若彼

處有難有妨若無難有妨若有難無妨皆

不應與處分若無難處無妨處應與處分

白二羯磨此羯磨法於作持中明故云彼比丘當指

授處所無難處無妨處既與羯磨已彼作

房時應知初安若石若土墜泥團乃至治

訖斯為如法

**結罪**是中犯者若僧不處分一僧殘 過

量作一僧殘 有難處一突吉羅 有妨

處一突吉羅 若無難處是有妨處一突

吉羅 若有難處是無妨處一突吉羅

若有難處是無妨處一突吉羅

若僧不處分一僧殘不過量作無犯 有

難有妨 無難有妨 有難無妨皆如上

若僧已處分無犯過量作一僧殘 有難

有妨 無難有妨 有難無妨皆如上

若僧已處分不過量作皆無犯 若有難

有妨 無難有妨 有難無妨得罪如上

若作而不成僧不處分及過量作各得一

偷蘭遮 有難有妨 無難有妨 有難

無妨得罪如上

若使他作屋成僧不處分及過量作 若

僧已處分過量作又四 若僧不處分不過量

作得僧殘皆如上 有難有妨 無難有

妨 有難無妨得罪如上

若為他作屋成僧不處分過量作 僧已

處分過量作 僧不處分不過量作皆得

處分過量作 僧不處分不過量作皆得

偷蘭遮 有難有妨 無難有妨 有難  
無妨得突吉羅如上 若作而不成僧不  
處分及過量作有難有妨處一一皆犯突  
吉羅

若作屋以繩拚地應量作者過量作者犯

諫四

十三

若教人案繩墨作彼受教者言如法作  
而過量彼受教者犯 彼教人案繩墨作  
即如法作不還報作者犯 若教人案繩  
墨作即如法作教者不問如法作否教者  
犯

若僧不處分作不處分想僧殘 不處分  
疑不處分作處分想處分作不處分想處  
分疑皆偷蘭遮 若過量想疑亦如是  
若難有難想難疑有難無難想無難有難  
想並疑皆突吉羅 若妨處想疑亦爾

此戒具六緣方成本罪一無主自作私房  
二不求眾僧處分三作不處分想四違制  
過量五過量想六房已作成若緣有關罪  
結方便

**兼制**比丘尼偷蘭遮

同制別學比丘尼因  
難事起故不聽住阿

前若式又摩那沙彌沙彌尼突吉羅是為犯

**隨開**不犯者如量作減量作僧處分作無  
難無妨處作如法拚作若為僧作為佛圖  
講堂草庵葉庵小容身屋及未制戒等是  
為不犯

**會採**僧祇律云作房時若授磚泥團及壘  
磚等盡越毘尼罪 若戶牖已成時偷蘭  
遮 乃至作成時僧殘 若房主比丘不  
捨戒不死不與僧若比丘於此房中若熏  
鉢若讀誦若思惟謂修定  
坐禪也一切受用得越



毘尼罪

十誦律云若比丘語餘比丘為我作舍語

已便去後作未成行還自成是舍不如法

作犯當仍請指授典量相應無諸難妨斯則何咎由依前人違制規模故爾成

犯若得先成舍無犯

諫四

十五

根本律云若於不淨處有諍競處無進趣

處自作使人作小房時於此三中隨有過

皆得率吐羅一不淨處者若有蛇蠍蟲蟻

窟穴是二諍競處者若近王宮及以天祠

或長者宅外道家苾芻尼寺或有好樹須

伐是三無進趣處者若有河井或臨崖坎

是

摩得勒伽云乞房已不作偷蘭遮物不

現前而作房偷蘭遮

善見律云若長中減一磔手廣中益一磔

手若減廣益長亦不得何況長廣俱過量

若二三人共作屋若一比丘一沙彌悉

不犯何以故人無一屋分故若段段分人

得一屋分得僧殘罪

此戒大乘同制梵網經所謂惡求多求菩

薩戒本經所謂多欲不知足也

**引證**佛因比丘自求作屋故種種訶責已

告諸比丘往昔此恒水側有一螺髻梵志

常居此水邊顏貌憔悴形體羸瘦時我詣

彼與共相見而問其故彼報我言此水中

諫四

十五

有一龍王名曰摩尼健大自出其宮來至

我所以身遶我頭覆我上時我作念龍性

暴急恐害其命以此憂患致使形容如是

耳時我語梵志言汝欲使此龍常在水中

不出至汝所不彼答我云實欲使此龍不

來至我所我即問梵志彼龍有瓔珞不答  
 言龍頸之下有好瓔珞佛語梵志言若此  
 龍出水來至汝所時當起迎語言龍王且  
 止持汝頸下瓔珞與我來并為說偈云我  
 今須如此頸下好瓔珞汝以信樂心施我  
 嚴好珠時彼梵志受我語已後時龍王從  
 水中出梵志遙見往迎而為說偈爾時龍  
 王復以偈報梵志云我所致財寶緣由此  
 珠故汝是乞求人不得來相見端正好淨  
 潔索珠以驚我不復來相見何為與汝珠  
 於是龍王即時還宮更不復出爾時世尊  
 即說偈言多求人不愛過求致怨憎梵志  
 求龍珠便不復相見 又一比丘所住林  
 間於半夜後衆鳥悲鳴相呼而亂定意我  
 教彼比丘語衆鳥云我今急須汝兩翅與

我來時羣鳥出林更不復還汝等比丘當  
 知乃至龍畜飛鳥尚不喜人乞索而况人  
 乎多求無厭豈不怨憎

第七大房不處分戒

若比丘欲作大房有主為已作當將餘比丘  
 往指授處所彼比丘應指授處所無難處無  
 妨處若比丘有難處妨處作大房有主為已  
 作不將餘比丘往看指授處所僧伽婆尸沙

**緣起**佛在拘睺彌國瞿師羅園中時優填

王與尊者闍陀為親友知識語言隨意任

諫四

十六

作房舍時近城有尼拘律神樹人馬往來  
 多止息其下闍陀伐之而作大屋居士譏  
 嫌諸比丘白佛故結此戒 因起違諍為  
 防譏過制斯學處乃初篇盜根本種類唯  
 除過量無罪其餘所犯同上立緣用四隄

知不繫

此戒大乘同制梵網經云頭陀行道乃至  
夏坐安居是諸難處皆不得入也

第八無根謗戒

若比丘瞋恚所覆故非波羅夷比丘以無根  
波羅夷法謗欲壞彼清淨行若於異時若問  
若不問知此事無根說我瞋恚故作是語若  
比丘作是語者僧伽婆尸沙

**緣起**佛在靈鷲山中時尊者沓婆摩羅子

得阿羅漢果已自念我宜以力供養眾僧  
遂往白佛佛令諸比丘白二羯磨差沓婆  
摩羅分僧卧具及差次受請飯食時有慈  
地比丘是眾中下座隨次得惡房卧具便  
生瞋恚言沓婆摩羅有愛喜者與好不喜  
者與惡眾僧云何差如是人次日差僧受

謙四

十七

請慈地比丘被差次至檀越家檀越聞慈

地比丘次來受食便於門外敷弊坐具施

設惡食慈地倍瞋遂使其妹慈地比丘尼

於佛僧會時誣謗尊者言沓婆摩羅來犯

我世尊知而故問尊者尊者答言生來夢

中尚無况覺時有佛告諸比丘有二種人

一向入地獄何者為二若非梵行自稱梵

行若真梵行以無根非梵行謗之是名為

二如來種種訶責慈地比丘已與諸比丘

結戒此是性罪由誣梵行事及不忍煩惱

制斯學處乃初篇妄根本種類

**釋義**文分三節瞋恚所覆下明誣謗之由

若於異時下明覺悔發露若比丘作是語

下結成所犯之罪律云瞋恚者有十惡法

因緣故瞋十事中以一一生瞋

注云謂  
恚恨謗誹

矯忿怒癡妬於此十事而生瞋僧祇律云九惱及非處起瞋第十恨者凡夫及學人有不喜者乃至阿羅漢有瞋恚者由忿心而起忿恨忿他為瞋自忿為恚南山鈔云比丘以六和表用以慈心為體今云瞋恚所發正覆此體違背六和致與毀謗大經云一念瞋心起八萬障門開 根者有三種根一見根

二聞根三疑根見根者實見犯梵行見偷五錢過五錢見斷人命若他見者從彼聞是謂見根 聞根者若聞犯梵行聞偷五錢過五錢聞斷人命聞自歎譽得上人法若彼說從彼聞是謂聞根 疑根者有二種生疑從見生疑者若見與婦女入林出林無衣裸形不淨汚身手捉刀血汚與惡知識伴是謂從見生疑 從聞生疑者若在暗地若聞牀聲若聞草褥轉側聲若聞身動聲若聞共語聲若聞交會聲若聞我犯梵行聲聞言偷五錢過五錢若聞言我

諫四

十八

殺人若聞言我得上人法是謂從聞生疑除此三根已更以餘法謗者是謂無根欲壞彼清淨行者欲壞彼人清淨之名不得與僧共同法事故若於異時等者若問者被他如法比丘而來詰問僧祇律云若檢校者問言汝見何事姪耶盜五錢耶殺人耶稱過人法耶云何見因何見何處見是名檢校

不如是問是名不檢校若不問者是瞋恚人過後覺悟希求清淨自己發露無根毀謗之事縱雖過後覺悔其罪於一生謗說時已成豈容露而獲免

**結罪是中犯者若不見聞疑言見聞疑不**

論前人清淨不清淨以波羅夷法謗說而了了僧殘 說而不了了偷蘭遮此中互明恐昧

正制故下一一列次俾知所犯也

不見聞疑生見聞疑想後忘想言見聞疑以波羅夷法謗亦如上

不見聞疑彼有疑後言無疑我見聞疑以波羅夷法謗亦如上

不見聞疑生疑後忘疑言見聞疑以波羅夷法謗亦如上

不見聞疑是中無疑言有疑見聞疑以波羅夷法謗亦如上

不見聞疑是中無疑後忘無疑言我見聞疑以波羅夷法謗亦如上

不見有見想後忘想言聞疑以波羅夷法謗亦如上

不見有疑言無疑有聞疑以波羅夷法謗亦如上

不見有疑後忘疑言聞疑以波羅夷法謗亦如上

不見無疑言聞疑以波羅夷法謗亦如上  
不見無疑後忘無疑言聞疑以波羅夷法謗亦如上  
聞疑亦如是

除四波羅夷不論前人清淨不清淨更以

餘非比丘法謗言犯邊罪犯比丘尼賊心

受戒破内外道犯五逆非人畜生黃門二

根說而了了僧殘 說不了了偷蘭遮

若指印書遣使作知相以無根四棄及十

三種非比丘法謗知而了了者僧殘 不

了了者偷蘭遮 若以八波羅夷法

三波四妄五染心觸摩六染心八事七

覆他重罪八順從作樂是為尼八棄也 及

犯邊罪乃至二根非比丘尼法謗比丘尼

亦如上

除比丘及尼以無根罪謗餘人者突吉羅

餘人即小三眾及 優婆塞優婆夷也 此戒以五緣成犯一

有瞋心二無三根三是四棄非比丘法四

謗受具人五說明了若緣一闕罪結方便

兼制比丘尼僧殘同制式又摩那沙彌沙

彌尼突吉羅是為犯

**隨開**不犯者見聞疑有根實說戲說疾疾

說獨說夢中說若欲說此錯說彼及最初

未制戒等是為不犯

**會採**僧祇律云若於波羅夷中一一語謗

僧殘 十三事中一一法謗犯波逸提

以三十事及九十中一一法謗得越毘尼

罪 於四可呵及眾學法中一一謗者犯

越毘尼心悔 比丘尼八波羅夷十九僧

殘若一一謗波逸提 若以三十事及百

四十一波逸提一一謗犯越毘尼罪 以

八可呵及眾學法一一謗犯越毘尼心悔

式又摩那十八事若一一謗言更當與

學戒犯偷蘭遮

十八事者一不分別衣二  
離衣宿三觸火四足食五  
害生種六青草上棄不淨七軌上高八觸  
寶九殘宿食十壞地十一不受食十二損

生苗反本所受學六法一染心相觸二盜  
減五錢三斷畜生命四小妄語五非特食  
六飲酒是  
名十八事

沙彌沙彌尼十戒若一一謗言

當更與出家犯越毘尼罪 下至俗人五

戒一一謗犯越毘尼心悔

律攝云若鄔波索迦即優婆塞謗必芻者應與

作覆鉢羯磨此法於作持中明

此戒大乘同制若向外人說犯重若向同

法說犯輕

**引證**十誦律云夫人處世間芥在口中生

以是自斬身斯由作惡言

毘尼止持會集卷第四

**音義**

明匿 此翻為靜又翻止斷又云止息由是  
外緣已止已斷爾時寂靜任為法事

也法苑云尋西方之有明猶東國之有讚  
讚者從文以結章明者短偈以流頌比其  
事義名異實同毘尼母云佈告諸比丘聽  
汝等明明者言說之辭聽引十二部經中

要言妙辭直顯**三藏**謂善習精學也其義故曰**明**匪**閑**三藏謂果報異時成義無不**異熟果**異熟果者謂果報異時成通達一切諸法種子而成熱諸根識之果也如眼等諸根由昔作善惡之因今報得苦樂之果若今作善惡之因亦感**迦羅比**當來苦樂之果故名**異熟果**也**迦羅比**丘十誦律云鹿子長者兒名曰迦羅聰智利根衆人所問常為斷疑他事忍務若人有女姊妹有來求者往問迦羅應與不應若人為自來求者為兒求亦往問可取不可取迦羅後特出**門師**門師即三寶真淨家為僧猶如本法**門師**濟世之法門若居家善信男女歸依**牝牡**牝者母畜所拜之師稱曰**門師**也**牝牡**飛曰唯雄走曰**曠野國**根本律云時摩竭陀橋薩北壯**曠野國**羅二國中問大曠野處有五百羣戎殺害商旅由斯兩界人行路絕時影勝王聞知已命大將往彼屏除羣賊

其將至彼方便降伏羣賊求哀請治大將愍之慈心向彼即於二界中間築一新城總集諸人共住於此**螺髻梵志**西天外道從斯已後名曠野城**螺髻梵志**或以螺髻或髮或以髮進髻如螺也梵志是一切出家外道通稱若有承用其法者亦名梵志

**摩尼捷大龍王**摩尼正言末尼即如意珠有此珠若人得之毒不能害火不能燒捷大正言捷達此云香梵語那伽此云龍王

之**佛圖**即浮圖是**拏音拘睺彌國**西域記彌國舊曰拘睺彌國說也中印度境周六千餘里國大都城周三十里土稱沃壤地利豐植氣序暑熱風俗剛瞿師羅國此是強好學典藝崇樹福善瞿師羅國此是名也此翻美音由過去世作狗子時以聲吠請辟支佛至家供食故生生中報得好音是長者身長三尺佛亦化身為三尺以化彼令歸正法西域記云具史羅舊云瞿師羅國也城東南不遠有故伽藍其史羅長者舊國中有一窰塔波無優王之所建立高二百餘丈如來於此數年說法其側則有過去四佛座及經行遺迹後有如來髮爪瑠長者因緣**優填王**或云憂陀延又云根本律廣明**優填王**優陀延那唐言出愛佛初降誕時大地震動普放光明時隔閭毘國百王大初誕一子見此光明時便作念云我子福力有大光明如日初現普照世間宜與名曰光明若詳其王功德於

實頭盧**闍陀**按薩婆多論云又名闍陀是經廣明闍陀佛異母弟優填王妹兒生大索族出家為道多住拘睺彌國性懶自用作種種過惡多在此國又云此國是闍陀所生處白淨王安一宮室闍陀母常在此中有一妹亦適此國以是因緣多住此國又以此中**尼拘律樹**無節又云縱廣阿舍利益衆生**尼拘律樹**無節又云縱廣阿舍云其身圓正其葉青滑長廣子似枇杷子于承蒂如柿然其種類耐老諸樹中最能

高大佛磔手 磔音窄磔者張也律攝云佛

張手當一肘半也五分律云修伽陀

之一號也尺者度也周制寸尺唐即於周

一尺上增二分一尺上增二寸蓋周尺一

尺唐是八寸五分言二尺即唐尺一

尺六寸方與中人三張手相當也 沓婆

摩羅子 沓婆或作達婆或作陀婆又曰陀

云壯士根本律云波皮國中有一壯士大

臣名勝軍大富多財受用豐足所有資產

如毘沙門王雖非王種時諸壯士作灌頂

法扶以為王後生一兒色相端美天然淨

潔彼國之法若天然淨潔者名實此兒亦

爾淨潔過人復是壯士大王之子應與立

字名實力子善見律云沓婆是比丘名摩

羅是王名此王出家故名沓婆摩羅子

此大德年七歲出家鬚髮落地即成羅漢

得三達智具六神通以本願故為僧差便

慈地比丘 是六羣比丘中第一惡者於檀

越或云檀那寄歸傳云梵云陀那鉢底譯

取土陀音轉名為檀更加越字 王畧去那字

意道由行檀捨自可越度貧窮



毘尼止持會集卷第五

謙五

清金陵寶華山弘律沙門讀體集

第九取片諍戒

若比丘以瞋恚故於異分事中取片非波羅

夷比丘以無根波羅夷法諍欲壞彼清淨行

彼於異時若問若不問知是異分事中取片

是比丘自言我瞋恚故作是語作是語者僧

伽婆尸沙

**緣起**佛在羅閱城耆闍崛山中時慈地比

丘從耆闍崛山下見大羝羊共母羊行姪

便以羝羊比尊者沓婆母羊比慈地尼往

語諸比丘言前以無根法諍今親自眼見

時諸比丘詰問乃自謂沓婆無此事是清

淨人我向者從靈山下見羝母羊行姪以

相似事比類而說諸比丘聞知白佛結戒

此是性罪由誣梵行事及不忍煩惱制斯

學處乃初篇妄根本種類

**釋義**文分三節如上瞋恚如上十誦律云

異分者四波羅夷是是中若犯一一事非

沙門非釋子失比丘法故名異分片者諸

威儀事善見律云餘分者沓婆慈地尼是  
人羊是非人以羊當人故名餘分

餘分即  
異分也餘義同前釋

**結罪**是中犯者若不清淨人與不清淨人

相似名同姓同相同以此人事諍彼

若不清淨人與清淨人相似名姓相同以

此人事諍彼

若清淨人與不清淨人相似名姓相同以

此人事諍彼

若清淨人與清淨人相似名姓相同以此

人事諍彼

若見本在家時犯姪盜五錢若過五錢若

殺人便語人言我見比丘犯姪盜殺此語見居

家受持優婆塞戒時所作非出家受具後事

若聞本在家時犯姪盜殺及聞自稱說上

人法便言我聞比丘犯姪盜殺妄語

若比丘如是以異分無根四事法謗比丘

說而了了者皆僧殘 說而不了了者皆

偷蘭遮 其餘所犯輕重及不犯等並大

乘同制一一如前

### 第十不捨壞僧法戒

若比丘欲壞和合僧方便受壞和合僧法堅

持不捨彼比丘應諫是比丘大德莫壞和合

僧莫方便壞和合僧莫受壞僧法堅持不捨

大德應與僧和合與僧和合歡喜不諍同一

師學如水乳合於佛法中有增益安樂住是

練五

二

比丘如是諫時堅持不捨彼比丘應三諫捨  
此事故乃至三諫捨者善不捨者僧伽婆尸

沙

**緣起**佛在靈鷲山時提婆達多為利養故

學得神通化太子阿闍世令生信樂大得

供養唯不如佛心生嫉妬即失神通欲畜

徒眾伺候佛大眾會時往至佛所求佛付

囑云世尊年已老邁壽過於人學道亦久

宜居閑靜默然自守世尊是諸法之王宜

練五

三

可以僧付囑我我當將護世尊訶責言我

尚不以僧付舍利弗目犍連况汝癡人涕

唾之身豈可付囑時提婆達多即生不忍

心便教阿闍世害父遣人害佛不遂自往

靈鷲山頂執石遙擲世尊由是惡名流布

利養斷絕乃通已五人家乞食

通已五人者有四伴故一名三開達多此人智慧高才故居其首二名寒茶達婆是誦達親友三名拘婆離是誦達弟子四名迦留羅親舍是人有姊妹七人皆為比丘尼有大勢力

佛制不聽別眾食彼即作是念未曾有瞿曇乃斷人口食我寧可破彼僧偷我身滅

後可得名稱言瞿曇有大神力智慧無礙

而調達能破即共四比丘為伴以五法教

諸比丘言如來常稱說頭陀少欲知足樂

出離者我今有五法亦是頭陀勝法少欲

知足樂出離者一盡形壽乞食二盡形壽

著糞掃衣三盡形壽露地坐四盡形壽不

食酥鹽五盡形壽不食魚肉可共行之令

其新學無智比丘信樂諸比丘聞已白佛

佛告諸比丘提婆達多今日欲斷四聖種

即衣食即具醫藥四依法也世尊以無數方便訶責提

婆達多汝莫斷四聖種汝莫以五法教諸

比丘汝今莫方便受破和合僧法堅持不

捨汝當與僧和合當知破和合僧甚惡得

大重罪在地獄中一劫受罪不可救療世

尊以種種方便令提婆達多破僧心暫息

令僧與提婆達多作訶諫白四羯磨若餘

比丘方便欲破和合僧者亦當以此白四

羯磨訶諫乃為諸比丘結戒此由僧伽事

及邪智煩惱制斯學處乃初篇妄根本種

類

**釋義**文分四節若比丘欲壞和合僧下明

舉破僧之人法彼比丘應諫是比丘下明

如法諫捨之詞是比丘如是諫時下明訶

諫白四羯磨若不捨者下結成違諫之罪

律云和合者同一羯磨同一說戒僧者四

比丘若五若十乃至無數破者即壞破有

十八事法非法律非律犯非犯若輕若重

有殘無殘麤惡非麤惡常所行非常所行

事十誦律云常所行事者若白一白制非

制說非說住破僧法者即住此十八事即住

堅持不捨律攝云既思泉破攝化門徒自

守邪宗多求惡黨是以堅執不捨下數句

皆准律攝彼比丘應諫是比丘者直言悟

人也此諫乃別諫非僧中羯磨大德莫壞

雖無羯磨但以言遮令除惡見

和合僧等者此三句為之何誠意謂和合

苦一劫不能救療大德應與僧和合等者此是勸

以顯不破和合僧豈但無歡喜者謂善增

地獄苦抑且有大利益故歡喜者益各各

情悅無諍者謂彼此見同共相同一師學

者謂於一如來大師教中修學不生異如

水乳合者謂以水乳和合即同一相一味

如來法中同名釋子同修解於佛法中有

增益安樂住者謂既同一學行理無違於

法聚增益安樂如來聖教是比丘如是諫

時堅持不捨彼比丘應三諫等者僧祇律

者身處三諫多人中三諫眾

中三諫非謂但三諫而已

第三分云有二事破僧妄語相似語相似

謂仿佛聖語相似律制實非法非律律攝

云誦達以愚癡故心生異見壞破僧伽於

形相等改佛正則自制五事者一不食乳酪

諸惡小習行五法言五事者一不食乳酪

漢子饑困故二不食魚肉由斯殺生故三

不飲於鹽多有塵土故四不裁衣纏廢損

織功故五不住蘭若受房生福故衣服

飲食卧共醫藥婆沙論云醫藥攝三中第

四出樂斷樂修聖復有二事破僧作羯磨

種故云四聖種

取籌若一比丘乃至二人三人雖求方便

亦不能破僧亦非比丘尼等能破僧若此

眾四人若過彼眾四人若過行破僧籌作

羯磨是為破和合僧泥犁中受罪一劫不

療能和合者得梵天福一劫受樂

**結罪**是中犯者若比丘方便欲破和合僧

受破僧法堅持不捨彼比丘當諫此比丘

言大德莫方便欲破和合僧莫受破僧法

堅持不捨大德當與僧和合歡喜不諍同

一水乳於佛法中有增益安樂住大德可

捨此事莫令僧作訶諫而犯重罪若用語

者善用語者謂免本罪但犯方便輕罪也此即

僧祇云屏處三諫也

若不用語者若復令比丘比丘尼優婆塞

優婆夷若王若大臣種種異道沙門婆羅

門求異道沙門即諸出家外道也而云求者謂求難也若比丘如律如法諫人

者先當語彼人云大德我今欲諫汝汝當納聽我言彼人應答云我與汝諫若

餘方比丘聞知其人信用言者應求若用

言者善而言他方比丘者乃彼破僧者親友所以彼此初信共諫此即僧祇

云多人中三諫也

六

若不用言者應作白作白已應更求大德

我已白竟餘有羯磨在汝今可捨此事莫

令僧為汝作羯磨更犯重罪若用語者善

若不用語者應作初羯磨作初羯磨已應

更求大德我已白作初羯磨竟餘有二羯

磨在汝可捨此事莫令僧更為汝作羯磨

而犯重罪若用語者善若不用語者應作

第二羯磨作第二羯磨已應更求大德我

已作白二羯磨竟餘有一羯磨在汝可捨

此事莫令僧更為汝作羯磨而犯重罪若

能捨者善

若不捨者與說第三羯磨此即僧祇云第

三羯磨竟不捨僧殘 作白二羯磨竟捨

者三偷蘭遮 作白一羯磨竟捨者二偷

蘭遮 若白竟捨者一偷蘭遮 若初白

未竟捨者突吉羅

若一切未白方便欲破和合僧受破和合

僧法堅持不捨一切突吉羅一切未白謂眾僧未曾與

作一白三羯磨前若屏處三諫若多人中三諫不捨之時一皆突吉羅今但明諫詞及訶諫語其羯磨法俱載作持中若不如律制諫者縱諫不成下三戒亦爾

若僧為破僧人作訶諫羯磨時有比丘教

言莫捨比比丘偷蘭遮若不訶諫教言

莫捨突吉羅若比丘尼教言莫捨尼偷

蘭遮若不訶諫尼教莫捨突吉羅除

比丘比丘尼更有餘人教莫捨盡突吉羅

餘人謂小三眾此戒以五緣方成本罪一要有

破僧心二同黨滿眾三屢諫不捨四羯磨

如法五三番白竟若緣有關犯則開輕

兼制比丘尼僧殘同制式又摩那沙彌沙

彌尼突吉羅是為犯

彌尼突吉羅是為犯

隨開不犯者初諫便捨若非法別眾作訶

諫非法和合眾作訶諫法別眾法相似別

眾法相似和合眾非法非律非佛所教若

一切未作訶諫若破惡友破惡知識若破

方便欲破僧者遮令不破若破方便助破

僧者二人三人羯磨若欲作非法非毘尼

羯磨若為僧為捨為和尚阿闍黎同和尚

阿闍黎為知識作損減作無住處者及最

初未制戒等如是皆無有犯

會採僧祇律云若知是欲破僧人者諸比

丘應語長老莫破僧破僧罪重墮惡道入

泥犁我當與汝衣鉢授經讀經問事教誡

若故不止者應語有力勢優婆塞言長壽

此人欲破僧當往諫曉語令止優婆塞應

語尊者莫破僧破僧罪重墮惡道入泥犁

語尊者莫破僧破僧罪重墮惡道入泥犁

我當與尊者衣鉢病瘦湯藥若不樂修梵  
行者可還俗我當與汝婦供給所須若故  
不止者應拔籌驅出出已應唱言諸大德  
有破僧人來宜當自知若如是備猶故破  
僧者是名破僧

五分律云我不見餘法壞人道意如名聞  
利養者調達所以破僧為利養故調達成  
就八非法故破僧利不利稱無稱敬不敬  
樂惡隨惡知識有四事名破僧說五法自  
行籌捉籌於界內別行僧事復次若王若  
大臣若餘六眾七眾除比丘也令僧不和合而非  
破若一比丘乃至七比丘不和合亦非破  
若不問上座而行僧事是即不和亦非僧  
破若不共同食於食時異坐鬪諍罵詈亦  
不名破要於界內八比丘以上分作二部

別行僧事乃名為破是中作主者一劫墮  
大地獄不可救彼比丘欲破僧餘僧見  
聞知差一與親厚比丘往諫若捨者應一  
突吉羅悔過若不捨應遣眾多比丘往  
諫若捨者應二突吉羅悔過若復不捨  
應僧往諫若捨者應三突吉羅悔過若  
不捨復應白四羯磨諫之白已捨者應三  
突吉羅一偷蘭遮若白初羯磨已捨者  
三突吉羅二偷蘭遮若白二羯磨已捨  
者三突吉羅三偷蘭遮謙五若白三羯磨未  
竟捨者三突吉羅三偷蘭遮九三羯磨竟捨  
不捨皆僧殘罪  
十誦律云破僧有二種破羯磨破法輪破  
羯磨者一界內別作布薩羯磨破法輪者  
輪名八聖道分令人捨八聖道入邪道中

若如法如律如佛教三約教竟不捨者  
 僧殘是比丘應即時入僧中自唱言諸長  
 老我某甲比丘得僧殘罪若即說者善若  
 不即說者從是時來名覆藏日數 又云  
 不先輒語約教便白四羯磨約教作羯磨  
 人得突吉羅未白四羯磨便擯出去作羯  
 磨人得突吉羅未作三語約教於界內別  
 請人作羯磨得偷蘭遮破僧因緣故若眾  
 僧知眾僧得罪  
 善見律云餘戒最初不犯此戒提婆達多  
 最初犯以其僧三諫不捨故  
 薩婆多論云破僧輪犯逆罪偷蘭遮不可  
 悔破羯磨僧犯非逆罪可懺偷蘭遮破僧  
 輪下至九人一人自稱佛破羯磨僧下至  
 八人不自稱作佛破僧輪界內界外盡破

破羯磨僧要在界內別作羯磨破僧輪必  
 比丘破羯磨僧比丘尼亦能破僧輪破俗  
 諦僧破羯磨僧亦破第一義僧破僧輪但  
 南洲諸佛皆出現破羯磨僧通三天下惟  
 北洲僧眾少居故但言三天下  
 此戒大乘同制若僧輪未破即是惡心瞋  
 心僻教戒攝僧輪若破則成逆不通懺悔  
 附考僧祇律云破僧者若於中布施故名  
 良福田於中受具足故名受具足若覺已  
 應去若不去者是名破僧伴是破僧伴黨  
 盡壽不應共語共住共食不共三寶事不  
 共布薩安居自恣不共羯磨得與餘外道  
 出家人有牀座欲坐便坐不得與彼令坐  
生律所言破僧之人猶名福田猶名善受  
 具者以破僧罪是偷蘭遮不同犯四禁失  
 本戒體故云猶是福田如金杖雖斷兩處  
 皆金既不失戒仍是僧伽而今篤信平等



行施初出家時未嘗覺知但以好心從之  
受具受具真心豈不得戒如後覺知理無  
共住安有甘心作破  
僧伴黨是以應去也

### 第十一不捨惡黨破僧戒

若比丘伴黨若一若二若三乃至無數彼比  
丘語是比丘言大德莫諫此比丘此比丘是  
法語比丘律語比丘此比丘所說我等喜樂  
此比丘所說我等忍可彼比丘言大德莫作  
是說言此比丘是法語比丘律語比丘此比  
丘所說我等喜樂此比丘所說我等忍可然  
此比丘非法語比丘非律語比丘大德莫欲  
破壞和合僧汝等當樂欲和合僧大德與僧  
和合歡喜不諍同一師學如水乳合於佛法  
中有增益安樂住是比丘如是諫時堅持不  
捨彼比丘應三諫捨此事故乃至三諫捨者  
善不捨者僧伽婆尸沙

緣五

十一

**緣起**佛在王舍城靈鷲山中時調達伴黨

方便助破和合僧語諸比丘言汝莫訶調  
達所說調達是法語比丘律語比丘調達  
所說我等忍可諸比丘以此白佛佛種種  
訶責調達伴黨已令僧作訶諫白四羯磨  
若有如是伴黨相助壞和合僧者亦當作  
如是訶諫白四羯磨乃與諸比丘結戒此  
戒所由之事及起煩惱並根本種類皆同  
於上

**釋義**文分四節若比丘伴黨下是助破僧  
者返遮如法進諫彼比丘言大德莫作是  
說下明諫彼非法伴黨是比丘如是諫下  
明訶諫白四羯磨若不捨者下結成違諫  
之罪律云順從者有二順從順從謂同邪  
達正依隨而  
住即助破  
伴黨也一法順從以法教授增戒增心

增慧諷誦承受二衣食順從給與衣被飲

食牀座卧具病瘦醫藥法語律語者律攝云語

詞因足曰法語合理無差曰律語又我等

喜樂者彼所作事我等忍可者彼有所說

大德莫作是說等者勤其依隨正部捨

**結罪**是中犯者若比丘作非法羣黨語諸

比丘言大德汝莫諫此比丘此比丘是法

語比丘律語比丘此比丘所說我等忍可

應諫此羣黨比丘云大德莫作是語此比

丘是法語比丘律語比丘此比丘所說我

等忍可而此比丘非法語比丘非律語比

丘汝等莫壞和合僧當助和合僧大德與

僧和合歡喜不諍同一水乳於佛法中有

增益安樂住可捨此事勿為僧所訶更犯

謙五

十三

白乃至三羯磨訶諫捨不捨所犯輕重悉皆同前 犯緣同前

**兼制**比丘尼僧殘同制式叉摩那沙彌沙

彌尼突吉羅是為犯

**隨開**此中不犯者同前

准本律所明自此下三戒無有令四眾若

王大臣等及餘方比丘信語者復求諫捨

之法唯比丘屏處別諫屏諫不捨僧即應

作白三羯磨訶諫之所以有異上者上乃

自立邪宗為主破僧是

故聖慈愈切展轉多方

**會採**十誦律云若一比丘被擯四比丘隨

之名為破僧若多知多識多聞大德明解

三藏義人不應與作不見擯得偷蘭遮近

破僧故所言擯者擯有能擯所擯之人法

如律則罪屬所擯及隨擯人若能擯者非法

雖枉受擯決不在界內別行僧事而破僧

也 若多知多識等不應與作不見擯者

非謂彼等有過悔受容恕不治由恐擯破

一人多人隨之心致破僧小如但須善謹

勸誘令其見罪是以不得輒作羯磨若輒作者反復其罪不善稱量而無方便畧獲僧倫也

律攝云若他諫時心同惡黨設令不語亦

犯眾教即僧有言不同而心樂破犯宰吐

羅 尼眾若破不應教授應告彼曰姊妹

應先和合方求教授 若苾芻尼眾不諮

稟苾芻輒自擅意別為執則聚徒眾者得

宰吐羅罪 諸有被責求寂等若餘苾芻

輒供衣食而攝養者破他門徒得宰吐羅

罪若作好心欲令調伏權時攝誘者無犯

此戒大乘同制如上

### 第十二被擯不服戒

若比丘依聚落若城邑住汚他家行惡行汚

他家亦見亦聞行惡行亦見亦聞諸比丘當

語是比丘言大德汚他家行惡行汚他家亦

見亦聞行惡行亦見亦聞大德汝汚他家行

惡行今可遠此聚落去不須住此是比丘語

彼比丘作是語大德諸比丘有愛有恚有怖

有癡有如是同罪比丘有驅者有不驅者諸

比丘報言大德莫作是語有愛有恚有怖有

癡有如是同罪比丘有驅者有不驅者而諸

比丘不愛不恚不怖不癡大德汚他家行惡

行汚他家亦見亦聞行惡行亦見亦聞是比

丘如是諫時堅持不捨者彼比丘應三諫捨

此事故乃至三諫捨者善不捨者僧伽婆尸

沙

**緣起**佛在舍衛國時鞞連邑有二比丘一

名馬師二名滿宿作非法行自種華樹自

溉灌自摘華自作鬘自持鬘與人亦教他

如是作若彼村落中有婦女共同一牀坐

起同一器飲食語言戲笑或自歌舞倡伎  
 或教他作已唱和或俳說鼓簧吹貝受僱  
 戲笑等時有衆多比丘至騎連乞食法服  
 齊整行步庠序低目直前不左右顧視諸  
 居士見反以為非不施飲食諸比丘詢知  
 其故具以白佛佛勅舍利弗目犍連往作  
 驅擯白四羯磨二尊者受教往彼集僧已  
 為彼二人作舉作憶念與罪羯磨時彼二  
 人言衆僧有愛恚怖癡更有餘同罪比丘  
 有驅者有不驅者而獨驅我二尊者還舍  
 衛以此白佛佛令僧與作訶諫白四羯磨  
 為諸比丘結戒此由受用鄙事故而行污  
 家由家慳惱制斯學處乃初篇殺根本種  
 類若謗僧愛恚怖癡乃妄根本種類

**釋義**文分六節若比丘依聚落下明舉所

為之非諸比丘當語是比丘等下明驅擯  
 之法是比丘語彼比丘作是語下是非法  
 人反謗如法僧諸比丘報言下明諫捨謗  
 擯是比丘如法諫時下乃訶諫白四羯磨  
 不捨者下結成違諫之罪律云村者有四  
 種如上村即聚落也城邑者屬王城者以城或邑也周禮以四縣為都四井為邑家者有男有女是俗居之宅  
 污他家有四種事一依家污家若比丘從  
 一家得物與一家所得物處聞之不喜所  
 與物處思當報恩即作是言若有與我者  
 我當報之若不與我者我何故與是為依  
 家污家 二依利養污家若比丘如法得  
 利乃至鉢中之餘或與一居士不與一居  
 士彼得者即生是念當報其恩其有與我  
 者我當報之若不與我我何故與是為依

謙五

十五

利養汚家 三依親友汚家若比丘依王

若大臣或為一居士或不為一居士所為

者即思當報恩其為我者我當供養不為

我者我不供養是為依親友汚家 四依

僧伽藍汚家若比丘取僧華果與一居士

不與一居士得者作念其有與我者我當

供養不與我者我不供養是為依僧伽藍

汚家 行惡行者自種華樹教人種華樹

乃至受僱戲笑如上所說亦見亦聞者此顯

兄聞疑性今可遠此聚落去不須住此者此顯

此乃顯是比丘語彼比丘作是語大德諸

比丘有愛等者因如法顯撰反生謗語有

驅有患謂瞋恚之者不當驅而即驅有怖

謂於逝去者不敢治罰有癡謂無有智慧

有汚家輩不善分別可損不可損者

**結罪**是中犯者若比丘依聚落住汚他家

行惡行汚他家亦見亦聞行惡行亦見亦

聞如法比丘應諫此汚家惡行比丘言大

德汚他家亦見亦聞行惡行亦見亦聞大

德汚他家行惡行可捨此事莫為僧所訶

更犯重罪若隨語者善

若不隨語者僧應作白乃至三羯磨捨不

捨所犯輕重皆同於上唯異未白前反謗

僧言有愛恚怖癡一切突吉羅 此戒以

四緣成罪一親近白衣住二作汚家行三

心有貪瞋四謗諫不捨若緣不具唯治方

便

**兼制**比丘尼僧殘同制式又摩那沙彌沙

彌尼突吉羅是為犯

**隨開**不犯者若初語時捨若非法別眾乃

至一切未作訶諫前不捨不若與父母病

人小兒姪身婦女牢獄繫人寺中客作犯

家若為三寶種華樹摘取貫華作鬘自

持供養教人為供三寶種華等若走避恐

難跳躑坑渠若同伴行在後還顧不見嘯

喚不犯行及最初未制戒等是為不犯

誅五會採十誦律云若言諸比丘隨愛瞋怖癡

行得四偷蘭遮 若言有驅者有不驅者

呵罵僧故得波逸提 若未作驅出羯磨

時言諸比丘隨愛瞋怖癡行突吉羅是不

應約款言不應約款者非謂棄而不諫  
應當集僧作白三羯磨呵諫也

薩婆多毘婆沙云凡出家人無為無欲清

淨自守以修道為心若與俗人信使往來

廢亂正業非出家所宜 又復若以信物

贈遺白衣則破前人平等好心於得物者

歡喜愛敬不得物者縱使賢聖無愛敬心

謹五

七

失他前人深厚福利 又復倒亂佛法凡

在家人應以飲食衣服供養出家人而出

家反供養白衣仰失聖心 又亂正法凡

在家人常於三寶求清淨福田割損身肉

以種善根以出家人信物贈遺因緣故反

於出家人生希望心破他前人於三寶中

清淨信敬 又失一切出家人種種利養

若以少物贈遺白衣縱使起七寶塿種

種莊嚴不如靜坐清淨持戒即是供養如

來真實法身 若以少物贈遺白衣正使

得立精舍猶祇桓不如靜坐清淨持戒即

是清淨供養三寶 若以少物贈遺白衣

縱令四事供滿闍浮提一切賢聖不如靜

坐清淨持戒即是清淨供養一切賢聖

若有強力欲破塿壞像若以贈遺得全濟

者當賣墻地華果若墻有錢若餘緣得物

隨宜消息 若有強力欲於僧祇作破亂

折減若僧祇中隨有何物賣以作錢隨緣

消息 若僧常臘若面門臘若有強力欲

作折減隨此地中所可出物以消息之帶帶

臘即常住僧物面門臘即現前僧物毘婆沙中并自恣物佛墻物通稱爲臘未詳何

義或取以時受用意父母是福田則聽供養 若僧

祇人以爲僧祇役故此則應與 一切孤

窮乞丐憐愍心故應與

第三分云比丘不應爲白衣剃髮除欲出

家者僧畜剃髮刀名曰戒刀若非出家求度豈可通用今時不禁由不知律故也

第四分云比丘不應禮白衣及白衣墻廟

不應故左遠行白衣墻廟即在家人之墳墓祠堂也故左遠者謂有心故慢而左遠之西域凡作禮持皆從右遠爲順以表恭敬也不應與

十八

人卜占亦不應從人卜占不應事餘種種

外道法 不應誦外道安置宅舍吉凶符

書咒術 不應自作伎樂若吹貝供養墻

聽令白衣作 不應畜鸚鵡等鳥不應畜

狗律謂云爲防守故隨意養狗 不應乘象馬車乘輦與

捉持刀劍老病者聽乘步挽車即帶輿也 若男

乘男畜也 避難聽乘象馬 於聖法律中歌

戲猶如哭舞如狂者戲笑似小兒 不應

向暮至白衣家除爲三寶事病比丘事或

擅越相喚 常喜往返白衣家有五過一

數見女人二漸相附近三轉親厚四生欲

意五或犯死罪犯四棄不可殺故名死罪 若次死罪若犯僧殘前四並初二兩篇從生偷蘭還可殺故云次死

五分律云不應以僧果餉白衣若乞應與

十誦律云比丘有五不應行處童女寡婦

婦姪女比丘尼 又有五不應行處賊家

旃陀羅家酤酒家姪女家屠兒家

根本雜事云五非處不應住立唱令家即優

俳戲樂之家姪聲美色能惑人通恣也 姪女家酤酒家王家

旃陀羅家

善見律云檀越請比丘送喪不得去十九 若

比丘自念我往看葬作無常觀因此故我

或得道果如是去無罪

根本尼陀那云苾芻不應賣藥若善醫方

者起慈愍心應病與藥不得受他價直

諸雜類人既出家已不應輒顯昔時伎業

亦不得畜工巧器具 若先是醫人聽畜

針筒及盛刀子袋 若先書生聽畜墨瓶

此戒大乘同制汚他家即因利求利經理

白衣等戒行惡行即邪業覺觀邪命自活

等戒言僧有愛恚怖癡即謗僧戒所攝

**引證**緇門警訓云但以邪心有涉貪染為

利賣法禮佛讀經斷食諸業所獲贓賄皆

曰邪命物正乖佛化斷食者或一七乃至七七日禁明絕餐或

唯飲水或用糠粳縱然忘身為眾自無所求尚非正行何況存貪顯異而云苦修此

則正乖佛制也

戒疏發隱云有四正命一深山草果二常

行乞食三檀越送供四隨大眾食以此四

法清淨活命無所染汚

佛藏經云或有比丘因以我法出家受戒

於此法中勤修精進雖諸天神諸人不念

但能一心勤行道者終不念衣食所須所

以者何如來福藏難盡如來滅後白毫相

中百千億分其中一分供養舍利及諸弟

子設使一切世間人皆共出家隨順法行



於白毫相百千億分不盡其一

第十三不捨惡性戒

若比丘惡性不受人語於戒法中諸比丘如法諫已自身不受諫語言諸大德莫向我說若好若惡我亦不向諸大德說若好若惡諸

諫五

二十

大德且止莫諫我彼比丘諫是比丘言大德莫自身不受諫語大德自身當受諫語大德如法諫諸比丘諸比丘亦如法諫大德如是佛弟子衆得增益展轉相諫展轉相教展轉懺悔是比丘如是諫時堅持不捨彼比丘應三諫捨此事故乃至三諫捨者善不捨者僧伽婆尸沙

**緣起**佛在拘睺彌國美音長者園中時尊

者闍陀惡性不受人語語諸比丘言汝莫語我好惡且止莫有所說何用教我爲我

應教諸大德何以故我聖主得正覺故

而云

我聖主者自謂佛是我家之佛也譬如大水初來漂諸草

木積在一處亦如大風吹諸草木集於一處諸大德亦如是種種姓種種名種種家出家集在一處是故諸大德不應教我我

應教諸大德我聖主得正覺故諸比丘具

陳白佛佛令僧與彼作訶諫白四羯磨爲諸比丘結戒此由惡性故遂生惱恨自損損他制斯學處乃初篇妄根本種類

**釋義**文分四節若比丘下明惡性違教彼

諫五

二十

比丘諫是比丘下明諫捨惡性是比丘如是諫時下明作白羯磨訶諫不捨者下結成犯罪律云惡性不受人語者不忍不受人教誨以戒法中如法諫者有七犯聚波羅夷僧殘波逸提波羅提提舍尼偷蘭遮突

言羅惡說

諸部不言七聚唯本律明 自身

不受諫語者

得如法諫誨之時仍守惡性

共語

諸大德莫向我說若好若惡者

謂利

不須勸喻非利事勿相遮

我亦不向諸大

德說若好若惡者

此欲彰已無事及人而

且止莫諫我者

是預為遮止他人未

顯自心不

莫自身不受諫語者

是教誠 自

身當受諫語者

是教

大德如法諫諸比

丘諸比丘亦如法諫大德如是佛弟子眾

得增益等者

此是勸喻獲益之語由互相

熾盛由熾盛故正法得以久住世間由正

法久住故能使聖種不斷諫謂遮無利益

教謂令獲善利熾

悔謂改往修來

結罪是中犯者若比丘惡性不受人語

言餘

如比丘應諫此比丘言大德莫自作不可

共語當作可共語大德如法諫諸比丘諸

此丘亦當如法諫大德如是佛弟子眾得

增益展轉相教展轉相諫展轉懺悔大德

可捨此事莫為僧作訶諫更犯重罪若隨

語者善

不隨語者僧應作白乃至三羯磨訶諫捨

不捨犯罪輕重皆同於上 此戒以四緣

具足成犯一稟性羸癯二無慚傲慢三不

忍違諫四羯磨已成若緣有闕但結方便

兼制比丘尼僧殘

同制

式又摩那沙彌沙

彌尼突吉羅是為犯

隨開不犯者初語時捨非法別眾乃至若

一切未作訶諫前若無智人訶諫時語彼

如是言汝和尚阿闍黎所行亦如是汝可

更學問誦經若戲語疾疾語獨語夢中語

欲說此錯說彼及最初未制戒等是為不

犯

**會採**十誦律云若諸比丘不舉不憶念自

身作不共語突吉羅是不應約敕 舉者

比丘應語長老汝作某罪當發露莫覆藏

當如法除滅 憶念者比丘應語長老汝

憶念某時某處作如是罪不

此戒大乘同制若惡性戾情則遠捨利生

自障本慧

**引證**第四分云佛告諸比丘我為汝等說

八種惡馬及八種惡人或有惡馬投勒與

鞭欲令其去而更觸躓不去一或反倚傍

兩轆而不前進二或顛覆倒地既傷其膝

又折轆輻三或更卻行不進四或更趨非

道破輪折軸五或不畏御者亦不畏鞭方

便咋銜奔突不可禁制六或雙脚人立吐

釋五

注

沫七或反蹲卧八是為八種惡馬

或有比丘舉彼見聞疑罪便言我不憶我

不憶一或不言犯不言不犯默然而住二

或言長老亦自犯罪云何能除他罪三或

言長老自癡猶須人教而欲教我四或說

餘事答反生瞋恚五或不畏眾僧亦不畏

犯不受舉罪者語便捉坐具置肩而出不

可訶制六或左抄衣在眾中舉手大語乃

令汝等教授我耶七或言長老亦不與我

衣鉢卧具醫藥何故教我彼即捨戒取於

下道至比丘所作如是言我已休道於意

快耶八是為八種惡人如彼惡馬無異佛

所慈愍

**附考**薩婆多論云經中說但自觀身行諦

視善不善而律云展轉相教者佛因時制

教言乖趣合不相違背佛以前人心有愛  
 憎發言有損若鈍無智若少聞少見出言  
 無補若為利養名聞有所言說者是故但  
 自觀身行 若為慈心有利益若聰智利  
 根發言有補若廣聞博見有所弘益若為

利益眾生闡揚佛法者則應展轉相教

又為新出家愛戀父母兄弟妻子是故言  
 但自觀身行若久染佛法力能兼人者則  
 應展轉相教

然此十三僧殘罪雖有救制悔不易例前  
 似輕准後極重其間有覆無覆與夫更與  
 本日治或三增四五或二復加三乃至重  
 重稱量展轉治法皆於作持中詳明

三僧殘  
 法竟

毘尼止持會集卷第五

音義

祇音低社羊三歲提婆達多畧言調達或  
 提婆翻名天達多此云授亦云與亦云施  
 三義皆一謂父母從天乞子天授與之故  
 名天授或翻天熱以其生時人天等來心  
 皆驚熱是佛堂弟阿難親兄也或云是佛  
 從兄身有三十相出家輪通六萬法聚學  
 滿十二金陀典十二遊經云調達四月七  
 日食時生身長阿闍世此翻未生怨母懷  
 一丈五尺四寸阿闍世之日已有惡心於  
 瓶沙王未生已惡故因為名舊翻無指生  
 時相者云凶王令升樓撲之不死但損一  
 拈故為名也內人將獲呼為善見淫樂經  
 云提婆達多善見何故名太子言國人罵汝為  
 未生怨善見言汝未生時我為未生怨誰作  
 此名達多言汝未生時一切相師占言是  
 兒生已必殺其父是故外人悉號汝為未  
 生怨一切內人獲汝心故謂善見普超經  
 云阿闍世從文殊懺悔得柔順忍命終入  
 賓叱囉地獄即入即出生上方佛土得無  
 生怨彌勒勸善薩後當作佛號淨界如來  
 動善達往至阿闍世太子所以神通力飛  
 在空中或現身或隱身或現半身等說法  
 或在身出烟出火或變身作嬰孩身著璣  
 或在太子抱上轉側款太子指時太子阿闍  
 世見此變恐懼提婆達知太子恐懼即語  
 言勿懷恐懼太子問曰汝是何人答言是

提婆達太子言汝實是提婆達者還得汝  
 身尋復其身見已即增信樂太子日日將  
 從五百乘車朝暮門訊并增供五百金飲  
 食諸比丘以此因緣白佛佛告諸比丘汝  
 等各自攝心莫生貪著提婆達利養也何  
 以故正使太子日日如是問訊供養唯增  
 益提婆達惡心譬如男子打惡狗鼻而令  
 彼狗更增允惡此亦如是故佛訶責云涕  
 吐之四聖種一衣服知足聖種二飲食知  
 身也四聖種足聖種三臥具知足聖種四  
 醫藥知足聖種婆沙論以醫藥攝前三中  
 第四出樂斷樂修聖種即住阿蘭若也聖  
 者佛獨覺聲聞波從此生相續不斷故名  
 聖種也又正法名聖此能住持令久相續  
 故名立十四種人羯磨即是立人作寺主  
 聖種也又正法名聖此能住持令久相續  
 故名立十四種人羯磨即是立人作寺主  
 分粥等白二不截衣繼者即機頭者馬  
 羯磨差使也馬師梵語阿濕婆滿宿云富羅婆  
 師滿宿婆善見律云馬師滿宿於六羣比  
 在中最是上至本是因夫同作田辛苦共  
 相餉言我等作田辛苦若可共出家於佛法  
 中衣食自然一足舍利弗弟子一是一日現  
 連承子出家受具足已誦戒竟五臘滿二  
 人共護意共同好種華等事即往豐熟處  
 生婆沙論云馬有并宿恒造惡行佛常教  
 化都不信受佛記二人命終生龍趣中彼  
 亦自見於十指端有十道水將欲流出便  
 作是念我等決定當生龍中佛復記彼二  
 人已種獨覺善根於當來世定成獨覺二

俳說 上音牌戲也又俳優雜戲也又俳音  
 詠笑類俳倡也 倡妓 倡者俳也妓  
 音奎翹調也 笙 笙者排也 鼓簧吹  
 貝 竹管植於匏中而竅其管底之側以薄  
 金葉障之吹則鼓之而出聲所謂簧也故  
 笙羊皆謂之簧小笙十三簧大笙十九簧  
 笙二簧謂之簧長四尺二 受僱 傭賃  
 寸貝乃海中螺貝也 嘯喚 上音  
 笑感口而 贓賄 金玉曰貨布帛曰賄凡  
 吹聲也 贓賄 非理所得財賄皆曰贓 餐  
 燂平聲 熟食 闍陀 此云車匿陸婆多論又  
 也一日吞食 闍陀 云闍陀是佛與母弟優  
 填王妹兒生大棄族出家為道多住拘朧  
 網阿舍經云佛般泥洹未久闍陀詣鹿野  
 苑中諸比丘所而請教授諸比丘為說五  
 蘊無常破未解後於阿難所請教躡音至  
 闍法阿難為說法要得聞悟證果躡音至  
 不前 躡音 跋就 輻 音 馮車  
 進也 躡音 走也 輻 音 馮車  
 咋銜 上音責也 中勸也 下音

毘尼止持會集卷第六

謙六

清金陵寶華山弘律沙門讀體集

三不定法

此不定有二條律攝云不定法者言此罪體無定相故容有多罪不可定

言

謙六

薩婆多毘婆沙云佛坐道場時已決定五

篇戒輕重通塞無法不定此所以言不定

者直以可信人不識罪相輕重亦不識罪

名字設見共女人一處坐不知為作何事

為共行媼為作觸摩為作惡語為過五六

語故言不定文然中犯相若以五篇收之

則前攝初二後准單墮所起煩惱及歸根

本種類皆屬媼故其泥犁受報歲月極苦

一一准罪可知

初三不定法

若比丘共女人獨在屏障處可作媼處坐說

非法語有住信優婆私於三法中一一法說

若波羅夷若僧伽婆尸沙若波夜提是坐比

丘自言我犯是罪於三法中應一一治若波

羅夷若僧伽婆尸沙若波夜提如住信優婆

私所說應如法治是比丘是名不定法

緣起

佛在舍衛國祇桓精舍迦留陀夷未

出家時有親友婦名齋優婆私顏貌端正

迦留陀夷亦顏貌端正互相繫意於乞食

時往詣其家在屏覆處與共獨坐說非法

語時毘舍佉母有小緣事往彼毘舍佉母

遙聞迦留陀夷語聲意為說法信樂心生

即就壁聽聞其所以往禮世尊具白上事

佛知訶責迦留陀夷已集十句義與諸比

丘結戒此是性罪由媼煩惱制初不定

薩婆多論問云毘舍佉聰明利根大德重

人知比丘與女人屏處坐何故往答是人

已入道跡已得阿那含道深樂佛法佛常自說聽

法有五事一得聞未曾聞法二已曾聞清

淨堅固三除邪見四得正見五解甚深法

是以毘舍佉樂法情深不以嫌疑自礙佛

說種種法者出家人未入道亦多為說布

施功德出家人已入道跡多為說持戒功

德與諸比丘結此戒者一為止誹謗故二

為除鬪諍故三為增上法故比丘出家迹

絕俗穢為人天所宗以道化物而與女人

屏處私曲鄙碎上違聖意下失人天宗尚

信敬四為斷惡業次第法故初既屏處漸

染纏絲無所不至是以防之

**釋義**

文分三節共女人獨在屏覆處下明

釋六

所犯之境有住信優婆私下明見聞有根

是坐比丘下正明所犯律云女人者人女

有智未命終獨者一比丘一女人屏覆二

種一者見屏覆若塵若霧若黑暗中不相

見二者聞屏覆乃至常語不聞聲處障處

者若樹若牆壁若籬若衣及餘物障可作

姪處者謂其處堪作不淨事坐者謂身所居若林

若坐乃至地數得容二身說非法語者說姪欲法住信

優婆私者信佛法僧歸依三寶受持五戒

善憶持事不錯不妄薩婆多論云可信優婆夷者若人語言汝

若妄語不害汝命若不妄語當害汝命即

思我不妄語害此肉身滅此一身若妄語

者滅無量身兼害法身誓不妄語又復語

言汝若妄語治汝父母兄弟姊妹一切親

族若不妄語一切殺之暴思我不妄語害

此一世生死親族若妄語流轉三惡承

夫人天累世親族毒屬又失出世賢聖眷

屬皆不妄語又復語言汝若妄語與汝珍

寶種種財利若不妄語即不與汝即思我

不妄語失此裕財我若妄語失聖法財誓

釋六

釋三

不妄語是名可信優婆夷僧祇律云成  
就十六法名可信優婆夷佛經法顯  
於佛不壞淨於法不壞淨於僧不壞淨僧  
未得利能令得已得利能令增僧未有名  
無能令名聞遠著僧有惡名能令速  
滅不隨愛瞋怖癡難欲向成就聖果於三

法中一一法說等者謂於四素十三僧殘

而陳說也三法皆云是坐比丘自言我犯

是罪等者謂以所為之事據實自說即如

不相當即應如優婆私言而治之

律攝云此中不定法由事由處由情由證

以為其體若復苾芻獨與一女人者是事

在屏障者是處堪行姪者是情若有正信

鄔波斯迦即優婆夷也隨一而說者是證 文

設是異生有忠信者言行無濫亦依其語

異生者以人倫異於非人畜類故名異生

則知一切人凡正直不妄之言皆可准信

結罪是中犯者若比丘自言所趣向處自言所到處自言坐自言臥自言作即應如

比丘所語治

若比丘自言所趣向處自言所到處自言

坐自言臥不言作應如優婆私所說治

若自言所趣向處自言所到處自言坐不

自言臥不言作應如優婆私所說治

若自言所趣向處自言所到處不言坐

不自言臥不言作應如優婆私所說治

若自言所趣向處不言所到處不言

坐不自言臥不言作應如優婆私所說

治

若不自言所趣向處不言所到處不自

言坐不言臥不言作應如優婆私所

說治

會採十誦律云隨優婆夷所說事應善急

問善謂稱量前境意是比丘善急問已若

問謂據證遠究



言我不往無有是罪應隨可信優婆夷語  
故與是比丘作實覓白四羯磨作羯磨已  
應隨順行不與他受大戒乃至心常行恭  
敬禮拜即每三十  
五事也若不如法行者盡形壽  
不得出是羯磨

說六

薩婆多論云若比丘初言爾後言不爾或  
言我不往不作是罪應隨可信人語與實  
覓毘尼所以爾者欲令罪人折伏惡心又  
令苦惱不覆藏罪又令梵行者得安樂住  
又肅將來令惡法不起與作羯磨已若說  
先罪應解羯磨隨事輕重治若不說者盡  
形壽不解羯磨此實覓羯磨與大解  
法俱於作持中明

### 次二不定法

若比丘共女人在露現處不可作姪處坐作  
麤惡語有住信優婆私於二法中一一法說

說六

五

若僧伽婆尸沙若波逸提是坐比丘自言我  
犯是罪於二法中應一一法治若僧伽婆尸  
沙若波逸提如住信優婆私所說應如法治  
是比丘是名不定法

**緣起**此戒發起亦由前人其間別者前據

三事是在屏處堪作姪處坐此以二事謂  
在露現不堪作姪處坐其波羅夷罪無由  
生故以彼共在露處或身相觸或說非法  
麤惡語或說索供等語故得僧殘罪若獨  
與女人露地坐或過語說法或向說實得  
上人法或說他麤罪等故得波逸提罪此  
戒犯者唯除共作為其餘言趣向所到坐  
臥悉同於前與實覓羯磨奪三十五事若  
說先罪與解羯磨亦爾比丘尼無此二不  
定法三不定  
法竟

**四尼薩耆波逸提法**此波逸提法比丘共

有一百二十條於中揀三十條因財事生犯貪慢心強制捨入僧中名曰尼薩耆波逸提餘有九十事無財可捨但名波逸提出要律儀云尼薩耆舊翻捨墮 聲論云

尼翻為盡薩耆翻捨波逸提翻墮

十誦律云墮在燒煮覆障地獄八熱通為燒煮八寒黑暗等通為覆障

經云犯波逸提如夜摩天壽二千歲墮泥

犁中人間二百年於人間數一萬四千四

百萬年此泥犁即衆合地獄謂以衆多苦

具熾然猛熱合來逼惱故

**第一衣過十日戒**

若比丘衣已竟迦絺那衣已出畜長衣

經十日不淨施得畜若過十日尼薩耆波

**逸提**

**緣起**此戒有二制時佛在舍衛國聽諸比

丘持三衣不得長六羣畜長衣或早起衣或中時衣或晡時衣如來知已訶責六羣不聽畜長衣集十句義與諸比丘結戒也

時阿難得一貴價糞掃衣欲以奉大迦葉

大迦葉常行頭陀樂著糞掃衣故而迦葉

不在畏犯畜長衣乃往白佛佛問迦葉何

時當還報言卻後十日因是開聽畜長衣

經十日不淨施得畜故有第二結戒也此

是遮罪由長衣事多貪煩惱制斯學處

衣捷度云佛見諸比丘在路行多擔衣物

作是念可為諸比丘制衣多少不得過畜

時佛初夜在露地坐著一衣至中夜覺身

寒即著第二衣至後夜覺身寒復著第三

衣便安隱住時佛念言當來世善男子不

忍寒者聽畜三衣不得過 又云若作新

衣一重安陀會一重鬱多羅僧二重僧伽

黎若故衣聽二重安陀會二重鬱多羅僧

四重僧伽黎糞掃衣隨意多少重數

僧祇律云我諸弟子齊是三衣足遮大寒

大熱防蠅蚊蟲覆障慚愧不壞聖種若性

不堪寒者聽故弊衣隨意重納

律攝云應知三衣受用各別若作務時或

道行時及在寺內常用五條若行禮敬及

食噉時應披七條為遮寒入聚落乞食噉

食禮制底應著大衣後二衣割截作若是

貧人後必須截為入聚落故何故不割截

衣不入聚落然苾芻衣有其二種與俗不

同謂彩色形狀俗人純白不截苾芻壞色

而截若是貧人後必須截者謂僧伽黎必

須後必

釋義文分三節衣已竟下明其創制畜長

衣下明其隨開若過十日下結成所犯律

云衣竟者三衣迦絺那衣已出僧律云

已成是名衣竟不受迦絺那衣亦名衣竟

已捨迦絺那衣亦名衣竟洗染衣訖亦名

有功五利賞德賞前安居人後安居人不

得此衣於七月十六日受同眾僧受已若

畜長衣離衣宿受別請展轉食前食後食

不齧餘比丘入聚落此五戒聽聞不犯至

臘月十五日僧集羯磨捨迦絺那衣已若

畜長衣等五事則犯捨即出也後安居人

雖不得受衣其五事亦聞聽一月此法於

作持衣者有十種僑賒耶衣此翻云野

中明衣者有十種僑賒耶衣此翻云野

衣者有十種僑賒耶衣此翻云野

似麻取以織衣體如麤布此方無有麻衣西域麻有種種不以

譯識夷羅衣鳩夷羅衣識羅半尼衣此三無翻

以世雖聽十種衣者非謂比丘畜十衣也

十種衣財者比丘皆可納取染成壞色割

裁縫作三衣受持衣鍵度云佛在鹿野

苑時觸陳如五比丘頂禮白佛言我等當

持何等衣佛言聽持糞掃衣及十種衣應

作袈裟色持斯乃割制後因無悲愍心起

世譏嫌如下第十一戒中情除耶衣不聽

著長衣者若長如來八指若廣四指是一

指有二寸則長一尺六寸闊八寸儘可作

大衣除隔用也除三衣及百一衣物外餘

者皆為長衣摩得勤加論云何得長衣

謂若入手若在膝上肩上有作想此是我衣

不淨施者施謂真實施與一比丘也二展

轉淨施謂對一比丘作法已然後畜也異

此二種故名不淨施此法於作持中明

結罪是中犯者若比丘一日得衣畜二日

得衣畜乃至十日得衣畜至十一日明相

出一切尼薩耆波逸提言一日者即以從

名為一日非謂月之初一日也此乃十

日中日日相續得衣皆犯故云一切

若於十日內或間日得衣或唯一日得衣

至十一日明相出隨所得衣盡捨墮

若比丘一日得衣不淨施二日得衣淨施

三日得衣乃至十日得衣不淨施至十一

日明相出九日中所得衣盡捨墮此十日

未唯除第二日得者已作淨施故

不犯其餘九日不作淨施者盡犯

若於十日內或間日得衣或唯一日得衣

至十一日明相出隨所得衣若作淨施者

不犯若不淨施者盡捨墮

若十日內或日日得衣或間日得衣或唯

一日得衣至十一日明相出若不遣與人

若不失衣若不故壞若不作非衣若不作

親厚意取若不忘去盡捨墮遺與人即送

謂被他盜去及離衣宿等故壞謂鼠交蟲

殘水漬火燒等作非衣謂別作餘用作親

厚意取謂作一往久相知親友取去

忘去謂有緣事他往忘其作淨施

若捨墮衣不捨持更買餘衣一捨墮一突

吉羅此捨墮衣應捨與僧僧者謂若四若

至數百若衆多人謂若二若若一人不得

別衆捨若捨不成捨突吉羅

是比丘捨衣竟不還者突吉羅 若還時

有人言莫還者突吉羅 若作淨施若遣

與人若持作三衣若作波利迦羅衣善見律云

朱羅波利迦羅衣若故壞若燒若作非衣

漢言雜碎衣也若數數著壞者盡突吉羅已上突吉羅皆反治

謂作若數數著壞者盡突吉羅羅皆反治

能作法者由不遵此戒捨懺還衣等法於作持中一一詳明

此戒必具四緣方成本罪一時非開聽二

有貪慢心三畜三衣及衣財四過十日不

受持不說淨

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者齊十日內若轉淨施若遣與

人若賊奪想若失想若燒想若漂想不淨

施不遣與人若奪衣失衣燒衣漂衣取著

若他與著若他與作彼不犯 若彼受付

鬻衣者若命終若為賊盜惡獸水火等難

不作淨施不遣與人及最初未制戒等是

為不犯

**會採**僧祇律云一日得衣即日作淨乃至

十日得衣十日作淨十一日得衣十一日

作淨犯越毘尼罪以無間故間者一日

得衣得更停九日二日得衣更停八日三

日得衣更停七日乃至九日得衣更停一

日十日得衣即日作淨十一日得衣不

應受是名間也 若二比丘共物未分過

十日不犯 若居士舍請僧食并施衣物  
 有病比丘囑人取衣分是比丘持衣分雖  
 久未與不犯 若師若弟子送衣與未得  
 雖久不犯 若令織師織衣衣竟雖久不  
 犯 若比丘買衣雖價決了未得衣不犯  
 若為佛為僧供養故求物集在一處雖  
 久未用不犯 若路行恐畏處藏衣而去  
 過十日取者犯若人取來與者亦犯 若  
 為賊逐便捨衣走過十日已有人持來還  
 者無犯 於佛生處得道處轉法輪處阿  
 難設會處羅云設會處五歲會處大得布  
 施諸衣物是物入僧未分者雖久不犯  
 是物已分多人共得一分中有善毘尼人  
 能為眾人同意作淨無犯 此方雖無如是  
 聖速凡遇諸佛  
 菩薩勝會道場所有施物如  
 法分已推斯例行可謂持律 十一

律攝云若為三寶畜衣非犯 或施主作  
 如是言此是我物仁當受用雖不分別 即  
 淨用之無犯  
 或是已物寄他或作未得想斯皆無犯  
 根本律云若犯捨墮不捨或雖捨不說悔  
 或雖說悔不經宿 謂問  
 也 隨有所得並成捨  
 墮由前染故  
 若捨衣說悔經宿已得皆無犯  
 五分律云不得捨與餘人及非人 餘人謂  
 下三眾  
 與夫近  
 事男女 捨已然後悔過若不捨而悔者罪  
 益深除長三衣若長餘衣乃至手中過十  
 日皆突吉羅若淨施不犯 此謂十三資具  
 守持用者一僧  
 伽祇二端咀羅僧伽三安咀婆娑四尼師  
 但那五裙六副裙七僧脚峙八副僧脚峙  
 九拭身巾十拭面巾十一剃髮衣十二覆  
 擔衣十三藥直衣言藥直衣者於所得衣  
 中取一資價者  
 以預備為藥直

薩婆多毘婆沙云若初日得衣二日捨

凡言捨即作淨也如是乃至九日得衣十日捨十

日所得衣若不捨不受持不作淨至十一

日地了時捨墮謂前九日所得衣盡捨作

淨但十日所得一衣以前次續因緣故得

捨墮罪 若初日得衣初日捨二日得衣

以相續故此二日衣次第更得十日 若

初日得衣二日捨二日更不得衣三日得

衣此三日次第得至十日以不相續故此

中衣以日次第相續 若初日得衣即不

見擯不作擯 此乃犯罪不懺悔僧為惡邪作舉白四羯磨擯治也

不除擯若狂心亂心病壞心若不解擯不

得本心乃至命終不犯此戒後解擯得本

心還計日成罪 若初日得衣上天宮北

至鬱單越住彼至命終不犯此戒後歸本

謙六

十二

處計日成罪 若初日得衣至五日不見

擯不作擯惡邪不除擯若狂亂病壞心上

天宮北至鬱單越後還解擯若得本心若

歸本處取前五日數後五日然後成犯

又云九十六種無淨施法佛大慈悲方便

力故教令淨施令諸弟子得畜長財而不

犯戒問曰佛何不直聽畜長財而強與結

戒設此方便答曰佛法以少欲為本是故

結戒不畜長財而衆生根性不同或有多

預畜積而後行道得證聖法是故如來先

為結戒而後設方便於法無礙衆生有益

此戒大乘同學菩薩六度以檀施為首利

濟衆生雖許畜者亦須如法說淨

**引證**緇門警訓云地持論言菩薩先於一

切所畜資具為非淨故以清淨心捨與十

方諸佛菩薩如此丘將現前衣物捨與和尚阿闍黎等湮槃經云雖聽受畜要須淨施篤信檀越是也今特講學專務利名不耻五邪多畜八穢但隨浮俗豈念聖言自下壇場經多夏臘至於淨法一未露身寧

謙六

十三

知日用所資無非穢物箱囊所積並是犯財慢法欺心自貽伊戚學律者知而故犯餘宗者固不足言誰知報逐心成豈信果由因結現前袈裟離體當來鐵葉纏身為人則生處貧窮衣裳垢穢為畜則墮於不淨毛羽腥臊況大小兩乘通名淨法儻懷深信豈憚奉行

### 第二離衣異宿戒

若比丘衣已竟迦絺那衣已出三衣中離一衣異處宿除僧羯磨尼薩耆波逸提

緣起此戒有二制佛在舍衛國給孤獨園時六羣比丘持衣付囑親友比丘往人間遊行受付囑比丘得此衣數數在日中曬諸比丘見已問知白佛此乃初結戒也後時一乾疇病比丘有糞掃僧伽黎患重因逢緣事遠行不堪隨持啓白世尊除僧羯磨乃第二結戒也此是遮罪由不善護身離衣故及慢教煩惱制斯學處

釋義文分三節衣已竟下明其創制三衣中下顯所違犯除僧下明其隨開律云衣已竟迦絺那衣已出如上三衣者一安陀會 此云下 二鬱多羅僧 此云上 三僧伽黎 此云重複衣又云大衣然此三衣西國總名支伐羅以色稱之並名袈裟所以作此三名者欲顯未曾有法以異外道故為少欲知足故以三衣不多不少足得資身行道大寒亦可以衣有十種 如離者 隨身也



一一衣者謂守持三衣中 異處宿者謂異

宿 不失衣者僧伽藍裏有一界樹有一界

謂樹與人等足 場有一界謂於中治 車有

一界謂若車 船有一界謂船迴 村有一界

村有四 舍有一界堂有一界堂舍謂 庫有

一界庫謂儲 倉有一界倉謂儲 失衣者則

僧伽藍裏有若干界乃至倉有若干界而

此僧伽藍界非彼僧伽藍界乃至非彼倉

界 又此僧伽藍界非彼樹界乃至非彼

倉界 又此樹界非彼僧伽藍界乃至非

彼倉界 又此場界非彼僧伽藍界乃至

非彼倉界謂界互非 在僧伽藍邊以中人

若用石若甄擲所及處是名為界乃至倉

界亦如是而人言中者以顯氣力不太大

**結罪**是中犯者若比丘置衣在僧伽藍內

在樹下宿至明相未出若不捨衣若不手

捉衣若不擲石所及處明相出隨所離

衣捨墮 除三衣若離餘衣突吉羅若明

出可以得入界至衣處者須以手捉衣若

衣界寬恐明相未出行不到衣處者但至

擲石所及處立即名不離衣已到衣界故

若不能捉衣又不能至擲石所及處立須

趁明相未出時且速速作心念法捨所離

之衣寧于壞威儀之突吉羅作對首懺悔

迎其離衣之捨墮 若比丘留衣樹下往場

處乃至往倉處僧伽藍處宿亦如是 若

阿蘭若處無界八樹中間一樹間七弓遮

摩梨國作弓法長中人四肘弓肘之數 若

比丘留衣著此八樹間異處宿明相未出

若不捨衣若不手捉衣若不至擲石所及

處明相出捨墮

除三衣若離餘衣突吉羅餘衣即

得別眾捨若捨不成捨突吉羅

若僧中捨衣竟不還者突吉羅 若還時

有人言莫還者突吉羅 若轉作淨施若

遣與人若持作三衣若波利迦羅衣若故

壞若燒若作非衣若數數著壞者盡突吉

羅 此戒捨懺還衣等法於作持中詳明

此戒具六緣方成本罪一心不敬教二

所離是受持三衣三時非開聽四非羯磨

聽許五不作心念法捨六已經明相未至

衣所

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者僧與作羯磨明相未出手捉

衣若捨衣若至擲石所及處若劫奪失燒

漂壞如是等想若水道斷路險難若賊惡

獸渠水漲強力者所執若繫縛或梵行難

若不捨衣不手捉衣不至擲石所及處及

最初未制戒等是為不犯

**會採善見律**云羯磨者隨病未瘥得離宿

若僧為羯磨已離衣往餘方病瘥欲還道

路險難不得還恒作還意雖病瘥不失衣

若決作不還意失衣過十日犯長衣罪

若往餘方病瘥還至衣所病復發更欲

往餘方承先羯磨不須更羯磨

律攝云有三種離衣一舉處離謂在障難

謙六

十六

處而舉其衣不得重觀或因失落二失念

離於安衣處更不重憶三受用離謂暫安

衣即遇緣隔不得受用雖復離衣若明相

未出還得者無犯

根本雜事云若暫向餘處即擬還者任不

將去復有暫出擬還至彼日暮即侵夜歸  
被蟲賊害當於彼宿不應夜行所守持衣  
應心念捨可於同梵行邊借餘三衣守持  
充事

薩婆多論云若重縫三衣設有因緣撥分  
持行名不離衣

第三分云汝諸比丘隨所住處常俱三衣  
持鉢乞食譬如鳥之兩翼恒與身俱汝等  
捨本族姓以信出家應當如是所到之處  
法衣隨身不應離宿

此戒大乘同制梵網經云而菩薩行頭陀  
特及遊方時行來百里千里此十八種物  
常隨其身故知衣鉢鳥翼兩乘同也

**附考** 緇門警訓引事鈔云諸部並制隨身  
今時但護離宿不應教矣 又會正記云

謙六

十七

今時希有護宿何況常隨多有畢生身無  
法服是則末世護宿猶為勝矣但內無淨  
信慢法輕衣真出家兒願遵聖制 業疏  
云所以衣鉢常隨身者由出家人虛懷為  
本無有住著有利益便停故制隨身若任留  
者更增餘習於彼道分曾無思擇故有由  
也唐無著禪師遊五臺因往金剛窟隨喜  
過文殊化為老翁引入般若寺寺地盡是  
瑠璃堂舍皆輝金色翁居白牙牀指金墩  
令著坐之對談著欲求寓一宿翁曰持三  
衣不答曰受戒已來持之翁曰此是封執  
處著曰亦有聖教在若許住宿心念捨之  
或有強緣佛故聽許翁曰無難不得捨衣  
宜從急護噫今人不以離衣宿為咎者觀  
此可自思之

第三衣過一月戒

若比丘衣已竟迦絺那衣已出若比丘得非時衣欲須便受受已疾疾成衣若足者善若不足者得畜一月為滿足故若過畜尼薩耆波逸提

**緣起**佛在舍衛國有比丘僧伽梨弊壞十日中更不能辦恐犯畜長衣戒彼同伴者為白世尊因聽畜長衣乃至滿足故時六羣比丘聞開聽畜長衣乃至滿足彼有糞掃衣及餘種衣同者不足取中糞掃衣浣染四角頭點作淨持寄親友比丘已人間遊行受寄者以其行久不還便出曬之諸比丘問知白佛結戒此由廢修正業制斯學處

**釋義**文分三節衣已竟下明其創制得非

據六

十八

時衣下明其隨開若過畜下結成所犯律

云衣已竟迦絺那衣已出如上時者無迦

絺那衣自恣後一月若有迦絺那衣自恣

後五月非時者若過此限此謂後安居人無功德衣者從七月十六日至八月十五日於此一月畜長等五事開聽前安居人有功德衣者從

七月十六日至臘月十五日於此五月五

利許開若過其一月五月皆非畜長之時

凡所得衣名衣有十種如上欲須便受者

曰非時衣也欲須謂希樂得衣受已疾疾成衣者謂既便受謂合畜也

財於三衣中隨所闕壞若足者善謂同樣者當速造成如法受持

已滿足堪成一若不足者聽畜一月謂同衣而不缺少

財或欠少不能作一衣是以開聽如僧祇律云阿那律得一小段衣與諸比丘河

邊灑水引令長廣佛至河邊知而故問彼

答云為衣財不足是以灑水引令長廣佛

言汝頗有更得衣望處不答云有佛問何

時可得答言一月佛言從今聽不足衣者

望處者停一月為滿足故

**結罪**是中犯者若十日同衣足者應裁割

若線拼若縫作衣若作淨施若遣與人若不裁割若不線拼若不作衣不淨施不遣與人十一日明相出隨衣多少捨墮

若同衣不足至十一日同衣足即十一日

應裁割縫作衣若線拼若不裁割縫作衣

疎六

十九

若不線拼若不淨施不遣與人至十二日

明相出隨衣多少盡捨墮乃至二十九日

同衣足亦如是

若同衣不足三十日若足若不足若同衣

若不同衣應即日裁割縫作衣乃至遣與

人若不裁割乃至若不遣與人至三十一

日明相出捨墮 此捨墮衣應捨與僧若

衆多人若一人不應別衆捨若捨不成捨

突吉羅

若僧中捨衣心不還還時若有人教莫還

若不還轉作淨施若遣與人若持作三衣

若作波利迦羅衣若故壞若燒若作非衣

若數數著壞者盡突吉羅 此戒捨懺還

衣等法於作持中詳明 此戒具四緣方

成本罪一心存貪慢二衣財滿足三時非

開聽四不縫受持及不淨施而過期

兼制比丘尼捨墮同制式叉摩那沙彌沙

彌尼突吉羅是爲犯

**隨開**不犯者若十日內同衣足若裁割若

線拼若縫作衣若同衣不足至十一日足

應裁割等乃至二十九日亦如是至三十

日若足不足若同不同即日應裁割等若

奪衣失衣燒衣漂衣而取著若他與著若

作彼若受寄衣比丘命終或遠行若有難

緣若不裁割等及最初未制戒等是爲不

犯

**會採**十誦律云若比丘得不足衣停更望

多衣故即得衣日不得所望亦不斷望非望而許復勤求所望是望亦斷非望更得是衣十日應作衣若足者善不足者留乃

謙六

二十

至三十日亦復如是

善見律云若二十九日得所望衣細先衣麤先衣說淨新得衣復得一月為望同故若望得衣麤復得停一月如是展轉隨意所樂為欲同故莫過一月

此戒大乘為利益眾生故不禁畜持若自為已畜不惠施他者亦犯慳貪多積之咎

第四從尼取衣戒

若比丘從非親里比丘尼取衣除貿易尼薩耆波逸提

**緣起**此戒有三制佛在王舍城耆闍崛山

中有一比丘著弊故補衲僧伽黎蓮華色比丘尼見已發慈愍心即脫身所著貴價僧伽黎與之易彼弊故僧伽黎自著異時往禮世尊世尊知而故問汝所著衣何以弊故彼以因緣白佛佛言不應如是聽汝畜持五衣完堅者餘衣隨意淨施若與人何以故婦人著上衣服猶尚不好何況弊衣乃集眾僧初為結戒也於後諸比丘皆畏慎不敢從親里比丘尼取衣佛言若非親里亦不能籌量知其可取不可取若好惡新舊若是親里籌量知其有無可取不可取好惡舊新故聽從親里尼取衣是第二結戒也又祇桓中二部僧得施衣其分時比丘錯得尼衣尼錯得比丘衣尼持衣

至僧伽藍中相易比丘更白世尊故聽貿易乃第三結戒也此是遮罪由貪著心制斯學處

**釋義**文分二節從非親里下明其所犯除

貿易明其隨開律云非親里者非父母親

里乃至七世非親也親里者父母親里乃

至七世有親里者五家為鄰五鄰為里又云里者止也五十家共居止

也父有六親謂伯叔兄弟子孫母有六親謂姑姨兄弟兒孫七世者謂高曾祖父子孫也衣有十種如上貿易者以衣貿衣以

衣易非衣或以非衣貿衣或以鍼或鍼筒

刀線小段物乃至一丸藥等貿衣

**結罪**是中犯者除貿易若比丘取非親里

比丘尼衣捨墮

此戒捨懺還衣等法於作持中明若捨衣竟不還等得罪如上 此戒具五緣方成

本罪一有貪好慢教心二是非親里比丘尼三作非親里比丘尼想四物非貿易五衣財應量

**兼制**比丘尼突吉羅同制不式叉摩那沙

彌沙彌尼突吉羅是為犯

**隨開**不犯者從親里尼邊取衣若貿易為

僧為佛圖者及最初未制戒等是為不犯

**會採**僧祇律云若比丘從非親里比丘尼

取衣許貿易自不與不教他人與不自語

尼言後爾許時當與汝衣不教人如是語

尼若還尼先衣是不應與應與餘衣謙六截

本衣還是不名貿謂將尼衣割截已仍復還之得彼全

衣已與減少衣是不名與應與全足衣

取彼衣已與鉢若小鉢若鍵鏃若以飲食

及餘物與是不名貿應與衣也 若比丘

取非親里比丘尼衣已不與直不教與不自語不教人語捨去離見聞處波逸提罪  
 若取衣已不與直乃至不教人語若坐若臥若入定皆波夜提罪 若非親里比丘尼與知識沙彌衣作是言沙彌我與汝是衣汝持是衣與某甲比丘可得福德比丘取者無罪 如是與知識沙彌尼式义尼優婆塞優婆夷言我與汝此衣汝持此衣施與尊者某甲比丘可得功德比丘取者無罪  
 五分律云從非親里式义摩那沙彌尼取衣突吉羅 若親里犯戒邪見從取衣突吉羅  
 根本律云非親里親里想非親里非親里疑皆捨墮 親里非親里想親里非親里

誅六

三

疑得惡作罪 若尼將衣施僧或為說法或為受具時施或見被賊故施或尼多獲利養持衣物到苾芻所置地求受棄之而去取亦無犯  
 薩婆多論云取應量衣捨墮 不應量衣物等突吉羅  
 此戒大乘不論親里非親里但觀可取不可取然在末世慎護法門尤宜避其嫌疑  
 第五使尼浣衣戒  
 若比丘令非親里比丘尼浣故衣若染若打尼薩耆波逸提  
 緣起此戒有二制佛在舍衛國時尊者迦留陀夷與偷蘭難陀比丘尼露形而坐彼此欲心相視尊者尋失不淨汚安陀會尼請浣之得此衣已即於屏處以爪拮取不



淨著口中及小便道中後遂有娠諸尼詰知其故白諸比丘轉白世尊訶責黑光此初結戒也於是諸比丘各各畏慎不敢令親里尼浣染打故衣佛慈開聽更增非親里之言是第二結戒也由除姪染煩惱制斯學處乃初篇姪根本種類

**釋義**律云非親里如上故衣者乃至一經

身著五分律云經體有垢膩名故衣衣有十種如上善見律云

得使出家婦女乃至孫女浣不浣染打者律云

得使出家婦女乃至孫女浣非親故浣染打者律云

云浣者下至以水一浸即名為浣染者乃

至一人染汁打者下至將手一打一拍

**結罪**是中犯者若比丘令非親里比丘尼浣故衣若染若打三捨墮 彼浣染不打

二捨墮一突吉羅 彼浣不染而打二捨墮一突吉羅 彼不浣而染打二捨墮一

突吉羅 彼不浣染打三突吉羅衣但一捨即淨

錄六

三吉

隨罪隨有若使非親里尼浣染打新衣突吉羅三二須悔

此戒捨懺還衣等法於作持中明若捨衣竟不還等得罪如上 此戒具四緣方成本罪一是非親里尼二有欲染心三是已

故衣四浣染打竟

**兼制**比丘尼突吉羅同制不式叉摩那沙彌沙彌尼突吉羅是為犯

**隨開**不犯者與親里尼故衣浣染打若病浣染打若為僧為佛圖浣染打若借他衣

浣染打及最初未制戒等是為不犯

**會探**五分律云若令非親里浣染打而親里浣染打 若令非親里浣染打而親里非親里共浣染打 若令親里非親里共

浣染打而親里浣染打 若令親里非親

里共浣染打而非親里浣染打 若令親里非親里共浣染打而親里非親里共浣染打皆犯捨墮 若衣未可浣染打而令非親里浣染打突吉羅 若令親里浣染打而非親里浣染打不犯

律六 根本律云若非親族尼作非親族想令浣

染打犯捨墮 若非親族尼疑亦捨墮

若是親族尼作非親族想若是親族尼而起疑心皆得惡作罪

僧祇律云若為和尚阿闍黎持衣使尼浣

越毘尼罪

十誦律云先自小浣更令浣染打皆突吉羅

薩婆多論云此戒應量不應量衣一切犯摩得勒伽云使非親里尼浣尼師壇捨墮

浣褥枕等突吉羅

律攝云若是老病無力或苾芻尼恭敬尊重情樂為浣及是門徒悉皆無犯

此戒大乘同學內護僧制外息世譏

**附考**律攝云若衣須洗者或時自洗或遣

門徒勿不用心令衣有損凡洗浣衣有五

種利除臭穢氣蟻虱不生身無瘙癢能受

染色堪久受用不洗衣者翻成五失 著

染色衣亦有五利順聖形儀故令離傲慢

故不受塵垢故不生蟻虱故觸時柔輒易

將護故 過分浣衣有五種失能令疾破

故不堪苦用故受用勞心故無益煩勞故

障諸善品故 著好染色衣亦有五失自

長驕恣生他嫉心故令他知是治容好色

故能令求時多勞苦故能障善品事故過

染損衣用不牢故過打亦有五失同此

又難陀苾芻過打衣故佛言受用衣者不

應打不極打若於施主得極打衣謂細心

致光有好光色捺壞而用或置露中摩使

光失或可以水灑浸而用故知遮其過打

過打即不遮其打

### 第六非親乞衣戒

若比丘從非親里居士若居士婦乞衣除餘

時尼薩耆波逸提餘時者若比丘奪衣失衣

燒衣漂衣是謂餘時

**緣起**此戒有六制佛在舍衛國城中有長

者晨朝詣園遊觀已迴車詣祇桓精舍見

跋難陀釋子禮敬聽法跋難陀說法開化

勸令歡喜長者問云欲何所須願見告語

報言無所須長者固問若有所須莫有疑

緣六

正七

難報言止止即使我有所須不能見與長

者復詰乃言汝所著者可與我長者身著

貴價廣長白氎衣長者報言明日來至我

家中我當相與跋難陀言我先語汝正使

所須汝俱不能與我今果如是長者云非

為不與但明日來若與此衣或更好者若

即脫此衣與汝我不能無衣入城難陀固

求不止長者不悅脫衣與之乘車著一衣

入城守門者疑被賊劫長者具說其由居

士譏嫌謂檀越雖施無厭而受者應知足

佛知故制不得從居士索衣此初結戒也

於是諸比丘畏慎不敢從親里居士索衣

世尊復聽從乞是第二結戒也後有眾多

比丘在拘薩羅國安居竟持衣鉢往世尊

所晝日熱不可行夜行遂失正道為賊所

劫露形立祇桓門外諸比丘疑為尼犍子  
 報優波離問知其故即借衣著見佛佛慰  
 問已具白因緣佛乃制裸形而行者突吉  
 羅若爾時當以軟草若樹葉覆形應往寺  
 邊若先有長衣應取著若無者諸知友比  
 丘有長衣應取著若知友無衣應問僧中  
 有何等衣可分若有者當與若無者應問  
 有臥具不若有者當與若不與應自開庫  
 看若有褥若地敷若氈若被應撻解取裁  
 作衣以自覆形出外乞衣時諸比丘不敢  
 持此處物往彼處佛言聽時諸比丘奪衣  
 失衣燒衣漂衣畏慎不敢著僧衣佛言聽  
 著彼得衣已僧衣不還本處佛言不應爾  
 若得衣已應浣染縫治安本處若不爾如  
 法治時有比丘奪衣失衣燒衣漂衣皆畏

慎不敢從非親里居士居士婦乞衣佛言  
 聽乞故有除餘時等緣是故此戒初則創  
 制遂復隨開共有六翻結戒也由生煩惱  
 令他不樂長自貪求因譏嫌事制斯學處  
 釋義文分二節從非親里下明其所犯除  
 餘時下明其緣開律云親里非親里如上  
 居士如上乞者謂從彼乞求而得前第  
 四戒制不從出家人乞出  
 家人中唯取尼結戒此戒制不從在家人  
 乞其在家人中無論男女凡是非親里者  
 悉皆衣有十種如上除餘時者謂在難緣  
 不聽奪衣者僧祇律云若王奪若賊奪若女人  
 起欲心奪若父母親里欲令罷道  
 故失衣者謂自失落或自藏衣後忘德  
 奪處所或藏入朽壞不可被著燒  
 衣者謂被火漂衣者謂被水  
 結罪是中犯者比丘捨墮  
 此戒捨懺還衣等法於作持中明若捨衣  
 竟不還等得罪如上 此戒具五緣方成

本罪一貪好慢教二無難乞求三主非親里四價色量如已所囑五衣已入手

兼制比丘尼捨墮同制同學式义摩那沙彌沙

彌尼突吉羅是為犯

**隨開**不犯者奪衣失衣燒衣漂衣得從非

親里居士若居士婦乞若從親里乞若從

同出家人乞言同出家者嫌非異道出家或為他乞他

為已乞不求而得及最初未制戒等是為

不犯

**會採僧祇律**云若比丘從非親里乞衣若

身往乞若遣人往乞若作寒熱相乞云何

寒相若比丘冬分而云夜者西域夜雪時時分不以日言

但以夜論其時分也著弊故衣詣檀越家現寒顛相

爾時檀越禮足問言阿闍黎無有時衣耶

何以寒凍報言無有汝父母在時恒為我

錄六

三九

作時衣今汝父母去世誰當為我作者非但汝父母死亦是我父母無常檀越即言莫怨恨我當為作時衣是名寒相乞若得衣者捨墮云何熱相若比丘五六月大熱時著厚衲衣流汗詣檀越家現熱相亦如上言若得衣者捨墮若說法乞云何說法是比丘為衣故與檀越說偈言得生最勝處若人以衣施以樂布施者人天受福報生天得好色天寶冠莊嚴衣施比丘故生生自然衣是名說法乞若得者捨墮若乞漉水囊若小補衣物若繫頭物若裹瘡物若衣襟若衣中一條皆不犯若為和尚乞為阿闍黎乞越毘尼罪若為塿僧不犯十誦律云犯有三種謂價色量價者若比

丘語居士與我好價衣若得衣者捨墮不

得突吉羅乃至直二百三百錢價衣犯亦

如是此以西域大鐵而言如前盜戒中說色者若比丘語居

士與我青色衣若黃赤白黑衣乃至劫貝

等衣犯亦如是 量者若比丘語居士與

我四肘衣五肘六肘乃至十八肘衣犯亦

如是 如是色量衣若索此得彼皆突吉

羅

根本律云乞時得惡作罪所得衣物若價

若色若量與所乞相應者捨墮不相應者

無犯

毘婆沙論云二人共乞一衣突吉羅 從

親里貧乏者索突吉羅與少更索多突吉

羅 若非親里先請與衣言請者謂不往乞而彼自發心

後貧乏從索突吉羅與少更索多突吉羅

為他索亦突吉羅本律若為他求不犯原

准薩婆多皆突吉羅由見他貧乏不生慈

愍欲他為我而作方便所謂聖制從緣推

違 此戒大乘為眾生故雖不同學然須籌量

施主堪與不堪與可受不可受善護他心

增長淨信可也

附考僧祇律云若比丘三由延內有衣者

若失僧伽黎鬱多羅僧在不應乞若失僧

伽黎鬱多羅僧安陀會在不應乞若失三

衣若覆瘡衣在不應乞若失三衣覆瘡衣

若雨浴衣在不應乞若失三衣覆瘡衣雨

浴衣若覆臥褥具在不應乞若失三衣乃

至褥具若任衣在任衣謂堪造衣之餘財也長兩肘廣

一肘不應乞何以故是比丘應著是下衣

往三由 延受先衣若道中有諸難事不得

往趣衣者得乞無罪

毘尼止持會集卷第六

音義

夜摩天

此翻善持亦名時分謂其持

夜此天係空而居按論云人間二百年為

比六一晝夜則人間七萬二千年方為此

天一年若此天壽二千歲則當屏覆屏者

人問一十四億四百萬年矣屏覆所以

蔽也覆齋優婆私入戒者是其名也或是受

者蓋也優婆斯即優婆夷也裝師云鄔波斯迦唐

言近事女謂親近承事佛法僧故若是在

家女人受三級五戒已則能親事佛法比

上尼衆也舊云優婆斯優婆夷皆謂也

云受八戒者名近住女為近住問羅漢住也

淫繁疏云一日一夜受八戒者名為善宿

女是人善心毘舍佉母或作吠舍佉此語

離破戒宿故毘舍佉母為別枝即是舍佉

以生日所值宿為名也五分律云毘舍佉

嚴勇健無雙一人之力能敵千夫時毘舍

住信心開解請佛及僧佛為說法合家得

須陀洹道佛後為說法即得阿那含

道於優婆夷中智慧辯才最為第一闍音

頌頭門中明相梵語阿樓那善見律云阿

邪視也明相留那漢言明相和明了論云

東方已赤通慧指歸云此方約日未出前

二刺為明此為明相也又以觀見掌文為

限也十誦律名地丁時謂見地色明了故

也復此闍浮提地北有大樹王名闍浮

檢金若日照後樹則有黑色若照彼樹葉

則有青色若過樹則闍浮界則有白色於

三色中白自貽伊戚非關他事猶云自作

色為正也六羣比丘或云六衆謂聚集成

之謂也故也一難陀二跋難陀三迦留陀

夷四闍浮五馬宿六滿宿此之六人無法

難陀跋難陀二人多貪亦云多瞋善解算

數陰陽變運說法論議迦留陀更欲

深通射道善解阿毘曇後得滿盤證阿羅

漢果開陀多瞋亦云多癡亦通射道解

阿毘曇後得滿盤成阿羅漢馬宿滿宿

多癡亦云多瞋善於音樂種種戲笑事事

皆能亦巧說法論議亦解阿毘曇此六人

俱是家族共相影響契交為友宣通佛教

內為法門之棟梁外作佛教之大護所謂

大權示現也人各弟子九人乾瘠也又云

共為六十故號六羣比丘也

乾瘠也又云

乾瘠也又云

乾瘠也又云

乾瘠也又云

乾瘠也又云

乾枯病以其肌膚瘠瘦故僧祇律云消盡  
 病正法念經云有虫石咬脂住在身中脂  
 脉之內若食有過若多難取此虫則八樹  
 不消飲食或生疥癬或乾痛等病八樹  
 中間西域種樹之法相問七方九寸以  
 中人四肘為一弓一尺八寸為一肘七尺  
 二寸為一弓七尺四寸為一肘三寸五  
 丈二尺八寸若無界蘭若周圍四十九丈  
 一尺二寸是為界也根本部以中人二十  
 四指為一肘此當易尺一尺五寸為一肘  
 七寸之量准數可知肘者從臂節至指端  
 蓮華色比丘尼 一本長者娶妻未久便生一  
 女身有三德如青嗔野羅華一者身黃金  
 色猶如華髮二者自紺青色猶如華葉三  
 者香氣芬馥如香因比立字名青蓮  
 華婆沙論云容貌端正色作優鉢羅華色  
 此人前世久遠劫時作婆羅門女父母家  
 人天海採寶是女在後不能自活便與諸  
 人女共住一處賣色自供此女色貌不豐  
 無一往來常自答責何以獨爾時世有辟  
 支佛一切敬仰有人語言汝能供養辟支  
 佛者隨心所欲世上奉如願因辦美好飲食  
 以優鉢羅華覆上人端正無雙為人所敬  
 我世世常得女人端正無雙為人所敬今  
 願得如沙門所得功德今願得之是故今  
 世作女願第一以本願故今得漏盡佛  
 所稱讚於比丘尼中有**畜持五衣**比丘尼  
 大神通力最為第一也

准根本律云一僧伽即僧伽婆即安陀  
 羅僧伽即多羅僧伽三安陀婆即安陀  
 會四厥蘇洛邊即僧伽支下裙也**會正記**  
 五僧脚時即履所著而緇門警訓衣  
 乃唐允堪律師所著而緇門警訓衣  
 常引其文然全本未見想已失矣**偷蘭難**  
**陀比丘尼** 亦云偷羅難陀或云吐羅難陀  
 雜陀此云敬喜是比丘尼中之最者是種  
 說法六雲比丘尼中之最者是種善闍  
 別功德經云**爪拈**拈拈音甲謂以爪  
 是阿難妹也**爪拈**拈拈音甲謂以爪  
**祇桓精舍** 祇桓者釋迦語云息心所棲故  
 曰精舍又云非處暴者所居故云精舍  
 文類云非由其舍精妙良由精練行者所  
 居故云精舍按感通記云祇桓寺之基址  
 有八十里頃地一百二十餘步祇桓寺之  
 十里南比七百餘步祇桓寺之東西近有  
 湮禁經云須達取金隨集布地一日之中  
 唯五百步金未周祇陀即語須達餘未徧  
 者不復須金請以見與我自為佛造立門  
 樓常使如來經由出入祇陀長者自造門  
 樓須達長者七日之中成立大房足二百  
 口禪坊靜處六十三所冬夏各別  
 異戶所應用無不備足法顯傳云出舍  
 城南門千二百步道西**拘薩羅國** 大論云  
 長者須造起精舍處也**拘薩羅國** 大論云  
 國是佛生地如佛容須婆娑羅王偈云有  
 妙好國土在於雪山邊豐樂多異寶名曰



病薩羅日種釋話子我在是中生心厭老  
 國何以論云生於憍薩羅國然憍薩羅  
 是都城也以彼此相鄰同是甲印土境尼  
 健子云尼健此翻難葉是外道之都名也或  
 而譯為不繫也其外道核髮雲泥健連他  
 所貯者以手乞食隨得即取者也無由延  
 亦云由旬亦云踰特那天竺里教名也大  
 論云由旬三別大者八十里中者六十里  
 下者四十里根本獨摩註曰言踰特那者  
 既無正翻義當東夏一驛可三十餘里舊  
 云由旬者訛也若准西域俗法四俱盧舍  
 為一踰特那計一俱盧舍可有八里四共  
 三十二里故今作一驛之程庶無遠滯之  
 崇疏云此無正翻乃是於王巡狩一停之  
 舍如此方治音野蒙  
 館驛也

毘尼止持會集卷第七

謙七

清金陵寶華山弘律沙門讀體集

第七知足受衣戒

若比丘失衣奪衣燒衣漂衣若非親里居士居士婦自恣請多與衣是比丘當知足受衣

若過者尼薩耆波逸提

**緣起**佛在舍衛國時有衆多比丘遇賊失

衣來到祇桓精舍有優婆塞聞知多持好衣隨諸比丘意取比丘報言止止便爲供養已我等自有三衣不須也六羣比丘語云諸大德三衣足者何不取與我等若與餘人耶諸比丘遂取與之時諸少欲比丘白佛結戒此是遮罪由從索衣因生煩惱令他不樂長自貪求因譏嫌事制斯學處

**釋義**支分三節失衣等下明其難緣若非

親里居士下明其隨開若過者下結成所

犯律云非親里及衣有十種如上若失一

衣不應取若失二衣餘一衣或二重三重

四重應摘作一一衣若三衣都失彼比丘

應知足受知足有二種一者在家人知足

隨白衣所與衣受之

根本律云俗人上衣長七肘濶二肘不得過數乞此約在家人所用衣財隨其長短持施比丘不應更

多求索古用周尺一尺八寸爲一肘二者出家人知足三衣

也根本律云苾芻上衣若是新衣兩重作僧伽祇藍三肘橫五肘即僧伽黎也若

洗婆珊又名厭蘇洛迦藍二肘橫五肘即下裙也餘二衣量如上所明此約出家人

造衣別量不得更多求索若居士自恣請多與衣

謂禮持衣施請諸比丘隨意若衣細若薄若不

牢應取作若二重三重四重當安緣當有

上貼障垢膩處應安鈎紐若有餘殘語居

士言此餘殘衣裁作何等若檀越言我不

以失衣故與我自與大德耳謂不以失衣來化而與比

是我自發心供養所歸衣財何須語我但任大德隨便別用

**結罪**是中犯者若比丘過知足受衣捨墮

此戒捨懺還衣等法於作持中明若捨竟

不還等得罪如上 此戒具三緣方成本

罪一是自恣請謙七二見境起貪二三不知足受

**兼制**比丘尼捨墮同制同學式叉摩那沙彌沙

彌尼突吉羅是為犯

**隨開**不犯者若知足取若減知足取若居

士多與衣若細薄不牢若二三四重作衣

安緣貼障垢膩處安鉤紐若有餘殘語居

士言此作何等及最初未制戒等是為不

犯

**會採**根本律云若苾芻從他乞俗人上下

衣時依量而得若更乞時得惡作罪得便

捨墮 若乞苾芻上下衣時事亦同此

律攝云若乞俗人上下衣縱少不足不應

更乞若更乞者得罪謂乞時惡作罪若有

盈長不須還主 若乞苾芻上下衣不足

者應須更乞若長應還 若不還者得捨

墮罪有云苾芻上衣者謂三衣也下者謂

裙也

善見律云若比丘尼失五衣得受二衣若

失四衣得受一衣若失三衣不得受若親

友若檀越自恣請若自己物隨意受謙七

此戒大乘為眾生故一切所施隨請應受三

然避譏生信不可無也

**引證**律攝云若三衣有上垢膩汚者於著

有處應以物替代也長一肘半廣一張手張一

手即佛一碟手也此則長四邊縫著汚即

有二尺七寸廣一尺六寸

拆洗 三千威儀令帖四角

今時作三衣者皆取一小方片帖於肩上障垢膩處之外謂云須彌山復於兩畔更加兩小片謂云日月四角貼者謂云四天王如斯之謬出何律典

第八貪好乞求戒

若比丘居士居士婦為比丘辦衣價買如是衣與某甲比丘是比丘先不受自恣請到居士家如是說善哉居士為我買如是如是衣與我為好故若得衣者尼薩耆波逸提

**緣起**此戒有二制佛在舍衛國有一比丘入城乞食聞居士夫婦共議辦價買衣與跋難陀還以報之跋難陀問知其家明日即往語云若欲與我衣者當如是廣大作新好堅緻中我受持居士譏嫌諸比丘聞

知白佛此初結戒也是後居士自恣請比丘問言大德須何等衣時比丘意疑不敢答復有居士欲為比丘作貴價衣是比丘少欲知足不須大價衣欲須不如者亦意疑不敢隨意索佛言若居士恣比丘所索應答自今聽諸比丘少欲知足索不如者故加先不受自恣之語是第二結戒也由強索好衣因相觸惱制斯學處乃初篇妄根本種類

**釋義**文分三節居士下明私議辦衣是比

謙七

丘下明自往為好若得衣下結成所犯律

云居士居士婦如上

價者若金銀七寶等

衣有十種如上求者有二種一求價檀越

與作大價衣乃至增一錢十六分之一分

此是夫婦篤信同心共議以植福田也衣價而言辦者辦謂備辦預為貯蓄之

西域一錢此方準十六小錢 二求衣語居今云一分者即一小錢也

士言作如是廣長衣乃至增一線善哉居士者

此是讚勸之詞欲令彼所施者愈更加其精妙如是如是衣者

謂廣大新好堅緻之衣也為好故者此顯

堅謂堅固緻謂緻密厚實貪求無厭正是作業之因心

**結罪**是中犯者若比丘先不受自恣請而

往求貴價廣大衣若得者捨墮 不得突

吉羅

此戒捨懺還衣等法於作持中明若捨竟

不還等得罪如上 此戒具三緣方成本

罪一有貪好心二自往求索三所求已得

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者先受自恣請而往求索若知

足減少求若從親里求從出家人求或為

據七

五

他求或他為已求或不求自得及最初未

制戒等是為不犯

**會採**僧祇律云為好者好有三種一知足

好若與細衣時便言我須麤者是名知足

好得者捨墮 二不知足好若與麤衣時

便云若與我麤衣者不中觸我是貴人應

與我好衣是名不知足好得者捨墮 三

麤知足好若與細衣時便言我不用是好

衣我是阿練若如鹿在林中住空地若與

麤者足障寒熱風雨是名麤知足好若得

捨墮本律知足須不如者聽其隨索僧祇與細索麤亦犯然聽者在檀越先自

恣請時索其衣尚未造其犯者在檀越衣已成時更索麤故恐施主俯仰情不得已

雖復與之施心不喜兩律開遮一令息貪制內而珍惡一令息譏毀外而增信不無深意也

五分律云從親里索好者惡作罪

薩婆多論 云若遣使書信印信突吉羅

若親里豐 財多貨從索無過若貧者突吉

羅 若先 請檀越豐有財物勸令好作無

過若貧乏者突吉羅

律攝云未近圓時已與方便近圓之後方

始獲財若過價色量求時惡作入手捨墮

若從天等乞或乞綫纒及小帛片等無

犯

此戒大乘同制即是惡求多求不慈愍衆

生

### 第九貪好共索戒

若比丘二居士居士婦與比丘辦衣價持如

是衣價買如是衣與某甲比丘是比丘先不

受居士自恣請到二居士家作如是言善哉

辦如是如是衣價與我共作一衣為好故若

樣七

六

得衣者尼薩耆波逸提

釋義此戒緣起亦由前人其中所犯輕重

及捨懺還衣與夫不犯等悉皆同前但於

二居士家勸令合作一衣使得精好為異

### 第十索衣過六反戒

若比丘若王若大臣若婆羅門若居士若居

士婦遣使為比丘送衣價持如是衣價與某

甲比丘彼使人至比丘所語比丘言大德今

為汝故送是衣價受取是比丘應語彼使如

是言我不應受此衣價我若須衣合時清淨

當受彼使語比丘言大德有執事人不須衣

比丘應語言有若僧伽藍民若優婆塞此是

比丘執事人常為諸比丘執事時彼使往至

執事人所與衣價已還比丘所如是言大德

所示某甲執事人我已與衣價大德知時往

彼當得衣須衣比丘當往執事人所若二反  
二反爲作憶念應語言我須衣若二反三反  
爲作憶念若得衣者善若不得衣四反五反  
六反在前默然立若四反五反六反在前默  
然住得衣者善若不得衣過是求得衣者尼  
薩者波逸提若不得衣從所得衣價處若自  
往若遣使往語言汝先遣使持衣價與某甲  
比丘是比丘竟不得衣汝還取莫使失此是  
時

**緣起**佛在舍衛國給孤獨園城中有一大

臣與跋難陀親友遣使送衣價與之跋難  
陀即將使入城持衣價與親舊長者掌之  
異時大臣問使人云我前遣持衣價與跋  
難陀作衣爲我著不報言不著大臣便使  
索還衣價跋難陀聞已即疾疾至彼長者

家索衣時城中諸長者集會先有制不至  
者罰錢五百我今暫往赴之大德小待勿  
令我輸錢跋難陀言不得爾先持衣價與  
我作衣長者爲作衣竟會坐已罷輸錢五  
百時彼長者及諸居士盡共譏嫌佛知爲  
僧結戒此是遮罪由取不淨財不護他意  
致生惱亂制斯學處

**釋義**文分六節若王若大臣乃至今爲汝  
送衣價受取等明檀越遣使以送信施是  
比丘應語彼使如是言乃至常爲諸比丘  
執事等明比丘持戒不受錢寶彼使至執  
事人所乃至往彼當得衣等明付囑還報  
知時須衣須衣比丘當往執事人所乃至  
四反五反六反在前默然住得衣者善等  
明依制索衣護他淨信若不得衣過是求

等明違制過索犯本戒體若不得衣從所得衣價處乃至此是時等明不失信施告

主知取律云王大臣如上婆羅門者有生

婆羅門生者謂是梵天苗裔乃五天竺國之貴姓餘國所無是故五印土皆

方也天居士者除國王大臣遣使為比丘

送衣價者謂遣男女及黃門等為使

持如是衣價與某甲比丘者乃檀越示

樂敬供之人我不應受此衣價者

不受畜金銀寶等及穀粟米豆村園奴婢

圍園亦合衆畜應與寺家淨人我若須衣

合時清淨當受者合時謂合比丘須用衣

難若堪可受時我當納取以成衣守持也

若僧伽藍民若優婆塞此是比丘執事人

常為比丘執事者謂伽藍民即寺家淨人

應王差常為僧伽執作眾務給事比丘者

優婆塞此云近事男謂飯依三寶受持

五業堪能親近承事象彼使往至執事人

所者謂彼使往至如比丘所示人處以衣

比丘著大德知時往彼當得衣者謂彼使

已還比丘所報言大德自知須用衣時須

衣比丘當往執事人所者謂此比丘發須

彼所付衣若二反三反為作憶念應語言

我須衣者謂二三往還出言今彼執事人

為作彼執事人若在家若在市買賣之

在作處謂作眾務等處語言我今須衣與我作衣

是為作憶念釋文之巧畧其若二反三反

為作憶念若得衣者善者謂稱自求心令

也若不得衣四反五反六反在前默然立

者彼執事人若在家若在市若在前默然立

彼前默然而住若彼執事人問言汝何在

此立比丘報言汝自知之若執事人言我



不知若有餘人知者當語言彼人知之

所餘人知者凡比丘若以物委寄他人或同行者借衣著用時必語一人知之於後索

取有證免致開詳是佛慈訓 若比丘作一語破二反默

然作二語破四反默然作三語破六反默

然三反德念之後復聽六反默然索衣若作一反語索則准二反默然乃至三反

語索則准六反默然更不得再默索衣言破者謂壞世尊六默之正制也

**結罪**是中犯者若比丘過三反語索過六

反默然立得衣者捨墮

此戒捨懺還衣等法於作持中明若捨衣

竟不還等得罪如上 此戒具四緣方成

本罪一心存貪取二不護他心三違制過

索四衣已入手

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者三反語索得衣六反默然立

得衣若不得衣從所得衣價處若自往若

遣使往語言汝先遣使與某甲比丘衣是

比丘竟不得可還取莫使失若言我不須

即相布施是比丘應以時轉語方便索衣

若為作波利迦羅故與謂彼人故意作碎雜袖衣而與之

方便索得者及最初未制戒等是為不犯

**會採**僧祇律云三反往索六反默住時或

緩期或急期云何緩急若比丘至檀越所

索衣時語言長壽與我衣直西域凡諸比丘稱呼檀越

皆云長壽答言尊者更一月來比丘滿一月往

索若檀越復言更一月來比丘仍滿一月

復往索若復言更一月來比丘又滿一月

復往索過三月已不得復索 若言半月

來過三半月不得復索 若言十日若言

五日四日三日二日一日乃至須臾此謂急期

也 若過三半月乃至三須臾不得復索

六反往默時檀越言我知尊者往意更一

月來滿一月復往默然住如是滿六月往

默然已不得復往 若言半月若言十日

乃至須臾若滿六半月乃至六須臾已不

得復往默然齊幾名默然住時如人入庫

取物著店上頃又如裹襪物頃即應去

若比丘方便現行相持衣鉢錫杖水瓶過

寄物人前若彼人問言尊者欲那去答言

欲去先送物主邊語令自知此物莫使失

受寄者言久已辦物不須復往即時與物

比丘取者捨墮 若不作方便道由彼前

彼人如上問比丘如上答與物取者無罪

若受寄者言任意去設能破我如破多

羅樹亦不與汝一錢

陳七

此樹斷即死  
顯死也不與

比丘爾

時應到物主邊語令自知此物莫使失若

是物主言我先施比丘隨方便更索比丘

爾時得如前三反語索六反默然住

十誦律云若六反默立不得衣是比丘語

衣主已有餘因緣到執事人處若問何故

來答言我有餘事故來若言持是衣去答

言我已語衣主汝自往共分了若言但持

衣去我自解語衣主爾時受衣持去無犯

善見律云若不口語索得十二默然求若

一語索破二默然二語索破四默然乃至

六語索破十二默然 若使者付執事人

衣直已不報比丘比丘不得就執事人求

索衣若得衣突吉羅

根本律云若苾芻遣使報已彼執事人來

作是語聖者可受此衣價苾芻應報言此

衣價我已捨訖汝當還彼送衣來處如是  
報者善若取衣者捨墮 若執事人言聖  
者可受此衣價彼之施主我共平章令其  
心喜若如是者取衣無犯  
此戒大乘同學以護譏嫌增他淨信

第十一乞綿作具戒

若比丘雜野蠶綿作新臥具尼薩耆波逸提

**緣起**佛在曠野國時六羣比丘作新野蠶

綿臥具彼索未成綿或索已成綿或索已

染或索未染或新或故者至養蠶家語言

我等須綿報言小待須蠶發時來六羣比

丘在邊住待看彼曝繭時蠶蛹作聲居士

譏嫌諸比丘聞知白佛結戒此是性罪由

殺諸生命增長貪求廢自善品損他正信

制斯學處乃初篇殺根本種類

嫌七

十三

**釋義**律云雜者若劫貝若拘遮羅乳葉草

若芻摩若麻野蠶綿者僧祇律云橋耆耶

經也二者作新臥具者根本律云新有二

作紡績也種一謂新造二謂

新得此中取新造卧具者種稱也此有二

種一者貯褥二者杆成皆不聽用 蓮婆

多論云以綿作衣此有二種一單綿布財

如作種法二以綿作縷織以成衣作此

衣名作數具數具者非

獨卧具乃衣之都名也

**結罪**是中犯者若比丘自用雜野蠶綿作

新臥具成者捨墮 作而不成者突吉羅

若語他人作成者捨墮 作而不成突

吉羅 若為他作成不成盡突吉羅

此應捨是中捨者若以斤斧細斬和泥若

塗壁若塗墻 此戒具三緣方成本罪一

情存貪愛二心無慈愍三臥具已成

**兼制**比丘尼突吉羅同制不式叉摩那沙

彌沙彌尼突吉羅是為犯

**隨闕**不犯者若得已成若以斧剗斬和泥塗壁墻及最初未制戒等是為不犯

**會採僧祇律**云若作三衣若經若緯若中

若邊若間紉若緣若襟若補作成捨墮受用越毘尼罪 應僧中捨僧不應還亦不

得餘用正得敷地及作遮十三向簾帳幔

五分律云應捨與僧不得捨與餘人僧以

敷地或敷牀座除捨褥比丘餘一切僧隨

次坐臥雖不使人作他施而受亦捨墮

此戒本律制嚴而無僧中捨法名曰自壞

捨自壞捨者以斧斬壞卧具之時貪愛業

心隨斧下斷令永不復興故名自壞捨僧

祇雖許捨入僧中聽眾畜用然用中之別

未顯五分唯除捨褥人餘隨坐卧則剪除

貪愛惜護檀施事義了然故今捨法宜准

五分南山云犯過衣財如律所斷或永棄捨或永入僧蓋斯之謂於作持中明

此戒大乘為利攝眾生故聽得畜但不得自用當護慈體廣運悲心

**引證**緇門警訓引央掘經云繒綿皮物若

展轉來離殺者手施持戒人不應受者是

比丘法若受者非悲不破戒

涅槃經云皮革履屣襦奢耶衣如是衣服

悉皆不畜是正經律

楞嚴經云若諸比丘不服東方絲綿絹帛

及此土靴履裘毳乳酪醍醐如是比丘於

世真脫酬還宿債不遊三界何以故服其

身分皆為彼緣

**附考**資持記云已前律制但據蠶家大教

轉來不許受用乃知聲聞行劣但取離非

菩薩慈深遠推來處離殺者手無非殺來

足踏坐兵也身披三衣也皆露業分非大士可

忍豈比丘所宜請考經文少懷信仰廣叙

利害見章服儀離殺手者非蠶家故不受

者應法大小俱順故受者非悲遠大順小

故小從大出望制雖順約義還遠故知持謀七

戒行慈方符聖旨縱情受用全乖道儀故

章服儀云且自非悲之語終為永斷之言

據此為論頗彰深切次引湮繁乃終窮囑

累決了正教明文制斷何得遲疑據僧傳

中所叙南嶽道休二師不衣綿帛並服艾

絮故南山律師云佛法東漸幾六百載唯

斯衡嶽慈行可歸

第十二黑毛作具戒

若比丘以新純黑羶羊毛作新卧具者尼薩

耆波逸提

**緣起**佛在毘舍離城獼猴江側樓閣講堂

諸離車子多行邪姪以純黑羊毛作毳被

體夜行使人不見時六羣比丘效而作之

諸離車語言我等為姪欲故作汝等作此

何為耶諸比丘聞已白佛佛故為僧結戒

由愛上色復求細軟廢業長貪遮無利益

故制斯學處

**釋義**律云純黑者或生黑或染黑羶羊毛

者羶細辨平聲羶號乃胡羊之名其毛最賴

薩婆多論云此國黑羊毛貴故不聽黑羊

毛作衣法亦有二種一以黑羊毛裨治布

貯作細毳二作縷織成作衣此二種衣

**結罪**是中犯者若比丘自以純黑羶羊毛

作新卧具成者捨墮 作而不成者突吉 羅 若教他人作成者捨墮 作而不成

突吉羅 若為他作成不成皆突吉羅

此戒捨懺還卧具等法作持中明於僧中捨卧具竟若不還若教莫還若作淨施若遣與人若數數壞者盡突吉羅 此戒具三緣方成本罪一有貪慢心二是純黑

孺毛三作具已成

**兼制**比丘尼突吉羅同制不同學式叉摩那沙

彌沙彌尼突吉羅是為犯

**隨開**不犯者若得已成者若割截壞若細

薄摺作兩重若以作褥若作枕若作方小

坐具若作卧氈或作襯鉢內氈或作剃刀

囊或作帽或作襪及最初未制戒等是為

不犯

會採根本律云苾芻撩理羊毛時若於一

片若於小團若大聚或披或擘或以弓彈

而作敷具作時惡作罪竟時得捨墮

薩婆多論云若以駝毛毳羊毛牛毛若芻麻衣劫貝衣褐衣欽婆羅衣合作者皆突吉羅作衣下至四肘捨墮

十誦律云若為塿作為僧作不犯

此戒大乘同學義如野蠶卧具

第十三減分作具戒

若比丘作新卧具應用二分純黑羊毛三分

白四分梳若比丘不用二分黑三分白四分

梳作新卧具者尼薩耆波逸提十六

**緣起**佛在舍衛國祇園精舍時六羣比丘十七

以純白羊毛作新卧具諸居士皆譏嫌謂

沙門釋子似王若大臣西域國風唯王及大臣長者著上好

貴價細白氈衣以表尊貴餘無敢著諸比丘聞知白佛結戒

亦同前由愛上色等制斯學處

**釋義**文分二節作新卧具下明其正制若

此丘不用下結或違犯律云白者或生白

或染令白捲色者頭上毛耳毛脚毛若餘

捲色毛捲音范雜毛也律攝云頭足腹

若作四十鉢羅卧具者二十鉢羅純黑十

鉢羅白十鉢羅捲十誦律云一鉢羅四兩

一兩或稱之大小故譯不同今准十誦則

四十鉢羅重十斤應用五斤黑二斤半白

二斤若作三十鉢羅二十鉢羅卧具者准

此斤兩以黑色兩分白捲各一分此據黑

白者次難捲者易求故又黑白是細軟貴

物長自恣情捲者體羸原非責價不增己

結罪是中犯者若不以二分黑三分白四

分捲自作新卧具成者捨墮 作不成突

吉羅 若使他人作成捨墮 作不成突

吉羅 若為他人作成不成皆突吉羅

殊七

十七

此戒捨穢還卧具等法於作持中明若捨

竟不還等得罪如上 此戒具三緣方成

本罪一有愛好心二分兩違教三作具已

成

**兼制**比丘尼突吉羅同制不式义摩那沙

彌沙彌尼突吉羅是為犯

**隨開**不犯者若依制作若白不足以捲足

之若作純捲者若得已成者若割截若作

壞色若作枕纏褥及最初未制戒等是為

不犯

**會採**僧祇律云多用黑毛而作等想等用

作減想而更益若自作若使人作成者捨

墮受用越毘尼罪 多用白毛而作等想

等用作減想而更益得罪亦爾 少用下

毛即捲而作等想得罪亦爾

毛也

十誦律云用黑者乃至多一兩捨墮 用白者乃至多一兩突吉羅 用牝者乃至減一兩捨墮

律攝云或黑者易得餘色難求斤數減增

並成無犯 此約地上所產觀境隨開

此戒大乘同學外息世識內護僧制故

第十四減年作具戒

若比丘作新卧具持至六年若減六年不捨

故更作新者除僧羯磨尼薩耆波逸提

**緣起**此戒有二制佛在舍衛國時六羣比丘

嫌卧具或重或輕或薄或厚不捨故更

作新者彼如是常管求卧具藏積眾多知

足比丘白佛此初結戒也後時一比丘得

乾痼病為小因緣欲遊人間彼思世尊結

戒卧具持至六年若減六年不捨故更作

新即犯戒我有糞掃卧具重不堪持行當

云何諸比丘白佛佛聽僧與彼白二羯磨

作新卧具故加除僧羯磨之語此第二結

戒也為遮不樂用故愛新好者制斯學處

**釋義**文分三節作新卧具持至六年此明

創制若減六年不捨故更作新者結成所

犯除僧羯磨此明隨開減六年者 僧祇律云不滿

六夏也 根本律云雖情不樂應持滿六年

**結罪**是中犯者若比丘減六年不捨故更

作新卧具成者捨墮 作而不成突吉羅 諫七

若使他人作成者捨墮 作而不成突吉羅 大

羅 若為他人作成不成皆突吉羅

此戒捨懺還卧具及與羯磨作具等法於

作持中明若捨卧具竟不還等得罪如上

此戒具足四緣方成本罪一有貪蓄心



二持不滿年三非羯磨聽許四作已成

**兼制**比丘尼突吉羅同制不式叉摩那沙

彌沙彌尼突吉羅是為犯

**隨開**不犯者僧聽及滿六年減六年捨故

作新者若復無更自作謂無故者或失或壞等緣若他

作與若得已成者及最初未制戒等是為

不犯

**會採**僧祇律云故瓊現前若捨更作犯瓊即

具故瓊現前不捨作亦犯 故瓊不現前

若捨作亦犯 故瓊不現前不捨作新成

皆捨墮 受用越毘尼罪

根本律云若苾芻於此年中作新敷具即

於此歲更復造餘造第二時得惡作罪成

犯捨墮初造者無犯 雖非同年於第二

歲更作餘褥如是三四乃至五年更造新

者得罪同前 若於此年中造新敷具未

了更復造餘若俱了時云我持前捨棄於

後或可持後捨棄於前後犯捨墮先造無

犯 若初作未了於第二年乃至三四五

年若俱了時捨持前後得罪亦如是

善見律云除僧羯磨者若病未差得隨意

作若病差已更發不須更羯磨得用先羯

磨

僧祇律云是老病比丘僧羯磨已應當自

疏記失受持故瓊年月日數病差已還受

持此故瓊從前滿六年若是比丘病差不

還補六年捨墮

此戒大乘同學愛惜信施降伏貪愛故

**附考**根本律云佛在曠野林住處即曠野國是

時嚴風勁急苾芻患寒知事諸人所有敷

具皆六年持由制戒故不敢造新由忍寒故所有營作悉皆停息佛知已告阿難言凡諸知事營作必芻畜其敷具雖未滿六年不免寒者彼必芻應從僧伽乞六年內更作敷具聽僧伽與彼白二羯磨若其僧

謙七

二十

伽體知彼人是可信者即與其法或令持舊敷具來至僧中若太長者即應截却若太短者以毛添之太寬太狹准事撩理若有破處應將毛補若皆破碎不堪修補者僧應與法作白羯磨

第十五不貼作具戒

若比丘作新坐具當取故者縱廣一磔手貼著新者上壞色故若作新坐具不取故者縱廣一磔手貼著新者上用壞色故尼薩耆波逸提

**緣起**佛在舍衛國給孤獨園時世尊遣人

請食諸佛常法諸比丘受請後徧行諸房見故坐具處處狼籍無人取攝乃令諸比丘作新坐具取故者縱廣一磔手貼著新者上以壞色故六羣比丘不依佛教世尊種種呵責已與僧結戒為欲遮其輕賤心故制斯學處

根本律云世尊有因緣不赴請處遣人請食一為宴默而居二為諸天說法三為觀察病者四為看諸卧具五為芻芻制戒

謙七

三

僧祇律云世尊以五事利益故五日一按行僧房一者聲聞弟子不著有為事二者不著世俗言論三者不著睡眠妨行道不四者觀病比丘不五者為年少出家比丘見如來威儀庠序起歡喜心

**釋義**文分二節若作新坐具當取故者下

明其正制若作新坐具不取故者下結成所犯律云作新坐具時若故坐具未壞未有穿孔當取浣染治牽挽令舒裁割取縱廣一磔手帖新者上若貼邊若中央壞色

**故**根本律云為壞色者欲令受用時得具堅牢故坐具者謂坐時或卧時敷以坐卧亦云隨坐衣為護身護衣護卧具故聽畜之梵語謂之尼師壇亦云尼師但那也

**結罪**是中犯者不取故者帖新者上用壞色故而更作新坐具成者捨墮 作而不

成突吉羅 若令他作成捨墮 作不成

突吉羅 若為他作成不成皆突吉羅

此戒捨懺還坐具等法於作持中明若捨竟不還等得罪如上 此戒具三緣方成本罪一恣縱貪愛二違制不貼三作新已

成

**兼制**比丘尼突吉羅同制不 式叉摩那沙

彌沙彌尼突吉羅是為犯

**隨開**不犯者裁取故者帖新者上壞色故

若彼自無得更作新者若他為作若得已

成者若純故者作及最初未制戒等是為

不犯

**會採**根本律云若以故者徧覆新者若總

破碎不堪補貼新者無犯 時諸苾芻不

將坐具向餘處宿謂犯離衣佛言我制苾

芻不應輒離三衣而宿非謂坐具然諸苾

芻不應故心而不持去忘念者無犯 苾

芻不應無坐具輒出外行遠者越毘尼罪

十誦律云不應受單尼師壇單作則不堪久用以戒施

故福不應離尼師壇宿

勤伽論云若離宿不須捨但作突吉羅悔一過

律攝云尼師但那應兩重作疊為三分應截斷作葉與三衣葉同

此戒大乘同學

律七

二十二

**引證**善見律云故者下至一經坐是名故也四邊隨取一邊或方或圓取帖新者上若不能帖細擗雜新者上亦得

戒因緣經云取故者緣四邊以亂其色

薩婆多論云取故敷具最長者廣中取一

磔手長裂隨廣狹分作緣周巾緣之

五分律云取故者貼新坐具四角

**附考**詳稽諸部作尼師壇令以故者緣於

四邊帖於四角蓋為壞色去好故堅牢久

用故為護身衣卧具故為止貪重惜信施

律七

十三

故今時作具皆取雜色新財緣貼四邊四角者愈增貪好之心過費信施之物况復妄謂四角而為四天王耶

南海寄歸內法傳云禮拜敷具五天所不

見行然律制所須者但擬眠卧之時護他

毳席若用他物新故並須安替也如其已

物故則不須勿令汚染虧損信施非為禮

拜南海諸僧人持一布長三五尺疊若食

巾禮拜用替膝頭行時搭在肩二西國苾

芻來見咸皆莞爾而笑也文准寄歸所論

疑是五竺邊僧昔時先入華夏訛規遺效

久習成風倘入叢林不免隨眾要知展具

禮拜非律正制若作敬重法衣想庶宥遠

敬之愆原夫禮拜意在自卑以表至敬理

無數具盛體而自重也然更有無慚之輩

無數具盛體而自重也然更有無慚之輩

揀好紬綾配色銜美而令侍者展敷撩衣以禮大聖若此乃慢上惑愚其罪何以過之

第十六遠持羊毛戒

若比丘道路行得羊毛若無人持得自持乃至三由旬若無人持自持過三由旬尼薩耆波逸提

**緣起**佛在舍衛國給孤獨園時跋難陀道路行多得羊毛貫杖頭上擔行諸居士見皆共嫌責言沙門釋子云何販賣羊毛諸

比丘聞已白佛結戒因譏嫌故制斯學處

**釋義**文分二節在道路行得羊毛下明其

止制若無人持自持過三由旬下結成所犯律云若在道路行若在住處得羊毛須者應取或他施得若無人持謂無淨人得或糞掃得及餘白衣得謙七

自持乃至三由旬大約百若有人持應語

彼人言我有此物當助我持乃至彼比丘

於中間不得助持謂既有淨人為持比丘

持而輒

結罪是中犯者若比丘自持過三由旬捨

墮令餘人持若於中間助持突吉羅

若令比丘尼持過三由旬突吉羅若令

式叉摩那沙彌沙彌尼持過三由旬突吉

羅除羊毛若持一切草葉麻等過三由

旬突吉羅若復擔餘物著杖頭行者突

吉羅

此戒捨懺還羊毛等法於作持中明若捨

竟不還等得罪如上此戒具三緣方成

本罪一是羊毛二自持過制三心有貪著

**兼制**比丘尼突吉羅同制不式叉摩那沙

彌沙彌尼突吉羅是為犯

**隨開**不犯者若持至三由旬若減三由旬

若有人與持中間更不助擔若使比丘尼

及下三眾擔三由旬若擔毳裝獸毛得細者毳

繩若擔頭項脚毛若作帽若作裹草屣及

最初未制戒等是為不犯

**會採**僧祇律云若比丘持羊毛著道行至

一由延有所忘還取取已還至本處即滿

三由延不得復過過者捨墮 若一由延

半忘物得還還已不得復去去者捨墮

若直行齊三由延過一脚越毘尼罪過兩

脚捨墮 若二人各有擔齊三由延已轉

易各復得三由延三人九由延四人十二

由延若如是眾多人隨人為限唯不得更

重擔

五分律云得使淨人擔若無人乃聽自持

不得擔擔頭戴背負犯者突吉羅

此戒大乘同學

第十七使尼染羊毛戒

若比丘使非親里比丘尼浣染擘羊毛者尼

薩耆波逸提

**緣起**此戒有二制佛在釋迦維羅衛

尼拘律園時六羣比丘作新卧具使大愛

道比丘尼浣染擘羊毛染色汚手往禮世

尊世尊見已問知其故訶責六羣此初為

僧結戒也是後諸比丘各自有疑不敢使

親里尼浣染擘羊毛佛更開之故有第二

結戒也由自貪愛廢他正修制斯學處乃

初篇姪根本種類

**釋義**律云非親里如上浣者下至一入水

染者乃至一入染汁擘者下至以手擘一  
片擘音伯攝也分擘也謂分析揀理

**結罪**是中犯者若使非親里尼浣染擘羊

毛各一捨墮 若彼浣染而不擘二捨墮

一突吉羅 若浣不染而擘二捨墮一突

吉羅 若不浣而染擘二捨墮一突吉羅

若彼不浣染擘三突吉羅 使非親里沙

彌尼式義摩那浣染擘突吉羅

此戒捨懺還羊毛等法於作持中明若捨

竟不還等得罪如上 此戒具三緣方成

本罪一是羊毛二是非親里尼三如語作

竟

**兼制**比丘尼突吉羅同制不 式義摩那沙

彌沙彌尼突吉羅是為犯

**隨開**不犯者使親里比丘尼浣染擘若為

嫌七

三六

病人浣染擘若為眾僧為佛為塿浣染擘

及最初未制戒等是為不犯

**會採**根本律云若於尼作非親想或復生

疑令作三事撩理羊毛並得惡作

此戒大乘同學

**附考**薩婆多論云與諸比丘結戒者為增

上法故若諸尼眾執作浣染廢息正業則

無威德破增上法又為止惡法次第因緣

又為二部眾各有淨法

第十八受金銀戒

嫌七

三五

若比丘自手捉錢若金銀若教人捉若置地

受者尼薩耆波逸提

**緣起**佛在羅閱城靈鷲山中時城中有一

大臣與跋難陀親舊知識彼於異時大得

猪肉即教其婦留分與之時城中節會日

作眾伎樂竟夜不眠時大臣兒亦在其中  
 竟夜不眠饑乏問母有殘肉不母言肉盡  
 唯有跋難陀分在兒即取五錢與母言持  
 此錢更市肉與之此肉與我晨朝跋難陀  
 著持衣鉢詣大臣家就座而坐時大臣婦  
 語其故跋難陀言若為我故可與我錢不  
 須肉彼即置錢於地與時跋難陀持錢寄  
 市肆而去王臣居士皆共譏嫌言沙門釋  
 子不捨金銀錢寶時有珠髻大臣而具威  
 勢善能解釋令諸人眾歿息譏嫌歡喜信  
 解即往禮佛以此因緣啓白佛告大臣如  
 汝所說於正法中多有所益無有違失何  
 以故沙門釋子捨離珍寶不著飾好若應  
 捉金銀錢寶則應受五欲若受五欲非沙  
 門釋子法若見沙門釋子以我為師而捉

金銀錢寶則決定知非沙門釋子當知日  
 月有四患不明不淨不能有所照亦無威  
 神云何為四阿修羅烟雲塵霧是日月大  
 患沙門婆羅門亦有四患不明不淨不能  
 有所照亦無威神云何為四不捨飲酒不  
 捨姪欲不捨手捉持金銀不捨邪命自活  
 諸比丘聞其中有少欲知足者嫌責跋難  
 陀已白佛結戒此是遮罪為止誹謗故為  
 滅鬪諍故為成聖種故制斯學處乃初篇  
 盜根本種類

**釋義律云錢者上有文象**  
其錢外國象天

**金銀者**  
金銀半尼真珠

**置地受者**  
不從他手

**教人捉者**  
已捉

王之號居中以 象天地生人也 湖碑礫瑪瑙此諸寶等若作若不作若相 實不相作若以寶作諸器物不作若但 印相不相者不作器寶不作字相不作印 相 教人捉者 已捉 置地受者 不從他手



置地時受取罪非自捉亦非教人捉他  
置地而受皆由貪心故是以俱制

**結罪**是中犯者若比丘自手捉金銀若錢

若教人捉者若置地受皆捨墮

此應捨是中捨者若彼有信樂守園人或

優婆塞當語言此是我所不應汝當知之

此是對俗捨寶法對彼俗人如是捨已若其墮罪對一淨比丘說悔於作持中明

彼人取還與比丘者比丘當為彼人物故

受教淨人使掌之若得淨衣鉢尼師壇鉞

筒應持貿易受持之此作他物想毫無自

為淨仍須持向同梵行者是何物應換何物受持而令淨之更淨者蓋為蕩盡貪愛之念不存金

銀之想也若彼優婆塞取已與比丘淨

衣鉢尼師壇鉞筒應取持之此是俗還寶

知法取已見比丘所闕衣具即為造送比丘得之不必貿易此乃合時清淨即便受

持若彼取已不還者令餘比丘語言佛有

教為淨故與汝應還彼比丘物此是俗不還寶法言

疏七

三九

佛有教者謂是佛制而今比丘  
方便淨寶之法非實與汝爾若餘比丘

不語者當自往語言佛有教為淨故與汝

汝今可與僧與墻與和尚與同和尚與阿

闍黎與同阿闍黎與諸同學親舊知識若

還本主何以故不欲使失彼信施故若不

語彼人知是看是者突吉羅知是看是即說淨法

此戒具三緣方成本罪一有貪慢心二是

金銀錢寶三非淨語受持

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者若語言知是見是若彼有信

樂守園人乃至不欲令失彼信施即上捨中全文

及最初未制戒等是為不犯

第三分云有比丘在塚間得錢自持來佛

言不應取彼比丘須銅佛言打破壞相然

後得自持去

**會採**僧祇律云病人得使淨人畜莫貪著

若犯捨墮物僧中捨已不得還彼比丘

僧亦不應分若多者應著無盡物中

四方招提物也所生息利得作房舍中衣

即僧房物即具帳

慢不得食用 比丘凡得錢及安居訖衣

直不應自取當使淨人知若無淨人指脚

邊地語言是中知著地已自用草葉磚瓦

等遙擲覆上待淨人來令知 隨國土中

所用若銅錢鐵錢胡膠錢皮錢竹籌悉不

應捉 或有國土所用相不成就或相成

就國土不用捉者皆越毘尼罪 國所不

用相不成就作銅鐵捉無罪

五分律云僧應白二羯磨差一比丘作棄

金銀及錢人彼比丘應棄此物著坑中火

中流水中曠野中不應誌處若捉著餘處

不得更捉彼比丘不應問僧此物當云何

僧亦不應教作是作是 若不棄不問而

使淨人貿僧衣食與僧僧得受若分者唯

犯罪人不得受分 不犯者雖施比丘比

丘不知淨人受之為買淨物 有諸比丘

欲遠行從長者索道糧彼即使人賫金銀

錢物送之既至所在所長甚多使還白主

主言我已為施不應還取汝可持至僧房

施僧佛言聽淨人為僧受之以易僧所須

物諸比丘不應知事

雜七

手

十誦律云自手取寶若少應棄若多設得

同心淨人應語言我以不淨故不應取汝

應取淨人取已語比丘言此物與比丘比

丘言此是不淨物若淨當受 若不得同

心淨人應作四方僧卧具應入僧中言語  
大德我自手取寶得波逸提罪我今發露  
不敢覆藏悔過僧應問汝捨是寶不答言  
已捨僧應問汝見罪不答言見罪僧應語  
言後莫復作辨七 若言未捨僧應約教令捨  
若不約教一切僧得突吉羅罪三 若約教  
而不捨是比丘突吉羅

根本律云若為修營房舍等事應求草木  
車乘人工不應求金銀錢等 若捉方國  
共所用錢犯捨墮 若捉非方國所用錢  
得惡作罪 若捉赤銅鑰石銅鐵鉛錫者  
不犯 若有他施衣價欲須便受受已即  
作彼人物心而持畜之應委寄淨人使持  
不應自捉 若無淨人持物對一苾芻作  
如是語具壽存念我某甲得此不淨物我

當持此不淨之物換取淨財如是三說隨  
情受用勿致疑心 若復僧寺有賊驚怖  
所有增僧金銀錢寶應牢藏舉方可移去  
若無深信淨人居士應使求寂求寂亦無  
比丘自手穿坑藏舉如我為難所開事者  
難去之後則不應行

律攝云若他物自他物得墮無捨自他物  
謂共他

人若夏坐時安居施主持衣價與苾芻眾  
即作委寄此施主心而受取之諸苾芻應  
求敬信人若寺家淨人若鄔波索迦為淨

施主此乃諸金寶穀米淨  
施主法於作持中明 苾芻若得金寶

等物時作施主物想執捉無犯擬相去遠  
得不淨物遙作施主物心持之乃至施主  
命存已來並皆無犯 若無施主可得者  
應持金銀等物對一苾芻言具壽存念我

必芻某甲得此不淨財當持此不淨財換

取淨財如是三說應自持舉或令餘人舉

之按懷素師所集四分僧羯磨中亦采取此法今在東震未世誠為易行方便是故作打之中

遵奉此也若苾芻於行路中得金銀等

為道糧故應自持去或令淨人等及求寂

持去應知求寂於金銀等但制自畜不遮

執捉

此戒大乘為衆生故聽受然須淨人掌舉

設無淨人者必也心無染著存施兩田自

捉可爾若貪心自畜不行利濟即是多欲

不知足名染污犯

**引證**緇門警訓引鈔云一田宅園林二種

植生種三貯畜穀帛四畜養人僕五養繫

禽獸六錢寶貴物七瓊褥釜鑊八象金飾

牀及諸重物此之八名經論及律盛列通

釋七

三十一

數顯過不應又律經言若有畜者非我弟

子五分亦云必定不信我之法律由此八

種皆長貪壞道污染梵行有得穢果故名

不淨也乃至云律中在事小機意狹故多

開畜涅槃經云若諸弟子無人供須時世

饑饉飲食難得為欲護持建立正法我聽

弟子受畜金銀車乘田宅穀米貿易所須

雖聽受畜如是等物要須淨施篤信檀越

會正記云上明大乘機教俱急下明小乘

機教俱緩律在事者違事故輕則顯經宗

於理違理故重小機意狹不堪故開反上

大乘堪任故重世人反謂小乘須戒大教

通方幾許誤哉

**附考**善見律云受施用有四種法一者盜

用若比丘無戒依僧次受施飲食是名盜

謙七

三十一

用二者負債用若比丘受人飲食衣服房舍牀席卧具若有聰明智慧信心出家者至受食時口口作念乃至受用卧具亦應作念若鈍根者未食時作一念受用衣時應朝先作一念若不為障寒障熱障慚耻而用衣若不為饑渴病疾而受飲食湯藥是名負債用若受飲食衣服不先作念突吉羅三者親友用謂七學人受用施物如子受父物無異是名親友用四者主用謂真人羅漢受用施物於四種受用中盜用最惡

必隨其作惡故名無慚愧人無慚愧人親近有慚愧人必當改惡修善是名有慚愧人三者有法用謂有慚愧人依法而得四者無法用謂無慚愧人不依法得如得此物如得毒藥無異

僧祇律云有一比丘將一沙彌歸看親里路經曠野中有非人化作龍形右遶沙彌散華讚言善哉大得善利捨家出家比丘到親里家問訊已欲還時親里婦言汝今還去道過多乏可持是錢三兩市易所須沙彌

受取繫著衣頭中道非人復化作龍左遶沙彌以土塗上說如是言汝失善利出家修道而捉錢行沙彌便啼比丘顧問其故答言我不憶有過無故得惱師言汝有所捉耶答言持是錢來師令棄已非人復來

如前供養比丘以是因緣白佛佛言從今  
 不聽沙彌持金銀錢若比丘使沙彌最初  
 捉金銀錢者越毘尼罪若見沙彌先已捉  
 後使捉者無罪

毘尼止持會集卷第七

音義

舍衛城 或云舍婆提此翻闍物謂寶物多  
 又名舍婆提者昔有二仙弟名舍婆此云  
 幼小兄名阿跋提此云不可害合此二人  
 以名城也善見律云舍衛者見道士名也  
 昔有道士居住此地往古有王見此地好  
 就道士乞為立國以道七名號為舍衛又  
 名多有謂諸國珍寶及雜具物歸聚此國  
 故名多有西域記云室羅伐悉底國舊云  
 舍衛國也中印土境周六千餘里宮城  
 周二十餘里穀稼豐茂和風俗淳質  
 為學好福是勝軍大王所治國都也 跋  
 難陀 此翻賢喜或云優波難陀或云加波  
 難陀 此翻賢喜或云優波難陀或云加波  
 緞音近圓 即受具足戒也圓謂漣槃若  
 則近於 禩物 項上音僕也帛三幅曰帋  
 漁樂果 禩物 項上音僕也帛三幅曰帋

之少蠶蛹 蠶絲也三俯三起二十七日  
 項也蠶蛹而老黃帝元妃西陵氏始養蠶  
 為絲下音勇繭蟲也 拘遮羅 未見翻譯恐  
 雲化為蛹蛹化為蛾 南岳道休二師 南岳  
 華間 緇間去聲緇也 南岳道休二師 南岳  
 禪師少以慈愍闍於閭里常參梵僧勸出  
 俗乃辭親入道及稟具常習坐禪得宿命  
 通後悟法華三昧最上業門於陳光大六  
 年將四十僧徑趨南岳乃告曰吾寄此山  
 止期十載必事遠遊師習慈忍奉菩薩三  
 聚戒衣服率布寒則加之以艾 釋道休  
 恒以頭陀為業住雍州新豐福緣寺南曬  
 山幽谷結草為庵一坐七日乃出其定出  
 山乞食施說禁戒誨人慈善如是積四十  
 年貞觀三年夏內依期不出端拱而卒然  
 休師出家已來常但三衣不出端拱而卒然  
 生也所著布衣積有年稔塵朽零破見者  
 心寒南山宣律師云余曾參翻譯親問西  
 域諸僧皆以布種而為袈裟都無繒絹者  
 俗用以為餘衣不得加受持也其遺孳於  
 通諸國見今養蠶唯提取綿不殺害故  
 知休之慈教 離車子 善見律云往昔波羅  
 與衛岳同風 離車子 善見律云往昔波羅  
 滿生一肉段無有手足恐王夫人懷妊月  
 賤即取盛貯器中打金作薄以未砂書題  
 云是波羅奈國王夫人所生蓋履器頂以  
 王印印之使人送放江中葉江流已諸鬼  
 神營護使無風浪飄沒爾時有一道士依  
 止牧牛人住於江邊道士清胡往江邊漂

面通見此器近已而取又見金薄朱字復  
 念云若是死肉又應爛臭必有異相取將  
 歸住安於好處過半月已而後成兩片復  
 半月二片各有五胞又却後半月一片成  
 男如黃金色一片成女如白銀色道士見  
 如是瑞相已心生愛重如自生子以慈心  
 力故兩手母指自然出乳一指飲男一指  
 飲女乳入子腹譬清水入摩尼珠內外明  
 徹道士號兒名難車子此翻皮薄亦名同  
 皮後時牧牛人來乞道士迎此二子供養  
 年十六歲又見地博處縱廣一百由旬  
 起立舍宅以男立為王女為夫人於後女  
 人生兒王子漸多復各關立舍宅造諸國  
 池故號毘離城為難車子所居而離車是  
 其種姓正音應云粟咕婆此云仙施王種  
 也狼藉後其性多貪故曰貪狼跡擯其草  
 使之雜亂釋翅梭迦維羅衛尼拘律園釋  
 故曰狼藉釋翅梭迦維羅衛尼拘律園

按此云能也迦維羅衛此云赤澤總謂能  
 仁住處赤澤城也鼻奈耶云釋翅梭者釋  
 種也伽維羅衛亦云迦毘羅衛又翻赤澤  
 又翻黃頭三尼拘律如大房戒釋此園在  
 赤澤城南三四里是釋迦如來成等正覺  
 已還國見父王為說法處時淨飯王知佛  
 不住王宮即於此園道大寺院如祇陀林  
 等無有其迎佛歸國於此而住佛即於此  
 度八王子及五百釋迦出家入道珠髻大  
 入王子者除第九優婆塞是也

臣或云寶髻或云如意珠摩尼是寶之總名  
 此大語是王日月四忠謂阿修羅烟雲  
 舍城聚落主日月四忠謂阿修羅烟雲  
 患以烟雲分爲二患如毘婆沙論云日月  
 輪五時所騎不爲二患如毘婆沙論云日月  
 盛夏時有少雲起須臾增長徧覆虛空障  
 日月輪俱令不現二烟如林野中焚燒  
 草水率爾烟徧覆虛空障日月輪俱令不  
 現三塵如烟徧覆虛空障日月輪俱令不  
 徧覆虛空障日月輪俱令不現四霧如  
 徧覆虛空障日月輪俱令不現四霧如  
 秋冬時山河霧起又聞外國雨初晴時日  
 照川原地氣騰湧雲霧布散徧覆虛空障  
 日月輪俱令不現五阿修羅與天常勝彼  
 天用日月以爲旗幟由日月威天常勝彼  
 時阿修羅常心念日月欲摧滅之由諸有  
 情業增上力盡其智術不能摧壞遂以手  
 遮令暫隱沒亦名智暉阿奈洛曷邏呼  
 是阿修羅也 鑰石 金也 鉛 銀處有之 七學人  
 羅名也 鑰石 金也 鉛 銀處有之 七學人  
 向及初二三果人三界  
 樹未斷盡故名七學人

毘尼止持會集卷第八

謙八

清金陵寶華山弘律沙門讀體集

第十九賣買寶物戒

若比丘種種賣買寶物者尼薩耆波逸提

**緣起**佛在王舍城耆闍崛山時跋難陀往

謙八

市肆上以錢易錢將去諸居士見已皆譏

嫌有少欲比丘聞知白佛結戒由貪慢煩

惱制斯學處乃初篇盜根本種類

**釋義**律云種種賣買者以成金未成金成

銀未成銀根本律云成者謂金銀等器未成者謂金銀錠及碎金銀及

錢錢有八種金錢銀錢鐵錢銅錢白鐵錢

鉛錫錢木錢胡膠錢

**結罪**是中犯者若比丘種種賣買寶物以

成金易成金乃至易錢捨墮

此應捨是中捨者准上捉寶戒無異三十 尼薩

耆波逸提唯有二十七種還法其第十一  
雜野蠶綿作計共第十八自捉寶並此戒  
無還法於  
作持中明此戒具三緣方成本罪一有貪  
慢心二畜寶轉易三轉易已成

**無制**比丘尼捨墮同制式叉摩那沙彌沙

彌尼突吉羅是為犯

**隨開**不犯者若語彼人言看是知是乃至

若還與本主何以故不欲令失信施故與

戒文同故若以錢買瓔珞具若以瓔珞具

易錢為佛法僧及最初未制戒等是為不

犯

此戒大乘同制

**引證**律攝云若為三寶出納若施主作無

盡藏設有馳求並成非犯然此等物出利

之時應一倍納質求好保證明作契書年

終之日應告上座及授事人皆使同知或



復告彼信心鄔波索迦

根本律云時諸苾芻得無盡物置房庫中

時施主來問言聖者何意毘訶羅此云寺仍

不修補報言為無錢物主曰我豈不施無

盡物耶報言其無盡物我豈食之安僧庫

中今現在主曰其無盡物不合如是我之

家中豈無安處何不迴易求生利耶時諸

苾芻以此因緣白佛佛言若信心居士等

為佛法僧故施無盡物此三寶物應迴轉

求利所得還於三寶而作供養時諸苾芻

即與彼原施主索利之時多與諍競便作

是語豈我已物生鬪諍耶又共富貴者而

為出息索物之時恃官勢故不肯相還復

共貧人而為出息索時無物佛言不應共

施主富貴人貧人而交易若與物時應可

分明兩倍納質書其券并立保證記其

年月安上座名及授事人字假令信心鄔

波索迦受五學處亦應兩倍而納其質本

令兩倍納質律攝云一倍納質二律皆義

淨師所譯事豈弗同恐後人傳寫之誤二

倍想是一倍稱

量當准律攝也

薩婆多毘婆沙云此戒體正應言種種用

寶不得言種種賣買此戒直往成罪不同

販賣戒販賣戒為利故買已還賣成罪

第二十二販賣戒

若比丘種種販賣尼薩耆波逸提

**緣起**佛在舍衛國給孤獨園時跋難陀在

拘薩羅國道行往一無住處村謂此村無

至村中已持生薑易食而去時舍利弗亦

遊行至此乞食至賣飯家彼即索價報言

居士勿作此言我等所不應時彼人言向

者跋難陀以生薑易食而去云何不應又舍衛城中有一外道得一貴價衣持至僧伽藍貿易跋難陀言明日來彼善能治衣即其夜浣故衣擣治光澤如新晨朝易之外道得衣還所止園中示諸外道中有智慧者語言汝為彼所欺汝是新衣廣大堅緻此是故衣但擣治光澤如新耳此外道即持衣欲相還跋難陀不允外道譏嫌諸比丘聞知白佛結戒由非法貪制斯學處乃初篇盜根本種類

**釋義**律云種種販賣者販買賣賣日販以時易時以時易非時易七日易盡形壽易波利迦羅以非時易非時易七日盡形壽及時等乃至以波利迦羅易時非時等賣者價直一錢數數上下增言直三錢五錢買亦如

是

**結罪**是中犯者若比丘種種販賣得者捨墮不得突吉羅

此戒捨懺還物等法於作持中明若捨竟不還等得罪如上 此戒具三緣方成本

罪一有貪利心二是販賣三販賣已成

**兼制**比丘尼捨墮同制同學式叉摩那沙彌沙

彌尼突吉羅是為犯

**隨開**不犯者與五眾出家人貿易自審定

不相高下如市易法不與餘人貿易餘人謂外

道及在家白衣等若使淨人貿易若悔者應還若

以酥易油以油易酥及最初未制戒等之為不犯

**會採**僧祇律云若自問價若教人問價若自上價若使人上價若自下價若使人下

價作不淨語時越毘尼罪得時捨墮 若肆上物先有定價比丘持直來買置地時應語物主言此直知是物若不語默持去越毘尼罪 若彼物應直五十而索百錢比丘言我以五十知是如是求者不名為下 若知前人欲買物不得抄買買者越毘尼罪 若見賣鉢時作是念此鉢好至某方當得利買時越毘尼罪若作是念我有是物無有淨人此是淨物得買去無罪到某方或和尚阿闍黎所須或自為病或作功德買去本不為利臨時得貴價賣無罪 若比丘糴穀時作是念此後當貴糴時越毘尼罪糴時捨墮若恐某時穀貴我今糴此穀當依是得誦經坐禪行道到時穀大貴若食長與和尚阿闍黎若作功德

律八

二

餘者糴得利無罪 若營事比丘雇一切作人賃車馬人船等作不淨語者皆越毘尼罪 若比丘為僧直月行市買酥油糴米豆麥求一切物時作不淨語越毘尼罪 若自為買如是等一切不作淨語捨墮 若比丘市買時得呵嫌說實前人物此好此惡若麤若細斗秤大小香臭等無罪 有檀越為比丘故與店上錢語言若某甲比丘日日來有所索從意與彼比丘後來索時作淨不淨語無犯 五分律云若欲貿易應使淨人語言為我以此物易彼物又應心念寧使彼得我利我不得彼利 若自貿易應於五眾中若與白衣貿易突吉羅 根本律云若為利買不為利賣買時惡作

賣時無犯 若不為利買為利賣買時無犯賣時捨墮 若向餘方買物而去元不為利到彼賣時雖得利無犯

律攝云若買賣時不依實說或以偽濫斗稱欺誑於他得妄語罪獲物之時便犯盜

罪凡持財物欲買賣時先須定意無求利

心隨處獲利悉皆無犯 設為三衣不應

規利而作販賣 若現前眾物欲賣之時

上座應先為作本價不可因斯唱斷應取

末後價極高者方可與之 若實不欲買

妄增他價得惡作罪 唱得衣持未還價

直便著者得惡作罪

尼陀那云苾芻不應為俗人斷價不應酬

價高下若無俗人代酬應可二三得自酬

價過此得惡作罪

十誦律云以此不淨物買食口口突吉羅

買衣著隨著波逸提 若共買物前人

心悔應還若過七日不應還 若以減價

索他貴衣突吉羅 若必須是物三索不

肯者應覓淨人使買

此戒大乘同制

引證薩婆多毘婆沙云此販賣罪於一切

波逸提中最是重者寧作屠兒不為販賣

何以故屠兒正害畜生販賣一切欺害不

問道俗賢愚持戒毀戒無往不欺又常懷

惡心設若居穀心恒希望使天下荒饑霜

雹災害若居鹽貯積物意常企望四遠反

亂王路隔塞夫販賣者有如是惡此販賣

物設與眾僧作食眾僧不應食若作四方

僧房不應住中若作塿作像不應向禮又

云但佛作意禮凡持戒比丘不應受用此物若此比丘死此物眾僧應羯磨分問曰不死時不受用此物何以死便羯磨答曰此販賣業罪過深重若生在時眾僧食用此物者雖復犯戒有罪僧福田中故與受用謙八以受用故續作不斷是僧福田中不聽受用今世無福後得重罪以此因緣不敢更行比丘既死更無販賣因故是故聽羯磨取

### 第二十一畜長鉢戒

若比丘畜長鉢不淨施得齊十日過者尼薩耆波逸提

**緣起**此戒有二制佛在舍衛國給孤獨園時六羣比丘畜鉢好者持不好者置如是常覓好鉢遂畜甚多眾居士詣房觀見譏

嫌如陶師賣鉢肆諸知足比丘聞已白佛此初結戒也時阿難得蘇摩國貴價鉢此之鉢色青好如閻浮樹意欲與大迦葉而迦葉不在畏犯畜長鉢往白世尊佛問迦葉更幾日當還報言却後十日當還由是聽畜齊十日此第二結戒也由情貪積聚增長煩惱妨修正業為遮斷故制斯學處

**釋義律**云鉢有六種鐵鉢蘇摩國鉢烏伽羅國鉢優伽賒國鉢黑鉢赤鉢大要有二種鐵鉢泥鉢大者受三斗小者受一斗此

是鉢量梵語波咀囉或云鉢多羅此翻為鉢也義翻應器謂體色重三皆須應法也體者泥及鐵也色者黑赤色或孔雀咽色或鴿色也量者如律所分大小

薩婆多論云諸論師有種種異說然以一義為正鉢者三種上者受三鉢他飯一鉢

他羹餘可食物半羹 下者受一鉢他飯  
 半鉢他羹餘可食物半羹上下兩間是名  
 中鉢 梵語鉢他此翻云升三鉢他飯可  
 秦升二升秦升止有今之七合一鉢他羹  
 餘可食物半羹者是一鉢他半也受食之  
 時留鉢上空處不得太滿須令指不觸食  
 為善

**結罪**是中犯者若比丘一日得鉢二日三  
 日四日乃至十日得鉢畜至十一日明相  
 出十日中所得鉢盡捨墮

若十日內超間得或但一日得若不作淨  
 施若不遣與人若不失若不故壞若不作  
 非鉢謂棄捨之不  
作受持應用如長衣戒中所明皆犯  
 捨墮  
 此戒捨懺還鉢等法於作持中明若捨竟

不還等得罪如上 此戒具三緣方成本

罪一是長鉢二有貪畜心三過十日

**兼制**比丘尼捨墮同制  
同學式叉摩那沙彌沙

彌尼突吉羅是為犯

**隨開**不犯者十日內若淨施若遣與人若

劫奪想失破漂等想若失鉢燒鉢取用謂  
燒壞

若與他用若受寄鉢比丘死若遠

行若休道若被賊獸水漂等難不遣與人

及最初未制戒等是為不犯

第三分云鍵磁小鉢次鉢聽不淨畜九

第四分云比丘不應畜木鉢此是外道鉢

若畜如法治越毘尼  
罪也不應畜石鉢此是如

來法鉢若畜得偷蘭遮 不應畜金銀雜

寶香鉢是白衣法若畜得突吉羅 聽受

鐵鉢如法熏治

**會採**僧祇律云不聽鉢中安隔若以餅隔及飯隔者無犯

十誦律云鉢是恒沙諸佛幟幟比丘不得盛不淨物

五分律云持鉢應如法不得除糞掃盛殘食盛過中飲盛香及藥當淨舉謹護如眼

過中不得用鉢飲聽飲器用銅鐵瓦聽別作歡粥器 若得二鉢應問和尚阿闍

黎此二鉢何者勝若二師不善分別應各五日用自勝者受持不如者與人

善見律云若買他鉢未還直不得受持若鉢主言但用然後還直鉢主雖作此語亦

不得受持還直然後受持 此謂市場之人恐言不定價有 若買鉢已度直竟鉢主為熏竟報比丘比丘不往取過十

日犯捨墮 若鉢主熏竟他人知傳向比丘道比丘雖聞過十日不犯

摩得勒伽云若比丘有一鉢不受持犯捨墮

律攝云若減量若過量若擬與人出家近圓濟其所用雖不分別無犯 不分別謂滿十日不滿也

若貯羹菜或飲水畜二小鉢及安鹽盤子並匙悉皆無犯 又於大鉢之中隨容小

鉢若順所須多畜非犯 應更畜一大鉢防闕事故此異外道縫葉為器或於手內 謙八

立拱而食難養難供非福田相世尊許一非多非少善順中道資身修業

薩婆多論云若畜白鐵鉢瓦鉢未燒一切不應量鉢突吉羅 律攝云若順所須多畜非犯乃必用之具縱多

亦有分限故聞此中若畜白鐵等鉢結成所犯者既非堪用之物而仍積蓄則墮食

至極故爾治之然犯實在於心非在於物也

此戒大乘為衆生故不同學

**會採**第四分云不應鉢中畫蒲萄蓮華像

及作卍字作已名字 不應纏鉢四邊若

口不應都縵纏鉢應縵兩分留一分若有

星孔應盡縵食入孔中隨可擲出便擲出

餘者不可出無犯 聽作囊盛作帶絡肩

挾鉢腋下令口向外 因比丘挾鉢腋下鉢口向脇道行過兩脚

跌倒地鉢應脇道成患故制口向外今時謂入里乞食則口向外若受食已則口向脇斯乃謠傳

無人可據 鉢破聽補綴 若作鉢者出

家聽為諸比丘作鉢聽畜作具聽熏鉢應

作熏爐若釜若瓦種種泥塗以杏子麻子

泥裹以灰平地作熏鉢塲安支以鉢置上

鉢爐覆上以灰壅四邊手按令堅若新牛

糞壅四邊燒之當作如是熏

薩婆多論謙八云佛初出世衆僧無鉢佛敕釋

提桓因令天巧工作十萬鉢在於世間肆

上 梵語鍵磁母論譯為淺鐵鉢十誦律

云鉢半大鍵磁小鍵磁本律云鍵磁入小

鉢小鉢入次鉢次鉢入大鉢據鍵磁乃四

鉢中之最小者一往律家云一鉢三鎖稽

考諸部曾無此說其鎖字海篇音墳鐵也

又音飾也又音奔平聲木器也雖字彙音

訓亦鐵屬也

第二十二畜鉢求好戒

若比丘畜鉢減五綴不漏更求新鉢為好故

尼薩耆波逸提彼比丘應往僧中捨展轉取

最下鉢與之令持乃至破應持此是時

**緣起**佛在舍衛國給孤獨園時跋難陀鉢

破入舍衛城向居士求鉢時居士即市鉢



與復至諸居士家亦如是求破一鉢得眾  
多鉢異時諸居士於一處集各各自言得  
福無量以市鉢與跋難陀故由是諸居士  
皆共譏嫌無有慚愧破一鉢而得多鉢畜  
雖施者無厭而受者知足諸比丘聞知白  
佛結戒由情貪好故增長煩惱招世譏嫌  
制斯學處

**釋義**文分三節若比丘下明故犯結罪彼

比丘下明僧中捨法乃至下明守護綴鉢  
法律云五綴者相去兩指間一綴綴者聯綴也謂

合著連補 減五綴不漏者謂現前手持  
之鉢雖破補綴尚未完五盛貯羹飯不漏  
仍堪受用行持而為貪新好勝  
妙故更從他人乞求第二鉢也

**結罪**是中犯者若比丘鉢破減五綴不漏  
更求新鉢捨墮 若滿五綴不漏更求新  
鉢者突吉羅 此應捨是中捨者彼比丘

讚六

上二

應於此住處僧中捨揀非餘住處捨已懺悔竟

僧應羯磨與鉢此比丘鉢若貴價好者應

留置取最下不如者白二羯磨與之白二

羯磨已彼比丘鉢應作白次第問僧當持

與上座若上座欲取此鉢與之應取上座

鉢與次座若與彼比丘彼比丘應取不應

護眾僧故不取謂應取即取不亦不應以

此因緣受持最下鉢若受突吉羅此謂眾僧不應

以此行有犯鉢因緣而故受持最下鉢來  
集欲換彼好鉢若受者先存貪好之心  
豈為清淨眾所以治罪此於

根本律中顯本部文畧義聽若第二上座

取此鉢應取第二上座鉢與第三上座若

與彼比丘彼比丘應受不應護眾僧故不

受不應以此因緣受持最下鉢若受突吉

羅 如是展轉乃至下座若持此比丘鉢

還此比丘若持最下座鉢與之

此戒捨懺及還鉢行鉢付鉢單白白二羯

磨等法於作持中明

准根本律差一五德人行鉢有白衆法亦

補作

持內 彼比丘守護此鉢不得著瓦石落處

不得著倚杖下及著倚刀下不得著懸物

下不得著道中不得著石上不得著果樹

下不得著不平地比丘不得一手捉兩鉢

除指隔中央不得一手捉兩鉢開戶除用

心不得著戶闕內戶扉下不得持鉢著繩

牀木牀下除暫著不得著繩牀木牀間不

得著繩牀木牀角頭除暫著不得立蕩鉢

乃至足令鉢破比丘不得故壞鉢不應故

令失若故壞不應作非鉢若捨竟不還等

得罪如上 此戒具三緣方成本罪一有

貪積心二受持鉢減綴不漏三乞求好鉢

已得

兼制比丘尼捨墮

同制

式義摩那沙彌沙

彌尼突吉羅是為犯

隨開不犯者五綴漏若減五綴漏更求新

鉢若從親里索若從出家人索若為他索

他為已索若不求而得若施僧得鉢時當

次得若自有價買畜及最初未制戒等是

為不犯

會採根本律云若苾芻鉢破堪為一綴雖

未安綴尚得受用更求餘鉢者求時犯惡

作 得便犯捨墮

律攝云非好好想但得惡作 好與不好

作不好想無犯

僧祇律云是持綴鉢比丘若故打破犯波

逸提 若和尚阿闍黎及知識等憫其洗

鉢妨道藏去不見已更乞無罪 乞得一

鉢應受持若得兩鉢一鉢入僧淨厨乃至

得十鉢九鉢入僧淨厨僧淨厨乃白羯磨所結淨地非今之

也如得鉢直亦如是

薩婆多摩得勒伽云若乞得衆多鉢應捨

一意所貪樂者餘者應與同意

此戒大乘同學

**附考**律攝云有五種鎔濕物不應用綴鉢

謂黑糖黃蠟鉛錫紫礦根本律云此五種若變物時便脫落

有五種綴鐵鉢法一以細釘塞孔二安小

鐵片打入令堅三如魚齒四邊鉸破內外

相夾四以鐵片掩孔周圍釘之五用屑末

此有二種一銼鐵末二磨石末初補鐵鉢

次補瓦鉢用末綴時以油和末於鐵鉢中

用鐵鎚熟研方用塞孔即以微火燒之使

硬若麤澀者更以油塗依法熏之若瓦鉢

八

十四

有孔隙者用沙糖和泥塞之以火乾炙若

豐破者刻作鼓腰以鐵鼓填之上以泥塗

火熏應用泛論鉢者有四圓滿一體圓滿

謂是鐵也二相圓滿謂堅牢無穴無綴不

受垢膩三量圓滿謂是大鉢四得處圓滿

謂衆中分得或施主處得

第二十三非親織衣戒

若比丘自乞縷線使非親里織師織作三衣

者尼薩耆波逸提

**緣起**佛在舍衛國祇桓園中時跋難陀欲

縫僧伽黎入城至諸居士家處處求線乞

得線多遂持與織師使織作三衣彼自手

作維自看織居士見而譏嫌諸比丘聞知

白佛結戒由惱物生譏制斯學處乃初篇

盜根本種類

釋義律云自乞者在在處處自行求乞縷線者有十種如上十種衣線也織師非親里與線者非親里織師非親里與線者親里織師是親里與線者非親里但非親里制遮不聽

**結罪**是中犯者若織師非親里與線者非

親里捨墮 若自看織若自織若作維盡

突吉羅罪 此戒捨穢還衣等法於作持

中明若捨竟不還等得罪如上 此戒具

三緣方成本罪一貪求慢教二從非親乞

縷三不與價而使非親里縷衣

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者織師是親里與線者是親里

若自織作鉢囊革屣囊鉞種禪帶若作腰

帶若作帽若作襪及最初未制戒等是為不犯

**會採**僧祇律云自行乞縷越毘尼心悔

得者越毘尼罪 織成者捨墮

十誦律云若自織若令五眾織突吉羅

律攝云若彼施主自有信心令彼為織或

以價酬織者無犯 若虛誑心陳已勝德

乞得物時惡作他勝一時俱得他勝謂實

有德者得惡作墮罪 雖親織師不知時

故令他生惱或現異相皆得惡作

薩婆多論云少衣正應乞衣不應乞縷作

衣須縷縫衣作帶無犯

摩得勒伽云為僧乞不犯

此戒大乘為眾生成故不同學

第二十四勸織好衣戒

若比丘居士居士婦使織師為比丘織作衣  
彼比丘先不受自恣請便往織師所語言此  
衣為我作與我極好織令廣大堅緻我當少  
多與汝價是比丘與價乃至一食直若得衣  
尼薩耆波逸提

**緣起**此戒有二制佛在舍衛國給孤獨園  
時城中有一居士出好線令織師為跋難  
陀織衣織師詣寺語跋難陀彼即遣織廣  
大堅緻者織師言線少跋難陀至居士家  
更乞線居士婦出線箱即恣意擇取好者  
持與織師織師言價少即更許與價居士  
從他處還問婦言前所織衣今成未婦報  
已成持衣與看居士言此非我先所織衣  
婦即具說因緣居士便生譏嫌諸比丘聞  
知白佛此初結戒也如是結戒已諸居士

自恣請與比丘衣諸比丘疑不敢答又有  
居士欲與比丘貴價衣然比丘少欲知足  
欲得不如者疑不敢答佛言若先自恣請  
及索不如者隨意答故更加先不受自恣  
請之語此第二結戒也由招世譏嫌制斯  
學處乃初篇盜根本種類

**釋義**文分二節居士居士婦使織師下明  
貪求之事是比丘與價下結成所犯律云

居士居士婦如上衣有十種如上

謂今精妙也亦是今本廣大堅緻之義廣  
者今足堅量大者今足橫量堅者謂牢固

緻者謂細密 乃至一食五者  
謂下至極少與一餐之工價也

**結罪**是中犯者若比丘先不受自恣請便

往求衣若得者捨墮 不得突吉羅

此戒捨懺還衣等法於作持中明若捨竟  
不還等得罪如上 此戒具五緣方成本

罪一貪慢求好二先未受請三往囑織者

四許增價直五衣成取獲

**兼制**比丘尼捨墮

同制同學

式叉摩那沙彌沙

彌尼突吉羅是為犯

**隨開**不犯者先受自恣請往求知足減少

求若從親里索或為他或他為已或不索

而得者及最初未制戒等是為不犯

**會採**僧祇律云若語織師言與我好織堅

織緻打得越毘尼罪 織師下手打織時

下下波逸提 作是得者捨墮 若但往

勸不許價得衣者越毘尼罪

根本律云為求衣故從座而起整理衣服

持二五食等至織師所而授與之勸令好

織皆得惡作罪

薩婆多論云此衣不問應量不應量盡皆

疎八

六

得罪 若為織師說法令好織不與食具

食直得好衣突吉羅 若遣使書信印信

許與食具食直得好衣捨墮 若自有縷

令織師織無罪

此戒大乘同制

即是惡求多求

第二十五與衣瞋奪戒

若比丘先與比丘衣後瞋恚若自奪若教人

奪取還我衣來不與汝若比丘還衣彼取衣

尼薩耆波逸提

**緣起**佛在舍衛國給孤獨園難陀弟子善

能勸化跋難陀語言與我共行人間當與

汝衣跋難陀與衣已餘比丘語言汝以何

事共跋難陀行彼癡人不知誦戒不知說

戒布薩羯磨後彼比丘即不隨行跋難陀

乃索前衣比丘不還即瞋恚強奪比丘高

聲言莫爾莫爾比丘房諸比丘聞聲盡來集

聚問知其故白佛結戒因取衣事不忍廢  
闕譏嫌煩惱制斯學處乃初篇盜根本種  
類

**釋義**文分三節先與比丘衣者明其自樂

施後瞋恚下明其瞋奪取若比丘還衣下

結成所犯律云衣有十種如上律攝云與

總標若與衣時告言汝可與我作使若不  
為我作使奪衣後瞋恚者後是別時瞋  
者以身業現瞋相故恚者謂於內心結忿  
恚故奪者據本心有所希望情既不遂  
所以仍返奪之

結罪是中犯者若比丘先與比丘衣後瞋

恚若自奪若教人奪取藏舉者捨墮 若

奪而不藏舉者突吉羅

若著樹上牆上籬上乃至衣架牀褥上若

取離處捨墮 取不離處突吉羅

此戒捨懺還衣等法於作持中明若捨竟

不還等得罪如上 此戒具四緣方成本  
罪一先本與他二人是清淨比丘三因瞋  
復奪四離處藏舉

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者不瞋恚言我悔不與汝衣還

我来若彼人亦知其人心悔即還衣若餘

人語言此比丘欲悔還他衣若借他衣著

他著無道理奪取若恐失衣若恐壞若彼

人破戒破見彼威儀若被舉若滅擯若應

滅擯若為命難梵行難如是一切奪取不

藏舉及最初未制戒等是為不犯

會採僧祇律云或合與別奪或別與合奪

或合與合奪或別與別奪合奪者得一波

逸提別奪者得眾多波逸提 若與衣時

作是言住我邊者與不住者奪或言汝適我意者與不適意還奪或為受經故與不受經還奪一切無罪 或賣衣未取直直未畢仍取衣無罪 或弟子不可教誡為折伏故奪後折伏已還與無罪

謙八

干

根本律云若教比丘奪彼衣時衣未離身

二俱惡作 若離身者俱得波逸底迦罪

主有捨過

罪主即先與衣者捨過謂得尼薩耆波逸提罪

薩婆多論云奪比丘尼式叉摩那沙彌沙

彌尼衣突吉羅 若奪得戒沙彌行波利

婆沙摩那埵盲瞎聾瘂不見擯惡邪不除

擯盡突吉羅 若奪狂心亂心病壞心犯

四重五逆人五法人衣盡突吉羅 若比

丘尼奪比丘尼衣奪得戒沙彌尼乃至五

逆五法人衣盡捨墮奪比丘衣突吉羅

若先根本與他衣

根本與謂是實意與他而衣已屬彼彼為主故

後為惱故暫還奪取捨墮衣捨他波逸提

懺

衣捨他者謂仍與彼人

若先根本與他衣後根本

奪應計錢成罪

以直五錢犯重故

若先暫與他衣

後便奪取以忿恚欲令彼惱突吉羅 若

為折伏令離惡法暫奪無罪

本律奪破戒見等承不犯

者先為持戒與衣後因犯戒等故奪此是折伏心所以不犯薩婆多制奪得戒沙彌乃主破舉人衣盡犯捨墮由其未是與學破舉人先以憐慈與後以顯奪則是喜怒不恒恚任情見所以結過也

此戒大乘同學

謙八

主

第二十六過七日藥戒

若比丘有病殘藥酥油生酥蜜石蜜齋七日

得服若過七日服者尼薩耆波逸提

緣起佛在舍衛國時諸比丘秋月風病動

形體枯燥又生惡瘡佛聽時非時有病服



五種藥畢陵伽婆蹉在羅閱城多有所識

亦多徒眾大得酥油生酥蜜石蜜五種藥

諸弟子積聚藏舉處處流漫房舍臭穢時

諸長者見如是儲積狼籍皆共譏嫌謂如

瓶沙王庫藏有知足比丘聞已白佛結戒

此是遮罪因病藥事貪煩惱故制斯學處

**釋義**文分二節有病下明聽服藥若過下

結成所犯律云病者醫教服爾所種藥也

藥者酥油生酥蜜石蜜根本律云病有二種一飢渴為主病

二四病為客病諸病錄不出三種謂風熱痰癢此三種病以三藥能除也除風

氣酥與石蜜除黃熱病蜜及陳砂糖能除痰癢雜病者應盡用上藥可治僧祇律

云四百四病者風病一百一火病一百一水病一百一雜病一百一

**結罪**是中犯者若比丘一日得藥畜二日

三日四日乃至七日得藥畜八日明相出

七日所得藥盡捨墮言一日者如畜長衣戒中所明

若七日中或間日得藥或唯一日得藥至

八日明相出盡捨墮

若七日內所得藥不淨施不遣與人若不

失不故壞不作非藥作非藥者若是酥及油用然燈或塗脚或

塗戶櫛若足蓋及石若不作親厚意取不

忘去至八日明相出盡捨墮

若犯捨墮藥不捨更貿易餘藥一捨墮一

突吉羅 此戒受諸藥法及捨馱還藥等

法於作持中明若捨竟不還等得罪如上

此戒具三緣方成本罪一是七日藥二謀八

有貪畜心三過七日已三

**兼制**比丘尼捨墮同制式叉摩那沙彌沙

彌尼突吉羅是為犯

**隨開**不犯者若彼過七日藥若酥油塗戶

響若蜜石蜜與守園人若至七日所捨與

比丘食之若未滿七日還彼比丘彼當用

塗脚若然燈及最初未制戒等是為不犯

**會採律攝**云若七日滿作滿想並疑捨墮

不滿作滿想並疑得惡作罪 若為好

容儀或著滋味或求肥盛或詐偽心服食

諸藥皆惡作罪 受七日藥正服之時應

告同梵行者作如是語我已一日服藥訖

餘有六日在我當服之乃至七日准知

十誦律云若重病不犯食是四舍消時應

作是念我以治病故舍不為美味 四舍消 即酥油

蜜石 蜜也石蜜非時不聽輒噉有五種人得非

時食謂遠行人病人不得食人少食人若

施水處和水得飲 邇來或有講演禮懺謂 米糖及陳皮橘餅可充

藥食於非時輒噉不禁者斯皆師心自許 致令後學傲效研窮五部律章未見如是 開

謙八

三五

此戒大乘同學

毘尼止持會集卷第八

音義

**羅羅** 上音秋買穀也 下音跳賣米也 **白鐵** 音拉錫 規求計也 左傳 蘇摩國本 蘇摩此翻云月 規求無度 蘇摩國本 按第四分云佛

在此國人間遊行彼國有一信樂陶師佛 一一指授教令作鉢彼如教隨作即成特 異黃好蘇摩鉢與諸比丘不敢受佛神受 畜五分律云佛於蘇摩國自作鉢坯以 為後式令陶師燒陶師便多作合燒開窻 視之皆成金色鉢怖懼言此是大沙門神 力若王聞者必當謂我多有金寶便樂埋 藏佛復作令燒皆成銀鉢亦怖懼埋藏佛 復作令燒乃成銅鉢色青好如閻烏伽羅 浮樹與諸比丘不敢受佛聽受畜 烏伽羅

**國鉢** 或作鬱伽羅又名云優伽羅總是一 號時諸比丘得此國貴好瓦鉢不受 佛聽優伽除國鉢 或云憂伽除或云烏伽 受畜優伽除國鉢 皆一也諸比丘得此 國貴好瓦鉢不黑鉢 此是毘舍離城上好 敢受佛聽受畜黑鉢 此是毘舍離城上好 得不敢受赤鉢 此是舍衛國上貴赤色瓦 佛聽受畜赤鉢 此是舍衛國上貴赤色瓦 用瓊與瓦 歡穿入聲 登許慎切欣去聲 凡 瓦器裂皆曰登

用瓊與瓦 歡穿入聲 登許慎切欣去聲 凡 瓦器裂皆曰登

瓦器裂皆曰登

瓦器裂皆曰登

瓦器裂皆曰登

瓦器裂皆曰登

瓦器裂皆曰登

瓦器裂皆曰登

瓦器裂皆曰登

瓦器裂皆曰登

維音粹織維說文云著絲二五食一者蒲  
 云於噉食此有五種謂飯麩乾飯魚肉二者  
 仕開尼翻云爵食此有五種謂枝葉華果  
 細未難陀弟子此難陀是跋難陀之兄非  
 食陀有一共住弟子名達磨常懷慚恥追悔  
 為心於諸學處愛樂尊重彼未曾知難陀  
 惡行與之共住既知行跡即便捨之與善  
 必躬而為同住除三時禮茶三時禮者律  
 制弟子日三時中若不得戒沙彌此是比  
 禮拜和尚者得越法界得戒沙彌丘犯重  
 即時發露無覆藏心象僧曰四羯磨與學  
 戒法既非比丘又不捨離袈裟仍向大僧  
 共住故名五法人受提婆造多酥是牛羊  
 得戒沙彌五法人破僧五法者酥等乳鑽  
 拌成之或以其藥而成之所謂從牛出  
 乳從乳出酥從酪出酥酪為上藥拌音并  
 從熱酥出醍醐而醍醐最為上藥拌音并  
 大論云牛乳攪乳其乳雖同牛乳拌則  
 成酥驢乳律攝云油謂巨藤蔓菁及木  
 拌則成糞油蜜等并五種脂如法澄濾皆  
 藤即胡麻也蔓菁即燕菁也其蜜謂蜂蜜  
 根莖葉可為菜食子可壓油也蜜也蜂有  
 黃黑蜜石蜜是甘蔗糖所成者善見律云  
 分厚薄石蜜其蔗糖堅強如石是名石蜜  
 然有黑白二種白者味純其黑者味帶苦  
 本草云一名乳糖又名白糖即白糖  
 出益州及西戎用水牛乳汁米粉和沙糖  
 煎煉作餅塊黃白色而堅重川浙者佳主  
 謹八

心腹熱眼潤肺氣助五臟津治目中熱膜  
 口乾渴可止目昏闇能明按根本律有糖  
 無石蜜律攝云  
 糖攝石蜜也

毘尼止持會集卷第九

謙九

清金陵寶華山弘律沙門讀體集

第二十七雨衣求用非時戒

若比丘春殘一月在當求雨浴衣半月應用  
浴若比丘過一月前求雨浴衣過半月前用

浴尼薩耆波逸提

律九

**緣起**佛在舍衛國給孤獨園毘舍佉母請佛反僧明日食時天大雨佛言此雨是最後雨四天下亦如是令諸比丘盡出在雨中浴婢來白食時到遙見比丘皆裸形浴

疑是外道還白主母重救往請佛至其舍既受供訖毘舍佉母從佛請求八願願與客比丘食為諸客比丘遠來不知所趣願與遠行比丘食為或以食故不及伴願與病比丘食為若不得隨病食便命終若得

隨病食便除差願與病比丘藥為若不得隨病藥便命終若得隨病藥便得差願與瞻病人食為彼自求故闕看病願供給比丘粥我晨朝遣婢至僧伽藍請僧白時到諸比丘盡露形雨中浴願供給比丘比丘尼雨衣如是八願盡形供給佛皆聽之時六羣比丘聞佛聽畜雨衣即一切時春夏冬常求雨浴衣不捨雨衣便持餘用現有雨衣猶裸形浴諸比丘白佛結戒因貪慢煩惱制斯學處

**釋義**文分二節春殘一月下明制求用若比丘過一月下結成所犯律云雨浴衣者有十種如上彼比丘三月十六日應求雨浴衣四月一日應用此准四月為一際從臘月十六日至四月十五日為春際也今云春殘一月在當求雨浴衣者謂春祭三月已過唯殘一月在

即三月十六日至四月初一日也。即於此一月中應求至四月初一日。應用其量長短於單墮中。第八十九戒明之。然此衣以防其倉卒難辦。雨時將至。安居日近。故雖去夏前一月。預求不應。更此時復不聽。夏中求以安居時宜。當修道為本。不應經。普求。免恐妨。嚴正業故。

**結罪**是中犯者若比丘三月十六日前求

兼九

二

衣四月一日前用捨墮

此戒捨懺還衣等法於作持中明。若捨竟不還等得罪如上。此戒具三緣。方成本罪。一無敬教心。二過一月前求得衣。三過半月前受用。

**兼制**比丘尼突吉羅同制不式叉摩那沙

彌沙彌尼突吉羅是為犯

**隨開**不犯者三月十六日求四月一日用

若捨雨衣已乃更作餘用。若著浴衣浴若無雨衣若作浴衣及最初未制戒等是為

不犯

**會採**根本律云若苾芻欲作前安居即於

春殘一月求雨浴衣。若苾芻欲作後安

居者便作是念彼尚求衣我何不求若求

得者犯捨墮。若苾芻作後安居彼持雨

浴衣至八月盡仍尚持衣若前安居人作

如是念彼尚持衣至八月盡我何不持若

持者得捨墮。若苾芻各依自夏求衣持

衣者無罪。安居雖分前後期限各滿九旬不可前後為例

僧祇律云此衣不得受當三衣不得作淨

兼九

三

施。不得著雨衣入河中池中浴不得小

小雨時著浴亦不得裸身浴當著舍勒短內

小裙若餘故衣。不得著雨衣種種作事

常須大雨時被浴。若雨卒止垢液者得

著入餘水中浴無罪。若比丘食時欲以

油塗身若病時若多人行處得繫兩頭作

障 此兩浴衣得四月半受用

謂春殘半  
月夏際四

也至八月十五日當捨一比丘僧中唱大

德僧聽今日僧捨雨浴衣如是三說若至

十六日捨者越毘尼罪 捨已得用作三

衣亦得知識比丘邊作淨亦得入餘水中

浴種種著作無罪

薩婆多論云尼得畜浴衣不得畜雨浴衣

比丘畜雨浴衣凡有二事一雨時障四

邊於中浴天熱時亦以自障於中浴二以

夏月多雨常裹三衣擔持行來 若閏三

月不應前三月求比丘不畜雨浴衣無罪

此戒大乘同學

第二十八過時畜急施戒

若比丘十日未竟夏三月諸比丘得急施衣

比丘知是急施衣當受受已乃至衣時應畜

若過畜者尼薩耆波逸提

**緣起**佛在毘蘭若夏安居竟婆羅門請佛

及僧食訖施衣佛聽諸比丘受夏衣六羣

聞知即一切時常乞衣安居未竟亦乞衣

亦受衣又跋難陀在一處安居竟闍異處

大得衣乃處處分得衣分持入祇桓少欲

比丘知已白佛佛但呵責未與結戒時波

斯匿王遣梨師達多富那羅二大臣徃征

反逆二大臣受命已自念徃征未知得還

不當預為僧設食施衣諸比丘以安居未

竟不敢受衣白佛佛聽諸比丘受急施衣

由是結戒

**釋義**文分二節十日未竟下明聽受畜若

過下結成所犯律云急施衣者受便得不

受便失 此為極短有急務公出若當時施衣在現前便得不存現前便失

衣者有十種如上衣時者自恣竟不受迦

絺那衣一月受迦絺那衣五月自恣十日

在即七月初五日未至十五日故云十日在若比丘得急施衣

知是急施衣當受受已即十日應畜到自

恣竟不受迦絺那衣一月受迦絺那衣五

月若自恣九日在八日在七日在乃至若

自恣一日在 即十月十四日未朝方十五故云一日在得急施

衣知是急施衣應受受已應畜到自恣竟

不受迦絺那衣一月受迦絺那衣五月

**結罪**是中犯者若比丘得急施衣若過前

過後俱捨墮 若七月初五日已前受謂之過前犯不受功德衣者畜至

八月十五日若過八月十五日則犯受功德衣者畜至十二月十五日若過則犯此

二謂之過後畜

此戒捨懺還衣等法於作持中明若捨衣

謙九

五

竟不還等得罪如上 此戒具三緣方成

本罪一是急施衣二心存貪慢三受畜過

前後

**兼制**比丘尼捨墮 同制同學式叉摩那沙彌沙

彌尼突吉羅是為犯

**隨開**不犯者得急施衣不過前後不犯若

為賊奪衣失衣燒衣漂衣過前不犯作奪

失燒漂等想若險難道路不通多諸賊盜

惡獸難若河水大漲王者所執閉命難梵

行難若彼受寄比丘或死或出行或賊獸

所害或為水所漂過後無犯及最初未制

戒等是為不犯

**會採**根本律云急施衣有其五種或為自

病故施或為他病者故施或將死時施或

為死亡故施或將行時施若在夏中或時

施主欲得自手而行施者取亦無犯 若其差得藏衣苾芻或施主作如是語我行還自手當施雖過時分畜亦無犯

**薩婆**多論云急施衣者若王施若夫人施

若王子施大官鬪將施眾僧以諸貴人善心難得又女欲嫁時以至壻家不自在故令得自在以物施僧若病人施令存亡有益如是等盡名急施衣 除急施衣一切安居衣必待自恣時分若安居中分突吉

羅

此戒大乘為眾生成得畜然須如法淨施准前所論

第二十九後月離衣過六夜戒

若比丘夏三月竟後迦提一月滿在阿蘭若有疑恐懼處住比丘在如是處住三夜中欲

留一衣置舍內諸比丘有因緣離衣宿乃至六夜若過者尼薩耆波逸提

**緣起**佛在給孤獨園諸比丘夏安居竟後迦提一月滿在阿蘭若處住時多有賊盜劫奪衣鉢皆來趣祇桓精舍聚住佛知其故聽在是處住留一衣置舍內時六羣比丘聞佛開聽即便留衣置舍內囑親友比丘已出行受囑者出衣日中曝之諸比丘詰問其故白佛結戒因癡慢煩惱制斯學處

雜九

六

**釋義**文分三節夏三月竟下明移居滿夏若有疑恐懼下明難開聽若過下結成所

犯夏三月竟者謂四月十六日至七月十五日訖後迦提

一月者迦提此翻昂星謂昂星直此月故即七月十六日至八月十五日是

夏四月之滿者謂後安居人於五月十六日始未結坐然雖隨前安

後一月也



居人於七月十五日已自恣其一夏之功  
未圓必須滿此一月住令足成九十日而  
不破夏制故律云阿蘭若處者去村五百弓遮

摩羅國弓長四肘用中肘量中人一肘周尺一尺八寸

五百弓即有疑恐怖者疑中有盜賊恐怖

比丘在如是處住三衣中欲留一一衣置

舍內者三衣謂僧伽黎鬱多羅僧安陀會

舍內謂村聚也五分律云一一衣者若僧

穿一衣不得寄安陀會以著身故不得

寄二以禮淨入僧乞食不得單著故有

因緣離衣宿者有因緣謂有論事和尚阿

之乃三寶病緣及看病等事乃至六夜者

離衣者謂離所寄之衣也

薩婆多論云從七月十六日次第六夜聽

阿練若安居比丘得離衣宿所以聽者七

六夜中間是賊發時是故聽也彼六夜竟第七夜明相未

出前若捨三衣若手捉衣若至擲石所及

相未出前不捨三衣不手捉衣不至擲石  
所及處住第七夜明相出離衣宿一切犯

捨墮

此戒捨懺還衣等法於作持中明若捨竟

不還等得罪如上 此戒具四緣方成本

罪一期至六夜二慢教不往衣所三不作

心念法捨四明相已現

兼制比丘尼突吉羅同制不式義摩那沙

彌沙彌尼突吉羅是為犯

隨開不犯者劫奪想失想燒想漂想若船

濟不通路道嶮難多盜賊有惡獸河水暴

漲強力所執或繫閉或命難或梵行難如

是等不捨衣不捉衣不至擲石所及處並

最初未制戒等是為不犯

會採五分律云不聽近聚落住離衣宿

不聽阿蘭若無恐怖處離衣宿 若一宿

二宿乃至五宿事訖不還突吉羅

律攝云本心暫去即擬還來因事稽留不

至衣所無犯離衣過

善見律云若阿蘭若處眾僧多房舍堅密

不須寄衣聚落寄衣已六夜一往看見衣

已還阿蘭若處

此戒大乘比丘同學

**附考**僧祇律云佛在舍衛祇桓精舍時沙

祇園夏安居中眾僧有諍事起佛敕優波

離滅諍尊者因僧伽黎重若被雨者不可

勝而今半安居中若留衣則犯捨墮是以

不去佛聽留衣得齊六夜復以諍事非可

卒斷佛言從今聽一月不失衣宿白二羯

磨是以除僧羯磨得一月不失衣也

謙九

八

僧祇律云夏三月未滿 五分律云安居

三月未滿八月 十誦律云三月過未至

八月未滿歲 根本律云在阿蘭若處作

後安居故今滿字讀聯下句者准餘四部

事義方順由本律譯文之古一往讀聯上

句大乘制意實不相宜故引諸部不無所

據

第三十迴僧物入已戒

若比丘知是僧物自求入已者尼薩耆波逸

提

**緣起**此戒有二制佛在舍衛國祇樹園中

有一居士恒好惠施欲飯佛及僧兼施好

衣時跋難陀聞知即往彼居士家語言眾

僧有大善利威力福德施眾僧者多汝今

施眾僧衣可施我居士可之便不復與眾

謙九

九

僧衣具唯設種種飲食次日請僧至家見  
眾僧威儀具足發大聲言我云何為如是  
嚴整眾僧衣而作留難諸比丘問知其故  
訶責跋難陀云何斷眾僧利而自入已以  
此因緣白佛此初結戒也時諸比丘不知

是僧物非僧物為許僧不許僧後乃知是  
僧物已許僧或有作捨墮懺悔或慚愧者  
佛言不知無犯此第二結戒也由貪煩惱  
制斯學處乃初篇盜根本種類

**釋義律**云僧物者為僧故作已與僧已許

僧物者衣鉢坐具鍼筒下至飲水噐

律攝云利物有二種一衣利二食利凡衣服飲食卧  
具衣藥皆從他得故言利物此中利者據  
衣物利故言求入已者謂  
知是僧物而攝為私物也

**結罪**是中犯者若知是僧物求入已者捨

墮若物許僧轉與墮突吉羅若物許墮轉

與僧亦爾 若物許四方僧轉與現前僧  
突吉羅若物許現前僧轉與四方僧亦爾  
若物許比丘僧轉與比丘尼僧突吉羅  
若物許比丘尼僧轉與比丘僧亦爾 若  
物許異處轉異處突吉羅

若已許作許想者捨墮 若已許心疑  
未許作已許想 未許疑皆突吉羅

此戒捨懺還物等法於作持中明若捨竟  
不還等得罪如上 此戒具四緣方成本  
罪一聞施起貪二物已許僧三許想故迴

四得物入已

**兼制**比丘尼捨墮

同制又摩那沙彌沙  
彌尼突吉羅是為犯

**隨開**不犯者若不知是僧物若已許作不

許想若許少勸令與多若許少人勸與多

人若許惡勸與好者或戲笑語若誤語若獨處說或眠中語或欲說此乃說彼及最初未制戒等是為不犯

**會採**僧祇律云若有人來欲布施問比丘言應施何處答言隨汝心所敬處便與復

問何處果報多答言施僧果報多復問何等清淨持戒有功德僧答言僧無有犯戒

不清淨 若人持物來施比丘應語言施僧者得大果報若言我已曾施僧今正欲

施尊者受之無罪 若有人問比丘言我欲以此物布施為置何處使我此物長見

受用爾時應語某甲比丘是坐禪誦經持戒若施彼者長得受用見 若知物向僧

迴向已捨墮是物僧不應還僧應受用 若迴與餘人波逸提

諫九

物非入已故無捨也知物向此

僧迴與餘僧者越毘尼 若知向此眾多人迴與彼眾多人越毘尼 若知物向此畜生迴與餘畜生越毘尼心悔

根本律云若苾芻知屬一苾芻物自迴入已迴時得惡作罪得便捨墮 乃至知物

屬二人三人或屬僧自迴入已得罪如前 若與此貧人物迴與彼貧人得惡作罪

若覓不得者迴與無犯 五分律云若施主自迴欲以物與已不犯

薩婆多論云若物向僧與前人說法令物自入捨墮物則還僧 若比丘知檀越以

物施此捨迴向彼捨物即入彼捨不須還取以福同故比丘作突吉羅懺 若知檀

越以物施此僧祇迴向餘僧祇此物入餘僧祇不須還取以僧祇同故比丘作突吉

羅幟 若知檀越以自恣臘與此眾僧迴

向餘僧自恣物應還與此僧以自恣物所

屬異故比丘作突吉羅幟 本律僧祇但明迴此僧物與餘

僧得罪而未判物當與誰今准薩婆多則不須還取無復疑矣

此戒大乘同制 三十捨

隨法竟

五波逸提法有九十條然此波逸提究體

則總攝前章列名則別居第五前論物為

重此以行為非論物要先捨所食物而後

求悔行非必須決心說懺乃可得除故前

明三十尼薩耆波逸提法竟今復明九十

波逸提法也

律攝云波逸底迦者謂是燒煮墮惡趣義

雖復餘罪皆是其墮此但目於墮燒煮指

其墮處也又諸學處於方便位皆悉許有

不敬聖教波逸底迦據斯少分墮義皆通

文 准此則深窮犯源由心不敬聖教故所

多有違犯所犯若成隨事輕重結歸本罪

然於最初少分墮義一一俱通

### 第一故妄語戒

若比丘知而故妄語者波逸提

緣起佛在釋翅瘦迦維羅衛國尼拘類園

中釋子象力比丘善能談論與外道梵志

論議若不如時便違反前語若僧中間是

語時即復違反前語梵志譏嫌諸比丘白

佛世尊集十句義為僧結戒此是性罪由

詐妄事覆藏煩惱制斯學處乃初篇妄根

本種類

**釋義**律云知而妄語者不見言見不聞言

聞不觸言觸不知言知見言不見聞言不

聞觸言不觸知言不知見者眼識聞者耳

識觸者鼻舌身三識知者意識

此以六識來為四名

以眼耳意三根性利力用偏多又能遠取境界故各分為名鼻舌身三根性鈍力用處少又唯近取境界故合名為觸律攝云故者是決定心表非錯誤妄語者謂對了知人遠心異說作詭誕言名為妄語善見律云妄語者口與心相違亦名空語也

結罪是中犯者若不見不聞不觸不知彼

諫九

十二

如是言我見聞觸知知而妄語者波逸提

若不見不聞不觸不知是中見想聞想觸

想知想彼便言我不見不聞不觸不知知

而妄語者波逸提

若不見不聞不觸不知意中生疑彼作是

言我無有疑便言我見我聞我觸我知知

而妄語者波逸提

若不見不聞不觸不知意中有疑便言我

是中不疑便言我不見不聞不觸不知知

而妄語者波逸提

若不見不聞不觸不知意中無復疑便言

我有疑我見我聞我觸我知知而妄語者

波逸提

我不見我不聞我不觸我不知意中無疑

便言我有疑我不見不聞不觸不知知而

妄語者波逸提

本作是念我當妄語妄語時自知是妄語

妄語已知是妄語故妄語波逸提

本作是念我當妄語妄語時知是妄語妄

語竟不自憶作妄語故妄語波逸提

本不作是念我當妄語妄語時知是妄語

妄語竟知是妄語故妄語波逸提

本不作妄語意妄語時知是妄語妄語已

不憶是妄語故妄語波逸提

所見異所忍異所欲異所觸異所想異所

心異如此諸事皆是妄語一一說而了了者波逸提說而不了了者突吉羅若說戒時乃至三問憶念有罪而不說突吉羅

此九十波逸提懺悔法總於作持中詳明

自斯以降不再繁贅此戒具四緣方成

本罪一有妄語心二說事不實三言說了四前人領解

**兼制比丘尼波逸提**同制同學式叉摩那沙彌

沙彌尼突吉羅是為犯

**隨開**不犯者據實說意有見聞觸知想依

想而說及最初未制戒等是為不犯

**會採**根本一切有部云若苾芻凡有所語

違心而說皆得波逸底迦罪若不違心而說者皆無犯

薩婆多論云或有妄語入波羅夷實無過

人法說有過人法故或有妄語入僧伽婆

尸沙以無根法謗他比丘故或有妄語入

偷蘭遮如說過人法不滿以無根法謗他

不滿不滿者謂說不具足或有妄語入波逸提如無

根僧殘謗他故及此戒中所犯或有妄語

入突吉羅如三眾妄語或有妄語無罪如

先作如在家無師僧本破戒還作比丘無既

師僧未曾受戒若破戒已更無戒體可護是以二皆無犯戒罪然作惡業難免若報

若遣使妄語若書信妄語盡突吉羅謙九若

先無心妄語誤亂失口妄語者盡突吉羅

若說法義論若傳人語若凡說一切是

非莫自攝為是常令推寄有本則無過也

此戒大乘同制為救濟眾生故得開謂之

方便語利益語若非濟救利益者仍犯

**附考**律攝云佛弟子言常說實不應為盟

自雪表他不信故設被誣謗亦不應作誓

誓者  
洗也

十誦律云不得自咒咒他不得以物自誓

誓他不得自投窺令他投窺咒與投窺一

種故

第三分云時六群比丘有小事至便作咒

詛作咒詛者即今  
投狀詠神等事言我若作如是事當墮

三惡道不生佛法中若汝作如是事亦當

墮三惡道不生佛法中佛言不應爾聽作

如是語若我作如是事南無佛若汝作如

是事亦南無佛 若居士噓及來禮足應

咒願言長壽若下座噓時應咒願言無病

若上座噓時應言南無

第二毀咎戒

若比丘種類毀咎語者波逸提

**緣起**佛在舍衛國給孤獨園時六羣比丘

斷諍事種種罵比丘比丘慚愧忘失前後

不得語諸比丘聞知白佛世尊為僧結戒

此是性罪由出家人事不忍煩惱制斯學

處乃初篇妄根本種類

**釋義**律云種類毀咎人者卑姓家生卑行

業卑伎術工巧卑者旃陀羅種除糞種竹

師種車師種卑姓者拘湊此是天竺  
卑小之姓拘尸

婆蘇晝此是天竺  
卑下種族婆羅羅墮此是婆羅門十  
八姓中之一姓

元居卑  
末者若本非卑姓習卑伎術即是卑姓

卑業者販賣猪羊殺牛放鷹鷄獵人網

魚作賊捕賊者守城知刑獄 卑伎者鍛

作木作瓦陶作皮肅作剃髮作竹作或言

是犯過人謂犯七  
聚罪多結使人秃盲人秃瞎



人蹙跛聾瘂及餘眾患所加若面罵言汝

是旃陀羅家生乃至眾患所加人等 若

喻罵言汝似旃陀羅家生乃至眾患所加

人等若自比罵言我非旃陀羅家生乃至

眾患所加人等 若以善法面罵汝是阿

蘭若乞食補納衣乃至坐禪人若喻罵汝

似阿蘭若乃至坐禪人若自比罵我非阿

蘭若乃至坐禪人根本律云毀些語者謂於他人為毀事出言彰

表也所以意和則悅口和不諱此皆違和非律語也

**結罪**是中犯者若比丘種類毀些語若面

罵若喻罵若自比罵說而了了者盡波逸

提 說而不了了者盡突吉羅

若比丘說善法面罵人喻罵自比罵說而

了了不了了者盡突吉羅 此戒具四緣

方成本罪一要有毀些心二所毀者須是

聽九

七

比丘及他父母三必以下賤言毀四說聽

了了

**兼制**比丘尼波逸提同制式義摩那沙彌

沙彌尼突吉羅是為犯

**隨開**不犯者相利故說為法故說為律故

說為教授故說為親厚故說或戲笑故說

或因語次失口說或獨說或夢中說或欲

說此而誤說彼及最初未制戒等是為不

犯

**會採**僧祇律云種類毀些有七事種姓業

相貌病罪罵結使今因時當末運人多闕詳明

犯相莫厭其繁此中凡云偷蘭遮罪皆先

獨頭下品與罵僧同科非初二篇從生也

種姓有上中下下者汝是旃陀羅毛師織

師瓦師皮師若作此語使彼慚羞者得波

夜提 若言汝父母如是波夜提 若言

汝和尚阿闍黎如是得偷蘭遮 若言汝

同友知識如是越毘尼罪 中者汝等是

中間種姓謂非貴姓所生亦非下流之子作是語欲使彼

慚羞者得偷蘭遮 汝父母如是得偷蘭

遮 汝二師如是越毘尼罪 汝同友知

識如是越毘尼心悔 上者語其人言汝

是刹利婆羅門種作是語欲使彼慚羞者

越毘尼罪 汝父母二師如是種皆越毘

尼罪 汝同友知識如是種越毘尼心悔

業者有下中上下者汝是屠兒賣猪人

魚獵人捕鳥人張樞人守城人魁膾人作

是語欲使彼慚羞者波夜提 汝父母如

是波夜提 汝二師如是偷蘭遮 汝同

友知識如是越毘尼罪 中者汝是賣香

人坐店肆人田作人種菜人通使人作是

語欲使彼慚羞者偷蘭遮 汝父母如是

偷蘭遮 汝二師如是越毘尼罪 汝同

友知識如是越毘尼心悔 上者汝是金

銀摩尼銅店肆人作是語欲使彼慚羞者

越毘尼罪 汝父母二師如是越毘尼罪

汝同友知識如是越毘尼心悔

相貌者有下中上下者汝是瞎眼曲脊踣

脚鋸齒等作是語使彼慚羞者波夜提

汝父母如是波夜提 汝二師如是偷蘭

遮 汝同友知識如是越毘尼罪 中者

汝是大黑大白大黃大赤作是語使彼慚

羞者偷蘭遮 汝父母如是偷蘭遮 汝

二師如是越毘尼罪 汝同友知識如是

越毘尼心悔 上者汝有三十二相圓光

金光若作是語欲使彼慚羞者越毘尼罪

汝父母二師如是皆得越毘尼罪 同

友知識如是越毘尼心悔病者無有下中

上一切病盡名下汝等癰疥癩病癰疽痔

病黃病瘡病癯瘦顛狂如是等種種病作

是語欲使彼慚羞者波夜提 汝父母如

是波夜提 汝二師如是偷蘭遮 汝同

友知識如是越毘尼罪

罪者無下中上一切罪盡名下汝犯波羅

夷乃至越毘尼罪若作是語使彼慚羞者

波夜提 此中言犯棄罪者是以輕心毀 汝

父母如是波夜提 汝二師如是得偷蘭

遮 同友知識如是越毘尼罪罵者無上

中下一切罵盡名下作世間罵姪逸污穢

一切惡罵作是語欲使彼慚羞者波逸提

若言汝父母如是波夜提 汝二師如

是偷蘭遮 汝同友知識如是皆得越毘

尼罪

結使者無上中下一切結使盡名下汝是

愚癡闇鈍無知等作如是種種語使彼慚

羞者波夜提 汝父母如是波逸提 汝

二師如是偷蘭遮 汝同友知識如是越

毘尼罪

五分律云比丘毀些比丘尼式叉摩那沙

彌沙彌尼突吉羅 比丘尼毀些比丘波

逸提毀些餘三眾突吉羅

此戒大乘同制若但毀些無事謗他良人

即攝謗毀戒結輕若兼自讚即攝自讚毀

他戒結重若增上煩惱犯者失菩薩戒

第三兩舌戒

若比丘兩舌語者波逸提

**緣起** 佛在舍衛國給孤獨園爾時六羣比丘傳此屏語向彼說傳彼屏語向此說如是不息遂至衆中未有鬪事而生鬪已有鬪事而不滅諸比丘知己白佛結戒此是性罪由畜衆煩惱制斯學處乃初篇妄根

本種類

謙九

干

**釋義** 律云兩舌者比丘鬪亂比丘比丘尼式義摩那沙彌沙彌尼優婆塞優婆夷國王及大臣外道異學沙門婆羅門如是乃至外道異學沙門婆羅門還鬪亂種種外道婆羅門比丘比丘尼等亂者某甲說是言汝是旃陀羅乃至婆羅墮種販賣猪羊乃至剃髮師汝犯七聚戒結使人禿盲瞎等衆病人若有比丘破皆是比丘鬪亂

婆多論此戒亦名離間語所謂離間恩義挑唆離諍令衆不和妨修道業

**結罪** 是中犯者兩舌語說而了了者波逸提說不了了者突吉羅 此戒具四緣方成本罪一有起事心二往來傳語三人是比丘四說聽了了

**兼制** 比丘尼波逸提同制式義摩那沙彌

沙彌尼突吉羅是為犯

**隨開** 不犯者破惡知識惡伴黨三人三人非法非律羯磨破與僧與增與和尚阿闍黎知識親友數數語作無義無利者及最初未制戒等是為不犯

謙九

主

**會採** 僧祇律云若作是念欲別離彼令向已若彼離不離波夜提

薩婆多論云是中犯者有八種一種二伎三作四犯五病六相七煩惱八罵此八事中種伎作三事傳向刹利婆羅門估客子

突吉羅 若以八事傳向四眾突吉羅四眾

者謂尼及小三眾 傳向在家無師僧若遣使書信

盡突吉羅

根本律云若苾芻先無離隙偶爾聞之或

復聽已欲令鬪諍方便殄息者無犯

十誦律云若白衣於寺中欲作惡事侵惱

比丘應苦切語令其折伏若不折伏不應

直向王言先與是惡人知識次語王夫人

及王子大臣等若是人捨便止莫令得事

此戒大乘同制梵網經云鬪違兩頭謗欺

賢人罪結輕垢

### 毘尼止持會集卷第九

音義

揆音那又曰以梨師達多富那羅梨師達

兩手切摩也仙授或翻仙施又云仙餘謂從仙人邊求

得子故也富那羅又名富蘭那此翻收信

或云宿舊是仙授之兄此兄弟二人是波

斯匪王大臣於拘薩羅國錢財巨富無與

等者而能於佛及四部眾等共受用不計

我所雜阿舍經云富蘭羅端修梵行離

欲清淨不著香華遠諸凡鄙持戒為勝梨

師達不著精梵行然其智足達四聖諦智

慧為勝後時二俱命終佛記二人一持戒

勝一智慧勝二俱同生一趣同一受生同

於後世得斯陀舍生兜率天一未世間盡

皆遺際具德經云而於信心中能具大

智慧仙授烏波薩哥是於信心中能持梵

行布囉拏烏波薩哥是烏波薩哥即優婆

塞布囉拏象力比丘或名象首又名法手

彼因稱名也是釋種子雜阿舍經佛記云

此人犯三種非法所謂慳貪愚癡瞋慧當

墮於地獄中偈云若生不善心成就貪

瞋癡此身自作惡還復害於己如芭蕉生

實自害於其身若無貪瞋癡是名為智慧

不害於己身是名勝丈夫是以應除斷貪

瞋癡諫凡

大患噫音帝鼻塞噴噫也西域凡僧俗禮

方小兒若噫敬時若噫皆願言長壽無病如此

余願言百歲毀咎口毀曰咎根本律云毀

辱皮韋作牛皮熟曰韋生皮壁跛兩足俱

麻日覽一足距脚距音匡距蹠阿蘭若亦

倫廢日跋云遠離處又云空寂處魁膾亦云

阿練若翻云遠離處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

云閒靜處又云空寂處魁膾亦云

鹿法師言此翻云嚴幟一云主殺人乃西  
 方魯殺之輩以惡業自嚴行時掩於執竹  
 以為標幟故以為名若不爾者王必罪之  
 或翻可畏法頭傳云名為惡人與人別居  
 若入城市則擊竹以自異  
 人則識而避之不相擔揆

毘尼止持會集卷第十

謙十

清金陵寶華山弘律沙門讀體集

第四與婦女同室宿戒

若比丘與婦女同室宿者波逸提

**緣起**佛在舍衛國給孤獨園阿那律從舍

謙十

衛國向拘薩羅國中路至無比丘住處村

聞知有一婬女家常安止賓客即往寄宿

門下時諸長者有行緣之便亦來投宿坐

相逼近婬女愍念尊者令入舍內尊者結

加趺坐繫念在前婬女於初夜來求作夫

默然不答亦不觀視到後夜婬女復脫衣

來前捉之尊者湧身空中婬女慚愧著衣

合掌懺悔至三尊者下在本處為說微妙

法婬女得法眼淨受三皈五戒為優婆夷

次日尊者受其供養說法而去到僧伽藍

以此因緣向眾僧說眾中有少欲比丘譏  
嫌白佛結戒由女人事婬染煩惱制斯學  
處乃初篇婬根本種類

**釋義**律云女者人女有知命根不斷室者  
四周牆壁障上有覆蓋或前廠而無壁或

雖覆而不徧或覆徧而有開處

**結罪**是中犯者若比丘先宿婦女後至或

婦女先至比丘後到或二人俱至若敬卧

隨脇著地波逸提欵者溪不正也隨轉側波逸提

若天龍夜叉鬼神女同室宿者突吉羅

與畜生中女能變化不能變化者同室宿

突吉羅 晝日婦女立比丘卧者突吉羅

此戒具三緣方成本罪一是人女二同室

無隔三脇卧地

**兼制**比丘尼波逸提同制式又摩那沙彌

沙彌尼突吉羅是為犯

**隨開**不犯者若比丘不知彼室內有婦女而宿若比丘先至而婦女後至比丘不知若屋有覆而無四邊障或半障少障若盡障而無覆或少覆半覆或露地此室中若行若坐若頭眩倒地或為強力所捉若為人所縛若命難淨行難及最初未制戒等是為不犯

諫十

二

**會採**僧祇律云一房有隔別戶無罪異房

無隔波夜提 共房共隔波夜提別房異

戶無罪 比丘室內女人半身屋內越

毘尼罪 女人屋內比丘半身屋內越

毘尼罪

律攝云若女在閣上苾芻在下或復翻此若有梯除去有戶牢閉若不去梯應安關

鑰或雖同室以物遮障使絕行路若不爾

者明相出時咸得墮罪 小旁生女不堪

行姪者無犯 若有父母夫主等守護者

同宿無犯

五分律云若同覆異隔若大會說法若母

姊妹近親病患有知男子自伴不卧皆不

犯

十誦律云通夜坐不卧不犯

此戒大乘同學

第五與未受大戒三宿戒

諫十

三

若比丘與未受大戒人共宿過二宿至三宿

波逸提

**緣起**此戒有一制佛在曠野城六羣比丘

與諸長者共在講堂止宿時六羣中有一

人散心睡眠無所覺知轉側露形有比丘



以衣覆之復更轉側露形如是至三長者  
譏嫌調美知足比丘慚愧白佛此初結戒  
也爾時佛在拘睢毘國諸比丘言佛不聽  
我曹與未受大戒共宿當遣羅云出時羅  
云無屋住往厠止宿世尊知之詣厠引入  
自房共止一宿明日清旦集僧告諸比丘  
言汝等無慈心乃驅出小兒是佛子不護  
我意耶故開其二宿此第二結戒也由眠  
宿事不寂靜煩惱制斯學處

**釋義**文分二節與未受大戒共宿明其正

制過二宿下結成所犯律云未受大戒人  
者除比丘比丘尼餘未受大戒人是此攝  
小三  
衆及白  
衣等同室宿者如上薩婆多論云若不  
聽二宿必有種種  
惱事及失命因緣以憐愍心故得  
共二宿以慈佛法故不聽三宿

**結罪**是中犯不犯悉同上 此戒具四緣

方成本罪一彼是未受具人二自身無病  
更無難緣三共房至三宿四明相未出不  
離

**兼制**比丘尼波逸提同制  
同學式叉摩那沙彌

沙彌尼突吉羅是為犯

**會採**僧祇律云若與未受具人同屋宿第

三宿時當異房若露地露地風雨雪寒時  
當還入房坐至地了地了即  
明相也若老病不堪

坐者當以縵障若齊項若齊掖縵下至地  
當用緻物作不得容猫子過 若道行時

無帳縵者若未受具人可信應語言汝眠

我當坐比丘欲眠時當喚使覺我眠汝坐

若眠汝無福德 此同室宿戒罪未悔過

後共宿者罪轉增長悔過已當別房宿更

得共宿

薩婆多論云若共宿過二夜已第三夜更  
共餘人宿波逸提以前人相續故 若共  
宿二夜已移在餘處過一宿已還共同宿  
無過 若通夜坐無犯

律攝云至第三夜令出宿時不應遣出寺  
外及離簷前但可離自房勢分若恐惡苾  
芻為破戒緣者至第三夜應令求寂向善  
友房此若無者應共擯出罪惡苾芻或自  
將求寂餘處而卧若自安居已不得往者  
應生心念為防護故於三月中與求寂同  
宿者無犯

根本律云若安居後有惡苾芻來入寺中  
師主應與求寂同房宿至夏終勿致疑惑  
或夏罷已能驅者可擯斥之不可擯者應  
將求寂別詣餘寺 如在行路雖過二宿

謙十

五

通夜應眠勿生疑惑

十誦律云有病比丘使沙彌供給雖卧無  
犯是中有不病比丘不應卧

根本目得迦云不合與俗人求寂授學人  
別住人等同坐必有難緣無犯

此戒大乘同學

**附考**律攝云若有難緣無餘牀席應疊七  
衣為四重而卧其上以大衣疊安頭下或  
用覆身五衣以充內服凡卧息時右脇著  
牀兩足重累身不動搖作光明想安住正  
念情無燒惱衣服不亂於睡知量念當早  
起初夜後夜恒修善品此是沙門睡息之  
法若無病苦晝不應卧若眠息時有人相  
惱應向餘處

第六與未受戒人共誦戒

若比丘與未受戒人共誦者波逸提

**緣起**佛在曠野城六羣比丘與諸長者共

在講堂誦佛經語聲高大如婆羅門誦書聲亂諸坐禪者有知足比丘白佛結戒由教授事制斯學處乃初篇妄根本種類

**釋義**律云未受戒人者除比丘比丘尼餘

者是誦者句義非句義字義非字義句義者與人同誦不前不後諸惡莫作眾善奉行自淨其意是諸佛教 非句義者如一人說諸惡莫作未竟第二人抄前言諸惡

莫作 字義者二人共誦不前不後諸惡

莫作 非字義者如一人未稱諸第二人

抄前言諸 僧祇律云雖比丘尼受具戒亦不得教若授弟子經應教言待

我誦斷汝當誦若不法者佛所說聲聞所受語者不復得教

說仙人諸天所說佛印可之皆名為法 薩

謙十

六

多論云為諸比丘結戒者為異外道故為與弟子差別故為分別言語令分了故為實義不貴音聲故

**結罪**是中犯者與未受戒人共誦若口授若書授了了波逸提 不了了突吉羅

共天龍鬼子及畜生能變化者說而了了

不了了者盡突吉羅 若師不教言我說

竟汝可說者師突吉羅 此戒具三緣方

成本罪一前人未近圓二先不教誨三同

誦高聲

**兼制**比丘尼波逸提 同制式叉摩那沙彌

沙彌尼突吉羅是為犯

**隨開**不犯者我說竟汝說一人誦竟一人

書若二人同業同誦或疾疾說乃至錯說

及最初未制戒等是為不犯

**會採**五分律云若教未受具戒人經並誦

波逸提並誦者俱時誦或授聲未絕彼已

誦或彼誦未竟此復授句句波逸提

十誦律云若以不足句法教未受具戒人

若偈說偈偈波逸提以四句為一偈若經說事事

波逸提謂法喻中一段之事若別句說句句波逸提

別句謂四句偈中但說一句不足謂一句亦未竟不足味不足句亦如是味句

律攝云若語弊若性急言若同誦為正文

句若教授時先告彼言汝勿與我同時而

說雖司無犯

此戒大乘同學

**引證**戒因緣經云若比丘向未受戒者說

一句戒法波逸提由六羣比丘向沙彌說毘尼語佛知故制

律攝云若有俗人為求過失或偷法心或

無信敬或是外道以與律相應之說令彼

聽者彼若聞時皆得墮罪

善見律云若法師所撰文字共同誦者不

犯准斯二律制意惟重毘尼五篇之名是大僧法具沙彌等必不可令聞也

**附考**律攝云有五種人不應為說毘奈耶

藏謂性無所知強生異問或不為除疑而

發於問或試弄故問或惱他故問或求過

失故問返上五人為說非犯 其受法者

具三威儀為敬故不應眠授弟子之法若

老若少到彼師所合掌鞠躬方申請問四

大安不應生敬仰直心無諂請決所疑一

心善領不令忘失若無疑者如常受法禮

足而退 若師出行隨後而去若師坐者

自應蹲踞或處卑坐其師亦應敬彼學徒

勿生輕慢虛心授與於法無恪善領善答

有忍有悲無懷恚恨令受業者情無疲惱

常給侍者應數教授性愚鈍者亦應偏教  
若作吟詠之聲而授法者得惡作罪若說  
法時或為讚歎於隱屏處作吟諷聲誦經  
非犯 不應讚誦外書典籍若為降伏異  
道自知有力日作三時兩分勝時應學佛  
法一分下時應習外典不應記年月以為  
三分夜亦三時初後習禪誦經中間繫心  
寢息若作婆羅門誦書節段音韻而讀誦  
者得越法罪若方言若國法隨時吟詠為  
唱導者斯亦無犯 苾芻尼律亦應習學  
尼來請學如法教示若有疑問善為開釋  
若誦誦時忘其所在方處者於六大城  
隨一應說若忘國王並大地主及鄔波斯  
迦名者應隨意稱勝光大王給孤獨長者  
毘舍佉鄔波斯迦 又苾芻住處常月八

謙十

日及十四日至小食時鳴犍椎集大眾設  
香華聽經法有外道來應設方便令彼出  
去應請耆宿情存虔敬善威儀者宣說聖  
言不應求利以為活命得惡作罪若說非  
法上座應遮 又說法人不應多領門徒  
以為侍從彼自遮行者無犯 遮者 既至彼  
處說法之師踞師子座前置高案用承經  
典嚴設香華若不請輒為人說得越法罪  
第七說他麤罪戒  
若比丘知他有麤惡罪向未受大戒人說除  
僧羯磨波逸提 謙十

僧羯磨波逸提

**緣起**此戒有三制佛在羅閱城耆闍崛山  
中時有行波利婆沙摩那埵比丘在下行  
坐六羣語諸白衣言此等犯如是事故僧  
罰使在下行坐有過比丘聞之慚愧彼樂

學戒者譏嫌六羣往白世尊此初結戒也與結戒已時諸比丘或不知麤惡不知不麤惡或有作波逸提懺悔者或有畏慎者佛言不知不犯此第二結戒也爾時舍利弗為眾所差在王眾中及諸人民中說調達過調達所作者莫言是佛法僧當知是調達所作舍利弗聞制戒已便生畏慎心諸比丘白佛佛言眾僧所差無犯故有除僧羯磨之語此第三結戒也由未近圓事不忍煩惱制斯學處乃初篇妄根本種類

**釋義**文分二節知他有下明其所犯除僧下以顯開聽律云未受戒者如前麤惡罪者波羅夷僧伽婆尸沙向未受大戒人說者謂對彼陳說彰露除僧羯磨者僧謂同前人所犯過也

一羯磨同一說戒除僧和集公差說罪不犯此法於作持中明

**結罪**是中犯者若說了了者波逸提不了了者突吉羅 除麤惡罪更以餘罪向未受大戒人說者突吉羅 自犯麤惡罪向未受大戒人說突吉羅 除比丘比丘尼以餘人麤惡罪向未受大戒人說突吉羅

除人謂三小眾及在家受戒二眾也 麤惡罪 麤惡想 波逸提 麤惡罪疑 非麤惡 麤惡罪想 非麤惡疑皆突吉羅 此戒具七緣方成本罪一要有故說心二是麤罪作麤罪想三他人先本不知作不知想四非奉僧差五犯者是受大戒人六向未受戒者說七說聽了了

**兼制**比丘尼波逸提同制式叉摩那沙彌沙彌尼突吉羅是為犯

**隨開**不犯者若不知若眾僧差麤惡非麤

惡想若白衣先以聞此麤惡罪及最初未制戒等是為不犯

會採僧祇律云比丘尼雖受具戒亦不得

向說佛慈護僧故遮不向彼說

根本律云若於不知俗家作不知想疑向

彼說他麤罪得墮罪 若於知俗家作不

知想疑向彼說者得惡作 無犯者於不

知俗家作先知想若大眾詳說其事或時

人眾普悉聞知猶如壁畫人所共觀非我

獨知說皆無過人眾普悉聞知謂所集僧眾非指世俗未近圍人也

五分律云教向甲說而向乙說教說此罪

而說彼罪皆波逸提

十誦律云若羯磨此比丘作說罪人餘比

丘說者突吉羅此由未被僧差而受差者轉請彼說既越毘尼難免

過無 若令向此人說此處說向餘人餘處

謙十

七

說者突吉羅 若僧作隨意隨時隨處說

罪羯磨者無犯五分教向甲而向乙說以其心存損陷念無利益是

故結重十誦今向此而向彼說皆由誤聽羯磨錯其趨向所以結輕

薩婆多論云與諸比丘結戒者為大護佛

法故若向白衣說比丘罪惡則前人於佛

法中無敬信心寧破增壞像不向未受具

戒人說比丘過惡若說過罪則破法身故

若說二篇罪名得波逸提說罪事得惡作

罪事者即隨犯姪盜等事

此戒大乘同制梵網義疏云說過者有兩

一陷沒心欲令前人失名利等二治罰心

欲令前人被繫縛等此二心皆是業主必

犯重戒若獎勸心說及被差說罪皆不犯

又犯七逆十重前人失戒失戒後說但犯

輕垢

### 第八向外人說法戒

若比丘向未受戒人說過人法言我見是我知是實者波逸提

**緣起**此戒起自婆裝園比丘如初篇中廣

說於間異者在虛實之別故犯分重輕也

律攝云先所未得而今得之以上人法向

未近圓者說因未近圓人似求名利似有

貪故制斯學處乃初篇妄根本種類按戒緣

經原為向沙彌說故制

**釋義**律云人法者人界人陰人入上人法

者諸法出要自言有念善思惟有戒有欲

有不放逸有精進有定有正定有道有修

行有智慧有見有得有果諸言有等如初

中但云過人法而不言過天法者謂佛出

於人間於人中結戒以人中有波羅提木

多證聖道諸天著樂不能勤修是以但言

過人則其間已攝過天矣實者謂自身真實證得此法

**結罪**是中犯者若真實有此事向未受大

戒人說了了者波逸提 說不了了者突

吉羅 若手印書若作知相遣人了了波

逸提 不了了突吉羅 若向天龍鬼子

及畜生能變化者說了了了了盡突吉

羅 若向受大戒人非同意者說突吉羅

此戒具四緣方成本罪一實有過人法

二有貪名利心三向未受戒人說四前人

領解

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若增上慢若自言是業報不

言是修得若實得向同意比丘說或戲說

獨語夢中語及最初未制戒等是為不犯



會採薩婆多毘婆沙云若實得四果乃至得不淨觀向他說盡波逸提 若為名利故言我清淨持戒實誦得三藏及隨所誦經隨所解義隨能問答白人說者盡突吉羅

僧祇律云現阿羅漢相越毘尼心悔

謙十

十三

五分律云若受大戒人不問而向說語語突吉羅 不犯者若泥洹時說若受具戒人問而後說

律攝云對俗人現神通得惡作罪 不犯

者為顯聖教現希有事或欲令彼所化有情心調伏故雖說無犯

摩得勒伽云向狂人散亂心人重病人說突吉羅

此戒大乘同學

### 第九與女人過說法戒

若比丘與女人說法過五六語除有知男子波逸提

**緣起**此戒有三制佛在舍衛國給孤獨園

迦留陀夷乞食詣長者家在姑前與兒婦

耳語說法姑見生疑云若說法者當高聲

說令我等聞何乃耳中獨言耶有乞食比

丘聞知訶責黑光往白世尊此初結戒也

時有諸女人請比丘說法因佛制戒不敢

為說故開聽說不得過五六語此第二結

戒也諸比丘復有畏慎心以無有知男子

便休不與女人說法又加除有知男子之

語故有第三結戒也 此是遮罪因說法

事譏嫌煩惱制斯學處乃初篇姪根本種

類

**釋義**律云五語者色無我乃至識無我六

語者眼無常乃至意無常律攝云五六相應所有言語名

五六語過者謂應五過有知男子者解麤

惡不麤惡事僧祇律云若盲若聾若眠亦名無知男子有知男子者若

減七歲若過七歲不解好惡語義味不名

有知若七歲若過七歲解好惡義味是名

**結罪**是中犯者若為女人說法過五六語

除有知男子說而了了者波逸提說不

了了突吉羅若天龍鬼女及畜生女能

變化者說過五六語了了不了了盡突吉

羅此戒具四緣方成本罪一必是在家

非幼小人婦女二無在家有知男伴三說

法過五六語四言辭了了

**兼制**比丘尼波逸提同制同學式叉摩那沙彌

沙彌尼突吉羅是為犯

**隨開**不犯者若五六語說若有知男子前

過五六語說若無有知男子前授優婆塞

五戒及說五戒法授八關齋及說八關齋

法說八聖道法說十善法若女人問義無

有知男子應答若不解者得廣為說並最

初未制戒等是為不犯

**會採**五分律云為女人說五六語竟語言

法正齊此從坐起去更有因緣還復來坐

為說不犯若說五六語竟更有女人來

為後女人說如是相續為無量女人說皆

不犯謙十若自誦經女人來聽若女人問義

要使得解過五六語皆不犯

薩婆多論云女謂能受姪欲者若石女若

小女未堪任作姪欲者突吉羅若說世

間常事突吉羅若說布施福報咒願不

犯 得為尼說法一切尼眾以教誡故無

過

律攝云或男無欲意女有染心或時翻此皆得惡作縱是聰敏亦不應說 雖曰女人智同男子由對此女無邪說故亦不犯此戒大乘同學護譏嫌故必若不起譏嫌方可隨機廣略無犯

第十掘地戒

若比丘自手掘地若教人掘者波逸提

**緣起**此戒有二制佛在曠野城六羣比丘

與佛修治講堂周匝自掘地諸長者見皆譏嫌斷他命根此初結戒也六羣更教人掘地言掘是置是長者復譏嫌此第二結戒也此是遮罪由作鄙業妨廢正修制斯學處

**釋義**律云地者已掘地未掘地若已掘地

經四月被雨漬還如本十誦律云地有二種生地不生地多

雨國上八月地生此謂驚蟄後立冬前也

少雨國土四月地生此夏四月也除是名

不生地律攝云生地者謂未曾掘若曾

經掘被天雨濕或餘水露時經三月是名

生地若無雨濕及水露潤時經六月亦名

生地異此片生善見律云於地四分石

一分土及被燒皆非生地

**結罪**是中犯者若用鋤或以鏝或以椎

打或鎌刀刺乃至指爪搯傷地打櫛入地

地上然火一切波逸提 若不教言看是

知是突吉羅比丘法不得直言掘是置是

應掘所應置也五分律云一一所須語

淨人言汝知是若不解復語言汝看是若

不解復語言我須是若 此戒具三緣方

成本罪一是生地二無敬教心三自掘教

他 **兼制**比丘尼波逸提同制式又摩那沙彌

沙彌尼突吉羅是為犯

**隨開**不犯者若語言知是看是若曳材木

曳竹若籬倒地扶正若反塲石取牛屎

建壇及燒多取用故取崩岸土若取鼠壞土若除經

行處土若除屋內土若往來經行若掃地

若杖築地若不故掘及最初未制戒等是

為不犯

**會採**僧祇律云若河邊坎上以脚蹋墮蹋

蹋波逸提坎岍邊行土崩無罪 若營事

比丘多有塲物僧物欲藏地中若在露處

生地不得自掘當使淨人知若在覆處死

地得自掘藏 若地打栓古極越毘尼罪

傷如蚊脚波逸提拔栓亦爾 若死土被

雨已比丘不得取使淨人取盡雨所洽際

第十

七

尼罪純沙無罪 若土塊一人不勝破者  
 波逸提破滅一人重者無罪 石薑石糞  
 灰准此應知  
 十誦律云若掘不生地隨一一掘突吉羅  
 若掘生地隨一一掘波逸提 若掘泥  
 處乃至沒膝處隨一一掘突吉羅 若手  
 畫地乃至沒芥子一一畫突吉羅 若生  
 金銀等鑛處若雌黃赭土白塲處生石處  
 黑石處沙處鹽處掘者不犯  
 根本律云若營作苾芻欲定基時得好星  
 候吉辰無有淨人應自以橛釘地記疆界  
 深四指者無犯  
 五分律云餘三衆無事掘地突吉羅若取  
 燥土不犯 准此應知三衆有事不  
 禁下斷草木例斯亦爾  
 此戒大乘同學

第十一壞鬼神村戒

若比丘壞鬼神村波逸提

**緣起**佛在曠野城有一比丘修治屋舍自手斫樹佛知訶責為僧結戒此是遮罪因種子及鬼神村事以譏無悲煩惱制斯

學處

**釋義律**云鬼者非人是也婆沙論云鬼者畏也謂虛怯多畏故

又威也能令人畏其威故神者能也大村力者能移山填海小力者能隱顯變化

者一切諸草木是若斫截隨故名壞村有五種本律五種梵語未翻今准根本律云一根種謂香附子

菖蒲薑等此物皆由根種乃生故二莖種即枝種也謂石榴楊柳菩提貝多葡萄等樹此等皆由莖生故三節種謂甘蔗竹葦等此等皆由節生故四開種謂

蘭香橘柚等此等諸子皆由開裂乃得生故五子種謂稻麥豆芥等此等皆由子還生子故然斯五種鬼神託之棲止猶若人之依

村落也故名鬼神村戒因緣律云有依樹根有神依樹根有依樹皮葉有依樹皮裂中有依樹落葉有依樹葉有依樹華有依樹果一切藥草樹木盡有神所以依住者食其香故正法念處經云樹下住鬼者由見人種樹為施人作蔭惡心斫伐取材而用故隨樹中常被寒熱

**結罪**是中犯者於五生種若生生想自斷自炒自煮教他斷炒煮盡波逸提 若生

疑自斷炒煮教他斷炒煮突吉羅 生非

生想 非生生想 非生疑盡突吉羅

若生草木生草木想自斷炒煮教他斷炒

煮盡波逸提 生草木疑自斷乃至教他

煮突吉羅謀十 生草木非生草木想 非生

草木生草木想 非生草木疑盡突吉羅

若釘橛著樹上若以火燒著生草木上若

此戒具四緣方成本罪一知是生草木  
二生草木作生草木想三欲自壞或非淨  
語教他壞四必斷已

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者言看是知是若斷枯乾草木

若於生草木上曳材曳竹正籬障若撥壟  
塼石若取牛屎若生草覆道以杖披遮令  
開若以瓦石柱之而斷傷草木若除經行  
地土若掃經行來往處地誤撥斷生草木  
及最初未制戒等是為不犯

**會採**第三分云不應不淨果便食應作五

種淨法食一火淨乃至二刀淨以刀三

瘡淨果上自四鳥啄淨鳥曾五不中種淨

不任為種是中初後兩種淨已都食餘三  
或未成熟

種淨應去子食 復有五種淨法若皮剥

剥去若剥皮皮盡若腐爛若破裂若瘀燥

少皮自薦乾不應噉不淨果菜不應自作淨不應

自手捉令人作淨應置地使人作淨作淨

已不應不受而食

律攝云若葡萄桃瓜果總為一聚於三四處

以火柱之柱音主此便為淨若刀爪一一

皆須別淨若自將刀等作淨者食時無犯

淨時波逸提

五分律云若食根種亦應五種淨謂剥截

破洗火若食葶葉應三種淨謂刀火洗若

作淨時應作總淨於一聚一器中若淨一

名為總淨 餘三眾無故殺生草木突吉

羅 若為火燒若折若斫知必不生不犯

若比丘住處庭中生草聽使淨人知知

令彼自知除去

僧祇律云有國土作穀聚畏非人偷以灰

火燒上作識此即為淨 若摩摩帝有倉

穀未淨畏年少比丘不知法使淨人火淨

至倉穀盡比丘恒得語言春去不犯 若

拾乾牛屎合生草者波逸提

摩得勒伽云以灰土沙覆生草突吉羅

若語餘人言取是果我欲食突吉羅 生

果未淨全咽突吉羅 全咽謂口含也 咬破波逸提

取木耳突吉羅 打熟果落突吉羅

打生果落波逸提

善見律云若火淨已後生芽生芽處便淨

非生芽處得食 若須華果得攀樹枝下

使淨人取不犯不得令枝折 若樹高淨

人不及比丘得抱淨人取之不犯 若木

二十

二十

倒笨比丘而不死雖手中有刀斧等寧守

死不斫木掘土以脫自命何以故掘土斫

木得墮罪智慧人寧守戒而死不犯戒而

生 若樹押人比丘得斫樹掘地以救其

命不犯 須知為已違制勿犯運悲救生聽聞全同大乘教意 若人放

火燒寺為護住處得割草掘土以斷火不

犯 根本律云若於生草及青苔地經行之時

起念令草損壞者隨所損壞波逸提 若

但作經行心者無犯 若拔地苗突吉羅

陸婆多論云有三戒大利益佛法一不得

擔二不殺草木三不掘地若不制三戒國

王當使比丘種種作役有此三戒國王息

心三衆是淨人故不犯 本律並諸部式又尼沙彌沙彌心皆

犯惡作者是制彼等隨律依儀也今云不犯者正明別開非類大僧也

此戒大乘同學

**引證**根本雜事云得义尸羅國有醫羅鉢龍王化身為摩納婆形持滿篋金徧遊諸處說偈問言何處王為上於漆而漆著無漆而有漆何者是愚夫何處愚者憂何處智者喜誰和合別離說名為安樂若有解者即以金篋供養然無有人能解釋者漸行至婆羅尼斯國復如是唱有人報言有上智人住阿蘭若名那刺陀當解斯義未幾那刺陀至龍王以偈問彼聞記憶告言十二年後當為汝釋龍言太長太久漸求減至七日時那刺陀即往告五苾芻苾芻答言汝可問佛即詣鹿林禮佛足而坐佛為說法證預流果願求出家佛言先為摩納婆解頌義然後出家應如是答第六

王為上漆處即生著無漆而起漆說此是愚夫愚者於此憂智者於此喜愛處能別離此則名安樂彼若不解更為說頌若人聞妙語解已修勝定若聞不了義彼人由放逸彼若更疑汝可對彼以爪截葉若問世尊出世報言已出若問何處報言在施鹿林時摩刺陀受佛教已至彼龍所具答如上彼龍化作金轉輪聖王往世尊所佛言汝愚癡人於迦攝波佛時受佛禁戒不能護持感此下劣長壽龍身今者何故還起詐心汝今可復本形龍言世尊我是龍身多諸怨惡恐有衆生共相損害佛教金剛手為之守護龍王別至一處遂復本形身有七頭頭尾相去有二百驛謂二百一由旬也一頭上各生一醫羅大樹被風搖動膿血



皆流雷汚形骸臭穢可惡常有蠅蛆諸蟲  
 徧其身上晝夜啜食是時龍王即以本身  
 詣世尊所禮足却住白言惟願世尊為我  
 授記當於何日捨此龍身佛言當來人壽  
 八萬歲時有佛出世號曰慈氏為汝授記  
課十  
 當免龍身龍王悲哭諸頭眼中一時淚出  
二十二  
 成十四河駛流驚注佛令裁止勿致損國  
 龍禮佛足忽然不現大衆問其往因佛言  
 迦攝佛時此龍於佛法中出家修行善閉  
 三藏具習定門經行醫羅樹下以自策勵  
 樹葉打頭即便忍受後時繫心疲倦從定  
 而起策念經行葉還打頭極痛發瞋恚心  
 以兩手折其樹葉投地作如是語迦攝波  
 佛無情物上見何過咎而制學處令受斯  
 苦彼猛毒瞋心毀戒命終墮此龍中  
課十

**附考**根本律云凡授事苾芻為營作故將

伐樹時於七八日前在彼樹下設諸祭食  
 誦三啟經謂三者宿苾芻應為咒願說十  
 善道讚歎善業復應告言若於此樹舊住  
 天神應別求居止此樹今為三寶有所營  
 作過七八日已當使淨人斬伐之若伐樹  
 時有異相現者應為讚歎捨功德說慳  
 貪過若仍現異相則不應伐若無別相應  
 可伐之要令淨人知非自伐也

毘尼止持會集卷第十

音義

六大城佛生迦羅衛成道摩竭提說法波羅奈入波俱尸羅並王舍城毘耶  
 離城此六城乃西五戒法佛初為提謂等  
 戒已即授五戒為優婆塞優婆夷若在家  
 弟子破此五戒則非清淨士女故經云五  
 戒者天下大禁忌若犯五戒在天則違五  
 星在地則違五嶽在方則違五帝在身則

違五臟如是等世間違犯無量若約出世  
 犯五戒者則破五分法身一切佛法何以  
 故五戒是一切大小乘尸羅根本若犯五  
 戒則不得更受大小乘戒者若能堅持即  
 是五大施此五通名戒者以防止為義能  
 防惡律儀無作之非能止三業所起之惡  
 故通名 **八關戒法** 或名八關戒或名八  
 戒齋又名八種長善功德法如是名雖不  
 一而成則同也謂以前八法名為關戒關

謂閉八惡不起諸道後一不非時貪名之  
 為齋齋以齊中為義即是禁止八惡而今  
 修中道 **十善法** 能反殺道邪妄語兩舌  
 故也 **十善法** 惡口綺語貪欲瞋恚邪見  
 十不善法即名十善法或名十善道 云  
 台云十善有二種一止二行止則但止前  
 惡不攝於他行則修行修德則樂一切此  
 二通稱善者善以順利為義息倒歸真曰  
 順理止則息於重倒之惡行則初歸勝道  
 之善故止作二種皆名曰善或以加道名

以能通至 **鋤** 音吐與與同去微助 鑿 音大  
 樂米也 **鋤** 音吐與與同去微助 鑿 音大  
 也 **剷** 音卓 **鎌** 音廉鉤刀 插 音治切 楮 音者  
 也 **剷** 音卓 **鎌** 音廉鉤刀 插 音治切 楮 音者  
**榘** 音香 **柚** 音右小者為 **蓓蕾** 上音倍下音  
 白土 **榘** 音香 **柚** 音右小者為 **蓓蕾** 上音倍下音  
**笮** 音黃 **剡** 音產制 **菌** 音小者 **得义尸羅國**  
 壓也 **剡** 音產制 **菌** 音小者 **得义尸羅國**  
 未見 **醫羅鉢龍王** 亦云醫羅鉢羅營羅樹  
 翻譯 **醫羅鉢龍王** 亦云醫羅鉢羅營羅樹  
 名此詞云真氣鉢羅此

翻云極由此龍王住著損此樹  
 華故致頭上生此真極之樹也 **摩納波** 此  
 儒 **篋** 音怯箱 **婆羅尼斯國** 舊云波羅奈河  
 童 **篋** 音怯箱 **婆羅尼斯國** 舊云波羅奈河  
 造立王城或 **那刺陀** 未見 **史** 音使又去聲  
 翻為江遠城 **那刺陀** 未見 **史** 音使又去聲  
**五苾芻** 即橋陳如 等五人也

毘尼止持會集卷第十一

謹一

清金陵寶華山弘律沙門讀體集

第十二異語惱他戒

若比丘妄作異語惱他者波逸提

**緣起**此戒有二制佛在拘睒毘國瞿師羅

一

園中闍陀犯罪諸比丘問言汝自知犯罪

不耶即以餘事報言汝向誰語為說何事

為論何理為語我為語誰耶是誰犯罪罪

由何生我不見罪云何言我有罪諸比丘

譏嫌白佛佛令僧為作餘語白乃初結戒

云若比丘餘語者波逸提後便觸惱眾僧

喚來不來不喚來便來應起不起不應起

便起應語不語不應語便語佛令僧復為

作觸白此第二結戒也

餘語觸惱二種單白羯磨法於作持中此是性罪由違煩事喚患煩惱制斯學

處乃初篇妄根本種類

**釋義**律云餘語者汝向誰語乃至我不見

犯此罪餘語即異語也 僧祇律云異語

和集作折伏乃至別住羯磨 二者如法

論時說非常非斷是名如法論 三者論

阿毘曇時九部修多羅是名阿毘曇 四

者論毘尼時廣畧波羅提木又是名毘尼

五者不異論不得離所論更論餘事是名

不異論 六者不異人不得離先問人更

問餘人是名不異人 七者停論當說法

時語言住後當更論是名停論 八者異

語惱他如尊者闍陀

異語惱他是名八事

**結罪**是中犯者若僧未作餘語白便作餘

語汝向誰語等者一切盡突吉羅 若作

白已作如是餘語者一切盡波逸提

若僧未作觸惱白喚來不來等一切盡突吉羅 若作白竟作如是觸惱僧者一切盡波逸提 若上座喚來不來突吉羅 此戒具四緣方成本罪一自身有過二覆

藏達諫三僧曾作白四語默觸惱

**兼制**比丘尼波逸提同制式义摩那沙彌

沙彌尼突吉羅是為犯

**隨開**不犯者重聽不解或人語有參差汝

向誰說乃至我不見此罪不犯若欲作非

法非毘尼羯磨若僧若捨寺若和尚同和

尚若阿闍黎同阿闍黎若新舊知識等若

為作無利益羯磨不與和合喚來不來若

一坐食不作餘食法若喚起不起或舍崩

火燒惡獸賊難等教莫起便起若惡心問

上人法說是不與說不犯若小語疾疾語

夢中語獨自語欲說此錯說彼及最初未

制戒等是為不犯

**會採**僧祇律云若僧中問異答異得波逸

提 若多人中和尚阿闍黎前諸長老前

問異答異得越毘尼罪

律攝云若於僧伽及尊重類稱理之教垢

心違亦得墮罪 非稱理教作違惱言得

惡作罪 若向不解語人而違惱者亦惡

作罪 若差知眾事以垢惡心應作不作

不應作而作皆得墮罪 若無垢心得惡

作罪

根本律云若苾芻見獵人逐麀鹿等入寺

內彼問頗見有鹿從此過不不應言見若

是寒時報言可入溫室謹一向火若是熱時報

言可入涼室飲水若彼云我不疲倦為問

走鹿應先自觀指甲報言我見指甲若更

問者應觀太虛報言我見太虛若彼云我

不問指甲及太虛然問可殺有情於此過

不即應徧觀四方作如是念於勝義諦一

切諸行本無有情報言我不見有情此皆

無犯 若餘問時不如實答得墮罪

五分律云若輕三師及戒一一波逸提

輕餘比丘突吉羅 師令掃地不掃教順

掃而逆掃皆突吉羅 不恭敬戒諸部皆有唯本部無大意與此

同今故採集以入其中俾不漏過也

此戒大乘同學

### 第十三嫌罵戒

若比丘嫌罵波逸提

**緣起**此戒有二制佛在羅閱城耆闍崛山

中沓婆摩羅子為差使知僧臥具及差僧

食時慈地比丘於眼見耳不聞處自相謂

言沓婆摩羅子有愛恚怖癡餘比丘語言

莫作是說報言我不面說在屏譏嫌耳佛

知初為結戒云若比丘譏嫌波逸提復更

於耳聞眼不見處自相謂言有愛恚怖癡

諸比丘語言佛不制戒云譏嫌波逸提報

言我不嫌是罵耳故有第二結戒也此是

性罪由謗讟事瞋恨煩惱制斯學處乃初

篇妄根本種類

**釋義**律云若面譏嫌齊眼見不聞處言有

愛等若背面罵齊耳聞不見處言有愛等

**結罪**是中犯者若比丘嫌罵比丘說而了

了者波逸提 不了了者突吉羅 若上

座教汝嫌罵若受教嫌罵突吉羅 其教者例推亦

難遊此罪 此戒具四緣方成本罪一有瞋恚

心二是僧所差人三出言嫌罵四說而了

了 **兼制**比丘尼波逸提 同制 式叉摩那沙彌

沙彌尼突吉羅是為犯

**隨開**不犯者其人實有是事恐後有悔恨語令如法發露或戲語或夢中語欲說此乃錯說彼及最初未制戒等是為不犯

**會採**僧祇律云嫌而不訶責者得越毘尼罪 訶責而不嫌者得越毘尼罪 亦嫌亦訶責者得波逸提罪 嫌非訶責者持

已器中食比比座器中食作如是言平等不是嫌而非訶責 訶責而非嫌者但言

有愛恚怖癡不以所分得物相比也 亦嫌亦訶

准此可如善見律云譏嫌被僧差人波逸提 嫌餘人突吉羅

摩得勒伽云罵畜生突吉羅

此戒大乘同制 第十四敷僧臥具不舉戒

謹一

五

若比丘取僧繩牀木牀若臥具坐褥露地敷若教人數捨去不自舉不教人舉波逸提

**緣起**佛在舍衛國給孤獨園時城中有長者飯僧十七羣比丘取僧坐具在露地敷

而經行望食時到時到已不收攝便赴食僧坐具即為風塵土空蟲鳥啄壞污穢不

淨諸比丘譏嫌白佛結戒此是遮罪因臥具事由輕慢心制斯學處

**釋義**文分二節取僧繩牀下明僧物僧用若教敷下結成所犯律云眾僧物為僧屬

僧物者已捨與僧為僧者為僧作未捨與僧也屬僧者已入僧已捨與僧繩牀者有

五種旋脚直脚曲脚入陛無脚木牀有五種亦如是臥具者或用坐或用臥褥者是

坐褥也在露地 謂無覆蓋棟非屋內若自敷教人數

敷謂安布也 若去彼有舊住比丘若摩帝若

經營人當語言我今付授汝汝守護看此謂

教人舉也舉者謂好收攝 若都無人者當舉著屏處而

去若無屏處自知此處必無有破壞當安

隱已持麤者覆好者上而去此謂自舉也 若即

時得還應去若疾雨疾還不壞坐具者應

往若中雨中行及得還者應往若少雨少

行少行謂徐徐行也 及得還者應去毘尼母云如

比丘護數具者見五種過一不欲令風吹

二不令日曝三不令天雨西不令塵土空

之五不令蟲鳥 發具上被不淨

**結罪**是中犯者若不作方便而行初出門

**波逸提**本因露地敷具今制約門音是就

彼時給孤獨園祇桓太子所建之

都門而言其中寬廣不無露地可知如 若

依此時論但出僧伽藍之大門為准 一足在外一足在內欲去而不去還悔一

切突吉羅 若二人共一牀坐下座應收

而去下座謂上座當收而上座竟不收下

座犯波逸提復以非威儀突吉羅此謂下

尊卑所以更加 上座謂下座當收而下座

不收上座犯波逸提此謂上座應教下座

縱是上座亦結本罪 若二人不前不後俱不收二俱

波逸提 若餘空繩牀木牀踞牀若几浴

牀或臥具表裏若地敷若取繩索毳貯放

露地不收便去突吉羅 若敷僧臥具在

露地不收而入房坐思惟突吉羅思惟乃

禪也 此戒具四緣方成本罪一私用僧物

二敷於露地三不收而去四兩脚出門

**兼制**比丘尼波逸提同制 式叉摩那沙彌

沙彌尼突吉羅是為犯

**隨開**不犯者如上付授乃至少雨少行得

還者諸餘空牀等收已而去若為力勢所

縛若命梵二難不作次第而去若二人共  
坐下座應收若收已入房思惟及最初未  
制戒等是為不犯

**會採善見律**云他人私物不舉突吉羅

摩得勒伽云自臥具不舉不使人舉突吉

羅

燈一

七

十誦律云諸比丘食竟有諸白衣即坐僧  
臥具牀上應待白衣食竟若有病者不能  
久待應去隨見者應舉 若失戶鉤戶鑰  
無舉處若八難中一一難起不舉不犯

律攝云若無苾芻應告求寂此若無者囑  
近施主無施主者應觀四方密藏戶鑰方  
隨意去若憶而不舉得本罪 若忘念者  
但得惡作罪 若路逢苾芻來者應須指  
的告戶鑰處有五種人不堪囑授謂無慚

愧有讐隙年衰老身帶病未圓人 若苾  
芻路中許他舉來至寺內初夜不舉乃至  
明相出不損而舉得惡作罪 若損而舉  
得墮罪

**附考**律攝云凡是僧伽所有衣服不將餘  
物而觀替者不合受用是所替物亦非疎  
破 若用僧敷具有損壞者不應默然捨  
不料理有破穿處應須縫補若斷壞者應  
為連接若不堪修補者用充燈炷或為拂  
帚或漸和泥用塗牆壁或填孔隙令施福  
增 門人弟子每於月八日十五日二十  
三日月盡日應觀師主臥具拂拭晒曝若  
不為者咸得惡作若無門徒自須料理  
凡聽法時不應與苾芻尼及俗人求寂同  
一氈席相近而坐授學之人亦不同座有



難緣非犯 無夏苾芻不應共三夏者同

座而坐一夏者不應與四夏者同座二夏

以去得共大三夏者同座 若白衣舍處

所違時雖鄔波馱耶同座非犯 鄔波馱耶此翻親教

師即和尚也 於一牀上聽坐三人 不應一牀

二人同臥有慚愧者無犯 若在行途得

大被中間衣隔同臥非犯 若有施主以

衣物布地延請法衆願爲蹈者或寶莊飾

師子座上以俗人衣敷設者苾芻應生愍

念起無常想踏坐非犯爲令外道生信敬

故 若施主借僧禱席應與事？應令送

歸有汚應洗 若火燒寺先出已衣鉢次

出常住貲財令無力人一處看守 言無力人者意

本能守不能持行也 其火若滅不應輒入大水漂亦

應准此

此戒大乘同學

第十五僧房不舉臥具戒

若比丘於僧房中敷僧臥具若自敷若教人

敷若坐若臥去時不自舉不教人舉波逸提

**緣起**佛在舍衛國給孤獨園時有客比丘

語舊住比丘言我在邊僧房中敷臥具宿

後異時不語舊比丘便去僧臥具爛壞蟲

咬色變舊住者久不見客比丘到房看之

見已譏嫌白佛結戒此是遮罪由敷具事

不敬煩惱制斯學處

**釋義**文分二節於僧房中下明僧用僧物

體通四方物局住處去時下結成所犯律

云僧物臥具付授護舉如上若無人付授

不畏失當移牀離壁高支牀脚持枕褥臥

具置裏以餘臥具覆上而去若恐壞敗當

收臥具氈褥枕舉置衣架上豎牀而去前戒  
露地此以僧房為異 十誦律云房者或屬眾僧或屬一人極小乃至客舍比丘四威儀行住坐臥

**結罪**是中犯者不作如是方便而去若出界外波逸提 一脚在界外一脚在界內

還悔而不去一切突吉羅 若期去而不

去突吉羅若即還二宿在界外至第三宿

明相未出若不自往房中不遣使語摩摩

帝及知事人言掌護此物者波逸提 此

戒具三緣方成本罪一受用僧物二去不

自舉復不語主三兩脚出界

**兼制**比丘尼波逸提同制同學式叉摩那沙彌

沙彌尼突吉羅是為犯

**隨開**不犯者作如上次第事去若舍壞崩

落火燒若有難緣第三宿明相出不自往

不遣使語及最初未制戒等是為不犯

**會採**善見律云內房敷僧臥共若無離障

去離一擲石外還惡作此以中人擲石處 二擲石

還墮罪

僧祇律云若欲去時房舍內當洒地令淨

枕褥晒令燥語知牀褥人知 若在俗家

宿去時應示語若草敷者去時應問此草

欲安何處隨主人語安之若主言但去我

自料理應少斂一角而去

根本律云苾芻雖在俗舍用草敷時亦應

除去所臥之草謹一白施主知彼云留即留若

違得越法罪

此戒大乘同制

第十六強奪止宿戒

若比丘知先比丘住處後來強於中間敷臥

具止宿念言彼若嫌進者自當避我去作如是因緣非餘非威儀波逸提

**緣起**此戒有二制佛在舍衛國祇園精舍

時六羣比丘與十七羣比丘在拘薩羅國道路行至無比丘住處村十七羣與六羣

言汝是我等上座應先求住處我等當後

求六羣報言汝等自去我不求住處十七

羣即往求住處自敷臥具止宿六羣知已

乃往語言汝等起當以大小次第止十七

羣不允即強在座間敷臥具十七羣高聲

言諸尊莫爾眾中有少欲比丘譏嫌往白

世尊此初結戒也於是諸比丘不知先住

處非先住處後乃知是先住處或有作波

逸提懺者或有畏慎者佛言不知不犯故復為僧第二結戒也此是性罪由臥具事

謹一

十二

情生不忍制斯學處

**釋義**文分二節知先比丘下恃尊強宿作

如是因緣下結成所犯知者或自了知或他告知顯非

不先比丘住處者謂彼比丘先已後來者

謂後至比丘恃勢強為故意放肆於彼臥具中間更重敷已臥具縱身其上坐臥也

律云中間者若頭邊若脚邊若兩脅邊臥

具者若草敷若葉敷乃至地敷臥具念言

等者念言揀非口語乃意內生不善之念謂被違苦所逼不樂後自當避我遠

去何必加作如是因緣非餘者謂作如上以言遣

自避非為餘非威儀者謂先止者未曾避事因緣也請後來者必欲安

宿四修葺亂非僧所宜也

**結罪**是中犯者隨轉側脅著牀波逸提

此戒具三緣方成本罪一處先有人二心存惱亂三強敷具竟

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者先不知若語已住若寬廣不相妨礙若有親舊人教於中敷若倒地若病轉側墮上若被繫閉若命難若梵行難及最初未制戒等是為不犯

**會採僧**祇律云若住處少一比丘當一住

間敷牀褥尼師壇覆上已向和尚阿闍黎或禮拜問訊或受經去後比丘來卻先尼師壇自敷尼師壇坐已作細聲唄先住比丘來見已作是念誰能斷他法即自持尼

師壇去是後比丘波逸提坐禪病亦如是若後來眠他牀上若是上座者應語言長老不知世尊制戒耶若眠比丘是下座者應訶責汝不善不知戒相汝不知世尊制戒云何後來眠他牀上 若比丘在他

處經行者見先比丘來應當避去他處音謂有先他比丘於此處經行後來比丘亦經行此若比丘夜眠時雖振動寤語不作擾亂意無罪擾亂比丘波逸提

十誦律云若能敷者波逸提 不能敷者

突吉羅 若為惱他故閉戶開戶閉向開

向與謂窗然火滅火然燈滅燈梵唄讀經

說法問難隨他不喜事作一一波逸提

**附考**律攝云大小便室不依大小在前至

者即應先入便利既了不應久住 洗足

之處須依長幼律一 僧伽器物下十一至染器在

前用者皆待事畢不應依年大小奪先用

者亦不應器中安少染汁作留滯心廢他

所用 讀誦經時先來已坐不應依大小

令彼起避 僧伽剃刀既用已了應復本

處不應停留更備後須此等不依行者咸得惡罪

此戒大乘同學

第十七牽他出房戒

若比丘瞋他比丘不喜在僧房舍中若自牽

出教他牽出波逸提

謹一

十三

**緣起**佛在祇桓精舍六羣及十七羣行處

同前十七羣入寺掃洒房舍敷臥具止宿

已六羣知之即往入房令起隨戒次坐十

七羣報言長老實是我等上座然已先語

今不能起六羣強牽瞋不喜驅出房佛為

結戒此是性罪由臥具事瞋惱他人制斯

學處

**釋義**瞋他等者謂情懷不悅於他不安惡行所為故牽出者

根本律云或言驅出或以手牽自作使人

**結罪**是中犯者若自牽若教人牽若牽多

人出多戶多波逸提 若牽多人出一戶

多波逸提 若牽一人出多戶多波逸提

若牽一人出一戶一波逸提

若持他物出若持物擲著戶外若閉他著

戶外盡突吉羅 此戒具三緣方成本罪

一有瞋他心二彼是無過比丘三牽出戶

外

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者無瞋恨心次第出若共宿二

夜至三夜遣未受戒人出若破戒破見破

威儀若為所擯謂僧已若應擯謂比丘所

威擯者僧未與若有命難梵行難驅逐如

作威難羯磨也此等人及最初未制戒等是為不犯

**會採**五分律云若將其所不喜人來共房住欲令自出若出若不出皆突吉羅 牽比丘尼及餘三衆出突吉羅 若牽無慚愧人若欲降伏弟子而牽出者不犯律攝云若有慈芻是鬪諍者戒見軌式多

有虧違如此之人瞋而或出若無善心亦

得惡作瞋而或出者乃現權折伏而非實

以折伏心若於非僧房處曳出清淨慈芻

得惡作罪 若破戒人大衆應共驅出若

倚門若抱柱咸應斫去并推出之事珍息

後所斫截處僧應修補 若門徒等冀其

懲惡牽出房時無犯然不應令出其住處

若無破戒罪但難共語者應爲曳韁法而

折伏之言曳韁法者謂暫捨置不與共語

同事如惡馬難調應合羣我而捨若於住處龍蛇忽至應彈指語曰賢首

謹一

十四

汝應遠去勿惱慈芻若告已不去應持軟物而羈去之勿以毛繩等繫勿令傷損於草叢處安詳解放待入穴已然後捨去若棄蚤虱等應於故布帛上觀時冷熱而安置之此若無者應安壁隙柱孔任其自

活

僧祇律云若駱駝牛馬在塿寺中畏汚壞

塿寺驅出者無罪

此戒大乘同制

第十八重閣坐脫脚牀戒

謹一

十五

若比丘若房若重閣上脫脚繩牀木牀若坐

若臥波逸提

**緣起**佛在舍衛國給孤獨園諸比丘在重

閣上住坐脫脚牀坐不安詳閣薄牀脚脫

墮下止宿比丘上傷身血出有慚愧比丘

嫌責佛為結戒由臥具事及不慎威儀制

斯學處

**釋義**律云房者若僧房若私房重閣者立

頭不至者是脫脚牀者脚入陛謂脚入陛孔不以楔

堅故所脫脚 薩婆多論云凡坐臥法一切安詳若不審詳者必有所傷 蕪壞威儀

**結罪**是中犯者若坐若臥隨脇著牀隨轉

側波逸提 除脫脚已若在獨坐牀或一

板牀或浴牀一切突吉羅 此戒具四緣

方成本罪一住閣板薄二閣下有人三牀

壞脫脚四不安詳坐臥

**兼制**比丘尼波逸提同制式摩那沙彌

沙彌尼突吉羅是為犯

**隨開**不犯者坐旋脚直脚曲脚無脚牀若

重閣上有板覆若反牀坐若脫去牀脚坐

及最初未制戒等是為不犯

會採僧祇律云閣下無人坐無犯

此戒大乘同學

第十九蟲水澆泥草戒

若比丘知水有蟲若自澆泥若草若教人澆

者波逸提

**緣起**此戒有二制佛在拘睺彌國闍陀起

大屋以蟲水和泥教人和諸居士見以無

慈心害眾生命譏嫌此初結戒也時諸比

丘有疑不知有蟲無蟲或有作波逸提懺

或有畏慎者佛言不知不犯復與第二結

戒也此是性罪由用水事無慈悲煩惱制

斯學處乃初篇殺根本種類

**釋義**知者或自察知水者謂河池井水

者五分律云有蟲水者澆者謂也亦是用水

囊澆所得肉眼所見澆者水之異名五

分律云用有內外內用者飲食之屬外用者澆灌澆濯洗浴之屬此間為外用故制

其內用如後所禁此二用皆顯於慈護有情之微細也

**結罪**是中犯者若知水有蟲用澆泥草若

以草若土擲有蟲中者波逸提 除水已

若有蟲酪漿清酪漿若漬麥漿以澆泥若

草若教人澆者波逸提 若以土若草著

如上有蟲等漿中若教人者波逸提

若蟲水有蟲水想波逸提 蟲水疑 無

蟲水有蟲水想 無蟲水疑盡突吉羅

此戒具三緣方成本罪一知水有蟲二作

有蟲想三自教澆用

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者不知有蟲作無蟲想若蟲大

以手觸水令蟲去若澆水灑地教人灑及

最初未制戒等是為不犯

謹一

十七

**會採**善見律云自澆者隨息一一波逸提

息者止也若教他澆隨語語得波逸提

根本律云河池水處多有蟲魚苾芻殺心

決去水隨有蟲魚命斷之時皆得墮罪

若不死者皆得惡作 若於此水處堰之

令斷於其下半隨蟲命斷或時不死得罪

同前

此戒大乘同制

**附考**僧祇律云若比丘營作房舍須水若

河若池若井漉取滿器看無蟲然後用若

故有蟲當重囊漉諦觀之若故有蟲至三

重若故有蟲當別作井如前諦觀若故有

蟲當捨所營事至餘處去蟲生無常或先

無今有或今有後無是故比丘日日諦觀

無蟲便用



薩婆多論云殺生有三種有貪毛角及皮肉而殺衆生有怨憎害害而殺衆生有無所貪利有無瞋害而殺衆生是名愚癡殺此戒用有蟲水是謂愚癡殺衆生

第二十覆房過三節戒

若比丘作大房舍戶扉窓牖及餘莊飾具指授覆苦齊二三節若過波逸提

**緣起**佛在拘睺毘國美音園中闍陀起大

房覆有餘草復更重第三猶有餘草彼作念言我不能常從檀越求索草爲更重覆

不止屋便摧破諸居士見共皆譏嫌時有知足比丘聞之白佛結戒此是遮罪由房舍事貪慢煩惱制斯學處

**釋義**文分二節作大房下明其營造若過下結成所犯律云大舍者多用物律攝云大住處

有二種一形量大二施物及餘莊飾者刻大此概形大有主爲作

**鏤綵畫覆者有二種縱覆橫覆**按西國所造室宇臺

觀板屋平頭壁泥石灰覆以甄整或苦茅

奇製嚴飾不一今律云及彼比丘指授二

節覆已節謂節度也第三節未竟當去至不見

不聞處

**結罪**是中犯者若二節覆已第三節未竟

不去至不見不聞處第三節竟波逸提

若捨聞處至見處捨見處至聞處一切突

吉羅 此戒具三緣方成本罪一作房廣

求二貪造堅固三過覆看竟

**兼制**比丘尼波逸提同制同學式叉摩那沙彌

沙彌尼突吉羅是爲犯

**隨開**不犯者若水陸道斷賊難惡獸難水

大漲或爲勢力所持若被繫若命難梵行

難指授第二至第三節未竟不去至不見不聞處及最初未制戒等是為不犯

**會採**薩婆多論云凡作房法有三上中下

覆房法各自有限若下房以中上房覆法

者以鎮重故兼頓成故若用草覆草草波

逸提 謹 若中房以上房覆法者亦以鎮重

故若用草覆草草波逸提 若隨上中下

覆法者以頓成故房成已一波逸提若不

頓壘墻成無罪

根本律云若起墻時是濕泥者始從治地

築基創起墻壁應二三重布其模整過者

墮罪 若是熟磚及以石木或可施主欲

得疾成雖過重數竝皆無犯 按本部與十

覆未竟捨去無犯餘部至第四節方成其罪今如本部之制餘部但可通曉

此戒大乘同學

第二十一自往教尼戒

若比丘僧不差教誡比丘尼者波逸提

**緣起**佛在舍衛國給孤獨園大愛道比丘

尼請佛聽諸比丘與尼教誡說法佛敕阿

難隨次差上座往時次當般陀然尊者所

誦唯一偈至往受尼禮請說一偈已即入

第四禪六羣尼各相向調戲言我先有此

語般陀比丘癡人唯誦一偈若來教我等

說已更何所說今者默然果如所言有諸

阿羅漢比丘尼聞尊者所說皆大歡喜如

是三番說偈三番入第四禪尊者出定觀

衆尼心或有喜者或有不喜者即昇虛空

現諸神變說法而去時六羣比丘自往教

誡不說正法但說一切世論乃至笑舞跋

行等六羣尼極大歡喜羅漢尼以恭敬心

故默然無言大愛道白佛佛制僧中差教

授尼白二羯磨於是六羣比丘即出界外

更互相差往大愛道重白佛佛制成就十

法然後得教授尼一戒律具足二多聞誦

二部戒相三決斷無疑四善能說法五族

姓出家六顏貌端正七尼衆見便歡喜八

堪任與尼衆說法勸令歡喜九不爲佛出

家而被法服犯重法十滿二十歲若過

十夏臘如此等可與尼教誠遂爲結戒此

是遮罪由尼事貪心希望招世譏嫌待緣

煩惱制斯學處乃初篇姪根本種類

按根本律云其七法者僧應差教授尼一持戒二多

聞三住者宿位四善都城語五不曾以身

別七於八等重法善能分

釋義律云僧者一說戒一羯磨差者僧中

所差白二羯磨此法於作

持中明教授者八不可

違法百臘比丘尼見初受戒比丘當起迎

逆問訊禮拜請令坐一不得罵比丘不得

誹謗言破戒破見破威儀二不得舉比丘

罪作憶念作自言不得遮他覓罪遮說戒

自恣比丘尼不得說比丘過失比丘得說

比丘尼過失三已學於學式义摩那從衆

僧求受大戒四若犯僧殘應在二部僧中

半月行摩那埵五於半月當從僧中求索

教授人六不應在無比丘處夏安居七夏

安居訖當請衆僧中求三事自恣見聞疑

八如此八事應尊重恭敬讚歎盡形壽不

應違此八敬法尼初求度佛即先宣已令

欲發起羯磨差往因緣故然

所教者即此八不可違法也

結罪是中犯者若僧不差或非教授日而

往與說八不可違法突吉羅若僧差往

應尅時到尼亦尅時迎若尅時不到突吉羅 尼應出半由旬迎供給所須若不爾者突吉羅 若僧不差而往與說法者波逸提 此戒具三緣方成本罪一必貪心違制二是教誡比丘尼三兩脚入門

**兼制**比丘尼突吉羅同制別學式叉摩那沙彌沙彌尼突吉羅是為犯

隨開不犯者如上僧中差往尅時而至若諸難緣留阻不容尅時而至及最初未制戒等是為不犯

會採僧祇律云教誡尼不得從日沒至明相未出不得深猥處不得露現處當在不深不露處若講堂若樹下不得十四日十五日月一日二日三日應從四日至十三日往教誡不得教誡不和合尼眾到已應

問尼僧和合不若和合應遣使呼來若不將來者應與教誡欲不得偏教誡不得長語教誡

五分律云若不差教誡尼語語波逸提

教誡式叉摩那沙彌尼突吉羅 若僧不

差為教授故入尼住處隨入多少步步波

逸提 若一脚入門突吉羅除此比丘尼病

善見律云若不說八敬先說餘法突吉羅

若說八敬已後說餘法不犯

十誦律云比丘應誦尼戒莫令忘失何以

故諸女人喜忘智慧散亂我泥洹後當從

大僧問戒法

此戒大乘同學必若觀機知有大益不犯

然在末法尤宜慎重

附考薩婆多論問云教誡教授有何差別

答曰遮無利益故名教誠與有利益故名  
教授又教住正念故名教誠教住正知故  
名教授乃至令修世間善法故名教誠令  
修出世間善法故名教授以是差別

第二十二教尼至暮戒

若比丘為僧差教授比丘尼乃至日暮者波  
逸提

**緣起**佛在舍衛國祇桓精舍時難陀薩婆  
多論

云此非佛  
弟難陀為眾僧所差教授比丘尼教已

默然而住大愛道重請乃至三教難陀好  
音聲聽者樂聞遂至日暮尼出祇桓入舍  
衛城城門已閉即依城墻中宿晨旦在前  
入城諸長者見已謗為與比丘共宿佛知  
為僧結戒因譏嫌事制斯學處乃初篇姪  
根本種類

謹一

三

**釋義**律云彼比丘僧所差教授比丘尼應

乃至日未暮當還此戒非為比丘往尼寺  
而制所制者是比丘尼

來僧寺暮歸也准前  
緣起據後開中可知

**結罪**是中犯者若教授至日暮者波逸提

除教授若受經若誦經若問若以餘事

乃至日暮突吉羅 除比丘尼已若為餘

婦女誦經若受經若問若以餘事至日暮

突吉羅

若日暮日暮想波逸提 日暮疑 日暮

不日暮想 不日暮疑盡突吉羅 此戒

具三緣方成本罪一必在僧寺教授比丘

尼二尼寺隔城三時至日暮作日暮想

**兼制**比丘尼突吉羅同制  
別學式叉摩那沙彌

沙彌尼突吉羅是為犯

**隨開**不犯者若船濟處說法尼聽共賈客

行夜說法尼聽若至尼寺中說法若說戒日來請教授人值說法便聽及最初未制戒等是為不犯

**會採律攝**云雖在時中若諸尼眾立而不坐或復營務紛擾不息或身有拘礙而為

說法者亦名非時 若施主本意請法師

通夜說法或尼寺近對城門或城門夜不

關閉或尼寺在城中或尼眾在白衣舍此

皆無犯 其教授尼人一被差已盡形壽

教授更不須差

此戒大乘同學

毘尼止持會集卷第十一

音義

一坐食 謂比丘受頭陀法者不歎飲食及

食令滿足更無坐食設未滿足有因 緣起者亦無更坐食故名一坐食 十七

一坐食 謂比丘受頭陀法者不歎飲食及食令滿足更無坐食設未滿足有因緣起者亦無更坐食故名一坐食

羣比丘

時羅閱城中有十七羣童子共為

二最富者八十百千最貧者八十千有一

童子名優婆離此翻上首最為大者時諸

童子要共出家即往僧伽藍中求為見度

諸比丘即度令出家與優婆離具足多習嬉戲

少學禪誦唯優婆離童子先斷煩惱

證阿羅漢果此非持律優婆離尊者

鳥食也 帔 音響 屬屬 寢 音義 睡 懲 音呈 止 堰

音燕 壘 擊 音吉 土 壘 未 般 陀 或云 兼 陀 伽

水也 壘 擊 燒 壘 壞 也 般 陀 或云 兼 陀 伽

陀 具云 周利 禁 陀 伽 此 云 小 路 邊 生 又 翻

繼 道 以 其 兄 生 路 邊 弟 生 繼 於 道 邊 故 名

弟 從 其 兄 後 來 出 家 不 久 即 得 阿 羅 漢 其

忌 前 失 後 兄 自 念 言 此 人 於 佛 法 無 緣 當

遣 還 家 即 牽 袈 裟 驅 令 出 門 門 外 啼 哭 不

欲 還 家 佛 以 天 眼 觀 見 般 陀 應 可 度 緣 往

至 其 所 問 知 安 慰 其 心 即 以 少 許 白 麩 與

般 陀 捉 此 向 日 而 曝 當 作 如 是 念 取 垢 取

垢 世 尊 教 已 入 聚 受 請 時 臨 日 中 觀 般 陀

將 得 道 果 即 說 偈 言 入 寂 者 歡 喜 見 法 得

安 樂 世 無 瞋 最 樂 不 害 於 眾 生 世 間 無 欲

樂 出 離 於 愛 樂 若 調 伏 我 慢 是 為 第 一 樂

般 陀 遙 聞 此 偈 即 得 阿 羅 漢 果 此 據 善 見

律 略 錄 後 教 授 尼 即 此 一 偈 薩 婆 多 論

云 尊 者 小 路 於 昔 迦 葉 波 佛 法 中 具 足 持

彼 佛 三 藏 由 法 塵 垢 覆 蔽 其 心 曾 不 為 他

授 文 解 義 及 理 廢 忘 由 彼 業 故 今 得 如 是

極聞大愛道比丘尼增一阿含經云我舅  
 絕果出家學王所敬所謂大愛道難陀云亦  
 出雲彌是瞿曇是其姓也難陀云亦  
 名放牛難陀此翻善歡喜亦翻欣喜文句  
 記云從初慕道為名歡喜中勝故云善也  
 木是放牛之人因阿羅漢果法教誠時  
 具一切智出家獲阿羅漢果法教誠時  
 難鐸迦尊者佛道彼為尼眾說法教誠時  
 五百苾芻尼闍法得阿羅漢果法教誠時  
 論云往昔佛出現於世為眾生說法  
 彼佛滅後有王起牛頭旃檀種莊嚴  
 此王有五百夫人供養此增各發願言願  
 我等將來從此王過而得解脫爾時王者  
 今難陀是爾時五百夫人者今五百比丘  
 尼是以是本願因緣故應從難陀而得解  
 脫

毘尼止持會集卷第十二

謹二

清金陵寶華山弘律沙門讀體集

第二十三譏論教尼戒

若比丘語諸比丘作如是語比丘為飲食故教授比丘尼者波逸提

謹二

一

**緣起**佛在舍衛國給孤獨園時比丘尼聞

教授師來半由旬迎安處房舍辦飲食洗浴處六羣不為僧差生嫉妬心言諸比丘無有真實但為飲食故教授尼有少欲比丘聞知嫌責六羣白佛結戒由懷嫉心制斯學處

**結罪**是中犯者言諸比丘為飲食故教授

比丘尼為飲食故教誦經受經若問說而了了波逸提 不了了者突吉羅 此戒具四緣方成本罪一要有嫉妬心二必教

誡比丘尼三妄語為飲食故四說而了了

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者其事實爾為飲食供養故教授尼為飲食故教誦經受經若問若戲笑

語獨處語夢中語欲說此乃說彼及最初

未制戒等是為不犯

**會探**僧祇律云若言為醫藥者得越毘尼

罪

五分律云若言為供養故教誡比丘尼及

式叉摩那沙彌沙彌尼突吉羅 若言比

丘行十二頭陀行坐禪誦經作諸功德皆

為供養利故語語突吉羅

此戒大乘同學

第二十四與非親里尼衣戒



若比丘與非親里比丘尼衣除貿易波逸提

**緣起**此戒有三制佛在舍衛國給孤獨園

城中有一乞食比丘威儀具足時有比丘尼見便生善心數請此比丘比丘不受請

異時祇桓眾僧分衣物此比丘持衣分出

門見彼比丘尼來欲酬前請意彼不受即

以衣與彼尼輒便受之此比丘數數向人

說嫌責有少欲慚愧比丘聞知啓白世尊

此初結戒也後比丘不敢與親里尼衣佛

言聽與第二結戒也時二部僧共分衣僧

尼錯取白佛佛言聽貿易此第三結戒也

因致譏嫌制斯學處乃初篇姪根本種類

須知僧尼衣分錯者為禮越云此是比丘

衣此是比丘尼衣然衣本無二式若式有

二則不聽貿易披著今訛傳云僧衣邊縫

向外尼衣邊縫向內諸部律制並無斯說

**釋義律**云親里者如上衣者有十種如上

貿易者共相換易以衣易衣乃至以非衣易衣

鍼買刀若縷線下至藥草一片

**結罪**是中犯者與非親里尼衣波逸提

此戒具三緣方成本罪一必是無過非親

里尼二物非貿易及餘因緣三衣財應量

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者與親里共相貿易與增與佛

與僧及最初未制戒等是為不犯

**會採**薩婆多論云若與應量衣波逸提

與不應量衣物等突吉羅

五分律云若與破戒邪見親里比丘尼衣

突吉羅 與非親里餘二女眾衣突吉羅

若為料理功業事若為善說經法若為

多誦經戒與衣皆不犯

根本律云若見遭難無衣服者與之或受戒施無犯

此戒大乘同學然在未法應須審慎

第二十五與非親尼作衣戒

若比丘與非親里比丘尼作衣者波逸提

**緣起**此戒有二制佛在舍衛國祇桓精舍

時有比丘尼欲作僧伽黎持至寺中迦留

陀夷善知作衣法即與裁縫之作男女行

欲像尼來即襲衣授與之語言此衣不得

妄解披看亦莫示人若白時到謂檀越請僧白時到

赴供也著此衣在尼僧後行尼如其教諸居

士見拍手高聲大笑大愛道問知其故遂

白諸比丘諸比丘轉白世尊此初結戒也

時諸比丘畏慎不敢與親里比丘尼作衣

佛聽此第二結戒也因致譏嫌制斯學處

**釋義**律云親里如上衣有十種如上律攝云作

衣者謂割剝流染

**結罪**是中犯者與非親里比丘尼作衣隨

刀截多少波逸提 隨一縫一鍼波逸提

若復披看牽挽熨治以手摩捫若捉角

頭挽方正若安帖若緣若索線若續線一

切突吉羅 此戒具三緣方成本罪一尼

非親里二心欲戲弄三自手作衣

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者若與親里比丘尼作若為增

若借著浣染治還主及最初未制戒等是

為不犯

**會採**五分律云取衣時突吉羅

薩婆多論云若尼遣使持衣財來與作衣

突吉羅 若使人與作突吉羅 若與作不應量衣突吉羅 若浣隨一事突吉羅

此戒大乘同學

第二十六與尼屏坐戒

若比丘與比丘尼在屏處坐者波逸提

**緣起**佛在舍衛國祇桓精舍迦留陀夷顏

貌端正偷蘭難陀比丘尼亦爾彼此皆有

欲意時迦留陀夷清旦至偷蘭難陀所在

門外共一處坐諸居士見咸共嫌之有知

足慚愧比丘聞已白佛結戒因招譏嫌制

斯學處乃初篇姪根本種類

**釋義**律云一處者一是比丘一是比丘尼

屏處者見屏處間屏處見屏覆者若塵若

霧若黑暗中不相見聞屏覆者乃至常語

謹三

五

不聞聲處是

**結罪**是中犯者若比丘獨在屏處與比丘

尼坐者波逸提 若盲而不聾聾而盲

突吉羅 立住者突吉羅 此戒具三緣

方成本罪一是屏處二唯一尼三身同坐

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者若比丘有伴若有智人智人謂在

家知善惡語之男子也若行過卒倒地或病轉倒或

為勢所持繫閉若命難梵行難及最初未

制戒等是為不犯

**會採**五分律云與餘二女眾屏處坐者亦

波逸提

薩婆多論云經行已還坐波逸提 隨起

還坐隨得爾所波逸提

律攝云此言坐者據起犯緣設餘威儀亦皆同犯

此戒大乘同學

第二十七與尼同行戒

若比丘與比丘尼期同一道行從一村乃至一村除異時波逸提異時者與估客行若疑畏怖時是謂異時

**緣起**此戒有三制佛在舍衛國給孤獨園

六羣比丘與六羣尼在拘薩羅人間遊行

諸居士見皆譏嫌此初結戒也時諸比丘

不先與尼共期卒道路相遇畏慎不敢共

行佛言不共期不犯故加期同一道行此

第二結戒也時有僧尼二眾俱欲至毘舍

離國以比丘不敢同行諸尼在後為賊所

劫因是復開異時故有第三結戒也此是

謹二

六

遮罪由譏嫌故制斯學處乃初篇姪根本種類

**釋義**文分二節與比丘尼下明其所犯異

時下明其隨開律云期者言共去至某村

某城某國道者村間有分齊行處言同一道行顯

非異謂在難緣有商路也異時者客同行不犯疑者疑有賊

盜劫處畏怖者有賊劫盜十誦律云疑有二種一疑失衣

鉢二疑失糧食尼之衣食比丘應取持去至安隱處應還與言姊妹汝等隨意不得

共行

**結罪**是中犯者若與尼期同一道行乃至

村間分齊處隨眾多少界多少一一波逸

提 非村若空地行乃至十里波逸提

若減一村減十里突吉羅 若多村同一

界行突吉羅 方便欲去共期莊嚴一切

突吉羅 此戒具三緣方成本罪一有心

共期二躬同道行三村里越制

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者不共期大伴行若為力勢者

所持若命難若梵行難及最初未制戒等

是為不犯

謹二

**會採**僧祇律云若共隨車伴行止息發去

時喚尼來勿使不及伴波逸提 若言去

去勿使失伴無罪 乃至問路檀越家亦

爾

薩婆多論云不期而偶共同道當使相去

語言不聞聲處若相聞已還突吉羅 若

尼與比丘期比丘不許若比丘與尼期尼

不許若相聞語聲突吉羅 若與式叉摩

那沙彌尼議共道行同尼也

此戒大乘同學

**附考**律攝云凡苾芻苾芻尼將行之時預

先一日應白和尚阿闍黎我今有事詣彼

村坊聽不坊者邑里之名隨師不應違逆若無二

師應白上座所有臥具囑他守護 苾芻

有警隙者不應共行若有因緣須共行時

應懺摩已同去 凡涉路時應為法語勿

出惡言或為聖默然勿令心散亂 若至

天神祠廟誦伽陀舊云傷也彈指而進 苾芻

不應供養天神若路次止息處或泉池取

水之處皆誦伽陀其止宿處應誦三啓汲

水繩索亦應持行 若有機緣與尼同行

尼食苾芻應持食時更相授與 有病苾

芻共舁去若人少者尼亦助舁若至村落

為覓醫藥若乞食時令人看物持食來與

若尼有病准此應知

第二十八與尼同船戒

若比丘與比丘尼共期同乘一船上水下水除直渡者波逸提

**緣起**此戒有三制佛在舍衛國祇桓精舍

六羣比丘與六羣尼共乘船上水下水諸居士見皆譏嫌此初結戒也於是諸比丘不期而尼來畏慎佛言不期無犯此第二結戒也復有衆比丘及尼欲同渡恒水從此岸至彼岸比丘不允同船先渡尼衆在後天大暴雨江水泛漲船到彼岸未還間日已暮尼衆即在岸邊住宿爲賊劫奪因開除直渡不犯故有第三結戒也此是遮罪譏過同前制斯學處乃初篇姪根本種類

三

**結罪**是中犯者若期同上水下水入船波逸提 若一脚在船上一脚在地若方便欲入而不入若共期莊嚴一切突吉羅 此戒具三緣方成本罪一有心期行二身已入船三順水上下

**兼制**比丘尼突吉羅同制別學式叉摩那沙彌沙彌尼突吉羅是爲犯

**隨開**不犯者不共期若直渡彼岸若入船船師失濟上水下水或爲力勢持縛或命難梵行難及最初未制戒等是爲不犯

**會採**薩婆多論云與式叉摩那沙彌尼共期載船同尼犯也 尼與比丘議載船突吉羅

根本律云若篙棹柁析隨流而去或避灘磧或柁師不用其語此皆無犯

三

九

此戒大乘同學

第二十九尼讚得食戒

若比丘知比丘尼讚歎教化因緣得食食除檀越先有意者波逸提

**緣起**此戒有三制佛在舍衛國給孤獨園

城中有一居士請舍利弗目犍連食於夜辦具種種美食晨旦露地敷眾多好坐具偷蘭難陀比丘尼先至其家毀謗二尊者是下賤人讚調達等五人是龍中之龍言語之項二尊者至偷蘭難陀見已語居士言龍中之龍已至居士語比丘尼言向者言下賤人今云何言龍中之龍耶自今已去勿復來往我家二尊者食竟還白世尊世尊呵責調達部黨汝等云何遣尼勸化得食此初結戒也時諸比丘不知有勸化

無勸化後乃知或作波逸提懺者或有疑

者故開不知無犯此第二結戒也又羅閱

城有大長者是梨師達親友待梨師達至

供養眾僧後梨師達至城有比丘尼往語

長者因即設齋梨師達恐犯戒不受食故

更除檀越先有意者此第三結戒也因不

敬事制斯學處乃初篇姪根本種類

**釋義**文分二節知比丘尼下明其所犯除

檀越先有意者明其隨開律云教化者阿

練若乞食人著糞掃衣作餘食法不食一

坐食一搏食塚間露地坐樹下坐常坐隨

坐持三衣此十二頭陀行讚偈多聞法師持律坐

禪也以如是過分讚美其德令檀越生信敬心希冀其惠施也食者從

旦至中得食

結罪是中犯者彼比丘知比丘尼教化得

食食咽咽波逸提 除此飯食已教化得  
餘襯體衣燈油塗足油一切突吉羅

知教化教化想波逸提 教化疑 不教

化教化想 不教化疑盡突吉羅 此戒

具四緣方成本罪一知尼讚歎二讚歎想

三自有貪心四食已入咽

**兼制**比丘尼突吉羅 同制別學式叉摩那沙彌

沙彌尼突吉羅是為犯

**隨開**不犯者若不知若檀越先意若教化

無教化想若比丘尼自作若檀越令比丘

尼經營若不故教化而乞食與及最初未

制戒等是為不犯

**會採**五分律云以餘四眾讚歎因緣得食

食突吉羅 餘四眾除比丘尼是

薩婆多論云若不曲讚功德但說布施沙

護二

十二

門福德甚大食者無罪

僧祇律云若有如是讚歎食當展轉買食

不得捨食而去若比座垢穢不淨不喜與

買者當作是念此鉢中食是某甲比丘許

我當食 此謂自具慳愧不退信心故開

此戒大乘同制是邪命自活

第三十婦女同行戒

若比丘與婦女共期同一道行乃至村間波

逸提

**緣起**此戒有二制佛在舍衛國祇桓精舍

有毘舍離女嫁與舍衛國人後與姑共諍

還詣本國時阿那律從舍衛至毘舍離彼

婦女欲隨行尊者許之夫主追至謗打尊

者幾死尊者下道在一靜處結跏趺坐入

火光三昧夫主待其出定禮拜懺悔尊者



為說法而去還告眾僧眾僧白佛此初結

戒也時諸比丘不共期道路相遇有畏慎

不敢共行佛知開聽故有期同一道行之

語此第二結戒也由道行事譏諍煩惱制

斯學處乃初篇淫根本種類

**結罪**是中犯相輕重及不犯等與尼同行

戒無別此唯以白衣婦女為異故不重釋

此戒具三緣方成本罪一有心期約二

自身同行三限滿村里

**兼制**比丘尼突吉羅同制別學式叉摩那沙彌

沙彌尼突吉羅是為犯

**會採**根本律云若他遣女人引道或迷於

道路女人為指授無犯

此戒大乘同學

第三十一過受一食施戒

謹二

十二

若比丘施一食處無病比丘應一食若過受者波逸提

**緣起**此戒有二制佛在舍衛國給孤獨園

爾時拘薩羅國有無住處村居士為比丘

作住處常供給飲食若在此住者常聽一

食六羣比丘至彼處經一宿得美好飲食

故復住第二宿復得美好飲食念言我等

所以遊行住者正為食爾今者已得彼於此

住處數數食居士譏嫌此初結戒也後舍

利弗遊行詣此得病恐犯此戒扶病而去

病遂增劇故更增無病之言此第二結戒

也因宿食事招俗譏嫌制斯學處

**釋義**律云住處者在中一宿食者乃至時

食乃至者超略其五番也病者離彼村增劇者是十

律云病者下至竹葉所傷

**結罪**是中犯者若無病比丘於彼一宿處過受食咽咽波逸提 除食已更受餘觀身衣燈油塗脚油盡突吉羅 此戒具三緣方成本罪一無病難二有貪心三過受八咽

**兼制**比丘尼波逸提同制式义摩那沙彌三

沙彌尼突吉羅是為犯

**隨開**不犯者一宿受食病過受食若諸居士請留食若檀越次第請食今日受此人食明日受彼人食或水陸道阻或諸難緣

及最初未制戒等是為不犯

**會採**十誦律云過一宿不食突吉羅 餘

處宿是中食波逸提

此戒大乘同學

第三十二展轉食戒

若比丘展轉食除餘時波逸提餘時者病時施衣時是謂餘時根本律云餘時者病時作時道行時施衣時此是時

**緣起**此戒有三制佛在羅閱城迦蘭陀竹園與諸比丘遊行人間有沙窻婆羅門以五百乘車載滿飲食經冬涉夏隨逐世尊

伺候空缺設供而不得便往語阿難為我白佛欲以飲食布地令佛僧踏過則為受供佛乃聽作餅粥供僧時阿那頻頭國諸居士聞佛聽僧食粥及餅皆大歡喜快得作福有一少信大臣見佛及僧大得供養

即生福田想辦肥美飲食請僧然僧充受他請復食濃粥不能多食大臣嫌之佛言不得先受請已食稠粥稠粥者以草畫之不合是也時佛還至羅閱城中有一少信樂師其事亦爾由是不聽展轉食亦名數數食

此初結戒也諸病比丘所請食處無有隨病藥食若有隨病美食及藥畏慎不敢食恐犯其戒佛聽病比丘展轉食此第二結戒也又有一居士亦請佛僧施食及衣比丘畏慎白佛佛聽施衣時展轉食故有第三結戒也此戒雖開亦不得過午食於後會採中有據此是遮罪因食事過分廢闕寂靜譏嫌煩惱制斯學處

**釋義**文分二節展轉食明其剗制除餘時下明其隨開律云展轉食者請也請有二種若僧次請別請也食者飯麩餅等病者不能一坐食好食令足施衣者自恣竟無迦絺那衣一月有迦絺那衣五月若復有餘時食及衣律攝云謂有施主施與浴衣及餘被服或貝齒物等以充直衣

雜二

十四

**結罪**是中犯者若今日得多請食應自受雜二

一請餘者當施與人如是施與言長老我應往彼今布施汝若比丘不捨前請受後請食咽咽波逸提若不捨後請受前請食者咽咽突吉羅此戒具三緣方成本

罪一無開緣二不捨前受後三食已入咽

**兼制**比丘尼突吉羅同制別學式叉摩那沙彌

沙彌尼突吉羅是為犯

隨開不犯者若請與非食或食不足或無請食者或食已更得食或一處有前食後

食及最初未制戒等是為不犯雜二

**會採**十誦律云佛言從今日憐愍利益病

比丘故聽三種足食應食謂好色香味若一請處不能飽應受第二請不應受第三請第二處不能飽應受第三請不應受

第四請 第三請處不能飽應受已漸漸

食乃至日中 所言日中者不聽過午明矣 聽節日數數

食 下文共有九句初三句明有衣請食中三句明無衣請食後三句明衣不定請

食而令比丘知除時因緣中復有遮禁先須酌量然後赴之可也

若比丘有衣食請彼有衣食來受請不犯

食亦不犯

又有衣食請彼無衣食來受請不犯食者

波逸提 此謂先請時言有衣有食彼比丘來赴請時但有食而無衣是以受

請時不犯若受食時即犯

又有衣食請彼有衣食無衣食來受請不

犯食者波逸提 此謂彼比丘知請有衣而作衣不定想來赴請到已

食有衣無若食者即犯受請來不犯 此初三句竟

又無衣食請彼無衣食來受請突吉羅食

者波逸提 此謂請時無衣不合開緣理當善却請主以護信檀乃名持律

清淨比丘設聞請即赴所以來並受食一俱有犯

又無衣食請彼有衣食來受請突吉羅食

者不犯 此謂請時主言無衣彼比丘作有衣想而來赴請到已有衣是故違

制受請則犯有衣受食不犯

又無衣食請彼有衣食無衣食來受請突

吉羅食者波逸提 此謂請原無衣彼比丘作衣不定想而來既到

已無衣嗽食所以二俱有犯 此中三句竟

又有衣食無衣食請彼有衣食無衣食來

受請突吉羅食者波逸提 此謂施主請時言衣恐有無不定是以非應開緣彼比丘亦作衣不

定想而來到已無衣受食二皆成犯

又有衣食無衣食請彼有衣食來受請突

吉羅食者不犯 此謂請時雖言其衣不定彼比丘作有衣想而來到

已有衣有食是以皆開受請則犯有衣受食無犯

又有衣食無衣食請彼無衣食來受請突

吉羅食者波逸提 此謂明知白請不定自作無衣想而來到已若

無衣受食者兩罪俱犯 後三句竟

不犯者若得多有衣食請一一有衣食來  
悉皆不犯

摩得勒伽云若先受無衣請食後受有衣  
請食不犯

律攝云若於一舍或在寺中或阿蘭若為

謹二

十六

求肥悅或樂美食而數食者得惡作罪

若輕賤心矯詐不食者亦得惡作

五分律云若僧所差若別房食若白衣來

受八戒設供養若常食不犯

根本律云作時道行時展轉食皆無犯

僧祇律云一切菜一切麩一切果非處處

食非別眾食非足食多積舍里不犯

此戒大乘同學

**引證**毘尼序云阿難先受他請時忘不憶

復同佛受波斯匿王請以食入口乃憶知

謹二

十七

有二請不與他一請不敢吐食為恭敬佛

故又不敢咽食為持戒故佛知阿難心悔

告令心念與他便食優波離問佛餘人亦

得爾不佛言除五種人一坐禪人

不生

獨處

蘭若自居無

三遠行

道諸念

故

二獨處

蘭若自居無

三遠行

道諸念

四長病五饑餓時依親里住餘悉不

聽

### 第三十三別眾食戒

若比丘別眾食除餘時波逸提餘時者病時

作衣時施衣時道行時乘船時大眾集時沙

門施食時此是時

緣起此戒有八制佛在羅閱城耆闍崛山

中爾時調達教人害佛復教阿闍世王殺

父惡名流布利養斷絕通已五人家家乞

食故制不得別眾食此初結戒也有病比

丘畏慎不敢別衆佛知故聽此第二結戒也時自恣竟迦提月中比丘作衣諸優婆塞念衆疲苦來請與食報言但請三人我等不應別衆佛言作衣時聽此第三結戒也時有居士欲施食及衣來請報言但請三人與食我等不得別衆佛言受施衣時別衆食此第四結戒也有諸比丘與衆居士同行險道乞食時至語衆居士我欲詣村乞食少見留待還當共俱居士白言此路有疑恐怖我當供給飲食莫在後來比丘云但與三人我等不得別衆食即入村乞食伴便前進不及爲賊所劫衣服佛言若在險道中行聽別衆食此第五結戒也與諸居士乘船順流而去亦如是爲賊所劫故開此第六結戒也時衆多比丘遊行

謹二

十八

詣一小村諸居士念言衆僧多而村落小可與僧作食勿令疲苦即至僧伽藍中白請明日受食比丘報言但請三人我等不得別衆佛言聽大衆集時別衆食此第七結戒也時瓶沙王姊子欲於外道沙門中出家設食已往白王王問言欲於何處出家答言於尼捷子中出家王復問言竟與我曹沙門釋子設食不因而設食請僧亦如上答不受佛言聽沙門施食時得別衆食乃第八結戒也此是遮罪因提婆達多制斯學處

制斯學處

**釋義**文分二節別衆食明其創制餘時等

明其隨開律云別衆食者若四人若過四

人五分律云若於界內別請四人已上名別衆食根本律云別衆食者謂別別而食律攝云別衆者謂不同處食若四苾芻同一界內下至一人不共同食並名

別食者飯麩乾餅等此中所制五正作衣

時者自恣竟無功德衣一月有功德衣五

月乃至衣上作馬齒一縫薩婆多論云作

聽別衆食食施衣時者如上一月五月及

若易得不聽餘所施食及衣根本律云施衣時者謂道

禮二 十九

行者下至半由旬內有來去者乘船行者

下至半由旬內乘船上下大衆集者食足

四人長一人爲患五人十人乃至百人長

一人爲患此謂人多食不足故薩婆多

餘論云大衆集者或以法事或以四人名爲大衆雖大衆集食不難得者不

能沙門施食者在此沙門釋子外諸出家

者及從外道出家者是若比丘無別衆

食因緣因緣即彼比丘即當起白言我於

此別衆食中無因緣欲求出聽使出若二

人三人隨意食若四人若過四人應分作

二部更互入食若比丘有別衆食因緣

欲入尋當起白言我有別衆食因緣欲求

入隨上座次入

**結罪**是中犯者若比丘別衆食者咽咽波

逸提若有因緣不說者突吉羅此戒

具三緣方成本罪一無別衆緣二滿衆而

受三得食入咽

**兼制**比丘尼波逸提同制式叉摩那沙彌

沙彌尼突吉羅是爲犯

**隨開**不犯者除餘時若三人四人更互食

若有因緣去及最初未制戒等是爲不犯

**會採**善見律云別衆食有二種一請二乞

如一居士至四比丘所以正食請言願大

德受之是名請一時受一處食四人俱得

罪即墮若一時受請各去各受各食不得

罪即墮若一時受請各去各受各食不得

罪若別請別去至居士家一時受食得罪  
是名受請得罪 從乞得罪者如四乞食  
比丘見居士語言與我等四人食或俱去  
或各去一時受食得罪是名從乞得罪  
若請四人有一解法者欲俱食畏犯即作

證三

三十

方便行食時覆鉢不受居士問言何以不  
受答言但與三人食我欲咒願三人食竟  
後便受食不犯 若請與飯至家與粥不  
犯

十誦律云有二利故遮別眾食一者隨護  
檀越以憐愍故二者破諸惡欲比丘力勢  
故若三比丘別共一處食第四人取食分  
不犯 若道行乘船昨日來今日受食明  
日行今日食皆波逸提 緣同行不及伴因  
難許開若前日後  
日則非開緣  
受食故犯

僧祇律云若三人食一人不食若三圓具  
一未圓具皆無犯 若以食送彼乃至鹽  
一匙與彼眾處食皆無犯 或施主言但  
來入者我皆與食或施主別造房施住我  
房者我皆與食斯亦無過

律攝云若四苾芻同一界內若四人中一  
有開緣若僧伽食若私已食並皆無犯  
薩婆多論云若僧伽食時應作四種相一  
打捷椎二吹貝三打鼓四唱令界內聞  
知此四種相隨定作一勿使雜亂不成僧

謹二

三

法若不作相而食僧伽食者食不清淨名  
為盜僧伽食不名別眾罪 盜僧伽食乃計  
錢多少犯盜也  
若作相食者設使界內有比丘無比丘若  
多若少若知有比丘無比丘若來不來但  
使不遮一切無咎若使有遮雖打捷椎食



不清淨名盜僧祇遠請遠外來若大界內

有二處三處各有始終僧祇但一布薩若

食時但各打捷椎一切無遮清淨無過

若檀越請四人已在布薩界內食應布

薩處請僧次一人若送一分食不爾者墮

罪 若二處三處亦如是此謂有多處共

也 若各至布薩處僧中請一人若送一分

食則清淨隨何處不請僧中一人不送一

分食者墮罪 若聚落界內雖無僧界設

二檀越請四人已上於二處食應打捷椎

二處互請一人若送一分若有異處比丘

應如法入乃至一人不爾者墮罪 若僧

食時自在維那自在者謂任其主宰也以僧祇物別

作肥美四人共食四人雖在二處無別眾

食罪但食不清淨凡是別眾食盡是檀越

食若僧祇食一切盡無別眾食但不如法

食僧祇食者食不清淨多得盜僧祇罪

若檀越舍內請四人已上食雖打捷椎若

檀越遮者知一比丘不得食者盡得墮罪

遮者謂檀越雖遮未來比丘比丘不應別眾食若知比丘不得食者得罪

戒因緣經云毘舍佉母別請佛及五百阿

羅漢食世尊知而故問阿難頗有一比丘

於僧中唱使行否答言不也佛言慈此毘

舍佉不獲一福云何不食一比丘食一比

丘僧者得大福獲大果若比丘眾中不唱

私會者犯墮

此戒大乘同學

**附考**根本律云五因緣早請食來房中食

一是客新來二將欲行去三身嬰病苦四

是看病人五身充知事

摩得勒迦云若檢校人應於齋食先取自

分食之無過

按此別衆其義有二一者別爲衆如四分  
等所明二者別於衆如律攝所釋然則乞  
食不得四人同行受請必須僧次差往僧  
中常食要打撻推請食私房無緣不聽聖  
制昭然豈容廢越嗟今叢席私厨創設美  
味任餐致令後學倣效而偏規也仰祈智  
者思幻質非堅美食難保恒  
壽師擔任重嚴制豈可廢亡

毘尼止持會集卷第十二

音義

襪 音碧襪指 熨 治 熨音畏謂以火申縑從  
斗是也本作尉 昇 音于亦音 磧 音迹水渚

今俗作熨非 預對舉也 磧 有石者

黎師達 此云仙授亦云仙與又云仙施三  
義皆一謂從仙人求得之子也

火光三昧 即第四 無住處村 時拘薩羅國  
律定 有一村無僧

伽藍及傳留之舍有居士爲福德故造立  
住處備諸飲食供給往來衆僧唯施一食

不能多供因以福德施 沙菟婆羅門 未見  
設故餘律皆名福德舍

耆達婆羅門 維那 梵語羯磨陀那此翻知  
耆達婆羅門 維那 事亦翻悅衆維那二字

華梵雙舉維見綱維華言也  
那是梵語習去羯磨陀三字 偈 音疑背也  
偈規矩而

毘尼止持會集卷第十三

謹三

清金陵寶華山弘律沙門讀體集

第三十四過三鉢受請戒

若比丘至白衣家請比丘與餅麩飯若比丘欲須者當二三鉢受還至僧伽藍中應分與餘比丘食若比丘無病過兩三鉢受持還至僧伽藍中不分與餘比丘食者波逸提

**緣起**

此戒有二制佛在舍衛國給孤獨園

彼有大村女嫁鬱禪國還父母家施比丘食後於異時其夫遣使呼還即辦食莊嚴共往有諸比丘來至父家乞食時女見之即復以所辦食盡與方更辦具未還之間其夫已更取婦矣又波羅奈城外衆多商賈車伴共止宿有一乞食比丘於一信樂商賈處得食去展轉告餘比丘乞食令盡

時商主方入城更市糴糧諸伴先去在後不及道路爲賊所劫諸比丘聞知白佛此初結戒也於是諸病比丘畏慎不敢過受食佛言聽諸病者過受食乃第二結戒也此是遮罪由食事多貪煩惱制斯學處

**釋義**

文分二節至白衣家下明受食法無

病下結成所犯律云若比丘至白衣家請

與餅麩食

請謂發言敬請與謂施與植福

當問其主若彼

言是歸婦食商客道路糧者即應食已出還僧伽藍中白諸比丘某甲家有歸婦食

有商客道路糧若欲食者食已應出若欲

持食還者齊二三鉢我今不持食來

二三鉢是

其限也鉢量有上中下如上若持一鉢食還共分食之

謂一界同居利和均分也當語餘比丘言若有至彼家

者即於彼食若持食還者應取兩鉢我已

持一鉢還如若持兩鉢還共分食之復語諸比丘言若有至彼家乞者可即彼家食欲持來者應取一鉢還我今已持兩鉢還如若盡持三鉢還共分食之白餘比丘言若欲至彼家乞者可即於彼食若欲持還者慎勿持還我已持三鉢來

**結罪**是中犯者若比丘無病於彼家過兩

三鉢受食還出彼門波逸提 若一足在

門內一足在門外方便欲去而還住者盡

突吉羅 若不問歸婦食賈客道路糧而

取食者突吉羅 若持至僧伽藍中不分

與餘比丘而獨食者若不語餘比丘盡突

吉羅 此戒具四緣方成本罪一是歸婦

食及商客道路糧二自身無病三受過三

鉢四持出彼門

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者不違上制若彼自送至僧伽

藍中得受若復送至比丘尼寺中得受及

最初未制戒等是為不犯

**會採**十誦律云若以上鉢取者應取一鉢

不應取二若以中鉢取者極多取二鉢不

應取三若以下鉢取者極多取三不應取

四過取皆得墮罪

根本律云要而言之若必芻取他食時過

四升半米飯分量已上當得墮罪三 若施

主任取多少者無犯

律攝云若於非人及外道家過三鉢取咸

得惡作 若即此座過三而食除餅麩但

將餘物或施主歡喜隨意將去並皆無犯

有三種虛損信施一施主信心施持戒者受已與犯戒人二信心施正見者受已與邪見人三過量而受不自噉食乃至長受一掬之食除其施主先有隨意如斯三事並名虛損信施當招惡果

掬者為兩手所奉也又撮也

### 此戒大乘同學

#### 第三十五不作餘食法戒

若比丘足食竟或時受請不作餘食法而食者波逸提

**緣起**佛在舍衛國祇桓精舍讚歎一食法

諸比丘即隨所噉根葉華果飯麩乾餅若飲漿若服藥便當一食形體枯燥顏色憔悴佛乃聽於一座上食飯麩餅等令飽滿

律攝云一座食者若尊者來亦不應起此受食已不應離座下至行臥及受食藥等

不應起病比丘不能一座食者聽數數食病人無足食法時諸病比丘若得好美食食不能盡瞻病人足食已不敢食便棄之眾

鳥爭鳴復聽瞻病人足食已得食殘食時諸比丘清旦受食舉已入村乞食食已還

舉所舉食與諸比丘彼已足食皆不敢食

佛聽取所受食作餘食法應食有一長老

多知識入村乞食大得積聚一處共食持

還與諸比丘眾已足食亦不敢食佛聽從

彼處持食還作餘食法而食之當作如是

餘食法言大德我足食已知是看是此作

餘食法彼應取少許食已當語彼比丘言

我止汝取食之是名餘食法時舍衛國有

一貪饕比丘不知足食不足食不知餘食

不餘食得便食之諸比丘嫌責白佛結戒

此是遮罪由貪餐無厭制斯學處

**釋義律云**食者五正食於五食中若食一

一令飽足有五種足食一知飯謂五正食

食律攝云粥若初熟置匙不倒麩若

和水指畫見跡此皆成足食異此不成

知持來謂有人授與三知遮謂足食竟心

從彼受持也四知威儀謂四儀中皆

住臥乃至臥五知捨威儀謂坐

者坐住行也結罪是中犯者若比丘足食已捨威儀不

作餘食法而食咽波逸提 若佉闍尼

枝葉華果食油胡麻黑石蜜磨細末食足

食已不作餘食法得而食之咽波逸提

若足食已為他作餘食法 若知他足食

已向之作餘食法 若自手捉食作餘食

法 若持食置地作餘食法 若使淨人

持食作餘食法 若以不好食覆好食上

作餘食法 若受他餘食法盡持去如是

等不成餘食法一切盡突吉羅

若足食足食想波逸提 足食疑 不足

食足食想 不足食疑盡突吉羅 此戒

具五緣方成本罪一受食飽足二足食想

三已捨威儀四不作餘法五復食入咽

兼制比丘尼突吉羅同制別學律五式義

摩那沙彌沙彌尼突吉羅是為犯

隨開不犯者食作非食想不受作餘食法

非食不作餘食法自取作餘食法不置地

作餘食法乃至手及處若與他他與已作

餘食法若病若病人殘食不作餘食法及

最初未制戒等是為不犯

會採十誦律云以二利故聽受殘食法即

餘食法也一者看病比丘因緣故二者比丘有

因緣食不足故律攝云有五蒲膳尼即可

噉食此食取舍噉之義也一飯二麥豆飯三麩四肉

五餅又五珂但尼即可嚼食此食取嚼噉之義也謂

根莖葉華果若先食五嚼食及乳酪菜等

後食五噉食無犯 若先食五噉食更食

五嚼食及乳酪菜等名犯 應知有五未

足之言謂授食時未即須者應報言且待

且去且有且待我食且待我盡若兼且言

名曰未足若無且聲便是遮足若未為足

意設作足言亦不成足得惡作罪由言不

稱法故 若得餘食作法食者自身樂住

施主得福欲作法時洗手受食持就一未

足苾芻或雖已足未離本座者謂不捨威儀也對

彼作法彼若自未遮足應取兩三口食已

蓮三

六

自未遮足得食無犯若自足已便不合食  
應以手按如前報之 有五不成作餘食  
法一身在界內對界外人二不相及處三  
在旁邊四在背後五前人離座翻此便成  
若一人作法設餘人食並皆無犯  
僧祇律云聽一人作殘食餘人皆得食  
若比丘持食來欲作殘食時即於鉢上碗  
中作殘者正得碗中名作殘食鉢中食不  
名作若碗中食汁流入鉢中得俱名殘食  
若並兩鉢求作殘食前人止食一鉢中  
食者正一鉢名作殘食 若或餅或菜通  
覆橫二鉢上者二俱得名作殘食餘種種  
器亦爾 若比丘足食已有大檀越持種  
種飲食至應問有直月維那知事人未足  
食者從彼作殘食若彼已足食當從上座

未足者作若上座羞不能人中作者當合坐舉上座至屏處作 若上座已足食有客比丘來應問彼若未足食即向彼作

若客已足食僧應作方便勿破檀越善心

或眾中有大沙彌大者謂年滿二十也將至戒場與

受具教作殘食法已然後當食五分律與此同也其

法儀准律於作持中詳明

此戒大乘同學

**引證**毘尼母經云比丘受人施不如法為

施所墮墮有二種一者食他人施不如法

修道放心縱逸無善可記二者與施轉施

施不如法因此二處當墮三塗 應施者

若父母貧苦應先受三飯五戒十善然後

施與若不貧雖受飯戒不中施與 復有

施處治增人奉僧人治僧房人計其功勞

當酬作價若過與為施所墮 施病者食

當作慈心隨所宜與之若錯誤與食為施

所墮 嬰兒牢獄繫人懷妊者當以慈心

施之勿望出入得報 詣僧房乞者若自

有糧不須施之若無糧食施之無咎 若

比丘不坐禪不誦經不營佛法僧事受人

施為施所墮若前人無此三業知而轉施

與者受者皆為施所墮寧吞鐵丸而死不

以無戒食人信施 若足食已更强食者

不加色力但增其患是故不應無度食也

大涅槃經云若一切法無常苦空無我云

何為食起身口意三種惡業若為貪食起

三惡業所得財物眾皆共言後受苦果無

共分者 復觀一切眾生為飲食故身心

受苦我當云何於是食中而生貪著 復



次因於飲食身為增長我今出家受戒修道為欲捨身今貪此食云何當得捨此身

耶如是觀已雖復受食猶如曠野食其子肉其心厭惡都不甘樂深觀揣食有如是過次觀觸食如被剝牛為無量蟲之所噉

食次觀思食如大火聚識食猶如三百穢

矛若有比丘乞食預作是念願得好者願必多得亦願速得不名於食得厭離想所修善法日夜衰耗不善之法漸當增長若欲乞食先當願言令諸乞者悉得飽滿其施食者得無量福我若得食為療毒身修習善法利益衆生作是願時所修善法日夜增長不善之法漸當消滅

### 第三十六使他犯餘食法戒

若比丘知他比丘足食已若受請不作餘食

體三

八

法殷勤請與食長老取是食以是因緣非餘欲使他犯波逸提

**緣起**此戒有二制佛在舍衛國給孤獨園

有一貪饕比丘被如法比丘所訶言未曾

有汝今貪饕嗜食者不知足食不足食餘

食不餘食聞此語已心懷恚恨後異時見

彼比丘食已不作餘食法殷勤請與食欲

令他犯戒彼即受食之貪饕比丘亦如上

返訶詰過有少欲者白佛此初結戒也時

諸比丘未知已食未食不知足食不足食

體三

九

後乃知已食已足食或作波逸提懺者或

有畏慎者佛言不知無犯故更加知此第

二結戒也由欲令他犯返詰過故瞋恚煩

惱制斯學處

**釋義**律云食有五種如上殷勤請與食者

謂再三誦請強勸令噉嚼也 欲使他犯者 謂欲令彼此丘因此犯罪時開德因緣也

**結罪**是中犯者若彼比丘即受食之咽咽二俱波逸提 若與令食彼不食棄之若受而不食舉置若受已轉與餘人其與者

皆突吉羅 若不作餘食法與彼作餘食而食之與者突吉羅 若與病人食欲令

他犯若持病人殘食與他欲令他犯若作餘食法已與他欲令他犯其與者皆突吉羅 足食足食想波逸提 足食疑 不

足食足食想 不足食疑盡突吉羅 此

戒具四緣方成本罪一彼足食已捨威儀

二足食想欲使他犯三以未作法食殷勤

請與食四彼受已不作餘食法而復食入

咽

**兼制**比丘尼突吉羅 同制別學 式叉摩那沙彌沙彌尼突吉羅是為犯

**隨開**不犯者若先不知足食不足食若與令棄令舉置令遣與人而彼取食之若未作餘食法與令作已食彼不作食之若持

病人餘食與不令他犯作餘食法與不令他犯及最初未制戒等是為不犯

**會採**薩婆多論云若比丘見餘比丘食竟不嚼食自恣請噉十五種食隨食何食皆波逸提 一切麥粟稻麻菽未作麩飯餅

盡名似食若變成麩飯餅盡名正食 五不正食

及此五似五正故名十五種

此戒大乘同學

第三十七非時食戒

若比丘非時受食食者波逸提

**緣起**佛在羅閱城耆闍崛山中時城中人

民節會作衆伎樂難陀跋難陀往看衆人

與食食訖故看向暮方還又迦留陀夷日

暮入城乞食天陰闇至一懷妊婦家此婦

持食出門值天雷電暫見其面謂言是鬼

怖而墮身由尊者面黑光故報言我非鬼是迦留

陀夷婦即恚言沙門釋子寧自破腹不應

夜行乞食諸比丘嫌責難陀跋難陀及黑

光具陳白佛爲僧結戒此是遮罪因長食

招譏制斯學處

**釋義律**云時者明相出乃至日中按此時

法四天下食亦爾非時者從日中乃至明

相未出食者有二種佉闍尼蒲闍尼如上

僧祇律云尸中影過一髮一瞬即是非時

**結罪**是中犯者若非時受食食咽咽波逸

謹二 十一

提 若非時藥過非時波逸提 七日藥

過七日波逸提 盡形壽藥無因緣服者

突吉羅 若非時非時想波逸提 非時

疑 非時時想 時非時想 時疑盡突

吉羅 此戒具三緣方成本罪一是非時

食二非時想三食入咽

**兼制**比丘尼波逸提同制同學式叉摩那沙彌

沙彌尼突吉羅是爲犯

**隨開**不犯者噉黑石蜜若有病服吐下藥

聽煮麥令皮不破漉汁飲之若喉中覘出

還咽及最初未制戒等是爲不犯

此戒大乘同學

**引證**婆沙論云世尊性離非時食故如來

自誕生王宮以至涅槃於中曾無非時之

餐謂諸佛性恒處中道不著二邊故離非

時食以表中道故制中食而中前得食者表前方便得有證義亦令身心獲現利故中後不食則少昏睡無宿食患身輕安隱心易得定有如是義故故令中食

毘尼三昧經云諸天早起食三世諸佛日中食畜生日四食鬼神日暮食是故佛制斷六趣因令同三世佛食

處世經云佛言中後不食有五福一少姪二少睡三得一心四無下風五身得安樂亦不作病起也舍利弗問經云舍利弗復白佛言有諸檀越造僧伽藍厚置資給供來世僧有似出家人非時就典食者索食與者食者得何等罪其本檀越得何等福佛言非時食者是破戒人是犯盜人非時與者亦破戒人亦犯盜人盜檀越物非施

謹三

十二

主意施主無福以失物故但有發心置立之善舍利弗言時受時食時不盡者非時復食或有時受至非時食復得福不佛言時食淨者是即福田是即出家是即僧伽是即天人良友是即天人導師其不淨者猶爲破戒劫盜餓鬼爲罪窟宅非時索者以時非時非時輒與是典食者是名退道惡魔名三惡道破器癩病人壞善果故諸婆羅門不非時食外道梵志亦不邪食況我弟子知法行法而當爾耶凡如此者非我弟子非法之人盜與盜受一團一撮片鹽片酢死墮焦腸地獄吞熱鐵丸從地獄出生猪狗中食諸不淨又生惡鳥人怪共聲後生餓鬼還伽藍中處都園內噉食糞穢並百千萬歲更生人中貧窮下賤所可

言說人不信用不如盜一人物其罪尚輕  
割奪多人福田故斷出世道故

**附考**毘尼序云比丘病服下藥中後心悶  
佛令與熬稻華汁飲與竟悶猶不止佛令  
與竹筴汁與竟不瘥佛令囊盛米粥絞汁

謹三

十三

與飲病猶不瘥佛令將至屏處與米粥

根本尼陀那云有病必芻醫令以水和麩  
非時可食佛言有無齒牛食麥後時便出  
其粒仍全用此爲麩非時應服服猶不瘥  
用生麥麩多將水攪以物漉之然後應服  
服猶不瘥佛言醫人處方令服麩飲若稠  
若團隨意應服凡所有事我爲病人非時  
開者於病瘥後咸不應作

根本百一羯磨云有五種果若時非時若  
病無病並隨意食一訶黎勒此云天主持

來二毘鹽勒三菴摩勒即嶺南餘甘子形  
似栴榔食之除風四末粟者即胡椒五畢  
茛利即茺醬

四分隨機羯磨云有渴病因緣許受非時  
漿謂果漿蜜漿等澄如水色以水滌淨受  
之 有風熱病因緣許受五種七日藥

有諸病因緣聽受盡形壽藥謂一切鹹苦  
酸辛不任食者如薑椒之類乃至白朮散  
丸湯膏之類 若非時漿不得留至明日  
若七日藥不得畜至八日

南海寄歸內法傳云牙中食在舌上臍存  
未將淨水重漱已來涎唾必須外棄若日  
時過更犯非時 一往傳來以前展轉食  
並別衆食戒中開緣言是非時食戒聽許  
然前戒雖開亦在日中過午任取訖之又

訛慨今久染邪風急難除蕩有云師命令  
 開究詰無典可據有云叅學應須佛世尚  
 無煙厨況今叢林與夫蘭若早則小食晚  
 則茶水備足倍於聖世精修焉及先賢不  
 特西域釋子定日晷以奉行即此方古德  
謹三  
 淨齋法者尤多實行芳規俱載傳記願蹈  
十四  
 先踪開發後學又若云晚食稱為藥石者  
 斯非法王永久之軌凡聖同遵莫過古人  
 一時之權勿依恒用今附辯於此明知非  
 有據言是無憑

第三十八殘宿食戒

若比丘殘宿食而食者波逸提根本部云食  
曾經觸食者

罪

**緣起**佛在羅閱城靈鷲山中時尊者迦羅  
 亦在此住常坐禪思惟特到入城乞食易

得作如是念我何為日日入城乞食疲苦  
 寧可食先得者後得食當持還即如所念  
 時諸比丘於小食大食上不見迦羅疑是  
 命終若遠行若罷道若為惡獸所害後見  
 問知其故白佛結戒此是遮罪由非法故

制斯學處

**釋義**律云宿食者今日受已至明日一切  
 沙門釋子受大戒者皆不清淨食有二種  
 正食非正食如上

**結罪**是中犯者若舉宿食而食咽咽波逸

謹三

十五

提 非時過非時食者七日過七日食者  
 皆波逸提 盡形壽藥無病因緣而服者  
 突吉羅 宿作宿想波逸提 宿疑 非  
 宿宿想 非宿疑皆突吉羅 此戒具三  
 緣方成本罪一殘食共宿二殘宿食想三

復食入咽

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者宿受食有餘與父母與塿作

人與作房舍人計價若鉢有孔罅食入中

如法洗餘不出及最初未制戒等是為不

犯

**會採**十誦律云大比丘未手受而共宿者

名曰內宿噉者突吉羅 若已手受舉共

宿者名殘宿食噉者波逸提 先自取果

後從淨人受而食突吉羅 有二種觸食

無罪一清淨比丘誤觸二破戒比丘無慚

愧觸 天食過中可受可七日受

根本尼陀那云所餘餅果持與求寂明且

還得食之若有希望心與時惡作 食時

犯墮 若總無希望心不犯

目得迦云若病者貧設是殘觸酥油服之

無犯 茲芻行路令求寂持路糧亦得為

其擊舉擊下 又諸茲芻道行應持糧者

既無俗人又無求寂應勸施主施主亦無

應自持去後見俗人共換而食換處亦無

分為兩分告俗人曰汝取一分彼既入手

應告彼曰汝取我食我取汝分換易而食

此復難求於第一日應須絕食明日如有

授人受取而食若無授者自取一彪拳許

食之至第三日還無授者食二彪拳至第

四日復無授人隨情自取飽食無犯於後

路糧罄盡見有熟果墮地應取作淨受已

而食若淨人難得者授已應食授者亦無

應可自取作北洲想而食樹上果熟未落

地者應自上樹搖振令墮自取而食如上  
開者並為難緣若無難時悉皆制斷

善見律云若多比丘共行唯一小沙彌比  
丘各自擔糧至食時各自分分沙彌得分  
已語比丘言今持沙彌分與大德易得已

復與第二座易展轉乃至眾多食皆無罪

若沙彌不解法者比丘自持食分與沙彌  
展轉易得食不犯

此戒大乘同學

第三十九自取食戒

若比丘不受食若藥著口中除水及楊枝波  
逸提

**緣起**此戒有二制佛在舍衛國給孤獨園

有一比丘常乞食著糞掃衣時城中諸居  
士為命過父母及兄弟姊妹夫婦男女於

謹三

十七

四衢道頭或門下或河邊乃至樹下廟中  
作飲食祭祀供養彼比丘自取食之居士  
譏嫌有少欲者聞知白佛此初結戒也時  
諸比丘於中生疑不敢自取楊枝淨水佛  
言除水及楊枝不犯故有第二結戒也此  
是遮罪因其非法制斯學處

**釋義**文分二節不受下明其創制除水等

明其隨開律云受者有五種受手與手受  
或手與持物受或持物與持物受或持物

與手受或遙過物與與者受者俱知中無

觸礙得墮手中復有五種受身與身受衣

與衣受曲肘與曲肘受器與器受或有因

緣置地與根本律云佛作念言凡諸苾芻  
由不受食有此過生是故我今

知故如佛所教受取而食苾芻苾芻受取應食令他證  
知故如佛所教受取而食藥者酥油生

酥蜜石蜜楊枝者第四分云佛言應嚼楊  
枝不嚼有五過一口具



氣二不別味三增益熱陰四不引食五眼不明嚼揚枝有五利益反上可知揚枝極長者聽一碟手極短者聽長四指不應在多人處溫室食堂經行室嚼應在屏處

**結罪**是中犯者若不受食自取著口中咽

咽波逸提 非時藥過非時食者 七日

藥過七日食者皆波逸提 盡形壽藥無

因緣不受而食突吉羅不受不受想波逸

提 不受疑 不受想 若受有疑皆

突吉羅 此戒具三緣方成本罪一是未

受之食二作未受想三自取而咽咽已

**兼制**比丘尼波逸提 同制 同學 式叉摩那沙彌

沙彌尼突吉羅是為犯

**隨開**不犯者若乞食比丘風吹鳥啣食墮

鉢中除去乃至一指爪餘者食及最初未

制戒等是為不犯

**會採**五分律云聽嘗食知鹹淡但不得咽

謹三

十八

聽從天龍鬼獼猴受食以施主語受食

**不得受擲食** 四分通過聽受為有因緣 五分擲食不聽由其輕慢

其事是同開遮 之緣有異也

薩婆多論云凡受食者一為斷竊盜因緣

故二為作證明故從非人受食得成受食

不成證明所以非人畜生邊受食者曠絕

無人授食是故聽之若在人中非人畜生

及無智小兒一切不聽也

根本目得伽云正受食時未及得遂使墮

地應更受食授者若無應自取已除去多

分可食之

此戒大乘同學

**引證**薩婆多論云昔有一比丘與外道同

行至一樹下樹上有果外道語比丘言上

樹取果比丘報言我比丘法樹過人不應

上又言搖樹取果報言我法不得搖樹落果外道上樹取果擲地與之語取果食報言我法不得不受而食外道生信敬心知佛法清淨即隨比丘於佛法中出家受具尋得漏盡

**附考**

內法傳云梵語憚哆家瑟訛憚哆譯

謹三

十九

之為齒家瑟訛即是其木豈容不識齒木名作楊枝西國柳樹全稀譯者輒傳斯號佛齒木樹實非楊枝那爛陀寺目自親覩然五天法俗嚼齒木自是恒事三歲童子咸即教為近山莊者則柞條葛蔓為先處平疇者乃楮桃槐柳隨意或可大木破用或可小條截為聖教俗流俱通利益

第四十無病紫美食戒

若比丘得美飲食乳酪魚及肉若比丘如此

美食無病自為已索者波逸提

**緣起**

此戒有二制佛在舍衛國給孤獨園

跋難陀有一商主為檀越詣彼家索雜食商主問言今有何患乃思此食報言無所患苦但意欲得雜食耳商主譏嫌有乞食比丘聞知白佛此初結戒也時諸病比丘皆畏慎不敢乞不敢為病比丘乞得已不敢食佛咸聽許此第二結戒也由生譏嫌制斯學處

**釋義**

律云美食者乳酪魚肉

乳酪是飲魚肉是食病

者乃至一坐間不堪食竟

**結罪**

是中犯者若無病自為身乞如此美

食食咽咽波逸提 此戒具三緣方成本罪一是美好雜食二無病自求三入口吞咽

**兼制**比丘尼突吉羅 同制別學按尼律此犯可訶法 式叉

摩那沙彌沙彌尼突吉羅是為犯

**隨開**不犯者病人自乞為病人乞乞得而

食或已為他他為己若不乞而得及最初

未制戒等是為不犯

**會採**十誦律云素得波逸提 不得突吉

羅

根本律云無病時乞無病而食乞時惡作

食便墮罪 無病時乞有病而食乞時惡

作食時無犯 有病時乞無病而食乞時

無犯食時墮罪 有病乞有病食無犯

若乞食時他持飯出欲須餘者勿受其飯

默然而住彼問曰尊者欲何所須作此言

時是表其隨情所欲若須者即可隨覓無

犯 又施主見苾芻時語言有所須者隨

意當索苾芻隨覓何物無犯

此戒大乘有病亦不得食魚肉若食者罪

結輕垢

毘尼止持會集卷第十三

音義

**揣食** 揣吹上聲即博食亦名段食有形段故 **觸食** 前六識相

所對前境生喜樂如觀劇戲終日不思食而自飽等又涼煖諸觸能滋養身 **思食**

第六識相應之思心所於可意境而生希 **識食** 第八識執持之

不死如小兒視梁上等 **識食** 相由前三食勢

懸囊及望梅止渴等 **識食** 相由前三食勢

分所資令此識增勝能持諸根大種故又

第七識執第八識為自內我此是三界眾

生因名之為食若不復執第八識為我便於

染分心所滅不復執第八識為我便於

三界不得久住故知識是食也若約六

道分別者人畜具四食既食顯勝是神欲

天除段食則具三食觸食顯勝禪天除段

觸二食則具二食思食顯勝無想四空并

語聞除段觸思三 **嘔** 色洽切衫入聲 **嘔** 食唯依識食而住 **嘔** 水鳥聚食貌 **積** 音積與鐸同牙 **覘出** 音衍不嘔而吐也

也  
**貪** 音鐵貪也貪財  
**餐** 音餐食也貪財  
**嗜** 音舉果也似玉瓜  
**食** 音示欲也好也  
**園** 音清  
 潤也潤也至穢之處  
**茹** 音蔓生子長大苗為  
 宜常修治使淨潔也  
 留藤實似桑椹皮黑肉白食之辛  
 香今嶺南人取其葉合棋柳食之  
 黑或云哥羅是尊  
**罽** 去聲  
 者已得阿羅漢果  
**訖** 去聲  
 柞 音昨柞也枝長葉盛  
**訖** 去聲  
 叢生有利柞音歷  
**訖** 去聲  
 非 作 菴

毘尼止持會集卷第十四

謹四

清金陵寶華山弘律沙門讀體集

第四十一與外道食戒

若比丘外道男外道女自手與食者波逸提

**緣起**此戒有二制世尊將諸弟子從拘薩

謹四

羅國遊行至舍衛城諸檀越供養佛僧大

得餅食佛敕阿難分餅與眾僧分已故有

餘在世尊復令以此餅與乞人彼乞兒眾

中有一鰥形外道女顏貌端正阿難付餅

餅黏相著謂是一餅與此女人女得餅已

即問旁人汝得幾餅如是轉相推問彼得

一者遂生疑謗時會中有一梵志在此食

已便向拘薩羅國道逢一篤信相士問從

何來報言從舍衛國於禿頭居士邊得食

來復問何者是禿頭居士報言沙門瞿曇

是相士言汝是何人食他食已發此惡言

篤信相士至僧伽藍中如所聞事語諸比

丘以此二因緣佛故制云若比丘與鰥形

外道若男若女食者波逸提此初結戒也

後諸外道等皆有怨言一二外道有過我

曹復有何過而不得食耶佛知令置地與

若使人與更加自手與之語此第二結戒

也由外道事長物譏嫌制斯學處

**釋義律**云外道者鰥形異學人

薩婆多論云除佛五眾出家餘發出家皆名外道言鰥形者乃據緣起因人而制唯薩婆多則無論鰥形

非鰥形一切外道皆不聽自手與食自手與者

謂自親手授皆不聽自手與食食者

謂五正食非虧耻也結罪是中犯者若自手與外道男女食而

受者波逸提與而不受者突吉羅方

便欲與而不與還變悔者一切突吉羅

此戒具三緣方成本罪一是外道二親手與三彼已受之

**兼制比丘尼突吉羅**同制別學按尼本律亦犯波逸提式

又摩那沙彌沙彌尼突吉羅是為犯

**隨開**不犯者若捨著地與若使人與若與

父母與塿作人僧房作人計作食價與若

勢力強奪及最初未制戒等是為不犯

根本律云或欲以食因緣除彼惡見與亦

無犯此是四攝之一令彼反邪歸正與大乘善權同也

**會採**十誦律云不犯者若彼有病若親里

若求出家時與謂於四月鵝磨共住試探彼心之時也未受

食不應與他先受已後當與彼若父母

若繫閉人急須食人姓身女人應正觀多

少與之畜生應與一口

五分律云若外道來乞應以已分一搏別

著一處使其自取不應持僧分與若乞乞見乞狗乞鳥應量已食多少取分然後減以乞之不得取分外為施若乞謂比丘乞食之時僧祇律云若比丘父母兄弟姊妹在外道中出家者亦不得自手與食當使淨人與

食

此戒大乘同學或觀機得與

**引證**賢愚經云目連携福增比丘入海行

次見一大樹多蟲圍咬其身乃至枝葉無

有空處鍼頭許大叫震動如地獄聲比丘

問目連目連告曰是瀨利吒營事比丘用

僧祇物華果飲食送與白衣受此華報後

墮地獄咬樹諸蟲即是得物之人

**附考**阿含經云若復有人以父著左肩上

以母著右肩上至千萬歲衣被飲食牀榻

臥具病瘦醫藥即於肩上架屣溺而猶不能得報其恩

婆沙論云如經所說佛告苾芻當知若有孝子一肩擔父一肩擔母經於百年處處遊歷猶非真實報父母恩若有孝子能勸父母於佛法僧因果等法未信者信信者增長無淨戒者勸受持戒有慳貪者勸行惠施無勝慧者勸修勝慧令善安住以自調伏乃名真實報父母恩

#### 第四十二詣餘家不囑授戒

若比丘先受請已前食後食詣餘家不囑授餘比丘除餘時波逸提餘時者病時作衣時施衣時是謂時

**緣起**此戒有六制佛在舍衛國給孤獨園城中有一長者足跋難陀親友爲跋難陀

故設食請僧待跋難陀至乃行飲食而跋難陀小食時更詣餘家時垂欲過方來諸比丘飲食不得飽滿佛知制云先受請小食時至餘家者犯此初結戒也復有一大臣是跋難陀知舊遣使送新果至僧伽藍待跋難陀分與衆僧而彼後食已方詣餘家時過乃還使衆僧不得食新果故制先受請前食後食至餘家者犯此第二結戒也又羅閱城中衆僧大有請處諸比丘皆畏慎不敢入城受請白佛佛言聽相囑授入城此第三結戒也時病比丘先語檀越家作羹及粥飯畏慎不敢入城恐犯故開病時此第四結戒也又諸比丘作衣時到或須大小金瓶杓等器皆畏慎不敢入城故開作衣時此第五結戒也又諸比丘施

衣時到或有已得施衣處或有方當求索彼畏慎不敢入城故開施衣時此第六結戒也由俗家事過限廢闕煩惱制斯學處

**釋義**文分二節先受請下明其所犯餘時者下明其隨開律云前食者明相出至食時後食者從食時至日中餘比丘者一界共住也病者如上作衣時者自恣竟無迦絺那衣一月有迦絺那衣五月乃至衣上作馬齒一縫是施衣時者一月五月亦爾除此已餘時勸化作食並施衣也若比丘囑授欲詣村而中道還失前囑授若欲去時當更囑授若囑授詣村乃更詣餘家若囑授至白衣家乃更往庫藏處或聚落邊房或比丘尼寺若即白衣家還出皆失前囑授應更囑授而往

謹四

五

**結罪**是中犯者若先受請已前食後食詣餘家不囑授比丘入村者波逸提 若一脚在門內一脚在門外方便莊嚴欲去而不去一切突吉羅 莊嚴者謂著衣整儀也 此戒具三緣方成本罪一同眾受請而檀越為已

二不囑餘比丘而任意他往三兩脚出門

**兼制**比丘尼波逸提 同制同學 式叉摩那沙彌沙彌尼突吉羅是為犯

**隨開**不犯者若無比丘不囑授至庫藏聚落邊房至所囑家若勢力所持或命難梵行難及最初未制戒等是為不犯

**會採**薩婆多論云雖大界內近寺白衣家不白亦犯墮 所謂以有村來五意故除如作持結衣界中明 若白而還晚令僧惱者突吉羅

律攝云若語施主我設不來應與僧食勿



令廢闕若施主不以此人而為先首並無犯

此戒大乘同學

第四十三食家強坐戒

若比丘在食家中有寶強安坐者波逸提

**緣起**佛在舍衛國給孤獨園迦留陀夷本

處俗時同友白衣婦名齋優婆私彼此顏

貌端正各相繫意時迦留陀夷著衣持鉢

至家就座而坐時齋優婆私洗浴莊嚴其

身夫主心極愛敬未曾相離夫主問迦留

陀夷汝須何等報言須食即使婦與食食

已坐住不去夫主云汝向者言須食已與

食竟何以不去耶齋優婆私現相令其不

去時夫主瞋恚言我今捨汝出去隨汝在

後欲何所作諸比丘聞知白佛結戒由詣

謹四

六

他家及姪煩惱制斯學處乃初篇姪根本

種類

**釋義律**云食者男以女為食女以男為食

故名食家寶者碑礫碼碯珍珠琥珀金銀

強安坐者謂他不許而自縱已情故名為強安坐者

戒因知他男女有欲意時須交合故強安坐以妨他事令其所欲不得隨意致生恚恨得罪不從有寶得罪而言有寶者或有寶則是夫婦可行欲處故耳

**結罪**是中犯者若在食家有寶強安坐者

波逸提 若盲不聾 若聾不盲 若立

不坐盡突吉羅 此戒具四緣方成本罪

一必欲心染着二非斷欲食家三無有知

男子四須有寶強坐

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若入食家中有寶舒手及戶

處坐若有二比丘為伴或有客人在一處  
不盲不聾不聾不盲或從前過不住或卒  
病發倒地或為勢力所持或被繫閉或命  
難梵行難及最初未制戒等是為不犯

**會採**十誦律云若女人受一日戒男子不

謹四

七

受若男子受一日戒女人不受是家中坐  
突吉羅 若二俱受者不犯

薩婆多論云若斷姪家若受齋家若自有  
所尊重人在座謂和尚阿闍黎父母若此  
舍多人出入處皆不犯

此戒大乘同學

第四十四食家屏坐戒

若比丘食家中有寶在屏處坐者波逸提

**緣起**佛在舍衛國給孤獨園迦留陀夷自  
念言世尊制戒食家中有寶不應安坐應

在舒手及戶處坐即便往彼家在戶扇後  
坐與齋優婆私共語有乞食比丘來至彼  
家聞迦留陀夷語聲嫌責言云何在食家  
有寶屏處坐令我等不知為何所作白佛  
結戒由向俗家為姪煩惱制斯學處乃初  
篇姪根本種類

**釋義**律云食家如上寶亦如上屏處者若  
樹牆壁籬障若衣障及餘物障

**結罪**是中犯者食家中有寶在屏處坐者  
波逸提 若盲而不聾 若聾而不盲

若立而不坐盡突吉羅 此戒具四緣方  
成本罪一欲心染着二食家有寶三無伴  
獨入四屏坐共語

**兼制**比丘尼波逸提同制式叉摩那沙彌  
沙彌尼突吉羅是為犯

**隨開**不犯者若在食家中有寶坐舒手得及戶使乞食比丘見若有二比丘為伴若有客在一處不盲不聾或從前過不住或卒病倒地勢力者所持或被繫閉若命難梵行難及最初未制戒等是為不犯

此戒大乘同學

第四十五獨與女人坐戒

若比丘獨與女人露地坐波逸提

**緣起**佛在舍衛國給孤獨園亦起自迦留

陀夷往彼齋優婆私家在露地共一處坐

語有乞食比丘來至其家見已嫌責白佛

結戒因招譏嫌制斯學處乃初篇姪根本

種類

**釋義**律云女人者有智命根不斷獨者一

女人一比丘露地坐者揀非屏處

**結罪**是中犯者獨與女人露地共一處坐

波逸提 若盲不聾 若聾不盲 若立

不坐盡突吉羅 此戒具三緣方成本罪

一欲心染着二獨無伴侶三露坐共語此

上一戒犯與不犯皆同今一一詳出者為便初學故

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者有二比丘為伴或有識別人

在邊不盲不聾或從過不住或卒病倒地

或勢力所持或繫閉或命難梵行難及最

初未制戒等是為不犯

**會採**十誦律云相去一丈坐波逸提 相

去丈五坐突吉羅 過二丈不犯

律攝云若與非人女半擇迦女及未堪行

姪境若聾聵等共屏坐時咸得惡作

此戒大乘同學

第四十六故使他不得食戒

若比丘語餘比丘如是語大德共至聚落當與食彼比丘竟不教與是比丘食語言汝去我與汝一處若坐若語不樂獨坐獨語樂以此因緣非餘方便遣去波逸提

**緣起**佛在舍衛國給孤獨園跋難陀與餘

比丘共鬪結恨在心後時語彼比丘言汝隨我行當與汝食俱入舍衛城將至無食處周迴遍行少時念言彼出城至祇桓中日時已過即與彼言未曾有汝是大惡人今由汝故并使我不得食可速去我共汝若坐若語不樂我獨坐獨語樂便自至有食家而食彼比丘出城至寺日時已過不得食乏極有少欲比丘聞已嫌責跋難陀

白佛結戒由伴屬事不忍煩惱制斯學處

**釋義**文分二節語餘比丘下明其誑誘彼

比丘竟不教與是比丘食下結成所犯律

云聚落四種如上當與汝食者謂欲惱他故作此誑

言以誘食者謂時食非時不得食也語言汝去者是

遣之若坐若語不樂等者是重彰驅遣令生煩惱之義

**結罪**是中犯者若方便遣去捨見聞處波

逸提捨見處至聞處捨聞處至見處

皆突吉羅方便遣去自捨見聞處波逸

提捨見處至聞處捨聞處至見處皆

突吉羅此戒具四緣方成本罪一心存

舊恨欲使斷食二人須稟具三呼作伴往

謹四

十

四時將正午遣離見聞處

兼制比丘尼波逸提同制式叉摩那沙彌

沙彌尼突吉羅是為犯

**隨開**不犯者與食遣去若病若無威儀人

見不喜者語言汝去我當送食至僧伽藍

中彼若破戒破見破威儀若眾中所舉若

被擯若應擯若見命難淨行難及最初未

制戒等是為不犯

**會採**五分律云作此惱餘四眾突吉羅

尼作此惱二眾波逸提 惱餘三眾突吉

羅

薩婆多論云若來未入城門令還者突吉

羅 若入城門令還者突吉羅 若未入

白衣家外門中門內門令還者突吉羅

若入內門未至聞處令還者突吉羅 若

謹四

十一

至聞處令還者波逸提

律攝云若隨醫教為病令斷食者無犯

此戒大乘同學

第四十七過受藥戒

若比丘受四月請與藥無病比丘應受若過

受除常請更請分請盡形壽請波逸提

**緣起**此戒有六制佛在迦維羅衛國尼拘

律園中釋種摩訶男請僧供藥六羣自相

謂言摩訶男供眾僧藥恭敬上座施與好

者求者亦與不求亦與於我等無恭敬心

惡者施我等求索猶不見與況不求而得

我等當詣其家求難得所無之藥即往索

之摩訶男報言若家中有當相與若無者

當為詣市求買相給六羣即訶彼有愛及

以妄語因是不復供給僧藥佛知制云應

受四月因緣請與藥不得過受此初結戒也時病比丘畏慎不敢過受藥白佛故開此第二結戒也時諸居士常請比丘受藥皆畏慎不敢受白佛故開此第三結戒也後時摩訶男復作念言我今不可以一人二人故斷眾僧藥耶當更請供給至僧伽藍中言願諸大德受我請供藥諸比丘畏慎不敢受白佛故開此第四結戒也時諸居士請比丘與分藥不敢受畏慎白佛故開此第五結戒也又諸居士請比丘與盡形壽藥畏慎不敢受白佛聽受此第六結戒也由他施事多求煩惱制斯學處

**釋義**文分二節受四月藥下明其所犯除常請等明其隨開律云四月者夏四月病者醫所教服藥也常請者其人作如是言

我常與藥更請者斷已後復更請與不得計前日數應從斷藥還與日數分請者持藥至僧伽藍中分與盡形壽請者其人言我常盡形壽與藥請有四種或請夜有限齊藥無限齊謂彼作夜分齊不作藥分齊我與如許夜藥或請夜有限齊藥有限齊謂彼作夜分齊藥分齊如是言爾許夜與如是藥此二種請應夏四月受新言夜者由日以該夜若其夜分未過猶非越限也或請藥有限齊夜無限齊謂彼作藥分齊不作夜分齊作如是言我與如是藥註四十二或請夜無限齊藥無限齊謂彼不作夜分齊藥分齊作如是言我請汝與藥此二種請應隨施時受

**結罪**是中犯者若過受咽咽波逸提此戒具三緣方成本罪一是請藥二無開緣

三過受入咽

**兼制**比丘尼波逸提

同制 同學

式叉摩那沙彌

沙彌尼突吉羅是為犯

**隨開**不犯者如上隨開及最初未制戒等

是為不犯

**會採**僧祇律云或夏四月冬四月春四月

檀越請不必定或四月或一月半月期滿

已不得更索 若請前食不得索後食

謂前小食後若請後食不得索前食藥及餘物

亦爾 若言盡壽受我四事供養爾時得

隨意索

十誦律云索得波逸提 索不得突吉羅

索呵黎勒等苦藥得不得盡突吉羅

律攝云四月未竟請麤食更求好者得惡

作食便得墮罪 請好食更索麤者索得

惡作食時無犯善見律云檀越施藥應作

藥用不得作食與油乞酥犯突吉羅

此戒大乘同學為衆生故索不犯

**附考**五分律云若人施僧藥執事比丘應

問為留聚落中為著僧坊內若言留聚落

中須時應語我須如是藥為我辨勿使乏

若言留僧坊內應白二羯磨差五法比丘

不應愛恚怖畏癡知藥知非藥者作守僧

藥人彼應以新器盛訶黎勒訶摩勒鞞

勒卑跋羅乾薑甘蔗糖石蜜若器不漏應

盛酥油蜜應持物結口題上藥名若病比

丘湏者應歡喜與若病者自知須此藥應

自取服若不知應問醫若無醫應問和尚

阿闍黎我如是如是病應服何藥若二師

不知應取藥再三服不差復取餘藥服

### 第四十八觀軍陣戒

若比丘往觀軍陣除時因緣波逸提

**緣起**此戒有二制佛在舍衛國給孤獨園

波斯匿王征伐反叛六羣比丘往觀王言諸尊在此軍中欲何所為報言我無所作

來看軍陣時王聞已心甚不悅復問今何

所至報言詣舍衛見佛王寄石蜜一裹奉

上世尊教持已名禮拜問訊六羣以此因

緣禮拜問訊佛知訶責此初結戒也後黎

師達富羅那二大臣在軍中渴仰欲見比

丘遣使來請諸比丘畏慎不敢往白佛故

開除時因緣此第二結戒也由觀軍事情

亂煩惱制斯學處王寄石蜜以奉世尊者乃藉申信敬惜與制緣

而為往觀軍陣之證據也

**釋義律**云陣者若戲若闕根本律云陣有四種一稍月勢

十四

根本律云陣有四種一稍月勢

二車轆勢三半月勢四鵬翼勢軍者有四種軍一象二馬

**三車四步**僧祇律云象軍者四人護象足馬軍者八人護馬足車軍者十

六人護車步軍者三十二人執兵杖

**結罪**是中犯者若往觀軍陣從道至道從

道至非道從非道至道從高至下從下至

高而去見者波逸提 不見者突吉羅

若方便莊嚴欲觀而不去者皆突吉羅

若比丘先在道行軍陣後至應下道避若

不避者突吉羅 此戒具三緣方成本罪

一有心觀看二無緣故往三見境明了

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若有事往若彼請去或力勢

者將去若先在前行軍陣後至下道避若

水陸道斷賊獸水漲難若命難梵行難不



下道避及最初未制戒等是為不犯

**會採僧祇律**云軍來詣精舍不作意看無

罪作意者越毘尼罪 下至人口諍看者

越毘尼罪

根本律云若見軍時不應說其好惡

尼陀那云有打鬪者不應往看若見諍者

急捨而去

薩婆多論云若不故往以行來因緣道由

中過不犯

此戒大乘同制

### 第四十九軍中過三宿戒

若比丘有因緣聽至軍中二宿三宿過者波

逸提

**緣起**佛在舍衛國祇桓精舍六羣比丘有

因緣至軍中宿時諸居士見自相謂言我

等為思愛故在此宿耳而此沙門復在此

為何耶有知足比丘聞已白佛結戒由觀

軍事及掉亂心招譏煩惱制斯學處

**釋義**有因緣者

謂有王臣兵衛請喚或為三寶之所敬白

軍中

謂軍馬營寨

者

欲戰之處

二宿三宿者

是制其止宿夜分長等也

**過者** 謂違越大聖教教也

**結罪**是中犯者若有因緣欲至軍中得二

宿住至第三宿明相未出時應離聞處見

處若不離至明相出波逸提 若離見處

至聞處離聞處至見處皆突吉羅 此戒

具三緣方成本罪一是有緣入軍二必宿

至三宿三明相已出不離見聞

同制

兼制比丘尼波逸提

沙彌尼突吉羅是為犯

**隨開**不犯者若第三宿明相未出離見聞

處若水陸道斷如上難事至第三宿明相  
出不離見聞處及最初未制戒等是為不  
犯

會採律攝云苾芻有緣受請詣彼或有衣  
利引起貪心而彼軍營或整不整作整兵  
心停留觀察至第三夜明相出時便得墮  
罪 設方便時亦惡作罪

五分律云雖有因緣若書信得了應遣書  
信若須自往然後往事訖便還勿經宿  
若不了應一宿一宿不了應再宿復不了

應三宿 若了不了過三宿波逸提 不  
應宿而宿突吉羅  
此戒大乘同學或觀機不犯

第五十觀軍事戒

若比丘二宿三宿軍中住或時觀軍陣鬪戰

謹四

七

若觀遊軍象馬力勢者波逸提

緣起佛在舍衛國給孤獨園六羣比丘聞  
世尊制戒聽有因緣二宿三宿得在軍中  
住彼在軍中住觀軍陣鬪戰觀諸力人象  
馬時六羣中有一人為箭所射同伴即以  
衣裹之輿還諸居士皆譏嫌有慙愧比丘  
聞知白佛結戒由觀軍事譏嫌煩惱制斯  
學處

釋義律云軍者或王軍賊軍居士軍陣者  
四方陣或圓陣或半月形陣或張甄陣或

函相陣鬪戰者或戲鬪或真實鬪遊軍者  
謂行軍也 力勢者 僧祇律云兩眾相  
交強弱相傾也

結罪是中犯者若往觀軍陣鬪戰象馬力  
勢者從道至道從道至非道從非道至道  
從高至下從下至高而見者波逸提 往

而不見者突吉羅 方便莊嚴欲往而不  
往者一切突吉羅 若比丘先在道行軍  
馬後至應避不避者突吉羅 此戒具三  
緣方成本罪如前無異

兼制比丘尼波逸提 同制 同學 式叉摩那沙彌

沙彌尼突吉羅是為犯

隨開不犯者有時因緣若有所白若請喚  
若為勢力所持若命難梵行難若先行軍  
陣後至下道避若水陸道斷賊盜惡獸水  
大漲不避道及最初未制戒等是為不犯

會採五分律云觀鳥獸鬪突吉羅 此防心 隨境轉

以動致機而亂 正念是故制之

此戒大乘同學

### 第五十一飲酒戒

若比丘飲酒者波逸提

謹四

六

緣起佛在支陀國與千二百五十大比丘

俱尊者娑伽陀為佛作供養人時詣辦髮  
梵志家借宿梵志言我不惜可宿爾但此  
中有毒龍恐相傷害娑伽陀言但見聽或  
不害我遂入其家自敷草蓐結跏趺坐繫  
念在前時彼毒龍見已即放火焰娑伽陀  
亦放火焰毒龍恚之復放身火娑伽陀亦  
放身火彼室然似大火娑伽陀自念言我  
寧可滅此龍火不傷龍身時彼毒龍火光  
無色娑伽陀火光轉盛有種種色其夜降  
此毒龍盛著鉢中明日清旦持往梵志所  
示之時值拘睺彌主在彼梵志家宿作如  
是念未曾有世尊弟子如是大神力何況  
如來即白娑伽陀言若世尊來至我國願  
見告敕欲一禮敬爾時世尊將千二百五

十弟子遊行至拘睺彌國王聞知往迎見  
已篤信心生頭面禮足聞法歡喜顧看眾  
僧不見娑伽陀問知尊者與六羣相隨在  
後尊者至王亦迎禮聞法得歡喜已白言  
何所須欲說之尊者報言止止此即為供

禮四

七九

養我已王復白何所須欲六羣語王言汝  
知不比丘衣鉢六物易得更有與比丘難  
得者與之王問何者難得報言欲須黑酒  
次日設供王出種種甘饍飲食兼與黑酒  
尊者飲飽足已從座起去於中路為酒所  
醉倒地而吐眾鳥亂鳴世尊知而故問阿  
難具白所由佛訶云如今不能降伏小蛇  
沉能降伏大龍九飲酒者有十過失一者  
顏色惡二者少力三者眼視不明四者現  
瞋恚相五者壞田業資生法六者增致疾

病七者益鬪訟八者無名稱惡名流布九  
者智慧減少十者身壞命終墮三惡道自  
今已去以我為師者乃至不得以草木頭  
內入酒中而入口遂為結戒此是遮罪由  
乞求事譏嫌煩惱制斯學處

**釋義律**云酒者木酒米酒大麥酒若有餘

酒法作酒者是木酒者梨汁酒若以蜜石  
蜜雜作甘蔗蒲萄等酒亦如有酒色酒  
香酒味

**結罪**是中犯者若酒酒煮酒和合若食若

飲者波逸提 若飲甜味酒突吉羅 若

飲酢味酒突吉羅 若食麴若食酒糟突

吉羅 酒作酒想波逸提 酒無酒想波

逸提 無酒有酒想 無酒疑皆突吉羅

此戒具三緣方成本罪一是能醉人酒

二自身無病三故飲入咽

兼制比丘尼波逸提同制同學式叉摩那沙彌

沙彌尼突吉羅是為犯

隨開不犯者若有病餘藥治不差以酒為

藥若以酒塗瘡及最初未制戒等是為不

犯

**會採**十誦律云飲酢酒甜酒若麴若糟一

切能醉者咽咽波逸提若但作酒色無

酒香酒味不能醉人飲者無犯

律攝云凡作酒色酒香酒味或闕一闕二

能醉人皆墮罪不醉人得惡作若酒

被煎煮飲不醉人不犯若酒變成醋不

醉人澄清見面水解為淨以羅濾之同非

時漿隨意應飲佛言以我為師而出家者

不應飲酒不與他不貯畜乃至不以茅頭

禮四

干

滴酒置口中

摩得勒伽云若以酒煮時藥非時藥七日

藥無酒性得服

善見律云若酒煮食煮藥故有酒香味突

吉羅無酒香味得食十誦飲酢甜糟

結輕者雖有酒香味不醉人故與律攝相同

此戒大乘同制

**引證**薩婆多論云若過是罪者此酒極重

飲之者能作四逆除破僧逆以破僧要自

稱為佛故亦能破一切戒及餘眾惡也

謹四

主

婆沙論云若不防護離飲酒戒則總毀犯

諸餘律儀曾聞有一鄔波索迦稟性仁賢

受持五戒專精不犯後於一時家屬大小

當為賓客彼獨不往留食供之時至須食

鹹味多故須臾增渴見一器中有酒如水

為渴所逼遂取飲之爾時便犯離飲酒戒  
 時有隣雞來入其舍盜心捕殺烹鬻而噉  
 於此復犯離殺盜戒隣女尋雞來入其舍  
 復以威力強逼交通緣此更犯離邪行戒  
 隣家憤怒將至官司時斷事者訊問所以

彼皆拒諱因斯又犯離誑語戒如是五戒  
 皆因酒犯故遮罪中獨制飲酒又酒令失  
 念增無慙愧其過深重故偏制立准大論  
 飲酒有三十五過失按律部有三十六失

此律論過失詳列後之音義中

毘尼止持會集卷第十四

音義

半擇迦 此云變今生變作不男者 駢 匪上聲 波斯匿王  
 亦翻和悅 支陀國 或云支提或云制地然  
 亦翻勝軍 支提國 支提制地本是捨廟之  
 名即浮圖別號義翻為積集亦 娑伽陀 或  
 云聚相今云國名疑是誤也

飲酒有三十五過 故飲酒醉亂心無節限  
 拘睒彌主 乃優填王也 驚 音主 大論云  
 用費無度故 二眾病之門 三鬪諍之  
 本 四裸形無耻 五醜名惡露人所不  
 敬 六無復智慧 七應所得物而不待  
 已所得物而散失矣 八伏匿之事盡向  
 人說 九種種事業廢不成辦 十醉為  
 愁本何以故醉中多失醒則慙愧憂愁  
 十一身力轉少 十二身色壞 十三不  
 知敬父 十四不知敬母 十五不敬沙  
 門 十六不敬婆羅門 十七不敬叔伯  
 及尊長何以故醉問憤惱無所別故 十

八不敬佛 十九不敬法 二十不敬僧  
 二十一朋黨惡人 二十二疎遠賢者  
 二十三作破戒人 二十四無慙愧  
 二十五不守六情 二十六縱色放逸  
 二十七人所憎惡不喜見 二十八貴重  
 親屬及諸知識所共積棄 二十九行不  
 善法 三十棄捨善法 三十一明人智  
 士所不信用何以故酒放逸故 三十二  
 遠離涅槃 三十三種狂癡因 三十四  
 身壞命終墮惡道泥犁中 三十五若得

為人所生之處常當狂騷如  
是種種過失是故不飲酒  
按律部飲酒

有三十六失  
一不孝父母  
二輕慢尊長  
三不敬三寶  
四不

信經法  
五誹謗沙門  
六訐露人罪  
七恒說妄語  
八誣人惡事  
九傳言兩

舌十惡口傷人  
十一生病之根  
十二闕謬之本  
十三惡名流布  
十四人

所僧嫌  
十五排斥聖賢  
十六怨讎天  
地  
十七廢忘事業  
十八破散家財

十九恒無慙愧  
二十不知羞耻  
二十一橫殺衆生  
二十二

一無故捶打奴僕  
二十二不知羞耻  
二十三橫殺衆生  
二十四

二十三姦犯他妻  
二十四偷人財物  
二十五踈遠善人  
二十六狎近惡人

二十七常懷恚怒  
二十八日夜憂愁  
二十九牽東引西  
三十持雨著北

三十一墮車墜馬  
三十二  
三十三  
三十四

三十四持燈失火  
三十五  
三十六

三十五暑月熱亡  
三十六  
三十七

三十六寒天凍死  
三十七  
三十八

三十七倒溝臥路  
三十八  
三十九

三十八達河落水  
三十九  
四十

第一五九冊 昆尼止持會集 一五·一六四五

五二九 龍藏

毘尼止持會集卷第十五

謹五

清金陵寶華山弘律沙門讀體集

第五十二水中戲戒

若比丘水中嬉戲者波逸提

**緣起**佛在舍衛國祇桓精舍十七羣比丘

在河水中嬉戲時波斯匿王與末利夫人

在樓上見之王語夫人言看汝所事者大

人報王此諸比丘是年少始出家者在佛

法未久或是長老癡無所知爾時夫人即

下樓遣使問訊世尊以此因緣白佛佛為

結戒由王見生譏刺斯學處

**釋義**律云戲者故意自恣嬉者戲也遊也又嬉戲笑也

**結罪**是中犯者從此岸至彼岸或順流逆

流或此沒彼出或以手畫水或水相澆潑

乃至以鉢盛水戲一切波逸提 若酪漿

若清酪漿若苦酒若麥汁器中戲弄者盡

突吉羅 此戒具三緣方成本罪一是水

中二有放逸心三嬉戲相見

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若道路行渡水或從此岸至

彼岸或水中牽材木若竹若箒順流上下

若取石取沙若夫物沉入水底此沒彼出

或欲學知浮法擢臂畫水潑水及最初未

制戒等是為不犯

**會採**律攝云若以水灑弄他時隨滴多少

水成得墮罪 油等滴他者得惡作罪

十誦律云繫上有水若坐牀上有水以指

畫之突吉羅

善見律云水深沒脚背於中戲波逸提



若搖船弄水突吉羅

五分律云搏雪弄草頭露突吉羅

此戒大乘同學

第五十三相擊握戒

若比丘以指相擊握者波逸提

緣起佛在舍衛國給孤獨園六羣比丘中

有一人擊握十七羣比丘中一人乃令命

終諸比丘聞知白佛結戒

**釋義**律云指者手十脚十擊握者以指捏其肉令

癢而取笑也 律攝云十七羣必弱中有一人被惱不與彼等共來愧謝以指擊握

因笑過分遂致於死制斯學處

**結罪**是中犯者若以手脚指相擊握者一

切波逸提 若杖若戶闔若拂柄及一切

餘物相擊握者一切突吉羅 此戒具三

緣方成本罪一前人是僧二有故戲心三

禮五

以指相擊

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若不故擊握若眠觸令覺若

出入行來若掃地誤觸誤以杖頭觸及最

初未制戒等是為不犯

**會採**根本律云若苾芻以一指頭擊握者

得一墮罪 乃至五指便得五墮罪 若

以拳擊握得一墮罪 若以足准手應知

五分律云擊握沙彌乃至畜生突吉羅

薩婆多論云若擊握比丘尼三三六法人即

罪人五法人受破僧法狂心亂心病壞心在家

無師僧等人盡突吉羅 若教人擊握皆

突吉羅

摩得勒伽云若身根壞指捏突吉羅

此戒大乘同學

第五十四不受諫戒

若比丘不受諫者波逸提

**緣起**佛在拘睢彌國瞿師羅園中闍陀欲

犯戒諸比丘諫言汝莫作此意不應闍陀

不從諫即犯戒有少欲者聞知嫌責白佛

結戒由不忍煩惱制斯學處

**釋義**不受諫者謂他以良言勸諫而不忍可亦不納受也

**結罪**是中犯者若他遮言莫作是不應爾

然故作犯根本不從語突吉羅 若自知

我所作非然故作犯根本不從語波逸提

隨犯結其本罪不從諫得墮 此戒具三緣方成本罪一

自作非法二有違諫心三諫已不納

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者無智人來諫報言汝可問汝

師和尚學問誦經知諫法然後可諫若諫

者當用若戲笑語若獨處語若在夢中若

欲說此乃錯說彼及最初未制戒等是為

不犯

此戒大乘同學

**附考**律攝云若尊人所說不應遮止有所

言教不應違逆但應嘿然恭敬而住不嫉

不恚除罪惡心恒為敬養

毘尼母經云不應受五種人諫一無慙愧

二不廣學三常覓人過失四喜鬪諍五欲

捨服還俗

薩婆多論云若前所諫者有六種人一心

有愛憎二鈍根無智三若少見聞四為利

養名聞五為現法樂但欲自攝六新出家

愛戀妻子如是六種人諫則有損若發教諫出言無補應反語彼言但自觀身善不善行亦不觀他作以不作若反上六者則應展轉相諫也

第五十五恐怖他戒

若比丘恐怖他比丘者波逸提

**緣起**佛在波羅黎毘國尊者那迦波羅比丘常侍佛左右供給所須諸佛常法若經行時供養人在經行道頭立時初夜已過請佛入房世尊默然中夜後夜亦爾彼心

自念言我今寧可恐怖佛令使入房即反被拘執也毛衣作非人恐怖聲沙門我是鬼世尊報言當知此愚人心亦是惡世尊清且集僧訶責彼已為諸比丘結此戒也由戲侮事不寂靜煩惱制斯學處按涅槃經中是善星

比丘反被拘執怖佛疑此是梵語也

**釋義律**云恐怖者若以色聲香味觸法恐怖人色者或作象形馬形鬼形鳥獸等形聲者或貝聲鼓聲象馬等聲香者若根香皮華葉果等香及諸臭氣味者醋甜苦澀鹹辛等味觸者若以冷熱輕重細麤滑澀軟堅等觸法者語前人言我夢汝當死若失衣鉢若罷道汝和尚阿闍黎亦爾若父母病重若命終

**結罪**是中犯者若以色聲香味觸法恐怖人若說而了了者波逸提說不了了突吉羅此戒具五緣方成本罪一人必是比丘二作比丘疑想三舉意恐怖四作恐怖疑想五說聽了了

**兼制**比丘尼波逸提同制式叉摩那沙彌同學

沙彌尼突吉羅是為犯

**隨開**不犯者或闇地坐無燈火或大小便

處若以色等示人不作恐怖意若實有是

事若見如是相或夢中見若當死若罷道

若失衣鉢乃至父母病重當死應語彼言

我見汝如是諸變相事若戲語若疾疾語

若獨語若夢中語欲說此乃錯說彼及最

初未制戒等是為不犯

**會採律攝**云若以可惡色聲等事令生畏

惱告彼人曰畢舍遮等欲來殺汝隨疾語

芻有怖無怖解其言義便得墮罪 若以

可愛色聲等事謂王欲來殺害汝者得惡

作罪 若於受學人亦名得戒沙彌即學悔人及於餘

人處驚惱得惡作罪 若說地獄旁生餓

鬼情存化導彼雖生怖者無犯 苾芻苾

謹五

六

芻想 苾芻苾芻疑皆墮罪 非苾芻苾

芻想 非苾芻苾芻疑 苾芻非苾芻想

苾芻非苾芻疑皆惡作 恐怖恐怖想

恐怖恐怖疑皆墮罪 非恐怖恐怖想

非恐怖恐怖疑 恐怖非恐怖想 恐

怖非恐怖疑皆惡作罪

此戒大乘同學或觀機折伏不犯

第五十六過洗浴戒

若比丘半月洗浴無病比丘應受不得過除

餘時波逸提餘時者熱時病時作時風雨時

道行時此是時

**緣起**此戒有六制佛在王舍城迦蘭陀竹

園摩竭國有池水瓶沙王聽諸比丘常在

中浴六羣於後夜入浴時瓶沙王與婬女

亦至聞比丘浴聲便寂默以待之六羣用

種種細末藥更相洗乃至明相出王竟不

得浴諸大臣皆共譏嫌故制半月洗浴此

初結戒也諸比丘盛熱時身體炮癆畏慎

不敢浴白佛佛聽熱時數數浴此第二結

戒也又病比丘身垢臭穢大小便吐污不

謹五

淨畏慎不敢浴白佛佛聽病時數數浴此

第三結戒也又諸比丘作時身體汗垢畏

慎不敢浴白佛佛聽作時數數浴此第四

結戒也又諸比丘風雨中行身體汗出塵

塗畏慎不敢浴白佛佛聽風雨時數數浴

此第五結戒也又諸比丘道行身熱炮癆

汗垢塵土畏慎不敢浴白佛佛聽道行時

數數浴此第六結戒也由洗浴事過分煩

惱制斯學處

**釋義**文分二節半月洗浴下明其創制餘

時等明其隨開律云熱時者春四十五日

夏初一月是謂從三月初一日至四月十

五日也從四月十六日至五月十五日此

一月是夏初一月也此二月半總名為熱

時薩婆多論云天竺早熱是名天竺熱

時如是隨處熱時早晚數取二月半於中

犯浴無病者下至身臭穢是作時者下至掃

屋前地是風雨時者下至一旋風一滴雨

是道行者下至半由旬若來若往是如是

若不洗浴身心不安若慈觀其機時聽聞

**結罪**是中犯者除餘時若過一遍澆身及

半澆身皆波逸提 若方便莊嚴欲洗浴

不去一切突吉羅 此戒具三緣方成本

罪一自身無開緣二有慢教心三故過浴

竟 **兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者半月洗浴除餘時數數洗浴若為勢力所持強使洗浴及最初未制戒等是為不犯

**會採**十誦律云昨日來今日浴明日去今日浴波逸提此約道行時也

五分律云若洗師及病人身體已濕因浴不犯此非自浴所以隨開

僧祇律云若無上諸時當作陶家浴法先洗兩胫兩脚後洗頭面腰背臂肘胸腋此戒大乘同學

**附考**准方等教中若禮懺結壇日須洗浴斯出聖言不犯過浴 不應與白衣人共浴除篤信三寶稱讚出家者聽同入浴然今

叢林普眾有湯雖非餘時亦無所犯

### 第五十七露地然火戒

謹五

八

若比丘無病自為炙身故在露地然火若教人然除時因緣波逸提

**緣起**此戒有三制佛在曠野城六羣比丘在上座前不得隨意言語即出房在露地取諸柴草然火向炙時空樹中有一毒蛇

得火氣熱逼從樹孔出諸比丘皆驚取所

燒薪散擲東西迸火燒佛講堂此初結戒也有病比丘畏慎不敢然火不教人然白

佛故聽此第二結戒也復有欲為病比丘煮粥若羹飯若熏鉢染衣若然燈燒香皆

謹五

九

畏慎不敢作佛皆聽之此第三結戒也因掉戲煩惱制斯學處

**釋義**文分二節無病下明其所犯除餘時明其隨開律云病者若須火炙身除餘時因緣者為病比丘煮粥羹飯乃至燒香

第四

分云向火有五過一令人無顏色二無力  
三眼闇四令人關集五多說俗事  
祇律云然火有七事無利益一壞眼二壞  
色三身羸四衣垢壞五壞淋褥六生犯因  
七增世  
俗言論

結罪是中犯者若在露地然草木枝葉牛  
屎糠糞掃蕞等一切波逸提蕞音亦  
麥蕞也若

以火置草木枝葉乃至蕞等中然者一切  
波逸提 若被燒半者擲火中者突吉羅

若然炭突吉羅 若不語前人汝看是  
知是者突吉羅 此戒具三緣方成本罪

一是未經火然之露地二無開緣自然或  
非淨語教他然三所然是草木糠蕞等焰

火

兼制比丘尼波逸提同制  
同學式叉摩那沙彌

沙彌尼突吉羅是為犯

隨開不犯者若語前人言汝看是知是如

上除時因緣及最初未制戒等是為不犯  
會採五分律云若為炙然火燄高至四指  
波逸提

薩婆多論云行路盛寒不犯

僧祇律云若旋火作輪波逸提 若持炬

行欲抖擻不得在未燒地當在灰上若瓦

上若炬火自落地即在上抖擻不犯 若

然髮馬尾毛等及燒皮餅毒藥皆越毘尼

罪

根本律云若故燒林野得窳吐羅底罪

此戒大乘同學增上

第五十八藏他物戒

若比丘藏他比丘衣鉢坐具鍼筒若自藏教

人藏下至戲笑者波逸提

緣起佛在舍衛國給孤獨園有居士請僧

明日食夜辦供已明日清旦往白時至爾時十七羣持衣鉢坐具鍼筒著一面經行彷彿望食時到六羣伺彼背向時取而藏之時到尋覓不得見六羣在前調弄餘比丘察知嫌責白佛結戒由調戲事不寂靜

煩惱制斯學處乃初篇盜根本種類

釋義藏者器舉也衣者三衣及鉢者鉢者鉢瓦二種應量

之六坐具者數以鍼筒者貯鍼之器此等皆

物也下至戲笑者若故令他生惱而藏或戲弄取笑而藏

結罪是中犯者若自藏若教人藏下至戲

笑者波逸提 此戒具三緣方成本罪一

調弄心藏二須是比丘六物三彼人尋覓

不獲

兼制此丘尼波逸提同制式叉摩那沙彌

沙彌尼突吉羅是為犯

律五

二

隨開不犯者若實知彼人物相體悉而取舉若在露地為風雨所飄漬取舉若物主為人性慢狼籍六物為欲戒敕彼故而舉之若借衣著而彼不收攝恐失便舉之或以此衣鉢諸物故有命難梵行難及最初未制戒等是為不犯

會採五分律云藏餘四眾乃至畜生物突

吉羅 尼藏二眾物波逸提 藏餘三眾

物皆突吉羅

十誦律云彼若覓得突吉羅 覓不得波

逸提 若藏空鍼筒覓不得突吉羅

律攝云但是沙門合畜之物藏得墮罪

不合畜者得惡作 若犯捨墮物及不淨

三衣減量衣授學人物外道婆羅門等物

輒藏舉者咸得惡作



根本律云若苾芻寄與餘苾芻彼但藏白衣不藏他衣被賊盜去不犯此戒大乘同學

第五十九輒著淨施衣戒

若比丘與比丘比丘尼式叉摩那沙彌沙彌尼衣後不語主還取著波逸提

**緣起**佛在舍衛國給孤獨園六羣真實施

親厚比丘衣已後不語主還取著諸比丘聞有少欲慙愧者嫌責白佛結戒由衣事及廢闕煩惱制斯學處乃初篇盜根本種類

**釋義**文分二節與比丘下明施衣有主後不語下結成所犯律云衣有十種如上與衣者淨施衣有二種一者真實淨施言此是我長衣未作淨今為淨故與長老作真

謹五

主

實淨二者展轉淨施

展轉淨施法於作持中明此中約真實淨

施制

**結罪**是中犯者若真實施衣不語主而取

著者波逸提 此戒具三緣方成本罪一  
是真實淨二不語主知三私取輒用

**兼制**比丘尼波逸提

同制式叉摩那沙彌

沙彌尼突吉羅是為犯

**隨開**不犯者若真實淨施語主取著展轉淨施語以不語隨意取著及最初未制戒等是為不犯

此戒大乘同學

第六十衣不壞色戒

若比丘得新衣應三種壞色一一色中隨意壞若青若黑若水蘭若不壞色著餘新衣波逸提

**緣起**佛在舍衛國給孤獨園六羣比丘著白色衣時諸居士見共皆譏嫌謂如似王大臣有慙愧比丘聞知白佛結戒由衣服事譏嫌煩惱制斯學處

**釋義**文分二節得新衣下明其正制若不

壞下結成所犯律云衣有十種如上新者

若是新衣若初從人得者盡名新衣若青

者非大深青及純青也亦要壞其正青之色若黑者謂是泥染然亦不聽

用純烏泥皂以類外道故宜兼赤土樹皮染之可也若木蘭者木蘭也亦名林蘭其染衣色赤又云紫淡色非正赤色也

**結罪**是中犯者若得新衣不染作三種色

著者波逸提 若得重衣若得輕衣不作

淨而畜者盡突吉羅 若非衣鉢囊革屣

囊鍼線囊禪帶腰帶帽襪巾等不作淨畜

者一切突吉羅此謂非說淨是百一中數應點作淨也若以

未染衣寄白衣家突吉羅 此戒具三緣方成本罪一是純白及正上色衣二不以三種色染壞亦不點淨而畜三作三衣中數於現處着用

**兼制**比丘尼波逸提同制同學式叉摩那沙彌

沙彌尼突吉羅是為犯

**隨開**不犯者不違上制若衣色脫更染及

最初未制戒等是為不犯

**會採**十誦律云若得青衣應泥茜淨泥即黑色也茜音倩染淨之草也得泥衣應青茜淨得茜衣應

青泥淨得黃衣赤衣白衣應青泥茜三種

淨

五分律云應三種色作誌若不作誌著者

波逸提 若不著宿宿波逸提

律攝云下至拭鉢巾拂足巾鉢囊腰條等

咸須壞色點淨而畜

薩婆多論云除三衣餘一切衣但作三點

淨著無過 若非純青淺青及碧作點淨

得作衣裏舍勒外不現相得著 舍勒此云  
內衣似短

格也若作現處衣盡不得著赤黃白色色不

純大者亦如是 除富羅革屣餘一切衣

臥具等盡應三點淨著不點淨著用皆墮

罪 若如法色衣以五大色作點淨者惡

作 除五大色有純黃藍鬱金青黛及一

切青亦不得著 若黃赤白雖三點淨著

亦惡作

僧祇律云作淨時極大齊四指極小如豌豆

豆或一或三或五或七或九不得如華形

若得多雜碎新物合補一處者一處作

淨各各補者一一作淨 若作新衣趣一

樣五

十四

角作淨 若一條半條補者亦作淨

此戒大乘同制

第六十一殺生命戒

若比丘故殺畜生命者波逸提

**緣起**此戒有二制佛在舍衛國祇園精舍

迦留陀夷不喜見烏作竹弓射之時諸居

士來入園中禮拜佛僧見已譏嫌云沙門

釋子不知慙愧無有慈心諸比丘聞之啟

白世尊此初結戒也佛結戒已時諸比丘

坐起行來多殺細小蟲其中或有作波逸

樣五

十五

提懺者或有畏慎者佛言不知不犯更加

故殺之語復為僧第二結戒也此是性罪

由生命事無悲煩惱制斯學處乃初篇殺

根本種類

**釋義**律云畜生者不能變化者殺者謂斷

其命若自斷若教人斷乃至毒藥安殺具等殺言故者謂有心害物非無意錯誤也廣如初篇殺波羅夷中所釋

**結罪**是中犯者若故有殺心殺者波逸提

方便殺而不死突吉羅 此戒具四緣

方成本罪一有殺心二是畜生三畜生想

四必令命斷

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者不故殺或以瓦石刀杖擲餘

處而誤斷命若比丘經營作房舍手失死

石而誤殺若土擊杖木若屋柱椽如是手

不禁墮而殺者若扶病起卧出入房時一

切無有害心而死及最初未制戒等是為

不犯

**會採**五分律云畜生者除龍餘畜生是龍

是畜而能變化具神力守護國土保經正法其功用與諸天相類故所殺龍者犯偷蘭遮本律亦云不能變化者義皆同此故爾除之

根本律云若苾芻作殺害心乃至以一指

損害旁生因此命終者得墮罪 或當時

不死後時因此死者亦得墮罪 若後時

不死者得惡作罪

律攝云若使癡狂者行殺害時彼雖無犯

教者本罪 旁生旁生想墮罪 旁生疑

旁生非旁生想 非旁生旁生想 非

旁生疑皆得惡作罪

薩婆多摩得勒伽云欲斫藤誤斫蛇不犯

欲斫蛇誤斫藤惡作 欲殺此蟲而誤

殺彼蟲 欲斫蟲而斫地 欲搦蟲而搦

土皆得惡作罪

此戒大乘同制菩薩以護衆生凡有命者一切不得殺殺者犯重

**附考**律攝云若守房廊鳥雀棲宿爲喧鬧者應使人檢察巢無兒卵應即除棄有者待去方除 若有蜂巢無兒應除有者以線縷纏之便不增長

大論云好殺之人有命之屬皆不喜見若不好殺一切衆生皆樂依附故持戒之人命欲終時其心安樂無疑無悔若生天上若在人中常得長壽是爲得道因緣乃至得佛住壽無量殺生之人今世後世受種種身心苦痛不殺之人無此衆苦是則殺他還是自殺其有智者肯自殺乎

### 第六十二 飲用蟲水戒

若比丘知水有蟲飲用波逸提

謹五

七

**緣起**此戒有二制佛在舍衛國給孤獨園

六羣比丘取雜蟲水而飲用諸居士見已譏嫌有少欲比丘聞知白佛此初結戒也爾時諸比丘不知有蟲無蟲後乃知或作波逸提懺者或有畏慎者佛言不知不犯故更加知水有蟲復爲僧第二結戒也此是性罪由受用水時害衆生命制斯學處乃初篇殺根本種類

**釋義**知者或自知或他告水有蟲者蟲有二種一謂纔觀即見二謂羅漉方見水謂

一切河池泉井溝瀆等水用水有二一內受用謂是內身所有受用洗浴飲噉嚼齒木或洗手足此乃內用二外受用如前第十九戒中所明

此准根本律釋之

**結罪**定中犯者知是雜蟲水飲用者及飲

用雜蟲漿醋等波逸提

有蟲水有蟲水想波逸提 有蟲水疑

無蟲水有蟲想 無蟲水疑皆突吉羅

此戒具四緣方成本罪一是雜蟲水二有

蟲想三不觀漉四飲用入咽

兼制比丘尼波逸提同制式叉摩那沙彌

沙彌尼突吉羅是為犯

隨開不犯者若先不知有蟲無蟲想若麤

蟲觸水使去若漉水飲者及最初未制戒

等是為不犯

此戒大乘同制

引證僧祇律云波羅脂國有二比丘共伴

來詣舍衛國問訊世尊中路渴乏無水前

到一井一比丘汲水便飲一比丘看水見

蟲不飲飲水比丘問言汝何不飲答言世

謹五

文

尊制戒不得飲蟲水故彼復勸言長老但

飲勿令渴死不得見佛答言我寧喪身不

毀佛戒遂便渴死飲水比丘漸到佛所佛

問汝從何來又問汝有伴不彼即具以事

答佛言癡人汝不見我謂得見我彼死比

丘已先見我十誦律云彼持戒者不飲便

足先到佛所禮佛聞法得法眼淨受三皈

依故曰已先見我也根本律中其事亦同

若比丘放逸懈怠不攝諸根雖共我一處

彼離我遠彼雖見我我不見彼若有比丘

在海彼岸能不放逸精進不怠斂攝諸根

雖去我遠我常見彼彼常近我此約界論

論則放逸之人雖生聖世不異末法不放

逸者雖生末世不異正法佛身真常本無

出世及與滅度願深信智者莫起像法法

滅盡想而自委棄誓當精進不懈善攝諸

根嚴淨毘尼勿輕小過常如面奉慈顏規

承明諱修持不已常見靈山一會儼然未

也散

**附考**僧祇律云蟲者非魚鼈等謂小小倒

子諸蟲乃至極微細形眼所見者不應以

天眼看亦不得使闇眼人看下至能見掌

中細文者得使看水不得太速太久當如

大象一迴頃若水中蟲極細不得就用洗

手面及大小行子音結餘也說文云人無足而倒行也

律攝云有五種眼不應觀水一患瘡眼二

睛翳眼三狂亂眼四老病眼五天眼齊幾

許時應觀水謂六牛車迴轉頃若順河流

一度觀水無蟲齊一拘羅舍隨意飲用然

須中間無別河入一拘羅舍謂五里也或云二里若下

流水及逆流河一度觀時齊一尋內得用

八尺為一尋也有五種淨水一僧伽淨二別人

淨二漉羅淨四涌泉淨五井水淨若知彼

淨二漉羅淨四涌泉淨五井水淨若知彼

人是持戒者存護生命縱不觀察得彼水

時飲用無犯凡一切觀水始從日出迄至

明相未出咸隨受用應知漉物有其五

種一謂方羅二謂法瓶三謂君持四謂酌

羅五謂衣角

第四分云不應無漉水囊行乃至半由旬

若無應以僧伽梨角漉水

五分律云亦聽畜漉水筒用銅鐵竹木瓦

石作之以細衣縵口不聽用糞掃衣

根本雜事云以絹繫君持口細繩繫項沉

放水巾擗頭半出口若全沉水則難入待滿引出仍

須察蟲但是綽口瓶瓠無問大小以絹縵

口隨時取水極是省事綽昌入聲寬也及與缸同

緇門警訓漉囊教意云出家之人修慈為

本慈名與樂無殺為先物類雖微保命無





毘尼止持會集卷第十六

謹六

清金陵寶華山弘律沙門讀體集

第六十三故惱他戒

若比丘故惱他比丘令須臾間不樂波逸提

**緣起**此戒有二制佛在舍衛國給孤獨園

謹六

時十七羣比丘往問六羣長老云何入初

禪第二第三第四禪云何入空無相無願

云何得須陀洹果斯陀含果阿那含果阿

羅漢果耶六羣報言如汝等所說者則已

犯波羅夷法非比丘十七羣便往上座比

丘所問言若有諸比丘作如是問云何入

初禪乃至得阿羅漢果為犯何罪上座報

言無犯即察知此六羣與十七羣作疑惱

往白世尊此初結戒也如是結戒已時諸

比丘集在一處共論法律有一比丘退去

而心有疑作是言彼諸比丘與我作疑諸

比丘白佛佛言不故作作者無犯此第二結

戒也由戲弄事掉舉煩惱制斯學處

按根本律烏陀夷苾芻見十七羣受逆團已作惱亂心而告之曰汝等雖蒙作法實不得戒何用勞心更求學業故制

學業故制

**釋義律**云疑惱者若為生若為年歲若受

戒若為羯磨若為犯若為法也為生時疑

者問言汝生來幾時耶報言我生來爾所

時語言汝不爾所時生汝如餘人生非爾

所時生是謂問生時疑 問年歲時疑者

問言汝幾歲報言我爾所歲語言汝非爾

所歲如餘受戒者汝未爾所歲是謂問年

歲時生疑 問受戒生疑者問言汝受戒

既年不滿二十又界內別眾是謂問受戒

時生疑 問羯磨時生疑者問言汝受戒

時白不成羯磨不成非法別衆是謂問羯磨生疑 於犯生疑者語言汝犯波羅夷僧伽婆尸沙波逸提波羅提提舍尼偷蘭遮突吉羅惡說是謂於犯生疑 於法生疑者汝等所問法者則犯波羅夷非比丘

是謂於法生疑令須臾間不樂者 三十頌 史為一

寤夜謂令他少時 間情不安隱也

**結罪**是中犯者若比丘故為比丘作疑若以生時若為年歲乃至法時疑說而了了者波逸提 說而不了了者突吉羅 此

戒具三緣方成本罪一前人是比丘二故有疑惱心三說聽了了

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者其事實爾不故作惱或戲笑

語或疾疾語或獨語或夢中語或欲說此錯說彼及最初未制戒等是為不犯

**會採**僧祇律云若有人來欲受具足戒若滿二十與受具足若不滿者語言且住待滿若彼便於彼處受具足來不得語疑悔

語者越毘尼罪 若諸根不具及病亦爾

此上二句謂總攝 暹等人是也

五分律云令餘四衆疑悔突吉羅 尼令

二衆疑悔波逸提 令餘三衆疑悔突吉

羅

講六

三

薩婆多論云若更以餘事欲令疑悔故語者突吉羅所謂語比丘言汝多眠多食多語等 是人非比丘非沙門非釋子令疑悔者突吉羅 此戒大乘同學

第六十四覆他麤罪戒

若比丘知他比丘犯麤罪覆藏者波逸提

**緣起**此戒有二制佛在舍衛國給孤獨園

跋難陀數犯罪向一親厚比丘說之囑令勿語人後二人共鬪彼比丘即向餘比丘

說其所犯餘比丘聞知白佛此初結戒也

時有比丘聞佛結戒已不知犯麤不犯麤

後乃知麤罪或作波逸提懺者或有疑者

佛言不知無犯復更與結戒也此是性罪

由舊伴屬事覆藏煩惱制斯學處

**釋義**律云麤罪者四波羅夷十三僧殘覆

藏者謂掩蔽其過而不說也 薩婆多論云覆藏罪令佛法不清淨長養惡法故

**結罪**是中犯者小食知食後說 食後知

至初夜說 初夜知至中夜說盡突吉羅

中夜知至後夜欲說而未說明相出時波

逸提 除麤罪覆餘罪者突吉羅 自覆

藏麤罪突吉羅 此是經夜展轉各從生小罪也 除比丘比

丘尼覆餘人麤罪突吉羅 餘人謂出家下三衆及居家受

戒者一衆

麤罪麤罪想波逸提 麤罪疑 非麤罪

麤罪想 非麤罪疑盡突吉羅 此戒具

四緣方成本罪一是受具戒人二所犯是

麤罪三麤罪想為他人覆四覆經明相已

出

比丘尼波逸提 同制同學 式叉摩那沙彌

沙彌尼突吉羅是為犯 問在尼律比丘尼覆藏他尼棄罪犯

波羅夷此定波逸提二義何從答少有差別若尼覆他尼行姪一事得重餘戒從輕

故爾

**隨開**不犯者先不知麤罪不麤罪想 若

向人說或無人可向說發心言我當說未說之間明相已出若說或有命難梵行難不說及最初未制戒等是為不犯

**會採** 薩婆多論云覆他麤罪有三種一覆

他四棄僧殘得墮罪 二覆出佛身血壞

羅六

僧倫得對首偷蘭遮 三覆下三篇得突

吉羅

十誦律云見他犯罪向一人說便止若聞

若疑不須說

僧祇律云不得趣向人說當向善比丘說

若彼罪比丘兇暴或依王力大臣力起奪

命因緣傷梵行者應作是念彼罪行業必

自有報彼自應知喻如失火但自救身焉

知餘事斯則無罪

根本律云恐與為障礙之事或緣此令僧

羅六

五

破壞者覆皆無犯

此戒大乘同制與不教悔罪戒一也

**附考** 第三分云內有五法應舉他以時不

以非時真實不以不實有益不以損滅柔

軟不以麤獷慈心不以瞋恚

第四分云佛告優波離身威儀不清淨言

不清淨命不清淨寡聞不知修多羅寡聞

不誦毘尼言辯不了喻若白羊是不應舉

他若諸法具足應以時以法舉他罪 又

復此比丘有愛恭敬於我則應舉罪或無

愛有恭敬或無恭敬有愛應舉或雖無恭

敬能令捨惡就善應舉或彼有所重比丘

尊敬信樂者能令捨惡行善應舉若都無

者僧應都捨置驅棄語言長老隨汝所去

處彼當為汝作舉作憶念作自言遮出罪

遮說戒遮自恣譬如調馬師惡馬難調即合韁杙驅棄如此比丘不應先從其求聽即此是聽  
薩婆多論云天眼舉他罪突吉羅天耳舉亦如是

第六十五授戒不如法戒

年滿二十應受大戒若比丘知年不滿二十與受大戒此人不得戒彼比丘可訶癡故波逸提

**緣起**此戒有二制佛在羅閱城迦蘭陀竹

園時城中有十七羣童子先為親友最大者年十七最小者年十二共求出家諸比丘即度令出家與受大戒時諸童子小來習樂不堪一食至於夜半患饑大聲大喚啼哭言與我食來與我食來諸比丘語言

少待須天明若眾僧有食當與共食若無食者當共乞此間都無作食處佛聞知而故問阿難具以事白佛言不應授年未滿二十者大戒此初結戒也時彼比丘聞結戒已不知年滿二十不滿二十後乃知不

滿二十或作波逸提懺者或有疑者佛言不知無犯此第二結戒也由近園事攝眾煩惱制斯學處

**釋義**文分二節年滿二十應受大戒明其

正制若比丘知年不滿下結成所犯律云

謹六

六

年不滿二十者不堪忍寒熱饑渴暴風蚊蠅毒虫及不忍惡言若身有種種病苦痛不能堪忍又復不堪持戒不堪一食與受大戒者  
與是能授之者謂壇上三師及七位證盟僧也受謂求具足戒之人謂所受八年既不滿三師七證雖如法乘宜白四羯

此人不得戒者

磨而彼不成比丘性威體不圓各非其足  
蓋佛為諸法之王深知衆生業性差別而  
諸佛子從佛口生從法化生是故依  
制則比丘性具違教則戒法匪成也彼此

**丘可訶癡故者**

謂不但所受者不得戒而  
能授者亦招愆以癡無智

慧不知戒法故律攝云滿足十夏方住  
師位復須成就五法一知有犯二知無犯  
三知輕四知重五於別解脫經廣能開解  
於諸學處創結隨開若遇難緣善知通塞

常誦戒本能決他疑戒見多聞自他俱利  
威儀行法無有虧犯具如是德名親教師  
由其親能教出離法故若必芻雖近圖  
已於諸學處不識重輕設六十夏仍須仗  
託明德依止而住若師小者唯除禮拜自  
餘或作此即名為老小必芻不得與他出  
家及受  
近圖也

**結罪**

是中犯者和尚若知年未滿二十衆

中問言汝年滿二十未受戒人報言或滿

二十或未滿二十或疑或不知年數或默

然或衆僧不問授大戒三羯磨竟波逸提

白已二羯磨竟三突吉羅 白已一羯

磨竟二突吉羅 白竟一突吉羅 和尚

疑年未滿得罪亦爾 若未白為作方便

若剃髮 淨壇數座是為作方便剃髮者非  
出家時凡登壇受具必須相同此

丘不得長髮俗衣 故當先剃髮也 若欲集衆若衆僧已集

和尚一切突吉羅 衆僧若知若疑年未

滿二十不問一切突吉羅 此戒具三緣

方成本罪一是授具和尚二知年未滿三

羯磨已竟

**兼制比丘尼波逸提**

同制 式叉摩那沙彌

沙彌尼突吉羅是為犯 同制 下三衆犯突吉羅

檀作師之位若受居家入戒等法  
不違律制豈無違於毘尼之咎

**隨開** 不犯者先不知信受戒人語若旁人

證若信父母若受戒已疑聽數胎中年月

及閏月若數一切十四日說戒以為年數

半月半月說戒每年共有二十四次白月

及黑月大皆十五日說戒若黑月小則十  
四日說戒一年僅有六次十四日說戒當  
有十八次是十五日說戒今以方便皆約

十四日說或以算日數則每年省出一十八日十年便有百八十日償其人是一十九歲共省三百四十二日又可算作一年即可名為滿二十歲矣

**會採律攝**云若有人近圓時年實未滿而

作滿想後有親屬報云不滿應數胎月閏

月若滿者善斯名善受若不滿者退為求

寂應更與受近圓若不爾者同前賊住

若有人年滿十九作二十心而受近圓後

經一年親屬來見報云不滿或自憶知不

滿或年十八而受近圓後經二歲同前憶

知斯等皆名善受正教難逢是開聽故

未滿更開數一切十四日說戒律攝未滿但聽數胎月閏月以足之若不足者退為求寂須知上根受具應准本部機若下劣律攝當依然斯乃受具已後有疑佛慈聽開若未登壇先算此而為滿歲者則法犯相似人墮全非斷不可例此宜應欽遵於此

### 此戒大乘比丘同學

種六

### 第六十六發起諍事戒

若比丘知諍事如法懺悔已後更發起者波逸提

**緣起**此戒有二制佛在舍衛國給孤獨園

時六羣比丘鬪諍僧如法滅已後更發起

作如是言汝不善觀不成觀不善解不成

解不善滅不成滅令僧未有諍事而有諍

事起已有諍事而不除滅諸比丘察知其

故具白世尊此初結戒也與結戒已時諸

比丘不知諍事如法滅不如法滅後乃知

如法滅或作波逸提懺者或有疑者佛言

不知無犯此第二結戒也由起諍事不忍

煩惱制斯學處

**釋義**律云諍者有四種言諍覓諍犯諍事

諍詳如後七滅如法者如法如毘尼如佛

所教懺悔已者

謂善滅  
誦法

後更發起者

謂其  
誦已

滅復以不善心而舉  
發令衆淨論不息也

**結罪**

是中犯者知如法滅已後更發起作

如是言不善觀不成觀不善解不成解不

善滅不成滅說而了了波逸提

言觀解者  
謂稱量得

宜應與何法當與何法也不成觀  
解者謂法不應諍與毘尼相乖也

觀作觀想者波逸提

觀疑

不成觀有

觀想 不成觀疑盡突吉羅

此戒具四

緣方成本罪一是比丘諍事二如法滅已

三觀作觀想而更發起四說而了了

**兼制**比丘尼波逸提

同制  
同學

式叉摩那沙彌

沙彌尼突吉羅是為犯

**隨開**不犯者若先不知若觀作不觀想若

事實爾言不善觀乃至不成滅若戲笑語

若疾疾語若夢中語欲說此錯說彼及最

初未制戒等是為不犯

**會採**律攝云若衆為衆作羯磨得宰吐羅

罪以是破僧方便故

薩婆多論云若是僧制不入佛法發起得

突吉羅罪

此戒大乘同制為菩薩不能善和鬪諍而

反亂衆鬪諍罪結輕垢

第六十七同賊伴行戒

若比丘知賊伴結要共同道行乃至一村間

波逸提

波逸提

**緣起**此戒有二制佛在舍衛國給孤獨園

有衆多比丘從舍衛至毘舍離有私度關

賈客欲為伴與之同行俱為守關者所捉

將至波斯匿王王問其故諸尊實知此人

不輸王稅是賊賈不答言知王言若實知



者法應死復作念云豈宜殺沙門釋子耶

但以訶責放去臣衆不服有少欲比丘聞

知白佛此初結戒也時諸比丘不知是賊

非賊伴行後乃知是賊伴或作波逸提懺

者或生疑者佛言不知無犯故有第二結

戒也此是遮罪由行路事譏嫌煩惱制斯

學處乃初篇盜根本種類

**釋義律**云賊伴者若作賊還若方欲去結

要者共要至城若至村道者村間處處道

**結罪**是中犯者知是賊伴共要同道行至

村間處處道行一一波逸提 無村曠野

無界處共道行波逸提

若共村間半道 若無村曠野行減十里

皆突吉羅 若村間一道行 若方便欲

去而不去 共要去而不去一切突吉羅

蓮六

士

此戒具三緣方成本罪一實知是賊二

結要同行三行處不減

**兼制**比丘尼波逸提同制式義摩那沙彌

沙彌尼突吉羅是爲犯

**隨開**不犯者若先不知不共結伴逐行安

隱謂無恐若勢力所持若被繫縛將去若

命難梵行難及最初未制戒等是爲不犯

**會採僧祇律**云若比丘欲行時當求車伴

賊相貌有三事可知香色莊嚴香者在空

處食生熟肉氣色者常恐怖色莊嚴者終

日結束面黑髮黃兇惡似閻羅人若賊詐

稱作好人著好衣服到空迴處展轉相語

今日當入聚落破墻壁劫奪財物不問沙

門婆羅門一切盡取當知是賊不得即便

捨離宜隨順去若近聚落方便捨去若賊

覺者應語言長壽我正到此若與偷金賊  
共行波逸提金乃七寶之首攝餘可知與叛負債人共  
行越毘尼罪

十誦律云若險難處賊送度者不犯

根本律云若迷失道彼來指示雖同行不

犯

五分律云共惡比丘期行突吉羅若諸難

緣不犯

此戒大乘同制

### 第六十八惡見不捨戒

若比丘作如是說我知佛所說法行姪欲非  
障道法彼比丘諫此比丘言大德莫作是語  
莫謗世尊謗世尊者不善世尊不作是語世  
尊無數方便說犯姪欲是障道法彼比丘諫  
此比丘時堅持不捨彼比丘乃至三諫捨此

事故若再三諫捨者善不捨者波逸提

**緣起**佛在舍衛國給孤獨園有阿梨吒比

丘生是惡見諸比丘聞欲除去彼惡見故

諫而不捨往白世尊世尊以無數方便訶

責阿梨吒已告諸比丘聽眾僧為彼作訶

諫白四羯磨捨此事若有餘比丘作如是

言亦應訶諫白四羯磨故結此戒由邪思

事僻執煩惱制斯學處此並下二戒於三破中皆名破見也

**釋義**文分三節若比丘作如是說等明所

生之惡見彼比丘諫此比丘言乃至犯姪

欲是障道法等明所諫之詞彼比丘諫此

比丘時堅持不捨等結成所犯作是說者

謂謬引佛語以證己見由見居家善信士

女受持三級五戒唯斷邪姪雖有妻室而

亦能證須陀洹乃至亦得我知者謂自能

阿那含果故生如是惡見佛所說法者謂知非

他告佛所說法者所說是彰義法有二種

知也佛所說法者一是佛親說二是弟子

說雖弟子說由承  
佛教故亦名法也  
行姪欲者是鄙惡非障

道法者謂習行其事而不能彼比丘諫此

比丘言者謂作下別大德者是如律尊莫

你是語者謂不可作是莫謗世尊者謂佛

法離欲清淨寂滅無為若言欲非障道即

違反佛說是謗世尊謗者謂出非理之

言不善者謂當來定招世尊不作是語者

謂佛不說姪惡果報也世尊無數方便說犯姪欲是

障道者謂世尊以種種言詞說法教斷欲

坑如火炬欲如枯骨如段肉如夢所見欲

是不淨法是有漏法是障諸賢聖道果法

彼比丘諫時堅持不捨者謂一比丘於屏

執邪見下受諫語也彼比丘乃至三諫等者謂別諫

鳴椎集僧白四羯磨其羯磨全法不從當

於作持中明向下唯明諫詞結罪

結罪是中犯者彼比丘諫此比丘言乃至

無數方便說行姪欲是障道法汝今可捨

此事莫為僧所訶更犯重罪若受語者善

此是一比不隨語者應白此是集僧訶諫

丘別諫也凡作羯磨皆先

白已當語言我已白竟餘有羯磨在汝

可捨此事莫為眾僧所訶責更犯罪若隨

語者善言善者僅免本罪其

不隨語者你初羯磨你初羯磨已當語言

我已白初羯磨竟餘有二羯磨在汝當捨

此事莫為僧所訶責犯罪若隨語者善

若不隨語者當作第二羯磨第二羯磨已

當語言已你白二羯磨竟餘有一羯磨在

汝可捨是事莫為眾僧所訶犯罪若隨語

者善

若不隨語者唱三羯磨竟波逸提

你白已二羯磨竟捨者三突吉羅 你白

已一羯磨竟捨者二突吉羅 你白已捨

者一突吉羅 若白未竟捨者突吉羅

若未作白作是語我知佛所說法行姪欲

非障道法一切突吉羅此謂別諫時及未曾別諫之前也

彼此丘諫此比丘時餘比丘遮若比丘尼

遮者若有餘人遮汝莫捨此事衆僧諫與

不諫遮者一切突吉羅 此戒具四緣方

成本罪一堅持惡見二頻諫不捨三羯磨

如法四三番白竟

兼制比丘尼波逸提同制同學式叉摩那沙彌

沙彌尼突吉羅是爲犯

隨開不犯者若初語時捨謂最初別諫時一聞諫語即捨

若非法別衆諫若非法和合諫法別衆法

相似別衆法相似和合非法非毘尼非佛

所教諫若無諫者及最初未制戒等是爲

不犯

會採律攝云若必芻心生惡見謂爲正見

云我所解最爲殊勝實不從佛聞如是語

但出自意說其文義不生慙愧邪說誑他

餘必芻見時應爲屏諫若不捨者得惡作

罪次羯磨諫作初白竟乃至第二羯磨竟

若不捨者一一皆得惡作之罪第三竟時

便得障罪應於衆中說悔其罪然儀單墮皆對首俵

法即得除滅今律攝云衆中說悔者其

義有二一以衆爲證更不再生如是邪見

故二治此一人以誠衆人令正思惟故

此戒大乘犯重攝謗法戒故

引證大般若經云若染色欲於生梵天尚

能爲障況得無上正等菩提是故菩薩斷

欲出家能得無上菩提非不斷者 又云

菩薩摩訶薩於五欲中深生厭患不爲五

欲過失所染以無量門訶毀諸欲欲爲熾

火燒身心故欲爲穢惡染自他故欲爲魁

贈於去來今常爲害故欲爲怨敵長夜伺  
求作衰損故欲如草炬欲如苦果欲如利  
劍欲如火聚欲如毒器欲如幻惑欲如闇  
井欲如詐親旃陀羅等舍利子諸菩薩摩  
訶薩以如是等無量過門訶毀諸欲

### 第六十九黨惡見不捨戒

若比丘知如是語人未作法如是邪見而不  
捨供給所湏共同羯磨止宿言語者波逸提

**緣起**此戒有二制佛在舍衛國給孤獨園

阿梨吒生惡見衆僧訶諫而故執不捨諸

比丘嫌責白佛佛令僧與作惡見不捨舉

白四羯磨此初結戒也即前戒是時六羣比丘

供給所湏共同羯磨止宿言語有知足頭

陀比丘訶責白佛此第二結戒也亦由邪

思事僻執煩惱制斯學處

**釋義**律云如是語者作如是語我聞世尊

說法行姪欲非障道法未作法者若被舉  
未與解羯磨如是邪見不捨者衆僧訶責  
而未捨惡見供給所湏者有二種若法若  
財法者教修習增上戒增上意增上智學

問誦經財者供給衣服飲食牀座臥具病

瘦醫藥同羯磨者同說戒止宿者屋有四

壁一切覆或一切覆不一切障或一切障

不一切覆言語者謂教授及與評論善惡等事也

**結罪**是中犯者若比丘先入屋後有如是

語人來若如是語人先入比丘後來若二

人俱入宿隨脇著地一切波逸提 此戒

具三緣方成本罪一知是惡邪見人二知

僧作舉不捨三供給所湏止宿

**兼制**比丘尼波逸提准尼律若隨順被舉比丘三諫不捨者波

羅夷是尼發起之本制也此乃比丘發起之兼制也式叉摩那沙彌沙彌尼突吉羅是為犯

**隨開**不犯者不知有如是語人在中宿若屋不盡覆障若露地若病倒地若為勢力所持若被繫閉或命難梵行難及最初未

制戒等是為不犯

雜六

十六

**會採**五分律云共語語波逸提共坐坐波逸提共宿宿波逸提共事事波逸提 雖捨惡見僧未解羯磨亦波逸提 若作惡見僧未羯磨突吉羅 若不知及不如法羯磨不犯

十誦律云若教他法若從受法若與他財若取他財若共宿一切波逸提 根本律云若彼身病看侍無犯 或同居令捨惡見此亦無犯

雜六

十七

此戒大乘同制

第七十畜被擯沙彌戒

若比丘知沙彌作如是言我從佛聞法行婬欲非障道法彼比丘諫此沙彌如是言汝莫誹謗世尊謗世尊者不善世尊不作是語沙彌世尊無數方便說婬欲是障道法彼比丘諫此沙彌時堅持不捨彼比丘應乃再三訶諫令捨此事故乃至三諫而捨者善不捨者彼比丘應語彼沙彌言汝自今已去不得言佛是我世尊不得隨逐餘比丘如諸沙彌得與餘比丘二三宿汝今無是事汝出去滅去不應住此若比丘知如是眾中被擯沙彌而誘將畜養共止宿者波逸提

**緣起**此戒有二制佛在舍衛國給孤獨園跋難陀有二沙彌共行不淨自相謂言我

等從佛聞法其行姪欲非障道法聞中有

少欲比丘白佛佛教諸比丘置此二沙彌

於衆僧前眼見不聞處立作訶諫白四羯

磨捨此事故而彼故不捨乃令僧如前置

立作不捨滅擯白四羯磨此乃不現前羯磨法也若諫訶

則呼之近前而今聽若羯磨則違之遠立而不聞時六羣比丘知

僧爲此二沙彌作惡見不捨滅擯羯磨而

便誘將畜養同共止宿諸比丘嫌責六羣

啟白世尊此初結戒也如是結戒已彼二

沙彌城中擯出便往外村城外擯出還入

城中時諸比丘亦不知此是滅擯不滅擯

後乃方知是滅擯或作波逸提懺者或有

疑者佛言不知者無犯此第二結戒也亦

由邪思事僻執煩惱制斯學處

釋義文分四節若比丘知沙彌作如是言

等明沙彌所起邪見彼比丘諫此沙彌如

是言等明訶諫白四羯磨彼比丘應語沙

彌言自今已去等明不捨滅擯白四羯磨

若比丘知如是衆中被擯沙彌等結成所

犯律云滅擯者僧與作滅擯羯磨滅謂滅除擯謂

擯誘者若自誘若教人誘謂以財法勸誘

畜養者若自畜若與人畜謂誘將去也

共止宿者謂同餘比丘一處

給飲食也於作持中明

結罪是中犯者若比丘先入宿滅擯者後

至若滅擯者先入比丘後至或二人俱至

隨脇著地轉側一切波逸提 此戒具三

緣方成本罪一是惡邪被擯二明知誘引

三同宿畜養

兼制比丘尼波逸提同制式叉摩那沙彌

沙彌尼突吉羅是為犯

隨開不犯者先不知若比丘先至滅擯者

後至比丘不知若房四無障上有覆若顛

發倒地若病動轉或為勢力所持被繫閉

若命難梵行難及最初未制戒等是為不

犯

議六

元

會採十誦律云通夜坐不臥亦波逸提

律攝云若與依止及教讀誦皆得墮罪

凡不見罪等被捨置人共為受用皆得惡

作罪 此謂凡是三舉一損等人  
若共同受用皆不應故

根本律云若是親族或時帶病或復令彼

冀捨惡見雖權攝教並皆無犯

此戒大乘同制

附考僧祇律云若有人為和尚阿闍黎所

嫌餘比丘不得誘引言我與汝四事汝當

在我邊住受經誦經 若觀彼人必當捨

戒就俗者得誘取已當教言汝當知二師

恩甚重難報汝應還彼目下住

毘尼止持會集卷第十六

音義

得法眼淨 證頂陀洹果斷三界分別 阿梨

吒比丘 河梨吒亦名阿利吒此云無相是

陀舍皆有妻室亦不障道牽此自比故在

邪見言姪欲非障道法也 薩婆多論云

此人先是外道弟子外道邪見師道入佛

法中倒亂佛法其人聰明利根不經少時

通達三藏即便倒說云行障道法

不能障道盡其智辯不能令成



毘尼止持會集卷第十七

謹七

清金陵寶華山弘律沙門讀體集

第七十一拒諫難問戒

若比丘餘比丘如法諫時如是語我今不學

此戒當難問餘智慧持律比丘者波逸提若

為知為學故應難問

緣起佛在拘睺彌國瞿師羅園中時闍陀

比丘餘比丘如法諫時作如是語按僧祇律云我

今不隨汝語我若見餘長老寂根多聞持法深解我當從咨問彼若有所說我當受

行諸比丘聞中有樂學戒者嫌責闍陀白

佛結戒由違諫事不忍煩惱制斯學處

釋義文分二節若比丘下明其所犯若為

知下明實學隨開律云如法諫者如法如

律如佛所教此謂吐語皆如法律存心本為利人作是語我

今不學此戒者然非實不學戒而作抗逆語者意欲拒彼之諫言先

破其口也難問者謂以巧言詰問於他智慧者智即是慧若分別說持律者謂嚴持律者為知為學者謂欲廣博深義樂修梵行可免無罪

結罪是中犯者若說而了了波逸提說

不了了突吉羅 此戒具三緣方成本罪

一心存違諫二口出抗言三說解了了

兼制比丘尼波逸提同制同學式叉摩那沙彌

沙彌尼突吉羅是為犯

隨開不犯者彼比丘癡不解故此比丘作

如是語汝還問汝和尚阿闍黎可更學問

誦經若戲笑語若獨語或夢中語或欲說

此而錯說彼及最初未制戒等是為不犯

此戒大乘同制

附考律攝云有五種人不應為說毘奈耶

藏謂性無所知強生異問或不為除疑而問或試弄故問或惱他故問或求過失故問

第七十二輕訶說戒戒

若比丘說戒時作是語大德何用說是雜碎

戒為說是戒時令人惱愧懷疑輕訶戒故波逸提

緣起佛在舍衛國給孤獨園有衆多比丘

集在一處誦正法毘尼時六羣自相謂言

彼誦律通利必當數舉我等罪乃往語言

長老何用此雜碎戒為若必誦者當誦四

事及十三事餘者不應誦若誦者使人懷

疑憂惱諸比丘聞中有慙愧樂學戒者嫌

責六羣白佛結戒此是性罪因輕毀事不

忍可煩惱制斯學處

釋義律云說戒時者若自說戒時若他說

時若誦時自他說戒謂布薩之時雜碎戒者

善見律云從二不定乃至衆學是名雜碎

薩婆多論云結此戒者為尊重波羅提

木義為長養戒故為滅惡故以十二年前

佛常說一偈今說五篇名為雜碎戒又有

云除前二篇後三說是戒者令人惱愧等

者此乃敘述其情形愛惱狀由自犯過故

聞他說戒情生不喜由不喜故惱問交

胸名之為惱追悔所犯名之為愧不能自

沙其憂惱名之懷疑何用說此雜碎為一

句正是輕訶戒相也

結罪是中犯者若說而了了者波逸提

說不了了者突吉羅 若毀些阿毘曇及

餘契經者突吉羅 此戒具四緣方成本

罪一自欲覆罪二令他廢學毘尼三所毀

是比丘戒四說而了了

無制比丘尼波逸提同制式叉摩那沙彌

沙彌尼突吉羅是為犯

隨開不犯者若語言先誦阿毘曇或契經然後誦律若有病者須差然後當誦律語令先勤求方便於佛法中得果證後當誦律不欲滅法故作是語或戲笑語或夢中語或獨語欲說此乃錯說彼及最初未制戒等是為不犯

會採五分云若欲令人遠離毘尼不讀誦而毀訾者波逸提 若欲令波羅提木又不得久住而毀訾者偷蘭遮此攝上品獨頭偷蘭與破法輪僧同科應於一切僧中求悔 毀訾經亦如是 毀

訾餘四眾及在家二眾戒突吉羅 比丘尼毀訾二部戒波逸提毀訾五眾戒突吉羅 若恐新受戒人生疑廢退心教未可誦戒不犯本律毀訾經論結突吉羅五分結偷蘭者在存心滅法之差別也

此戒大乘同制菩薩戒本經云若菩薩如是見如是說言菩薩不應聽聲聞經法不應受不應學菩薩何用聲聞法為是名為犯眾多犯

引證薩婆多論云何以訶戒經罪重餘經罪輕以戒是佛法之平地萬善由之生又一切佛弟子皆依而住若無戒則無所依又入佛法之初門若無戒者無由入泥洹城又是佛法之瓔珞莊嚴佛法是故訶毀罪重

善見律云若學毘尼者一身自護戒二能斷他疑三人眾無畏四能伏怨家五令正法久住下至五比丘解律在世能令正法久住若中天竺佛法滅邊地有五人受戒滿十人往中天竺得與人具足是名令正

法久住如是乃至二十人得出罪是名令  
 正法久住 又持律有六德一者守領波  
 羅提木叉二者知布薩三者知自恣四者  
 知授人具足戒五者受人依止六者得畜  
 沙彌若不解律但知修多羅阿毘曇不得  
 度沙彌受人依止以律師持律故佛法住  
 世五千年

第七十三無知戒

若比丘說戒時作如是語我今始知此法戒  
 經所載半月半月說戒經中來餘比丘知是  
 比丘若二若三說戒中坐何況多彼比丘無  
 知無解若犯罪應如法治更重增無知罪語  
 言長老汝無利不善得汝說戒時不用心念  
 不一心攝耳聽法彼無知故波逸提

**緣起**佛在舍衛國給孤獨園六羣中有一

謹七

五

人犯罪當說戒時自知罪障恐清淨比丘  
 發舉便先詰諸比丘所語言我今始知此  
 法乃至戒經中來諸比丘察知其故白佛  
 結戒由不敬事亂心煩惱制斯學處

**釋義**文分三節若比丘下明詐言逃過餘

比丘下是證其虛詐彼比丘無知無解下

明無益結犯我今始知此法戒經所載者

由其自有所犯故作如是不實之語詐言  
 云今日始知四棄乃至七滅諍法是戒經  
 所載半月半月一說皆從戒經中  
 來意謂一往不知戒免其過耳 餘比丘

知是比丘若二若三說戒中坐何況多者

謂清衆之中知彼於布薩日共集說戒曾  
 經二三次者應當知其戒相持犯何況爾  
 等過二二次多經布薩而 無知無解者  
 云今日始知其言詐矣 無知無解者  
 戒相名曰無知不若犯罪應如法治更重

增無知罪者 謂不以不知故獲免當如所  
 犯罪治之復更重增一不學

戒無長老汝無利不善得者 此是勸誡之  
 知罪 言謂不精攻

止作不得持汝說戒時不用心念者謂不善作  
戒之利益也謂由不善作意  
惟也意不一心攝耳聽法者謂由不一其心以  
不一其心故耳緣他境由緣彼無知故者  
他境故不能采聽法音也  
此句結明所犯謂由輕慢心不學毘尼是  
故重增此一無知隨罪薩婆多論云實  
先知言始知犯安語隨此  
中正結不專心聽法罪也

結罪是中犯者若自說戒時若他說時若

誦戒時作是語者波逸提誦戒時揀非布

誦時若不與彼罪者突吉羅此治清淨

也也此戒具三緣方成本罪一多次在座

而輕戒不聽二自知犯罪而復諱不露三

詐言始知

兼制比丘尼波逸提同制式叉摩那沙彌

沙彌尼突吉羅是為犯

隨開不犯者未曾聞說戒今始聞若未曾

聞廣說今始聞若戲笑語若獨語若夢中

謹七

六

語欲說此錯說彼及最初未制戒等是為

不犯

會採律攝云長淨時作不知語或由煩惱

或由忘念若睡眠若亂意隨一一戒不聽

聞者皆得墮罪 若聞苾芻尼不共學處

作如是語得惡作罪若共學處便得本罪

若老耄無所識知依實說者無犯 長

淨之時應令純熟善誦戒經者為眾誦之

先鳴犍椎時諸苾芻應自憶罪如法說悔

然後赴集

僧祇律云受具足已應誦二部毘尼若不

能者當誦一部乃至若復不能當誦初篇

戒及偈布薩時應廣說五篇乃至若復不

能當誦初篇及偈餘者僧常聞不誦者越

毘尼罪 僧中應使利者說餘人專心聽

不得坐禪及作餘業若於四事乃至七滅  
 諍法中間隨不聽隨得越毘尼罪 一切  
 不聽波逸提 此罪不得趣向人悔當眾  
 中持戒有威德人所敬難者於前悔前人  
 應訶言長老汝失善利半月說波羅提木  
 义時汝不尊重不一心念不攝耳聽法訶  
 已波逸提悔過 此中制意為呵一人以警  
 策眾人治一人無知不學  
 戒而今眾人敬信毘尼樂學戒故所以必  
 在眾中向戒德威嚴敬近難者前悔過也  
 此戒大乘同學

第七十四違反羯磨戒

若比丘共同羯磨已後如是言諸比丘隨親  
 厚以眾僧物與者波逸提

**緣起**佛在羅閱城耆闍崛山中尊者沓婆  
 摩羅子眾中差令典知僧事彼以僧事增  
 事故有人初立寺初立房初作井而檀越

設會布施不暇往赴衣服破壞異時有施  
 僧貴價衣眾僧共議白二羯磨與之六羣  
 亦在眾中後乃更作如是悔言謗僧佛為  
 結戒因鬪亂事不忍煩惱制斯學處 律云  
 僧祇  
 典知有九事一典次付林座二典次差請  
 會三典次分房舍四典次分衣物五典次  
 分香華六典次分菓茲七典次知暖水八  
 典次分雜餅食九典知隨意與塔事人  
 典者  
 主也  
**釋義**文分二節若比丘共同羯磨已明一  
 眾和合所作事竟後如是言下明自違情  
 反悔謗僧律云親厚者同和尚阿闍黎坐  
 起言語親厚者是 僧物者為僧故作已  
 與僧已許僧物謂衣鉢坐具鍼筒下至飲  
 水器與者 謂以僧物迴施一人也此白  
 一羯磨與衣法作持中明  
**結罪**是中犯者先共眾中作羯磨已後悔  
 言說而了了波逸提 不了了突吉羅

此戒具五緣方成本罪一自有貪心二前  
人當與三同衆羯磨四與後反遮五言說  
了了

**兼制**比丘尼波逸提同學式叉摩那沙彌

沙彌尼突吉羅是為犯沙彌等不得同僧  
羯磨若私譏議大

僧故  
亦也

**隨開**不犯者其事實爾或戲笑語乃至欲

說此錯說彼及最初未制戒等是為不犯

**會採**僧祇律云若僧中一切應分物來當

次應取若意不欲者聽過不取若人問言

汝何不取應答言此非我所須欲取餘物

後來須者應取無罪 若行物者言隨意

恣取須者自取無罪 遮有三種與時遮

得越毘尼罪 未與時遮得越毘尼心悔

與已遮者得波逸提

薩婆多論云凡僧中執勞苦人若大德其  
貧匱者僧和合與盡得與之但言不應與  
盡犯

此戒大乘同學

第七十五不與欲戒

若比丘衆僧斷事未竟不與欲而起去波逸  
提

**緣起**此戒有二制佛在舍衛國給孤獨園

衆僧集一處共論法毘尼時六羣自相謂

言看此諸比丘共集一處似欲為我等作

羯磨即從座起而去衆語言有僧事汝等

且住勿去而彼故去其中有樂學戒者嫻

責白佛此初結戒也時諸比丘或營僧事

塲事或瞻病事疑佛言自今已去聽與欲

故有不與欲而起之語此第二結戒也由

論法事不寂靜煩惱制斯學處

**釋義**律云僧者一說戒一羯磨 斷者謂

論事者有十八破僧事法非法律非律犯

非犯若輕若重有殘無殘麤惡非麤惡常

所行非常所行制非制說非說與欲者於

持中詳明  
此一開三

**結罪**是中犯者若起出戶外波逸提 一

足在戶內一足在戶外方便欲去而不去

若期欲去而不去一切突吉羅 此戒

具三緣方成本罪一是羯磨事同眾已集

二不與欲而輒去三兩脚出戶

**兼制**比丘尼波逸提同制式叉摩那沙彌

沙彌尼突吉羅是為犯下三乘無斷事同  
僧與欲之理共所

犯者准後五  
分律同制也

**隨開**不犯者有三寶及瘡病事與欲若口

噤不能與欲若非法非毘尼羯磨或為增

僧二師親友作損減無利益如是不與欲

去及最初未制戒等是為不犯

**會採**五分律云若屋下羯磨隨幾過出一

一出波逸提 若露地羯磨出去僧面一

尋波逸提 若神通人離地四指波逸提

若僧不羯磨斷事出去突吉羅 若私

房斷事來而去突吉羅 若僧不羯磨斷

事及私房斷事沙彌得在其中起去突吉

羅式叉摩那沙彌尼亦如是

僧祇律云若大小便須臾還不廢僧事無

罪 若說法說毘尼聽多比丘誦經聽他

受經聽他誦經盡應白去不白去者越毘

尼罪 若誦經者止誦作餘語去者無罪

若聽他受誦經與不白而去亦結罪者一  
由輕心動信無敬教之念次以威儀自恭



缺隨喜  
之緣

此戒大乘同學

第七十六與欲後悔戒

若比丘與欲已後悔波逸提

**緣起**佛在舍衛國給孤獨園六羣中有犯

謹七

十

事者恐僧彈舉於一切時六人相隨不離  
使僧不得與作羯磨異時六羣作衣僧知  
得便即遣喚之報言我等作衣不得往僧  
言若不得來可令一二比丘持欲來彼即  
令一比丘持欲來僧即與此比丘作羯磨  
此比丘還語六羣六羣悔言彼作羯磨者  
非為羯磨羯磨不成我以彼事故與欲不  
以此事諸比丘嫌責六羣遂往白世尊佛  
故結戒由悔恨煩惱制斯學處

**釋義**與欲已者

謹七

謂僧有如法事先  
心樂欲許可已後悔者

謂與欲後心生悔恨也此戒與前戒大同  
中有少別者前以先知其事共許羯磨而  
後悔辨僧此據不知後悔遮欲二  
戒俱欲毀破羯磨使先事不成也

**結罪**是中犯者與欲已後悔言說而了了

者波逸提 不了了者突吉羅 此戒具

四緣方成本罪一是如法僧事二與欲羯

磨三心生悔恨四悔言了了

**兼制**比丘尼波逸提同制式叉摩那沙彌

沙彌尼突吉羅是為犯隨制沙彌等  
如前五分

**隨開**不犯者其事實爾非羯磨羯磨不成

作如是言非羯磨羯磨不成若戲笑語獨

語夢語欲說此錯說彼及最初未制戒等

是為不犯

**會採**律攝云已與他欲後生悔恨煩惱既

生心無慙恥於可對境作苾芻想言告彼

時便得墮罪

薩婆多論云除僧羯磨事僧凡所斷事和合作已後悔譏訶突吉羅 若僧如法作一切羯磨已後訶言不可波逸提 除僧羯磨一切非羯磨事 謂不用單二白四羯磨法所辦之事也 眾僧和合共斷決之後更訶者若順法順

毘尼者波逸提 若雖見王制僧制不順毘尼者突吉羅 若僧作一切羯磨事作不如法當時力不能轉易故默然而不訶後言不可無犯 此戒大乘同學

第七十七屏聽諍後語戒

若比丘比丘共鬪諍已聽此語向彼說波逸提

**緣起**佛在舍衛國給孤獨園時諸比丘鬪諍六羣聽此語向彼說令僧未有諍事而

謹七

十二

有已有而不能滅諸比丘察知其故白佛結戒此是性罪由惱亂事不忍煩惱制斯學處

**釋義**律云鬪諍有四種言諍覓諍犯諍事諍聽此語向彼說者 謂於屏隱處竊聽他言求見過失而更相

通說今生忿競致小事始與而成大諍大諍既成而不能息也

**結罪**是中犯者若聽他諍語從道至道從道至非道從非道至道從高至下從下至高往而聞波逸提 不聞突吉羅 若方便欲去而不去 若共期去而不去一切

突吉羅 若二人共在闇地語或隱處語或在前行語當彈指若聲咳驚之若不爾者盡突吉羅 此戒具三緣方成本罪一知他比丘鬪諍二屏處往聽三聞說明了 **兼制**比丘尼波逸提 同制 式叉摩那沙彌 同學

沙彌尼突吉羅是爲犯

**隨開**不犯者若欲作非法非毘尼羯磨若爲增僧二師親友作損減無利益事欲得知之往聽及最初未制戒等是爲不犯

**會採**薩婆多論云往聽鬪諍犯者以能破

謹七

十三

佛法令僧爲二部是故制聽者犯所以在高下處聽犯者以諍事重故不同說戒布薩羯磨等也此中諍人及餘不諍人來聽及向人說不說皆犯

五分律云默聽餘四衆語突吉羅

十誦律云爲和合故往聽不犯

善見律云往去步步突吉羅 至聞處波

逸提 爲欲自改往聽不犯

僧祇律云二比丘在堂裏私語若比丘欲入應彈指動脚作聲若前人默然者應還

出若故語不止者入無罪 一比丘先在

堂內坐二比丘私語從外來先坐比丘應作聲若彼默然者堂內比丘應出前後行亦爾 若比丘共餘比丘鬪諍結恨作是罵詈我要當殺此惡人比丘聞已得語彼

好自警備我聞有惡聲 若有客比丘作

是言我等當盜某庫藏某增物某僧淨厨某人衣鉢知事人聞已默然應還僧中唱言諸大德某庫藏某增物某僧淨厨某人衣鉢當警備我聞惡聲使前知 若比丘

多有弟子日暮按行諸房知如法不若聞說世俗語不得便入訶責待自來已然後訶責言汝等信心出家食人信施應坐禪誦經云何論說世俗非法事此非出家隨順善法 若聞論經說義問難答對不得

便入讚歎待自來已然後讚美汝等能共  
論經說義講佛法事如世尊說比丘集時  
當行二法一者賢聖默然二者講論法義  
此戒大乘同制

### 第七十八瞋打比丘戒

若比丘瞋恚故不喜打比丘者波逸提

**緣起**佛在舍衛國給孤獨園六羣中有一  
比丘瞋恚打十七羣比丘其被打人高聲  
大喚諸比丘聞知嫌責白佛結戒由伴屬  
事不忍煩惱制斯學處乃初篇殺根本種  
類

**釋義**不喜者謂忿恚纏心律云打者若手

若石若杖僧祇律云打者若身身分身方

若脚若肘若膝若齒若爪甲是名身分身  
方便者若捉杖木瓦石等打若遮擲是名  
便

疏七

十

**結罪**是中犯者若以手石杖打比丘者一  
切波逸提除杖手石若餘戶闌曲鉤拂  
柄香爐柄捺者一切盡突吉羅此戒具  
三緣方成本罪一要有瞋恚心二自身行  
打三前人是比丘

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若有病須人椎打若食噎須

椎脊若共語不聞而觸令聞若睡時以身

委他上委者棄若來往經行時共相觸若

掃地時杖頭誤觸及最初未制戒等是為

不犯

**會採**薩婆多論云打得戒沙彌即學悔盲

瞎聾瘂波利婆沙摩那埤比丘盡波逸提

失雙目名盲失一目為瞎若先有如是病  
者攝十六輕遮中不得受比丘戒若已近

圓後有此病者仍是比丘如是之輩宜當憐愍可也

摩得勒伽云打三種人突吉羅謂賊住即

心入本不和合無師犯四棄夫本犯戒比丘性者若

以把沙把豆等物擲象比丘隨所著隨得

爾所波逸提 不著突吉羅

律攝云若持戒若破戒有苾芻相起苾芻

想或復生疑打者皆得墮罪 若非苾芻

作苾芻想疑或於柱壁或於餘事作掉亂

心而打拍者咸得惡作 不以瞋心為利

益事無犯

五分律云打餘三衆乃至畜生突吉羅

善見律云若欲心打女人僧殘罪

僧祇律云打尼偷蘭遮打三衆越毘尼罪

下至俗人越毘尼心悔 若惡象馬牛羊

猪狗等來不得打得捉杖木瓦石等打地

作恐怖相 若畜生來入塔寺觸突形像

壞華果樹亦得以杖木瓦石打地恐怖令

去

此戒大乘同制若以打報打者罪結輕垢

若無端起瞋及忿恨上品纏他人求悔而

不受懺者此則犯重其為菩薩應與一切

衆生樂豈反瞋打之

第七十九瞋搏比丘戒

若比丘瞋恚不喜以手搏比丘者波逸提搏音

搏

**緣起**佛在舍衛國給孤獨園六羣以手搏

十七羣其被搏人高聲大喚諸比丘聞問

其所以白佛結戒由伴屬事不忍煩惱制

斯學處乃初篇殺根本種類

**釋義**搏者搏也擬乃形像也謂舉手相向以現其打相而今他人恐怖也

前戒本心實欲打之打不着身不得本罪此戒心本無念直以掌擬擬便得本罪所以兩戒有異故別制之

**結罪**是中犯者瞋恚不喜以手搏比丘者

波逸提 除手已若戶闌拂柄香爐柄控

一切突吉羅 此戒具三緣方成本罪一

有瞋他心二前人是比丘三以手脚掌搏

及彼身

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若他欲打舉手遮若惡獸盜

賊來若持刺來舉手遮乃至一切不故作

及最初未制戒等是為不犯

**會採**十誦律云以手脚掌向他波逸提

舉餘身分向他突吉羅

五分律云手擬及波逸提 不及突吉羅

謹七

七

律攝云作打心而擬其手初舉時便得本

罪 若一舉手向多苾芻隨其多少准人

得罪 若與苾芻相瞋恨時應往詣彼求

其懺摩不應瞋心未歇往求辭謝彼亦不

得同師子行為堅硬心不相容恕若不肯

忍應遣智人方便和解速令諍息小者到

彼瞋苾芻邊至勢分時即應禮拜彼云無

病 若見苾芻鬪諍之時無朋黨心而為

揮解 俗人鬪處不應往看恐引為證故

如上所說不順行者咸得惡作

此戒大乘輕重如上

第八十無根僧殘瞋謗戒

若比丘瞋恚故以無根僧伽婆尸沙謗者波

逸提

**緣起**佛在舍衛國給孤獨園六羣瞋恚故

以無根僧殘謗十七羣諸比丘聞知白佛  
結戒此是性罪由同梵行事不忍煩惱制  
斯學處乃初篇妄根本種類

**釋義**律云根者有三謂見聞疑如十三事

**中釋**其間異者彼以四乘無根誹之此  
唯以十三事中一一事行謗也

**結罪**是中犯者說而了了者波逸提 不

了了者突吉羅 此戒具四緣方成本罪

一彼是比丘二自有瞋心三以無根僧殘

謗四說而了了

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者見聞疑根若說其實欲令改

悔而不誹謗若戲笑語獨語夢中語欲說

此錯說彼及最初未制戒等是為不犯

**會採**僧祇律云謗比丘波逸提 謗比丘

謹七

十八

尼偷蘭遮此偷蘭經  
於波逸提謗餘三衆越毘尼

謗俗人越毘尼心悔  
此戒大乘同制向同法者說犯輕若向外

人說法重

### 第八十一 輒入宮闈戒

若比丘剎利水澆頭王種王未出未藏寶而

入若過宮門闈者波逸提

**緣起**佛在舍衛國給孤獨園時末利夫人

禮佛聞法得果證已勸喻波斯匿王令得

信樂聽諸比丘入出宮闈無有障礙迦留

陀夷乞食次入王宮時王與夫人晝日共

卧夫人遙見彼來即起披衣以所披衣拂

座令坐夫人失衣露形慚愧而蹲尊者還

僧伽藍語諸比丘波斯匿王第一寶者我

今悉見諸比丘詰知嫌責尊者白佛結戒

由詣王宮並譏染煩惱制斯學處 律攝云

有緣須詣摩利迦夫人所侵早入宮

**釋義**若比丘下明所行之處若過下結成

所犯之罪律云刹利水澆頭王種者王紹位時取四大海水取白牛右角收拾一切

種子盛滿中置金輦上使諸小王與王與第一夫人共坐輦上大婆羅門以水灌王

頂若是刹利種水灌頂上作如是立王故名為刹利王水灌頂種 刹利此云田主是劫初時有德之人

眾立彼為象處分田土以其尊貴自在故相承以為姓也若是婆羅門

種毘舍首陀羅種以水灌頂作如是立王亦名為刹利王水澆頭種未出者王未出

姝女未還本處未藏寶者金銀真珠碑碼碼水精瑠璃貝玉一切眾寶瓔珞而未

藏舉 十誦律云詣夫人次第直宿於王時末利夫人下著珠網衣上著磨貝衣

內身外露現如共王宿時即著是衣未藏寶者未藏此莊嚴具 薩婆多論云王已出外夫人未起其進御時所著寶衣輕明照徹內身外現以發欲意未藏此衣名未藏寶又女為男寶夫人未以餘衣覆身亦名未藏寶 五分律云寶者所重之物及諸女色皆名為寶

**結罪**是中犯者王未出寶未藏若過門闕

者波逸提 若一足在外一足在內發意

欲去若共期而不去者一切突吉羅

除王刹利種若入餘粟散小王豪貴長者

家過門闕者一切突吉羅 此戒具四緣

方成本罪一必是大王宮二王未出寶未

藏三須是內宮門四兩脚入內

**兼制**比丘尼波逸提 同制式又摩那沙彌

沙彌尼突吉羅是為犯

**隨開**不犯者若王已出若姝女還本處所

有珍寶已舉藏若有所奏白若被請喚若



為勢力所執去若命難梵行難及最初未制戒等是為不犯

**會採律攝**云門閭有其三種一城門閭二

王家門閭三內宮門閭入初二門得惡作

罪 入內宮門使得墮罪 閭者門板也謂門兩旁挾門之

短限也此與閭義同也

此戒大乘同制末世尤所當慎設令喚請

亦不應輒入若具大神通威德不犯

**附考**根本律云入王宮者有十種過失一

者王與夫人在一處住苾芻入時夫人便

笑王即生疑豈非苾芻於私屏處行鄙惡

事若不爾者何因見笑或可有心將為惡

事 二者苾芻入宮夫人有娠王生是念

豈非苾芻共為惡行令其有娠 三者苾

芻入宮王失珍寶及諸寶類王作是念豈

非苾芻偷竊我物 四者王有密語聞徹

於外王作是念豈非苾芻傳通密語 五

者苾芻入宮王瞋太子遷移職位太子念

曰豈非苾芻於王讒構令我今時致此憂

感 六者苾芻入宮太子於父為不義事

諸人聞已豈非苾芻傳通密語令失孝義

七者苾芻入宮王之所重尊勝大臣被

黜職位便作是念豈非苾芻於王讒說令

我墮在不如意處 八者卑位大臣王與

重賞諸人議曰豈非苾芻為其薦達 九

者王數出師征伐餘國人皆議曰豈非苾

芻共王論說數令我等征伐疲勞 十者

苾芻入宮王出征伐告戰士曰其所得者

悉皆自屬後既平珍王便却奪諸人議曰

此是苾芻教王奪我佛告諸苾芻以此因

緣不應輒入宮內或令四兵不得安隱此非苾芻之所應作

第八十二捉寶物戒

若比丘若寶及寶莊飾自捉若教人捉除僧伽藍中及寄宿處波逸提若比丘在僧伽藍中若寄宿處捉寶若以寶莊飾自捉教人捉當作是意若有主識者當取作如是因緣非餘

**緣起**此戒有三制佛在舍衛國給孤獨園有外道弟子在路行止息道邊忘千金囊而去時有衆多比丘後來亦於道邊止息見此金囊自相謂言爲且持去若有主識者當還彼行數里乃憶疾還即出囊與之彼反謂少徃啓波斯匿王王審知其僞即稅其家財並金入官有樂學戒慚愧者聞

知嫌責諸比丘云何自手捉金銀使居士爲官治罪并稅家財因是白佛此初結戒也時毘舍佉母入祇桓精舍脫身瓔珞置於樹下徃禮世尊佛爲說法心存於法忘取還家比丘見已畏恐犯戒不取白佛佛聽在僧伽藍內見有遺物爲不失故當取舉之復加除僧伽藍中之語此第二結戒也又衆多比丘途路行次至一無住處村寄宿巧師空舍時彼巧師有已成未成金銀置舍而去諸比丘爲守護故竟夜不眠諸比丘以此因緣具白世尊佛聽在他家止宿時若屋中有物爲不失故應收舉復加及寄宿處之語乃第三結戒也此是遮罪由珍寶事止貪煩惱制斯學處

**釋義**文分二節若比丘下明其創制除僧

伽藍等明其隨開律云寶者金銀真珠琥

珀碑礪碼磁瑠璃貝玉生像金寶莊飾者

銅鐵鉛錫白鐵以諸寶莊飾也根本律云實類者謂

諸兵器弓刀之屬僧伽藍者此言衆園如

及音樂鼓笛之流院是順此方之稱乃舍宅庭館之名今

稱僧住處為寺者寺亦此方公院之名諸

漢所止之處昔西僧初來權止鴻臚寺後

造白馬精舍而請居之居止雖遷以不忘

其本還標寺號自寄宿處者謂寓宿白當

此以來皆稱曰寺正明隨開之義謂在僧寺中

作是念等者及寄宿處雖聽自捉教人捉

金銀七寶必先存其念素無貪愛之心

若有主來識認者我便與之然後當取也

作如是因緣非餘者謂除如是作念還生

也捉

**結罪**是中犯者若自捉教人捉波逸提

三七

三三

若在僧寺中若在俗舍內若寶若寶莊飾

自捉若教人捉當識囊器相識裏相識繫

相應解囊器看知幾連綴幾未連綴幾方

幾圓幾故幾新若有求索者應問汝物何

似若相應應還若不相應語言我不見如

是物若二人俱來索亦如是問答若二人

語俱相應應持物著前語言是汝等物各

取若不爾者一切突吉羅 此戒具三緣

方成本罪一是真七寶及寶莊嚴具二無

開緣三自捉教他捉

**兼制**比丘尼波逸提同制式又摩那沙彌

沙彌尼突吉羅是為犯

**隨開**不犯者若是供養塔寺莊嚴具為堅

牢故收舉乃至最初未制戒等是為不犯

**會採**根本律云若自手使人捉諸寶物已

磨治者皆得墮罪未磨治者皆得惡作乃

至捉假瑠璃亦惡作 若捉嚴身瓔珞之

具皆得墮罪乃至麥苳結為鬘者捉亦惡

作 若捉琵琶等諸雜樂具有絃柱者便得墮罪乃至竹筒作一絃琴執亦惡作

若諸螺貝是堪吹者捉得墮罪不堪吹者亦得惡作諸鼓樂具堪與不堪得罪輕重亦同 若執弓時有絃潛者便得墮罪無

者惡作 若刀有刃箭有鏃頭皆得本罪

異斯惡作

十誦律云捉偽珠突吉羅 若人間金銀

寶地牀座比丘不應行坐用天上金銀寶

地牀座比丘應坐用

根本雜事云不應於寶器中食或往天上

或至龍宮無餘雜器者設金寶器亦應取

用 若果證無漏方能天上海中隨意赴供

以其無餘雜器故開若在人間器多磁瓦是故全遮縱得無漏真聖必

須遵守佛制以凡聖同軌故 律攝云若月光珠及日光珠為出水火觸

註

下

亦無犯

此戒大乘為衆生故不問處所但約機緣

**引證**律攝云佛在鷲峰入城乞食遇大雨

水蕩崖崩有伏藏現告阿難陀汝應觀此

是大害毒阿難言實是可畏毒有一採根

果人聞而往觀見是伏藏念言願此害毒

恒罄於我父母妻子眷屬亦不辭痛遂盡

持歸隨意受用未生怨王見其富盛遣使

往問汝於何處得王伏藏報言不得捉以

送王王自問之亦云不得王即准法繫其

眷屬將付屠人彼人悲泣隨屠者去高聲

大喚阿難陀此是害毒此是害毒將刑有

言法須返奏王便喚返問之彼人具答昔

緣王時初信佛法不覺流淚告曰汝緣世

尊獲斯珍寶罪雖合死我今釋汝并及眷

屬應將此物供養佛僧既蒙釋免遂辦上  
供奉請佛僧爲說法便獲初果緣此不  
聽比丘捉寶

**附考**律攝云若於寺外見他物時以葉草  
等蓋覆令密不應以此爲輕棄心無主來

謹七

三五

索收歸住處私自舉掌經七八日無人索  
者收貯僧庫經五六月又無索者應供僧  
伽買堅牢器具若後主索應勸諭彼令施  
僧伽若不肯施應酬本直若索利者應告  
之曰由佛制戒還汝本物更索其利是所  
不應

僧祇律云比丘見寶物若無人識者應停  
至三月已若墮園中得者即作墮用若僧  
園中得者當作四方僧用若來索者問答  
相應應集衆人出寶示言長壽此是汝物

不若言是應教言汝歸依佛法僧若世尊  
不制戒者汝眼見猶不可得若云更有餘  
物應言長壽我止得此更不見餘汝是惡  
人汝但得此已爲過多云何方便妄索餘  
物謗人若世尊不制戒者汝尚不能見此  
物而況得耶若如是猶復不了者應將至  
優婆塞邊語言我本止得此物盡以還歸  
而今方見誣謗爾時優婆塞應罵言子汝  
得此物已爲過多而今反謗比丘汝但去  
我當與汝作對斷理此事若是貴重寶物  
無人來索者至三年如上隨所得處當界  
用之 若故壞僧房墮院欲更修治掘地  
得寶藏者淨人不可信應白王王若須應  
與若施應用設已用王知索者應乞墮物  
僧物還若有淨人可信者得取停至三年

已用作塔事僧事如上 若寶藏上有鐵券姓名亦應如實答作新僧房得物亦爾善見律云若寺內得遺寶為掌護故若去時應付與知法畏罪者囑言有主來索當還若久無主得僧舍用後主來索應將示謹七僧房言此是檀越物若不允施欲得木者應語信心居士及廣教化之

第八十三非時入聚落戒

若比丘非時入聚落不囑比丘者波逸提

**緣起**此戒二制佛在舍衛國給孤獨園時

跋難陀非時入村與諸居士共擣蒲購戲也

居士不勝以慳嫉故便言比丘晨朝入村

為乞食故非時入村為何事耶諸比丘聞

嫌責跋難陀具白世尊此初結戒也復因

比丘中或有僧事塔寺事或瞻病事等佛

聽有事緣囑授已入聚落故加不囑比丘之語此第二結戒也由入村事招俗譏謗制斯學處

**釋義**律云時者從明相出至中非時者從

中後至明相未出律攝云非時有二種分齊一過午二明相未出

聚落者有四種村如上不囑比丘者謂不知

餘比丘也若有僧事塔寺瞻病等事當囑授餘

比丘而去若獨處一房當囑授比丘房應作

如是囑至一比丘所具儀云大德一心念

我某甲比丘非時入聚落至某城邑聚落

某甲舍前人答言可爾謹七

**結罪**是中犯者若非時入村不囑授動足

初入村門波逸提 一足在門內一足在

門外方便欲去而不去若期不去一切突

吉羅 此戒具四緣方成本罪一心存放

逸二時已過午三無緣不白四已入聚落

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若道由村過若有所啓白若

為喚若受請若為勢力所執或被繫縛將

去或命難梵行難及最初未制戒等是為

不犯

**會採**十誦律云餘比丘者謂眼所見諸凡

應與前人面對方若白已入聚落還所住

處即已先白復至聚落波逸提 若不白

入聚落隨所經過大小巷隨得爾所突吉

羅 隨入白衣家一一波逸提

若八難中一一難起不犯

薩婆多論云若寺在聚落外不白出寺至

城門犯突吉羅

僧祇律云若二比丘在阿練若住欲行展

轉相告若一人說已行後人復欲行應白

餘比丘若無餘比丘應作是念若道中若

門若聚落邊見比丘當白白已然後入

摩得勒伽云若無比丘應白比丘尼式叉

摩那沙彌沙彌尼此謂或過尼三衆白之

律攝云若無苾芻囑餘俗人者無犯謂寺

也人

此戒大乘同學

第八十四作高牀戒

若比丘作繩牀木牀足應高如來八指除入

陛孔上截竟若過者波逸提

**緣起**佛在舍衛國給孤獨園時迦留陀夷

預知世尊必從此道來即於道中敷高好

牀座請佛觀看佛集諸比丘告云此癡人

內懷弊惡敷高廣大牀但自為已訶責迦留陀夷與眾結戒由臥具事憍恣煩惱制斯學處

**釋義**律云牀者有五種旋脚牀直脚牀曲

脚牀插脚牀無脚牀如來八指者薩婆多論云八

指者如來一指二寸也除入陞孔上者謂除牀脚上

八指截竟者謂量過八指應須若過者謂

過八指即非應制也

**結罪**是中犯者自作教人作成者盡波逸

提 自作教人不成盡突吉羅 此戒具

三緣方成本罪一慢敖憍恣二過量愛好

三作牀已成

**兼制**比丘尼波逸提同制式叉摩那沙彌

沙彌尼突吉羅是為犯

**隨開**不犯者若足高八指若減八指若他

雜七

云九

施已成者截而用之若脫却脚及最初未制戒等是為不犯

第三分云除寶牀餘在白衣舍應坐西域國風

無諸椅櫪唯以小牀於上跌坐牀言寶者乃王及大臣長者所用

**會採**十誦律云應截已悔過若未截僧應

敕令截不敕不聽皆突吉羅

五分律云得高牀施應作是念此牀不如

法我當更截不作是念受波逸提

僧祇律云若自作終日坐上一波逸提

起已還坐一一波逸提 他牀而坐上越

毘尼罪 若客比丘來次第付得過量牀

應語知事言借我鋸來問作何等答言此

牀過量欲截如法若言莫截檀越見或不

喜若不入住鑿地埋脚齊量止若久住應

齊埋處木筒盛脚勿使壞 若檀越家坐



牀脚高不得懸脚坐應索承機或索磚木

承足若福德舍中牀高坐者無犯福德舍即施一

食處此以護他心故爾隨開也

薩婆多論云此所以不入捨墮者以截斷

故截使應量入僧中海

此戒大乘同學

### 第八十五兜羅綿貯禱戒

若比丘作兜羅綿貯繩牀木牀大小禱成者

波逸提

**緣起**佛在舍衛國祇桓精舍時六羣作兜

羅綿貯繩木牀大小禱諸居士見譏謂無

慈心斷眾生命亦如王臣諸比丘聞白佛

結戒亦由臥具事憍恣煩惱制斯學處

**釋義律**云兜羅綿者白楊樹華楊柳樹華

蒲臺華兜羅綿或云妬羅綿妬羅是樹名綿從樹生因而立稱如云柳絮也

薩婆多論云兜羅綿者是草木華綿貯之總名也所以本律以白楊華等釋之

律攝云謂於牀上散布其大禱者為坐

者綿便用布禱隨時掩覆

臥故小禱者為坐故薩婆多論云兜羅綿是以是貴人所畜故人

所嫌故喜生虫故又若卧軟暖上後得寒及粗硬不堪忍故所以制之不聽

**結罪**是中犯者若自作教他作成者盡波

逸提 自他作不成盡突吉羅 若為他

作成不成一切突吉羅 此戒具四緣方

成本罪一有憍貪慢教心二是兜羅綿三

自他作貯已成

**兼制**比丘尼波逸提同制式义摩那沙彌

沙彌尼突吉羅是為犯維七

**隨開**不犯者若鳩羅耶草文若草娑婆草

若以毳劫貝碎弊物若用作支肩物及最

初未制戒等是為不犯

**會採**五分律云若坐坐波逸提 若臥

臥臥波逸提 若他與受波逸提要先棄

然後悔過若不爾罪亦深

十誦律云摘破却之然後悔過若未破僧

應敕令破

根本律云若僧私牀座以木綿等散貯者

皆得墮罪謹七 絮應撤去罪應說悔對說罪

者應可問言絮撤去未若不問者得惡作

罪

僧祇律云若貯枕枕頭支足越毘尼罪

若病無罪

此戒大乘同學

毘尼止持會集卷第十七

音義

掙音質 掙也謂闕音域 闕也謂門下

音蛤音 輦音 輦也謂人步行曰輦音 輿音 輿也謂出

飛斤 蕙音 蕙也 蕙音諱弓 鏃音 鏃今為箭鏃也 白

楊樹華 白木似楊故名白楊其青楊葉長

赤楊霜降則葉赤材理亦 楊柳華 是垂條

赤黃楊木性堅難長 楊柳華 細柳也

本草云直木高丈餘許秋萍春榮初生有

黃葉香是華華漸乾絮方出謂之柳絮人

飛取之以為綢絮之下有黑子隨絮而

飛得木淵處便生飛入池沼於陰暗處即

為浮萍人常以器盛水置絮其中數日復

之即成多積亦可以捍作氈以代羊毛也

極柔輕清涼之甚宜與 蒲臺華 或云蒲梨

小兒臥加以性涼也 蒲臺華 華蒲應作

蒲臺應作臺 禪音 禪音單衣 鳩羅那草 未見

是夫須草也 禪音 禪音單衣 鳩羅那草 未見

若草 十誦律云文闍草五分 娑婆草 或云

草此草甚柔 支肩 支猶 娑婆

頓翻云臍 支肩 支猶 娑婆

毘尼止持會集卷第十八

謹八

清金陵寶華山弘律沙門讀體集

第八十六作骨牙角鍼筒戒

若比丘作骨牙角鍼筒刮成者波逸提

**緣起**佛在羅閱城靈鷲山中時有信樂工

師為比丘作骨牙角鍼筒以是故廢家事

業財物竭盡無復衣食世人譏其求福得

殃有慚愧比丘聞知白佛結戒由鍼筒事

譏嫌煩惱制斯學處

**釋義**作者若自作若骨牙角者僧祇律云

牛駝龍骨等牙者象魚豬骨者象馬鍼筒者是比丘

牙等角者牛犀鹿羊角等六物中

之一也有二種作一筒形二合形若用上

三種作此二形皆不聽律攝云鍼筒有

二種應畜一革二鐵復有四種謂

應畜謂銅鐵鉛石及以赤銅謂 剗刮者謂

剗其外以塗其表也

**結罪**是中犯者自作教他成者盡波逸提

若自若教他作作而不成盡突吉羅

此戒具三緣方成本罪一有貪愛心二是

骨牙角三作成受用

**兼制**比丘尼突吉羅同制式义摩那沙彌

沙彌尼突吉羅是為犯

**隨開**不犯者用鐵銅鉛錫白鐵竹木葦草

作及最初未制戒等是為不犯

**會採**十誦律云應破已悔過若未破會應

敕令破

根本律云應打碎其罪說悔其所對之人

應問云爾鍼筒打碎未若不問者得惡作

罪

薩婆多論云以是小物故所以不入三十

事又應破故若還主主不受若與他則生

惱施僧則非法惟毀棄也

此戒大乘同學

**附考**律攝云畜鍼筒者應密藏舉若無慙

愧苾芻及未具人借不應與能善愛護者

應與貯畜鍼刀恐鐵生垢應以蠟布裹之

謂多蠟  
我布帛

第八十七過量作坐具戒

若比丘作尼師壇當應量作是中量者長佛

二磔手廣一磔手半更增廣長各半磔手若

過截竟波逸提

**緣起**此戒有二制佛在舍衛國給孤獨園

安行僧房見眾僧臥具敷在露地不淨所

污諸比丘受供還園世尊以此因緣集僧

告眾而訶責云當知此污是有欲人是瞋

恚人是癡人非是無欲無瞋癡人若比丘

念不散亂而睡眠無有是事沉阿羅漢自

二

今已去聽諸比丘為障身障衣障臥具故

作尼師壇六羣便廣大作有慚愧者見知

白佛此初結戒也時迦留陀夷體大尼師

壇小不能坐向佛所從來道邊以手挽尼

師壇欲令廣大佛知而故問乃聽更益廣

長各半磔手此第二結戒也由臥具事制

斯學處

**釋義**文分三節若比丘下明其創制更增

下明其隨開若過者結成所犯尼師壇者

亦云尼師但那唐言敷具或云隨坐衣又

云觀足衣謂坐臥時敷於坐臥之上隨坐

隨臥無令垢穢汚於臥具所以制意本為

障身障衣障臥具故事鈔云為身者恐

坐地上有所損故次為衣者恐無所替三

衣易壞故為臥具者恐身不淨污僧牀褥

故量者是所制數量以長佛二磔手廣一

磔手半佛一磔手唐尺一尺六寸謂長更

增廣長各半磔手者半磔手八寸也謂廣

長正量之外各增益

八寸此則長量有四尺廣量  
有三尺二寸足堪坐臥也  
而作當令截却如  
量罪應求悔也  
截竟者謂不依量

**結罪**是中犯者若長中過量廣中不過廣  
中過量長中不過廣長俱過量自作若教  
他使作成者盡波逸提 作不成者盡突

吉羅 此戒具三緣方成本罪一心貪廣

長二故慢聖制三作已成

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者應量作減量作若從他得已

成者截割如量若疊作兩重及最初未制

戒等是為不犯

會採十誦律云應截斷已悔過若未截僧

應教令截

僧祇律云若過量者截已波逸提悔過不

截而悔越毘尼罪此不截而悔罪治不教不聽  
此戒大乘同學

**附考**根本羯磨云時有苾芻以雜色物作  
尼師但那守持長留縷續縷音衛織餘也時婆羅

門及諸俗侶便生譏笑佛言凡為坐具應  
作兩重染令壞色

第三分云必須截斷縫刺為葉四邊帖綠  
律攝云尼師但那應兩重作疊為三分在

下一分應截斷作葉與三衣葉同所以南山錯裁  
隊具天人指受  
謹八

十誦律云新者二重故者四重不應受單  
尼師壇先受者不應捨

僧祇律云聽兩重作不得趣爾厭課持小  
故氎覆課者試也謂厭用也及疊量縮量水濕量欲

令乾已長大 若用欽婆羅一重作劫貝

二重作此是隨坐衣不得作三衣不得淨  
施取薪草感雜物唯得敷坐若道路行得  
長疊著衣囊上肩上擔至坐處取坐之若  
置本處當中掩之欲坐徐舒先手按後方  
坐 義淨師注云此中制意者尼師但那

本為觀替臥具恐有所損不擬餘用然其  
大量與自身等頂上餘有一磔手在斯乃  
正與臥具相當若其量小不堪替臥 又  
按諸部多云長中增一磔手唯本律文云  
更增廣長各半磔今故贅之俾曉  
根本律云長中更增一張手

十誦律云縷邊益一磔手  
薩婆多論云聽益縷際者謂從織邊唯於  
一頭更益一磔

五分律云續方一磔手謂截作三分續長

謹八

五

頭餘一分帖四角不帖則已

僧祇律云益磔者二重三重對頭却刺

第八十八過量作覆瘡衣戒

若比丘作覆瘡衣當應量作是中量者長佛  
四磔手廣二磔手截竟過者波逸提

**緣起**佛在舍衛國給孤獨園時諸比丘患

種種瘡膿血汚身汚衣汚臥具佛聽畜覆  
瘡衣所作衣麤多毛著瘡舉衣患痛白佛  
復聽以大價細軟衣覆瘡上後著衣裙若  
至白衣家請坐時應語言我有患若言但  
坐當褰上涅槃僧以此衣覆瘡而坐時六  
羣聞已便多作廣長覆瘡衣諸比丘見知  
白佛結戒由過量而作制斯學處  
釋義文分二節若比丘下明制衣量截竟  
等結成所犯律云覆瘡衣者有種種瘡病

持用覆身長佛四磔手者謂長量六尺四寸廣二

磔手者謂廣量三尺二寸截竟等如上

**結罪**是中犯者若長中應量廣中不應量長中不應量廣中應量若廣長俱不應量自作教人作成者盡波逸提 若不成盡

突吉羅 若為人作成不成盡突吉羅

此戒具三緣方成本罪一有貪慢心二過量作成三自他作竟

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者應量減量作若從他得裁割如量若疊作兩重及最初未制戒等是為不犯

**會採**僧祇律云此覆瘡衣是隨身衣不得作三衣及淨施乃至雜用瘡癢已得作三

衣及淨施餘用

十誦律云乃至瘡癢後十日若過是畜波

逸提此恐譯筆之誤應同長衣犯捨墮應截斷悔過若未

截僧應教令截

僧祇律云若過量截已悔過不截而悔越

毘尼罪不裁亦兼能所

此戒大乘同學

**附考**按根本部令如法受持既受持已則

無長衣之過向一如法苾芻所具儀言云

大德一心念我苾芻某甲此覆瘡衣應

量作今受持三說彼應報言爾答云善此

則十誦筆誤可知

第八十九過量作兩浴衣戒

若比丘作兩浴衣當應量作是中量者長佛

六磔手廣二磔手半過者截竟波逸提

**緣起**佛在舍衛國給孤獨園時六羣比丘聞毘舍佉母請願佛聽諸比丘作兩浴衣輒多作廣大兩浴衣有樂學戒者嫌責白佛結戒由雨衣過量制斯學處

**釋義律**云兩浴衣者諸比丘著在雨中洗浴用覆身故長佛六磔手者謂長量九廣尺六寸廣

二磔手半者廣量四尺截竟如上

結罪是中犯者若長中不應量廣中應量長中應量廣中不應量若廣長俱不應量自作教他作成者盡波逸提 不成者盡

突吉羅 若為人作成不成盡突吉羅

此戒具三緣方成本罪一是兩浴衣二故

過量作三作已成

**兼制**比丘尼突吉羅尼無兩浴衣按尼律中唯聽畜浴衣若過

量犯波逸提式叉摩那沙彌沙彌尼突吉羅是

為犯

**隨開**不犯者應量減量作若從他得裁割如量若疊作兩重及最初未制戒等是為不犯

**會採**十誦律云應截斷已悔過若未割截

僧應敕令割截

僧祇律云不截而悔越毘尼罪

此戒大乘同學

第九十等佛衣量戒

若比丘與如來等量作衣或過量作者波逸

提是中如來衣量者長佛十磔手廣六磔手

是謂如來衣量

**緣起**佛在釋翅搜尼拘類園尊者難陀此

佛弟難陀短佛四指諸比丘遙見來皆謂是佛

即起奉迎至乃知之彼此俱懷慙愧佛聽



難陀著黑色衣以別之謂以黑泥染成壞

佛衣色如金結施加毛毳色亦爾薩婆多論云

故難陀宜當覆沙覆沙此翻壞色時六羣

與如來等量作衣或過量作諸比丘嫌責

白佛結戒根本律云鄒波難陀作大支袋

上諸諸任處因招譏過制斯學處此由

身小衣大不相應故所以半披半聚肩上

釋義文分二節若比丘下明其所犯是中

下正明衣量律云衣者有十種如上如來

者是佛十號之首謂凡夫來而不如聲聞

如而不來唯世尊來而能如如而能來

有異凡夫長佛十磔手准

聲聞也如來衣量等者今一丈六尺廣

六磔手有九尺六寸寬薩婆多論云佛

衣量佛身丈六常人半之衣量廣長皆應

結罪是中犯者若比丘等如來衣量長中

不應量廣中應量廣中不應量長中應量

若廣長中俱不應量自作教他作成者盡

波逸提 自他作不成盡突吉羅 若為

他作成不成盡突吉羅 此戒具三緣方

成本罪一有慢教心二貪廣長三過量作

成

兼制比丘尼突吉羅同制式叉摩那沙彌

沙彌尼突吉羅是為犯

隨開不犯者若從他得作成衣當截割如

量若不割截疊作兩重及最初未制戒等

是為不犯

會採十誦律云應截已悔過若未截僧應

敕令截謹八

僧祇律云若不截而悔過越毘尼罪九

此戒大乘同學

附考僧祇律云當隨自身量僧伽梨有三

種上者長五肘廣三肘肘者從臂節腕至

尺八寸 中者長五肘一不舒手舒指尖為一肘中

一肘奉手也 廣三肘一不舒手 下者長四肘

半廣三肘一不舒手 鬱多羅僧亦復如

是 安陀會上中二種亦爾下者長四肘

半廣二肘一不舒手

律攝云總有三品僧伽服衣上者用自肘

量豎三橫五下者各減半肘二內名中七

條五條亦有三品並同此量 復有二種

五條衣豎二橫五豎二橫四但蓋三輪是

謂守持衣極之小量 謂上但蓋膝下掩兩膝若肘長者則與此

相當如臂短者不及於膝宜依肘長為準 若身長大而肘短者

依身為量不依肘量若翻此者亦依身量

五分律云肘量長短不定佛令隨身分量

本律云度身而衣 五九十波逸提法竟

六波羅提提舍尼法有四條然此皆由貪

故而長貪感壞他信敬故佛禁之波羅提

提舍尼者此無正翻事鈔准義翻云向彼

悔然一切罪皆應向他說悔何故此中獨

名向彼悔

根本律攝云謂於住處現有苾芻皆須一

別對陳說不同餘罪故受別名又犯罪

已即須陳說不得停息亦異餘罪

按僧祇十誦及本部此罪應向一人邊一

說發露悔過罪便得除也

經云犯波羅提提舍尼如三十三天壽千

歲墮泥犁中 人間一百年 於人間數三千

六百萬歲此泥犁即黑繩地獄謂以熱鐵

繩絝量肢體後方斬鋸故

第一受非親里尼食戒

若比丘入村中從非親里比丘尼若無病自

手取食食者是比丘應向餘比丘悔過言大

德我犯可訶法所不應為我今向大德悔過  
是法名悔過法

**緣起**此戒有二制佛在舍衛國給孤獨園  
時世穀貴人民饑餓乞求難得蓮華色凡  
丘尼初日乞所得食持與比丘二日三日  
亦如是復持鉢入城乞食路逢長者乘車  
觀王從者驅人尼因避道墮深泥中而掩  
地而臥長者慈愍敕人扶出問知其故乃  
嫌責比丘不知義讓即請尼還家浣衣供  
食語言自今已去可常在我家食勿復餘  
去若外有所得者隨意與人諸比丘聞知  
白佛世尊集十句義初為僧結戒也時諸  
比丘皆有疑不敢取親里尼食復有諸病  
比丘不敢受非親里尼食佛皆聽之故有  
非親里及無病自手取食之語此第二結

謹八

十一

戒也由苾芻尼事譏嫌煩惱制斯學處乃  
初篇殺根本種類

**釋義**文分二節若比丘下明所犯之事是  
比丘下明悔過之法入村中者言村中揀  
非村外空  
處村有四  
種如上明非親里比丘尼者親里如上尼  
既非親則不

應向彼無病自手受食者  
僧祇律云病  
求索  
者不謂小病謂疥癩黃爛疥瘡癰腫人所  
惡賤  
與謂是自手或持器從他  
受取二五食以吞咽也  
是比丘者  
即犯  
餘比丘者  
謂善受具足  
可訶法者  
謂所  
善是佛遮止既違  
所制理應訶責也  
所不應為者  
謂非知足  
慙愧比丘  
為也  
今向大德悔過者  
謂不敢隱覆自言  
以雪其所犯也  
是法名悔過法者  
此句結歸篇聚之名令  
知所持  
善見律云此  
戒體無罪名一  
人邊一說悔過

**結罪**是中犯者若不病而自手受如是食  
食咽咽波羅提提舍尼 此戒具五緣方

成本罪一尼非親里二非親尼想疑三自

身無病四村中自取五隨食入咽

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者受親里尼食若有病若置地

與若使人授與若在僧伽藍中若在村外

在村外聽者由犯緣於城中發起也若在比丘尼寺內與及

最初未制戒等是為不犯

**會採**五分律云若比丘在村外尼在村內

若比丘在村內尼在村外 若比丘在空

尼在地若尼在空比丘在地皆突吉羅

薩婆多論云若一時取十五種食一波羅

提提舍尼 若一一取十五波羅提提舍

尼 十五種食謂五正食非五正食及麥粟稻麻菽未作麩飯餅薑名五似食

律攝云實非親尼作親尼想及疑皆得本

蓮八

十三

罪 親作非親想及疑皆得突吉羅 於

親作非親想無犯

此戒大乘不問親里非親但觀可受不可

受然在未法世更宜與尼踈絕為善

第二不止尼代索食戒

若比丘至白衣家內食是中有比丘尼指示

與某甲羹與某甲飯比丘應語彼比丘尼如

是言大姊且止須比丘食竟若無一比丘語

彼比丘尼如是言大姊且止須比丘食竟者

是比丘應悔過言大德我犯可訶法所不應

為我今向諸大德悔過是法名悔過法

**緣起**佛在舍衛國給孤獨園有眾多比丘

與六羣在白衣家內共座食時六羣尼與

六羣索羹飯語言與此羹與此飯而捨中

聞不與乃越次與諸比丘聞中有少欲者

嫌責六羣白佛結戒由飲食事譏嫌煩惱  
制斯學處乃初篇妄根本種類

**釋義**文分三節若比丘下明受食之儀若

無一比丘下明所犯之事是比丘下明悔  
過之法指示者謂處分其事也與者謂非平等行食乃越次偏

與羹飯者顯非粗食也大姊且止者律制比丘女兄曰姊

無一比丘等者謂現前大眾中乃至無一人若

丘即得謂是食比丘應向諸大德悔過者對現前眾比丘

**結罪**是中犯者若無一比丘訶止而食者

咽咽波羅提提舍尼 此戒具四緣方成

本罪一是白衣家二比丘尼指示三不遮

令止四受食入咽

兼制比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者若語言且止若比丘尼自為

檀越若檀越設食令比丘尼處分若不偏  
為與此置彼及初未制戒等是為不犯

**會採**僧祇律云語言大姊小止須諸比丘

食竟若止者善若不止者若二若三語若

不語受者越毘尼罪 食犯悔過法

薩婆多論云若二部僧共坐一部僧中若

有一人語是比丘尼者第二部僧亦名為

語 若別入別坐別食別出者是中入檀

越門比丘應問出比丘何比丘尼是中教

檀越與比丘食若言某應問約敕未答言

已約敕是入比丘亦名約敕 有諸比丘

出城門時有比丘入者應問出者若出未

約敕入者應約敕若出約敕入者亦名約

敕

五分律云若式叉摩那沙彌尼教益食不  
語言小却者突吉羅

此戒大乘同學

**附考**按本部及僧祇部若眾中無一比丘

謹八

十四

訶止一切比丘食者皆得罪而僧祇惟令  
向一人悔過准義須知若食者是下座應  
依本部若食者是上座當如僧祇

第三學家受食戒

若先作學家羯磨若比丘於如是學家先不  
請無病自手受食食是比丘應向餘比丘悔  
過言我犯可訶法所不應為我今向大德悔  
過是法名悔過法

**緣起**此戒有二制佛在羅閱城耆闍崛山  
中有居士家夫婦俱得信樂為佛弟子然

諸佛見諦弟子常法於諸比丘乃至身肉

無所愛惜常與供養遂貧窮衣食乏盡比

居諸人皆云家先大富從供養沙門釋子

已來貧窮乃爾有少欲慚愧比丘聞知白

佛佛聽僧與居士作學家白二羯磨此羯磨法

於作持故制云若比丘知是學家與作羯

磨竟而在其家受飲食食當向餘比丘悔

過此初結戒也於是比丘中先受學家請

皆有疑不敢徃復有病比丘有疑不敢受

學家請佛俱聽之故加先不受請無病自

謹八

十五

手受食之語此第二結戒也由乞食事譏

嫌煩惱制斯學處乃初篇盜根本種類

**釋義**文分二節若先作學家羯磨下明所

犯之事是比丘下明悔過之法學家者律

云謂預流果一來果不還果以其初二  
三果或滿未盡還須學斷故名為學家乃

四姓之家惟此學人處在居家而獲果證  
若阿羅漢名無學人必要遠離欲愛盡諸  
有漏方證四果非謂彼夫婦俱證  
處居家而能獲也聖果於三寶中  
無所慳惜家事貧乏僧乃為作遮護法不  
至其家而受飲食不同治罪遮不至白衣  
家法也謂僧已作羯磨之學家也  
如是學家者謂僧已作羯磨之學家也  
先不受請  
無病者謂雖與作羯磨而彼未請亦非有病則無開緣也

**結罪**是中犯者先不受請又無病於如是

學家中自手受飲食者咽咽波羅提提舍  
尼 此戒具三緣方成本罪一是羯磨學  
家二不請無病三受食入咽

**兼制**比丘尼突吉羅同制別學式叉摩那沙彌

沙彌尼突吉羅是為犯

**隨開**不犯者若先受請若有病若置地與  
若從人受取若學家施與後財物還多彼  
從僧乞解學家羯磨及最初未制戒等是  
為不犯

此成大衆同學

**附考**五分律云若婦是聖夫是凡或夫是

聖婦是凡皆不應與作學家羯磨若夫婦  
俱是聖無慳貪心財物竭盡乃與作學家

羯磨若僧有園田應與令知使畢常限餘

以自供若無園田乞食得已就其家食與

以所餘若不能爾應將至僧坊給其房舍

臥具次第與食非時漿飲皆悉與之有可

分衣亦應與分彼學家婦女諸尼亦應如

是料理

第四恐處受食戒

謹八

十六

若比丘在阿蘭若迴遠有疑恐怖處若比丘  
在如是阿蘭若處住先不語檀越若僧伽藍  
外不受食在僧伽藍內無病自手受食食者  
應向餘比丘悔過言大德我犯可訶法所不

應為我今向大德悔過是名悔過法

**緣起**此戒有二制佛在釋迦搜國尼拘類

園中時舍夷城諸婦女持飲食詣僧伽藍中供養盜賊聞之於道路媿觸諸比丘白佛佛言自今應語諸婦女莫出道路有賊

恐怖若已出城應語言莫至僧伽藍中道

路有賊恐怖此初結戒也時諸檀越先知有疑恐怖而故持食來諸比丘有疑不敢

受復有病比丘亦疑不敢受又有施主以食置地與若教人與諸比丘疑不敢受佛

皆聽之更加先不語檀越及無病自手受食之語此第二結戒也由飲食事譏嫌煩

惱制斯學處乃初篇姪根本種類

**釋義**文分二節若比丘下明所犯之事應向餘比丘下明悔過之法律云阿蘭若處

謹八

十七

者去村五百弓謂一拘盧舍即五里也律攝云此據緣起作是言

若更遠處疑恐怖者疑有賊盜恐怖檀越亦同此處

者禮是梵語此翻為捨施自可越渡貧窮之海後獲巨富而引病者僧祇律云下病冷病

生福德資糧也病者風病不堪出外前之三戒由在聚落家內成犯

此戒因在寺中生過故也

**結罪**是中犯者若阿蘭若比丘在如是迴

遠處住若先不語檀越於僧伽藍外不受

食僧伽藍內無病自手受食食咽咽波羅

提提舍尼 此戒具五緣方成本罪一是

在寺內二路迴疑怖三不先語施主四身

無病緣五自受食入咽

**兼制**比丘尼突吉羅不制別學式又摩那沙彌

沙彌尼突吉羅是為犯

**隨開**不犯者若先語檀越若有病若置地

與若教人與若來受教敕聽法時比丘自



有私食令授與及最初未制戒等是爲不犯

此戒大乘同學

**附考**按根本部及十誦律俱令白二羯磨差一比丘爲觀察看守險路人

薩婆多論云若比丘受僧羯磨已是比丘知是中有賊入應將淨人是中立若是中見人有似賊者應取是食語諸持食人莫來是中有人似賊若是持食強來不犯所差羯磨人必使勇健多力能卻賊者若不能卻一切僧盡應至有賊處若復不能應語聚落檀越令多人防護也

因此戒中明阿蘭若故錄阿蘭若行法第三分云清旦洗手取衣抖擻著大衣著頭上或肩上海鉢放絡囊中取革屣打露杖

謹八

十八

持鑰出房閉戶推看牢不若不牢應更安店音單戶牡所若牢應推繩著內四顧看若無人見應藏戶鉤若有人見應更著隱處或持去在道路行應常思惟善法若見人應先問訊言善來若欲入村安鉢置地著大衣以革屣打露杖寄村邊入村時應看巷相若空處相市相門相糞掃相入白衣家應看第一門相乃至第七門相若欲正衣應向壁右手捉杖左手捉鉢不應當道住不應屏處住不應迎取食若喚應往若得飯乾飯等不應并著一處若是一鉢應以物隔若樹葉皮若鍵銘若次鉢若小鉢鈇應手巾裏不應選大家乞不應強要得若知當得應待乞已出村下道安鉢置地襟大衣著頭上肩上行時常思惟善法

見人應先問訊善來至常所食處灑掃具

水器殘食器牀座洗脚石水器拭脚巾若

有餘阿蘭若比丘來應起遠迎為取鉢與

座與水器等乃至澡豆洗手已淨潔別留

殘食若有娑那來應與娑那此次授水與

彼阿蘭若比丘次授食與彼食時應看供

給所須鹽醋菜水扇等若日時欲過應俱

食食已應為取鉢與洗手若有餘食應與

人非人等洗盛殘食器牀座等物復本處

掃灑食處若有娑那來應語此是水此是

洗足物此是食為汝等故別留清潔欲食

便食阿蘭若比丘應善知夜時節善知方

相善知星不應敷好臥具應初夜後夜警

心思惟

律攝云非愚癡人堪住阿蘭若處設非多

聞但明戒相亦得住阿蘭若亦云精舍謂其處非粗暴者所止

乃精練行者所居今人一無六四可所知而云住靜深可嘆之呵法竟

七眾學法共有百條事鈔云律言式叉迦

羅尼義翻眾學法謂是應學事也

律攝云眾學法者謂於廣釋中所有眾多

惡作惡說咸悉攝在眾學法中是故總言

眾學法也

薩婆多論中問曰餘篇不言應當學而此

戒獨爾答餘戒易持而罪重犯則成罪或

眾中悔或對首悔此戒難持而罪輕脫爾

有犯心悔念學罪即滅也以難持易犯故

常慎心念學不結罪名直言應當學也

經云犯眾學戒如四天王天壽五百歲墮

泥犁中人間五十年於人間數九百萬年

此泥犁即等活地獄謂諸罪人各各手生

鐵爪相摑肉墮或獄卒唱或冷風吹活二  
緣雖異等一活故

斯眾學法文句簡畧事多同軌不繁條列  
科名唯隨下贅其數目至於緣起釋義藏  
卷未全稽諸捷度皆由六羣所興此是行

護威儀非類餘篇故諸部中開合不等數  
無一定或百十以外或五十以內獨本律

文具足百法今就百法約為九例一著衣  
事二入村事三坐起事四食噉事五護鉢

事六說法事七捨像事八便利事九觀望  
事

此准律攝唯增捨像事以  
諸部中無故律攝不載

**附考** 應當學戒僧祇律六十七法 五分

律一百八法 十誦律一百十三法 解

脫戒本七十六法 此出迦  
葉毘部 根本律四十

三法

當齊整著涅槃僧應當學 第一

**緣起** 佛在舍衛國給孤獨園時六羣比丘

著涅槃僧或高或下或作象鼻或作多羅  
葉或時細禪諸居士見皆共譏嫌謂似國

王大臣亦似節會戲笑俳說人著衣有少

欲比丘聞知白佛佛集十句義為僧結戒

律攝云眾多學法等皆由法式事譏嫌煩

惱制斯學處 於此總出  
下不別名

**釋義** 當齊整著涅槃僧者 涅槃僧亦云泥  
洹僧此翻云裙

當齊整著者律攝云謂  
離不齊整著衣之過也 律云不齊整者

或繫帶齋下或高褰齊腰或垂前一角如

象鼻或垂前兩角如多羅樹葉或腰繞細

禪 律攝云謂從裙邊細疊成禪腰間總學  
形似多羅葉上聚下散者是也其如法  
著式詳載  
內法傳中

**結罪** 是中犯者若故作犯應懺突吉羅以

故作故犯非威儀突吉羅 若不故作犯

突吉羅 善見律云突者惡也吉羅者作也應識突吉羅是根本罪非威儀

突吉羅是從生罪謂以故作犯本罪時有乖僧儀故又從本罪上犯一非威儀突吉羅須知若犯時則根本從生二罪皆成若懺時則根本從生隨滅以名殊體同法無兩懺今唯約不覆藏懺法論之若犯已覆藏或一日多日方說悔者理具八品詰問有無懺法非總應前後辨制有明文慎勿相紊若不故作犯突吉羅者此開誤犯不必對人求悔但自責其心更不再作罪則消滅今於首條詳釋重輕以下結罪准此無異此戒應懺故作法及不故作責心悔法皆於作持中詳明

兼制比丘尼並下三眾突吉羅

隨開不犯者或時齋中生瘡下著或脚躄

有瘡高著若僧伽藍內若村外若作時若在道行及最初未制戒等是為不犯

會採律攝云苾芻不依佛教不顧羞耻欲

為非法者捉衣開張得責心惡作若披著身得對說惡作 若有順奉心而著衣

不如法式或時忘念或是無知非法著者

唯犯責心惡作如是於餘學處准此應知

五分律云若不解不問而作此著突吉羅

若解不慎而作此著突吉羅 若解輕

戒輕人而作此著波逸提

僧祇律云不得如姪女法賣色左右顧視

為好不好應看令如法齊整著若放恣諸

根不欲學齊整著內衣者越學

事鈔云世尊處世深達物機凡所施為必

以威儀為主故此百事大乘悉皆同學息

譏生信自護護他倍應嚴淨除是諸大苦

薩示現逆行在處不論若是學地凡夫難

越準繩

附考根本律云佛在施鹿林中初度五苾

芻出家服飾尚俗佛作是念過去諸佛云

何教聲聞衆著衣服耶是時諸天前白佛言如淨居天所著衣服世尊即以天眼觀知如諸天所說事無差異即告苾芻曰汝從今後應同淨居天齊整著涅槃僧

薩婆多論問曰結既在初而在後也答曰

佛在初結後集法藏者詮次在後何以故

罪名雖一而輕重有五以重戒在前輕戒

在後此戒於五篇中最輕是故在後又以

一是實罪二是遮罪以實在初遮在後實罪

即性罪也又以一是無殘二是有殘是故重者

在初而輕者在後也 又問五篇戒中佛

何以止制著涅槃僧及三衣觀去來現佛

及淨居天耶答曰佛結五篇戒此最在初

以此貫初故餘篇不說又此戒於餘篇是

輕者將來弟子不生重是故如來以佛眼

讚

三三

觀去來諸佛及淨居天而後結也又三世諸佛結戒有同不同於五篇中不必盡同此著泥洹僧袈裟三世諸佛盡同是故此戒觀諸佛及淨居天餘篇不觀也

當齊整著三衣應當學 第二

**釋義**緣處發起招世譏嫌如上佛爲結戒

律云三衣者安陀會鬱多羅僧伽梨

也不齊整者或下著過肘露脇或高著過

脚蹲上或下垂一角作象鼻或垂前兩角

後褰高作多羅樹葉或細禰已安緣

**結罪**是中犯者並餘四衆悉皆同前 不

犯者或肩臂有瘡下著或脚蹲有瘡高著

若寺內若村外若道行若作時及最初未

制戒等

**會採**僧祇律云若泥時作時手得抄舉

根本律云苾芻熟時於自房內但著下裙  
及僧脚崎隨情讀誦說法作衣服等於四  
威儀悉皆無犯 僧脚崎舊云僧祇支此翻  
掩臘衣用掩右腋覆左肩  
上

舍利弗問經云修供養時應偏袒以便作  
事作福田時應覆兩肩現田文相云何修  
供養如見佛時問訊師僧時應拂牀掃地  
卷衣裳乃至移種種供養云何作福田時  
應時乞食坐禪誦經經行樹下人見端嚴  
有可觀也

不得反抄衣入白衣舍應當學 第三

**釋義**緣處發起如上佛為結戒 律云白  
衣舍者村落也反抄衣者或左右反抄衣  
著肩上行也

**結罪**其中所犯並餘四眾悉皆同前 不

犯者或脇肋邊有瘡若寺內村外作時道  
行及最初未制戒等

**會採律攝**云上下衣服不得偏抄一邊露  
現形體不得雙抄兩邊置於肩上是行  
步非大人相者皆應遠離

僧祇律云若風雨時得抄一邊 若偏袒  
右肩得抄左邊若通肩披得抄右邊不得  
令肘現 乞食畏汚衣故得反抄不現肘  
無犯

不得反抄衣入白衣舍坐應當學 第四

**釋義**緣處發起譏嫌等其中所犯不犯並  
餘四眾悉皆同前 前戒是行威儀此戒是  
坐威儀也在白衣家坐  
時應好遮身勿為撩亂失比丘儀當整衣  
如法直身正意生他信敬若放恣諸根抄  
衣露體令他譏謗則  
自損損他是以禁之

**會採僧祇律**云若乞食若取食肘畏汚衣

故得抄衣但莫令肘現 若精舍中和尚  
阿闍黎前坐不得抄衣若抄者得抄一邊  
不得抄兩邊 若偏袒者抄左邊若通肩  
披者抄右邊若見長老比丘應還下  
不得衣纏頭入白衣舍應當學 第五

**釋義**緣處發起譏嫌等如上佛為結戒

律云纏頭者總捉衣兩角著在肩上

**結罪**其中所犯並餘四眾悉皆同前 不

犯者或時肩臂有瘡若寺內村外道行作  
時及最初未制戒等

不得衣纏頭入白衣舍坐應當學 第六

**釋義**緣處發起譏嫌等其中所犯不犯並

餘四眾悉皆同前此中於坐有異前是行  
也

不得覆頭入白衣舍應當學 第七

**釋義**緣處發起如上見者譏嫌謂如盜賊

佛為結戒 律云覆頭者若以樹葉若以

碎段物若以衣覆 律云以衣覆頭如  
新嫁女故招世譏嫌

**結罪**其中所犯並餘四眾悉皆同前 不

犯者或時患寒或頭上瘡生或命難梵行

難覆頭而走若寺內若村外若道行若作

時及最初未制戒等

**會採**僧祇律云若風寒雨及病不得全覆

當覆半令一耳現若見和尚阿闍黎上座

當却 不得覆頭入廁若在屏私房覆無

罪 律家致授新受戒者令入廁時以  
巾覆頂勿許露之然律中因此丘躡躡  
小便俗人為是尼僧窺視及至起身乃  
比丘而生譏諷故制便利時尼則以巾覆  
頭而別知二部今令身僧覆巾  
訛之極矣明律者遠當改革

不得覆頭入白衣舍坐應當學 第八

**釋義**緣處發起譏嫌等其中所犯不犯並

餘四眾悉皆同前此中於坐有異前是行  
也

餘四眾悉皆同前此唯異坐威儀也

不得跳行入白衣舍應當學 第九

**釋義**緣處發起如上見者譏嫌謂如鳥雀

佛為結罪 律云跳行者雙脚跳也

**結罪**其中所犯並餘四眾悉皆同前 不

犯者或時有瘡若為人所打若有賊若有

惡獸若有棘刺或渡渠或渡坑塹或渡泥

及最初未制戒等

**會採**僧祇律云不得先下脚指後下脚跟

當先下脚跟後下脚指若脚心有瘡當側

脚行作蔽物繫之

不得跳行入白衣舍應當學 第十

**釋義**緣處發起譏嫌等其中所犯不犯並

餘四眾悉皆同前此別坐威儀也

不得白衣舍內蹲坐應當學 第十一

**緣起**佛在舍衛國住祇園中有居士請僧

設供往白時到諸比丘到家就座而坐六

羣蹲坐比座以手觸之即倒露形居士見

譏嫌謂無慚愧如裸形婆羅門佛為結戒

律云蹲坐者若在地若在地上尻不至

地也 尻考平聲脊骨盡處是也謂以雙脚踏地而膝並豎也

**結罪**其中所犯並餘四眾悉皆同前

不犯者或時尻邊生瘡若有所與若禮若

懺悔若受教誡及最初未制戒等

**會採**僧祇律云不得抱膝坐不得交脚坐

若有病無犯

不得叉腰行白衣舍應當學 第十二

**釋義**緣處發起如上見者譏嫌謂如世人

新婚娶得志驕奢佛為結戒 律云叉腰

者以手叉腰匡肘也 謂橫舉手也



**結罪**其中所犯並餘四眾悉皆同前 不

犯者或時脇下生瘡若寺內村外道行作時及最初未制戒等

**會採**僧祇律云若腰脊痛若風腫者得又腰若癰瘰瘡癬以藥塗上畏汚衣故又腰

無罪

不得又腰入白衣舍坐應當學 第十三

**釋義**緣處發起譏嫌等其中所犯不犯並

餘四眾悉皆同前此但明坐威儀也 律云以手又腰匡肘白衣舍坐妨其比坐也

縱無比坐而獨受請者更應嚴肅威儀惜復僧體

**會採**十誦律云不得掌扶頰坐

不得搖身行入白衣舍應當學 第十四

**釋義**緣處發起如上見者譏嫌謂如王似

大臣佛為結戒 律云搖身者左右戾身

趨行也 戾音例斜也曲也字從犬出戶曲戾也

**結罪**其中所犯並餘四眾悉皆同前 不

犯者或有如是病或為人所打迴戾身避杖或惡獸所觸或逢擔棘刺如是戾身或渡坑渠泥水處於中搖身過或著衣迴身

看衣齊整及最初未制戒等

**會採**僧祇律云不得搖頭行若老病身振

風雨寒雪搖無犯

不得搖身行入白衣舍坐應當學 第十五

**釋義**緣處發起譏嫌等其中所犯不犯並

餘四眾悉皆同前內不同者此是坐威儀也

也

毘尼止持會集卷第十八

音義

剗 音枯剗音虛剗平也 葦 音委大葦也葦音嘉葦初生名葦稍大為

蓋長成乃名爲華其華遇風吹揚  
如雪聚地如絮取其莖以爲針筒  
開衣或云泥縛些那或云漚傷也  
也漚也傷音機左傳云設戶牡音鍵也關鍵  
即戶鑰大抵關有鍵以三十三天即切利  
止之又有鎖鑰以固之  
度論云昔有婆羅門姓橋尸迦與知爻三  
十二人共修福德命終皆生須彌山頂橋  
尸迦爲天主名帝釋天三十二人爲輔臣  
周圓列居獨帝釋處其中三十二天人名  
宇念處經不載唯正四王天東方持國天王  
法念處經明之四王天謂能持國土  
故居須彌山黃金埵南方增長天王謂  
能令他善根增長故居須彌山琉璃埵  
西方廣目天王謂以淨天眼常觀護此  
閻浮提故居須彌山白銀埵北方多聞  
天王謂福德之名聞四擱音國批淨居天  
方故居須彌山水晶埵打也淨居天  
淨居天有五謂聲聞之人斷欲界九品思  
惑盡證第二阿那含果而居其中亦名五  
不還天若據俱舍圖言此五天次第而上  
若據楞嚴經言此五天皆橫在第四禪天  
中彼第四禪天但能開此五天之名而不  
能知見如世間聖地道場多有羅漢所居  
而人不能見也一無須天二無熱天佛眼  
三善見天四善現天五色究竟天  
謂具肉天慧法之眼之用無不見知如人  
見極遠處佛見則爲至近人見幽暗處佛

註八

三九

見則爲明顯乃至無事不見無事不知無  
事不聞聞見互用無所思惟一切皆見也  
禪上音皺音褶音衣音禪音也音縹音膊音膊音膊音膊音  
脚肚音襪音下音繫音也音摩音葉音真音齋音齋音齋音齋音  
外曰音綯音紐音上音音音櫃音衫音袖音也音下音匡音肘音肘音肘音肘音  
也音未音詳音字音出音如音禮音記音趨音行音疾音趨音日音走音  
云並坐不橫肱是也趨行疾趨曰走

毘尼止持會集卷第十九

謹九

清金陵寶華山弘律沙門讀體集

不得掉臂行入白衣舍應當學

第十六

**釋義**緣處發起譏嫌如上佛為結戒律

云掉臂者垂前却也

**結罪**其中所犯並餘四眾悉皆同前不

謹九

犯者或有如是病或為人所打舉手遮或  
值惡獸盜賊或逢擔棘刺人來舉手遮或  
浮渡河水或跳渡坑塹泥水或共伴行不  
及以手招喚並最初未制戒等

**會採**根本律云不得附肩不應肩相接不

應連手入白衣舍

僧祇律云若是王子大臣本習未除應當

教言汝今出家當捨此俗儀從此丘法

若欲呼人不得雙舉兩手當以一手招

不得掉臂行入白衣舍坐應當學 第十七

**釋義**緣處發起譏嫌等其中所犯不犯並

餘四眾悉皆同前唯坐威儀別也

會採僧祇律云不得動手動足舞手舞足

當安靖住若有所問當先護戒隨順而說

好覆身入白衣舍應當學

第十八

**釋義**緣處發起如上見者譏嫌謂如婆羅

門佛為結戒律云不好覆身者處處露

現也

**結罪**其中所犯並餘四眾悉皆同前不

犯者或時有如是病或被縛或風吹衣離

體及最初未制戒等

**附考**僧祇律云安陀會當用緻物作若疎

者當二重三重若安陀會疎者鬱多羅僧

當用緻物作若鬱多羅僧疎者僧伽黎當

用緻物作若僧伽黎疎者鬱多羅僧當用  
 緻物文三衣而分疎緻聽用二三重作者  
 所制元為禦寒障暑律中詳列十種衣財  
 今有相傳云佛制三衣俱用粗麻布造止  
 因世尊初出家時既脫珍御樹神獻一麻  
 衣而此麻衣乃百年前辟支佛之留極為  
 精細亦非粗疎由未稽考訛來久矣若云  
 不許綿布唯許麻布者非制而制實非律  
 文須知此方國風不同別有隨常衣服設  
 無兩重三重亦可然受具名僧斷不可每

守持之三衣

好覆身入白衣舍坐應當學第十九

**釋義**緣處發起譏嫌等其中所犯不犯並  
 餘四眾悉皆同前此殊坐也

**會採**僧祇律云坐時不得坐衣上當一手

褰衣一手按坐具然後安詳而坐 若精  
 舍中食上和尙阿闍黎若長老比丘前應  
 好覆身坐  
 根本律云在白衣舍不累足坐不重內踝  
 坐不重外踝坐不斂足坐不長舒足坐不  
 露身坐

不得左右顧視行入白衣舍應當學第二十

**釋義**緣處發起如上見者譏嫌謂似盜賊  
 人佛為結戒 律云左右顧視者處處看  
 也

**結罪**其中所犯並餘四眾悉皆同前 不

犯者或有如是病或仰瞻日時節或命難  
 梵行難左右處處伺求方便道欲逃走及  
 最初未制戒等

**會採**僧祇律云諦視行時不得如馬低頭

行當平視行防惡象牛馬當如擔輦人行  
不得東西瞻視若欲看時迴身向所看處  
律攝云不高視者舉目視前一踰伽地一  
踰伽量者長四肘也

不得左右顧視入白衣舍坐應當學第二十一

**釋義**緣處發起譏嫌等其中所犯不犯並  
餘四眾悉皆同前所不同者唯坐也

**會採**根本律云在白衣舍他不請坐不應  
輒坐不應不善觀察而坐

僧祇律云坐時不得如馬延頸低頭當平

視勿令不覺檀越持熟器來搪突手 若  
精舍內食上和尙阿闍黎上座前當平視  
坐

靜默入白衣舍應當學第二十二

**緣起**佛在舍衛國給孤獨園諸居士見六

羣高聲大喚入白衣舍譏嫌謂似婆羅門  
佛為結戒 律云不靜默者高聲大喚若  
囑授若高聲施食

**結罪**其中所犯並餘四眾悉皆同前 不

犯者或時有如是病若聾不聞聲須高聲

喚或高聲囑授若高聲施食若命難梵行  
難高聲而走及最初未制戒等

**會採**律攝云設有須喚他不聞時應請俗  
人為其大喚

靜默入白衣舍坐應當學第二十三

**釋義**緣處發起譏嫌等其中所犯不犯並  
餘四眾悉皆同前唯異坐也

**會採**僧祇律云不得高聲大喚坐俗家內  
若欲喚者應彈指若前人不覺者高語近  
邊人 若精舍中食上若和尙阿闍黎上

座前坐不得聲大喚若欲語時語比座如是展轉第二第三令彼得知

不得戲笑行入白衣舍應當學第二十四

**釋義**緣處發起如上見者譏嫌謂如獼猴佛為結戒 律云戲笑者露齒而笑也

**結罪**其中所犯並餘四眾悉皆同前 不犯者或屑病不覆齒或念法歡喜而笑及最初未制戒等

**會採**僧祇律云若有可笑事不得出斷現齒大笑應忍之起無常苦空無我想死想復不止者當以衣角掩口

根本摩得勒伽云欠時不遮口突吉羅不得戲笑白衣舍坐應當學第二十五

**釋義**緣處發起譏嫌等其中所犯不犯並餘四眾悉皆同前所別坐也

謹九

五

用意受食應當學第二十六

**緣起**佛在舍衛國給孤獨園有居士請僧

設供手自斟酌種種飲食六羣不用意受食捐棄羹飯居士見已自相謂言沙門釋子不知慚愧不用意受食貪心多受如穀

貴時佛為結戒 律云不用意受食者棄羹飯食也

**結罪**是中所犯並餘四眾悉皆同前 不犯者或鉢小故食時棄飯或還墮案上及最初未制戒等

**會採**五分律云一心受食者左手一心持鉢右手扶緣

當平鉢受食應當學第二十七

**緣起**佛在舍衛國住祇園中六羣赴請溢鉢受食諸居士見譏嫌謂如饑餓之人貪

多佛爲結戒 律云不平鉢者溢滿也其所犯不犯並餘四衆悉皆同前

**會採**根本律云不得滿鉢受飯更安羹菜令食流溢於鉢緣邊應留曲指

平鉢受羹應當學 第二十八

**釋義**緣處發起譏嫌等其中所犯不犯並餘四衆悉皆同前

**會採**律攝云受食之時應觀其鉢勿令流溢所有羹菜不應多請後安鉢時恐溢出故

羹飯等食應當學 第二十九

**緣起**佛在舍衛國住祇園中有居士設供請僧自手斟酌下飯已入內取羹還六羣飯已盡居士與羹已復入內取飯還彼食羹已盡居士譏嫌謂似饑餓之人佛爲結

謹六

六

戒 律云不等者飯至羹未至飯已盡羹至飯未至羹已盡也

**結罪**其中所犯並餘四衆悉皆同前 不犯者或時正須飯不須羹或時正須羹不須飯或日時欲過或命難梵行難疾疾食及最初未制戒等

**會採**僧祇律云不得先取羹後取飯當先取飯按已後取半羹 若國法先以羹後以飯者當取鍵磁拘鉢受若無者得以鉢受羹但受飯者應以手遮徐徐下鉢中勿

太令溢出 若病比丘宜取羹者多取無

罪 拘鉢者是小鉢也謂取鍵磁小鉢受之

以次食應當學 第三十

**釋義**緣處發起如上赴請譏嫌謂譬如禽畜佛爲結戒 律云不次第者鉢中處處

取食食也

**結罪**其中所犯並餘四眾悉皆同前 不  
犯者或時患飯熱挑取冷處食若日時欲  
過若命難梵行難如是疾疾食及最初未  
制戒等

謹九

七

**會採**僧祇律云不得徧剗食

十誦律云不得鉢中摘好食

根本律云不應憍慢食

不得挑鉢中而食應當學 第三十一

**釋義**緣處發起譏嫌等其中所犯不犯並

餘四眾悉皆同前 律云挑者置四邊挑

中央至鉢底現空也

若比丘不病不得自為已索羹飯應當學 第三十二

二十

**緣起**佛在舍衛國祇樹園住時有居士請

僧自手斟酌種種飲食六羣自為已索食  
如饑餓時居士譏嫌佛為結戒

**結罪**其中所犯並餘四眾悉皆同前 不  
犯者若病者自索若為他索他為已索若  
不求而得及最初未制戒等

不得以飯覆羹更望得應當學 第三十三

**緣起**佛在舍衛國給孤獨園有居士請僧

設供手自斟酌羹飯與一六羣比丘羹已

識次更入內取羹彼於後即以飯覆羹居

士問言羹在何處彼便默然居士譏嫌謂

似饑餓人佛為結戒

**結罪**其中所犯並餘四眾悉皆同前 不

犯者若請食或為同梵行者或為病者請

食還與彼或時正須羹有時正須飯及最

初未制戒等



**會採**僧祇律云若比丘迎食慮汚衣者不得盡覆當露一邊 若食盡者前人問得未應答已得 若比丘病宜多須羹者多取無罪

律攝云羹飯不得互掩覆者意欲多求長貪心故應於飲食生厭離想是為出家所應作事隨得隨食少欲為念

不得視比座鉢中應當學 第三十四

**緣起**佛在舍衛國住祇陀林有居士設供請僧手自斟酌飲食六羣中有一人得食分少見比座分多即語居士言汝有愛居士報言我平等相與耳何故言我有愛佛為結戒 律云視比座鉢中者誰多誰少耶

**結罪**其中所犯並餘四眾悉皆同前 不

犯者若比座病若眼闇為看得食不得食淨不淨受未受及最初未制戒等

**會採**僧祇律云若監食人看食何處得何處不得無罪 若共行弟子若依止弟子病看其鉢中是應病食不看無罪 若看上下座為得食不無罪

當繫鉢想食應當學 第三十五

**緣起**佛在舍衛國給孤獨園有居士請僧諸比丘往詣其家就座而坐六羣受羹飯已左右顧視不覺比座取羹藏之彼自看不見羹問言我向受羹今在何處比座比丘言汝何處來耶答言我在此置羹在前左右看視而今無爾佛為結戒 律云不繫鉢想者為左右顧視也

**結罪**其中所犯並餘四眾悉皆同前 不

犯者或比座眼闇為受取瞻看淨不淨得未得或自看日時或命難梵行難欲逃避左右看及最初未制戒等

**會採僧**祇律云當端心觀鉢食不得放鉢在前共比座語若有因緣須左右語者左手撫鉢上緣若食到第三人時當先將鉢預擎待食至

律攝云繫心而食克軀長道不得觀他生嫌賤心

**附考**勒伽論云若食一一食時當觀此食從何處來從倉中出倉從地出地以和合種子得生今復還養糞身舉擲時作糞想正念在前不以散亂心噉食當作逆食想從地得想病想等

智度論云思惟此食工夫甚重計一鉢之

飯作夫流汗合集量之食少汗多此食辛苦如是入口即成不淨宿昔之間變為屎尿本是美味惡不欲見行者自思如是弊食我若貪著當墮三塗如是觀食當厭五欲

不得大搏飯食應當學 第三十六

**釋義**緣處發起如上赴供譏嫌謂似畜類佛為結戒 律云大搏者口不容受也

**結罪**其中所犯並餘四眾悉皆同前 不犯者或日時欲過或命難梵行難疾疾食

及最初未制戒等 謹免

**會採僧**祇律云不得大搏亦不得小如姪女兩三粒而食當可口食 上座當徐徐食不得速食竟住看今年少狼狽食不飽不得大張口待飯食應當學 第三十七

**釋義**緣處發起譏嫌等其中所犯不犯並  
餘四衆悉皆同前 律云大張口者飯未  
至先大張口以待也

**會採僧祇律**云比丘食時當如雪山象王  
食法食入口已以鼻作後口分齊前食咽

已續內後團 若口有瘡得預張無罪

不得含食語應當學 第三十八

**釋義**緣處發起譏嫌等如上佛為結戒

律云含飯語者飯在口中語不分明令人

不解也 此據緣起但云含飯語須知食有  
二語凡食噉一切皆不得含口而

語含食語乃白衣法及諸婆羅門  
無慚受施非比丘赴供之儀也

**結罪**其中所犯並餘四衆悉皆同前 不

犯者或噎而索水或命難梵行難作聲食

及最初未制戒等

**會採僧祇律**云和尚阿闍黎上座喚若咽

謹

上

未盡能使聲不異者得應若不能者咽已  
乃應前人嫌者答言我口中有食故不即  
應

五分律云益食時聽言須不須不嫌訶食  
不得搏飯遥擲口中應當學 第三十九

**釋義**緣處發起如上赴供譏嫌謂如幻師

佛為結戒 律云遥擲者先張其口乃以

飯搏遥擲而入也

**結罪**其中所犯並餘四衆悉皆同前 不

犯者或被繫縛擲口中食及最初未制戒

等

**會採僧祇律**云若酸棗若蒲萄如是種種

乃至熬豆挑擲噉無罪

不得遺落飯食應當學 第四十

**緣起**佛在舍衛國住祇陀林城中有居士

請僧手自斟酌飲食六羣手把飯搏齧半食居士譏嫌佛為結戒 律云遺落者半入口半在手中 准犯緣據西域食儀結戒者事同 今東土應鉢用匙若遺落

此治

**結罪** 其中所犯並餘四眾悉皆同前 不

犯者或噉薄餅焦飯若瓜甘蔗菜果及最

初未制戒等

**會採** 僧祇律云若麩團大當手中分令可

口餅亦如是

不得頰食食應當學 第四十一

**釋義** 緣處發起如上赴請譏嫌謂似獼猴

佛為結戒 律云頰食者令兩頰鼓起如

似獼猴也

**結罪** 其中所犯並餘四眾悉皆同前 不

犯者或有如是病或日時欲過或命難梵

謹九

三

行難疾疾食及最初未制戒等

**會採** 僧祇律云不得口中迴食食謂含飯

團從一頰迴至一頰當一邊嚼即嚼邊咽

不得嚼食作聲應當學 第四十二

**釋義** 緣處發起亦如上赴供生俗譏嫌佛

為結戒

**結罪** 其中所犯並餘四眾悉皆同前 不

犯者或嚼乾餅焦飯或爵瓜果甘蔗及最

初未制戒等

**會採** 僧祇律云不得嘽噉作聲食 不得

全吞嚼嚼作聲若咽喉病無罪

十誦律云啜粥不得作聲噉根莖等勿令

大作聲

不得大噉飯食應當學 第四十三

**釋義** 緣處發起譏嫌如上佛為結戒 律

云嚼飯者張口遙呼噏也

**結罪** 其中所犯並餘四眾悉皆同前 不  
犯者若口痛若食羹若食一切漿及最初  
未制戒等

**會採** 僧祇律云若食薄粥羹飲不得噏使  
作聲當徐徐咽 謹九

根本律云不彈舌食不嚼噍食不訶氣食  
不吹氣食 若實口病當依本部聽開  
若口無病宜遵僧祇根本

不得舌舐食應當學 第十四

**釋義** 緣處發起譏嫌如上佛為結戒 律

云舌舐者以舌舐飯揣食也 揣者試  
探也

**結罪** 其中所犯並餘四眾悉皆同前 不

犯者或被縛或手有泥或垢膩汚手舌舐  
取及最初未制戒等

**會採** 僧祇律云不得舐手食若酥油蜜石

蜜著手者當就鉢緣上概取一處然後取  
食 不得數指食若蜜鹽著指頭得數無  
罪

不得振手食應當學 第十四  
十五

**釋義** 緣處發起如上譏嫌謂似王如大臣  
佛為結戒振者 謂以手  
動搖也

**結罪** 其中所犯並餘四眾悉皆同前 不  
犯者或有如是病或食中有草有虫或時

手有不淨欲振去之或未受食手觸而汚  
手振去之及最初未制戒等

**會採** 僧祇律云若振手時不得向比座振

若食著手當已前振若鉢中抖擻

根本律云以鉢水振灑餘人汚彼衣服見  
他好衣生嫉妬故如是等皆不應作

不得手把散飯食應當學 第十四  
十六

**釋義**緣處發起如上譏嫌謂似雞鳥佛為

**結戒**手把散飯謂不搏食之今此方受食俱用匙鉢無手搏儀式或落有之

其中所犯不犯並餘四眾悉皆同前

**會採**僧祇律云受食時不得令一粒落地

若淨人瀉時墮地無罪 食著口中時勿

謹九

令落地誤落者無罪 若噉瓜果甘蔗時

皮核滓不得縱橫棄地當聚足邊

十誦律云食墮所受草葉上者應食若有

土者吹去却而食或有多土著者水洗得

食

不得汚手提飲器應當學 第四十七

**釋義**緣處發起如上譏嫌謂似國王大臣

佛為結戒 律云汚手者膩飯著手也

**結罪**其中所犯並餘四眾悉皆同前 不

犯者或草上受葉上受洗手受及最初未

制戒等

**會採**五分律云不由指收鉢食不喫食食

不嫌訶食

不得洗鉢水棄白衣舍內應當學 第四十八

**緣起**佛在舍衛國住給孤精舍時六羣在

居士家食已洗鉢棄洗鉢水乃至餘食在

地居士見已譏嫌謂多受飲食如饑餓之

人而捐棄狼藉如王大臣佛為結戒 律

云洗鉢水者雜飯水也

**結罪**其中所犯並餘四眾悉皆同前 不

謹九

犯者若澡槃承取水持棄外及最初未制

戒等

**會採**十誦律云問主人棄不犯

僧祇律云食時當稱腹而取不得多受若

淨人卒多與者未噉時應減與比座若此

座不取應與沙彌及園民 若洗鉢時不

應一粒瀉棄地若有者應聚板上葉上

**附考**五分律云有諸白衣新作屋欲得比

丘洗鉢水灑地以為吉祥佛聽以鉢中無食水灑地

根本律云有人來乞鉢水時應洗淨鉢置

清淨水誦伽陀三徧授與彼人或洗或飲

能除萬病不得以殘食置鉢水中伽陀云

以世五欲樂或復諸天樂若比愛盡樂千

分不及一由集能生苦因苦復生集八聖

道能超至妙涅槃處所為布施者必獲其

義利若為樂布施後必得安樂佛雖親說此伽陀必

要真正清淨持戒之者持鉢三誦方療萬病若無戒德縱誦千徧亦難感應

不得生草菜上大小便涕唾除病應當學第四

九 +

**緣起**此戒有二制佛在舍衛國住祇園中

六羣大小便涕唾生草菜上諸居士見譏

嫌謂如畜生佛為僧初結戒也如是結戒

已有病比丘不堪避生草菜疲極故復隨  
開除病無犯乃第二結戒也

**結罪**是中所犯並餘四眾悉皆同前准尼

律中比丘尼犯波逸提僧戒結在先其間乃兼制四眾故結

輕尼戒結在後一一皆正制本部故結重不犯者在無草菜處

大小便流墮生草菜上或時為風吹或鳥

所啣而墮生草菜中及最初未制戒等六

**會採**僧祇律云若夏月生草普茂無空缺

處者當在駱駝牛馬等行處及甃瓦石上

乾草葉上如上次第無者當以木枝承令

糞先墮木上後墮地 若大小便涕唾汚

手脚得拭生草

律攝云若棘刺叢處無犯 若大林中行  
枝葉交茂應離人行處 若涉生田間無  
空處應持乾葉布上便利若不可得者無  
犯

不得水中大小便涕垂除病應學第五

**釋義**緣處發起譏嫌如上其中所犯並餘  
四眾悉皆同前 不犯者若有病或於岸  
上大小便流墮水中或風吹鳥啣墮水及  
最初未制戒等

**會採**僧祇律云若雨時水卒浮滿當在土  
塊上及瓦石竹木上先令墮木上後落水  
中 若大小便汚手脚得水中洗 若入  
水浴時不得唾中若所遠者當唾手中然  
後棄

善見律云若水人所不用或海水不犯

謹

七

水雖中用曠遠無人用不犯  
律攝云凡為溲唾時勿令大聲亦不應數  
為溲唾若性多溲唾者應向屏處

不得立大小便除病應當學第五

**釋義**緣處發起譏嫌如上佛為結戒其中

所犯並餘四眾悉皆同前 不犯者若有

病若被繫縛或時脚躄有垢膩若泥及最

初未制戒等然此一戒五天竺境小行之  
時人皆躄踞至於海洲諸國

亦符此也其惟震旦方處不同事非一定

立者多而躄者寡若非躄之躄者譏為

不男設非立之地立者便以為怪於斯兩

途理應通決蓋律依西制結集時仍列開

遮故無移漏法流東夏受持者宜隨

國風以護譏嫌據教善行庶無疑矣

**引證**五分律云佛言雖是我所制餘方不  
以為清淨者皆不應用雖非我所制餘方  
必應行者皆不得不行  
根本羯磨云時佛臨欲涅槃告諸苾芻曰



我先為汝等廣已開闡毘奈耶教而未略說汝等今時宜聽略教且如有事我於先來非許非遮若於此事順不清淨違清淨者此是不淨卽不應行若事順清淨違不清淨者此卽是淨應可順行問曰何意世尊將圓寂時說斯略教答曰大師滅後乃至聖教未沒已來莫令外道作斯譏議世尊既是具一切智世間有事不開不遮諸弟子輩欲如何行為遮斯難遠察未來利益故制又復欲令諸弟子於事無疑得安樂住是故須說凡諸司律幸勿纔聞斯說便取餘之定禁妄符聖教是卽非制而制是制而開廢紊毘尼其罪孰代

**附考**佛言不應久忍大小便去時應捉廁

草若在前去者當在前行至廁房應安衣著杖上若架上樹石上至廁外應彈指若

謹

六

警欬令人非人知手堅捉衣不令觸廁兩邊應堅安脚當先看有蛇虫應驅出不應未蹲便舉衣應並蹲漸舉衣蹲已當看勿令前却近兩邊使大小便洩唾汚廁孔不應高聲大鳴廁草極長一磔手極短四指已用草未用草應別安處便已徐起漸下衣至洗淨處應彈指令人非人知應先看毒蛇漸褰衣蹲不應就水器中洗洗時勿使有聲洗已應以手若葉若弊物拭身上水應以鹵土若灰若泥若牛糞若土墜若澡豆洗手洗已應漸下衣起見廁上有不淨應掃除毘尼母經云應用二指頭洗之謂無名指及小指也

第五十二

不得與反抄衣不恭敬人說法除病應當學

**緣起**此戒有二制佛在舍衛國住祇園中

六羣與反抄衣不恭敬人說法諸比丘聞

有知慚愧樂學戒者嫌責六羣白佛此初

結戒也時諸比丘疑不敢為病反抄衣者

說法佛言病者無犯故加除病之語乃第

二制也謹元向除病說法諸條咸皆准此

**結罪**其中所犯並餘四眾悉皆同前不

犯者若為王王大臣說法及最初未制戒

等註曰王至世系尊貴宜當深重佛法若

生傲慢縱闊奚益為法忘軀上古昔然

況靈山會上親以付囑是故特須尊敬其

說者應當以法自重苟彼此不恭二皆失

利若夫誘進攝化之權必須隨機稱量不

可直爾造為向下說法諸戒准此應知

**會採**十誦律云諸佛常法不一心眾生不

為說法

不得為衣纏頸者說法除病應當學第五

**釋義**緣處發起如上佛為結戒根本部云

按西域俗

儀所著衣裳無所裁製本自織成一幅之

氈價賈鮮白輕縵雜彩男則繞腰絡腋橫

巾右袒女則襜衣下垂通肩總覆今故制

云纏領此方若以巾帕及餘物繞頸者例

制可知若外儀不恭則內

念不虔是亦不應為說

並餘四眾悉皆同前

不得為覆頭者說法除病應當學第五

**釋義**緣處發起如上佛為結戒覆頭者謂

頭也西竺以露頂跣足表至敬東土以冠

履備整顯極恭然禮隨國制所以便為虔

敬之儀此方除冠巾外若用

餘物覆頭者俱不應為說

其中所犯不

犯並餘四眾悉皆同前

**會採**僧祇律云若比丘為塔為僧事詣王

若地主時彼言比丘為我說法若邊有淨

人當立意為彼人說王聽無罪若比丘

在怖畏險道行時防衛人言尊者為我說

法彼雖覆頭為說無罪

不得為裹頭者說法除病應當學第五

十五

**釋義**緣處發起如上佛為結戒裏謂包裹纏裹與覆

義不其中所犯不犯並餘四眾悉皆同前

**會採**僧祇律云若比丘為塔事僧事詣王

若地主乃至在怖畏險道行時開說同上

不得為義腰者說法除病應當學第五十六

**釋義**緣處發起如上佛為結戒義腰者或一手或

兩手俱不應為說其中所犯不犯並餘四眾悉皆

同前

**會採**僧祇律云不得為抱膝人說法除病

不得為翹脚人說法除病

不得為著革屣者說法除病應當學第五十七

**釋義**緣處發起如上佛為結戒梵語亟縛

屣或名革屣此翻云靴乃皮屬之履也東

雖無跣足聽法之儀若著不淨鞋履還須更却餘義通塞准格教應知其中

所犯不犯並餘四眾悉皆同前

**會採**五分律云若多人著革屣不能令脫

但因不著者說無罪

不得為著木屣者說法除病應當學第五十八

**釋義**緣處發起如上佛為結戒革作者名

名履麻作者名屬木作者名屣亦有帛屣以帛為之西域王臣長者俱著金銀寶屣

在我悉皆不聽為說若隨機權攝如上應知其中所犯不犯並

餘四眾悉皆同前

**會採**僧祇律云若比丘為塔為僧事詣王

若地主所彼言比丘為我說法不應語令

脫屣恐生疑故若邊有淨人應作意為淨

人說王雖聽無罪謹九

不得為騎乘者說法除病應當學第十九

**緣起**十誦律云波斯匿王自作制限若佛

在祇園我當日日自往由是乘乘向祇園

見佛六羣為王說法諸比丘聞有行頭陀

樂學戒者嫌責六羣白佛結戒故制人前  
已後人在道已非道人坐已立人高座已  
下座人卧已座持杖持劍持鉞持刀持蓋  
不應為說法緣起並同此中乘者謂象馬牛車等乘也其  
中旣犯不犯並餘四眾悉皆同前

**會採**僧祇律云若比丘為塔為僧事詣王  
若地主彼言比丘為我說法不應語令下  
乘恐生疑故若邊有淨人者應作意為淨  
人說王雖聽無罪 若在怖畏險道行時  
防衛人言尊者為我說法彼雖騎乘為說  
無犯

不得在佛塔中止宿除為守護故應當學第六

**緣起**佛在舍衛國住給孤園六羣止宿佛  
塔中諸比丘聞有少欲者嫌責六羣白佛

結戒時諸比丘疑不敢為守護故止宿佛  
亦聽允乃第二制也

**釋義**梵語塔婆亦云浮圖新云窣堵波又  
曰制底別名支提此翻為方墳或翻為圓  
冢正譯為聚相謂如來眾德俱聚於此人

天所共瞻仰即瘞佛舍利處也若佛說法

經行之處皆建浮圖雖無舍利亦名為塔

僧祇律云有舍利名曰制底無舍利名曰

支提舍利義有二種一全身二碎身碎身

者有三種一骨舍利其色白二肉舍利其色赤三髮舍利其色黑菩薩羅漢皆

有此三種唯佛舍利五色不定神通變化

而有光明經無量劫常在具足利益眾生

乃成定慧之所熏修妙功德之所共集希

有難得為像末法中最高福田也 魏書

釋若誌云佛既謝往香木焚屍靈骨粉碎

大小如粒擊之不壞焚之不焦而有光明

神驗謂之舍利王臣收奉竭香花致敬墓

建宮宇謂之為塔猶宗廟也故時稱為塔

廟此言佛塔揀非菩薩聲聞之塔繼非佛

塔即一切聖賢浮圖亦應恭 除為守護故

者謂以恭敬心履昏灑掃塵竺書夜然供香燈並防無信白衣袈裟慢招愆故聽於中止宿而守護之即今香燈殿主之類是也

**結罪**其中所犯並餘四衆悉皆同前 不犯者或時有如是病或為強力者所執或命難梵行難止宿及最初未制戒等

**引證**第四分云佛在王舍城時恭敬世尊無敢與佛剃髮者只有一小兒名優波離無知未有所畏為佛剃髮其父母在世尊前合掌白言小兒為世尊剃髮為好不佛言善能剃髮乃使身安樂而太曲身父即語兒言汝莫太曲身令世尊不安復問佛言好不佛言善身太直父語子言汝莫太直身令世尊不安復問佛言好不佛言善而入息太麤父語兒言汝莫麤入息令佛不安復問佛言好不佛言善而出息太麤

謹九

五

父語兒言汝莫出息太麤令佛不安時小兒優波離入出息盡入第四禪爾時世尊告阿難言此小兒已入第四禪汝取彼手中刀阿難即受教取刀持故盛髮器收世尊髮佛言不應金器盛應用新器新繒綵新衣褱盛時有王子瞿波離將軍欲往征西方索佛髮持行供養佛聽不知云何安處佛言聽安金塔中若銀塔若七寶塔繒綵衣裏不知云何持佛言聽象馬車乘若輦輿若頭上若肩上擔時王子持世尊髮去所往征討得勝還國為世尊起髮塔此是世尊在世時塔也時諸比丘亦請世尊髮持行不知云何安處佛言聽安金塔等不知持行乃至肩上持行時諸優婆塞作是念若佛聽我等及世尊現在起塔者我

當起立佛聽作而不知云何作佛言應四方若八角若圓作不知何物作佛言應以輒石若木作一切如上法乃至地敷亦如上彼欲作幢四邊籬障及莊嚴供養佛一皆聽幢作師子時諸比丘在世尊塔內宿乃至安佛塔在下房已在上房等二十六事緣發起佛皆云不應爾一一制之下下所列

目得迦云給孤長者請世尊曰我以如來髮爪造窣堵波若佛聽者我當營造佛告

長者隨意應作不知云何作佛言始從觀史多天下生瞻部化導有情乃至涅槃本

生聖跡隨意應作諸部咸缺此佛塔等事惟本部有制今詳錄者

以防佛現在世有塔之疑據此以為證也

**附考** 十二因緣經云有八種塔並有露盤

謹元

孟

佛塔八重菩薩七重辟支六重四果五重三果四重二果三重初果二重輪王一重凡僧但蕉葉火珠而已輪王雖是一重比丘見之不得為禮以非聖塔故凡僧隨次應禮

涅槃經後分云佛塔高十三層上有輪相

眾寶莊嚴辟支佛十一層羅漢四層亦以

寶嚴飾輪王雖亦寶成無復層級未脫三

界諸有苦故輪相者僧祇律云佛造迦葉佛塔上施盤蓋長表輪相經

中多云相輪以人仰望而瞻相也露盤即輪相名別爾

不得藏財物置佛塔中除為堅牢故應當學

第六十一

**釋義** 緣處發起如上佛為結戒時諸比丘

疑不敢為堅牢故藏財物著佛塔中佛復

開聽乃第二制也財物者謂衣具器物也若為貪積藏中則不可

以重已物而輕佛塔若供養塔及形像之物或僧祇物為守護聖宇不令有失權可

**結罪** 其中所犯並餘四眾悉皆同前 不  
犯者為堅牢藏著或彊者所執或命難梵  
行難及最初未制戒等

不得著革屣入佛塔中應當學 第六十二

**釋義** 緣處發起如上佛為結戒 皮熟曰韋生曰革凡

是皮履通名革屣也

**結罪** 其中所犯並餘四眾悉皆同前 不  
犯者或時有如是病或為強者所執喚入

塔中及最初未制戒等

**附考** 第三分云佛在王舍城時瞻波城有

長者子字守籠那其父母唯有一子甚愛  
念之生來習樂未曾躡地而行足下生毛  
時摩竭國王欲見之敕瞻波城主使諸長

者各將兒來彼城主奉敕與諸長者將兒

到已乞王以衣敷地守籠那行詣王所頭

面作禮王見歡喜賜以金寶語言我已與

汝現世利益世尊在耆闍崛山中汝可往

禮觀問訊當與汝後世利益諸長者如教

禮佛聞法得法眼淨受三皈五戒為優婆

塞時守籠那求佛出家因父母不聽佛不

許可彼還家以方便求其二親七日不食

遂聽捨家為道於精進經行之處血流汚

地如屠殺處後得漏盡證阿羅漢果佛告

守籠那汝生習樂不慣涉苦聽汝於寺內

著一重革屣即白佛言我捨五象王出家

為道或致人難言貪一重革屣世尊聽諸

比丘畜者我亦當畜佛時默然可之即以

是因緣集比丘僧為隨順說法無數方便

稱讚頭陀行少欲知足樂出離者告諸比丘聽為護身護衣護卧具故聽在寺內著一重革屣時諸比丘著一重革屣不久便穿壞聽以樹皮若皮補之當以縷縫聽畜雖若在邊國多瓦石聽著兩重革屣以皮為卧具若得未治皮聽柔不聽美一手捉革屣及鉢一切大皮不得畜謂師子虎豹獺野狸野狐黑皮等不得坐皮錦褥雜色卧具大小便洗足聽著革屣在和尚等前阿闍黎等前應偏露右肩脫革屣有所取與除在白衣舍及在道行若夜暮畏毒蠱聽著不應以皮作鉢並鍼線等囊若帽腰帶禪帶一切不淨可惡皮及皮器不應畜聽畜浮囊若住處有塵不得以皮作地敷不得手捉革屣入佛塔中應當學第六十三

釋義緣處發起其中所犯不犯並餘四眾悉皆同前前既不聽著入彼復捉持而進所污故亦不聽持入塔中也不得著革屣繞佛塔行應當學第六十四

釋義緣處發起其中所犯不犯並餘四眾悉皆同前統有二種一路由塔邊過故繞一為表敬故繞此言繞者是路由邊過

附考義淨律師云原西天致敬之儀有於多種或以禮拜為恭或復旋繞為敬禮則品列九等旋乃分於左右繞為吉左繞為凶匝數則從一二三乃至百千隨各所表且如常行三匝者表供三尊止三毒淨三業然諸所表但不外於法數合乎聖教可爾而言九等者一發言慰問二俯首示敬三舉手高揖四合掌平拱五屈膝六長



跪七手膝踞地八五輪俱屈九五體投地  
凡斯九等極唯一拜跪而讚德謂之盡敬  
遠則稽顙拜首近則舐足摩踵凡其致詞  
受命褰裳長跪尊賢受拜必有慰詞或摩  
其頂或拊其背善言誨導以示親厚出家  
沙門既受敬禮唯加善願不止跪拜此方  
禮數久乖智者宜當奉教勿順人情而虧  
聖制也

不得著富羅入佛塔中應當學第六十五

**釋義**緣處發起其中所犯不犯並餘四衆

悉皆同前梵語富羅此譯為短鞞靴

**會採**五分律云富羅不應深作鞞聽至踝  
上不得鞞如靴應開前

**附考**寄歸傳云准如聖教若對形像及近  
尊師除病則徒跣是儀無容輒著鞋履偏

露右肩衣掩左膊首無巾帕自是恒途餘  
處遊行在開非過若是寒國聽著短靴諸  
餘履屣隨處應用既而殊方異域寒煖不  
同准如聖教多有違處理可隆冬之月權  
可養身春夏之時須依律制履屣不旋佛  
塔教已先明富羅勿進香臺頌之自久然  
有違教之類卽是強慢金言

不得手捉富羅入佛塔中應當學第六十六

**釋義**緣處發起其中所犯不犯並餘四衆

悉皆同前前禁著入此制  
謹元不得捉入也

不得塔下坐食留草及食污地應當學第六十七

**緣起**此有二制佛在舍衛國住祇陀園六  
羣在塔下坐食已留殘食及草污地而去  
有知足比丘嫌責白佛結戒與結戒已時  
諸比丘作塔已施食作房已施食衆集坐

處窄狹不敢塔下坐食佛言聽坐食不得  
留草及食汚地時有病比丘不敢留殘食  
草汚地佛言聽聚著脚邊出時持棄之乃  
第二制也

**結罪**其中所犯並餘四眾悉皆同前 不  
犯者或時有如是病或時聚一處持出棄  
及最初未戒制等

不得擔死屍從塔下過應當學第六十八

**緣起**佛在舍衛國住給孤園六羣比丘擔  
死屍從塔下過護塔神瞋諸比丘中有樂

學戒慚愧者嫌賁六羣白佛結戒死者盡也謂氣

盡命終屍者故形也  
在休曰屍在棺曰柩

**結罪**其中所犯並餘四眾悉皆同前 不  
犯者或從此道過或強力者所將去及最  
初未制戒等

梵

无

**附考**寄歸傳云死喪之際僧尼漫設禮儀  
或復與俗同哀將為孝子或房設靈几用  
作供尊或披黻布而乖恒或垂長髮而異  
則或拄哭杖或寢苦廬斯等咸非教儀不  
行無過理應為其亡者淨飾一房或可權  
施蓋幔讀經念佛具施香花冀使亡魂托  
生善處方成孝子始是報恩豈可泣血三  
年將為賽德不餐七日始符酬恩者乎斯  
乃重結塵勞更嬰枷鎖從閻入閻不悟緣  
起之三節從使趣使詎證圓乘之十地歟  
然依佛教苾芻亡者觀知決死當日輿向  
燒處尋卽以火焚之當燒之時親友咸萃  
在一邊坐或結草為座或聚土作臺或置  
輓石以克坐物令一能者誦無常經半紙  
一紙勿令疲久然後各念無常還歸住處

寺外池內連衣並洗其無池處就井浴身

皆用故衣不損新服別著乾者然後歸房

地以牛糞用塗餘並皆如故衣服之儀曾

無片別或有收其設利羅設利羅此翻身骨為亡

人作塔名為俱儼形如小塔上無輪蓋豈

容棄釋父之聖教逐周公之俗禮號吡數

月布服三年者哉無常經出北藏孝字函南藏當字函

不得塔下埋死屍應當學第六十九

**釋義**緣處發起其中所犯不犯並餘四眾

悉皆同前埋者蓋也凡比丘身亡當依佛教四種墓法謂焚燒水殮地埋

素林如此四法必依處所不可輒爾便為違乖聖教須當慎之

**附考**根本雜事云苾芻身死應可焚燒

波離白佛言如佛所說於此身中有八萬

屍蟲如何得燒佛言此諸蟲類人生隨生

人死隨死身有瘡者應觀無蟲方可燒殞

護光

辛

無柴可得可棄河中若無河者穿地理之

地多蟲蟻可於叢薄深處令其北首右脇

而卧以草稭支頭若草若葉覆其身上送

喪苾芻可令能者誦三啓無常經並說伽

陀為其咒願事了歸寺應可洗身若觸屍

者連衣俱浴其不觸者但洗手足還至寺

中應禮制底

不得在塔下燒死屍應當學第七十

**釋義**緣處發起其中所犯不犯並餘四眾

悉皆同前經律云荼毘或云闍維此翻為

焚燒

不得向塔下燒死屍應當學第七十一

**釋義**緣處發起其中所犯不犯並餘四眾

悉皆同前向者謂不得正對塔前而燒也

不得佛塔四邊燒死屍使臭氣來入應當學

第七十二

**釋義**緣處發起其中所犯不犯並餘四眾

**悉皆同前**前禁正向此制四面如來淨圍應以香花旋繞略相禮敬屏氣

不淨豈容四方焚熏須覓僻靜處以燒化之可也

**附考**法華經云一切眾生喜見菩薩服諸

謹元

主

香油焚身臂供佛用酬法乳弘恩光明徧

照八十億恒河沙世界其中諸佛同聲讚

善然以聖人見道理證性空三業純淨無

諸雜穢雖焚肉身是名真法供養此則當

為凡流不淨是故遮止

不得持死人衣及牀從塔下過除浣染香熏

應當學第七十三

**緣起**佛在舍衛國給孤獨園六羣持死人

衣及牀從塔下過彼所住處神瞋諸比丘

聞嫌責白佛結戒時諸糞掃衣比丘疑不

敢持死人衣塔下過佛言聽浣染香熏已

持過是故開除乃第二制也

**結罪**其中所犯並餘四眾悉皆同前 不

犯者若或時有如是病若浣染香熏者及

最初未制戒等

**會採**毘尼母云若得糞掃衣若水中久漬

用純灰浣淨以奚黑伽香塗上然後得著

入塔中衣著糞掃是慚愧頭陀浣染香熏乃淨潔無穢聖慈開聽得著入塔

者一令貪好之流自厭一令頭陀之眾增修其意深矣

**附考**僧祇律云病時不服蒜不差者聽服

服已不應繞塔若塔在露地者得下風遙

禮

毘尼止持會集卷第十九

音義

搪突觸也斷音根齒也斟酌益也欠時欠伸也狼

狽 下音並 狽前二足長後二足短 狽前二  
 行若相離則進退不得矣今取喻 嘽 音上  
 年少比丘不相離上座出入也 嘽 音孽  
 博下音 嘽 音它 嘽 音穿入 嘽 音傳 嘽 音孽  
 音集 嘽 音聲 嘽 音同 嘽 音勝 嘽 音也  
 痲 坐平聲也 痲 音也 痲 音也 痲 音也  
 痲 音腫也 痲 音也 痲 音也 痲 音也  
 覺 痲 音也 痲 音也 痲 音也 痲 音也  
 此天欲界最勝故補處菩薩 誦 誦 誦 誦  
 皆示生此天為教化衆生故 誦 誦 誦 誦  
 者 疆 音強 守 籠 那 二百億 瞻 波 城 有 長 者  
 豪貴 晚 得 繼 嗣 時 有 報 者 輒 賜 金 錢 二 百  
 億 因 名 其 子 聞 二 百 億 有 云 父 聞 歡 喜 施  
 子 金 錢 二 百 億 二 百 億 形 貌 端 嚴 人 所 希  
 見 足 下 毛 長 四 指 同 黃 金 色 增 一 阿 舍 經  
 云 勇 猛 精 勤 遠 任 苦 行 狸 狸 狸 狸 狸 狸 狸 狸  
 所 謂 二 十 億 比 丘 是 狸 狸 狸 狸 狸 狸 狸 狸  
 尾 大 善 為 妖 魅 性 淫 多 疑 名 山 記 云 狸 狸 狸 狸  
 先 古 之 姪 婦 其 名 曰 紫 化 為 狐 多 自 稱 紫  
 獺 入 聲 獸 名 形 如 小 狗 水 居 食 魚 鱗 鱗  
 也 獺 音 魚 獺 音 魚 獺 音 魚 獺 音 魚 獺 音 魚  
 節 轉 無 明 不 覺 生 三 細 此 業 萃 音 悴 也 吽 音  
 號 吽 哭 稔 束 悍 也 稔 音 束 悍 也 稔 音 束 悍 也  
 稔 音 束 悍 也 稔 音 束 悍 也 稔 音 束 悍 也 稔 音 束 悍 也

注九

三十二

毘尼止持會集卷第二十

謹十

清金陵寶華山弘律沙門讀體集

不得佛塔下大小便應當學第七

**釋義**緣處發起如上其中所犯不犯並餘十四

四眾悉皆同前凡大小便應遠塔所在於常處不得處處漫為便利

**引證**優鉢祇王經云伽藍法界地漫大小

行者五百世身墮拔波地獄後經二十小

劫常遣肘手抱此大小便處臭穢之地乃

至黃泉

不得向佛塔大小便應當學第七十五

**釋義**緣處發起如上其中所犯不犯並餘

四眾悉皆同前前制不聽塔下此中雖遠塔處而不應在前對向須

知各影輪相乃如來衆德野聚人天瞻仰善神守衛宜加深敬可爾為比丘音豈待

不得繞佛塔四邊大小便使臭氣來入應當

學第七十六

**釋義**緣處發起如上其中所犯不犯並餘

四眾悉皆同前前制四方此中兼其四隅論遠近皆不得汚穢使

不淨之氣而薰襲也

不得持佛像至大小便處應當學第七十七

**釋義**准佛像例之則菩薩聲聞一切聖賢等像及三藏法寶皆不得持於穢處

來往

**結罪**其中所犯並餘四眾悉皆同前 不

犯者或道由中而過或強力者所持呼去

及最初未制戒等

不得在佛塔下嚼楊枝應當學第七十八

不得向佛塔嚼楊枝應當學第七十九

不得佛塔四邊嚼楊枝應當學第八十

**釋義**此上三戒緣處發起其中所犯並餘

四眾悉皆同前 不犯者或為大鳥御置

塔邊或為風吹去及最初未制戒等得云  
枝有五利益一口無臭氣二能別味三不  
增益熱陰四能引食五眼明若不嚼有五  
過反上  
可知

**會採**十誦律云佛前和尚阿闍黎一切上

座前佛塔前聲聞塔前俱不得嚼楊枝嚼

者突吉羅同歲比丘前不犯

律攝云嚼頭寸許令使柔軟然後徐徐揩

齒斷牙皆使周徧

僧祇律云若楊枝難得者當截所嚼處棄

之洗已殘者明日更用

寄歸傳云每日旦朝須嚼齒木揩齒刮舌

務令如法盥漱清淨方行禮敬若其不然

受禮禮他悉皆得罪

不得在佛塔下洩唾應當學第八

不得向佛塔洩唾應當學第八

謹十

第十二

二

不得塔四邊洩唾應當學第八

**釋義**此上三戒緣處發起佛為結戒如前

洩唾者乃身中流液不淨從鼻出口洩從  
口出曰唾凡為洩唾當在屏處仍須淨掃  
眷款而棄若老病者聽安唾器然於  
僧房且禁不污況乎佛塔而不嚴慎

**結罪**其中所犯並餘四眾悉皆同上 不

犯者或有如是病或大鳥啣置塔邊或為

風吹去及最初未制戒等

**會採**根本雜事云寺中四角柱下各安唾

盆雖聽安置以備象用  
然須蓋掩不宜恒現

不得向塔舒脚坐應當學第八

謹十

三

**釋義**緣處發起如前佛為結戒舒脚者乃  
縱情放逸

大夫威儀全無  
畏敬故爾禁之

**結罪**其中所犯並餘四眾悉皆同前 不

犯者或時有如是病若中有間隔或為強

者所持及最初未制戒等

第四分云若僧伽藍內塔滿聽在中間舒

脚坐西域比丘凡得向果者涅槃皆放靈骨以建制底於寺供養故爾伽藍塔

滿也

不得安佛塔在下房已在上房住應當學第八

五十

**緣起**佛在拘薩羅國遊行向都子婆羅門

村爾時六羣比丘安佛塔在下房已在上

房諸比丘聞嫌責六羣白佛結戒上房有

者處所高顯為上二者妙好嚴麗為上下房亦有二種一者處所低下名下二者處

弊名下亦可以指重樓為上房

**結罪**其中所犯並餘四眾悉皆同前 不

犯者或時有如是病持如來塔在下房已

在上房住或命難梵行難及最初未制戒

等

第四分云六羣安如來塔置不好房中已

在上好房中宿佛言不應爾應安如來塔

置上好房中已在不好房宿此言妙好嚴麗為上房

彼安如來塔置下房已在上房宿此言重樓為上

房佛言不應爾應安如來塔在上房已在

下房中宿 彼共如來塔同屋宿佛言不

應爾有比丘為守護堅牢故而畏慎不敢

共宿佛言聽安枕上若頭邊而眠 彼腋

下挾如來塔行反抄衣纏頸裹頭通肩披

衣著革屣擔如來塔佛言不應爾應偏露

右肩脫革屣若頭上若肩上擔如來塔行

謹十

**附考**僧祇律云起寺時先規度好地作塔

處應在東應在北僧地佛地不得相侵不

得使僧地流水入佛地佛地水得流入僧

地塔應在高顯處作不得在塔院中洗染

曬衣著革屣覆頭覆肩澆唾地不得塔池



中浣衣洗浴浣手面洗鉢下頭流出水得  
隨意用

人坐已立不得為說法除病應當學第八

**釋義**緣處發起如上佛結戒已時諸比丘  
疑不敢為病人說法故開除病乃第二制

也下皆准此說法者以法自尊不為利養  
而弘化聽法者信樂至誠  
聞解義而入理斯則兩皆獲益若說者聽  
者二俱失儀則彼此招過故佛大慈一一  
之

**結罪**其中所犯並餘四眾悉皆同前 不

犯者或有如是病或為王王大臣捉去及  
最初未制戒等

**會採**僧祇律云若放恣諸根立為無病坐

人說者越學法 若比丘為塔事為僧事  
詣王若地主彼言為我說法不得語令起  
恐生疑故若邊有立人者即作意為立人

護十

五

說雖王聽比丘無罪

人卧已坐不得為說法除病應當學第八

**釋義**緣處發起其中所犯不犯並餘四眾

悉皆同前臥者偃卧也縱身橋傲全  
無信敬故爾不得為說

人在座已在非座不得為說法除病應當學

第八

**釋義**緣處發起所犯不犯並餘四眾悉皆

同前座者乃正座也非座者不正座也  
乃至木枯土垂並地下皆攝非座

人在高座已在下座不得為說法除病應當

學第八

**釋義**緣處發起其中所犯不犯並餘四眾

悉皆同前高座者僧祇律云高有二種高  
大名高妙好者亦名高准義則  
下座例可分二卑小  
名下靈弊者亦名下

**引證**善見律云世尊訶責六羣云何自在  
下人在高而為說法佛語比丘往昔於波

羅奈國有一居士名曰車波迦其婦懷妊  
 思菴羅果夫曰此非菴羅果時復思云唯  
 王園中有夫夜入王園偷取未得明相出  
 不得出園即於樹上藏住時王與婆羅門  
 入園欲食菴羅果婆羅門在下王在高座  
 婆羅門為土說法偷果人在樹上心自念  
 言我今偷果事應合死我今得脫我無法  
 王亦無法婆羅門亦無法何以故我為女  
 人故而偷王果王猶憍慢故師在下自在  
 高座而聽法婆羅門為貪利養故自在下  
 座為王說法我與王婆羅門相與無法我  
 今得脫即下樹向王說偈云一人不知法  
 一人不見法教者不依法聽者不解法為  
 食粳米飯及諸餘餽饈是為餐食故我言  
 是無法為以名利故毀碎汝家法我為凡

謹十

六

人時見人在上說法者在下言其非法何  
 況我今汝諸弟子為在高人說法而自在  
 下時偷果人者即如來是

人在前行已在後行不得為說法除病應當

學第九  
 十

**釋義**緣處發起其中所犯不犯並餘四眾

**悉皆同前**若在道行而人前已後此中除  
 病准義應是說者或眼目失明  
 或身足有疾須人相牽故爾在後說法或  
 強力者將去於行次間教令說法比丘故  
 在後也

**會採**僧祇律云若比丘眼患前人捉杖牽

前為說無罪

人在高經行處已在下經行處不應為說法

除病應當學第九  
 十一

**釋義**緣處發起其中所犯不犯並餘四眾

**悉皆同前**此中高有二種一者本自高二  
 者壘石為基所以顯高地

經

行處者如佛聽作經行堂有五事利一好  
堪遠行二能思惟三少病四消餐食五得  
定久住

人在道已在非道不應為說法除病應當學

第九  
十二

**釋義**緣處發起其中所犯不犯並餘四眾

悉皆同前謹字  
道者正路也非道者乃左右之旁路也

不得携手在道行應當學第九十三

**緣起**佛在舍衛國住給孤園六羣比丘携

手在道行或遮男女諸居士見已皆譏嫌

謂携手道行如王王大臣豪貴長者諸比

丘聞有樂學戒者嫌責六羣白佛結戒携手

者謂連手也比丘之儀不宜連手在道並行也

**結罪**其中所犯並餘四眾悉皆同前 不

犯者或時有如是病或有比丘患眼闇須

扶接及最初未制戒等

不得上樹過人除時因緣應當學第九十四

**緣起**佛在舍衛國住祇陀林有一比丘在

大樹上受夏安居於樹上大小便下樹神

瞋恚諸比丘聞有知慚愧者嫌責白佛佛

告比丘自今已去不得樹上安居不得繞

樹大小便若先有大小便大小便無犯故

為結戒時有眾多比丘向拘薩羅國遊行

於道中值惡獸恐怖上樹齊人不敢過上

即為惡獸所害故加除時因緣之語乃第

二制也

**結罪**其中所犯並餘四眾悉皆同前 不

犯者或命難梵行難及最初未制戒等此

兼制小眾為無開緣若為大僧取揚枝及華果等沙彌沙彌尼上樹無罪

安居健度云欲取樹上乾薪聽作鉤鉤取

作梯取若繩取若樹通身乾聽上樹乾則無神依

不得絡囊盛鉢貫杖頭著肩上行應當學

第九十五

**緣起**佛在舍衛國給孤獨園時跋難陀絡

囊盛鉢貫杖頭肩八上擔諸居士見已謂是

宮人皆下道避於屏處看之乃知是跋難

陀故生譏嫌有知足者聞白佛結戒

**結罪**其中所犯並餘四眾悉皆同前不

犯者或為強力者逼若被縛若命梵二難

及最初未制戒等

第四分云不應背負物行除寺內有老比

丘須杖絡囊聽與作白二羯磨此法於作持中明

人持杖不恭敬不應為說法除病應當學第九

六十

**釋義**緣處發起如前佛為結戒時諸比丘

疑不敢為病人持杖者說法又開除病乃

第二制也

**結罪**其中所犯並餘四眾悉皆同前不

犯者或為王王大臣及最初未制戒等

**會採僧祇律**云若比丘在怖畏險道時防

衛人言尊者為我說法彼雖持杖為說無

罪

人持劔不應為說法除病應當學第九十七

**釋義**緣處發起其中所犯不犯並餘四眾

悉皆同前翻者檢也所以防檢非常也或有病心亂神虛怖畏者以劔防

身為說法開導安慰無犯下二戒亦爾

人持鉞不應為說法除病應當學第九十八

**釋義**緣處發起其中所犯不犯並餘四眾

悉皆同前鉞乃兵器之屬如鉞而作三廉也

人持刀不應為說法除病應當學第九十九

釋義緣處發起等一一同前乃若有種種形亦防衛之

也

人持蓋不應為說法除病應當學一百

釋義緣處發起等悉同上蓋者傘蓋也

會採僧祇律云種種能遮雨日者皆名為

蓋 若比丘為塔事若僧事詣王若地主

彼言比丘為我說法不得令却蓋恐生疑

故若邊有淨人應作意為淨人說王雖聽

無罪 若法師若律師風雨寒雪大熱時

捉蓋為說無罪此開法律之師者為弘化功博時逢寒熱若為顯異

遊名以謀利養者豈同斯例所以有益方開無功不聽非一槩允也

第四分云跋難陀在道行持好大圓蓋諸

居士見謂是王王大臣皆避道去不遠諦

視乃知比丘佛因是譏嫌故制不聽持亦

不應畜 有諸比丘天雨時往大小食上

若布薩時雨漬衣壞聽護衣故在寺內持

以樹皮若葉若竹作蓋 不應捉王大圓

扇若得已成者聽受與塔 若患熱聽以

樹葉若枝若草若衣作扇衣謂衣財乃布帛也鼻中

毛長聽以鑷拔 若爪極長如一麥應剪

不應綠色染爪 不應以剪刀剪鬚髮

應鬚髮盡剃 髮極長長兩指若二月

一剃 不應梳鬚髮 不應油塗髮 不

應畫眼臉患眼痛聽著藥 不應以鏡若

水照面若面患瘡著藥聽獨在一房以水

若鏡照根本雜事云若為觀瘡或鏡昔時老少形狀者覽鏡無咎不

應著耳璫耳環頸瓔臂脚釧指環指印

不應作鉛錫腰帶 不應用五色線絡腋

繫腰臂

十誦律云聽載犍牛車當使餘人御不得

自御 梳頭刷頭突吉羅 頂留少髮突吉羅  
 留髮令長突吉羅若阿蘭若比丘長至二寸無罪  
 若頭有瘡當以剪刀剪手摩鬚髮突吉羅  
 洗脚時不得共他語

七眾學法竟

**八七滅諍法**諍者三分中佛言有四種

諍一言諍二覓諍三犯諍四事諍云何言諍若比丘共比丘諍言引十八諍事法非法律非律犯非犯若輕若重有殘無殘麤惡非麤惡常所行非常所行制非制說非說若以如是相共諍言語遂彼此共鬪是為言諍僧祇律名相言諍律攝名評論諍云何覓諍若比丘與比丘覓罪以三舉事破戒破見破威儀見聞疑作如是相覓罪是為覓諍僧祇律名誹謗諍五分律名義律攝名非言諍云何犯諍犯七種誹謗諍五分律名義律攝名非言諍

罪波羅夷僧殘墮罪悔過法偷蘭遮突吉羅惡說是為犯諍 云何事諍言諍中事作覓諍中事作犯諍中事作是為事諍 滅法者言諍以二毘尼滅謂現前多人語或一毘尼滅謂現前 覓諍共四毘尼滅謂現前憶念現前不癡或現前罪處所罪即覓犯諍共三毘尼滅謂現前自言治或現前草覆地 事諍以一切毘尼滅隨所犯一切者即七種滅法也隨所犯者謂於言覓犯三諍中隨作何諍之事即隨事與法也 今以所起之四種諍能滅之七種法合而為名故云七滅諍法也若准犯結罪正攝第五波逸提為順戒相是以科列第八也 十誦律云有六諍本本即因也一瞋恨不語二惡性欲害三貪嫉四諍曲五無慚愧六惡

欲邪見是為六也

僧祇律云比丘成就五法能滅諍事知是實非是不實一是利益非不利益二得伴非不得伴三得平等伴非不平等伴四得時非不得時五

現前滅諍法第一

應與現前毘尼當與現前毘尼

**緣起**佛在舍衛國給孤園迦留陀夷與六羣在河中浴浴竟先上岸著六羣衣謂是已衣不看而去六羣上岸不見衣即謂彼偷去彼不現前便作滅擯羯磨迦留陀夷聞已有疑以此因緣白佛佛問汝以何心取答言謂是我衣不以賊心取佛言無盜心不犯不應不看衣而著不應人不現前而作羯磨自今已去為諸比丘結現前毘

準

志

尼滅諍

**釋義律**云現前者謂法毘尼人僧界也云

何法現前所持法滅諍者是謂滅諍時現前有所受持之七滅諍法可據云何毘尼現前所持毘尼滅諍者是謂現前有所持學之毘尼藏滅諍非捨正義而用餘滅云何人

現前言義往返者是謂諍者滅者現在前言義往返問答云

何僧現前同羯磨和合集一處不來者囑授在現前得訶而不訶者是反此為之不現前云

何界現前在界內羯磨作制限者是謂四方唱相曰二作法已僧應與當與者應者料度也當者理

合如是也若明止作臨機乘御先須料度得宜然後准事施法若不當與而與者皆由周諮毘尼不先稱量縱強施功無益招答豈但滅諍之法應與當與凡行一切作持亦復如是

若一比丘在一比丘前好言教語如法如毘尼如佛所教彼作如是言此是法是毘

尼是佛所教

彼即執諍者而云是法等乃信其言教心欲捨也復語云

汝當受是忍可

此句正是善能滅諍者試令息諍勸共來僧和合也

若作如是諍事得滅是為言諍以一滅滅

現前毘尼不用多人語也

**結罪**若比丘諍事如法滅已若更發起者

準

主

波逸提若後來比丘新受戒者謂是初諍

若更發起者波逸提

若一比丘為二比丘為三比丘及為僧亦

如是

若二比丘為一比丘為三比丘及為僧亦

如是

若三比丘為二比丘為一比丘及為僧亦

如是

若僧為一比丘為二比丘為三比丘及為

僧亦如是

是中現前義若能滅者四人已上其法毘尼人僧界五種一不

現前則不名現前毘尼也若能滅者或但二比丘三比丘一比丘唯以法毘尼人三種現前僧界二種不現前亦名現前毘尼也上所明者是本處僧中滅法下復明異住處僧中滅法然往異處復有中途滅法及到彼處滅法由言諍難滅現前事繫是以依律詳錄

若諍比丘不忍可僧作如是滅聞異住處

有好僧好上座智人彼比丘以此諍事故

應往彼住處若在道路能得如法如毘尼

如佛所教滅諍者是為言諍以一滅滅為

現前毘尼不用多人語

若道路不能得如法滅至彼僧中上座有

智慧人前作如是言我此諍事如是起如

是實因是好僧作如是滅我不忍可是故

來至長老所善哉長老為我如法如毘尼

如佛所教滅此諍事若長老能為我等滅

此諍事者我等當於長老前捨此諍事若



長老不能如法如毘尼如佛所教滅此諍事者我自任作諍更令罪深重諸比丘住止不安樂彼諍比丘應如是在僧前捨諍事此僧應語彼言長老諍事若如是起如實如所因起如彼眾僧滅諍若能如實說者我等當量宜能滅此諍不若不如實說此諍事更深重非法非毘尼非佛所教諍事不得滅諸比丘不得安樂住彼僧應作如是受諍已應斷決若彼諍比丘是下座者應語言小出我等自共平此事如法律教若比丘是上座者僧應自避至餘處共平斷僧作是念我等若在僧前平此事恐更有餘事起令彼此善惡言說不了我等寧可與諸智慧人別集一處共平此事即應作白平斷此事

此是作持中單白羯磨綱目內所列簡集智人

法作前方  
便已白云  
大德僧聽若僧時到僧忍聽僧今集諸智慧者共別平斷事白如是  
白已平斷若比丘有十法者應差別平斷一持戒具足二多聞三誦二部毘尼極利四若廣解其義五若善巧言語辭辯了了堪任問答今彼歡喜六若諍事起能滅七不愛八不恚九不怖十不癡斷事比丘中有不誦戒者不知戒毘尼便捨正義作非法語者僧應白遣此比丘出應如是白此是  
作持中遣不誦戒者出單曰法  
大德僧聽彼某甲比丘不誦戒不知戒比丘便捨正義作非法語若僧時到僧忍聽僧今遣此比丘出白如是白已遣出  
彼座斷事比丘中有誦戒不誦戒毘尼彼

謹十

主

捨正義說少許文僧應作白遣出應如是

白此是作持中道不誦戒毘尼者出單白法

大德僧聽彼某甲比丘誦戒不誦戒毘尼

彼捨正義說少許文若僧時到僧忍聽僧

今遣此比丘出白如是白已遣出

若平斷事比丘中有法師在座彼捨二義

以言辭力强說者僧應作白遣出作如是

白此是作持中道捨正義者出單白法

大德僧聽此某甲比丘法師捨正法義以

言辭力强說若僧時到僧忍聽僧今遣此

比丘出白如是白已遣出

若斷事比丘座中誦戒誦毘尼順正義如

法說僧應佐助之若彼僧不如法律教滅

諍者此指前本處僧而言今僧應如法律教滅此指後異

住處僧言若彼僧如法律教滅今此僧亦忍可

此事此所謂律無二制滅法相感也僧應語彼諍比丘言

若彼僧如法律教滅此諍事我等亦忍可

此事如法滅諍今我等亦當作如是滅諍

若作是得滅諍者是為言諍以一滅滅現

前毘尼不用多人語

**結罪**若比丘諍事如法滅已後更發起者

波逸提若後來比丘新受戒者謂是初諍

而更發起者波逸提與欲已後悔者波

逸提此中因有僧集人單白羯磨法所以同界住者必須依律與欲

若彼諍比丘不忍可第二僧作如是滅聞

異住處有衆多比丘持法持律持摩夷持論

也應往彼所若至中道能滅者是為言諍

以一滅滅現前毘尼不用多人語

若中道不能如法滅應到彼持法律論等

比丘所言長老我此諍事因如是起如是

實因是起僧作如是滅第二僧亦作如是  
滅我不忍可故來至長老間善哉長老能  
如法律教滅此諍事者我當於長老間捨  
此事若長老不能如法律教滅我等便自  
在作諍更令罪深重諸比丘住止不安樂  
彼諍比丘應在衆多比丘前捨此事衆多  
比丘應語此諍比丘言若長老此諍事如  
實所因起如第二僧滅如實說說已捨諍  
我等當量宜能滅不若不如實說者此諍  
事自在作罪更深重諸比丘住止不安樂  
衆多比丘應作如是受諍受已決斷彼諍  
比丘若是下座者應語言小避我等欲平  
斷事若是上座者應自避餘處共平若彼  
僧不如法律教滅第二僧亦不如法律教  
滅衆多比丘應如法律教滅若彼僧及第

諍十

七

二僧如法律教滅衆多比丘亦應忍可此  
事應語諍比丘言如彼僧滅諍我等亦忍  
可今當作如是滅諍是爲言諍以一滅滅  
現前毘尼不用多人語是中現前者法毘  
尼人如上

**結罪**若比丘諍事如法滅已若更發起者  
波逸提若後來比丘新受戒者謂是初諍  
若更發起者波逸提

若往一比丘持法律論住處及至中道亦  
如上

往二比丘持法律論住處及至中道亦如  
上

比丘尼同學

**會採**十誦律云現前毘尼有二種非法若  
非法者約敕非法者令折伏若非法者約

敕如法者令折伏 有二種如法若如法者約敕如法者令折伏若如法者約敕非

法者令折伏

大乘比丘同學應善和聞諍故

附考薩婆多摩得勒伽云十種不現前作

羯磨一覆鉢二捨覆鉢謂俗人罵謗比丘不相往來然後自見過行隨順心求三學

僧乞解僧應羯磨為解捨即解也

家四捨學家如悔過法中所明五作房謂以故廢

施與居士任其更六沙彌謂擯惡見沙彌為僧修造房舍戒人不得聞羯磨法故不須現前其二解

及在房擯沙彌令在眼見耳不聞處立

七狂謂無知故八不禮拜九不共語十不

供養謂比丘非法觸惱比丘尼尼不得面

除是十法餘咸現前明矣於作持中詳顯

第四分云比丘以二十二種行知是平斷事人一具足持二百五十戒二多聞三善

解阿毘曇毘尼四不與人諍五亦不堅住

此事六應訶者訶然後住七應教者教然

後住八應擯者擯然後住九不愛十不恚

十一不怖十二不癡十三不受此部飲食

十四不受彼部飲食十五不受此部衣鉢

坐具針筒十六不受彼部衣鉢坐具針筒

十七不供給此部十八亦不供給彼部十

九不共此部入村二十亦不共彼部入村

二十一不與作期要二十二亦不至彼後

來後坐十

僧祇律云有七事非他邏咄亦似他邏咄亦

聞頹吒薩婆多論云聞頹名地吒利名住

智勝自在於正法不動如人住地無傾覆

也何等七或有狂故不著此眾不著彼眾

謂是他邏咄是最初非他邏咄似他邏咄

如是心亂鈍癡病故不著此眾不著彼

衆 復次或有人爲利故作是念若我著  
此衆失彼利著彼衆失此利是二俱不著  
復次或有人得二衆利故作是念我爲  
得二邊利故不著此衆不著彼衆是名非  
他邏咆譯似他邏咆 有二他邏咆一者自  
護心見他是非作是念業行作者自知譬  
如失火但自救身爲知他事 二者待時  
見他諍訟相言作是念此諍訟相言時到  
自當判斷是二他邏咆共此衆法食味食  
亦共彼衆法食味食或請斷當事或不請  
而斷當事  
十誦律云闍利吒比丘取諍時應以五事  
觀此中誰先來持戒清淨誰多聞智慧善  
誦阿含誰於師如法誰信佛法僧誰不輕  
佛戒 烏迦鳩羅比丘有十事僧應差譯

多論云烏迦名二鳩羅名 知諍來往處根  
平等心無二其平如稱 本善知諍能分別諍知諍起因緣知諍義  
善滅諍滅已更不令起持戒清淨多聞多  
智 闍利吒比丘行有二十二法當知是  
利根多聞一善知事起根本二善分別事  
相三善知事差別四善知事本末五善知  
事輕重六善知除滅事七善知滅事更不  
起八善知作事人有事人九有教教力十  
能使人受力十一有方便軟語力十二亦  
能使人受十三有自折伏力十四亦能使  
人受十五知慚愧十六心不憍慢十七無  
憍慢語十八身口意業無偏著十九不隨  
愛行二十不隨瞋行二十一不隨怖行二  
十二不隨癡行

憶念滅諍法第二

應與憶念毘尼當與憶念毘尼

**緣起**佛在王舍城沓婆羅子不犯重罪諸

比丘皆言犯重罪問言汝犯重罪波羅夷

僧殘偷蘭遮彼不憶犯便答言我不憶犯

如是重罪長老莫數數詰問我而諸比丘

故詰問不止彼作如是念我當云何諸比

丘白佛佛言自今已去與諸比丘結憶念

毘尼滅諍白四羯磨此羯磨法於作持中詳明

**釋義**律云憶念毘尼者彼比丘此罪更不

應舉不應作憶念者是憶者記憶也念者明記不忘也由諸

比丘數數令其憶念不止佛聽僧作憶念毘尼已使諸比丘不得數數詰問故

如是諍事滅是為覓諍以二滅滅現前毘

尼憶念毘尼不用不癡毘尼罪處所是中

現前法毘尼人僧界如上

**結罪**若比丘諍事如法滅已後更發起者

波逸提比丘尼同學

**會採**十誦律云憶念毘尼有三非法有比

丘犯無殘罪自言犯有殘罪從僧乞憶念

毘尼若與者非法應滅擯故 有比丘狂

癡還得心從僧乞憶念毘尼若與者非法

應與不癡毘尼故 有比丘有見聞疑罪

自言我有是罪後言我無是罪從僧乞憶

念毘尼若與者非法應與實覓毘尼即覓罪相

有三如法有比丘被無根謗若人常說是

事應與憶念毘尼 有比丘犯罪已悔除

若人猶說是事應與憶念毘尼 有比丘

未犯是罪將必當犯若人說犯是事應與

憶念毘尼

薩婆多論云此法是守護毘尼五眾五篇

盡與憶念必要白四羯磨小三眾不現前

不癡滅諍法第三

應與不癡毘尼當與不癡毘尼

**緣起**佛在王舍城難陀比丘癡狂心亂多犯眾罪後還得心諸比丘詰問不止以此因緣白佛佛言自今已去與諸比丘結不

癡毘尼滅諍白四羯磨此羯磨法於作持中詳明

**釋義**律云不癡毘尼者彼比丘此罪更不應舉不應作憶念者是若如是滅者是為寬諍以二滅滅現前毘尼不癡毘尼不用憶念毘尼罪處所是中現前如上五種

**結罪**彼比丘諍事如法滅已後更發起者波逸提比丘尼同學

**會採**十誦律云不癡毘尼有四種非法有比丘不癡狂現癡狂相問時答言我憶念癡故作一人教我使作二憶夢中作三人

憶裸形東西走立大小便四是人乞不癡

毘尼若與者非法 有四種如法有比丘實狂癡心顛倒問時答言不憶念一他不教我二不憶夢中作三不憶裸形東西走立大小便四是人乞不癡毘尼若與者如

法

薩婆多論云此亦是守護毘尼五眾盡與不癡毘尼必要白四小三眾不現前

自言治滅諍法第四

應與自言治當與自言治

**緣起**佛在瞻波城十五日布薩時眾僧圍繞在露地坐初夜已過阿難起座禮畢白言初夜已過願世尊說戒世尊默然阿難却座中夜後已過明相已出阿難復請世尊說戒佛告阿難眾不清淨欲令如來於

中羯磨說戒無有是處目連以淨天眼觀  
 察衆中見彼比丘去佛不遠坐非沙門非  
 淨行自言是沙門是淨行起座往彼比丘  
 所語言汝今可起世尊知汝見汝出去滅  
 去便捉臂牽出門外還白世尊衆已清淨  
 願世尊說戒佛告目連不應如是若於異  
 時亦不應如是令彼伏罪然後與罪不應  
 不自伏罪而與罪自今已去爲諸比丘結  
 自言治滅諍

**釋義**律云自言者說罪名說罪種懺悔者

是云何治自責汝心生厭離者是五篇禁制爲之

罪名也一一戒中所犯不同各有罪種也

若比丘犯罪欲在一比丘前懺悔應至一  
 清淨比丘前偏袒右肩若是上座禮足胡  
 跪合掌說罪名說罪種作如是言

釋十

重

長老一心念我某甲比丘犯某罪今從長  
 老懺悔不敢覆藏懺悔則安樂不懺悔不  
 安樂憶念犯發露知而不敢覆藏願長老  
 憶我清淨戒身具足清淨布薩如是受懺  
 者應語言自責汝心生厭離答爾若作  
 如是諍事滅者是爲犯諍以二滅滅現前  
 毘尼自言治不用如草覆地是中現前者  
 法毘尼如上人現前者受懺悔者是也

**結罪**若比丘諍事如法滅已後更發起者

波逸提若欲二比丘前懺悔者唯異受懺  
 者應先問彼第二比丘若長老聽我受某  
 甲比丘懺者我當受第二比丘應言可爾  
 餘詞同上 若三比丘前懺亦如是 若  
 僧中懺者其受懺者應先作白餘詞同上  
更有八品小罪及心念實心  
 等法此不繁於作持中詳明



比丘尼同學

會採十誦律云自言滅諍有十種非法若犯五篇罪自言不犯又不犯五篇罪自言犯 有十種如法若犯五篇罪自言犯若不犯五篇罪自言不犯 薩婆多論云自言滅諍法五衆有事及五篇戒有犯不犯事盡自言治而滅之

覓罪滅諍法第五

應與覓罪相當與覓罪相

緣起佛在釋氏國象力比丘喜論議共外

道論得切問時前後言語相違於僧中間時亦復如是言語相違在衆中故作妄語外道譏嫌諸比丘白佛佛言自今已去爲諸比丘結罪處所滅諍法白四羯磨此羯磨於作持中 詳明

謹十

審

釋義律云覓罪相亦名罪處所云何罪處

所彼比丘此罪與作舉作憶念者是律本

求罪自性 十誦律作實覓罪 勒伽論

云實覓罪者先犯罪已發露後覆藏 五分律作

本言治 若如是諍事滅是爲滅諍以二滅滅現前毘尼罪處所不用憶念毘尼不癡

毘尼現前義如上五種

結罪若比丘諍事如法滅已後更發起者

波逸提

比丘尼同學

律云有三非法與罪處所毘尼不作舉不

作憶念不自言有三如法復有三非法無

犯犯不可懺罪若犯罪已懺有三如法復

有三非法不舉非法別衆不作憶念非法

別衆不現前非法別衆反上即是

會採十誦律云實覓滅諍有五非法有比

丘犯五篇罪先言不犯後言犯若與實覓  
毘尼者非法應隨所犯治故 有五如法  
有比丘犯五篇罪先言犯後言不犯是人  
應與實覓毘尼

僧祇律云與覓罪相羯磨已此人盡壽應  
謹

行八事一不得度人二不得與人受具足

三不得與人依止四不得受比丘按摩五

不得受比丘供給六不得作比丘使七不

得次第差會八不得為僧作說法人

薩婆多毘婆沙云此覓罪相是折伏毘尼

一切五篇一切五眾盡與實覓毘尼白四

小三眾不現前

多人語滅諍法第六

應與多人語當與多人語

**緣起**佛在舍衛國比丘共諍時舍衛眾僧

如法滅諍彼諍比丘不忍可僧滅諍事聞  
異住處僧及眾多比丘住處滅諍皆不忍  
可如現前毘尼中往返由現前便至佛所  
毘尼不能滅故復制此法  
禮足已具白不忍滅諍因緣佛種種訶責  
已告諸比丘應求多人覓罪自今已去為

諸比丘結用多人語滅諍法

**釋義**律云用多人語者用多人知法者語

**聽行籌**種婆多論云多覓毘尼者多求眾

釋斷謂廣尋三藏決了是佛非佛

多處求斷謂論諸僧伽藍處所是為

非佛從多處斷謂以如法籌者為是所

以行籌者以應差行籌人白二羯磨此法

籌表議也

持中 有五法不應差有愛有恚有怖有癡

不知已行未行反上為五如法應差十誦

一切應和合集有三種行籌一顯露二覆

藏三就耳語

云何顯露行籌若眾中雖如法比丘多然

彼和尚阿闍黎皆如法又上座智人持法

持毘尼持摩夷皆如法說應顯露行籌應

作二種籌一破二完應作白此即受差人於衆僧前正

中而立手據籌盤口白衆云作如是語者捉不破籌謂

是法是毘尼是佛所教者捉此不破籌作如是語者捉破籌

謂言非法非毘尼非佛所教者捉此破籌行已應別處數於屏

數所捉完破之籌多少其諍能滅不能滅唯行籌者密諍若法不密恐事增紛若

如法語比丘多者彼應作白云作如是語

者諍事滅此處准義加儀彼行籌者於衆中作是白已僧中上座應讚言

善哉今諍已滅住止安樂諸長老一齊起座作禮三拜各歸本所勤修道業普衆作禮已

散去若法語比丘少者即應作禮已便起

去應遣信往比丘住處僧中白言彼住處

非法比丘多善哉長老能往至彼若如法

語比丘多諍事滅功德多此比丘聞應往

若不往如法治

卷十

十六

若作如是諍事滅者是為言諍以二滅滅

現前毘尼用多人語現前義五種如上

云何覆藏行籌謂蓋覆非顯露籌盤而行使衆不見若衆中

雖如法比丘多而彼二師不如法又上座

智人等皆住非法若顯露行籌恐諸比丘

隨二師上座等捉籌應覆藏行籌應作白

作如是語者捉不破籌作如是語者捉破

籌行已應別處數乃至此比丘聞應往若

不往如法治 若作如是諍事滅者是為

言諍以二滅滅現前毘尼用多人語現前

義如上

云何耳語行籌若衆中雖如法比丘多而

彼二師非法說及上座等皆住非法應耳

語行籌應作白作如是語者捉不破籌作

如是語者捉破籌行籌時應稀坐間容一

人身小障翳

此為行善人便於曲身就平語以遮障捉籌者令彼二師

上座等不能見

語言汝和尚同和尚阿闍

黎同阿闍黎親厚知識等已捉籌

此等指不破者

善哉汝亦當捉籌若如法比丘多諍事

得滅功德多

此乃方便勸誘之令捉如法籌也

行捉已在

一面數之乃至諍事滅功德多此比丘聞

應往不往如法治

若作如是諍事滅者是為言諍以二滅滅

現前毘尼用多人語現前義如上五種

**結罪**若比丘行三種籌如法滅諍已後更

發起者一一波逸提

比丘尼同學

律云有十種不如法捉籌 一不解捉籌

於此諍事不決了不知是法非法乃至是

說非說 二不與善伴共捉籌若比丘多

聞持法持毘尼持摩夷不與作伴法非法

乃至說非說 三欲令非法者多捉籌彼

比丘作念此諍事多有如法比丘我今當

捉非法籌令非法者多 四知非法多捉

籌彼此比丘作念此諍事非法比丘多為非

法伴捉籌 五欲令僧破捉籌彼作念此

諍事如法者多我今捉非法籌令僧破

六知眾僧當破捉籌彼此比丘知非法者多

為非法伴黨捉籌 七非法捉籌白二白

四羯磨白異羯磨異 八別眾捉籌同一

界羯磨不盡集應囑授者不囑授現前應

訶者使訶 九以小犯事捉籌或念犯罪

或不故犯或發心作如是捉籌 十不如

所見捉籌異見異忍是為不如所見

此十種中

一一皆以越 有十種如法捉籌反上即是

毘尼治之

**會採**十誦律云說如法者爲作長籌說非法者爲作短籌說如法者爲作白籌說非法者爲作黑籌說如法籌以右手捉說非法籌以左手捉先行說如法籌後行說非法籌一切僧應和合集一處不得取欲

僧祇律云行籌訖若非法籌乃至多一者不應唱非法人多如法人少當作方便解坐或前食欲至者應唱令前食或後食時或浴時說法時說毘尼時隨應唱之若非法者覺言我等得勝爲我等故解坐我等今不起即要此坐決斷是事爾時精舍邊若有小屋無蟲者應使淨人故放火已唱言火起火起即便散起救火乃往覓如法伴

**附考**五分律云若如法人多應白二羯磨

謹字

元

滅之唱言 大德僧聽若僧時到僧忍聽

僧今以多人語滅此諍事白如是

大德僧聽僧今以多人語滅此諍事誰諸

長老忍僧以多人語滅此諍事者默然誰

不忍者說僧已忍僧今以多人語滅此諍

事竟僧忍默然故是事如是持

**草覆地滅諍法第七**

應與如草覆地當與如草覆地

**緣起**佛在舍衛國諸比丘共諍多犯衆罪

非沙門法亦作亦說出入無限後諸比丘

作是念我曹若還共問此事或能令此諍

轉深重經歷年月不得滅令僧不得安樂

住以是白佛佛言應滅此諍事自今已去

爲諸比丘結如草覆地滅諍法

**釋義**律云草覆地者不稱說罪名罪種懺

悔者是五分律云草布地者彼諸比丘不復說斷原僧亦不更問事根本

彼一眾中有智慧堪能比丘從座起偏露

右肩右膝著地合掌作如是言 諸長老

我等此諍事多犯眾罪非沙門法言無齊

限出入行來不順威儀若我等尋究此事

恐令罪深重不得如法如毘尼如佛所教

諍事滅令諸比丘住止不安樂若長老忍

者我今為諸長老作如草覆地懺悔此罪

第二眾中亦如是說彼兩眾比丘各向大眾說已俱還本

座彼諸比丘應作如是白即此眾中能獨磨者坐自此法

是作持中之草覆地單白羯磨法也

大德僧聽若僧時到僧忍聽僧今此諍事

作草覆地懺悔白如是

白是已作草覆地懺悔是一眾中有智慧

堪能者仍是前人從座起右膝著地合掌作如

是白諸長老我今此諸諍事已所犯罪除

重罪遮不至白衣家羯磨若諸長老聽者

為諸長老及已作草覆地懺悔此處宜會

用之以法喻雙明則草覆地之名五分

亦應作如是說是中言除重罪等者謂一切因諍所犯波逸提突吉

羅惡說等罪以草覆地懺悔悉皆除滅唯

除前二篇及遮不至白衣家羯磨此則或

是為犯諍以二滅滅現前毘尼草覆地不

用自言治現前義如上

波逸提第十 結罪若比丘諍事如法滅已後更發起者三

波逸提

比丘尼同學

會採十誦律云草覆地有二義一闕諍數

起諍人亦多其事轉眾推其原本難可知

處佛聽布草除滅如亂草難可整理亂來

棄之 二者有德上座勸諭諍者使向兩

衆羊皮四布悔過 即五分律所謂皆舒手脚伏地今云羊皮四布

者是 喻也 兩衆者各有所助故令各在一處 此謂

會集作法皆令兩分各衆

五分律云若有比丘鬪諍相罵作身口意

惡業後欲於僧中除罪作草布地悔過應

三乞已皆舒手脚伏地向羯磨者一心聽

受彼爲白四羯磨

又十誦律云有五事諍難滅不求僧斷一

不信佛語 二 不如法白 三 二衆諍心不息

四 所犯不求清淨 五 反上五事者易滅

根本目得迦云有二苾芻共生瑕隙種種

異言互相讒謗於此二人應信持戒者若

二俱持戒應信多聞者若二俱多聞應信

少欲者若二俱少欲應信極少欲者若二

俱極少欲而生瑕隙無有是處 此顯凡情未盡習氣

全存遇境逢緣率不嚴慎 八七滅 若無欲情亡則是非絕諍 諍法竟

### 毘尼止持會集卷第二十

#### 音義

都子婆羅門村 三分律云都夷婆羅門聚落在拘薩羅國界舍衛大

城西北六十餘里元是 **菴羅果** 亦云菴羅


迦葉佛本生之處也 摩羅舊翻爲奈新翻難分別其果 似桃非桃似奈非奈又生熟難分 鈺 音瑠 也 音檢 日上 音亦 棧也 音亦 棧也 音亦 棧也 音亦 棧也

大夫士入君門 由闌右闌音葦

由闌右闌音葦







曇無德部四分律刪補隨機羯磨

唐京兆崇義寺沙門道宣  
清金陵華山後學比丘讀體

撰集  
續釋



清刻龍藏佛說法變相圖

敘

勅一

夫戒為通修之元基者由其能淨無量之染業能立無量之梵行故若無戒德則染心何以皎潔梵行何以克成故云戒為無上菩提本應當一心持淨戒然持戒之心要唯二轍一止持二作持勅一止持則自唐迄今代有人弘作持則數百餘載寂無提舉余自乙亥春納戒潤州恒侍先老人輔化諸方每以作持扣請老人云汝既志存毘尼願維絕紐藏內有曇無德部刪補隨機羯磨廼南山律祖之所撰集事法兼備誠為典型但以久湮卒難力振俟汝異日為眾闡揚於戲諄諄師訓尤在耳也至乙酉夏老人掩室委付棲山念顧命之難違感慈恩之當報焚膏繼晷窮律部之奧微率眾躬行闡羯磨之洪範是制必遵干

非即革但羯磨藏本有綱目列而法不全復  
有文句古而義不顯因憐初學臨卷罔措故  
余依律廣其事法釋其隱微題云毘尼作持  
續釋使諸辰卷成壞了然所冀同志諸仁知  
止作明是非臨事稱量應為當為共沐戒海  
而盡浣凡心俱踐道階而紹繼聖種又豈例  
圖術虛談空盈卷軸哉

時

康熙乙巳歲前安居日毘尼後學滇南讀體  
識於金陵寶華山之觀西軒

毘尼作持續釋

凡例

一律制羯磨一切僧事依之成就若靡羯磨作辦不成故律云有秉羯磨有說行者斯則名為正法住世又曰不誦白羯磨者終身不得離依止是知比丘要務莫先於此宜勉攻持

一羯磨諸法始緣隨事漸制後因結集類分捷度雖斂用討文浩若不精徹非過難追上古諸大律師匡維正法嚴淨毘尼者咸皆從廣採畧恒誦不遺今藏中曇無德部有三集其二未融諸部法儀欠備唯南山宣祖撰集刪補隨機羯磨四卷於對首心念會取他宗僧法羯磨具如本部施法應事隨機准義加儀便

用有異餘二故今特紹行持

一詳稽原卷前列綱目百八十四法合復畧六十有五既云補集缺意為何及至文中贅曰縱舒撰次非學不知徒廢時功未辦前事故闕而不載必臨機秉御大鈔詳委嗟夫大鈔世沒覓訪絕聞是故研窮廣部校讐作持應准目續法者上標一續字應依律釋義者上標一釋字應顯過出非者上標一非字應附證及便行者上標一附字若無續釋非附四科悉是藏卷原文凡秉白之法皆書頂格餘下一字俾明古本以別新續儻讀懷疑請閱北藏存字函昭然可據別集戒相題曰毘尼止持會集若彼應秉白羯磨者咸示於作持中詳明為分

止作故不相兼今此卷內原題如舊外  
權更云毘尼作持續釋以便簡討

宗紹作持本欲重光息熖必也前行後  
效故體躬操二十餘年稿成不速刊行  
者為令依學練知見聞堅信今已信樂  
欽行故爾壽梓流布將來藉此以報佛  
恩用酬師德若受具已一往不知由失  
所傳學而不行其過何辭設未受具者  
窺閱律部理賞誠訶如謂律法先知而  
後受具此則以毒飲人寧不慎歟

曇無德部四分律刪補隨機羯磨原序

釋此原序分三 初明如來出世說法  
制戒之由 二明滅度教法流傳分律  
之端 三明撰集羯磨刪補隨機之意

○今初

原夫大雄御寓豈惟拯拔一人

釋原夫二字是推原發語之詞寓者天地  
四方為之曰寓大雄者乃讚佛因修萬行  
斷五住煩惱二死永亾果證十號滿兩足  
莊嚴三身圓現應迹示成道於中天居無  
上法王之極位故云大雄御寓然佛御寓  
統化三千大千世界本為普度眾生咸令  
解脫豈惟拯拔一人而出現世間拯謂救  
昏迷之失性拔謂濟滯溺之沉流此明化  
利之廣也

大教膺期總歸為顯一理

釋大教者釋迦世尊五時說法三百餘會為之曰一大時教膺者當也期者從旦至旦復其時也然雖教設五時言詮半滿皆是善巧以就三根當其時宜而為說法至於一期佛事將終演妙法華則無二三令捨化城直趨寶所總收權小並歸大乘為顯一實相理此明說法之妙也

但由羣生著欲欲本所謂我心故能隨其所懷開示止心之法

釋此申明開權之意也如來不即說一佛乘而等濟之必先以權教攝化者但由羣生迷真已久癡無正智貪欲深著難語大法諦審貪欲之本所謂第六意識妄執我故我執有二俱生我謂凡夫於色受想行識五蘊法中強立主宰妄執為我與身

初一

五

俱生名曰俱生我執二分別我謂於計我法中分別我能行善行惡等事而起執著名曰分別我執因執二我引生煩惱作種種業繫縛生死不能解脫唯佛智知之觀諸眾生種性樂欲故能隨其所懷而開示

止心之法也

然則心為生欲之本滅欲必止心元止心由乎明慧慧起假於定發發定之功非戒不弘是故特須尊重於戒

釋此明斷證非戒無託也止者止息情慮澄靜昏煩元即本也謂第六識心既為生欲之本若滅貪欲必止息此心澄靜情煩以空慧觀照了知五蘊無我俱生分別不執則十使頓除永斷欲本證無我理名曰生空觀

亦名

人空所以止心由乎明慧然此真

明空慧乃自性德用非正定之力莫能現起定力弘大非淨戒之功莫能發生是故特須尊重於戒

故經云戒爲無上菩提本應當一心持淨戒

〔釋〕此引華嚴經爲證明特尊於戒也無上菩提四字乃華梵雙舉梵語具云阿耨多羅三藐三菩提阿耨多羅翻云無上三藐翻云正三翻云等菩提翻云覺無上是理正等覺是智正謂正中即一切種智寂滅相等謂平等即行類相貌如實知故然此極果理智非亞位所獲唯佛與佛乃能證知今以引證此者謂非獨人天樂報權乘取果功唯在戒即諸佛如來圓滿萬行所證無上菩提亦以戒爲本因凡諸真修行者應當一心奉持淨戒而云一心者斯有

勅一

六

大小之別大乘一心持戒者是自性戒真如不變本無染淨真如隨緣修證不無所謂已知法性無染污隨順修行尸羅波羅蜜是稱性起修全修在性之旨也聲聞乘一心持戒者是別解脫戒憑師秉受識相護體少有染污即干聖制若心不專一精窮律學則名相茫然持犯焉曉貪欲之念易興我執之妄難除縱有禪定智慧非淨戒所發真無漏故必落魔邪是以引經爲證復恐大小混糅不明持戒之心故下文示其嚴持身戒之宗也

持戒之心要唯二轍止持則戒本最爲標首作持則羯磨結其大科後進前修妙宗斯法故律云若不誦戒羯磨盡形不離依止

〔釋〕要謂宗要也轍乃車輪所輾之跡若依

第六識心起三毒煩惱則成染根本是生死因若依之修三無漏學則成淨根本是出世因今就此心持戒而論宗要唯二猶車兩輪合轍方能任載至遠偏則難免折軸之憂持戒止作並行庶幾塵勞迴脫昧則反招違破之苦今人受戒欲淨而多染者良由未明二持之宗故示云止持則戒本最為標首者止謂禁止身口不造諸惡則四分戒本最為詳備名標五篇類分六聚隨業心輕重定犯相開遮乃比丘淨身樹德之首務也作持則羯磨結其大科者作謂作辦事法不越毘尼准事大畧一百八十有四約法量度僧數衆多一人總收羯磨以結大科更無有餘是比丘施造成濟之秘術也然斯止作已徃賢聖奉持而

早獲無漏未來僧伽依修而必紹聖種捨此通途則入道無由故云後進前修妙宗斯法向下結證顯宗有據故律云若不誦戒謂不攻習其止持若不羯磨謂不精練其作持二持罔諳佛訶啞羊故制盡生形壽不得離於依止唯聽人爲已師而不聽已師於人也

○二明滅度教化流傳分律之端

自慧月西隱法水東流時兼像正人通淳薄初則二部五部之殊中則十八五百之別末則衆鋒互舉各競先驅人或從緣法無傾墜

釋初二句法喻雙舉慧者如來以實智自證真理以權慧說法利生今在應迹利生邊論故但云慧也月取清涼解脫之義以喻如來於三界火宅中施清涼微妙法滌



除衆生熱惱令得解脫諸苦也月輪雖有  
東昇西沒之狀未曾離於太虛則隱而不  
隱佛應身雖有降生涅槃之相未曾離於  
真際則滅而不滅故云慧月西隱也如來  
在世教談權實言詮半滿乃至結集三藏  
法海汪洋<sup>勅一</sup>滄潤五天恩波浩溢衍澤震旦  
故云法水東流也時兼像正人通淳薄者  
此二句嗟時世不古以起分律之端佛生  
周昭王甲寅年二月八日入滅於周穆王  
壬申年十二月十五日以入滅日爲始正  
法一千年像法一千年末法一萬年自漢  
明帝永平七年教法流入東土至唐高宗  
丁卯年則正法千年已過像法又經六百  
餘年矣既時不同於佛世故人亦非真淳  
體權達道之者由通澆薄致興異執自正

法百十六年間阿育王治國時分裂毘尼  
以水投乳初則二部乃結集窟內窟外之  
分從此二部出生十八部其五部即十八  
所攝五百者大約言部類名數之多也詳  
釋如止持會集所明文中雖序三時其義  
所重在末因兩土傳持多沿譌故鋒者刀  
劍之芒也軍前鋒曰先驅若以此方律學  
論之則僧祇肇弘於曹魏四分濫觴於大  
唐中歷晉宋齊梁隋代以來十誦五分俱  
有司持而諸部繼宗者不無矜已抑他致  
令說鋒互舉各欲爭競先驅以顯化導之  
勝在人或可從緣易攝於法自無傾墜廢  
興  
然則道由信發弘之在人幾顛危法寧澄  
正

釋弘者大也此有二義一能弘二所弘能弘之人有二一自持二轉化所弘有四謂教理行果上就理法而論則理法湛然故無傾墜廢興此依教行而言則信智無偏方可弘道若能弘之人知見尚且顛危所弘之法寧得無紊而保其澄正

所以羯磨聖教綿歷古今世漸增繁徒盈卷軸考其實錄多約前聞覈其宗緒畧無本據師心制法者不少披而行誦者極多輕侮聖言動緝形綱

釋此申明人法不能澄正之義也世有二論一以王者易姓受命為一世二以師資相傳為一世羯磨自佛金口親宣僧伽依奉行持乃至歷於大唐古今不絕咸尊藏文世有撰集漸增繁雜既無益禪於成濟

之功但徒勞盈其卷軸而已向下出陳增繁無益之過考其實錄多約前聞者謂若考究其錄實出何部則正制無憑多約聞前人口語即以爲是也覈其宗緒畧無本據者謂覈定其宗所尚何律則頭緒錯亂大畧因源流失傳無本可據也如是考覈師心妄制偽法者不少披覽不擇是非誦行者極多縱雖遇事仿行凡諸施爲莫不輕侮聖言自將身形投入非法羅網矣音緝卦絲結音緝增一中佛言比丘非制而制是制勅便斷如是漸令戒法毀壞而令多人不得利益作衆苦業蓋斯之謂也皆務異同之見競執是非之迷不思反隅更增昏結致使正法與時潛地矣

釋此復申明動緝形綱之因以歎其法道

也務者專力於事以非制爲是制謂曰異見以是制爲非制謂曰同見同異即是非也不思反隅者此引儒書舉一隅以三隅反謂物之有四隅舉一以知三反者還以相證也佛制羯磨過有七非舉一非以六非反今不但思反而且更增昏煩結惑迷障愈深致使如來正法與競執同異之時潛藏於地矣

故佛言若作羯磨不如白法作白不如羯磨法作羯磨如是漸令正法疾滅當隨順文句勿令增減違法毘尼當如是學慈誥若此妄指實難

**釋**此引第三分瞻波捷度以證不得增減羯磨當隨順如來所說文句違者犯越法毘尼罪當如是學者乃教誡之語慈者佛

勅一

十一

爲一切衆生大慈悲父誥者以上發下曰誥妄指實難者謂非制言制決無允肯之理也

○三明撰集羯磨刪補隨機之意

昔已在諸闕輔撰行事鈔其羅種類雜相畢

陳但爲機務相訓卒尋難了故畧舉羯磨一色別標詮題若科擇出納典廢是非者彼鈔明之此但約法被事援引證據者在卷行用

**釋**准別傳云撰集此羯磨在唐太宗詔住崇義寺時撰行事鈔在唐高祖武德年間

故言昔也諸闕輔者闕謂長安有四闕唐都於內故稱關內亦名關中四闕者東有函谷關南有峽關西有散關北有蕭關輔者漢武帝立右扶風即鳳翔府扶風縣左馮翊即西安府同州京兆居中而爲三輔

今以漢唐兼稱其處故云諸闕輔撰行事鈔者撰謂造也鈔謂謄寫也行事者乃律學所行等事其間羅列各分種類敍歸施為雜相通塞俱已畢陳但為機務決疑相扣訓答准律撰文其秉白聖教故未錄載若夫作辦卒尋難了故畧舉羯磨一色別標能詮之題若今科內凡揀擇出入興廢是非者臨文並示彼鈔明之此但約一百八十四法以被時非時事皆引有證據者在卷行用則非同無據者可知矣

然律藏殘闕義有遺補故統闕諸部撮畧正文必彼俱無則理通決例並至篇具顯便異古藏迹夫

釋律藏殘闕義有遺補者律藏二字單言本宗四分律藏然此四分律藏久於五印

初一

十二

傳持緣尊者佛陀耶舍先在本國誦四分律後入東土不賡梵本而來姚王請譯流通耶舍口誦梵音佛念筆授成文殘闕者殘謂零落也闕謂減少也此有二論一結集法藏律無多部後因異見遂爾漸分既取捨非同則殘闕不無二譯傳此土翻梵成華筆授潤文擬或遺漏統闕諸部撮畧正文者統謂總也闕者要會也諸部者今藏中有摩訶僧祇部律四十卷薩婆多部律名十誦六十五卷彌沙塞部律名五十分三十卷並善見薩婆多論等故云諸部其根本一切有部於後方來故爾不序南山宣祖慧見超羣弘振頽綱閱本藏文味諸捷度逢事當作義合秉法而羯磨不載難於應用故總會諸部若制有者撮取正文

以補其遺必彼俱無則理應通決准例餘法便其時機並至篇具顯由便於今故與古藏卷文迹有異於文末夫字乃語已之辭

羯磨雖多要分爲八始從心念終乎白四各

勅一

十三

有成濟之功故律通標一號敢就其時用顯要者類聚編之文列十篇義通七衆豈今傳諸學司將以自明恒務也

**釋**此段乃分科謙結之文也謂聖制羯磨雖多其義大要分八一但心念羯磨二對

首心念羯磨三衆法心念羯磨四但對首羯磨五衆法對首羯磨六單白羯磨七白二羯磨八白四羯磨而以後三爲本前五爲開若以五四爲本三二是開各有成濟之功者謂僧衆一人有異秉白辦事無殊

但棟壞緣俱成利濟也敢就其時用顯要者敢謂勇敢乃進取之義就者從也准舍利弗問經中佛言摩訶僧祇部其味純正其餘部中如添甘露諸天飲之但飲甘露而棄於水人間飲之水露俱進或時消疾或時結病其讀誦者亦復如是多智慧人能取能捨愚癡之人不能分別今宣祖獨善採補遺軌准例闕範而南山律宗赫赫傳芳諸佛正法湛湛住世非如來所使孰能勇敢以符聖意哉編者次簡也篇者簡成章也豈今傳諸學司將以自明恒務者此二句乃謙結之文也豈者非然之辭司者主也今者即彼時諸司律學宗匠也謂斯羯磨豈因當今律司而輒撰集本欲將以自明無昧終身願爲恒務也此則德碩

而不矜學博而不負謙恭善導愍物情切  
皆由弘法之願深爾 畧釋原序竟

篇目

集法緣成篇第一

諸界結解篇第二

勅一

諸戒受法篇第三

作五

衣藥受淨篇第四

諸說戒法篇第五

諸眾安居篇第六

諸自恣法篇第七

諸衣分法篇第八

懺六聚法篇第九

雜法住持篇第十

篇目終

曇無德部四分律刪補隨機羯磨卷第一

唐京兆崇義寺沙門道宣 撰集

清金陵華山後學比丘讀體 續釋

今釋此羯磨大科分三

初釋本題 次釋人題 三隨文續釋

○今初

曇無德部四分律

釋題中首標部名次出律者為別他宗特

顯本部故詳釋如止持會集所明茲不再

繁

刪補隨機羯磨

釋刪者謂刪去緣起之繁撮取正制之法

補者謂補足本部之遺准例餘軌之式若

詳明刪補義如原序隨機者謂就其時用

也梵語羯磨此翻辦事亦云作法若能如

制秉白施造遂法皆有成濟之功故律總

標羯磨乃作持之都名也然羯磨制宣廣

長舌相博應聖凡捨之則涅槃無徑依之

則菩提有基後進前修妙宗斯法宜祖撰

集藏卷有四今新續釋文成十五卷茲當

第一畧釋題竟

○次釋人題

唐京兆崇義寺沙門道宣撰集

釋唐者以別代世也李淵於隋煬帝十二

年中封唐國公為太原留守使後舉義兵

入關中遙尊煬帝為太皇立代王為恭帝

淵進爵唐王後受隋禪而有天下稱高祖

國號唐也京兆者數名也十萬為一億十

億為一兆十兆為一京天子所居必以衆

大而言者蓋輦轂之下聲名文物之所大

聚也故云京兆猶京都京師之稱即今陝西西安府是舊曰長安周秦漢晉以至隋唐並都於此崇義寺乃京兆之首刹今以京寺兼名者舉京令遠人知京是總名舉寺令近人知寺是別故沙門者是釋子之通稱謂勤修戒定慧息滅貪瞋癡識心達本源故號為沙門道宣二字是律祖之尊諱祖乃隋吏部尚書錢申之子生於隋高祖開皇十六年九歲徧覽羣書十二歲善習文墨十五厭俗依智首律師受業十七落髮二十依智顛律師受具三衣唯布常坐一食唐高祖武德四年再依智顛律師習律性樂禪那期修正定武德七年晦迹隱於終南山紵麻蘭若始製行事鈔貞觀十九年奉太宗詔住持崇義寺立樊法師

翻經弘福筆授潤文推為上首唐高宗永徽元年復居終南山乾封二年春天人報祖歸彌勒內院乾封即高宗所改之號當永徽十七年十二月三十日眾見天上幡花交列異香天樂大人同聲請祖觀彌勒上聞之詔天下寺院圖形奉祀後唐懿宗諡號澄照律師塔名淨光由其始終隱居終南故世多以南山律師稱焉自唐迄今律學咸紹其宗撰者述也造也集者聚也成也畧釋人題竟

毘尼作持續釋卷第一

勅一

十七

音義

凡例 凡者大槩也例者比例也左傳序云發凡而起例 斂 廉上聲收也聚  
 也 討 尋也 浩 浩言之深廣也 贅 附贅也 乘 乘也  
 御 謂頒宣佛制如委也 委 謂原委原泉所出也 研 研也  
 窮究 校讐 兩本相對覆 窺 小視也 搜 求也 足



滿也無遂隨去聲就博應聖凡博者普也  
 次也無遂也因也博應聖凡博者普也  
 王巖制普被僧徒繼是無漏聖僧獲寶木  
 謝或善薩示跡僧倫莫不欽遵無敢違者  
 禪傳與也輦步挽車轂音谷轂者車輪之  
 也諱生日名孕音亂懷穎音諡音示行之  
 立號以易其名也自周公始古者卿大夫  
 殺則君命有司累其功德為文以表之謂  
 曰禱行之謠故唐懿宗欽祖之德諡號  
 澄照律師卷名淨光也謠同諫音磊  
**序五住煩惱** 分別起諸邪見惑謂諸界由二  
 根對法塵分別起諸邪見惑謂諸界由二  
 欲愛住地惑即欲界思惑謂諸界由五  
 根對五塵境起貪愛心而於欲界住著生  
 死對三色愛住地惑即色界思惑由諸眾  
 生不了此惑住著禪定不能出離四有  
 受住地惑即無色界思惑由諸眾生了  
 此惑住於禪定不能出離五無明住地  
 惑即根本無明惑謂聲聞緣覺未了此惑  
 沉滯真空住方便土方便土者謂修方便  
 道斷見思惑所居之土也大乘善薩方能  
 除斷由餘惑未盡住實報土實報土者稱  
 實感無也故名無明住地若總而言之則  
 三界見惑為一任三界思惑為三**二死**一  
 住根本無明為一任故云五住**二死**分一  
 段生死分即分段限段即形段謂六道眾  
 隨其業力所感果報身則有長有短命則

有壽有天而皆流轉生死故名分段生死  
 二變易生死謂聲聞緣覺善薩雖三  
 界四分段生死而有方便等土變易生死  
 如初住為因後住為果又後住為因後  
 位為果以其因移果易故名變易生死  
**三身** 一身即聚集之義聚集諸法而成身也  
 法性之理乃至妙覺極果理聚方圓是理  
 法聚名法身佛二智法聚即報身謂始  
 從初住終至妙覺極果智聚方圓由智契  
 理報得此身是智法聚名報身佛三功  
 德法聚即應身謂始從初住終至妙覺極  
 果功德諸眾方能隨從初住終至妙覺極  
 說法度諸眾是功德聚名應身也**汪洋**  
 浩瀚深澗潤上音色也**溢** 盈滿也  
 廣也**涇** 澗也音音也**濫觴** 下音商  
 謂泉始流不過杯水也**碩** 大音石  
 泛濫而漸至橫流也

臺德部四分律刪補隨機羯磨表第二 勅二

唐京兆崇義寺沙門道宣 撰集

清金陵華山後學比丘讀體 續釋

○三隨文續釋准原篇目大科分十

○集法緣成篇第一之一

**釋**一切所作事業因緣成就方可克辦今

但云緣成不言因者緣謂人法事內攝

因故由先起心辦事後方秉白作法即以

辦事之心為因故立集法緣成冠之於首

篇者編也出情鋪事明而漏也文列十篇

茲當第一

事法兼通大小齊降故前舉綱領未振毛

目

**釋**初二句事謂僧事准律有二一者時事

佛制比丘一年二十四次布薩每逢夏際

九旬安居不得越前過後縱聽開緣亦有

定期故名時事二者非時事除時事外一

切成善治罰等事隨緣即辦不局時節故

名非時事法謂一切羯磨蓋法不孤起事

不自辦法因事制事依法成舉事則兼法

舉法則兼事也大謂二部大僧小謂下三

小眾及近事男女森者等也降者歸也今

斯羯磨正為大僧辦事撰集其居家出俗

眾受歸戒及小三眾安居自恣等統歸於

中以彰戒為七眾修行之本因也故云事

法兼通大小齊降次二句謂一百八十四

種僧法羯磨成濟之功無殊秉白之用有

別故前詳列俾其舉綱得目挈領全裳也

綱乃舉綱之總繩目乃綱孔之細數綱雖

大小不不一綱一綱已定孔雖多少不同

亦必各有其數此羯磨綱目亦復如是今  
文首標集法緣成篇之一名乃全部羯磨  
之總綱也一百八十四種羯磨及十如七  
非是全部微細之孔目也若隨法分類者  
舉單白羯磨為綱所攝三十九法是其細  
目舉白二羯磨為綱所攝五十七法是其  
細目舉白四羯磨為綱所攝三十八法是  
其細目又若舉但對首羯磨為綱所攝三  
十一法是其細目舉眾法對首羯磨為綱  
所攝五法是其細目舉但心念羯磨為綱  
所攝三法是其細目舉對首心念羯磨為  
綱所攝七法是其細目舉眾法心念羯磨  
為綱所攝四法是其細目也若隨事分類  
者如第二篇之名乃諸界結解之總綱十  
二白二羯磨結法十一白二羯磨解法是

此一綱所攝之細目也至於後八篇其說  
亦然故云前舉綱領未振毛目毛謂微細  
又緣通成壞教相須張並如後例義無紊  
亂也

釋成則如律如法壞則非律非法須者用  
也張者開也謂作白羯磨雖藉緣成方辦  
前事又復應知所集緣中通乎於壞若弗  
預研難明非過故准制教成壞之相開列  
篇首庶幾臨境不昧以便察是揀非並如  
後文准例遵行義無紊亂

○一僧法羯磨

各有一百三十四  
分科合三關八此云一者

乃合三中之  
第一科也

佛言有三羯磨攝一切羯磨謂單白羯磨  
白二羯磨白四羯磨

釋此總標僧法文引增一捷度謂僧常所

行時非時事大畧有一百三十四法以此  
 三種羯磨攝盡無餘故云一切所言白者  
 有白不是羯磨有白即是羯磨准十誦律  
 佛言白衆是事故名白此是乞白如乞罪  
乞解等但名乞非  
 羯磨是一人之私事也 有僧事初向僧說故名白此是

布薩自恣等先白僧知集於某處乃衆之公事也 白羯磨者受具

足戒布薩說戒自恣等是名白羯磨此謂單白

即是羯磨也 白二羯磨者若白己一唱說是二

羯磨白四羯磨者若白己三唱說是三羯

磨並白爲四是名白四羯磨也

○單白羯磨畧有三十九法此乃開八中之第一科也

**釋**上總標名此下分列綱目也若原卷法

目全者如舊列之若有綱目而無法者今

隨贅下云此法續入某篇俾知類斂有歸

不致目法錯亂

三十中二十七受懺悔謂三十捨墮中除雜野鷲縛作具自

手捉錢寶種種賣買三戒餘二十七皆有受懺至單白法 行鉢法

餘語法 觸惱法已上三法續入第九篇中 與剃髮

法 與出家法 差教授法 喚入衆法

對衆問難法 說戒和法 僧發露法

非時和合法 諍滅說戒法上非時諍滅二法續入第五

篇中 自恣和合法 難事畧自恣法

修道增自恣法 諍事增自恣法 第

二諍增自恣法 受功德衣和法 捨功

德衣法已上三增二衣法續入第七篇中 第一增說戒

法 第二增說戒法此四增法續入第五篇中 簡集

智人法 斷事遣不誦戒不誦毘尼者出

二法 遣捨正義者出一法 草覆地法

簡集乃至草覆等五法已於滅諍中明 差徃王城結集法

迦葉論法毘尼法 問優波離法毘尼

法 優波離答法 問阿難法毘尼法

阿難答法 七百中論法白 差比丘論

法白 正論法毘尼法 問一切去上座

白 上座答白 行舍羅應有白 此一法 明於第

六篇 中

**釋**差徃王城結集乃至阿難答法此六單

白羯磨按五百結集云如來涅槃七日已

大迦葉知之領五百比丘奔詣鶴林皆欲

見佛未燒舍利於途次間聞跋難陀釋子

在衆中語諸比丘言長老且止莫大憂惱

啼哭我等今者得其解脫彼在時數數教

我等是應是不應當作是不當作是我等

今者便得自任欲作便作欲不作便不作

大迦葉聞之不悅乃至鶴林禮佛足時世

尊足還內棺中不現大迦葉哀歎說偈遶

勅二

五

棺七而火不燒自然大迦葉燒舍利已以

先途中所聞因緣告其大衆我等今可共

論法毘尼勿令外道以致餘言譏嫌沙門

瞿曇法律若烟其世尊在時皆共學戒而

今滅後無學戒者諸長老今可科差比丘

多聞智慧是阿羅漢者結集法藏故有此

六法 七百中論乃至上座答白此五單

白羯磨按第四分云世尊涅槃後百歲毘

舍離城跋闍子比丘行十事言是法清淨

佛所聽謂足食已捨威儀不作餘食法得

二指抄食食一足食已捨威儀不作餘食

法兩村中間得食二在寺內得別衆羯磨

三在界內別衆羯磨聽可四此作是已言

是本來所作彼答言比丘知不應觀修多

羅毘尼檢校法律五足食已捨威儀以酥

油蜜生酥石蜜酪和一處得食六得用共  
 宿鹽著食中食七得飲閣樓羅酒八謂黑  
 得畜不割截坐具九得受取金銀十有耶  
 舍伽那子比丘聞知不與跋闍子比丘同  
 行即往諸國覓如法多聞廣解毘尼智慧  
 上座問之以證是制非制得一切去上座  
 是闍浮提中第一上座即居第一座三浮  
 上座居第二上座離婆多上座居第三上  
 座沙留上座居第四上座此四上座阿難  
 皆為和尚一切去上座知僧事即作白差  
 次平論有七百阿羅漢比丘在毘舍離城  
 集論法毘尼離婆多上座問一切去上座  
 答如是一一檢校乃至十事皆非法非毘  
 尼非佛所教各下一籌復往僧中亦如是  
 檢校令眾人知故有此五法然前六法是

大迦葉准例聖制單白羯磨其後五法是  
 遵效最初結集也佛世未制此事今無故  
 不續入廣載律藏請閱自知

○白二羯磨五十七法此乃開

作小房法 作大房法 差分卧具法記

三法續入 第十篇中 差說麤罪法續入第九篇中 二十

七還衣法 離衣法 減六年卧具法衣離

卧具二法是從僧乞求羯磨開聽者續入第十篇中 護鉢法續入第九

篇中 差教授尼師法續入第八篇中 制不往學

家法并解此二續入第九篇中 畜眾法即與度人法也

尼差求教授法初二 尼差自恣人往大僧中

法 與外道住法此一法續入第三篇中 結受戒

小界法并解 結說戒堂法并解此法續入第二

篇中 結大界法并解 結戒場法 結不

失衣界法并解 結說戒小界法并解

結二同界法 結一同界法一謂法同 結食

同法上三并有解此三結解續 與癡狂

法并解續入第五篇中 受日法 差受自恣人

法 結自恣小界法并解 分四方僧物

法 賞看病人法 分亡人輕物法 結

庫藏法 差人守藏法此結守二法續

結淨地法并解 差人守功德衣法 付

功德衣法此差付二法續 差人懺白衣

法續入第九篇中 差人行籌法續入第十篇中 遣信

受戒差使尼法續入第三篇中 尼與僧作不禮

法并解此二法續入第九篇中 差比丘料理房法

持故房與道俗經營二法上三法續入第十篇中

與覆鉢法 差使告覆鉢家法 解覆

鉢法上三法續入第九篇中 杖絡囊法

律文具出如上應有差分粥分小食分法

闍尼此五不正食有五種謂枝葉華果細未食 差請敷卧具分

浴衣分衣可取與差比丘沙彌使

釋此差分粥等法出第四分房舍捷度之

末後於第十篇中續例

○白四羯磨三十八法 此乃關八中之第三科也

諫破僧法 諫助破僧法 諫擯謗法擯

是二 諫惡性法已上五法是僧殘後四用 諫惡邪

法 諫擯惡邪沙彌二法已上三法是破見單墮中用

諫隨舉比丘尼法此是尼八葉中一也 諫習近

法 諫勸習近住法 諫瞋捨三寶法

諫發諍法已上四法是尼僧殘後八所用 諫習近居士

于法此是比丘尼單墮法用 式叉學戒法 受具

戒法此一法僧尼二部受具通攝也 學悔法犯更不覆者開用

訶責法并解喜闍諍罵起 擯出法並

解此污他家戒中用 依止法并解無所犯案罪者用

遮不至白衣家法并解此法若以下賤言罵淳善居士

者 不見舉法并解犯言不犯應三舉令言罪性用 不

懺法并解犯罪令懺答言不懺者用 不捨法并解起

惡見不捨者用 與覆藏法 本自治法 摩那

埵法 出罪法已上四法僧殘所用 憶念法 不

癡法 罪處所法此即覓罪相也 擯法

釋目列三十八種白四羯磨法除式又學

戒及受具戒法此二屬成善羯磨原卷已

備餘三十六法盡是治罰羯磨皆續入第

九篇中義通淨染淨淨淨染也

○二對首羯磨畧有三十六此乃合三中之第二科也

佛言三語受戒已名善作羯磨說戒法中

亦爾

釋前集僧法非眾莫乘此列對首隨事故

開對首者謂各共面對同秉法也初二句

初二

八

引受戒捷度律云佛初出世先度陳如等

五人為首乃至百一十人皆是善來比丘

得證阿羅漢果佛令各各教化諸方勿二

人行眾奉佛敕遊行說法時有聞法得信

欲受具戒者諸比丘將詣佛所未至中途

失本信意諸比丘以此因緣白佛佛言汝

等就彼即與出家受具謂剃髮受三歸也

後制十僧白四受具諸比丘有疑白佛云

何三歸即是受具佛言歸依三寶即是出

家三歸竟即是受具今故云三語受戒已

名善作羯磨也次句引說戒捷度律云若

一比丘至布薩日應先淨處及備眾具若

僧數不滿若二若三各各相向三語說戒

亦名清淨布薩故云說戒法中亦爾

十誦律云對首心念分衣已名作羯磨後

初一

九



來比丘不與分

釋此復引十誦廣明對首也彼律云有一

住處諸人為夏安居僧故布施諸衣應分

物雖為夏安居僧施應分若一比丘獨安

居應受二比丘三比丘四比丘亦爾後來

比丘不與分此是現前僧時物也

義分二別一但對首法二眾法對首法文

通諸部並如下列

釋謂准上所引二律三法之義名立對首

法非一緊應分為二若不別曉機法俱非

○但對首法三十一 此乃開八中之第四科也

受三衣法並捨 受鉢法並捨 受尼師

壇法並捨 受百一衣物法並捨後二法續入第

四篇捨請法於止持單捨戒法於止持

重中已明 受請依止法 衣說淨法 鉢說

淨法 藥說淨法 受三藥法謂非時七日盡形三

藥也 受七日法 安居法 與欲法 懺

波逸提法 懺提舍尼法 懺偷蘭遮法

此一法續入懺重突吉羅法 旨露六

聚法旨者意同也露者發露也謂八品小

第九篇中露地重罪法此乃二不

後文懺從生根露地重罪法定也重罪

本小毘羅法是也捨僧殘行法 白行人法即人

初三露捨僧殘行法 白僧殘諸行法已上三法續

地次二白僧殘諸行法入第九篇中白

教授法續入第作餘食法

○眾法對首法有五 此是開十

捨墮法 說戒法 自恣法 受僧得施

法續入第受亡五眾物法

釋一往師家無論所犯輕重但教彼此相

向作禮求發喜悅名曰對首懺悔不思事

分成善治罰機關二人三人皆由罔攻制典失傳作持之故

○三心念羯磨器有十四此乃合三中之第三科也

義分三別一但心念法二對首心念法三衆法心念法並通諸部至文自須准僧法

羯磨獨四分一律

釋心念者謂發心念境口自傳情非謂不言而辦前事此法正制一人二三聽者緣開不恒前對首法中已明文通諸部至此復云並通諸部如是重重引證者為顯探補殘闕唯對首心念五十法末二句明僧法本律無遺故弗採補也

○但心念法有三此是開八中之第六科也

懺輕突吉羅法 六念法 說戒座中發

露諸罪法

勅二

十一

○對首心念法有七此乃開八中之第七科也

安居法 說淨法 受藥法 受七日藥

法 受持三衣法 捨三衣法 受持鉢

法此中受二藥鉢三法續入第四篇中

○衆法心念法有四此即開八中之第八科也

說戒法 自恣法 受僧得施法續入第八篇中

受亡五衆衣物法

已前畧明緣集已後辯緣成壞

釋上句結前所列合三開八羯磨之綱目釋事法兼通等畧明緣集也下句起後廣引教相稱量作法之定制釋緣通成壞等以振毛目也標文分前中後者為對前一二三之科故前綱目中列所兼能此辯緣內能所雙彰須善味之

○前明僧法

律中佛言有四種僧一者四人僧除受戒自恣出罪餘一切羯磨應作二者五人僧除中國受戒出罪三者十人僧除出罪四者二十人僧一切羯磨應作況復過二十若少一人非法非毘尼不成

釋上列僧法一百三十四種未知何等僧作何等法今故詳明能作之僧及所作之法也此引第三分中瞻波捷度緣六羣比丘或一人或二人或三人舉一人二人三人或僧舉僧佛訶責已故有此制僧者具云僧伽此翻和合衆和合有二義一理和謂同證無生二事和謂戒和同修見和同解身和同住利和同均口和無諍意和同悅四人已下不成僧數自制白四受具之後中國定滿十僧邊國開聽減半若安居

十二

十二

竟坐草自恣座中應差三五德人衆但五人前後單差六人同集一時雙牒凡爲僧殘行滿出罪事重法嚴衆須二十是故四人僧除此三法不得作餘一百三十一羯磨應作若五人僧除中國受具並出罪餘一百三十二羯磨應作若十人僧除出罪餘一百三十三羯磨應作若二十人僧一百三十四種羯磨應作而況過二十乃至百千人僧此則多多益善也須知四種僧應辦之事如數不足少一人者即犯非法非毘尼作法不成初二向下文分十科總名僧法也

○一稱量前事

釋稱者量度也作持稱量大約有二一者應於一事中稱量人法事三種非二者應

隨一一羯磨稱量人法事三種緣若善稱量則功歸自他法弘永久不善稱量則過責臨眾事無克成是故首明稱量一貫作持乃律宗之秘要也

毘尼母論云事謂人法也

勅二

十三

釋凡所作辦人法事三現前今科目但云前事而隱於人法者蓋事因人起人能秉法辦事故引母論以發其隱論文云事是人亦謂法也

律云稱量比丘及白衣稱量羯磨及犯事也

釋此明一事中稱量人法事三種非也凡有事起臨作法時先當稱量事之輕重是屬公是屬私應云何作法之三種是成善是治罰應云何行人之可否是同眾是異

眾應云何集若論事起由非其一斯文獨引增一捷度中遮不至白衣家一事者為此事人具僧俗二流三非稱量明顯故所取例於餘也佛言比丘有十法應與作遮不至白衣家羯磨一惡說罵白衣家二方便令白衣家損減三作無利益四作無住處五鬪亂白衣六於白衣前謗佛七謗法八謗僧九於白衣前作下賤語罵十如法許白衣而不實如是十法少多有者與作羯磨故云稱量比丘若白衣有五法不應與比丘羯磨一不恭敬父二不恭敬母三不恭敬沙門四不恭敬婆羅門五所應持者不堅持若白衣有五法應與比丘作羯磨反上五法是故云稱量白衣若作此羯磨者集僧已為作舉作舉已為作憶念作憶念

已與罪先若不三舉羯磨不成故云稱量  
羯磨凡所犯事有見聞疑三根自言破戒  
破見破威儀若無三根不自言犯不成所  
犯故云稱量犯事此謂一事中稱量三非  
餘事准例

然所為之緣不出三種謂人法事也如受  
戒懺悔差使治擯等為人故作如說戒自  
恣等為法故作如結界攝衣淨地庫藏等  
為事故作

釋此明隨一一羯磨稱量三種緣也謂所  
制羯磨既有一百八十四法作辦之事使  
有一百八十四種事緣雖多不出人法事  
三之外其中有羯磨發起因緣屬本羯磨  
者有羯磨發起因緣屬他羯磨者如受戒  
羯磨集僧秉四沙彌即成比丘懺悔羯磨

生慚發露立誓責心仍淨差使羯磨具德  
堪能僧命應辦其事治擯羯磨量情調伏  
折攝改往修新因緣本是為人發起故云  
為人如說戒羯磨半月長淨單白即誦本  
又自恣羯磨安居期竟一乘隨次恣舉因  
緣本是為法發起故云為法此為人法者  
皆屬本羯磨也唯結界發起因緣屬他羯  
磨若無他緣何須結界如結大界戒場本  
為眾僧一切羯磨事起依託而結如結攝  
衣本為令人離過事故結如結淨地本為  
養畜飲食事故結如結庫藏本為貯積物  
事故結所以界因有事方結豈結界即名  
曰事故言因緣屬他羯磨也又文雖分差  
使為人莫過以其大槩而論非一切差使  
亦爾於中不無為法事者此但畧舉三緣

故未皆以等字攝之餘諸羯磨後文隨釋  
自顯

或具或單時離時合並先須量據使成應  
法之緣示也

**釋**羯磨雖分人法事三行用復有具單離  
合之別宜祖婆心訓後而令精持毘尼者  
並先量度為據使成應法之緣故爾垂示  
也或具或單者指法而言時離時合者指  
人法而言謂一切羯磨各各用處有必具  
必單或具或單由其施法隨事有已定未  
定不同凡一事中用一二三四法名之為  
具唯用一法名之為單言定具者如受比丘  
具戒一事中單白有三白四秉一如尼  
在本部受具一事法同比丘無殊如五人  
以上僧自恣一事中單白有二白二亦二

如三十捨墮中除五長及三壞捨第二十  
二畜鉢減五綴更求新鉢此一事中單白  
有一白二有二餘二十一每一事中單白  
有一白二亦一如上所具羯磨必在一番  
集僧秉宣決無單作之制是為已定屬具  
之法也又受具初集僧秉四法全具次後  
畧去差教不須更差壇壇唯具三法又本  
部尼往大僧中受大戒但具後二以男女  
兩異律無屏問故缺差喚二法是為必具  
中之差別也如犯十三僧殘覆則有三白  
四無覆有二白四或覆與無覆二罪同時  
勅二發露此皆隨各犯緣必然一一單秉無二  
可具是為已定單之法也言未定者如半  
月說戒和僧單白人多則白二差人單白  
行籌或尼請教誠或曾已受差四三二法

同時隨秉若但四人一白說戒由人增減法亦未定故名或具或單也復有通單具者如結解說戒等三小界以其問答非具理無雙答論其一坐結解法復非單也若總判具單者單白羯磨三十九法如二十七受懺法行籌法差教授法喚入衆法對衆問法說戒和法自恣和法受功德衣法此八屬具餘三十一法屬單也白二羯磨五十七法如二十七還衣法護鉢法差受自恣人法賞看病人法分輕物法差守付功德衣二法差人行籌法此八屬具餘四十九法屬單也白四羯磨三十八法唯受具戒一法屬具餘皆屬單也又但對首羯磨三十一法皆屬單也衆法對首五法如懺捨墮法及自恣法人滿四五則同僧法

勅二

十七

人減二三唯用對首是故此二亦名或具或單餘三屬單也又但心念對首心念衆法心念此三種羯磨共十四法皆屬單也以上百八十四種羯磨或具或單其間差別准制如此而言時離時合者欲諳其離先量其合若昧於合離從何有譬俗家父子兄弟同居名合出外名離如清淨比丘一界共住名合有事遠衆名離離合是羯磨之名能離合者却是比丘謂有羯磨能使人離復有羯磨能使人合離合因緣各有其時時有久近故云時離時合也然離非一有令永離有暫時離有定期離有不定期離及但名離離非離等多種離法如滅擯羯磨能使永離如遣不誦戒毘尼二法令暫時離事畢非離餘法同僧不來別

衆如受日出界及二篇覆藏等法離有定期期滿非離如擯出等法由不伏首求解不得滿衆如舊此則離無定期又如解界等法但名屬離無界可攝故又如學悔羯磨具戒已失非大僧數法應名離既聽布薩自恣學比丘戒此復非離乃離而非離也所言合者如摩那埵羯磨雖非別住尚未出罪是合而非合如與出罪解擯等法皆名屬合仍同淨衆法食故是爲百八十四種羯磨中時離時合之差別也

○二法起託處

**釋**起者興立也託者寄託也謂凡作法必有託處前已詳明稱量示作法有據若託處乖制則法亦難興故第二復明法起託處

勅三

十八

僧祇律云非羯磨地不得受欲行僧事律中若作羯磨必先結界

**釋**文引僧祇謂一切僧伽藍大小不一處無定限若未結界前名非羯磨地不得在中受欲行僧事非法所託之處此明遮制也復引本律謂一切僧伽藍若作羯磨行僧事者必先和合白二聖教縱廣方隅有限僧居作法託中有緣受欲無事親臨不得別衆此明定制也

然託處有二種若自然界中唯結界羯磨一法自餘僧法並作法界中

**釋**託處有二者謂作法界自然界也蓋事因人起法假人弘人有行住不定之緣故作法託處亦不定矣如作法界本爲住比丘乘法依託而結倘遘緣出界不能隨修



爾事起豈置之不行名持戒比丘所以世  
尊應機立法復有四種自然界之設若人  
乘舟而往則有擲水約界之法若從陸路  
而行則有六百步中之限遇聚落則有可  
分別不可分別之定勅三則逢蘭若則有有難  
緣無難緣之邊畔由不須豎標唱相作法十九  
而結各有已定限齊盡名為自然界亦名  
為不作法界此為行比丘作法依託之處  
也若託此自然界中作法者唯除結界羯  
磨一法不得作自餘一切僧法羯磨並同  
作法界中秉白無有異也  
若對首心念二法則通二界  
釋此明託通法揀也恐後人疑謂二界中  
不能別眾作法故即隨云若但對首及心  
念法託處則通二界別眾作如法同眾秉

非法若僧法於二界中同眾秉如法別眾  
作非法故贅而論之

○三集僧方法

釋集者聚也僧謂四種滿數上引律證已  
知託處有二僧法和集若無淮約則聚會  
何憑故第三復明集僧方法  
律云佛言當敷座打毘槌盡共集一處

釋此引第二分說戒捷度敷座者西域僧  
集寺無椅橈凡欲會聚年少比丘先淨其  
處就地敷具以待眾坐毘槌者無正翻譯  
至呼名時自從聲論也  
五分律云隨有木瓦銅鐵鳴者令淨人沙  
彌打之若無沙彌者比丘亦得不得過三  
通

釋復引五分者以釋健槌從聲之義兼明

能打之人鳴者凡物有聲皆曰鳴如擊鐘  
 搥鼓敲板扣磬隨打何物有聲者即是集  
 僧槌也淨人乃僧伽藍民恒為僧使緣  
 從王施依棲淨眾故號淨人沙彌有形法  
 二同此謂法同非形同者雖聽比丘打是  
 命初夏非令臘長以三通為定不得過者  
 此明佛制如斯不得越故越則以違毘尼  
 罪治之

付法藏傳中令有長打之法

釋此傳四卷後魏時出彼中因他請陞座  
 故令長打猶今陞堂講法受戒等方丈傳  
 爐座前伐鼓之儀今所引者俾知講法莫  
 用三通集僧不可長打也  
 三千威儀中具明杵下之數  
 釋上云三通未言下數故復明之此威儀

三卷後漢安世高譯杵者砧杵也彼中以  
 五十四下為一通所云具明者除集僧三  
 通若無常時隨打即送也若縣官至大火  
 大水賊盜此四亦隨時打不定下數若會  
 沙彌打三下會優婆塞打二下呼私兒打  
 一下言私兒者揀非王施僧伽藍民是眾  
 私畜為執勞之行童也  
 薩婆多論云夫集僧槌槌必有常准不得  
 互易

釋復引斯論者恐奈杵數以明僧約必不  
 可更也常准者謂一定之恒規若通數互  
 易則集此彼至信約既失有誤羯磨所以  
 增一阿含經云阿難陞講堂擊槌槌者是  
 如來之信鼓也  
 ○四僧集約界

釋約者期約也上明作法託界界總標二集僧有方方定捷槌今詳分界別集亦不同故第四復明僧集約界

夫界有二若作法界則准三種謂大界戒場小界若論小界無外可集若戒場大界並須盡唱制限集之

釋夫界有二此句總標下別釋之准律則作法界有三一謂大界就中復分六種一單大界二攝衣大界三內有戒場大界四法食二同大界五法同食別大界六食同法別大界第二戒場者此因大界邊際寬廣衆集疲極聽結即今受戒公所是也第三小界者若論小界非恒存僧不住中本爲衆不同意暫開作法更無外來可集若是戒場及大界者結時所唱方隅各有

齊畔並須盡此制限內僧集之唯食同法別大界若在此作僧法者此處僧應集若在彼作僧法者彼處僧應集以法別不名別衆若受僧施衆應均分不得別衆若自然界則分四別謂聚落蘭若道行水

界初言聚落則有二種若聚落界分不可分別者准僧祇七樹之量通計六間六十三步若無異衆得成羯磨

釋若依律制自然界則分四別謂聚落等此標下釋聚落者謂人所聚居猶村落也此有二種若聚落界限博大不可分別准僧祇七樹之量爲分齊彼律云佛在舍衛時有婆羅門名生聞請問世尊云何種菴婆羅樹使根莖堅固枝葉茂盛華果成就扶疎生長不相妨礙佛言以五肘弓七弓

種一樹如是種者能令根莖堅固乃至不相妨礙彼聞歡喜作禮而去有優波離知時啓白佛言已聞種樹分齊今復請問若城邑聚落界分不可知若作羯磨應齊幾許名為善作羯磨不犯別眾佛言齊七樹之量得作羯磨雖有異眾相見而無別眾之罪故今文云七樹之量通計六間六十三步今若准數約之以五肘弓七弓一樹共計四十二弓一肘一尺八寸五肘為一弓每弓九尺共該三十七丈八尺此乃西域之弓量也若較此方唐時丈田積步之量而言以六尺為一步六十三步正合西域七樹之量四十二弓於此量中無有異眾得成羯磨若此量外雖有異眾相見而無別眾之罪此明不可分別聚落自然界

勅二

三三

中得作僧法之制也  
 若可分別聚落者准十誦律盡聚落集之釋可分別者謂聚落非廣分齊可知十誦律云時諸比丘於無僧坊聚落中初作僧坊未結界爾時界應幾許佛言隨聚落界是僧坊界諸比丘不應別布薩及僧羯磨若作者犯如根本百一羯磨中佛言作法界若諸比丘在村者齊墻柵內並外勢分應盡集一處為長淨事及作隨意單白白二白四悉皆應作若不集者作法不成得別住罪此明可分別自然界中得作僧法之制也  
 二言蘭若亦有二種若無難者諸部多云一俱盧舍按雜寶藏云五里是也相傳以此為定

釋初二句總標下文別釋蘭若亦名阿練  
若此翻云空寂又翻閑寂以空閑則無諍  
乃絕喧幽靜之所也一者無難蘭若謂處  
無惡獸盜賊出入平安諸部多云一俱盧  
舍者如十誦云時諸比丘於無聚落空處  
作僧坊未結界爾時界應幾許佛言方一  
拘盧舍是中諸比丘不應別眾布薩及僧  
羯磨翻譯集云梵語拘盧舍此云五百弓  
又云大牛吼或云一鼓聲俱舍論云二里  
今按雜寶藏經云五里一往譯家相傳以  
此為定故所准用此明無難蘭若自然界  
中得作僧法也

若難事蘭若如善見論云七槃陀之量相  
去五十八步四尺八寸得作羯磨

釋難事蘭若者謂處多獸賊道路恐怖不

初二

二五

得例無難蘭若之界此界如善見論所明  
梵語槃陀此云二十八肘七槃陀之量共  
計一百九十六肘每肘一尺八寸共該三  
十五丈二尺八寸每步六尺以三十五丈  
二尺八寸不滿五十九步故云五十八步  
四尺八寸也於此量中得作布薩羯磨此  
明有難蘭若自然界中得作僧法也  
三明道行界准薩婆多十誦律縱廣六百  
步

釋道行界者准十誦律有二因緣開聽一  
為布薩日二為自恣日諸比丘同道行不  
及至僧中故令方便在道結界布薩自恣  
東西曰廣南北曰縱方圓六百步每步六  
尺共計三百六十丈於此量中得作布薩  
自恣按五百問結道行界時須斷兩頭行

人除去取水地及田處所彼乃俗人往來處若窮路無人行不可為相以不知也若斷路有人車行雖斷三四村亦可為相此明道行自然界中得作僧法也

四明水界如五分律船上眾中有力人以

水若砂四面擲所及處

勅二

三五

釋五分律云諸比丘同船行遇布薩日欲說戒故聽船內說戒令就淺水泊船已定眾中命一有力比丘出立船頭以水四面灑擲隨水所至之處為界餘者在內隨觀四方若擲砂亦爾此明水行自然界中得作僧法也

此之六相皆謂身面所向方隅齊限之內集僧無人方可應法也

釋此文結上謂上所明六種自然界相不

同唱相立標作法界之邊畔也皆以彼時身面所向方隅為界相故盡此內集僧布薩自恣若一人不集則布薩及自恣不成無人方可應法也

○五應法和合

釋上云僧集約界唯戒場大界盡集若集而不和仍同別眾故第五復明應法和合也

律云應來者來應與欲者與欲來現前得呵人不呵是名和合反上三成別眾者爾

釋此引第三分呵責捷度謂界內捷槌一鳴同居聞聲即至乃名如法應僧前事初句謂身心俱集者次句謂身有事緣開心集者第三句身心現前縱得呵人而意悅忍可默然不呵是名和合反上三種則成

別衆者爾

毘尼作持續釋卷第二

音義

鶴林世尊於拘尸城裝羅林間入般初度

陳如等百一十人謂陳如等五人耶輸伽

同婚姻者五十人出家此乃世間最初幾  
尚之一百一十僧寶俱證阿羅漢果者

曇無德部四分律刪補隨機羯磨卷第三 勅三

唐京兆崇義寺沙門道宣 撰集

清金陵華山後學比丘讀體 續釋

○集法緣成篇第一之二

○六簡眾是非

勅三

釋簡者簡別也眾者謂出家五眾並白衣

人也上云應法和合應來者來然恐來中

雜其非眾故第六復明簡眾是非

律云未受具戒者出等

釋此引第二分說戒捷度未受具戒者乃

小二眾由沙彌盜聽比丘羯磨說戒同僧

法事名曰賊住於受具時便成遮難故當

令出五分律云若布薩時遣沙彌著不見

不聞處應着牀下以燈火徧照而云等者

攝白衣人也緣平沙王信敬三寶差人守

僧伽藍於布薩日恐違王命不敢遠去佛  
言當方便使白衣人出者善若不爾者諸  
比丘出界布薩不得白衣人前作羯磨說  
戒

又云有四滿數一者有人得滿數不應呵  
若為作呵責擯出依止遮不至白衣家羯  
磨如是四人者是也

釋此引第三分呵責捷度明滿呵四料簡  
也初句總標向下別釋若僧已為作呵責  
羯磨者此因鬪諍罵詈於眾中起諍事故  
若已為作擯出羯磨者此因依聚落住行  
惡行汚他家故若已為作依止羯磨者此  
因癡無所知多犯眾罪共諸白衣雜住親  
附不順佛法故若已為作遮不至白衣家  
羯磨者此因以下賤言譏罵信樂檀越故



如是四人雖經羯磨乃苦切治罰容有乞解未破根本仍共僧住若與眾同集但得滿現前之數而已不得遮僧羯磨若遮者則犯所奪事之一呵即遮也故云有人得滿不應呵

二者有人不得滿數應呵謂若欲受大戒人也

**釋**若欲受大戒人是謂沙彌也故不得滿僧數應呵者彼臨受戒正秉白四時言我不受大戒此即名遮令僧羯磨不可作故此據十誦毘尼序中佛言沙彌受具戒時心悔不用受具作是言我不用受具戒是言遮故云有人不得滿數應呵

三者不得滿數不得呵者若為比丘作羯磨以此比丘尼式又摩那沙彌沙彌尼足數

**釋**此第三中廣引律證先明尼及小三眾若大僧界內和集為比丘作羯磨者多是舉過治罰等事其比丘尼並小三眾不得作滿數人不得呵遮大僧羯磨

若言犯邊罪等十三難人

**釋**十三難者一犯邊罪二犯比丘尼三賊心受戒四破內外道五黃門六弑父七弑母八弑阿羅漢九破羯磨轉法輪僧十出佛身血十一非人十二畜生十三二根若有此等事者謂之十三難人儻受戒時知有無容受戒設有眾不知受已後若知者即當滅擯不與共住今言犯者是受後有犯犯則非僧故不得滿四種僧數不得眾中遮僧羯磨

若被三舉若滅擯若應滅擯若別住

〔釋〕三舉者謂不見舉不懺舉不捨惡見舉若滅擯者絕其形跡曰滅棄之界外曰擯法食無分永不共住由犯不可悔罪法當如是應滅擯者謂事露實犯法應滅擯尚未集僧秉宣白四言別住者謂一界同居知集作法別住一邊而不現前和會如是之人不得滿僧數不得遮羯磨

若戒場上若神足在空隱沒離見聞處若所為作羯磨人

〔釋〕已上滿呵雙明此下唯明不滿也戒場大界標相各別神足在空非地所攝眾中隱沒顯異無形離聞在見秉白莫聽離見在聞自身屏障若為他人作法現前僧不滿數欲將彼等為滿數者不得故云若所作羯磨人

如是等二十八種不足數

〔釋〕此句結上謂尼及小三眾十三難人三舉二擯別住戒場在空隱沒離見離聞是二十八等人於四種僧中皆不得足數故又云行覆藏本日治摩那埵出罪人十誦云行覆藏竟本日治竟六夜竟此上七人佛言不相足故

〔釋〕此引第三分覆藏捷度因六羣所制彼等自行覆藏本日治摩那埵而與他人覆藏本日治摩那埵及足二十人與他出罪十誦緣起亦爾謂行覆藏竟行本日治竟還有六夜及出罪在行六夜竟尚未出罪不應作足數人與他覆藏羯磨乃至出罪本律中文闕行竟故引十誦以補之十誦又云睡眠人亂語人憤闌人入定人

癡人聾人啞聾人狂人亂心人病壞心人  
樹上比丘白衣如是等十二人不成受戒  
足數

〔釋〕睡眠者心落無記身徒臨座亂語者口  
無禁忌言多擾衆憤鬧者心亂不靜意緣

別境入定者攝心反觀問答不覺癡者應

成白四言不能證聾者難於察聽是非因

諳啞聾者言聽雙闕無益前人狂者失却

本心知覺昏昧亂心者語言顛倒坐起乖

儀病壞心者四大相違自無主宰樹上比

丘謂樹上作安居者託處有異遠衆非同

白衣者謂雖已剃髮戒品未沾此十二種

人中邊國土受戒不得足師僧之數豈但

受戒即一切羯磨亦不得滿數故

摩得勒伽論云重病人邊地人癡鈍人如

勅三

五

是等三人不成滿衆

〔釋〕重病者心緣痛苦難候事畢邊地者國

語有殊言說不解癡鈍者愚無所知不誦

毘尼如是三人亦不成受具滿衆

僧祇律云若與欲人若隔障若半覆露中

間隔障若半覆露申手不相及若一切露

地坐申手不相及

〔釋〕若與欲人者謂凡滿衆之人皆爲作法

中證明一人秉白羯磨餘衆察其是非如

法則忍可非法即應遮故須本人現前餘

衆與欲則可若以與欲人滿中邊授具師

僧者不許若隔障者謂其人雖集復有屏

風簾幔等隔障視聽非明故不得滿衆若

半覆露者謂半隱半顯仍同異衆非現前

數故不聽滿衆中間隔障者謂人已來集

身無遮隱中間復有物隔彼此面障各不相親故不得滿衆若半覆露申手不相及者雖無物隔覆露仍異故不成滿衆若一切露地坐申手不相及者雖無覆障坐處是一與衆復遠手不相及故亦不聽滿衆又云若衆僧行作羯磨坐則非法乃至住坐卧互作亦爾第四分云我往說戒處不坐爲作別衆佛言非法

**釋**凡入衆爲足數僧者坐起行來同衆不異異則不和在衆非衆而云卧者爲足四儀不闕法數故下引本律申明僧祇別衆之由事因六羣比丘彼於布薩日作念云我往說戒處不坐恐餘比丘爲我作羯磨若遮說戒令衆羯磨不成遮故佛知呵責六羣云如是作者非法

五分云病人皆羯磨說戒

**釋**彼律云布薩日病人若來僧中若病者多不能來僧應盡病人所羯磨說戒此明別衆病尚無開況餘小緣而違聖制佛言別衆義如醉人等或自語前人不解心境不相稱等並名非法故律中受戒捨戒法內云若眠醉狂恚不相領解如前緣者並不成故

**釋**初三句准律出義下依律釋明受戒捷度云時諸比丘有與眠人受具覺已還家諸比丘言止莫還家汝已受戒答云我不受戒有與酒醉人受具有與狂人受具有與瞋恚人受具其酒醒已得本心已瞋恚止已亦爾此謂正受戒時心境不稱受已還家非僧所攝故云別衆義如醉人等初

篇捨戒法云若於顛狂人前捨戒亂心人前痛惱人前聾啞人前中國人在邊國人前邊國人在中國人前捨戒此謂正捨戒時自語前人不解雖未成捨捨念已決體非比丘也末二句總結第三不得滿數不得呵者謂如前廣引毘尼物三詳明所遮等緣七並不成應法滿數僧故

又須知別眾不足數等四句差別臨機明練成壞兩緣

**釋前文**唯簡滿數之僧此復兼明別眾故云又復須知別眾不足數等四句差別初句謂有人不得於受戒出罪受懺治罰等羯磨僧中足數以被治罰尚未求解所犯之罪未曾懺悔故餘羯磨中得足僧數若離見聞處乃至申手不相及非足數僧犯

別眾過此即被呵責等四種人是也二句謂有人於受戒乃至一切羯磨中皆不足數雖在界內不犯別眾此即比丘尼等四人及十三重難三舉二滅擯等人是也三句謂有人於受戒及一切羯磨中皆不得足數若不來不與欲犯別眾罪此即癡聾癡鈍亂心重病邊地等人是也為彼不能證明是非故皆不聽足數由本是比丘故不來犯別眾四句謂有人於受戒乃至於一切羯磨中皆得足數不來不與欲犯別眾此即清淨無過比丘是也若能如是一一簡之如法是謂羯磨成也不能如是一一簡之非法是謂羯磨壞也斯乃四句差別之義若和集兼白以便臨機明曉是為善閑毘尼熟練成壞兩緣

四者有人得滿數亦得呵若善比丘同一界住不離見聞處乃至語傍人如是等人具兼二法

**釋**此謂如法比丘同一界住作法來集不離見聞乃至傍近羯磨人令語可聞是故稱名善也由善而無過亦得滿僧數亦得遮羯磨故云如是等人具兼二法

○七說欲清淨

**釋**前應法和合是非已簡若有應與欲者與欲來不知與說執則為何故第七復明說欲清淨

律云諸比丘不來者說欲及清淨於中有三謂與欲受欲說欲等法

**釋**此中總引第二分說戒捷度先標三法後別明之俱攝但對首內與欲法屬公私

也

○一明與欲法

**釋**與者付授也欲者樂欲也若在一界同居凡行如法僧事此則人人樂欲和合共辦由被緣務所羈不能躬詣故將自己樂欲之心對一知法比丘具儀說之乞彼至時傳向僧中俾知心同不異以准現前集眾設若有緣不開心集則機教莫同將何拔濟故聽傳心口應僧前事方能彼此俱辦緣斯故開與欲之方便也

勅三

九

若有佛法僧事病人看病事者並聽與欲唯除結界一法

**釋**此按本律聽三寶及病事與欲然於法病二事開緣未詳今採根本部明之彼云若羯磨與欲或現有病或恐病將生或遇

新病差或瞻病人疲困或遭饑渴寒熱或稟性多有闇睡修餘善品冀遣昏沉或於靜房自誦戒本或於他聽受戒義或守文句人繫心思義恐其廢忘或創始修得妙觀現前爲伏心故或於覺分善品不令間雜若雜緣恐失正念或時見諦得斯皆與欲無犯若與欲者多同集者少老必芻當廢餘善事當赴其處若必芻懈怠及爲鄙法而與欲者得突色訖里多罪即突吉羅唯除結界一法者凡作一切僧法必具十緣方成唯結界羯磨只具七緣一者無處可託二者無界可約既無界攝故不說欲又則結界先唱方隅必知縱廣創立之限應須盡集故亦不聽與欲據滅諍捷度中用多人語及草覆地滅諍亦不聽與欲恐不現

前後更發起諍事故

有五種與欲若言與汝欲若言我說欲若言爲我說欲若現身相若廣說欲成與欲若不現身相不口說者不成應更與餘者欲

釋現身相者時有病比丘於布薩日不能口說清淨欲諸比丘白佛佛言應與身清淨欲若舉手若舉指若搖身若搖頭乃至舉一眼名與清淨欲若病者不現身相若四種口說言音不明等皆不成與欲應更與餘者欲謂待病人昏沉甦醒再現身相及餘四再向他人言說明了俱成與欲又云欲與清淨一時俱說不得單說釋律中制緣因六羣比丘與欲不與清淨僧中事起不得說戒彼持欲比丘言我持

欲來不得清淨而羈留羯磨說戒以此白  
佛佛言與欲時應云我與欲清淨准此謂  
一令告其自已樂欲之心一令告其半月  
清淨無過雖不現前亦不碍於衆僧作法  
故云與欲清淨一時具說不得單說也

若欲廣說者應具修威儀至可傳欲者所  
如是言

大德一心念某甲比丘如法僧事與欲清淨

一說  
便止

釋具修威儀者具謂無闕修謂整飾凡入  
僧中及對一人作法時應整衣肅容三業  
必恭以表至誠也向下具儀准此不繁大  
德者梵語娑檀陀律攝云是相敬言於苾  
芻若少若老不應呼名及姓氏等老呼小  
者為具壽小稱老者云大德而言一心念

勅三

十一

者是乞其慈愍注念於已也如法僧事者  
此是總句律中因六羣稱事與欲言我以  
此事與汝欲及清淨僧中事起持欲比丘  
言我持某事欲清淨來不持餘事欲清淨  
來故所羈留僧事諸比丘白佛佛言不應  
稱事與欲自今已去聽如法僧事與欲清  
淨此乃定制也

佛言若能憶姓相名類者隨意多少受之  
若不能記者但云衆多比丘與欲清淨亦  
得

釋此引開緣備用律中因比丘受一人欲  
已疑不受二人欲乃至受三人欲已疑不  
受四人欲佛言若能盡記識字者隨意多  
少受不能憶字者當稱姓不能記識姓者  
當稱相不能記相貌者但言衆多比丘如



法僧事與欲清淨亦得

續僧祇律云當明日布薩今日與欲不名

與欲又云時集應與清淨欲非時集應與

羯磨欲文原文唯引本律明時欲若尋常

僧事准僧祇云如法僧事與欲羯磨餘詞

同上

○二明受欲法

釋受乃領納憶持也若與者能廣畧如法

與其受者不善憶持及身有犯皆不成受

佛言若受欲者受欲已便命過若出界外

去若罷道入外道眾別部眾至戒場上若

明相出等七緣若自言犯邊罪等十三難

人三舉二滅擯在空隱沒離見聞處如是

等通前二十八緣並不成受欲若至中道

若至僧中亦爾應更與餘者欲

勅三

十二

釋受欲已便命過者生死呼吸不與人期

出界去者條爾緣牽身逐事往若罷道者

貪欲熾盛戒羸還家入外道眾者知見顛

倒棄正從邪別部眾者四諍反和部黨各

分至戒場者異界經行忘誤所受明相出

者後夜已過時屬次朝律中有如是七緣

諸比丘與欲已一一主疑作念為失欲不

失欲往白世尊佛言皆失欲十三難人乃

至離見聞處義准前釋通前命過等七種

此二十八緣並不成受欲如此人等受既

不成縱然持欲若至中道若至僧中皆不

成就故云亦爾應當更與餘者欲

僧祇云五種失欲如不足數中說又云在

界外受欲持欲者出界外與欲人出界與

欲已自至僧中還出眾第五持欲在僧中

因難事驚起無一人住者如是等並名失

欲

**釋**不足數中說五種失欲者謂若與欲人

若隔障若半覆露若中間隔障若半覆露

申手不相及若一切露地坐中申手不相

及是名五種失欲在界外受欲者律制依

物三

十三

界集僧界內與欲非界所攝不在集中若

布薩日先有事緣出界外不須與欲受

欲持欲者出界外此乃自為因緣有誤他

欲與欲人出界者法因人去法失與

欲已自至僧中還出眾者律中時有病比

丘與欲已聞僧中說法毘尼自力就聽坐

久疲苦以先與欲默然離座去若持欲在

僧中因難驚起無一人住者謂持欲人已

至僧中與眾同遭水火賊獸等難一齊驚

起四散各避界內無一比丘如是等並名

失欲

十誦云與覆藏等三人失欲

等其本日治及摩那垂人

五分云與尼等四人狂等三人或倒出眾

人皆不成欲

**釋**尼等四人謂式叉摩那沙彌沙彌尼狂

等三人謂癡狂人亂心人愚鈍人倒出眾

人者謂受欲人欲令羯磨不成持欲已至

僧中復倒出去如是等皆不成受欲

十誦云取欲清淨人若取時若取竟自言

非比丘者不成清淨欲

**釋**取者索也謂比丘正索彼人欲時彼言

我已捨戒作沙彌作優婆塞作白衣我已

入外道我非比丘彼既自言非僧則布薩

不共所以與時欲不成故若索竟如是言

亦爾

〔續〕僧祇律云若上座應言我是僧上座不應受若教授尼人若誦戒人應各自說不應受若守房人若病人應言我不至僧中更與餘人若言我是乞食我是阿練若我是糞掃衣我是大德人不取欲者越毘尼罪

〔釋〕上座者夏臘超羣德業無等律制僧中序四上座凡說法開導應供受施一切作為眾皆恭敬若教授誦戒者具德受差已有其任如是三人理無受欲若守房及病自尚與欲故宜善却若言我是乞食等此謂自彰頭陀矜已慢他不取故犯律云持欲比丘自有事起不及詣僧聽轉授與餘比丘應作如是言

大德一心念我某甲比丘與眾多比丘受欲清淨彼及我身如法僧事與欲清淨一說便止

〔釋〕若自身緣絆他欲在已則兩皆失欲僧事羈遲故聖慈應機復開轉授今文為受多人欲若但受一人欲者更眾多二字作某甲餘詞無異

○三明說欲法

僧祇云不得趣爾與人欲應與堪能持欲僧中說者

〔釋〕此明不得疾與無智者欲應與堪能持欲者謂詣一徃守護戒品智憶不忘人所具儀與之如是之人方知時欲非時欲善能持至僧中如法為說此引僧祇者為顯前失欲諸緣皆由與者倉卒不擇其人故若有說者羯磨人如上問已彼持欲者應

答是也

釋羯磨是總稱凡時集誦戒者非時集誦法者是如上問已謂如上應法和合簡眾是非羯磨人問云僧集否和合否未受具戒者出否不來說欲及清淨有否若有者彼持欲人於本座合掌答云是答已起座具修威儀至羯磨者前作禮一拜長跪合掌如是言

大德僧聽某甲比丘我受彼欲清淨彼如法

僧事與欲清淨一說便止

若自恣時應言與欲自恣餘詞同上

釋准義說竟理無默然諸部文闕答辭唯根本部百一羯磨云凡作法了時及隨時白事皆應答云與算迦此翻云好又云爾答云安度此翻云善若不作是說者得越

法罪故今說竟羯磨者答善彼說者答爾一拜起已歸復本座此就坐聽誦戒之儀若是常時立作羯磨則出入不離本位向下准此為式

佛言若受欲人若睡眠若入定若忘若不故作並成若故不說得突吉羅若病重者應舉至僧中恐病增重者僧就病者所或出界作不合別眾故若中道逢難界外持欲來得成

釋此引開緣睡眠是五蓋煩惱入定乃刹初三

那三昧暫忘由專念善品既非有意並成說欲若存心故不說者成犯彼如法與者無別眾過若病重者為不能現身相故若中道逢難者律云時有受欲比丘遇道路隔塞賊獸及河水大漲不得至更從界外

來至僧中諸比丘生疑白佛為失欲不失  
佛言成與欲清淨不失此謂界寬路遠者  
引據便用

○八正陳本意

**釋**陳者敷告也意者心之所向也上引律  
制緣開與欲僧無別眾身心既集意欲何  
為故第八復明正陳本意  
謂僧私兩緣僧中或創立法處則豎標唱  
相或常所集用則行籌告白等

**釋**初句總標本意謂所為之事無越僧私  
兩緣向下分釋若就僧中公事大約有二  
一者或始擇淨地創立伽藍以為法起託  
處必結場界攝衣此則豎三重之標唱四  
方之相俾共住者知其齊畔以便出入經  
行次者或尋常集僧作法辦事如布薩安

初三

十七

居受施滅諍等此則先須行籌次方告白  
若餘僧事唯以告白不用行籌斯陳僧中  
公緣之本意也

私事亦二若違情治罰則作舉乞罪若順  
情請許多須乞詞並至文具顯上乞音氣與也下乞

音詰  
未也

**釋**就私事中亦有二種特為一人非公名  
私情者理也若共眾居違理縱意不守禁  
戒者律有明條必依治罰或作三舉與罪  
白四羯磨作舉唯是七法與罪通乎篇聚  
順者不逆也若善順治罰如教改悔僧中  
請解羯磨伏罪誓不更作眾愍聽許作法  
仍淨此則多用求詞事有巨細並至文具  
顯斯陳一人私緣之本意也

○九問事端緒

釋端緒猶頭緒也上陳本意事有僧私凡會作辦委僧量宜必先對衆問其所以故第九復明問事端緒

律云僧今和合何所作爲事合通別臨時准一通問

○十答所成法

釋問則唯言端緒律教勿紊答則當依事說法施有據若事未確法亦徒宣故第十復明答所成法

律云應答作某羯磨然事有先後法緣通別說戒自恣應在後作受戒捨隨義兼通別若結界捨界理無雙答並先須詳委然後問答

釋初句正明問答次二句總標答中之差別下三句隨事別釋末二句乃叮嚀之語

然事有先後此但指說戒自恣二法而言如五分律云先作諸羯磨然後說戒又如十誦律云一切事先作竟僧應說戒自恣今文符此二律所說皆是露罪懺悔之法不同餘事集僧便作必須清淨方堪誦聽故先令發露作法懺悔已次後方可說戒自恣故云事有先後也然雖今非昔比不能當下作法懺除預期懺摩即名先事發露無覆亦名清淨說戒自恣又云受戒捨隨義兼通別者謂此二種答法義兼通別不同餘法唯初三一別名而已如受戒羯磨若十八在一切羯磨中論其名各別若但於受戒中論其名是通以戒有多種不同故凡遇作法問答時不得但以通名答受戒羯磨應兼通別答云受某戒羯磨又如捨隨羯

磨通別亦爾倘懺第一畜長罪者不得以  
 通名答懺捨墮羯磨亦不得以別名答受  
 畜長衣懺悔羯磨應兼通別答云受畜長  
 衣波逸提懺悔羯磨如是則事與罪名兩  
 得無遺乃名如法善答故云受戒捨墮義  
 兼通別也又云結界捨界理無雙答者謂  
 解舊結新雖在一時其結解事異豈可將  
 兩事於一問中雙答哉理應先答解界作  
 法解已更問方可答結如是隨事問答使  
 法無缺若不詳知原委則有三過一人非  
 堪任二於事有缺三作法不成故復叮嚀  
 云並先須詳委然後問答  
 已上十科總明僧法前方便凡作法時先  
 當稱量 即第一稱量前事 欲作僧法必有  
 所託 即第二法起託處 臨行僧事先鳴鍵

槌 即第三集僧方法 槌既鳴盡界僧集

即第四僧集約界 任羯磨人問僧集否和

合否 即第五應法和合 問未受具戒者出

否 即第六簡眾是非 問不來說欲及清淨

有否 即第七說欲清淨其第八正陳本意

講稱量中 僧今和合何所作爲 即第九問

事端緒 僧中維那合掌答云作某羯磨 即

第十答所成事 然此前方便制有增減非

十科一切僧法全用若布薩時於簡眾下

加云誰遣比丘尼來請教誡若自恣時間

改請教誡作請自恣若結界及滅諍時不

問說欲凡後文書云作前方便者皆准斯

義初明僧法竟

○中明眾多人法

釋前列對首羯磨綱目法有三十六種今

復申明便於稱量

若作但對首法如持衣說淨等通二界人唯是別若作眾法對首法如捨墮說戒等二界盡集人非別眾法則兩異並前須明識義無雜亂

初三

**釋**此文將二種對首比論令曉所託中之

二十

差別也若但對首三十一法必須別眾人屏作對眾犯非若作眾法對首五法隨界盡集不應別眾別則犯非是謂二種對首並通二界法則兩異如斯制義無容雜

亂

○後明一人法

若但心念法事通二界人唯獨秉若對首心念及眾法心念界通二處有人不得並如前集法中列三相應然不容臨機致有

乖殊法式不成

**釋**此申明三種心念也謂但心念有三法若作此者二界俱通不禁正制人唯自秉對首心念有七法眾法心念有四法若作此二者論界則二處隨依秉法則量度現

前若果無二人三人四人且作心念以辨前事斯乃開中復開貴乎用時善用並如集法中所列三種心念名相各各分別已定作法自然不同行者不容臨機致有乖殊法式不成

初三

主

已上畧辯成法具緣後明非法之相

**釋**篇首標云緣通成壞教相須張故上句結前僧法稱量十科及對首心念五種引制詳辯成法之緣已竟此後復明非法之相俾知緣壞准律可憑



○僧法羯磨具七非

佛言有七羯磨非法不應作之

〔釋〕此引第三分瞻波捷度中所制緣六羣比丘發起六羣或云六衆謂聚集成衆羣出隊入作諸非威儀事一難陀二跋難陀三迦留陀夷四闍陀五馬宿六滿宿此之六人無法不曉通達三藏內教精諳五明百藝之術俱是豪族共相影響契交爲友宣通佛教內爲法門之棟梁外作佛教之大護興起制緣建立毘尼所謂大權示現人各弟子九人共爲六十故號六羣比丘也先標七非之名隨依捷度釋之

一者非法非毘尼羯磨

謂一人舉一人乃至僧舉僧一白衆多白一羯磨衆多羯磨單白白二白四羯磨交

絡互作

〔釋〕一人舉一人乃至僧舉僧者此制文繁依律畧爲四句收之初句謂一人舉一人舉二人舉三人舉僧 二句謂二人舉二人舉一人舉三人舉僧 三句謂三人舉三人舉二人舉一人舉僧 四句謂僧舉僧 此第四句以四種僧互舉作句如上復成四句 一白衆多白乃至交絡互作者謂若作白二羯磨者作一白已一唱說是二羯磨若作一白二白三白衆多白不作羯磨若作一白二羯磨三羯磨衆多羯磨 若作二白二羯磨三羯磨衆多羯磨 若作三白一羯磨二羯磨三羯磨衆多羯磨 若作衆多白一羯磨二羯磨三羯磨衆多羯磨 若作一羯磨二羯磨三羯磨衆多羯磨不作白 若作

一羯磨二白三白衆多白皆非法非毘尼不應作故云一白衆多白一羯磨衆多羯磨其單白白四各有七句唯除本法餘句亦爾故云單白白二白四羯磨交互聯絡而作也

若有病無藥有藥無病有事有法施不相當毘尼母云若說羯磨言不明了如是等人法事相並非所攝也

釋上二句設藥病不投之喻以明有事有法施不相當結顯非法非毘尼不應作之義復引母論者謂羯磨一句說不明了致人法事三相皆非一者人不堪任是人相非二者言不明了使法相非三者於事無成故事相非所以言如是等人法事相並非所攝也此即一事中具人法事三非更

劫三

三五

顯非法非毘尼羯磨作法不成故

二者非法別衆羯磨

謂白此事為彼事作羯磨名為非法應來者不來應與欲者不與欲來現前得呵人呵者是名別衆

釋凡秉羯磨先白僧知所作之事次方准白牒事羯磨以如是法辦如是事故若白此事為彼事作羯磨者非法若鳴槌集衆聞聲不來及不與欲雖來同集現前然意不喜悅所為得呵人便呵而不忍者是名別衆

三者非法和合衆羯磨

非法同前和合反上

釋此則人雖共秉信鼓無違法不如制非過難追

四者如法別眾羯磨

如法反非法別眾同前

釋此則法遵定制人乖准約事無成濟罪有所歸

五者法相似別眾羯磨

謂先作羯磨後作白名法相似別眾同前

釋羯磨問忍據白憑僧以後作前理逆緣壞名曰相似毘尼過在秉法輕侮別眾同前無慈體以背六和也

六者法相似和合羯磨

法相似如上和合同前

七者呵不止羯磨

謂如法羯磨須僧同秉今得呵人呵若住應法違呵不止即名非法

釋初二句標定僧不同意必不可作羯磨

勅三

三

也今得呵人呵者正顯不同意之人此人

非是被治罰乃是無過之比丘若彼意不

忍可遮羯磨者眾僧應住而莫強作若住

已不作則於法相應若彼遮而不止縱然

作竟亦名非法由非同意秉故如根本百

一羯磨中佛言云何不和合羯磨謂諸苾

芻同一界內作羯磨時眾不盡集合與欲

者不與欲雖然總集應遮者遮而不止強

為羯磨如是名為不和合羯磨反此即名

和合羯磨與今文呵不止羯磨第七非一

也

義立七非

謂律據事隨事分七今以義求收非斯盡

謂單白羯磨三十九種各有非相義同過

別白二白四類亦同之若不別明成非莫

顯

釋此明准上制義立下七非謂上列僧法七非律載瞻波捷度據六羣所作事起故佛隨事分七今以此七義求覓一切羯磨之非則收斯盡矣謂單白羯磨二十九種

物三

三五

各有非相然非法之義是同而犯過之相復別白二羯磨五十七種白四羯磨二十八種亦爾若不一一辯別分明臨時成非莫能顯了

今且就單白說戒具解七非餘之二種例之可曉

釋上准一僧法之非義立一切羯磨之非此解一單白之非義例一切羯磨之非也

一人非

謂識過不懺疑罪不露界內別眾人非應

法等

釋律制犯者不得聽戒懺悔已聽若誦戒時憶識所犯不懺而集於犯有疑不露而聽同界不來及不與欲不簡小眾集離見聞坐誦立聽故云人非應法等

二法非

謂三人以下單白說戒顛倒錯脫有呵不止說不明了等

釋律制四種僧滿單白羯磨說戒但有三二人唯聽對首布薩若三人以下單白

說戒或文句顛倒錯脫遺忘或戒文生澁說不明了若有呵不止此釋同前皆名法非

三事非

謂時非正教廣畧無緣眾具有闕界非聖

制

釋言時非正教者顯人妙決信作事多任情也廣誦者乃一定恒規畧誦者因難緣故聽難謂水火賊獸重病非人及王等緣謂衆多座少露濕天雨鬪諍已久說法夜半等衆具謂座敷水器燈火舍羅等界非聖制謂結小界屋內不解或場界之相互亂如是皆違律制名曰事非

四人法非

謂具二非准事依法

釋此立人法非不言准人而云准事蓋義用母論事謂人法今合顯之則事如無過人法准前

五人事非

法雖應教人事乖越

釋謂法雖應教廣畧知時秉誦文純無諸顛脫唯人乖衆事越常准如上一三非相自曉

六法事非

人雖應律二乖名壞

釋謂人雖清淨法食俱同其羯磨誦戒尚未通諳非界而託衆具有闕故云法事二乖名曰緣壞

七人法事非

三相並非如前類取理須條貫諸緣明曉

成敗

釋理須條貫諸緣者謂緣據律制總攝人法事三今以此三理須條貫合具互顯七非則一百三十四種僧法一一明曉方能獲益離過名善作羯磨也

故佛在世一事五處作之並成非法況今像末烏可輕哉義無怠慢

釋此引古勉今誠其精學也按瞻波捷度云時有異住處眾僧與比丘作訶責羯磨乃作非法別眾餘眾僧聞彼作非法別眾

羯磨不成我曹當與作訶責羯磨即作非法和合復有餘處僧聞彼眾僧作非法和合羯磨不成我曹當為作訶責羯磨即作法別眾餘處僧聞彼眾僧作法別眾羯磨不成我曹當為作訶責羯磨即作法相似別眾餘處僧聞彼眾僧作法相似別眾羯磨不成我曹當為作訶責羯磨即作法相似和合羯磨彼比丘作如是念我當云何諸比丘白佛佛言諸如是羯磨不成就如是一切羯磨亦不成就故云一事五處作

之並成非法此引古也況今像末烏可輕哉義無怠慢此正勉今也像末者祖以唐高宗當代而言如前序明謂況今像末毘尼是住持之本凡為比丘何肯輕視而不學哉更當精攻守持故云義無怠慢

○對首羯磨亦具七非

就中分二若但對首法准取持衣一法以顯非相餘說淨等法類解於緣有異

釋但對首三十一法今准義且取受持三衣一法用顯非相俾知其成餘說淨等三十法類解無殊於所犯緣復各有異

一人非

謂受對之人犯重遮難有呵者呵或對僧俗而作

釋律制犯者不得受他懺懺者不得對犯

者悔今犯者但舉重以攝輕也而云有呵者呵此法界通兩處唯是二人別作對首不聽三人已上今云有呵者呵則現前有多人明矣對僧謂於界內集眾對俗謂向寺內淨人皆名人非

二法非

謂持法錯脫說非明曉

釋謂守持三衣條相各異如缺從長受法名殊或衣相錯稱或受法脫忘雖知相法說不明了等皆犯法非

三事非

謂犯捨異財不合聖教或五大上色受持不成

釋財者凡入所用皆曰財異者謂非同清淨衣物律制不得以犯捨墮物及邪命得

初三

三九

者作衣故云不合聖教五大上色者佛識將來弟子分律為五以衣表部雖云青黃赤皂木蘭然青非東方之青黃非中央之黃須壞正色去其愛好又母論云色中上色衣不應畜謂錦文鬘華等衣受持不成

皆名事非

四人法非五人事非六事法非七人法

事非

並如上例知交絡識相

○眾法對首亦具七非

今摘取捨墮一法條然具解餘者例同有異也

釋眾法對首有五今取捨墮一法條謂條貫人法事三具解七非之義餘者四法例非是同示過有異

一人非

謂界內別衆人非應法呵人設呵置止即非

釋此法二界盡集人非別衆若謂衆法對首唯是三人界內有衆不集故別豈名和合若集同居僧中捨懺來者不來與欲不與容小衆見聞不遣白衣人出此謂人非應法呵人設呵置止即非者謂知他有事設欲要呵理當即呵若覆心中置止不呵便犯人非

二法非

捨懺還財諸法非正

釋謂捨財求懺請乞顛倒懺主不秉單白小罪八品未悔是五長者無緣即還非五長者隔宿作法或捨已不還任其雜用斯

勅三

三十

皆法非大乖正制

三事非

犯過衣財如律所斷必非聖制理無懺捨並識相而加法非有疑而過分有違加無知罪亦爾

釋謂犯過衣財如律所斷唯聽三九僧中捨懺若用雜野蠶綿作具者自以斤斧細斬和泥塗其壁埽若自捉金寶及種種賣買者應對俗捨彼與淨物或令與僧或還本主此三設類餘法決不可為故云必非聖制理無懺捨然三十捨墮罪種名相各異不同八品小罪全闕未定有兼著用復不兼者並皆先識種相而後加法非容有疑不識而過分加懺斯由不學毘尼有違正制當於本罪外更加一無知波逸提故



云亦爾

四人法非乃至第七具三非 顯相如

上

○心念羯磨亦具七非

就中有三初但心念法唯取懺輕突吉羅

罪具解餘異例同

勅三

三十一

釋謂此有三法餘二緣異例非是同

一人非

謂對人懺悔體非佛教也

釋此法乃正身誠意獨秉無人若具儀向

他則乖制體非佛所教故名非

二法非

謂但心念而口不言雖言而非明了或增

減錯忘

釋但心念者發心念境口自傳情非謂不

言以辦前事雖言制唯一說便止若音不

明了或增三減句錯忘犯緣皆名法非

三事非

由事緣故悞犯則輕重或境通衆多未了

前相

釋由事緣故悞者謂作事隨緣造業在心

如有心故為犯則成重失意悞作犯則成

輕若以輕為重將重作輕是名事非或境

通衆多者謂衆學百條事非一槩並須識

相以牒名八品隨生故犯不無必當詳詰

而露讖若不明了盡屬事非也

四人法非乃至第七具三非

顯相如上

若對首心念及衆法心念各具七非人通

別衆界緣兩處並須准例隨事曉知之

釋此二心念人通別衆衆有不別界緣兩

處處定身棲對首心念有七眾法心念有  
 四並須准上例非各隨事緣明曉方稱善  
 知作持堪尸律學 已上宣祖各取一法  
 類例於餘緬思羯磨弛廢已久雖云類例  
 恐未能徹今於後諸篇文中隨法立非誠

太瑣瑣為便初學閱者勿厭 勅三 第一集法

緣成篇竟

毘尼作持續釋卷第三

音義

神足力 即五神通也神名天心通名慧性天然之心徹照無礙故名神通乃

欲界中之五通一足不履地身能飛行二  
 知人心命三回眼千里四呼名即至謂呼  
 一切男女巨細衆生聞 **五明** 一聲明聲即  
 呼即至五石壁無礙建立之法悉皆明  
 了謂世間文章算數起之因謂世間種  
 二因明因即萬法生起之因謂世間種  
 種言論及圖書印重地水火風萬法之因  
 悉皆明了醫方明醫方即醫治之方  
 謂世間種種病乃至神鬼咒詛皆悉明  
 其因通達對治四工巧明工即工業巧

即巧妙謂世間文詞讚詠乃至營造城邑  
 農田商賈種種音樂卜筮天文地理一切  
 工巧等業悉皆明了五內明即佛法  
 內教謂持戒治破戒禪定治散亂智慧治  
 愚癡乃至善修種種淨和正 **摩得勒**  
 生死涅槃對治之法悉皆明了 **加**  
 此云 **練** 此同 **練** 也 **五蓋** 蓋即蓋覆義一貪  
 無厭口貪希須樂慕為欲謂諸衆生貪愛  
 世間男女色聲香味觸法及財寶等物無  
 有厭足 二瞋 瞋惡益瞋惡者即忿怒之心  
 謂諸衆生或於違境上或追憶他人惱  
 我及惱我親而生忿怒 三睡 睡蓋睡眠  
 者意識惛熱曰睡五情閉冥曰眠 四掉 掉  
 悔蓋掉悔者掉動也身無故遊行為掉掉  
 已思唯心中憂惱為悔 五疑 疑蓋疑者猶  
 疎不決之義即疑惑也無明暗鈍不別真  
 偽猶惑之心常無決斷諸衆生由此五蓋  
 等惑蓋覆心識而於正道不能明了禪定  
 善法不能發生沉滯三界不得出離故名  
 為 **末法五百年** 勅三 謂末法萬年之初五百年  
 修無證亦有解脫禪定持戒多聞布施者  
 佛知其法漸衰故說此次第也 第一 一百  
 年 第二 一百堅固持戒 第三 一百堅  
 固持戒 第四 一百堅固持戒 第五 一百  
 堅固持戒 第六 一百堅固持戒 第七 一百  
 堅固持戒 第八 一百堅固持戒 第九 一百  
 堅固持戒 第十 一百堅固持戒 第十一 一百  
 堅固持戒 第十二 一百堅固持戒 第十三 一百  
 堅固持戒 第十四 一百堅固持戒 第十五 一百  
 堅固持戒 第十六 一百堅固持戒 第十七 一百  
 堅固持戒 第十八 一百堅固持戒 第十九 一百  
 堅固持戒 第二十 一百堅固持戒 第二十一 一百  
 堅固持戒 第二十二 一百堅固持戒 第二十三 一百  
 堅固持戒 第二十四 一百堅固持戒 第二十五 一百  
 堅固持戒 第二十六 一百堅固持戒 第二十七 一百  
 堅固持戒 第二十八 一百堅固持戒 第二十九 一百  
 堅固持戒 第三十 一百堅固持戒 第三十一 一百  
 堅固持戒 第三十二 一百堅固持戒 第三十三 一百  
 堅固持戒 第三十四 一百堅固持戒 第三十五 一百  
 堅固持戒 第三十六 一百堅固持戒 第三十七 一百  
 堅固持戒 第三十八 一百堅固持戒 第三十九 一百  
 堅固持戒 第四十 一百堅固持戒 第四十一 一百  
 堅固持戒 第四十二 一百堅固持戒 第四十三 一百  
 堅固持戒 第四十四 一百堅固持戒 第四十五 一百  
 堅固持戒 第四十六 一百堅固持戒 第四十七 一百  
 堅固持戒 第四十八 一百堅固持戒 第四十九 一百  
 堅固持戒 第五十 一百堅固持戒 第五十一 一百  
 堅固持戒 第五十二 一百堅固持戒 第五十三 一百  
 堅固持戒 第五十四 一百堅固持戒 第五十五 一百  
 堅固持戒 第五十六 一百堅固持戒 第五十七 一百  
 堅固持戒 第五十八 一百堅固持戒 第五十九 一百  
 堅固持戒 第六十 一百堅固持戒 第六十一 一百  
 堅固持戒 第六十二 一百堅固持戒 第六十三 一百  
 堅固持戒 第六十四 一百堅固持戒 第六十五 一百  
 堅固持戒 第六十六 一百堅固持戒 第六十七 一百  
 堅固持戒 第六十八 一百堅固持戒 第六十九 一百  
 堅固持戒 第七十 一百堅固持戒 第七十一 一百  
 堅固持戒 第七十二 一百堅固持戒 第七十三 一百  
 堅固持戒 第七十四 一百堅固持戒 第七十五 一百  
 堅固持戒 第七十六 一百堅固持戒 第七十七 一百  
 堅固持戒 第七十八 一百堅固持戒 第七十九 一百  
 堅固持戒 第八十 一百堅固持戒 第八十一 一百  
 堅固持戒 第八十二 一百堅固持戒 第八十三 一百  
 堅固持戒 第八十四 一百堅固持戒 第八十五 一百  
 堅固持戒 第八十六 一百堅固持戒 第八十七 一百  
 堅固持戒 第八十八 一百堅固持戒 第八十九 一百  
 堅固持戒 第九十 一百堅固持戒 第九十一 一百  
 堅固持戒 第九十二 一百堅固持戒 第九十三 一百  
 堅固持戒 第九十四 一百堅固持戒 第九十五 一百  
 堅固持戒 第九十六 一百堅固持戒 第九十七 一百  
 堅固持戒 第九十八 一百堅固持戒 第九十九 一百  
 堅固持戒 第一百 一百堅固持戒

性習慣如自然 **瑣瑣** 也 **尸** 也 **趣爾** 音

也 癸 疾

第一五九册 墨無德部四分律刪補隨檢殘唐

一五·一六四六

七三三

龍 藏

曇無德部四分律刪補隨機羯磨卷第四 勅四

唐京兆崇義寺沙門道宣 撰集

清金陵華山後學比丘讀體 續釋

○諸界結解篇第二之一

**釋**於首篇中前舉綱領畧明緣集後辯緣成壞廣引教相是非既彰理應作辦律云若作羯磨必先結界故第二篇復明諸界結解俾作法有依而界言諸者文中詳列十二種結法十一解法故

界別有三攝僧界攝人以同處令無別眾罪

**釋**此明結界之宗意也初句總標向下分釋第一攝僧界者初始登壇羯磨成就即名得處所比丘謂得與僧同一界住同誦戒羯磨也若不結界以收攝之則西竺五

天沙門難共東土九州比丘焉同故制結界集僧界外不攝故別眾罪者若同一界違和不集得越毘尼罪若一界內別作羯磨誦戒得偷蘭遮罪是破僧方便故

攝衣界攝衣以屬人令無離宿罪

**釋**第二攝衣界者佛言比丘護衣如已皮護鉢如眼目三衣一鉢恒隨其身猶鳥二翼飛往無礙故制攝衣界為令人住衣隨不得離宿若三衣中離一一衣以捨墮罪治若離鉢以突吉羅罪治

攝食界攝食以障僧令無宿煮罪宗意如此

**釋**第三攝食界者食乃資生飲食是助道要緣即二五食等並羹粥之類律制比丘不得界內共殘食宿及自燒煮後因病緣

聖愍開聽於僧界中別結淨地令看病人並病者共宿煮若無病比丘共宿煮者犯波逸提罪故云障僧然審結界宗意大約如此

○僧界結解法第一

有三種僧界一者大界二者戒場三者小界今就大界內又有三種謂人法二同法食二同法同食別初准本制後隨緣別開

○結初大界法

時四方僧集會疲極佛言聽隨所住處結界應盡集不得受欲是中舊住比丘應唱大界四方相若有山樹林池城塹村舍隨有稱之應須義設方法如前僧法中具七緣已一比丘告僧云

**釋**此引說戒捷度明其本制之緣也時佛

初四

二

在鷲嶺山中聽諸比丘詣羅閱城說戒在

諸方聞者來集疲極諸比丘白佛佛言自

今已去聽隨所住處若村若城邑境說戒

聽白二羯磨結界當唱四方相因是發起

文云應須義設方法如前僧法中具七緣

者謂初篇僧法稱量前事等十緣中除法

起託處僧集約界及說欲也由始結大界

無處可託無界可約既無界限故不說欲

所以凡初結界除其二四七唯具七緣也

文云一比丘告僧者此處儀式不顯作法

失次今准根本部百一羯磨加儀彼云結

大界法舊住苾芻先共觀大界四方相既

知相已鳴捷槌作前方便衆皆盡集舊苾

芻稱大界四方標相衆知相已令一苾芻

作白羯磨文故今採效若依城邑村落境

內僧伽藍住欲行僧法創結大界者隨此  
 境內比丘若干應須往約結期先共觀其  
 標相各須明記無忘俾臨時聞唱告之聲  
 心中憶想標相隨現至期鳴槌盡集不得  
 不來受欲若有沙彌及淨人等應遣離見  
 不聞處眾中能唱大界四方相一舊住比  
 丘出眾向上座作禮一拜告白云

大德僧聽我舊住比丘為僧唱四方大界相

此句立白已轉身至東南面向大眾云從東南角某處標大眾俱遣  
方轉面向彼方憶想標相儼然在前下皆至  
准此唱者轉身至西南立面向大眾云

西南角某處標轉身至西北從此至西北角

某處標唱已至西北從此至東北角某處標

唱已至東北立從此還至東南角某處標唱已

至東南立合此是大界外相一周訖第二第  
掌向大眾云三亦如

唱是

**釋**唱者三訖向上座一拜仍復本位立下  
 皆准此然唱相但言隅者易就地故若唱  
 正方難取便故善見律中明五種界相一  
 方二圓三鼓形四半月五三角蓋謂此也  
 必有屈曲隨事稱之並須別指分齊尺寸  
 處所由不知制限結既不成羯磨虛設受  
 戒等法俱是空作故須如上分明唱相三  
 遍已佛言眾中應差羯磨人若上座若次  
 座若誦律堪能作羯磨者問答已如是白  
**釋**凡秉羯磨必聽僧差若非量宜委任不  
 得眾中秉宣上座者謂上更無人故名僧  
 中上座母論云從無夏至九夏是下座自  
 十夏至十九夏各中座自二十夏至四十  
 夏各上座事鈔以十夏為上座五夏為次  
 座由隨時壽故誦律者謂廣誦二部毘尼

堪能者謂精微作持也無論座之上下但

堪能者應差羯磨受差人作前方便問已

一知僧事比丘合掌答云結大界羯磨羯

磨者出眾立前合掌作白

下儀皆准此

大德僧聽此住處比丘唱四方大界相若僧

時到僧忍聽僧今於此四方相內結大界同

一住處同一說戒白如是

大德僧聽此住處比丘唱四方大界相僧今

於此四方相內結大界同一說戒

誰諸長老忍僧今於此四方相內結大界同

一住處同一說戒者默然誰不忍者說

至此少停

待僧稱量凡乘羯磨皆准此僧已忍於此四方相內同一

住處同一說戒結大界竟僧忍默然故是事

如是持

**釋**此一羯磨為僧居一切法事所託故作

勅

五

是屬公也

**非**一人非遙想與欲集離見聞餘眾不遣

犯者秉法 二法非方唱四正前無問答

秉白錯遺言句不明 三事非標相非恒

眾不先觀 四人法非五人事非六法事

非七具三非准三例四互合可知

○解大界法

時詣比丘意欲廣作者狹作者佛言欲改

作者先解前界然後廣狹作從意當如是

解

**釋**當如是解者謂鳴槌集眾差羯磨人作

前方便答云解界羯磨堪能羯磨者儀准

上作如是白

大德僧聽此住處比丘同一住處同一說戒

若僧時到僧忍聽解界白如是

大德僧聽此住處比丘同一住處同一說戒今解界誰諸長老忍僧同一住處同一說戒解界者默然誰不忍者說僧已忍聽同一住處同一說戒解界竟僧忍默然故是事如是持

此一羯磨通解有戒場大界者由文無偏局故得

非一人非反和集少現前呵人餘足滿數異僧不遣 二法非不問集和解結雙答白秉互錯說不明了 三事非緣無舒縮棄處任解 四人法非乃至七具三非准上合顯

○結同法利界法

爾時有二住處別說戒別利養欲得共說戒同利養佛言聽各自解界應盡集一處

勅四

六

不得受欲當唱方相結之結文與前畧同唯有僧於此彼二處結大界同說戒利養異

續此但引制緣畧明結義今依說戒捷度續入免致類取各解本界白二羯磨法如

上若結界者佛言應唱界方相如東方若

有阿蘭若樹下空處山谷巖窟塚間河側

荆棘渠池村舍等隨有稱之餘方亦爾此

法唱相但堪能者不論彼此仍准根本部

應二界中同住之僧先約共觀彼此所立

標相各各明了齊畔至期鳴槌二界比丘

盡集一處無受欲法一能唱相舊比丘出

衆禮儀並唱相旋轉皆如上合掌告僧云

大德僧聽我<sup>某甲</sup>比丘為僧唱法利二同四

方大界相從東南角<sup>某</sup>處標至西南角<sup>某</sup>處



標從此至西北角某處標從此至東北角某

處標從此還至東南角某處標此是法利二

同大界外相一周訖二三亦如是說

堪能羯磨者作前方便知僧事者答云結

法利二同界羯磨羯磨者具儀作如是白

大德僧聽如所說界相若僧時到僧忍聽於

此處彼處結同一利養同一說戒白如是

大德僧聽如所說界相今僧於此處彼處結

同一說戒同一利養誰諸長老忍僧於此處

彼處結同一說戒同一利養結界者默然誰

不忍者說僧已忍於此處彼處同一說戒同

一利養結界竟僧忍默然故是事如是持

**釋**此結二同界羯磨為法事作是屬公也

**非**一人非二僧欠集受欲乖體犯者為眾

秉宣異僧故容視聽 二法非答辦相錯

白唱增減文溢脫遺不周言音含吐未明

三事非八隅唱相標非恒久 四人法

非乃至七具三非取上聯絡合具為四

○結同法別利界法

爾時有二住處別說戒別利養欲同說戒

別利養佛言當各解通結文畧同前

**續**此畧引開緣無法今依說戒捷度續入

欲同說戒謂自界眾中少誦毘尼者難於

布薩欲共他界半月集聽漸學精通捷度

中佛言聽彼此各解界然後結白二羯磨

解法如上若結應集一處不得受欲當唱

方相若阿蘭若乃至村舍隨有稱之眾中

應差堪能羯磨者秉法今准義加儀應先

共約往觀二界方相明了至結期鳴槌集

二界僧眾中一舊住能唱相比丘如前唱

相三周已羯磨者作前方便答云結法同

利別大界羯磨秉法者作如是白

大德僧聽如所說界方相若僧時到僧忍聽

於此彼處結同一說戒別利養白如是

大德僧聽如所說界方相今僧於此彼處結

同一說戒別利養誰諸長老忍僧於此彼四

方相內結同一說戒別利養者默然誰不忍

者說僧已忍於此彼四方相內結同一說戒

別利養竟僧忍默然故是事如是持

釋此一羯磨二界通結成一為法事故作皆屬公也

**非**准義立非七皆如上

○結法別利同界法

又有二住處欲別說戒同利養為守護住

處故佛言聽之此四方僧物和合

續此法今依說戒捷度續入本律緣未詳

今引根本部云因時世饑饉處處比丘皆

集王舍城所住僧房俱空無人守護諸比

丘欲得別說戒同利養為守護僧房故佛

聽此是四方僧物應和合各解本界已白

二羯磨結之所言四方僧物者謂四方僧

所住之房應同四方僧利均以守護也解

法如上若結者准律無唱相不遮受欲雖

解二共結莫過和合集僧通白利均之故

應鳴槌集二界僧會一處羯磨者作前方

便答云結法別利同大界羯磨羯磨者如  
勅是白

大德僧聽若僧時到僧忍聽於此彼住處結

別說戒同一利養為欲守護住處故白如是

大德僧聽今僧於此彼住處結別說戒同一

利養爲守護住處故誰諸長老忍僧於此彼住處結別說戒同一利養爲守護住處故者默然誰不忍者說僧已忍於此彼住處結別說戒同一利養爲守護住處故竟僧忍默然故是事如是持

**釋**此一羯磨爲守護物事故作是屬公也

**非**一人非身心不集現前呵人離見聞等

二法非效餘唱方秉白錯忘說不明了

等 三事非彼此界畔互亂標相不顯

四人法非乃至七具三非貫前成後

○結戒場法

時諸比丘有須四人衆羯磨事起五比丘衆十人衆二十人衆羯磨事起是中大眾集會疲極佛言聽結戒場稱四方界相若安椽若石若標畔作齊限已毘尼母云必

以大界圍繞五分等律須在大界前結

**釋**此法本部譯文遺畧不明結之何所大界並此孰爲前後故引律論以明場處在內結之於前也場者除地爲場於中受戒故曰戒場後因樓至比丘請佛立壇受戒佛聽建壇於場自後通導所以受具謂曰登壇也

若欲作者先安三重標相內裏一重名戒場外相中間一重名大界內相最外一重名大界外相立三相已盡自然界內僧集在戒場標內先令一比丘唱戒場外相作如是言

**釋**應集當處僧已先觀三相明了並在戒場相內不得出標畔外衆中令一如法舊比丘唱戒場相其出衆具儀唱相立旋並

准上合掌作如是唱言

大德僧聽我此住處比丘為僧稱四方小界

相從此住處東南角某標至西南角某標從

此北迴至西北角某標從此東迴至東北角

某標從此南迴還至東南角某標此是戒場

外相一周訖如是三說

若有曲斜隨事稱之羯磨者如上應知已

白言

釋如上應知者謂准唱秉白先作前方便

答云結界羯磨不必分別戒場大界唯此

總答由後結有戒場大界亦通此故作白

云

大德僧聽此住處比丘稱四方小界相若僧

時到僧忍聽僧今於此四方小界相內結作

戒場白如是

勅

十一

大德僧聽此住處比丘稱四方小界相僧今

於此四方小界相內結戒場誰諸長老忍僧

於此四方相內結戒場者默然誰不忍者說

僧已忍於此四方相內結戒場竟僧忍默然

故是事如是持

結已榜示顯處令後來者知諸界分齊餘

條准此也

釋此謂結已應書榜示明三相方隅二界

內外令後來住此者知於同中取別而云

顯處謂不可示之屏處也 此一羯磨發

起如上大界是屬公也

非一人非集立二重標內傳心應法不臨

餘人不簡犯重足僧 二法非不先唱相

唱錯方隅多白二三羯磨增減 三事非

標相交互中不顯通 四人法非乃至七

具三非取單合具後四了然

○解戒場法

律無正文准諸解界翻結即得今亦列出  
理通文順應作是言

釋意謂結由緣故開後有緣必解所以例  
之備用也羯磨者應作前方便答云解戒  
場羯磨應作是言

大德僧聽僧今集此住處解戒場若僧時到  
僧忍聽解戒場白如是

大德僧聽僧今集此住處解戒場誰諸長老  
忍僧集此住處解戒場者默然誰不忍者說  
僧已忍僧集解戒場竟僧忍默然故是事如  
是持

非此中非相准前解界無異

○結有戒場大界法

抄四

十二

佛言不得合河水結除常有船橋梁又不

得二界相接應留中間從戒場外相東南

角標外二尺許其標者此約當時有者言

之不必誦文若欲唱相應將四五比丘出

戒場外盡標相內集僧然後唱二重標相

也五分云不唱方相結戒不成律文少畧

應如是唱相也

釋准根本部佛言結大界者得齊兩踰膳

那半淨律師云踰膳那無正翻義當東夏

一驛可三十餘里舊云由旬者譌畧爾本

律中因諸比丘隔河水結同法大界時暴

雨河水大漲不得往集布薩佛言不得合

河水結除常有船橋濟渡許結根本律云

橋梁若破齊七日不作捨心我當料理此  
橋不失界若不爾者其界便失又時諸比

丘相接而結故制不得二界相接當作標式又時有結界共相錯涉故制應留中間從戒場外相東南角標二尺許至大界內相東南角標止餘方亦爾而云某標者不必依文誦句此約當時有者隨事唱之此

勅四

先引開遮分別成壞文云欲唱相者此句義攝上結戒場法謂先結戒場三重標相已立白二僧忍結戒場竟今欲結大界唱內外相者不須更作前方便眾僧仍集戒場相內不得四散而立諦聽唱大界內外二重標相若往來有路通標相者僧中方便差四五比丘出戒場外於標相路口守之倘有比丘來者令暫停待作法畢入恐羯磨不和事無成濟故云盡標相內集僧然後唱二重標相也復引五分律者為證

明唱相必不可無亦不可紊此唱相比丘即前唱者律本文畧准義加儀如是合掌

唱言 此中唱相與前小異故復釋之

大德僧聽我比丘為僧唱四方大界內外相先唱內相 此句立唱已轉身至內相東南角 標從此西迴至西南角 某標

餘比丘隨方面轉下皆准此 從此北迴至西北角 某標 標從此西迴至西南角 某標

北角 某標 標從此東迴至東北角 某標

標 至東北背方 從此南迴還至東南角 某標

標 至東南背方 次唱外相 唱已轉身背內相面內立云 從此南迴還至東南角 某標

此住處東南角 某標 處標西迴至西南角 某標 處

標 唱此外相時諸比丘各應憶想先所觀相身雖未到於彼其標相如對目前唱者至西南背內面 從此北迴至西北角 某標 處標 至西南背內面

北背內面 從此東迴至東北角 某標 處標 至東北背內面

外相立云 從此南迴還至東南角 某標 處標 至東南背內面

內面立云 從此南迴還至東南角 某標 處標 至東南背內面

面向眾立云 彼為內相此為外相此是大界內外相一周訖

如是三唱已僧中加羯磨其文如初結大界法無異故不出之

**釋**此一羯磨為一切僧事故作與夫顯非並同上戒場是屬公也

○結三小界法

**釋**此三小界結法彼時行律者彷彿未明自謂如法故宣祖顯正辯譎以示將來文中先引開緣次明界體後出非相

此三小界並為難事故與律云不同意者未出界聽在界外疾一處集結小界受戒又言若布薩日於無村曠野中行眾僧不得和合者隨同師善友下道各集一處結小界說戒又言若自恣日於非村阿蘭若

道路行若不得和合者隨同師親友移異處結小界自恣故知非難無緣輒結類諸難開若違制犯

**釋**此文先引開緣也謂如結受戒小界者是就作法大界中開允如結說戒自恣二小界者是就道行自然界中開聽據律所明若非大界內之難緣有碍無途道中之行伴不和設有師心立法比類開緣執以為是輒結如是小界者此則違佛制意干犯禁章故今引律為證須善攻持

又皆無外相即身所坐處以為界體故受戒中云此僧一處集結小界說戒中云今爾許比丘集結小界自恣中云諸比丘坐處已滿齊如是比丘坐處僧於中結小界等故知俱無外相為遮呵人即小界受戒

法云界外呵不成呵也此文釋無外相明矣

釋此明界體也謂結三小界即以當時若干比丘行立坐處為體不假標相表顯內外分齊縱有不同意人來呵遮羯磨彼在界外呵不成呵此准律文釋成無外相明矣

今有立界相房院於中結者羯磨不成以大界立相不唱非法小界無相若立非法故大界別人唱相羯磨文中牒之小界既無唱法羯磨自顯標相故重委明示庶無疑濫脫隨而結則成多犯一非是開緣二輒立相三處畱久固文云不應不解而去等四妄通餘法即非制而制其羯磨文如常云

釋此出非相也有立界相房院於中結者非云結戒場建壇垂永遺範此謂結三小界立相存房故所羯磨不成何也以大界立標相不唱白者非法其結小界無相若立相唱非法故爾結大界別令一人唱相秉白羯磨文中牒云此住處比丘唱四方界相小界既無唱相之軌羯磨自顯標相如後三法所云者是故重委明示庶無疑濫此二句乃結誡之詞謂羯磨功能成濟殊勝片乖佛旨無益反損是故重重引證委曲詳明則示之極矣幸無復疑仍濫正制若輕易隨心而任結者則成多犯故出四過文云不應不解而去等等者謂小三界俱有解法其羯磨文如常云者此句唯示大畧羯磨如常白二未明全法故今續

物四

十六



以備用

○結受戒小界法並解

續此二法准白二綱目今依受戒捷度續

入如開緣須約十同意清淨比丘若邊國期五人

將欲受戒人出界外安離聞所眾僧速至

一處結小界作前方便答云結小界受戒

羯磨作如是白言

大德僧聽此僧集一處結小界若僧時到僧

忍聽結小界白如是

大德僧聽此僧集一處結小界誰諸長老忍

僧集結小界者默然誰不忍者說僧已忍僧

集結小界竟僧忍默然故是事如是持

此一羯磨為人故作是屬私也

非一人非師僧不足受干難遮 二法非

秉白錯脫 三事非無緣不解 後四准

初四

十此

知

○解受戒小界法

作辦已竟隨即應解更作方便答云解界

羯磨雖眾未散以結解不同其文改結為

解餘詞不異下解二小界准例可知

○結說戒小界法並解

續此二法准白二綱目今依說戒捷度續

入開緣如上文應作前方便答云結小界

說戒羯磨如是白云

大德僧聽今有爾許比丘集若僧時到僧忍

聽結小界白如是

大德僧聽爾許比丘集結小界誰諸長老忍

爾許比丘集結小界者默然誰不忍者說僧

已忍爾許比丘集結小界竟僧忍默然故是

事如是持

此一羯磨為法故作是屬公也

○非人非謂不和糴集等 餘壞同上

若解此界者更文秉法准上

○結自恣小界法並解

〔續〕此二法准白二綱目今依自恣捷度續

入開緣亦如文說應作前方便答云結小

界自恣羯磨作如是白

大德僧聽諸比丘坐處已滿齊如是比丘坐

處若僧時到僧忍聽僧於此坐處結小界白

如是

大德僧聽諸比丘坐處已滿僧今於此坐處

結小界誰諸長老忍僧於此坐處結小界者

默然誰不忍者說僧已忍於此坐處結小界

竟僧忍默然故是事如是持

〔釋〕此一羯磨為法故作是屬公也 其中

勅四

十八

顯非同上

○結說戒堂法並解

〔續〕此二法准白二綱目今依說戒捷度續

入

律本云佛聽諸比丘一處說戒或在山中

相待或在林中或在塚間或在大堂食堂

經行堂河邊乃至軟草處相待而眾疲倦

以此白佛佛言若大堂若閣上若經行堂

乃至草處當稱處所名聽白二羯磨眾中

差堪能者秉法應作前方便答云結說戒

堂羯磨羯磨人作如是白言

大德僧聽若僧時到僧忍聽在<sub>某</sub>處作說戒

堂白如是

大德僧聽今眾僧在<sub>某</sub>處作說戒堂誰諸長

老忍僧在<sub>某</sub>處作說戒堂者默然誰不忍者

說僧已忍聽在某處作說戒堂竟僧忍默然  
故是事如是持

**釋**此一羯磨為法故作是屬公也 其中  
顯非同上

○解說戒堂法

**續**時諸比丘於耆闍崛山中先結說戒堂十九  
後欲在迦蘭陀竹園結以此因緣白佛故  
聽解前更結白二羯磨眾中應差堪能者  
作前方便答云解戒堂羯磨問答已如是  
白

大德僧聽若僧時到僧忍聽解某處說戒堂  
白如是

大德僧聽今解某處說戒堂誰諸長老忍僧  
解某處說戒堂者默然誰不忍者說僧已忍  
聽解某處說戒堂竟僧忍默然故是事如是

持

**釋**揀過出非七皆准前  
又據律云時有住處布薩日眾集而說戒  
堂小不相容受諸比丘具白世尊佛言僧  
得自在若結不結得說戒

**釋**此謂在作法界內不須更結綱目所列  
為不遺僧法故今亦續法為知其開聽故

○結解衣界法第二

有三種僧伽藍若大界共伽藍等或界小  
於伽藍並不須結若界大於伽藍者依法  
結之則隨界攝衣也

**釋**此謂僧伽藍或大或小建造於先已定  
倘日後結界限齊不等故有三異若隨伽  
藍基址立標結界者是名界共伽藍等若  
一大寺內有多小菴人各異居者各隨住

基立標結界是名界小於伽藍此二並不須結若伽藍之外寬博無碍或有相隣靜室及俗家村落任結於界內者隨其遠近立標通結是名界大於伽藍當依法結之則隨界攝衣也

然有羯磨立無村結者若准律文先結衣界村內攝衣後因事起方乃除村今通立一法不問有村無村法爾須除

**釋**上明伽藍有三此引律證以定法式也  
有羯磨立無村結者乃曹魏曇諦律師所集羯磨云若有村須除村若無村不須唱除村村外界若准律文先結衣界村內攝衣後因事起方乃除村本律云聽諸比丘先結不攝衣界村內攝衣後因比丘脫衣置白衣舍著脫衣時形露招譏以此白佛

如四

二十

佛言自今已去聽諸比丘結不失衣界除村村外界白二羯磨故今通會諸部立定一法不問結時有村無村法爾須除法爾者謂理自然也  
薩婆多論正立此義以有村來五意故除

**釋**此引論證明所立之法不無據也五意者一聚落散亂不定衣界是定二為除譏謗故三謂除鬪諍故四為護梵行故五為除嫌疑故下文准論詳示有村故除之制意

若先無村勅四作法結已淨人住處外村來入隨所及處皆非衣界

**釋**此明先無後有之義也謂僧結界已後有白衣發心願為大眾執勞入界依棲初起房舍隨彼住居所及之處皆非比丘衣

三十一

界攝故此義准論文云王來入界內施帳圍住近左右作食處盡非衣界

若本村還出衣界仍攝

**釋**此明先有後無之義也准論文云若本有聚落結衣界已移出界去即此空地名不離衣界

若先有村在非攝村去地空衣界還滿

**釋**此明先有後增減之義也上句准論文云若先結衣界有聚落本小後轉大隨聚落所及處盡非衣界下句准論文云若聚落先大結界已聚落轉小隨有空地盡是衣界

由村去來非結解故五分律中咸有斯意

**釋**此結上論義也謂村落之有無大小由村來去增減不定非結已復解解而復結

衣界是定故未引五分律者五分羯磨是唐開業寺愛同律師所錄彼文云四分十誦並悉除村今不除者宗旨有殊故此則從不除而反證有除結之制既云宗旨各殊今立除村村外復何疑哉

### ○結攝衣界法

時有厭離比丘見阿蘭若處有一好窟自念言我若得離衣宿者可即依此窟住佛言聽結不失衣除駛流水

**釋**此先明制緣也厭離者謂觀五蘊無我身世非常樂是苦因厭離不着遠家獨棲攝心坐禪以期正定乃頭陀行者窟謂巖石之孔穴也窟言好者准律云起不礙頭坐趣容膝亦足障水雨方可於中坐如是窟者佛聽結不失衣界然此攝衣界方相

即准大界外相更無增減根本部結衣界  
 文云若僧伽時至聽者僧伽今於此大界  
 上結作苾芻不失衣界與本律云此處同  
 一住處同一說戒無異但彼顯此順文故  
 駛流者謂疾流也律中有隔駛流河水外  
 結不失衣界時比丘往取衣為水所漂佛  
 知故不聽隔流水結除常有橋也結時集  
 眾羯磨人作前方便答云結不失衣界羯  
 磨若與大界同時結者准前問答不須更  
 作方便羯磨人如是白云

大德僧聽此處同一住處同一說戒若僧時  
 到僧忍聽結不失衣界除村村外界白如是  
 大德僧聽此處同一住處同一說戒僧今結  
 不失衣界除村村外界誰諸長老忍僧於此  
 處同一住處同一說戒結不失衣界除村村

勅四

三五

外界者默然誰不忍者說僧已忍此處同一  
 住處同一說戒結不失衣界除村村外界竟  
 僧忍默然故是事如是持

結已准上勝示顯處

釋此一羯磨雖攝衣為事衣不離人准義  
 應為人事故作是屬公也

非七非唯異事非謂別立標相駛流在中

○解攝衣界法

佛言應先解不失衣界却解大界應作如  
 是解

釋初結時先戒場次大界後攝衣界若解  
 時先攝衣界次大界後戒場羯磨者應作  
 前方便答云解界羯磨應作如是白

大德僧聽此住處同一住處同一說戒若僧  
 時到僧忍聽僧今解不失衣界白如是

大德僧聽此住處同一住處同一說戒僧今  
解不失衣界誰諸長老忍僧同一住處同一  
說戒解不失衣界者默然誰不忍者說僧已  
忍同一住處同一說戒解不失衣界竟借忍  
默然故是事如是持

⑤此法非相唯異事非謂解同結次標相  
仍存餘非同前

### 毘尼作持續釋卷第四

#### 音義

九州 禹貢治水分九州也謂  
荊梁雍豫徐揚青兗冀 不和汁者

是羅閱城 即王舍 疲 勞力之 慳 去聲坑  
城也 倦也 塹 塹也又造

也 邑 凡有宗廟先君之主曰都 始造  
無曰邑古以四井為邑也 創 始也

訖 音吉 饑 餓不熱曰饑 楸 音搆也  
水泛也 輒 音攝 糧專 即木段 漲

溢也 輒 自是也

勅四

二十七

